

# 閩書

第三冊

福建人民出版社

「明」何喬遠 編撰



〔明〕何喬遠 編撰

廈門大學

古籍整理研究所  
歷史系古籍整理研究室

《閩書》校點組 校點

# 閩書

第三冊

福建人民出版社

(閩)新登字 01 號

MIN SHU

閩 書

(第三冊)

[明]何喬遠 編撰

\*

福建人民出版社出版發行

(福州得貴巷 59 號)

上海傑申電腦排版有限公司排版

福州七二二八分廠印刷

開本 850×1168 毫米 1/32 27.5 印張 4 插頁 653 千字

1994 年 10 月第 1 版

1994 年 10 月第 1 次印刷

印數:1—2000

ISBN 7—211—02337—6

K·175 定價:47 元

書中如有印裝質量問題,可直接向承印廠調換

## 第三冊目錄

|         |        |      |
|---------|--------|------|
| 卷之六十七   | 武軍志    | 一九四五 |
| 卷之六十八   | 武軍志    | 一九七一 |
| 卷之六十九   | 武軍志    | 二〇〇五 |
| 卷之七十    | 武軍志    | 二〇三三 |
| 卷之七十一   | 武軍志    | 二〇七一 |
| 卷之七十二   | 英舊志縉紳  |      |
| 福州府閩縣一  |        | 二一〇八 |
| 卷之七十三   | 英舊志縉紳  |      |
| 福州府閩縣二  |        | 二一四九 |
| 卷之七十四   | 英舊志縉紳  |      |
| 福州府閩縣三  |        | 二二七一 |
| 卷之七十五   | 福州府侯官縣 | 二二〇三 |
| 卷之七十六   | 英舊縣縉紳  |      |
| 福州府懷安故縣 | 古田縣    | 二二五一 |
|         | 閩清縣    |      |

|         |       |      |
|---------|-------|------|
| 卷之七十七   | 英舊志縉紳 |      |
| 福州府長樂縣  |       | 二二〇〇 |
| 卷之七十八   | 英舊志縉紳 |      |
| 福州府連江縣  | 羅源縣   | 二二四〇 |
|         | 永福縣   |      |
| 卷之七十九   | 英舊志縉紳 |      |
| 福州府福清縣一 |       | 二二八三 |
| 卷之八十    | 英舊志縉紳 |      |
| 福州府福清縣二 |       | 二四一五 |
| 卷之八十一   | 英舊志縉紳 |      |
| 泉州府晉江縣一 |       | 二四二八 |
| 卷之八十二   | 英舊志縉紳 |      |
| 泉州府晉江縣二 |       | 二四六六 |
| 卷之八十三   | 英舊志縉紳 |      |
| 泉州府晉江縣三 |       | 二四九二 |



卷之八十四 英舊志縉紳

泉州府晉江縣四……………二五一九

卷之八十五 英舊志縉紳

泉州府晉江縣五……………二五五一

卷之八十六 英舊志縉紳

泉州府晉江縣六……………二五七五

卷之八十七 英舊志縉紳

泉州府晉江縣七……………二五九六

卷之八十八 英舊志縉紳

泉州府南安縣……………二六二〇

卷之八十九 英舊志縉紳

泉州府惠安縣……………二六四九

卷之九十 英舊志縉紳

泉州府德化縣 安溪縣 同安縣一……………二六八七

卷之九十一 英舊志縉紳

泉州府同安縣二 永春縣……………二七二四

卷之九十二 英舊志縉紳

建寧府建安縣一……………二七六八

卷之九十三 英舊志縉紳

建寧府建安縣二……………二七九五



## 閩書卷之六十七

### 武軍志

宋

安撫司 福建路兵馬副總管一員，每路委文臣一員充安撫使以治民，武臣一人充都總管以治兵。本路止有副總管一員，以路分鈐轄爲之。後爲路分鈐轄。兵馬鈐轄一員，駐泊兵馬都監一員，掌本城屯駐兵甲訓練、差役之事。兵馬都監一員，掌本路禁旅、屯戍、邊防、訓練之政，以肅清所部。元豐後，福州、建州各立分都監一員。添設兵馬一員，東南路第十將、副各一員，元豐間，置福州駐劄。紹興間，移副將建州駐劄。准備將領一員，隊將二員，福州、建寧駐劄各一員。兵馬監押一員，押隊三員，福州、建寧、泉州駐劄各一員。訓練三員，泉州、南劍、興化駐劄各一員，於逐州軍見任都監內兼差。延祥寨水軍正統領一員，副統領一員，准備將領、提轄官、訓練官、指教官、錢糧官各二員，荻蘆寨水軍統領兼福州、興化軍都巡檢使一員，寨置連江。緝捕官一員，准備將領二員，漳、泉二州都巡檢使一員。寨置南安、潘山。

寄治官 殿前司左翼軍，出鎮本州，統制、統領。

兵馬副總管

馬秦

右紹興中任。

蕭鷗巴

右乾道中任。

兵馬鈐轄

燕度 度字唐卿，益都人。有心計，所至以善狀聞。嘉祐中知州。閩故多盜，度請假事權制攝一道，

遂加兵馬鈐轄。

魚澤 李貴 黃庠

潘樞 樞字德久，永嘉人。以閩門舍人授兵馬鈐轄。喜爲詩，下筆立成。有《博菴集》。

右紹興中任。

鄭興裔見武臣提刑。

右乾道中任。

兵馬都監

姜特立 特立字邦傑，麗水人。累遷兵馬都監。海賊姜大獠寇泉南，特立以一舟先進，擒之。帥臣

趙汝愚薦於朝，除閩門舍人。

右淳熙中任。

福建路鈐轄司置於漳州，以地近潮廣，蠻獠出沒故也。 兵馬鈐轄一員。以武翼、武功大夫或修武節郎充之。

兵馬鈐轄

張思孟 辛恩俱武翼大夫充。 張世賢武功大夫充。 郭欽修武郎充。 采處恭武功大夫充。 王炳武節大夫充。

右嘉定中任。

壽困武節大夫充。 辛恩以武功大夫再任。

右寶慶中任

毛楷之 繆震武德郎充。 張世雄武經郎充。

右端平中任。

徐森木武翼大夫充。

右嘉熙中任。

趙藻武翼大夫充。 施夢龍武節郎充。 林宋英修武郎充。 孫宗禮武翼大夫充。

右淳祐中任。

### 統制

陳敏 石城人。精騎射，有韜略，御士得懽心。□□初，（二）率家丁入閩討賊，兵帥薛弼擢爲漳泉巡檢。時草寇跳踉山谷不一，敏往來龍巖、漳浦、永春、德化間，勦蕩悉平。民德之，所至爲立祠。以功還本路統領、統制，歷江淮都統制。卒贈少師。

韓俊 開封人。沈鷺有謀。淳熙中，以上盜竊發，孝宗親擢，臨遣，諭以久任。在軍二十有四年，拊御訓齊，有古良將風。

統領

崔亮 熙州人。從高宗渡江。領兵戍漳州，以討寇戰沒。

殿前司附

胡斌 潮州人。紹定中，以殿前司將官戍邵武。江盜大至，郡無城堡，斌奮身迎敵，大呼曰：「我以死拯民！」兵盡矢竭，率殘卒巷戰，手揮雙刀，斃磴甚衆，血逮肘，雙刀折，易兩鐵鞭，至蓮塘前，賊橫刺之，兩鞭在手，屍立數日始仆。郡人賴其拒戰獲免。事聞，贈武節大夫，錄後一人。民即地立祠祀之。

皇朝

開疆使臣

胡深 字仲淵，龍泉人。與劉基、宋濂、葉琛相友善。悉通諸子百氏、天官地志、兵謀術數、醫藥卜筮之書。太祖初下婺州，深來歸，擢中書左司員外郎，與論事，常稱善。繼擢王府參軍總制處州等翼，使平閩浙，數禦陳友定入犯浙東，兵下其浦城、崇安、建陽三縣。太祖稱吳公之二年，使廣信衛指揮朱亮祖、鉛山、建昌、右丞王溥、蘇杉關與深會討友定閩中。友定將阮德柔守建寧，與亮祖進攻，視氛侵不利，未敢戰，亮祖數趣之，深不可，適德柔以兵四萬屯錦江，逼陣後，亮祖愈咎深緩戰，深還兵擊之，破其二寨，德柔悉銳圍深數重，日暮深率精騎突出，伏起馬蹶見執。友定得深，甚禮之，深爲具道天子仁聖相感動，會元使至，迫之殺，遂遇害。追封縉雲郡伯。

胡廷美 初名廷瑞，避御字，改今名。漢沔人。初事陳友諒，嘗爲友諒征閩。既內附，太祖稱吳王之元年，命爲征南將軍，率安吉、寧國、南昌、袁、贛、滁、和、無爲等衛軍，繇江西取福建，使江西左丞何文輝

爲副，湖廣參政戴德隨征，諭之曰：「聞汝往年嘗攻閩中，必深知其地理險易，今總大軍進征，凡攻圍城邑，必擇便利可否爲進退，無失機宜。」十一月，廷美以兵渡杉關，略光澤縣下之。十二月，至邵武，元守將李宗茂以城降，得將士五千四百餘人。至建陽，降其守將曹俊疇，命指揮沈友仁守之。洪武元年正月，太祖卽帝位，進秩功臣，廷美以榮祿大夫中書平章兼同知詹事院事。是月壬午，率師至建寧，元守將同僉達里麻、參政陳子琦，集僚佐謀曰：「聞大明軍驍勇不可當，自人杉關，諸鎮兵皆望風瓦解。今吾城中軍士不下萬餘，儲蓄尚富，可以拒守，不可與戰。彼攻吾城不克，必將自退，因而乘之，或可得志。」衆皆曰：「善。」繇是，備禦甚堅，廷美進士數與挑戰，達里麻固守不出，我師環四門攻之，壬辰克建寧。廷美督兵攻城益急，達里麻不能支，夜潛至文輝營納款，詰旦總管翟也先不花亦率衆請降。廷美整軍而入，申嚴號令，秋毫無犯，執陳子琦送京師，獲將士九千七百九十餘人、馬二百七十三匹、銀一萬六千三百兩、糧九萬八千六百四十石，命指揮費子賢領兵守之。二月，克興化，遣曹俊疇招諭汀州、興化、連城等縣。充汀州路守將陳國珍納款，泉州郡縣相繼降附。時湯和師已取福州，延平諸路，福建悉平。統兵守禦，後封臨川侯。

何文輝 滁人。年十三，太祖取養之，賜姓朱。其與胡廷美攻建寧時，元將達里麻、翟也先不花詣文輝送款，廷美怒二人不先詣己，遂欲屠城，文輝曰：「吾與公同受命拯湯火耳，以忿殺人可乎？」廷美乃止。

戴德 盱眙人。嘗侍太祖左右。太祖命胡廷美取福建，以德隨征，諭廷美曰：「德，故吾嚮，毋廢軍法。」德斤斤稟承，以有成功。後封譙郡伯。

湯和 字鼎臣，濠人。吳元年，以征南將軍討方國珍明州。國珍既降，遂命和從海南會胡廷美取福州。陳友定故環城外，築壘爲備，每五十步更築一臺，嚴兵守之，聞廷美師入杉關，乃留同僉賴正孫、副樞謝英輔、院判鄧益，以衆二萬守福州，自率精銳守延平，拒廷美。而和等舟師，自明州乘東北風，徑抵福州五虎門下，駐師南臺河口，遣人人城招諭，爲元平章曲出所殺，我師登岸，將圍城，曲出領衆出南門迎戰，指揮謝得成等擊敗之，衆潰入城拒守。是夜，參政袁仁密遣人納款。黎明，我師於臺上蟻附登城，遂開南門，和擁兵入。鄧益拒戰於水部門，擊殺之。正孫、英輔自西門出走延平，曲出、塔海木兒、拒者不花、左丞鄧住、中丞鐵木烈鬼等，皆懷印綬，挈妻子遁去。和人省署，撫輯軍民，遣袁仁暨員外余善，招諭興化、漳、泉諸路，其福寧等州縣之未附者，分兵徇略之。繼而諸州縣皆詣胡廷美、何文輝降。後封信國公。卒，追封東甌王，謚襄武。

沐英 字文英，定遠人，幼孤，謁太祖濠梁，仁孝皇后子之，賜姓朱。洪武元年，以廣信衛指揮使從湯和，克延平，擒陳友定。復自拔閩溪十八寨，縛其將馮谷保，於是漳、泉等州咸附，閩地悉定。詔復沐姓，調守建寧，節制邵武、延平、汀州三衛。是年，尤溪猖獗，官軍不利，英親率兵破之，巢穴爲空。三年，召還，士民攀號，不忍別去。後封信國公。卒，贈黔寧王，謚昭靖。

李文忠 字思本，少名保兒，盱眙人。父貞，娶高帝姊。高帝姊卒，保兒年十二，貞携見高帝軍中，賜姓朱，更今名。長，數征伐有功。洪武元年，命御史大夫湯和、平章胡廷美略定閩中，和繇海道進，廷美自江西入。帝更問御史中丞章溢以下閩事，溢對：「湯、胡二將，下閩必下，但彼中人素服李文忠威德，若命出師，併力舉之尤易。」帝遂遣往。文忠至，則和、廷美已下閩，特陳友定故將金子龍、馮國保負固不服，更



糾合清流、寧化散卒，寇將樂，守禦千戶宋國成以援兵不至，棄將樂遁，遂入殺知縣馮源、主簿蘇兼善，乘勝寇延平，頃之保谷爲沐英所擒，而子龍尚未下，文忠至，遂討平之，封曹國公。卒追封岐陽王，謚武靖。

朱亮祖 六安人。洪武元年，以浙江等處行中書省參知政事，從湯和、廖永安更人閩，討陳友定。後上廷論諸臣功，謂其不能贊助湯和，以致友定餘黨復叛，稍薄其賞，竟封永嘉侯。

吳禎 字幹臣，定遠人。從湯和入閩平陳友定，封靖海侯。卒，追封海國公，謚襄毅。

廖永安 巢縣人。與湯和帥師從海道入閩，略定閩中諸郡。兵至延平，降文殊、海牙，執陳友定，械繫送京師，閩地悉平。後封德慶侯。

周德興 濠州人。從太祖定天下有功，封江夏侯。洪武十二年，承制申飭福建軍務、沿海邊城。相風土，度形勢，修造創建，履綦裘帶，靡不涉歷。

#### 主餉使臣附

儲懋 字世績，丹陽人。正統中，福建用兵，懋以戶部侍郎來主餉，得便宜行事。懋至，諭有司毋急斂困民，令豪右出粟助軍。歷戶部尚書。

總兵建置見扞關。嘉靖以前爲暫遣，嘉靖以後爲駐鎮。

陳懋 字舜卿，壽州人。以父亨開國公，封寧陽伯。永樂七年，捕虜赤保連，卽軍中進侯。三從太宗北征。洪熙改元，進太保與世侯。正統十二年，充總兵，征福建反賊鄧茂七有功，加太保，掌中軍都督府事。景泰中，加太子太師。卒，追封濬國公，謚武靖。

梁珤 汝陽人。以保定伯充左副總兵。從陳懋征鄧茂七有功，陞保定侯。

陳豫 合肥人。故襲平江伯。正統十三年，充右副總兵，從陳懋統軍征勦福建叛寇，殺賊二十二次，斬首二千六百八十八顆，生擒五百五十七名解京，招撫人民有功。十四年，勦流賊首鄧茂七，班師，陞平江侯。追封黔國公，謚莊敏。

戚繼光 繼光字元敬，其先定遠人。父景通，以大寧都司掌印，人坐神機營，歸養母，人稱景通，孝廉將軍。始，孝廉將軍未子，魯橋故有異人，下帷通賓客，及孝廉將軍至，褰帷與人曰：「端人也，吾無隱爾。」魯橋異人衣褐衣，據橋木，自言：「八百歲矣。嘗爲將軍一省母病，言無恙也。」問之幾何子，曰：「猶未之知。明年某日朝會茅山，爲公察早晚。」至期往見，賀曰：「將軍有子也。」後十三年戊子歲十月閏朔，其時矣。此爲三朝虎臣，兄衛、霍而弟之也，老夫乞以爲弟子，名之曰長壽。後五年，當復舉其功名，亦差亞。」後十有三年，繼光果生。及期，其母夢神人衣絳衣降於庭，虎變躍榻內。是日，日華五色，孝廉將軍命之曰繼光。幼而好弄，多權奇。孝廉將軍從方士受大還，銅鼎烹汞，偶退火出丹室，命繼光主局。繼光進武火大烹，扃戶自若。既排戶人，大驚：「孺子冒不測而攫九龍，敗矣！」覆鼎出汞，皆成金。覆試之，百端不死。孝廉將軍貯硝樓中，戒毋上也，繼光私舉火爲戲，燄薰天，孝廉將軍厲詰之，弗應。跡之，則燃且燼，圍而燬人版者三寸，孝廉將軍灑然異之：「孺子得天侈矣！」年十餘，隆隼方頤，英氣勃勃。稍長，折節爲儒，以經術著。既冠，襲世官。亡何，孝廉將軍死，不能家。嘉靖庚戌，待試武闈，會虜犯京師，繼光上便宜言事。山東歲遭治兵使者部兵人戍，繼光任中軍以從，輯和衆心，一軍皆服，陞總督備倭都司。尋轉浙江都司僉事，補浙東參將，分部台州。浙中苦倭，繼光練義烏人爲兵以破賊，曰戚家新兵，所至破竹。嘉靖四十一年春，倭賊繇福建長樂、連江、福清南下，聚黨焚劫，新賊繼至，巡撫都御史游震得莫

之誰何。言官言倭毒聞且十歲，劫衆聚徒且十萬，財力竭矣，當事凜凜莫誰何，閩中故屬胡宗憲督撫請亟發督府兵，不然且不保。上如言官議，下宗憲。宗憲令繼光將新兵八千出浙，帑萬金予之，使副使王春澤監其軍。繼光引兵從閩道人福建，破倭橫嶼絕島中。再旬，入福清，大破之。牛田賊殊死走興化。啣枚趨之，夜四鼓抵賊營，連破其六十餘營，斬倭千餘級，餘多溺死者。平明，領兵還城，而興化人始知。其郡中士民具旗幟行酒郊勞。振旅會城，而汪道昆以兵備副使部福清，操壺漿迎謂曰：「將軍至此，不世之伐也。顧何不卽此大創倭？」繼光語道昆：「某此來非奉朝旨者，且餉則不足，公欲終完閩，可入浙見胡公，公與游公，雖於胡公同爲鄉舊，乃胡公重公重於游公，必得兵若餉。予眇然一夫，從公殉國矣。」繼光班師。道昆告震得曰：「戚家新兵無失也，願再奉詔旨入浙請援。」震得如其計。道昆行，新倭繼至，圍興化陷之矣。時興化衣冠巨族，繁侈相望，地新被倭，村落錢寸帛皆在城中，食玉薪桂兼之，疫瘴大行。士民晝夜乘鄣望救兵。兵備副使翁時器居城中，巽懦寡謀。震得遣總兵劉顯赴援，以兵少不進。遣一把總領兵三百往，賊盡扼之。居數日，顯又遣帳下兵八人齎文於時器，賊殺之帳下。兵衣上刺「天兵」二字，賊既殺八人，則衣其「天兵」衣，詐爲顯，約書縋城而上曰：「今夕且息鈴柝，將有所謀。」或疑其詐，請緬之，時器怒，不聽，罷鈴柝如約。夜未半，八人者斬關延賊，城中大亂，賊殺人狼藉，士大夫立斃鋒刃者數人，攝守者通判奚世亮亦爲亂兵所殺，時器與參將畢高遁去，賊焚公署，火民居旬餘，子女玉帛搜掠一空，親兵嚮導與之流連歡飲，駐城中者六十餘日，乃破平海，城居之，仍繫人索贖取船，無得脫者。事聞，上震怒，罷震得，并逮時器及高等，俱謫戍，乃用譚綸爲巡撫都御史，而以繼光爲總兵，鎮守福建。時宗憲已罷總督，繼者巡撫趙炳然見道昆至，慨然資遣，命繼光携萬兵兼程入閩。繼光直趨平海，部勒士卒，鷄鳴蓐

食，晨歷賊壘，衝之，倉卒大亂，刺真倭二千三百餘級，一時狐豕鏟洗無遺。轉而逐倭於仙游，立破之□城，（二）嘉靖四十二年也。先是，莆人夢月墜地，中一老人言曰：「我是天兵，放火殺人。滅王綱，破土成。歷午、未，至酉、申。牛、女界，號令明。重熙歲，見太平。」至是，人測之，「土成」，城也；「重」，繼也；「熙」，光也；「歲」，帥也。繼光自是用兵連破閩中。賊聞賊兵來，無不膝受刃。繼光與俞大猷同爲名將，學不如也，而威力過之。大猷或不能口夕拯水火，爲持重，而繼光如奔電迅雷，立見除掃矣。嘗以春月至崇武所城，民方下田，倭驟登岸，繼光出兵逆之，裨將請待兵稍集乃出擊，寬片餉耳，繼光曰：「春月農郊婦子在田，倭得殺良民一人，卽盡數斬之，何足贖失？必立往。」竟勝之。繼光以總兵鎮閩，乃其來時，方爲參將，閩人見繼光驟立功，第稱曰戚參將、戚參將云。繼光故以參將入閩，進副總兵，再論功最，進中軍署都督同知，充總兵。人薊，擁總理虛名，秩如故。神宗卽位，遣兵部右侍郎汪道昆閱薊，用修薊功，遞進左都督，加秩少保兼太子太保，階特進光祿大夫。繼光所得久鎮薊，以張居正善任之。居正沒，人併言繼光命移鎮廣東。踰年，疾作，得謝還，卒。戚將軍，名將也，起裨校，屢遷至大都督，佩兩印，跨制三道，大小數十百戰，所殺虜萬計，人言其善用寡已，又曰善用衆已，又曰善用敗已。則曰善用勝。人之言，曰：「縣官自急海事以來，悉天下力，厭之東南，大約越卒十不能易倭一，而戚將軍提千餘烏合之上，躡穴梟夷之，卽無論戚將軍用寡已。今諸邊大將，將不過二千人，勢不能他有所舉，獨戚將軍能將數萬人若一人，而肝膽之，卽無論戚將軍用衆已。戚將軍所遣卒，或不幸以敗告，戚將軍治兵益自如，自利瑕釁，誤敵使懈，卽陰鼓我氣驟鬪之，故戚將軍敗，往往爲勝端，卽無論戚將軍用敗已。他將見小勝則小溢，大勝則大溢，此自爲懈，其勝也，往往爲敗端。乃戚將軍治兵，益自如故，其勝也，又爲常勝端，卽無論戚將軍用勝

已。」戚將軍在浙有《紀効新書》，在薊門有《練兵實紀》，治兵者悉遵用。

右嘉靖中任。

李錫 俞大猷見泉州衛

右隆慶中任。

胡守仁 守仁字子安，浙江觀海衛人。起家世胄，領軍有功，歷官是任。歲乙亥，海寇林鳳糾黨勦掠，巢彭湖島殺人。守仁率把總王漢等剪除之。守仁，戚繼光麾下也，從繼光談兵，嘗記繼光所授爲《紀効新書》、《練兵實錄》。

王尚文 呼良朋見鎮東衛 王尚文再任。 于嵩

劉大勛 大勛，六安人。以安靜廉潔得士心。

朱先 先字後之，蘇州衛人。拔雋武闈，隸俞、戚部下，前後身經數十戰，官至總兵。倭報旁午，毅然請移駐鎮東，團練水陸，欲一舉而振之，竟不得行。性獨廉靖，秋毫無所犯。前帥，閩人，是爲父母之邦，凡體統儀節，自亞成規，先力欲仍其舊，共事者故抑之，遂拂衣去。去日，行李蕭然。家居，時時飲酒家，或遇其故部曲，輒與過酒家，快飲而別。

解節 王椿 朱文達 蘭臺 萬邦孚 施德政

右萬曆中任。

南澳副總兵

白翰紀 晏繼芳

侯繼高 繼高字繩武，盱眙人。世襲金山衛指揮同知，陞任。澳中祠宇城雉，皆其創建，舟師器械，製造一新。官後府都督僉事。

于嵩 劉大勛 白玉 解節

李應詔 應詔字待甫，南昌衛人。治經術有聲。爲人雍容嫺雅。在官簡易不苟，視戲下若屬類，嚴育而噢咻之。復振起諸生，以昌文運，鎮中七子列名庠序，始有其人。因請關防印記於朝，鎮總兵有關防，自應詔始也。

陳璘 璘字朝爵，翁源人。有才略，爲一時名將。歷粵、淮、薊、遼、保定、山東、中軍都督府都督僉事。萬曆中，有定桂酋楊應龍功。

汪弘器 見漳州衛。 朱正色 孟宗文 鄭維藩 黃崗

右萬曆中任。

北路

尹鳳 黎鵬舉 見漳州衛。 謝恩

王夢騏 夢騏，阮陵人。領兵守白鶴嶺。寧德陷，死之。

劉玠 玠字光大，世爲寧波衛指揮使。嘉靖三十五年，福清縣被倭，官兵屢挫，玠夜襲其巢，賊繇古田、寧德望海遁，玠卽提兵繇捷徑宵行，趨寧德縣石壁嶺，要賊逸路，比至嶺隘，倉卒布列，未備而賊已至，部曲散亂，僅家兵數人在側，顧懷印者曰：「爲我保此。吾死之矣。」卽挺身執鐵鉞格殺三賊，力盡無援，賊衆擁至，斃於賊刃，所揮鐵鉞尚堅執不墮。

張岳白尹鳳至此，俱參將。

羅章 王如龍見省城僉書

張元勳見南路

右嘉靖中任。

徐尚明 張奇峰

右隆慶中任。

林鳳至

方伯 伯以紹興衛指揮改本省都指揮，陞任。通書善醫。常操練軍士，悉以晨集，以便其日中爲生矣。

石珍 盧鼎臣 柯安甫 白斯清

傅良橋 良橋，撫州人。以武進士任。儒雅禮士，召衛士會文，自給其費。

王元璧 顧臬自羅章至此，俱守備。

王有麟見泉州弁輪。

朱一龍 張守貴見福州右衛。

王守魁自王麟至

此，俱參將。

右萬曆中任。

中路

胡守仁參將。見總兵。

楊文

右嘉靖中任。

朱珏 丁茂 于文煥 李璫見漳州衛李和下。

右隆慶中任。

鍾維岳 丁衍忠 仲世臣 孫繼爵 張秉忠 張嘉策自楊文至此，俱守備。 姜虎 顧鳳翔 石維磐

王元周 孫弘謨 紀元憲 張嘉策自姜虎至此，俱游擊。

右萬曆中任。

南路參將

趙文奎 楊縉 李超 王如龍見省城食書。 王麟見泉州衛。

右嘉靖中任。

張元勳 元勳，東安人。沉毅有謀。繇百戶從征太平賊有功，陞正千戶。又征橫嶼等處。累陞北路守備。勦福安倭四十級，以功陞南路參將。累敗曾一本，及大征助戰斬獲數多，人頌其功，擢廣東總兵。

王克振 呼良朋見鎮東衛。

右隆慶中任。

郭堅梅 應魁 李超 秦經國見鎮東衛。 解節 蔣基 洪夢鯉 吳廣 朱一龍 施德政 李楷

宗孟

右萬曆中任。

游寨、把總賢者附後

趙榮 楊盛 戴昱 俱成化中任烽火寨把總。 榮，見福州左衛趙儀名下。 盛，見邵武衛楊豫名下。 昱，見鎮東衛戴

尚忠名下。

陳言 張璧 朱璣 俱嘉靖中任烽火寨把總。 言，見福州左衛。 璧，見福寧衛張義名下。 璣，見福州右衛朱義名



下。

劉國賓 以台州衛指揮任烽火把總。萬曆元年，海寇林鳳數十船突入港，國賓檄協總刻期同勦，至舳竹洋與賊遇，協總後期不至，人勸之避曰：「衆寡不敵。」國賓曰：「死，吾分也。」轉戰至寨前，發銃反風，焚我舟，戰士俱殲，國賓死之。按臺劉良弼題《請恤錄》。

丁桐 歷任小埕、南日、浯嶼諸寨把總。見興化衛丁埕名下。

楊漢 覃桓 俱正德中任銅山把總。漢，見汀州衛楊瑛名下。桓，見漳州衛覃壽名下。

童乾震 嘉靖中任銅山把總。見泉州衛童鼎名下。

張萬紀 萬曆中任銅山把總。見福寧衛張義名下。

福建都指揮使司 都指揮使、都指揮同知、都指揮僉事、都指揮僉書，已上俱無定員。經歷司經歷、

都事、斷事司斷事、副斷事、吏目各一員，本司幕官。司獄司司獄一員。自經歷而下，俱文職充。

都指揮使

謝玉柱 玉柱，先名柱。從太祖渡江討陳友諒，繼從宣德侯取雲南諸路，屢建功，授武略將軍。洪武

中，除青州右護衛指揮僉事，累陞福建都指揮僉事、都指揮使，賜名玉柱，以嘉忠勇，復官其次子，授福寧衛中所副千戶，季子希彥輔駕散騎舍人。

張得宜

趙奎 奎剛直忠厚，訓練士卒嚴明鎮靜，恩威兼濟。在任六年，軍民咸賴。

史炯

右洪武中任。

王觀 張遠 蔣貴

右永樂中任。

榮貴

右洪熙中任。

王勝 見福州右衛。

右天順中任。

自成化以至正德員名，《通志》及《題名記》俱無可考。

以下俱僉書署掌。

曾勇 仲欽 鄭昂 田茂 徐麒 張恒 周于德 章黼 李懋 朱文 劉節 李鏜 盧鏜 路正

田耕 范德榮 蔣麒 戴冲霄 王夢麒 路良 張斌 胡守仁 兄總兵。

王如龍 如龍，義烏人。以勇士有血戰功，累陞守備北路。時南路尚梗，總兵戚繼光留之援仙游，圍

破漳浦賊有功。復發卒昇石爲寧德築城，摘奸正紀。臨陣每衝鋒。橫嶼、小石嶺二叢倭，皆擣其穴。陞

福建都指揮，擢廣東參將。

陳濠 濠紹興衛指揮，以薦陞本司僉書署篆，與戚繼光逐醜獺渠，最於牛田，冠於仙游。寅恭和僚，

恩威馭下，恤勤勸，足兵食，閩人頌之。

楊文 耿宗元 羅章

右嘉靖中任。

曹南金 尹鳳 朱珏 王克振 狄從夏 郭堅 丁茂 王价 吳京 徐尚明

右隆慶中任。

魏堯相 何萬鍾 夏尚忠 梅應魁 萬達甫 童紹祖 吳電

右天順中任。

鄭賢 高貴 張瑛 寶傑 馬澄

右成化中任。

李胤 周欽 王國賢

右年任無考。

徐高 耿宗元 閔清

右嘉靖中任。

指揮僉事

李觀 計忠

右洪武中任。

鄭琦 王觀 胡雄 張聚

右永樂中任。

金英 陶旺見同知。

右宣德中任。

朱成

鄧安 安，定遠人。多智計，有威望。沙、尤寇鄧茂七攻劫城邑，民多避地入城，城中群不逞將乘機爲奸，安捕殺首惡，練士伍，嚴譏察，以警備之，城賴以安。

劉海 趙剛 賈忠 王勝見福州右衛。 趙清 王玉 劉寬

右正統中任。

秦經國見鎮東衛。 張應科 方伯見北路。 王應斌 金來相 陳良毗 盧鼎臣 黎國耀 白斯清

邢垣 鄧鍾見泉州衛。 李繼春 黃岡 田中科 朱一龍 劉効節 俞咨榮 鄧鍾再任。

陳有光 有光，晉江人。武科進士。初以把總掌兵。清德白將，無掊剋於士伍。

胥尚行 陳大器 安亨 張名世 范舉 許國威 錢中選 方矩 詹斌 姜濟美 陳雲鶚 馮邦

濟 金文光 趙庭 臧京

右萬曆中任。

指揮同知

王誠 計旺 計忠

右洪武中任。

李王 張遠 王觀

右永樂中任。

陶旺 旺，當塗人。先爲都指揮僉事，勦捕龍溪縣叛賊羅三福等五百七十餘人，平其餘黨，按史趙奎以其智勇廉謹，薦之於朝。

孫安 雍埜 秦敏經國管孫。 劉寬

右正統中任。

閔忠

金昂 陶勇 楊海勇、海、金是泉州衛。 仲榮 錢輅見永寧衛。

右景泰中任。

張瑛

右天順中任。

武成 成字克勳，山後人。祖皂火廬，奉天征討，累功歷陞通州衛指揮僉事，賜姓陳。父順，火廬季子，初贅武家，隨遷泉州衛從軍，遂從武姓。成，以事降襲中所正千戶。有勇略，善騎射。正統末，沙、元寇發，累立戰功，陞本衛世襲指揮僉事。天順間，龍巖、上杭寇發，復有戰功。成化初，當道推薦其有賢孝將才，陞神機營參將。以母老乞歸養。尋陞福建都指揮僉事，勅諭總督海道。禮賢下士，不類行伍人。傳至彥章，以罪降。今革襲。

桂福 顧斌見漳州衛。 胡戎 劉源 沈海 朱陸 辛晟 董良 房驥 沈貴

右成化中任。

張勇 許清 黃忠 郭英 龔順 鄭祿 楊勳 張奎 劉鎮 崔灝

右弘治中任。

侯汴見漳州衛。

王輔 王翹見行僉事。

西寬 張清 余振 沈霽 耿琪

右正德中任。

徐麒 俱縉 李節 徐丙中 康英 曾勇

右嘉靖中任。

福建行都指揮使司 都指揮使、都指揮同知、都指揮僉事，已上俱無定員。經歷司經歷、都事、斷事

司斷事、副斷事、吏目、司獄司司獄各一員，自經歷至此，俱文職充。將樂守禦千戶所正千戶、副千戶、

百戶十員，吏目一員。以文職充。所募官也。武平守禦千戶所正千戶一員，副千戶二員，百戶十員，吏目一

員。

都指揮使

周能 能字德成。其先江北人，寓籍江山縣。幼驍勇，習武藝，善音律。國初從征鄱陽湖有功，授百

戶。累立戰功，歷陞行都指揮使。後征雲南有功，陣亡，賜地以葬，從祀功臣廟。

右洪武中任。

師祐 祐，許縣人。有武略，崇儒重士，以戰功繇本司僉事陞任。

右永樂中任。

王亮 亮，山西人。累功陞都指揮使，調任。沙、尤寇起，亮率軍人高陽里，爲賊所陷，被執，罵不絕

聲，遂遇害。

右正統中任。

高陞

右成化中任。

陳忠 宋琦

右弘治中任。

高忠 楊瑁 盧濬 程鵬

右正德中任。

賈能 徐麟

右嘉靖中任。

都指揮同知

馬雄 曹敬並兄延平衛。

右正統中任。

張福 闕文

右成化中任。

李恕兄建寧左衛。 馬瑛

右弘治中任。

周欽

右正德中任。

郭瑛 胡守仁見總兵。

右嘉靖中任。

都指揮僉事

師祐見本揮使。

侯鏞

徐貴

徐信見建寧左衛。

楊福見泉州衛楊海名下。

右永樂中任。

張覲

右宣德中任。

馬雄見本司同知。

張璣

璣，合肥人。正統二年，破龍巖等賊，既還，卒。遣官諭祭。

張凱 凱字舜卿，臨淮人。剛毅勤慎，武事兼文。沙、尤盜起，冒矢石，擒獲渠魁。築永安城。在官

三十餘年，軍士畏服。

范真

吳剛

剛，汝寧人。自勵忠勇。征麓川有功，陞本司僉事。討處州賊葉宗留，偕弟祥挺身殺賊，歿於

建陽。

右正統中任。

丁泉見延平衛。

仲榮

劉勝見延平衛。



右天順中任。

楊海見泉州衛。

吳欽 吳果 王皞

右成化中任。

西寧 寧以金山衛指揮使奉勅守備汀、漳二府，署都指揮僉事。老成清謹。汀、漳寇作，備禦有功。

許清 聶瑄 劉傑 王憲

右弘治中任。

崔灝 王爵 侯汴見漳州衛。

右正德中任。

王勦 勦，盧龍人。以北京留守僉事改行都司。卒於難。

仲欽 陳偉 苗俊 徐端 高懋 楊表 孫蘭 方恩 章輔 周元燧 錢海 王真 馮文焯 錢

經濟 張岳 王如龍見坐營僉事。 錢鳳翔

右嘉靖中任。

白翰紀 李應祥

右隆慶中任。

張喬 方伯見北路。 胡守仁見總兵。 王有麟 朱正色 楊顯 楊一經 盧鼎臣 傅應嘉見泉州衛。

朱熙 田義 于嵩 劉公臣 楊光夢 羅繼祖 石維盤

以後改爲守備。

林憲南 張嘉策 王仁 周維新 羅奇會 甘權 來聘 張守貴見福州右衛 張嘉策  
右萬曆中任。

首領賢者附後

田盛 字秀實，壽州人。洪武七年任行都司。斷事廉公有威，人畏服之。引年致仕，附籍建安。  
王敏 保定人。繇監生，洪武末任行都司斷事。廉潔有守，獄無冤滯。後官刑部郎中。

將樂千戶所

正千戶

徐忠 貴溪人。洪武中任。傳至昇，正統中襲官，時年方十七，率千戶沙瑛、百戶王環、翟慶、禦鄧茂  
七賊於城下，賊造呂公車衝城，昇設大木抵之，液鐵而燒之，延城賴全。今襲。

蔣聚 盱眙人。宣德中任。今襲。

唐昭 新城人。繇本所百戶，正德中調征上杭，勦掛坑埫黃心畬、青雲寨、懸繩峰等賊，俱有斬獲，功  
陞本所副千戶。復調征南靖等縣賊寇，斬獲甚衆，陞正千戶。

副千戶

沙旺 洪武中任。傳至瑛，正統中有禦賊功。今襲。

董子彝 江都人。繇指揮僉事降任。今襲。

許旺 五河人。宣德中任。今襲。

賀繼 章丘人。正統中任。今襲。

羅誠 武昌人。父鎮，洪武中任本所百戶，永樂間調征安南，有斬獲功，後選同內官亦赤哈出使西洋古里等國，還至蘇門答刺，卒。朝旨陞襲。

#### 百戶

翟敏 沂縣人。洪武中任。傳至慶，正統中有禦賊功。今襲。

謝瑄 句容人。永樂中任。今襲。

安本存 信陽人。宣德中任。今襲。

顏榮 醴陵人。正統中任。今襲。

陳亮 巢縣人。今襲。

鄭賢 分水人。成化中任。今襲。

陸瑞 江都人。今襲。

百戶事故者，曰唐名、李福。

武平千戶所

#### 正千戶

陳牛兒 金鄉人。宣德中任。今襲。

賈賢 定遠人。洪武中任。今襲。

張憲 祖譽，本所副千戶。憲，正德中南靖寇亂，報効獲功，陞任。今襲。

#### 副千戶

張旻 江西德化人。洪武中任。今襲。

百戶

王政 臨川人。洪武中任。今襲。

王旻 陸安人。洪武中任。今襲。

鄭旻 壽州人。洪武中任。今襲。

陶三 滁州人。洪武中任。今襲。

〔校記〕

〔一〕「初」上，各本原闕二字。

〔二〕「立破之」下，各本原闕一字。《明史》本傳作「明年二月，倭餘黨復糾新倭萬餘，圍仙游三日。繼光擊敗之城下」。

〔三〕員額原闕。

# 閩書卷之六十八

## 武軍志

### 福州左衛

指揮使司 指揮使一員，指揮同知二員，指揮僉事四員，鎮撫二員，經歷司經歷、知事各一員。上三員，俱文職充募官也。知事，洪武三十一年汰。先是，內外諸衛設經歷一人，從七品；知事二人，從八品。後汰經歷，留知事，而印章與所署司名仍舊。至是，罷知事，復經歷。左千戶所正千戶一員，副千戶二員，鎮撫一員，百戶十員，試百戶三員。右千戶所正千戶一員，副千戶二員，鎮撫一員，百戶十員，試百戶三員。中千戶所正千戶一員，副千戶二員，鎮撫一員，百戶十員，試百戶三員。前千戶所正千戶一員，副千戶二員，鎮撫一員，百戶十員，試百戶三員。中左千戶所正千戶一員，副千戶二員，鎮撫一員，百戶十員，試百戶三員。中右千戶所正千戶一員，副千戶二員，鎮撫一員，百戶十員，試百戶三員。自指揮使而下，員數並國初舊制。嗣後，有改遷別衛者，有別衛調補者，有陞者，有降者，有緣事革職者，有故絕者，今遂無定員，以後倣此。

### 指揮使

王智 臨淮人。其先王聚，洪武初以功陞府軍衛指揮使。宣德初，智襲，調任。今襲。

陳武 西華人。其先陳祥，洪武初以功陞府軍衛僉事。武襲，調任。正統末，有俊者，以征沙、尤功，

加陞指揮使。今襲。

趙儀 定遠人。其先趙清，洪武中以功陞都督僉事。正統間，有綱者，調福建都指揮僉事。儀，以天順間改任。有榮者，成化間任烽火寨欽依把總，身先士卒，屢平劇盜，有渠魁口啣刀，左右手各執一刀，飛侵榮舟，榮迎砍之，遂人賊舟，擒斬殆盡，自是海寇膽落。今襲。

閔賢 光州人。其先閔得，洪武初以功任廣洋衛指揮同知。永樂中，有聚者，陞指揮使。賢，以成化中改任。嘉靖末，有溶者，沉勇多智，善擊劍，倭寇入境，將兵禦戰海上，計十餘年，斬獲千級，功未上，又與倭戰舟山，火攻失利，死焉。弟清襲，以溶故，加都指揮同知，仍世襲指揮使。

張進 利津人。其先張榮，洪武末以功陞濟陽指揮同知。成化中，進襲，陞任。今襲。

安璽 三河人。其先安寧，永樂初以功陞營州中護衛指揮使。正德末，璽襲，調任。今襲。

陳言 江夏人。其先陳新，永樂初以功陞安慶衛同知。至亮，陞指揮使。言，以正德中調任，善騎射，好賢禮士，嘉靖間兩任烽火寨把總，躬督戰舸拒賊，構樓一所以講武事。卒，子紹芳襲，隆慶三年緣事革爲民。今未襲。

指揮同知

花旺 江都人。永樂初以功陞龍江衛指揮同知。洪熙初，改調。今襲。

雍溥 全椒人。其先雍簡，永樂初以功陞武德衛指揮同知。至溥，以天順中陞調福州左衛指揮使。

嘉靖中，琪仍襲同知。今襲。

王瑛 濟寧人。其先王義，永樂初以功陞真定衛指揮使。瑛，以成化間調任。萬曆中，愛襲，降指揮

同知。

### 指揮僉事

儲英 全椒人。其先儲悌，洪武初以功陞西安衛指揮僉事。至英，調任。今襲。

李達六 安州人。其先李得，洪武初以功陞千戶。子通，襲，陞登州衛指揮僉事。通弟達，襲官，調任。嘉靖中，有胤者，以勦倭功，陞汀州守備。萬曆間，畿仍襲僉事。今襲。

齊興 昌邑人。永樂初以功陞保定衛指揮僉事。宣德初調任。今襲。

張欽 鷄澤人。其先張聚，永樂末以功陞福建都指揮僉事。宣德初，欽襲，調任。今襲。

計忠 和州人。父旺，洪武中以功陞福建都指揮同知。至忠，改僉事。今襲。

古通 密雲人。其先古訓，以功陞大興衛指揮僉事。通，以弘治中調任。今襲。

舒鎮 金山人。洪武末，祖照不花，以功陞營州中屯衛指揮同知。正統初，曲列真襲，賜姓名曰舒泰。正德間，義襲，調福州左衛指揮使。至鎮，嘉靖中降襲指揮僉事。今襲。

徐棠 宿遷人。洪武末，祖榮襲永寧衛百戶。永樂初，陞福州左衛右所副千戶。棠，以隆慶初勦倭功，陞任。今襲。

故絕者五員，曰薛謙、洪傑、孫德潤、夏能、王英。英，山後人，永樂間調任。傳至毫，嘉靖季有戰功，死難。

### 鎮撫

瞿煥 崇陽人。洪武初，父銘以功陞興化衛千戶所鎮撫。至煥，調任。今襲。

左千戶所

正千戶

趙鑾 安東人。其先趙清，洪武末調本所百戶，以功陞副千戶。至鑾，嘉靖中以倭功陞任。今襲。  
邢政 大興人。其先邢安，洪熙元年調本衛前所副千戶。景泰初，政襲，以功陞調左所正千戶。萬曆間，應嫌襲，降總旗。

副千戶

王毅 安化人。洪武中調本所百戶，以功陞任。今襲。

施遠 臨川人。洪武中除福建興化衛百戶，以功陞，調任。今襲。

杜支 東平人。宣德初調任。今襲。

李廣 建德人。其先李適，洪武末調本所百戶。廣，景泰初以功陞任。萬曆間，長滋襲，降總旗。

百戶

許興 常熟人。洪武中調任。今襲。

端壽 溧水人。洪武中除授。今襲。

呂瑄 莒人。永樂初調任。今襲。

羅琦 合肥人。洪武中調任。今襲。

李彬 樂清人。洪武中除授。今襲。

趙信 臨汾人。永樂中除授。萬曆間，啟元襲，降總旗。



試百戶

洪住兒 宿松人。永樂中以功陞任。今襲。

陳勝保 望江人。永樂中以功陞任。今襲。

桂寄兒 望江人。永樂中以功陞任。今襲。

右千戶所

副千戶

徐榮 泰州人。永樂中調任。今襲。

林廣 平陽人。其先林貴，永樂中除本所百戶。廣，景泰初以沙、尤功陞任。今襲。

百戶

林得 福清人。永樂初以功陞任。今襲。

中千戶所

正千戶

朱淮 咸寧人。其先朱亮，洪武中襲陞右所正千戶。有鎔者，以沙、尤功陞本衛指揮僉事。淮，嘉靖

末降任。今襲。

副千戶

陳信 江西德化人。其先陳銘，調本所百戶。信，正統末以功陞任。今襲。

錢泉 長興人，永樂中以功陞任。今襲。

百戶

張瑞 安仁人。洪武中調任。今襲。

劉雄 桐城人。洪武中陞任。至應魁，以萬曆間襲，降總旗。

試百戶

加容 偃城人。其先加能，洪武中調本衛中左所鎮撫。容，以正德初調。今襲。

李軌 合肥人。正德中以功陞任。至應禎，萬曆間降總旗。

鎮撫

馬敬中 晉江人。宣德初以功陞任。至弘忠，萬曆間襲，降總旗。

前千戶所

正千戶

陳福 鄒人。洪熙初調任。今襲。

劉清 邳人。其先劉端，洪武中調本所副千戶。至清，嘉靖間以功陞任。今襲。

百戶

王寧 巢人。洪武中調任。今襲。

張信 碭山人。洪武中調任。今襲。

試百戶

陳名郎 連江人。永樂中以功陞任。今襲。

鄭清 連江人。永樂中以功陞任。今襲。

林全 平陽人。永樂中以功陞任。今襲。

後千戶所

副千戶

韓俊 益津人。洪武中以功陞任。今襲。

百戶

馬駿 合肥人。洪武中陞任。今襲。

王海 青城人。洪熙初調任。今襲。

姜浩 六合人。洪武中調任。今襲。

顧雄 泰州人。洪武中調任。今襲。

陳略 當塗人。洪武中除授。今襲。

陳容 侯官人。永樂中以功陞任。今襲。

試百戶

劉華 福寧人。永樂中陞任。今襲。

中左千戶所

正千戶

劉英 灤州人。其先劉福，宣德初襲福寧衛副千戶，以功陞正千戶。英，以成化中調任。今襲。

副千戶

胡顯 泗州人。洪武初調本所百戶。永樂中以功陞任。今襲。

姚海 溧陽人。父俊，宣德初調本所百戶。海，正統末以功陞任。今襲。

百戶

翟源清 臨淮人。洪武中除授。今襲。

林四郎 閩縣人。永樂中以功陞任。今襲。

侍端 來安人。洪武中陞任。今襲。

左成 滁州人。永樂初調任。今襲。

胡興 寧國人。永樂初調任。今襲。

試百戶

朱潮 長興人。洪武末陞任。今襲。

千百戶年久未襲者五員，曰李聰、嚴繼先、林實、陳聰、陳邦光。

百戶改調者二員，曰祝珍、調汀州衛。王天驥。調潮州衛。

千百戶、鎮撫故絕者五十四員，曰孫增、皮讓、方清、程安、汪佐、李政、金章、許璋、徐宗、張銳、高貴、李貴、張景、錢福、潘英、武興、王成、林經、宋冬、陳景、徐富、劉海、金宗、張舜、范武、李清、王暉、金玉、吳瑄、劉鈺、晏得、王繼、孫鐸、吳勝、楊隆、連成、沙勝、蕭勝、黃玉、朱海、張珙、譚繼敏、張秉源、卜應隆、鍾啟謨、陳仲、周海、盧灼、張吉、孫勝、吳成、林廷璋、朱暹、劉得。

## 福州右衛

指揮使司 指揮使一員，指揮同知二員，指揮僉事四員，鎮撫二員，經歷司經歷一員。幕官也。左千戶所正千戶一員，副千戶二員，鎮撫一員，百戶十員，試百戶三員。右千戶所正千戶一員，副千戶二員，鎮撫一員，百戶十員，試百戶三員。中千戶所正千戶一員，副千戶二員，鎮撫一員，百戶十員，試百戶三員。前千戶所正千戶一員，副千戶二員，鎮撫一員，百戶十員，試百戶三員。後千戶所正千戶一員，副千戶二員，鎮撫一員，百戶十員，試百戶三員。中左千戶所正千戶一員，副千戶二員，鎮撫一員，百戶十員，試百戶三員。中右千戶所正千戶一員，副千戶二員，鎮撫一員，百戶十員，試百戶三員。

## 指揮使

劉彬，龍山人。永樂初以功陞孝陵衛指揮使。宣德初調任。今襲。

朱義，海州人。其先朱成，洪武間以功陞密雲中護衛指揮使。義，正統初調任。至璣，嘉靖間任烽火寨把總，癸亥春擒倭流江以四十賊百級，奪回被虜男女三百餘，其冬，復有井門之捷。隆慶二年，廣賊曾一本寇閩，屢戰有功，一本遁，璣率舟師追之，中火炮死。事聞，襲官，進二級。萬曆中，子正色，以璣功加陞都指揮同知，尋以侵用屯糧革職。

劉欽，灤州人。其先劉成，永樂初以功陞鎮南衛指揮使。欽，以成化中調任。今襲。

胡玘，山後人。其先胡失里木，永樂初以功陞燕山衛指揮僉事。至胡六十九，陞福建都指揮僉事。

玘，成化中襲，除授本衛指揮使。萬曆間，國卿官至惠潮參將。今襲。

鄭和，全淑人。其先鄭忠，洪武間以功陞濟陽衛指揮使。和，成化中調任。嘉靖中，世勳官至中都

留守僉事。今襲。

江珍 定遠人。其先江浩，洪武初以功陞蔚州衛指揮使。珍，正德中調任。今襲。

盧鼎臣 全椒人。其先盧茂，洪武中以功陞右衛指揮僉事。鼎臣，嘉靖間以勦倭功，陞指揮使，歷官

都司參將。今襲。

指揮同知

陳友 大興人。永樂初以功陞揚州衛指揮同知，洪熙初調任。今襲。

朱瑛 靈璧人。其先朱得，洪武初以功陞常山中護衛僉事，永樂中調本衛。至瑛，以征沙、尤功陞

任。今襲。

王勝 合肥人。其先王康，洪武初以功陞臨洮衛指揮同知。至勝，爲福建都指揮僉事，奉勅提督海

道。景泰初，賊首陳寬讓聚衆千四百人寇，勝悉招撫復業。未幾，賊首嚴啟盛復聚衆海上，殺掠官

軍。勝復宣諭以朝廷恩威，亦皆納款。事間，緞金文綺之賜。天順初，巡按御史夏垣薦勝專署司事，

遂占籍右衛。勝事母至孝，蒞官清介，尚書孫原貞撫閩，爲樹表通衢，匾曰孝廉。後有司復以其孝行上

請，旌表閭閻。今襲。

指揮僉事

鄭玉 合肥人。其先鄭珍，洪武末以功陞晉安衛指揮僉事。玉，永樂初調任。今襲。

馮政 會州人。其先馮禮，永樂中以功陞本衛後所正千戶。政，正統中以征沙、尤功陞任。今襲。

陳鉉 長樂人。其先子敬，永樂初以功陞鞏昌衛僉事。鉉，正德中調任。今襲。

李澍 合肥人。其先李勝，洪武間以功陞汝寧衛僉事。正德中，有輔者，陞調右衛指揮使。澍，嘉靖初僉事如故。今襲。

邢茂 兗州人。其先邢政，洪武初以功陞山海衛指揮僉事。茂，正德初調任。今襲。

張良 汝寧人。其先張榮，永樂初以功陞福州右衛前所正千戶。良，景泰初以征沙、尤功陞本衛僉事。萬曆中，有守貴者，累陞南路參將，溫厚儒雅，號令嚴明，邊海晏謐。今襲。

#### 鎮撫

鄭清 景陵人。洪武初，父文，以功授神武衛百戶。清襲，陞任。今襲。

陳旺 連江人。其兄興，洪武中以功陞金吾衛千戶，興卒未子。旺，永樂中襲職。旺襲兄職之五月，興遺腹子恭始生，未五歲而旺被調爲右衛鎮撫，携恭與偕，嫂氏不願越鄉，負匿去，旺涕泣索得，迎寡姑伴嫂以行。恭竟長爲成人，卽以其職歸之。將卒，囑其子分家，貲半與恭。旺平生篤友，聞人語及其父母兄弟，或夢寐見之，輒淚下，竟日不樂。居官，以廉謹練達著聲。今襲。

指揮僉事改調者一員，曰楊中興，調廣東肇慶衛指揮。故絕者四員，曰董縉、趙勝、戴綸、閻煒。

#### 左千戶所

##### 正千戶

葉玉 六安人。其先葉興，洪武末以功陞正千戶。玉，成化中調任。今襲。

##### 副千戶

徐賢 蕪湖人。其先徐勝僧，洪武中以功陞福州右衛左所百戶。賢，景泰中以沙、尤功陞任。今

襲。

馬雲鵬 丹陽人。其先馬信，永樂初以功陞本衛後所副千戶。雲鵬，嘉靖末調任。今襲。

陶應龍 武昌人。其先陶廷功，吳元年以功陞正千戶。洪武中，忠襲調本衛左所。應龍，以萬曆中降任。

百戶

王朝用 合肥人。其先王敏，洪武中以功陞百戶。朝用，以永樂初調任。今襲。

陳叁 合肥人。洪武中以功陞任。今陞任。今襲。

韓十八 河內人。永樂中以功陞任。今襲。

丁福 沛人。永樂初以功陞百戶。洪熙元年調任。今襲。

汪伏保 滁州人。洪武中以功陞百戶調任。今襲。

試百戶

夷得 鹽城人。永樂中以功陞任。今襲。

李隆 新寧人。永樂中以功陞任。今襲。

林拱 福寧人。永樂中以功陞任。今襲。

右千戶所

正千戶

閩海 陽穀人。洪武末以功陞留守中衛副千戶。永樂中陞任。今襲。



周仕澧 西華人。其先周文，永樂中以功陞本衛指揮僉事。至澄，嘉靖中襲，坐侵屯革職。今仕澧，借襲副千戶。

副千戶

孫敬 寧海人。洪武末以功陞臨洮衛副千戶。洪熙初調任。今襲。

百戶

張保 高陽人。洪武中以功陞百戶。永樂中調任。今襲。

劉福 吉水人。其先劉通，洪武中以功陞百戶。福，永樂中調任。今襲。

石海 淮遠人。洪武中功陞調任。今襲。

賈壽 巢縣人。洪武中以功陞任。今襲。

試百戶

萬將軍 江夏人。永樂中以功陞任。今襲。

中千戶所

副千戶

葉茂 吳縣人。洪武中以功陞任。今襲。

百戶

朱俊 金溪人。永樂中以功陞任。今襲。

羅信 溧水人。洪武中以功陞任。今襲。

彭名遠 攸縣人。洪武中以功陞任。今襲。

敬信 昌黎人。洪武末以功陞臨洮衛左所百戶。宣德初調任。今襲。

羅振 廣陵人。父得，洪武初以功陞龍驤衛右所百戶。振，永樂中調任。今襲。

林保 黃巖人。其先遠，洪武中以功陞水軍右衛千戶。保，永樂中調任。今襲。

張聚 壽光人。永樂中以功陞任。萬曆中，元襲，降冠帶總旗。

前千戶所

正千戶

趙貴 荏平人。洪武末以功陞留守衛朝陽門千戶所正千戶。洪熙初調任。今襲。

副千戶

劉海 涇縣人。洪武末以功陞昌國衛爵溪所副千戶。永樂初調任。今襲。

趙剛 魏縣人。其先趙成，洪武末以功陞西安後衛左所副千戶。宣德初調任。今襲。

張友 滕縣人。其先張留兒，洪武末以功陞秦州衛前所副千戶。宣德初調任。今襲。

百戶

張保 全椒人。洪武中陞任。今襲。

唐斌 沂水人。父貴，洪武中以功陞府軍衛右所百戶。永樂中調任。今襲。

吳保 合肥人。洪武中以功陞任。今襲。

陶壽 合肥人。洪武中以功陞任。今襲。

張序 睢寧人。父山，洪武中以功陞百戶。序，永樂中調任。今襲。  
陳福 南豐人。其先陳真生，洪武中以功陞百戶。福，永樂中調任。今襲。

後千戶所

副千戶

盧剛 新建人。洪武末以功陞延安衛左所副千戶。洪熙初調任。今襲。  
徐義 汶上人。其先徐源，洪武中以功陞秦州衛右所副千戶。義，宣德初調任。今襲。

百戶

尹榮 全椒人。洪武中以功陞任。今襲。

孫受 沂州人。其先孫輔，洪武中以功陞府軍衛右所百戶。受，永樂中調任。今襲。

高舉 祥符人。父益，洪武初以功陞飛雄衛百戶。舉，洪武中調任。今襲。

薛玖 江都人。洪武中以功陞留守左衛通濟門所百戶。永樂初調任。今襲。

孫信 永嘉人。洪武末以功陞任。今襲。

吳希周 懷安人。洪武初以功陞大興右衛右所百戶。尋調任。今襲。

劉綝 新喻人。永樂中以功陞任。今襲。

朱晟 枝江人。其先朱諒，洪武末以功陞豹韜衛後所百戶。晟，天順元年調任。今襲。

試百戶

蔡齊 懷安人。其先蔡肅，永樂中以功陞本衛左所試百戶。齊，宣德中調任。今襲。

蒲清 晉江人。其先蒲媽奴，永樂中以功陞泉州衛前所試百戶。

中左千戶所

正千戶

管瑄 繁昌人。其先管榮，洪武初以功陞千戶。瑄，成化中調任。今襲。

王灝 龍門人。其先王政，洪武末以功陞水軍左衛中左所副千戶。至友，永樂中調福州右衛中左所。嘉靖中，灝襲，以倭功陞任。今襲。

副千戶

于忠 懷來人，本名九兒。永樂初，以功陞常山中護衛前所副千戶，復改名調任。今襲。

鎮撫

鄭人 黃崗人。其先鄭理，洪武中以功陞天策衛後所鎮撫。未幾，人襲，調任。今襲。

百戶

張勝 定遠人。洪武中以功陞任。今襲。

黃保 順昌人。父子安，洪武中以功陞杭州衛左所百戶。至保，調任。今襲。

賀富 丹徒人。父貴，洪武初以功陞廣州衛右所百戶。至富，調任。今襲。

劉瑄 武進人。其先官音保，永樂中以功陞右衛右所百戶。瑄，宣德中調任。今襲。

試百戶

金玉 福寧人。其先金貴，永樂中以功陞左衛左所試百戶。玉，宣德初調任。今襲。

千百戶、鎮撫年久未襲者一十六員，曰王驥、朱瑛、汪相、韓恩、何昂、寇瑄、鍾潮、吳清、苗輦、孫敬、陳貴、王鑾、陳廣、郭資、陳寧、李賜麟。

千百戶、鎮撫故絕者二十員，曰張鼎、張旻、羅相、袁楨、宋繼祖、姜澄、陳璉、魏蔣兒、王欽、吳昇、林廣、張富、李燮、周賢、白紘、鄭鉅、楊鏜、李斌、白宣、褚斌。

### 福州中衛

指揮使司 指揮使一員，指揮同知二員，指揮僉事四員，鎮撫二員，經歷司經歷一員。左千戶所正千戶一員，副千戶二員，鎮撫一員，百戶十員，試百戶三員。右千戶所正千戶一員，副千戶二員，鎮撫一員，百戶十員，試百戶三員。中千戶所正千戶一員，副千戶二員，鎮撫一員，百戶十員，試百戶三員。前千戶所正千戶一員，副千戶二員，鎮撫一員，百戶十員，試百戶三員。後千戶所正千戶一員，副千戶二員，鎮撫一員，百戶十員，試百戶三員。

### 指揮使

李善 壽州人。其先李觀，洪武中以功陞雲南前衛僉事。有王者，永樂中襲，陞福建都指揮同知。善，以宣德中除左衛指揮使，正統中調任。今襲。

郭鏜 灤州人。其先郭季玉，永樂初以功陞大興衛指揮使。鏜，正德中調任。今襲。

劉浩 江陵人。其先劉琪，洪武間百戶。永樂初，海襲，以功陞平涼衛指揮使。浩，正德中調任。今襲。

### 指揮同知

蕭成 宜興人。永樂初功陞泗州衛指揮同知。宣德初調福州右衛。正統中，改任。今襲。

田春 盧龍人。其先田三，永樂初以功陞金吾左衛千戶。有昇者，永樂末以功陞金山衛指揮使。正德中，有澄者，調福州中衛。春，嘉靖初例減。今襲。

夏啟賢 合肥人。其先夏信，洪武中以功陞本衛右所副千戶。景泰初，以征沙、尤功陞本衛僉事。啟賢，萬曆中併祖擒倭功，襲授。

指揮僉事

高亮 公安人。父貴，洪武初羽林衛千戶。亮襲，以功陞錦衣衛僉事，調任。今襲。

黃德 黃崗人。洪武中以功陞任。今襲。

單聚 蘄縣人。洪武中以功陞遵化衛僉事。洪熙初調任。今襲。

孫寧 清宛人。其先孫恕，洪武末以功陞保定衛僉事。寧，宣德初調任。景泰初，以征沙、尤功陞同知。今仍襲舊職。

劉貴 定遠人。其先劉公孫，洪武中以功陞中衛百戶。貴，永樂中有征西洋功，陞本衛僉事。景泰初，有玉音，以征沙尤功陞同知。今仍襲舊職。

王繼夔 合肥人。其先王貴，洪武中爲百戶。子英襲，以征蠻功陞應天衛僉事。繼夔，正德中調任。今襲。

鎮撫

楊忠 開平人。洪武中以功陞磐石衛千戶。永樂中調任。今襲。

戴瑄 臨淮人。其先戴聚，永樂初以功陞中衛副千戶。瑄，成化初補任。今襲。指揮故絕者三員，曰彭恩、鄧煥、賈成德。

左千戶所

正千戶

李興 樂陵人。其先李仕賢，洪武中以功陞百戶。興，永樂初以延迤北功陞任。今襲。

戴棟 壽州人。其先戴贊，洪武末以功授本所副千戶。嘉靖末，棟以征倭功陞任。今襲。

楊桂 灤州人。祖麟，嘉靖中以征大同功陞本衛指揮使。麟子湧，以征倭功陞都指揮僉事。桂，隆

慶初降任。今襲。

百戶

聶貴 豐城人。洪武中以功陞任。今襲。

鄭伯顏 武進人。永樂中以功陞任。今襲。

方隆 太湖人。洪武中以功陞任。今襲。

夏良 舒城人。洪武中以功陞任。今襲。

試百戶

沈斗保 武進人。永樂中，以征西洋功陞本所試百戶。有裨者，嘉靖末以倭功陞百戶。今仍襲舊

職。

右千戶所

副千戶

楊聚 滕縣人。洪武末以功陞秦州衛副千戶，宣德初調中衛右所。正統中，有能者，以征沙、尤功陞正千戶。今仍襲舊職。

鄭亨 滋陽人。洪武中功陞寧夏衛副千戶。宣德初調任。今襲。

牛諒 東平人。洪武末功陞西安副千戶。宣德初調任。今襲。

董智 溧陽人。洪武末授本所百戶。永樂初，以征西洋功陞副千戶。嘉靖中，桂者，降冠帶總旗。今襲副千戶。

百戶

勾哈喇 香河人。洪武中功陞虎賁衛百戶。調任。今襲。

李泰 太湖人。洪武中以功陞任。今襲。

屠俊 江都人。永樂中以西洋功陞任。今襲。

唐計 臨川人。洪武中以功陞任。今襲。

試百戶

陶貴 合肥人。其先陶萬奴，洪武中功陞試百戶。貴，永樂中調任。今襲。

莊輝 上元人。洪武中功陞中衛鎮撫。永樂中以征西洋陞副千戶。今降襲。

中千戶所

正千戶



崔振 臨淮人。其先崔勝，洪武初以功陞饒州守禦所百戶。子廉襲，功陞副千戶，陣亡。永樂中，徵襲，陞正千戶。振，成化中調任。今襲。

劉仲恩 丹徒人。其先劉鑑，宣德初以功陞本所副千戶。仲恩，嘉靖末以倭功陞任。今襲。

#### 副千戶

房智 和州人。其先房勝，洪武初授本所百戶。智，正統中以沙、尤功陞任。今襲。

張灼 海鹽人。其先張維，洪武初授河南衛百戶。既宇襲，調福州中衛中所。灼，嘉靖末以倭功陞任。今襲。

朱忠 全椒人。其先朱官音保，洪武中授本所百戶。忠，嘉靖末以倭功陞任。今襲。

#### 百戶

張偉 江都人。洪武中以功陞任。今襲。

翟斌 泰州人。永樂中以西洋功陞任。今襲。

姚政 武進人。永樂初以西洋功陞任。至文輝，以年久襲，降總旗。

#### 試百戶

張剪住 定遠人。永樂中以西洋功陞任。今襲。

羅福生 武進人。永樂中以西洋功陞任。今襲。

#### 前千戶所

#### 正千戶

孔貴 諸城人。永樂中功陞，調任。今襲。

副千戶

鄧惠 臨川人。父以志，洪武中授本所百戶。惠，永樂初以征西洋功陞副千戶。景泰初，有瑛者，以獲沙、尤功陞正千戶。今仍襲舊職。

王良 定遠人。其先王保，洪武中授本所百戶。良，以沙、尤功陞任。今襲。

孫起 合肥人。其先孫再，洪武中授建寧衛右所百戶。既瑛襲，調本所。永樂初，以西洋功陞任。今襲。

百戶

邵隱 南城人。洪武中以功陞任。今襲。

陸珣 常熟人。父昌，洪武中以功陞鎮南衛百戶。至珣，調任。今襲。

試百戶

謝拴住 蒙城人。永樂中以西洋功陞任。今襲。

嚴觀 閩縣人。永樂中以西洋功陞任。今襲。

唐俊 龍陽人。永樂中陞任。今襲。

後千戶所

正千戶

李本 懷柔人。洪武初以功陞本所正千戶。嘉靖末，有廷興者，以功陞本衛僉事。今仍襲舊職。

副千戶

呂達 和州人。洪武中陞任。嘉靖末，有濱者，以倭功陞正千戶。今仍舊襲職。

李全 武陟人。宣德初以功陞任。今襲。

楊震 上海人。永樂中以功陞任。今襲。

百戶

林森 全椒人。洪武中以功陞任。今襲。

蘇興 全椒人。洪武中以功陞任。今襲。

王佐 連江人。其先王通保，永樂中以西洋功授本所試百戶。佐，嘉靖末以倭功陞任。今襲。

趙真 蘭陽人。其先趙智，永樂中以西洋功陞右所試百戶，陣亡。真，宣德初襲陞百戶。今襲。

試百戶

胡貴 滁州人。永樂中以西洋功陞任。今襲。

陳連生 連江人。永樂中以西洋功陞任。今襲。

千百戶、鎮撫年久未襲者七員，曰王璽、王倬、李廣、金潤、甘廷桂、劉潤、羅鳴鑾。

千百戶、鎮撫故絕者二十四員，曰龐伯春、徐繼勳、李清、沈文翰、李本茂、李熊、徐欽、袁銘、武勇、張忠、舒敏、史誠、唐鑑、李景、張春、徐欽、趙成、許佑、王忠、鄭閏兒、袁洪、姚淮、陳浩、莫斌。

鎮東衛

指揮使司 指揮使一員，指揮同知二員，指揮僉事四員，鎮撫二員，經歷司經歷一員。左千戶所正

千戶一員，副千戶二員，鎮撫一員，百戶十員，試百戶三員。右千戶所正千戶一員，副千戶二員，鎮撫一員，百戶十員，試百戶三員。中千戶所正千戶一員，副千戶二員，鎮撫一員，百戶十員，試百戶三員。前千戶所正千戶一員，副千戶二員，鎮撫一員，百戶十員，試百戶三員。後千戶所正千戶一員，副千戶二員，鎮撫一員，百戶十員，試百戶三員。中左千戶所正千戶一員，副千戶二員，鎮撫一員，百戶十員，試百戶三員。梅花守禦千戶所正千戶一員，副千戶二員，鎮撫一員，百戶十員，試百戶三員。萬安守禦千戶所正千戶一員，副千戶二員，鎮撫一員，百戶十員，試百戶三員。

指揮使

胡福 來安人。其先胡雄，永樂初功陞河南衛指揮僉事，洪熙元年調福州。福，（二）宣德初，襲授本衛指揮使。今襲。

高志守 山後人。其先卜兒罕忽力，正統十四年以護駕功，授指揮僉事。天順中，倒刺火調本衛。成化間俊襲，賜姓高。嘉靖末，有懷德者，禦倭死事。志守，用父功，陞任。今襲。

劉昇 涵川人。其先劉泉，永樂初以功陞蘆州衛指揮同知。宣德初調本衛。昇，景泰初以沙、尤功陞任。今襲。

指揮同知

戴尚忠 和州人。其先戴順，洪武中以功陞金鄉衛指揮僉事。至宣，宣德初調本衛。成化中，有昱者，自將略，長詩文，任烽火寨把總，建候潮亭，以便行旅。嘉靖末，有洪者，禦倭死事，加陞二級。萬曆中，尚忠降襲。

張俊 潁上人。父得正，洪武中以功陞襲龍江衛指揮同知。俊，以永樂中調任。今襲。

丘讚 靈璧人。其先丘聚，洪武中以功陞義勇衛指揮使。讚，以洪熙中降調本衛指揮同知。宣德八年，復舊職。萬曆初，有泓者，緣事革襲。其後降襲爲今職。

秦瑛 五河人。父敏，正統中以功陞福建都指揮使。瑛，以天順初授本衛指揮同知。嘉靖中，有國者，器識沉毅，有遠略，弱冠襲父職，遂董衛政。嘉靖季倭薄城下，一再殲之，擢守備，進參戎。所至，破張璉，扼擒林鳳，勦曾一本，滅劉貴，大著戰功，人謂東南攻水戰者，無踰經國。經國行海道中，自浙至粵數千里，無不知其曲折，舟行卧聽水聲曰：「此某地某地。」不肯一錢入於馬門，是以不至大帥。嘗言：「岳武穆『武臣不惜死』五字，勝『孫武子』十三篇也。」今襲。

盛世鶚 六安人。其先曰盛永安，有功。洪武初，官其子保福州左衛副千戶。保，復有功。子璟，襲陞本衛僉事。世鶚，萬曆初復有勦平廣西徭賊功，陞任。今襲。

葉文選 和州人。其先曰永春者，洪武間以功陞松門衛百戶。正統中，有觀者，調本衛中所。文選，隆慶中以倭功陞任。今襲。

#### 指揮僉事

吳壽 龍溪人。永樂初，以功陞秦州衛指揮僉事。調任。今襲。

劉師琦 壽光人。其先劉勝，洪武初以功授揚州衛副千戶。永樂初調本衛。師琦，嘉靖中以倭功陞任。今襲。

呼鶴來 和州人。其先呼海，洪武末以功陞保定衛副千戶，永樂中調本衛。隆慶初，有良朋者，偉貌

豐頤。孟諸戚繼光奇其狀，令督兵轉餉，無後期。屢於海上奏奇捷，陞指揮同知。發大砲，沉巨寇曾一本船。轉戰大捷，陞本省參將。巨寇林鳳據澎湖，出沒爲濱海患，良朋先登深入。陞廣東副總兵本省都督僉事。築鎮惠城。徙廣西大帥，佩征蠻將軍印，平昭州，征府江，賜白金文綺。尋乞歸。卒，予祭葬，贈驍騎將軍上護軍。良朋子鶴來，任今職。

鎮撫

趙英 含山人。父岷，洪武中以功陞松門衛左所鎮撫。至英，陞調。今襲。

季福 山陽人。洪武初功陞延平衛所鎮撫。未幾，陞調。今襲。

幕僚賢者附後

胡經 任本衛經歷。兩署寧德縣篆，妻織布，僕採薪，前後積紙贖薪炭銀叁百兩金、緞四匹，咸籍庫不取，曰：「民膏也。」

左千戶所

正千戶

寇良 鳳陽人。洪武中以天策衛百戶陞任。今襲。

王安 監利人。其先王義，洪武中以功陞平海衛正千戶。安，永樂初調任。今襲。

商汝弼 蘄州人。其先商敬，永樂初以父添八死事，陞歸化衛指揮僉事，尋調本衛。汝弼，萬曆中襲降。

副千戶

梅鼎 桐城人。其先梅春，洪武中授南陽衛百戶。宣德中，有興者，襲調本所。鼎，隆慶中以倭功陞任。

#### 百戶

謝勝 丹陽人。其先謝仲傑，洪武初陞南陽衛百戶。勝，正統中調任。今襲。

翟庸 當塗人。父任遠，洪武初以功陞寧化衛百戶。庸，洪武末調任。今襲。

徐良用 確山人。父德，洪武中以功陞永寧衛百戶。良用，洪武末調任。今襲。

馬英 錢唐人。父勝，洪武初以功陞百戶。英，調任。今襲。

莫勝 溧陽人。其先得祥，洪武初以功陞百戶。勝，永樂初調任。今襲。

焦卿 句容人。其先焦保，洪武間以功陞大河衛百戶。卿，正德中調任。今襲。

#### 試百戶

高鵠 鳳陽人。其先高祥，永樂初以功陞彰德衛副千戶。鵠，嘉靖中降調。今襲。

#### 右千戶

#### 副千戶

童養正 無爲人。其先童貴，洪武中以功陞授本衛百戶。養正，嘉靖中以倭功陞任。今襲。

閻憲 歙人。其先閻玉，洪武中授懷慶衛副千戶。玉子興，以功陞正千戶。永樂初，有忠者，調本

所。萬曆中，憲仍襲舊職。

#### 署副千戶

王國禎 義縣人。其先王得，洪武中以功陞寧海衛副千戶。洪熙中，有清者，襲調本所。國禎，以萬曆中降襲署副千戶。

百戶

林通 閩清人。洪武末以功陞任。今襲。

金寶 陸安人。洪武末以功陞任。今襲。

殷洪 通州人。其先殷福，洪武中以功陞泗州屯田衛百戶。洪，正德初調任。今襲。

陳瑛 滁州人。其先陳貴，洪武中以功陞永平衛百戶。瑛，宣德初調任。今襲。

王中 江寧人。父得，洪武中以功陞永寧衛百戶。至中，調任。今襲。

崔福 山後人。正統初陞授本所百戶。景泰初以沙、尤功陞副千戶。廷詔，萬曆中仍襲舊職。

中千戶所

正千戶

穆宗 和州人。其先穆神保，洪武末以功陞鎮西衛正千戶。宗，景泰中調任。今襲。

副千戶

王伯琳 棗強人。洪武中以功陞任。今襲。

盧毅 蘄水人。父宗，洪武初以功陞長淮衛副千戶。至毅，調任。今襲。

百戶

鄧安 巴人。洪武中以功陞鄱陽衛百戶。永樂初調任。今襲。



趙成 滁州人。其先趙聚，洪武中以功陞永平衛百戶。成，正統初調任。今襲。

楊威 龍陽人。洪武中以永寧衛百戶調任。今襲。

試百戶  
何貴 當塗人。洪武中以永寧衛百戶調任。今襲。

紀均安 晉江人。永樂中以功陞任。今襲。

沈福安 合肥人。洪武中以功陞任。今襲。

鎮撫

王恕 丹陽人。其先王雙伍，洪武末以功陞汝寧衛百戶。恕，正統初調任。今襲。

前千戶所

正千戶

曹六一 長汀人。洪武中以功陞永安衛正千戶。洪熙初調任。今襲。

副千戶

任國相 真定人。其先任旺，洪武中以功陞鎮東衛百戶，後調本衛前所。萬曆中，國相以父安沙、尤功襲，陞副千戶。

吳汝隆 當塗人。洪武中以功陞揚州衛副千戶。永樂中襲任。今襲。

謝禎 五河人。父福，洪武初以功陞副千戶。禎，調任。今襲。

百戶

王勝 臨淮人。祖鉉，洪武中以功陞泉州衛百戶。勝，洪熙中調任。今襲。

黃實 江都人。洪武中以功陞任。今襲。

毛興 儀真人。洪武末以功陞任。今襲。

黃威 瀏陽人。其先黃泰，洪武初以功陞建昌衛百戶。威，正統中調任。今襲。

夏文南 晉江人。洪武末以功陞任。今襲。

後千戶所

正千戶

趙瑄 隨州人。其先趙興，洪武中陞授本衛後所百戶。瑄，景泰中以沙、尤陞任。今襲。

陳榮 合肥人。父仁亨，洪武初以功陞羽林衛百戶。至榮，調任。今襲。

副千戶

宋忠 武定人。洪武末以功陞雲川衛副千戶，永樂中調任。今襲。

署副千戶

黃傑 福寧人。以功授彰德衛百戶。宣德初陞調。今襲。

百戶

王廣 潛山人。其先王大光，洪武中授信陽衛百戶。廣，天順初調任。今襲。

黃義 安慶人。其先黃得，洪武中以功授皇陵衛百戶。義，正統初調任。今襲。

李黼 江寧人。其先得，洪武中以功授金吾衛百戶。黼，宣德初調任。今襲。

高興 山陽人。父昇，以功授鄱陽衛百戶。興，調任。今襲。

趙慶 丹徒人。其先趙模，洪武中以功授鷹揚衛百戶。慶，洪熙中調任。今襲。

甯成 巢人。洪武中以永寧衛百戶調任。今襲。

中左所千戶

正千戶

姜海 沐陽人。洪武中以功授德州正千戶。宣德初調任。今襲。

百戶

袁山 江夏人。父受，洪武中以功授永寧衛百戶。至山，調任。今襲。

鄧愷 巴人。其先鄧成，洪武中以功授塘湖屯田百戶。愷，正統中調任。今襲。

姜勝 榮昌人。其先姜海，洪武初以功授太原衛百戶。勝，宣德初調任。今襲。

趙永 薊州人。其先趙賢，洪武中以功授會州衛百戶。永，正統初調任。今襲。

林雲美 鄞人。其先林質，洪武中以功授試百戶。永樂初調本所。雲美，以萬曆中襲百戶。

試百戶

曾貴 同安人。其先曾安，永樂中以功授試百戶。貴，宣德初調任。今襲。

林懋 福清人。父立，萬曆十二年以歲貢任臨高知縣，撫徭峒有功，授本所試百戶。世襲。

鎮撫

郝慶 興州人。其先郝信，洪武中以功授吉安衛百戶。慶，正統中調本所署鎮撫。今襲。

指揮、千百戶、鎮撫年久未襲者十五員，曰聞忠、孫英、張鑑、王能、李興、趙政、李明、王一相、劉恩、朱鼎、林彬、陳百秀、吳公大、董瑄、趙信。

指揮、僉事問遣者一員，曰張鵬，發遼東衛軍。

指揮、千百戶、鎮撫故絕者三十八員，曰汪茂、郁信、鄧興、龐玉、陳世光、邸興、朱潮、劉源、張興、葉芳、林洪、李禎、夏儀、牛泓、楊寬、許安、許寶、朱鎮、高昇、許隆、鄧英、徐欽、朱興、顧顯、楊鏜、翁哈福、李榮、徐海、馮嵩、鄭傑、孫曜、俞福、胡聰、李宣、孟清、張榮、李宣、李宗。

梅花千戶所

正千戶

吳興 滁州人。洪武中以功陞膠州衛正千戶。宣德初調任。今襲。

李勝 耀州人。其先孚敬，以功陞南鎮衛正千戶。勝，正統初調任。今襲。

副千戶

張顯 泗州人。其先張皋，洪武中以功陞定海衛副千戶。顯，永樂初調任。今襲。

百戶

孫能 新城人。其先孫瑛，永樂中以功陞錦衣衛百戶。能，正統中調任。今襲。

孫寧 定遠人。其先孫全，洪武中以功陞豹韜衛百戶。寧，永樂中調任。今襲。

陳得 六安人。洪武中以永寧衛百戶調任。今襲。

黃聚 清江人。其先黃惠，洪武中以功陞錦衣衛百戶。聚，正統中調任。今襲。

龔子興 新淦人。永樂初汀州衛百戶調任。今襲。

李源 汝陽人。其先李真，永樂中以功陞會州衛百戶。源，正統中調任。今襲。

邢原 濱州人。其先邢和，洪武末以功陞會州衛百戶。原，正統初調任。今襲。

龔富 福寧人。父正，洪武中，初從軍征金山及朵兒不花，復以從靖難功陞鎮虜衛百戶。富，宣德初調任。萬曆中，有宸者襲，降總旗。

彭壽 南陵人。父希道，洪武中以功陞福全所百戶。壽，永樂初調任。今襲。

萬安千戶所

正千戶

夏麟 崑山人。其先夏祥，洪武初以功陞金齒衛百戶。麟，永樂中以西洋功陞任。今襲。

張正 盱眙人。永樂中以功陞金吾衛正千戶調任。今襲。

副千戶

許達 江夏人。父龍，洪武初以功陞潮州衛百戶。至達，陞調。今襲。

百戶

陳剛 漢州人。其先陳玉，洪武初以功陞大城衛百戶。剛，正統中調任。今襲。

宋英 武寧人。其先宋佐，洪武初以功陞武昌衛百戶。英，永樂中調任。今襲。

侯運 定遠人。洪武中以功陞任。今襲。

歐瑤 全椒人。父壽，洪武初以功陞六鰲所百戶。至瑤，調任。今襲。

馮春 定遠人。洪武中以功陞任。今襲。

陳遇 江都人。洪武中以功陞任。今襲。

張二 祥符人。洪武中以功陞任。今襲。

陳昂 福清人。隆慶中以功陞任。今襲。

周銘 揚州人。父得成，洪武初以功陞觀海衛百戶。至銘，調任。正德中，至慶，降襲冠帶總旗。

鎮撫

李春 章丘人。其先李亨，洪武初以功陞濟陽衛百戶。春，正統初調署鎮撫事。今襲。

千、百戶年久未襲者四員，曰張丑兒、夏森、李盛、張漢。

千、百戶故絕者二員，曰陳煒、孫安。

〔校記〕

〔一〕「福」字，各本原脫，據本書體例補。

## 閩書卷之六十九

### 武軍志

#### 泉州衛

指揮使司 指揮使一員，指揮同知二員，指揮僉事四員，鎮撫二員，經歷司經歷一員，知事一員。  
革。左千戶所正千戶一員，副千戶一員，鎮撫一員，百戶十員。右千戶所正千戶一員，副千戶二員，鎮撫一員，百戶十員。中千戶所正千戶一員，副千戶二員，鎮撫一員，百戶十員。前千戶所正千戶一員，副千戶二員，鎮撫一員，百戶十員。後千戶所正千戶一員，副千戶二員，鎮撫一員，百戶十員。

#### 指揮使

王鑑 六安州人。先世璽，以從開國功授永州衛指揮僉事。璽子銓，從楚王征蠻有功，除建寧左衛指揮僉事，復以征廣西蠻功陞金吾前衛世襲指揮使，調福州左衛。卒，子濬幼。鑑，銓弟也，永樂中襲除本衛。濬長，襲官，有殺鄧茂七賊黨功。濬有征捕溫文進功。派孫瑩，有擒獲倭夷功。今襲。

楊鐸 壽州人。父福，以父潮先從開國功，補燕山護衛，從靖難，累功陞湖廣都司都指揮僉事。調福建行都司都指揮僉事；宣德二年，征進交趾陣亡。鐸，襲建寧左衛指揮使，調本衛。鐸子海，正統中隨保定伯梁瑄征進大營、小盈、周嶺、洋尾地方賊寇，擒斬偽都指揮何引生、賊首汪生奴等，陞福建都指揮僉

事，轉行都司都指揮僉事。今襲。

王鑑 沔陽人。其先有彥者，以開國功授百戶。子敏，陞漳州衛指揮僉事，無子。弟政，調本衛。正統中，有亨者，捕鄧茂七有功，陞本衛同知。至鑑，征勦汀州叛賊詹思富等有功，陞本衛世襲指揮使。鑑子麟，兩舉武科。嘉靖中，前後擒斬倭賊五百餘人，陞廣東瀧水守備，斬獲獠狼李公本等二十二人，擢廣東都司僉事，署本司僉事。擒斬新寧石鼓、鷄頭、清遠、英德二縣大小羅山等賊，計三千餘級，歷遷福建泉、漳水陸參將，截擊倭船二十餘隻，累次殺獲以千計，授昭勇將軍，署都指揮僉事，分守福建南路參將。今襲。

童乾震 含山人。先世聚，從桑世傑，以水軍歸附，從開國、從軍有功，累賜身。洪武十二年，授指揮僉事。從江夏侯征苗有功，卒於軍。其子鼎，以十八年除授福建都司泉州衛指揮僉事。屢有擒殺海賊功。傳至乾震，嘉靖中任銅山水寨把總。三十四年，倭自福清縣海口登岸，乾震承檄勦捕，與其子養銳、千戶白仁、義士陳學書等，領兵哨禦，屢有斬獲。福清人爲語曰：「軍中有二童，倭賊且一空。」居旬日，當道檄震爲前鋒，刻期殲之。乾震與養銳、仁、學書等奮勇直前，抵東嶽山，與賊交戰數十合，斬擒十有一顆，殺傷三十餘。自辰至申，殊不却退。約指揮劉玠爲援，而玠兵不至，賊見勢孤，湧出包圍，乾震身被二鎗，奮麾喝戰，遂死於陣。而養銳僅身免。事聞，命卽海口地方立祠祭祀，子孫陞襲二級。養銳遂得襲指揮使。養銳嘗任南日山寨把總，有擊沉海賊功，以老退休。子與藩襲，復以養銳從父戰福清時有擒斬倭首功未叙，復加陞都指揮同知。與藩能詩，與子游。今襲。

指揮同知



馬閏 臨淮人。父興，從開國、靖難有功，授海南衛副千戶。至閏，以父功陞燕山右護衛指揮僉事。隨駕征胡，陞指揮同知。宣德六年，調泉州衛。世襲指揮同知。至孫凱，征捕逆賊溫文進，擒獲賊總溫邦迪有功。今襲。

陶凱 當塗人。祖旺，見都指揮同知。旺子勇，襲官，占籍福州中衛，收捕鄧茂七有功，陞都指揮僉事。至琨，調本衛。今襲。

#### 指揮僉事

孫廷槐 定遠人。始祖嚴，以良家子從太祖渡江，爲徐中山、常開平部將，先登功多，歷陞，世襲武毅將軍，除燕山右護衛。子孫選授浙江金鄉處州如前職。景泰元年，王敬參作賊麗水，有政者，冒矢石，生擒元凶，芟夷群寇。三年，轉陞泉州衛，世襲指揮僉事。至廷槐，嘉靖間奉檄征勦海寇，生擒山賊周洗、楊孔受等有功。復征進廣東地方，乘勝追至秋溪橋，馬蹶墜水死，進指揮同知。今襲。

唐洵 六合人。永樂中繇平海衛調任。嘉靖中，有濟澄者，歷汀漳守備，廣東、貴州都指揮僉事，回衛奉委守興化石壁澳，擒斬倭賊有功。子高楨，嘉靖季，襲舉武科，亦有擒倭功。今襲。

李清 泗水人。洪武中累獲奇功，陞任。今襲。

張鑑 興州人。宣德中調任，今襲。

歐陽深 南安人。唐歐陽四門之後。少爲郡諸生，性慷慨，家世饒貲，深以好施盡之。嘉靖丁巳以後，閩被倭害日慘，壬戌復合叛民數萬，發掘墳墓，求貨贖屍，人心恟懼。深時以納級除授本衛，提兵指賊筍江，從數騎，直入賊中，觀其虛實，歸遣人諭以禍福，賊率衆來歸者不絕。深日以私財市牛酒犒賞之，選

其悍驚者置左右不疑，人皆感憤樂爲用。嘉靖四十一年春，率兵攻賊施思備等，於東田鄉破走之，遂進勦青陽、陳村、下衡等處。其夏，進攻江一峰諸賊於雙溪，至於尾嶺山徑，連破七寨。復進兵英林、潘逕等處，擊退李五官，擒殺韋老等，遂追勦水田、下浯等處，斬獲倭賊百餘級，乃遣人宣諭謝愛夫、黃元爵、陳子愛等俱弃甲來歸，散其黨萬四千餘人。於是，賊酋蘇光祚、康大福等聞風鬻至，獨江一峰、李五官等遁據沿海，擁衆尚有萬餘，深遣人撫諭解散，乃督千戶王道成、百戶白希周分道追勦，生擒江一峰、李五官、南蠻老、施思備、王三千、李三直等百一十八人，俘斬泉州市，論功進行都司。其年，倭破興化城，盡掠金帛，出據平海衛，伺舟出海。軍府檄深應援兵次東蕭，與賊戰，斬首百餘級，乘勝直進。賊來援者衆，深與部士薛天甲、周岳鎮等血戰益勵，皆死之。事聞，詔立祠歲祀，錄其子孫。今襲。

徐麒 邳州人。祖智，洪武中襲授建寧衛後所鎮撫。屢獲奇功，陞泉州衛鎮撫。至麒，嘉靖季斬倭首七顆於同安地方，陞中所正千戶，復征進興化渚林，斬獲有功，陞本衛指揮僉事。今襲。

侯廷佐 歸德人。先祖山，宣德中以西安衛副千戶調泉州衛中所。至廷佐，嘉靖季獲賊有功，陞本衛指揮僉事。萬曆中，有國弼者，任四川總兵。今襲。

俞大猷 霍丘人。始祖敏，以開國功授本衛前所百戶。大猷貌朴辭蹇，忠誠自許，動擬古人。爲秀才時，從泉中王宣、林福、趙本學授《易》，而本學能卽《易》衍兵。既襲官，從李良欽擊荆楚長劍。嘉靖十四年，登會武舉。時遣兵部尚書毛伯溫征安南，大猷上伯溫書，請行，謂自許不敢後古奇士。既得掌千戶印於金門所，上《禦賊書》於僉事，僉事呵杖之曰：「武人安書？」奪其印，大猷笑曰：「此非吾自見地。」二十一年，虜大入山西，詔天下大選材官，大猷曰：「可矣。」走謁御史，自言學古兵法，通曉邊塞，《詩》《書》爲

基，忠孝爲根。選材官，應詔，無踰大猷。御史上名兵部。大猷嘗資走京師，復上伯溫書。伯溫大奇之，送贊畫宣人軍門。爲軍門者，侍郎翟鑾。大猷復上鑾書，因爲切近三事以獻：一曰別馬步，二曰教技藝，三曰重正兵。鑾召入，口對大猷，召其素號知兵者，折其爲弱，指其素恃堅營者，辯其爲虛。鑾曰：「吾不當以武弁待子。」下堂禮之，大驚一軍。而是時虜遁，大猷知鑾無意，遂辭歸。伯溫因爲大猷請命，擢守備汀漳。既至，日教技擊，暇與其秀士讀《易》論文。林菁通結，次第平定。亡何，海寇作，發海舟大破之。當道交薦，陞廣東都司僉書。時新興、恩平二縣賊屢招屢叛，有司不能制。巡撫兩廣都御史歐陽必進檄大猷撫諭之。大猷出榜招徠，極其切至，二縣賊皆化爲民。大猷復時時携糗糒單騎入村，教以忠信、仁義、戰守、自強之法，復從數人入諸徭峒，諭教之，峒人驚服，皆回心獻款。會福建海寇張甚巡視浙福，都御史朱紘奏遷福建都司，而必進留之，平交、平黎皆有功，因請於朝，以爲海南右參將。三十一年，倭寇浙、直，勢甚猖獗，朝命以都御史王忬提督浙福，以大猷爲浙江左參將。是時，我中國人王直、毛烈，亡命入海爲倭嚮導，大猷與參將湯克寬入海擊直，直遁。復數以樓船破倭。三十四年，陞南直隸副總兵。時松江柘林賊盈二萬，連年不可討，朝命以張經爲總督尚書。經始至，欲大猷急戰，大猷曰：「某可殺，寧可使擊不勝哉？」與經謀，急調楚粵兵爲先鋒。兵未至，會朝命遣侍郎趙文華監軍。文華督促經戰，而經聽大猷，爲持重。文華怒，論劾經。頃之，楚粵兵至，大猷將之，大敗賊王江涇，而經亦用大猷河船計，多所得賊，擊賊六金壩，殺首三百餘級。而文華劾書先已至上前。世宗大怒，論經死，大猷奪祖職。已，倭至日熾，公卿臺諫，皆言大猷可任。其明年，使充爲事官，鎮守浙、直總兵，連破賊吳松江口營前沙茶山，斬首千五百餘級。移定海，乘雨雪焚舟山寇，進署都督僉事。明年，進署都督同知。海上無警者二年。而

世宗怒王直爲倭嚮導，必欲得而殺之，總督胡宗憲使蔣洲、陳可願入海說直，直有歸意，求貢市。副總兵盧鏜請許之，兵部郎唐順之主其說，而大猷欲用太祖、太宗禦倭法，勦絕毋留，以正中夏外夷之體。與僉事王詢倡論，候其至，出擊之。宗憲曰：「敢擊論死！」使鏜迎直海上，大猷陳兵誇示之。直至，則宗憲下直獄，俟命。倭怒宗憲給之，焚舟走柯梅，人殊死戰，夜乘舢人閩。閩中巡按御史將論劾宗憲，宗憲劾大猷，委罪曰：「是背笑我不戰者。」有旨逮捕詔獄，顧朝論皆稱大猷有功無罪，得發大同立功。大猷念倭騷動東南，不過費財糜卒耳，虜於中國，乃爲不決之隄，欲自見平生而勢位未可，乃爲總督都御史李文進制獨輪兵車，可推輓，上下強弩神銃，擊堅及遠，簞第龍盾，而虜弓矢弗能及也。文進試之，用數十輛，步騎數百人，挫虜數萬於安銀堡。遂以其制聞於朝。京師置兵車營，自大猷始也。湖廣鎮寧苗起，巡撫都御史黃光昇言：「大猷用兵如神，臣在廣東時，見其平交平黎，算無遺策。有才如此，豈宜置散地？乞補臣所部裨將。楚中諸苗，皆大猷昔時調遣從征伐者，令其當事，必有以威撫之。」詔以爲鎮寧參將。四十年，廣、饒、平賊張璉聚寇數萬，攻陷江、閩諸州，詔江、閩、廣三省會征之，用師二十萬人。復以爲南贛參將，督江兵進勦。時三省尚屬胡宗憲節制，宗憲故論劾大猷矣，至此又欲使急擊賊，大猷曰：「急擊，賊四走耳。當攻其巢穴。」宗憲一聽大猷之所爲。璉巢在萬山中，山徑斗絕，大猷疾引萬人據其高巔栢嵩嶺，璉果奔歸，數戰盡捷。而廣兵觀望，久不至。大猷察賊窘，計離其黨執璉自贖。璉執有日，廣兵聞，疾至奪之。江兵不平，欲與鬪，大猷撫几大罵：「敢鬪者死！夫吾惡賊不靖耳，何必在我？江兵、廣兵又何擇焉？」馳散其黨二萬，不戮一人，以示恩信。乘勝誅林朝曦賊，殺二千而返。論功賜金，陞副總兵，鎮守南贛、汀、漳、惠、潮，尋進總兵都督同知。大猷請置縣五嶺間善後，朝議爲置平遠一縣，以屬潮。四十一年，

福建山海寇無慮數十萬，督撫游震得請以大猷控制全閩、江、廣、湖數道。朝命未下，其冬賊陷興化城。明年春，大猷馳至贛，與都督劉顯、戚繼光勦滅之。移鎮惠、潮。有倭二萬，海賊吳平與通，諸山寇亦起。勅江、廣、福建三鎮撫臣偕大猷討平之。大猷次第誅款，使人招平。平率衆來謁。單騎見之，平啼泣投身。其諸酋不甚聽平，平不能自決，然猶爲大猷殺倭百餘級，而與之絕。大猷居平梅嶺，而平終不戰，詔書必得之，使閩、廣二帥會征。大猷曰：「兩將不可以相使，盍歸責一將？」當事迂之。久之，廣兵不至，平遁。御史論罷大猷官，會河源、翁源二縣山賊李亞元等爲寇，兩廣總督吳桂芳抗留於朝曰：「大猷可以將別將，別將不能將大猷。」大猷得留，分五道兵征之，俘斬萬餘。而廣西古田縣者，苗賊據之七十年所矣，嘉靖末年其酋韋銀豹、黃朝猛入會城，劫布政司庫，手刃參政民衷，桂芳復請用大猷鎮守。議征，詔復都督同知，佩廣西征蠻將軍印，是爲隆慶二年。此時總督兩浙譚綸，移鎮薊遼，上書乞大猷與同練車破虜。繼綸者張瀚，以海賊吳平雖死，其黨曾一本復熾，復疏留經略之。瀚問大猷破賊計，大猷言賊之所忌閩船、閩兵，當造舟募兵於閩。瀚與諸司嫌其遲久，大猷作《拙速解》規之。瀚不能用，大造舟廣城下。大猷言：「廣省城外卽海，不似閩港紆深。賊來颯忽耳，倏入一炬，奈何？」瀚又不然其說。居數月，一本突犯廣城，火所造舟，殺擄旬日。瀚及諸司悔，復問計，大猷曰：「計在始議。」諸公曰：「閩舟成，賊遁奈何？」大猷曰：「其勢擁腫，將安所遁？」明年，舟成，遇賊漳、潮，旬日三捷，生擒一本。兩省論功，皆首大猷，於是始往廣西。議征古田，諸公謂用兵七八萬可矣，大猷曰：「必十五萬。」竟以十萬，分七哨，人居三月，計誅朝猛，生擒銀豹，破堅巢百餘，擒斬賊級七千四百六十餘，俘獲賊屬千餘。於是，總督侍郎殷士茂上功於朝，改縣爲州，州曰永寧。而巡按御史誣劾大猷所擒銀豹非真，兵部覆奏：「大猷，故東南名將，必

不輕謬爲奏。」移鎮福建。時方議攻賊澎湖，忽有新倭自漳、泉趨福寧，大猷遣兵追之。將及，副使鄧之屏促向澎湖，新倭猝入烽火寨，殺把總去。御史論劾大猷，大猷竟不言之，屏短，坐免官。時萬曆元年也。大猷結髮爲將，在兵間五十餘年，旌旗所指，動以報明主，拯蒼生爲念，長於料敵，未嘗敗衄。居，常稱：「堂堂天朝，匪茹之寇，非蠻則虜。帝王之師，有征無戰。節制之兵，動圖萬全，寧費寧遲，不敢輕動取勝。與其完目前之局，毋寧預計數十年後，經營紆謀而永之。」然世多不然其說，至其爲之不就，而後信服，而卒從之。至於「永久訐謖」，一時當事固未能決也。其倭陷興化時，興人急在燃眉，而大猷講「五攻十圍」之道，鑿溝壘，堵海壘，以待戚繼光至，然後與劉顯一鼓平之。興化所由陷，坐劉顯玩戰，興人怨次骨而亦大誦大猷。顧大猷謂：「吾不先鑿溝壘，堵海壘者，戚公驟至，能無一倭逸漏耶？」此時譚綸方爲福建巡撫，上功於朝，繼光、顯皆得陞陞，大猷賞金而已。綸貽大猷書曰：「節制精明，公不如綸。信賞必罰，公不如戚。精悍馳騁，公不如劉。然此皆小知，而公堪大受。公誠如霍大將軍，任如諸葛丞相，大如郭汾陽，忠如文信國，毅似于肅愍，可以托孤寄命。知及仁守，當今之世，舍公其誰？公幸自愛！」綸入爲兵部尚書，大猷貽綸書曰：「某平生志在征虜，而見用江南，乖違本素。今年七十餘，老矣。妾媵尚有胎產，膂力可敵精卒二十許人。公許我大受，今其時也。」綸疏，起爲後軍都督府僉書。大猷友人李杜諷大猷：「老也，盍退休？」大猷曰：「吾祖、父世官，享國家祿俸，未有以報。主上冲歲，夷虜時肆憑陵，平生志在西北邊，老當益壯，斃而後已。矧譚公在位，又知我心。虜自成祖北伐而後，未有用大陣勝之者。世宗庚戌之變，將士懷懦，未能列一陣見敵，此國耻也。穆宗皇帝奮武大閱，而陳法久廢，諸將幾不能軍，何以示國威，衛天子？」於是以其故大同時制車法上之於朝曰：「禦虜之法，非車不足以制。古人制字曰

軍，曰陣，曰轅之類，無不用「車」者。馬隆依八陣作偏廂車。偏，扁也。《詩》曰：「小戎倭收」，卽車之扁小者，淺而收之也。蓋古人取任載不多，而得便旋之，用火器衣糧之類，皆可載。」往時，王崇古協理戎政，請專委大猷訓練，三年有成。方欲推之九邊，會綸卒，嘆曰：「無同吾志者矣！」乞歸休，而京師練車遂罷。大猷歸，尋卒，賜祭葬，贈左都督，子孫世襲指揮僉事。大猷在軍，風角占候遁甲皆所不信，潛心學問，起基卑邇，以爲實修，當世士大夫深於道者莫及也。至其雅量鎮俗，東晉風流或亦讓焉。輕財好施，同郡待以舉火者數十家。平生推獎歐陽深、鄧城、湯克寬、陳第，有國士之風。薦挽不遺餘力，城、克寬坐繫，以身保任之，其後皆至總兵。大猷子咨臯，今襲指揮僉事。

#### 衛鎮撫

榮 利州人。以功陞任。今襲。

指揮同知、僉事、鎮撫事故罷襲者，曰李山，洪武初始置泉州衛，以山爲指揮同知。曰周淵，洪武初爲指揮僉事。元亡，陳友定故將泉州總管陳同，收餘衆攻陷同安縣，淵率兵擊之，馳馬入陣，斬同，復同安。

曰武成，山後人。祖皂火廬，奉天征討，累功歷陞通州衛指揮僉事，賜姓陳。父順，火廬季子，初贅武家，隨遷泉州衛，從軍，遂從武姓。成，以事降襲中所正千戶。有勇略，善騎射，禮賢下士。正統末，沙、尤寇發，累立戰功，陞本衛世襲指揮僉事。天順間，征龍巖、上杭寇，復有功。成化初，當道推薦其有賢孝將才，陞神機營參將。以母老乞歸養。尋陞福建都指揮僉事，勅諭總督海道。傳至彥璋，以罪降千戶。今革襲。曰朱貞、魏通、趙立、郭顯、王謙、秦賢、史敬。魏通之後，有宗瀚者，嘉靖中有殺倭功。

#### 幕僚賢者附後

係文質 吳人。掾也。以萬曆四十□年任經歷。〔三〕有才有守，上官委攝安溪，安溪人宜之。及再缺令，群請再攝。既去，碑頌焉。

左千戶所

正千戶

方興 滕人。永樂中縣龍溪衛調任。至璽，以功陞本衛指揮同知。有日升者，以中式加授署指揮同知。今仍襲舊職。

趙受 宣德中調任。今襲。

張大漠 其先合肥人。今襲。

副千戶

張貴 廬州人。今襲。

何諒 和州人。洪武中以功陞任。今襲。

黃忠 洛陽人。宣德中調任。今襲。

百戶

百堅 開城人。今襲。

郭實 崇明人。洪武中縣沿海衛調任。今襲。

盛興 和州人。洪武中任。今襲。

王勝 當塗人。洪武中任。今襲。



所鎮撫

龔叙 長林人。成化中繇碣石衛調任。今襲。

千、百戶事故者，曰平安、泰圯、于旺、魏潑兒、孫洪、陳原真、閻貴、施任、劉霆、崔浩。

右千戶所

正千戶

方安 廣陽人。繇福州衛調任。今襲。

閻海 渠山人。景泰中繇本所副千戶陞任。今襲。

張鐸 成化中任。今襲。

副千戶

趙忠 商河人。繇本所百戶陞任。今襲。

鄧起 沙縣人。以開國功授滁州百戶。歷二世，調泉州衛右所。嘉靖間，有城者，登武科第一，功授

中軍指揮，陞廣東僉事、游兵把總、通泰參將，累官至提督狼山副總兵。城，狀貌魁傑，家貧力學，能詩善書，從王慎中學。爲人沉毅有謀，喜賓客，閑騎射。既授祖職，有擒安溪、龍溪山寇、海洋番賊功。歲乙卯，浙直倭寇猖獗，奉檄赴援，大戰徐功山、普陀、蓮花洋、羊山、陽弋橋等處，斬首千餘級。爲通泰參將。王江涇、陸涇壩之捷，皆與俞大猷共事，論功相亞。其總兵狼山，方疏置舟師，適倭寇百船突至，城兵不滿四十艘，攻沉倭船無數，倭焚舟登岸，犯白蒲、如皋，復奮擊之，擒斬幾盡。時嚴氏柄國，使人徵賄，城不爲意，被嫉陷逮繫落職。從雲中李總督，以卒千人破達虜萬餘衆。是年，倭攻陷興化府，閩巡撫以城請，拔

城雲中，拜閩游擊將軍。未幾卒。城微時，與俞大猷爲刎頸交，及奮行間，立戰功，其勇略氣節亦相類。子銓，銅山把總，鑣，見縉紳，鍾，萬曆丁丑武進士，官貴州總兵，善詩有韜略，爲廣東副總兵，有征黎功，所著有《籌海重編》。銓子中溥，武進士，廣東都司。今世襲千戶。

張養正 寶坻人。先世榮，永樂中調右所百戶。養正，嘉靖季承檄戍興化南日寨之青山。倭寇海上，養正甫至戍，卽遣其僕守慶還家，趣治縷絮爲戰裝具，鬻貨產以募士兵。守慶持絮若貨至戍，而報倭至，養正督軍禦之，發五矢中三，倭皆驚遁。詰朝，倭黨蜂出，猖獗莫遏，軍士多以逃匿爲計，養正叱之，卽提衆往擊，引弓射之。倭性故悍，雖激矢穿胸，曾不退北，反以前驅。衆軍皆遁，僅守慶追隨，且射且却，賊刃逼身。養正奮撻拔賊刀，反斷賊右臂。在傍者追至，守慶抱賊請代，呼天叩地，情詞懇切，倭亦不曉所謂，遂斬守慶足，斷其首，併力逐養正。養正傷足及臂，尚張目瞭賊，神色不變。旣而首斷，挺身如壁。賊解去其衣甲。居民逃賊，栖匿山上者，目睹情狀，爲之慟哭，聲震天地。養正年方十九，娶婦竟三月耳。當道題請陞二級附祀，衛民祠，春秋配祭。今世襲副千戶。

百戶

陳保 高郵人。洪武中任。今襲。

任慶 和州人。宣德中任。今襲。

千、百戶事故者，曰方清、陳璉、王真、楊春、李忠、徐安、袁善、盛能、李海。

中千戶所

正千戶

李喬鼎 泗水人。祖旺，宣德中繇陝西衛百戶陞本所副千戶。至喬鼎，陞任。今襲。  
聊遵 合肥人。洪武中任。今襲。

副千戶

王遵 望江人。洪武中以福州衛百戶陞任。傳至道成，與俞、戚、歐帥，及指揮歐陽深，有俘獲海寇功。今襲。

鄭興 歸德人。永樂中繇西安衛調任。今襲。

宋安 邳州人。成化中繇本衛後所調任。今襲。

百戶

李阿關 滁州人。洪武中任。今襲。

金傑 龍游人。永樂中繇海門衛調任。今襲。

高興 泰州人。洪武中任。今襲。

郭懋 蘇州人。宣德中調任。正統中，有瑄者，曉兵法善騎射。德化寇發，御史陳永、兵憲陳祚，委瑄討之。瑄將所部百二十人往，遇賊新化里等處，生擒賊首林真保等三十人，斬戮倍之。繼而餘黨充斥，犯永春。縣上民乞再用瑄。賊聞瑄至，大怖引去。瑄襲擊於苦竹村，日凡數戰，皆破之。復追殺至樊田嶺，死傷蔽野。賊窘甚，胥指：「是髯將軍者，郭耶？」銃弩齊發。瑄傷股。賊傳聞瑄死，引還剽掠十九都諸鄉。瑄裹瘡督戰甚銳，賊見瑄，駭遁。永、德以寧。是月瘡潰，卒。今襲。

桂斌 常熟人。宣德中調任。今襲。

吳旺 晉江人。今襲。

百戶事故者，曰王用、陳興。

前千戶所

正千戶

秦惟 定遠人。父安，洪武中從開國功。至惟，調任。惟子雄。三世俱沒王事，而皆葬外。雄孫昇，性有至孝，年十六，遵例替職，北至潼關，祭奠高祖父安，修其墳塋，南浮江淮，徧求祖父雄故阡不得，虔誠禱天，日則修齋，夜則減餐，至環瓊堡得之，涕泣大慟，廬塚匝月，乃卜吉日，以禮遷柩運還，由江直下，抵福之北嶺，祭掃曾祖惟墳，修而葺之，乃扶祖父骸柩以歸，未至泉城，倏聞父訃，哀號頓絕。及歸，就廬執禮惟謹。卒哭，奉祖父柩莫葬焉。買地葬父，廬墓其側。成化十四年，強盜蕭丙三等作耗，委率官軍追至永春，長泰二縣界，捕獲同徒王清仔等及殺賊蘇尾仔首級，仍生擒丙三。而昇已老矣，而母洪尚在昇所，以事洪甚至，洪享壽八十餘齡。巡按御史先後疏薦。正德三年，勅有司旌門。今襲。

屈真 東安人。永樂中繇大寧衛調任。今襲。

章一鵬 鄞人。祖京，永樂中調本所副千戶。至一鵬，以功陞任。今襲。

孟學尹 宿遷人。祖昇，功陞本所副千戶。至學尹，陞任。今襲。

副千戶

石玉 永樂中以功陞任。今襲。

百戶

王斌 六安人。洪武中任。今襲。

秦營 含山人。洪武中任。今襲。

陳旺 當塗人。永樂中任。今襲。

李貞保 江都人。永樂中任。今襲。

陳錫祉 儀真人。其先陳義，洪武中任千戶。至錫祉，萬曆四十一年襲試百戶。

#### 試百戶

莊鳳雛 晉江人。萬曆中以父用晦殺倭陣亡恩授。用晦，附見縉紳用賓志。

百戶事故者，曰李闢、傅瑤、陳福、丘成、湯銘、蔡廣。

#### 後千戶所

#### 正千戶

翟禮 儀真人。洪武中任。今襲。

丁祥 漢陽府人。洪武中任。今襲。

#### 副千戶

江義 蕪水人。洪武中任。今襲。

楊慶 丹徒人。祖茂，以功授本所百戶。至慶，正統中功陞副千戶。今襲。

湯日新 江寧人。洪武中，祖潮授本所百戶。至日新，以功陞任。今襲。

#### 百戶

許成，晉江人。洪武中任。今襲。

陳養仔，惠安人。洪武中任。今襲。

姚旺，秦州人。洪武中任。今襲。

管禮，武康人。洪武中任。今襲。

周壽，鄞人。永樂中任。今襲。

蔡廣，五河人。宣德中任。今襲。

千、百戶事故者，曰曹福、李愿勝、王貴、歐泉、張遜。

### 永寧衛

指揮使司 指揮使一員，指揮同知二員，指揮僉事四員，鎮撫一員，經歷司經歷一員，知事一員。

左千戶所正千戶一員，副千戶二員，鎮撫一員，百戶十員。右千戶所正千戶一員，副千戶二員，鎮撫一員，百戶十員。中千戶所正千戶一員，副千戶二員，鎮撫一員，百戶十員。前千戶所正千戶一員，副千戶二員，鎮撫一員，百戶十員。後千戶所正千戶一員，副千戶二員，鎮撫一員，百戶十員。福全千戶所正千戶一員，副千戶二員，鎮撫一員，百戶十員。高浦千戶所正千戶一員，副千戶二員，鎮撫一員，百戶十員。中左千戶所正千戶一員，副千戶二員，鎮撫一員，百戶十員。崇武千戶所正千戶一員，副千戶二員，鎮撫一員，百戶十員。金門千戶所正千戶一員，副千戶二員，鎮撫一員，百戶十員。

### 指揮使

關義，和州人。洪武中以功陞任。今襲。

千八禿帖木兒 寶坻人。永樂中以功陞任。今襲。

#### 指揮同知

張祥 宿州人。洪武中以功陞任。今襲。

鍾瑄 善化人。永樂中以功陞任。今襲。

馬英 商河人。以功陞任。今襲。

杜成 無爲州人。洪熙中任。今襲。

劉海 樂亭人。父貴，右所千戶。正統中，海襲陞任。今襲。

余冕 定遠人。祖賢，本衛指揮僉事。至冕，正統中以功陞任。今襲。

沈鏞 和州人。祖真，福州右衛千戶，功陞泉州衛指揮僉事。景泰中，至鏞，陞任。今襲。

#### 指揮僉事

丘遇 虹縣人。洪武中任。今襲。

李實 鳳陽人。永樂中任。今襲。

王剛 宜興人。以功陞任。今襲。

王綱 宜興人。景泰中，繇中所正千戶陞任。今襲。

王世實 宜興人。其先榮，永樂中任本衛鎮撫。隆慶間，閩、廣會勦，曾一本，檄世實爲前鋒，屢戰皆

捷，得賊首百餘級，陣亡。事聞，賜祠，陞指揮僉事。今襲。

指揮、同知、僉事、鎮撫事故者，曰楊春、錢輅、王瑄、洪海、吳忠、李敞、高祥、邵應魁、翟榮。

錢輅 全椒人，有才略。景泰中，以薦協輔王勝總督軍務。時海寇嚴啟盛，恃險爲亂，輅躬率舟師，追七日夜，至黑水洋，大小十一戰，賊敗遁。復征沙、尤寇，斬酋蕭政通，以功陞任。輅知書，事母孝，教子嚴，治家有法，閨門內外肅然。

幕僚賢者附後

陳用之 成化中任衛知事。永寧，海上地，絃誦聲稀，用之訪諸貴胄及戎籍子弟之秀者，勸使就學。或步詣其門，諭之曰：「古人雖在軍旅，不忘道藝，人間惟此一種味最不可少。」且爲敦請興化鄉進士陳愈爲之師。既三年，得可進者三十人，申白當道，乞得如民間俊秀例，附充泉州府學，以均教育，備選舉。雖格時制，不盡如志，然自是永寧文風稍進，學者德之。

左千戶所

正千戶

趙禮 壽州人。洪武中任。今襲。

副千戶

潘祐 東平人。永樂中任。今襲。

宋德 安肅人。永樂中任。今襲。

百戶

施忠 和州人。洪武中任。今襲。

崔成 湘縣人。洪武中任。今襲。



周俊 衡陽人。洪武中任。今襲。

徐海 全椒人。永樂中任。今襲。

李忠 大興人。永樂中任。今襲。

阮良棟 合肥人。今襲。

正千戶事故者，曰孟榮、李忠、張晟。

右千戶所

正千戶

馬昇 懷來人。永樂中任。今襲。

郭福興 父斌，泉州衛前所百戶。福興，以功陞任。今襲。

副千戶

袁敬 儀真人。洪武中以功陞任。今襲。

段貴 陽穀人。永樂中任。今襲。

湯復禹 壽州人。今襲。

百戶

傅旺 定遠人。洪武中任。今襲。

吳觀 臨淮人。洪武中任。今襲。

朱貴 江陰人。洪武中任。今襲。

林和 羅源人。洪武中任。今襲。  
徐成 來安人。洪武中任。今襲。  
吳倫 滁州人。洪武中任。今襲。  
金安 晉江人。宣德中任。今襲。  
張觀 定遠人。今襲。  
副千戶事故者，曰楊縉。

中千戶所

正千戶

王鑑 合肥人。洪武中任。今襲。  
陳繼 盱眙人。永樂中任。今襲。  
穆賚 合肥人。永樂中任。今襲。

副千戶

李和 無爲州人。洪武中任。今襲。

姚銘 瑞州人。□□中任。〔三〕傳至昂，隆慶中襲本所百戶。今襲。

百戶

臧福 長興人。洪武中任。今襲。  
馬勝 龍山人。洪武中任。今襲。

薛進 榮河人。洪武中任。至繼榮，嘉靖季死難。今襲。

郭義 任縣人。洪武中任。傳至材，萬曆二十五年襲試百戶。今襲。

丁廣 寧都人。正統中任。今襲。

千、百戶事故者，曰張貴、陶璟。

#### 前千戶所

##### 副千戶

李忠 寶坻人。洪武中任。今襲。

蔡懋 合肥人。洪武中任。今襲。

##### 百戶

孫觀 全椒人。洪武中任。今襲。

朱榮 丹陽人。洪武中任。今襲。

宋真 滁州人。洪武中任。今襲。

潘璘 鳳陽人。洪武中任。今襲。

岳全 汝州人。洪武中任。今襲。

千、百戶事故者，曰張關住、范雲、王真、沈亮。

#### 後千戶所

##### 正千戶

高得 滕人。洪武中任。今襲。

沈清 豐潤人。洪武中任。今襲。

張斌 全山人。洪武中任。今襲。

黃淮 圯人。其先政，本所百戶。至淮，功陞千戶。今襲。

副千戶

花成 餘杭人。洪武中任。今襲。

周敬 吳縣人。洪武中任。今襲。

百戶

張關兒 全椒人。洪武中任。今襲。

朱亮 合肥人。洪武中任。今襲。

呂鈞 豐城人。洪武中任。今襲。

千、百戶事故者，曰姜青、吳淦、潘順、梁壽。

福全千戶所

正千戶

蔣元啟 壽州人。成化中任。今襲。

所鎮撫

伍鉞 達達人。今襲。

百戶

余武 固始人。今襲。

王斌 遵化人。今襲。

柳銘 安豐人。今襲。

閻斌 南陽人。今襲。

陳良 當塗人。今襲。

路忠 饒陽人。今襲。

翁思道 鳳陽人。今襲。

張自新 鄒平人。今襲。

吉祥 襄陽人。今襲。

千、百戶事故者，曰劉拱、李輝、翟旺、呂榮。

高浦千戶所

正千戶

李蕃實 會州人。今襲。

孫幹 富平人。今襲。

副千戶

趙瑤 武清人。今襲。

徐忠 崑山人。今襲。

張沆 儀真人。今襲。

百戶

陳剛 靈璧人。今襲。

劉瑛 壽州人。今襲。

張祥 壽州人。今襲。

方琛 舒城人。今襲。

粟城 江夏人。今襲。

趙隆 膚施人。今襲。

試百戶

朱天申 合肥人。今襲。

百戶事故者，口郭通、朱賢、楊業。

中左千戶所

正千戶

韓賢宣 全椒人。今襲。

副千戶

趙岢讀 涉人。陣亡。今襲。

吳繼盛 邳州人。今襲。

李守愚 益陽人。今襲。

百戶

彭添 西安人。今襲。

阮昇 滁州人。今襲。

倪曉 侯官人。今襲。

吳釗 潛山人。今襲。

程景明 西河人。今襲。

黃鸞 祥符人。今襲。

試百戶

陳椿 阮州人。今襲。

千、百戶事故者，曰趙熊、卞釗、孟賢、蕭旺、陳覺。

崇武千戶所

正千戶

錢瑛 合肥人。今襲。

胡思敬 □□人。〔二〕今襲。

祖燦 樂亭人。其祖璉，本所副千戶。父繼芳，以屢有擒倭功陞。今襲。繼芳，廉貞知大體，惠安令

葉春及與共事，稱爲儒將。嫌，亦洗手奉法。

副千戶

徐鑾 襄城人。今襲。

朱絃 武進人。今襲。

所鎮撫

黃泰 閩清人。今襲。

王澤民 舒城人。今襲。

百戶

張榮 □□人。〔四〕其先世，洪武中有陣亡者，封昭信校尉。嘉靖中，倭船艤大岬登岸，人情匆匆，以

崇武孤城斗絕，第欲堅守，榮奮身出禦之，力戰陣亡，賊亦遁去。今襲。

經庸 臨淮人。今襲。

吳仁 合肥人。今襲。

申銘 涉人。今襲。

汪澄 六安人。今襲。

副千戶事故者，口王寬。

金門千戶所

正千戶



劉福壽 黃陂人。以指揮僉事降任。今襲。

劉茂 廣寧人。今襲。

副千戶

姚崇 威縣人。今襲。

陳暹 昌黎人。今襲。

成繼頤 □□人。〔五〕今襲。

俞定遠 江都人。今襲。

所鎮撫

解經 廬江人。今襲。

楊樾 □□人。〔六〕今襲。

百戶

陳棟 定遠人。今襲。

陳堯祖 連江人。今襲。

盧元 懷安人。今襲。

黃勝 夏縣人。今襲。

錢桓 績溪人。今襲。

試百戶

陳煒 福安人。今襲。

楊瑄 永福人。今襲。

王可興 福安人。今襲。

陳忠 同安人。今襲。

〔校記〕

〔一〕「以萬曆四十」下，各本原闕一字。

〔二〕「中任」上，各本原闕二字。

〔三〕〔四〕〔五〕〔六〕「人」上，各本原闕二字。

## 閩書卷之七十

### 武軍志

#### 建寧左衛

##### 指揮使司

指揮使一員，指揮同知二員，指揮僉事四員，鎮撫二員，經歷司經歷一員，知事一員。

革。左千戶所正千戶一員，副千戶二員，鎮撫一員，百戶十員。右千戶所正千戶一員，副千戶二員，鎮撫一員，百戶十員。中千戶所正千戶一員，副千戶二員，鎮撫一員，百戶十員。前千戶所正千戶一員，副千戶二員，鎮撫一員，百戶十員。後千戶所正千戶一員，副千戶二員，鎮撫一員，百戶十員。

##### 指揮使

馮釗 永樂中繇本衛同知陞任。今襲。

闕文 以功陞任。今襲。

王洲 以功陞任。今襲。

黃承惠 以功陞任。今襲。

周同 以功陞任。今襲。

##### 指揮同知

李鏞 祖信，本衛僉事。鏞，襲，以功陞任。今襲。

徐信 和州人。父義，任右衛指揮僉事。信，弱冠襲職，駐軍汶上。歸附靖難師。永樂初陞任。擒尤溪寇林實三等二千餘人，陞行都司指揮僉事。擒李烏鶯等五百人，又勦處州賊池永康，及捕浦城賊陳三觀等。正統十三年，沙、尤寇鄧茂七去郡十五里立營，期日攻城，城中汹汹，信夜半偵知虛實，五鼓分三路，以黃帕爲號舉炮，則各兵俱進。賊未飯，官軍入其營，斬獲殆盡。事聞，降勅嘉獎。他如崇儒修學，散粟賑饑，有儒將風。年八十七卒。

蔣伯良 尤溪人。少貧賤，販鬻市中。寧陽侯屯尤溪征鄧茂七寇，良率子弟兵應募。所至剋捷，擢所鎮撫，陞本衛指揮同知。良短小精悍，多匿知，督戰必嚴刁斗，信賞罰，遇敵據險，設伏獲功爲多。嘗出令軍中：「夜不得妄出入。」姊子犯令，衆哀救不得，竟治以法。

李恕 江都人。正統中任。沙、尤盜起，斬獲有功，陞行都指揮同知。

凌祥 陳良 黃文

指揮僉事

黃慶 景泰中任。今襲。

張源 鳳陽人。嘉靖中任。

張貴 父鏞，初從軍湖廣五開衛，景泰中以殺苗賊有功累陞副千戶。至貴，弘治癸丑領兵征都勻叛蠻有功，陞正千戶。辛酉，復佐永康侯殺賊於圍口十八寨，累立奇功，陞本衛指揮僉事。

王用 黃斌 李信 楊瑛 吳靖 康貴 張統

衛鎮撫

周得 永樂中任。今襲。

賀榮

左千戶所

正千戶

后玖

副千戶

齊整 永樂中任。今襲。

金試美 永樂中任。今襲。

百戶

潘祐 洪武中任。今襲。

王環 洪武中任。今襲。

孫璧 洪武中任。今襲。

朱耀 阮得 楊政 呼安

右千戶所

正千戶

祈義 永樂中繇本所副千戶陞任。今襲。

孫榮

副千戶

陳雲桂。今襲。

劉勇

百戶

韓禮。洪武中任。今襲。

李瑄。洪武中任。今襲。

林旺

中千戶所

正千戶

吳達。今襲。

武能

副千戶

蔣元。今襲。

褚子貴。永樂中任。今襲。

杜貴。崔勳

百戶

桑榮 洪武中任。今襲。

王禮 永樂中任。今襲。

史略 合肥人。授龍山所百戶，調任。今襲。

鍾富 路達 吳榮

前千戶所

正千戶

謝成 永樂中任。今襲。

副千戶

洪均 祖忠，洪武中本所百戶。均，景泰中陞任。今襲。

方王

百戶

魯真 洪武中任。今襲。

王得保 永樂中繇總旗陞任。今襲。

洪忠 丘忠 鄒喻

後千戶所

正千戶

黃瀾 今襲。

王大

百戶

陳玉 今襲。

鮑斌 永樂中任。今襲。

徐榮 羅鎮

建寧右衛

指揮使司 指揮使一員，指揮同知二員，指揮僉事四員，鎮撫二員，經歷司經歷一員，知事一員。

革。左千戶所正千戶一員，副千戶二員，鎮撫一員，百戶十員。右千戶所正千戶一員，副千戶二員，鎮撫一員，百戶十員。中千戶所正千戶一員，副千戶二員，鎮撫一員，百戶十員。後千戶所正千戶一員，副千戶二員，鎮撫一員，百戶十員。浦城千戶所正千戶一員，副千戶二員，鎮撫一員，百戶十員。

指揮使

高鏞 宣德中任。今襲。

吳剛 以功陞任。至泉，歷汀漳守備。今襲。

張瑾 以功陞任。今襲。

仲德 以功陞任。今襲。

謝榮 以功陞任。今襲。

馬隆 以功陞任。今襲。



張銳

指揮同知

師鎮 洪熙初任。今襲。

張櫛 以功陞任。今襲。

徐宦 以功陞任。今襲。

楊泰

宮顯 壽州人。本衛指揮僉事。正統十四年，沙、兀寇攻將樂城，顯設備，俟賊少懈，襲破之，陞指揮同知。

指揮僉事

張子榮 永樂中任。今襲。

翟亮 洪熙初任。今襲。

邵成 洪熙初任。今襲。

吳欽 今襲。

龐威

衛鎮撫

胡敬 劉通

左千戶所

正千戶

朱忠 洪武中任。今襲。

百戶

焦中 洪武中任。今襲。

曹讓 夏貴 劉銘 董成 陳林

右千戶所

正千戶

劉海 今襲。

副千戶

王原 裴敬

百戶

潘忠 洪武中任。今襲。

張榮 永樂中任。今襲。

朱銘 今襲。

蔣士進 孫旺 許盛 劉智

中千戶所

正千戶

趙得

副千戶

婁貴 洪武中任。今襲。

百戶

寶斌 洪武中任。今襲。

吳忠 洪武中任。今襲。

周得 洪武中任。今襲。

劉玉 戴巽 汪保 郭興

後千戶所

正千戶

鐵仲剛

副千戶

王震 其先文廣，本所百戶。至震，景泰中陞任。今襲。

周堅

百戶

裴潤 今襲。

譚嵩 今襲。

楊春 沈興 蘇玉

所鎮撫

王雅 字孟威，建陽人。正統戊辰，與邑人陳善安糾合鄉民，征勦鄧茂七，保障有功，授鎮撫。今襲。

浦城千戶所

正千戶

夏謹 景泰中任。今襲。

武昂 今襲。

副千戶

張俊 大順中任。今襲。

王遇 李璿

百戶

周銓 成化中任。今襲。

李振 今襲。

孫愷 徐祐 許釗

以上多有年久不襲，郡志並不叙所以，姑因其概，列之如右。

延平衛

指揮使司 指揮使一員，指揮同知二員，指揮僉事四員，鎮撫二員，經歷司經歷一員，知事一員。

革。左千戶所正千戶一員，副千戶二員，鎮撫一員，百戶十員。右千戶所正千戶一員，副千戶二員，鎮撫一員，百戶十員。中千戶所正千戶一員，副千戶二員，鎮撫一員，百戶十員。前千戶所正千戶一員，副千戶二員，鎮撫一員，百戶十員。後千戶所正千戶一員，副千戶二員，鎮撫一員，百戶十員。永安千戶所正千戶一員，副千戶二員，鎮撫一員，百戶十員。

#### 指揮使

侯庸 歸德人。永樂中以功歷行都指揮僉事。今襲。

徐貴 睢寧人。以功歷行都指揮僉事。今襲。

王畿 廬龍人。父勰，見行都司。畿，嘉靖間襲職，占籍本衛。今襲。

曹敬 邳州人。正統中調任。累破沙、尤賊有功，陞福建行都指揮同知。

#### 指揮同知

王鼎 盱眙人。心洪武中任。今襲。

金廣 固始人。正統中任本衛僉事，殲鄧茂七餘黨於政和，以功陞任。今襲。

孫剛 宿遷人。正德中調任。今襲。

劉燾 王田人。其先勝，景泰間以功陞本衛指揮使，歷行都指揮僉事。至燾，萬曆中降襲。

丁泉 汶上人。襲父職，調任。正統中，勦沙、尤寇有功，陞行都指揮僉事，備禦上杭，遏絕草寇。明年，寇復攻上杭城，泉率士卒戰且守，竟無害。未幾，巡按伍驥奉朝命督諸軍勦捕，泉直擣其巢穴，攻破石

馬岐等寨，猝與賊遇，力戰而死。邑民哀感，像祠之。

指揮僉事

于成 江都人。洪武中任。今襲。

劉進 定遠人。永樂中任。今襲。

周金 當塗人。宣德中任。今襲。

張顯 長汀人。正統中任。今襲。

衛鎮撫

徐勝 武進人。洪熙初任。今襲。

馬雄 濟寧人。正統中任。破沙、尤賊有功，歷陞行都指揮僉事同知。

指揮僉事故絕者，曰王綱。

左千戶所

正千戶

王堂 山後金山人。父綱，指揮僉事。至堂，嘉靖中降任。今襲。

副千戶

張豹 江陵人。其先能，以功陞正千戶。至豹，降襲。今襲。

趙恭 漢州人。洪武中任。今襲。

百戶

梁震 蕪湖人。洪武中任。今襲。

王壽 黃岡人。洪武中任。今襲。

熊留玉 南城人。洪武中任。今襲。

安銘 完縣人。永樂中任。今襲。

葉應春 將樂人。隆慶中任。

#### 試百戶

趙臣 灤州人。祖旺，本所正百戶。至臣，降襲。今襲。

正千戶故絕者，曰張瑣。

#### 右千戶所

#### 副千戶

陶誠 六合人。景泰中以百戶陞任。今襲。

#### 百戶

羅貴 舒城人。洪武中任。今襲。

陳遇龍 臨淮人。天順中任。今襲。

黃鏞 泰寧人。祖信，邵武衛百戶。鏞，成化中調任。今襲。

張松 廬龍人。父祿，正德中以本衛指揮僉事降任。今襲。

#### 試百戶

吳敏 太湖人。永樂中任。今襲。  
汪宏 西安人。成化中任。今襲。  
千、百戶故絕者，曰李廣、祝旻、郭鏞。

中千戶所

正千戶

馮成 順義人。永樂中任。今襲。

副千戶

韓璧 光山人。洪武中任。今襲。

劉添 天長人。洪武中任。今襲。

百戶

王興 合肥人。洪武中任。今襲。

謝安 沙縣人。洪武中任。今襲。

安用 宜春人。洪武中任。今襲。

金亮 定遠人。洪武中任。今襲。

趙永 江西德化人。洪武中任。今襲。

張保 定遠人。洪武中任。今襲。

舒能 德興人。永樂中任。今襲。



王箴 舒城人。成化中調任。今襲。  
百戶故絕者，曰吳凱。

前千戶所

正千戶

楊顯 江陰人。宣德中任。今襲。

副千戶

王祐 蕭人。永樂中任。今襲。

百戶

談道廣 德州人。永樂中任。今襲。

符庸 諸暨人。宣德中任。今襲。

連朝用 建寧縣人。隆慶中任。今襲。

杜壽 巢人。今襲。

試百戶

萬安 南城人。今襲。

署試百戶

李通 沙縣人。降任。今襲。

後千戶所

正千戶

胡善 滑人。永樂中調任。今襲。

副千戶

張庸 單人。洪武中任。今襲。

宋忠 章丘人。宣德中任。今襲。

黃震 壽州人。景泰中以功陞任。今襲。

百戶

張來子 懷遠人。洪武中任。今襲。

田方 含山人。洪武中任。今襲。

趙童 南城人。永樂中任。今襲。

湯臣 通州人。萬曆中任。今襲。

永安千戶所

正千戶

崔璫 宣府人。景泰中任。今襲。

副千戶

陳猷 易州人。景泰中調任。今襲。

百戶

焦俊 沅陵人。景泰中調任。今襲。

### 汀州衛

指揮使司 指揮使一員，指揮同知二員，指揮僉事四員，鎮撫二員，經歷司經歷一員，知事一員。

革。左千戶所正千戶一員，副千戶二員，鎮撫一員，百戶十員。右千戶所正千戶一員，副千戶二員，鎮撫一員，百戶十員。中千戶所正千戶一員，副千戶二員，鎮撫一員，百戶十員。前千戶所正千戶一員，副千戶二員，鎮撫一員，百戶十員。後千戶所正千戶一員，副千戶二員，鎮撫一員，百戶十員。上杭千戶所正千戶一員，副千戶二員，鎮撫一員，百戶十員。

### 指揮使

嚴儀 灤州人。以功陞任。今襲。

### 指揮同知

王費 樂亭人。洪武中任。今襲。

張徽 徐州人。洪武中陞調本衛千戶。永樂中征交趾，陞指揮僉事。正統中征沙、尤寇有功，陞任。三傳至韜，弘治中征武平寇有功，欽賞鈔緞。今襲。

楊春 泰州人。洪熙間調邵武衛指揮同知。子廣，襲。正統間，沙寇鄧茂七亂，廣領兵守將樂。賊數萬至，以車攻城，高與城齊，冒之以革，揉兩竹置板其上，及城則開竹以排兵，板隨竹下。將跨城以度，廣鎔鐵汁植木待之。比至，以木捍竹，出鐵鎗，鈎止其車，取竹燈檠裹芻投之，沃以鐵汁，車盡熾毀，賊潰。與千戶徐昇乘勝出戰，勦殺甚衆，城賴以完。曾孫瑛，成化初調任。三傳至濟，無子，弟漢，舉弘治己

西鄉試，授虹縣訓導矣。已，乃襲濟職。漢，清謹廉介，歷銅山把總，賊盜屏息。已，掌本衛戎政。卒之日，閩郡哀痛，其人可知也。今襲。

劉欽 懷遠人。其先崇，宣德初龍本衛僉事，調征交趾，陣亡。成化中有廣者，討上杭賊首劉昂等有功，欽賞鈔緞。欽，正德中南靖寇亂，征勦有功，陞同知。今襲。

指揮僉事

李虎 壽州人。洪武中任。今襲。

王得 汝寧人。洪武中任。今襲。

張熨 通許人。永樂中任。今襲。

李智和 麻人。弘治中繇武成衛調任。今襲。

黃敏 洪武中任。廣賊謝在真寇武平，敏射勦捕，賊驚走，因追擒之。又於武平築城，分軍守禦，境內以安。

衛鎮撫

閔德 壽州人。洪武中任。今襲。

蔡青 莆田人。宣德中任。今襲。

指揮僉事故絕者，曰韋敏。又有吳廣，不知其或調或絕。《洪武實錄》：「廣，合肥人。初名繼先。屢從征伐，累功陞温州衛指揮僉事。洪武元年，温州董孟怡等聚衆作亂，廣率兵四百往捕之，謂部將曰：『彼衆我寡，與敵非計。第其衆烏合，脇從耳，素非行伍約束，携貳必多，盍遣人諭以禍福？』人各有父母妻

子之念，去逆効順，易於反掌。」遂按兵，詢居民與寇中所親者往諭。」越二日，其黨數十人縛孟怡等首亂三人詣降。誅之，餘衆悉遣歸鄉里。改汀州衛。以老疾終。廣嘗授學於余，闕聞忠孝之說，故爲將通儒術，臨事能持大義。

左千戶所

副千戶

李昌 滁州人。洪武中任。今襲。

陳玄保 定遠人。洪武中任。今襲。

劉敏 龍山人。成化中繇邵武衛調任。今襲。

王鎮 正德中任。今襲。

所鎮撫

陳榮 武昌人。洪武中任。今襲。

百戶

劉永 丹徒人。洪武中任。今襲。

丁剛 滁州人。洪武中任。今襲。

千、百戶故絕者，曰朱真、劉正、呂源、俞海、卜錦濂。

中千戶所

正千戶

袁真 長沙人。洪武中任。今襲。

副千戶

洪貴 南城人。宣德中任。今襲。

百戶

王興 常山人。洪武中任。今襲。

蔡貴 咸寧人。永樂中任。今襲。

康鎮 盱眙人。永樂中任。今襲。

朱源 江陰人。宣德中任。今襲。

史欽 弘治中縣贛州衛調任。今襲。

徐偉 正德中調任。今襲。

張鳳 正德中調任。

祝珍 正德中調任。

孟賢 正德中調任。

千戶故絕者，曰黃福、劉誠。

前千戶所

副千戶

惠安 宿州人。洪武中任。今襲。

襲。

秦禎 洛陽人。其先榮，洪武中任本所百戶。至父璧，成化中征武平寇陣亡。禎，陞襲副千戶。今

百戶

張智 合肥人。洪武中任。今襲。

張斌 合肥人。洪武中任。今襲。

段昇 興國人。洪武中任。今襲。

強廣 滁州人。洪武中任。今襲。

劉谷瑞 泰州人。洪武中任。今襲。

華容 壽州人。洪武中任。今襲。

唐道 嚴州人。洪武中任。今襲。

千、百戶故絕者，曰楊輝、許道、王得。

後千戶所

副千戶

劉全 魚臺人。宣德中任。今襲。

田斌 武城人。宣德中任。今襲。

孫璧 正德中任。今襲。

百戶

石保童 山陽人。洪武中任。今襲。

周海 隸州人。洪武中任。今襲。

千、百戶故絕者，曰宋魁、李僧兒、季旺。

上杭千戶所

正千戶

張友 山後大興州人。永樂中任。今襲。

副千戶

潘文貴 儀真人。洪武中任。今襲。

余康 衡陽人。洪武中任。今襲。

百戶

嚴琮 建德人。祖忠，洪武中調任右所。琮，宣德中任。今襲。

饒昇 南豐人。曾祖順，洪武中陞任。昇，正統中任。今襲。

莊瑞 邳州人。伯父弼，洪武中調任右所。瑞，天順中任。今襲。

王觀 揚州人。伯父能，永樂中調右所。觀，天順中任。今襲。

賴榮貴 本縣人。兄榮華，嘉靖中以義夫長官百戶，領里兵往浙江征倭，大破倭，斬首十級，收兵而

餉，賊奔至，中烏銃死。榮貴，以榮華功蔭襲。

所鎮撫



劉晟 沙縣人。父富，洪武中以功陞右所。晟，宣德二年任。今襲。

湯輅 定遠人。祖全，洪武中陞任右所。輅，成化中任。今襲。

李綱 泰興人。伯父昇，洪武中調任右所。綱，景泰四年任。今襲。

#### 試百戶

賴楷 本縣人。父思智，弘治間捕盜老人，正德七年擒武平賊首吳顯，曾惟茂，乘勝追逐餘黨，伏起被支解。楷，以父功蔭試百戶。今襲。榮華，楷子，復以征倭陣亡，陞副千戶。見前。

曹鎮 清河人。其先禮，宣德中調右所千戶。子瑛，成化中爲事降百戶鎮，嘉靖三年任試百戶。故絕者，曰王讓、王璧、尹瑞、武城、姚綱、孫秀實。

#### 興化衛

指揮使司 指揮使一員，指揮同知二員，指揮僉事四員，鎮撫二員，經歷司經歷一員，知事一員。革。左千戶所正千戶一員，副千戶二員，鎮撫一員，百戶十員。右千戶所正千戶一員，副千戶二員，鎮撫一員，百戶十員。中千戶所正千戶一員，副千戶二員，鎮撫一員，百戶十員。前千戶所正千戶一員，副千戶二員，鎮撫一員，百戶十員。後千戶所正千戶一員，副千戶二員，鎮撫一員，百戶十員。

#### 指揮使

彭遠 襄城人。洪武初，以父得林從軍功，累陞衛指揮使。三傳至光祚，嘉靖末死於陷城之難。子汀，陞襲都指揮同知。今仍世襲前職。

#### 指揮同知

王得勝人。洪武初，以從軍功陞任。今襲。

魯師亮 宿人。洪武中，以其祖興、父旺有從軍功累陞正千戶。永樂間調衛。六傳至師亮，嘉靖季死於陷城之難，贈懷遠將軍，加秩二級。今襲指揮同知。

指揮僉事

洪保 固始人。洪武中，父必興從軍。保，以靖難、征胡功累陞本衛。五傳至弼，把總海上，有捕賊功。今襲。

閻興 三河人。洪武中，以兄伯祥從軍功，大寧前衛百戶。興，以從靖難功，累陞本衛。今襲。

賈斌 房山人。洪武中，父閏從軍。斌，以靖難、征胡功，累陞本衛。今襲。

白金 濠州人。其初，韃靼完者帖木兒，洪武初歸附。子旺，累陞本衛千戶。五傳至仁，嘉靖二十三年，奉檄領水軍捕追海寇，至連盤四澳，與指揮丁桐並力奮擊，多所擒獲。又再歲，寇登福清，屯海口，仁帥所部兵列柵爲陣，而賊勢銳甚。時與仁軍同遣者，各頓兵自保，仁刺血矢衆。薄暮風起，賊見仁陣整，未敢侵軼。遲明，陣東嶽廟口，方蓐食，賊忽從間道至，仁持短兵接戰，久之兵寡力困，賊突出仁背，縱仆之，仁猶空齧磨腕，作扼賊狀，頃之死。而舍人檀文賁，亦從仁死之。事聞，贈明威將軍，加二級，子孫世襲指揮僉事，命有司廟祀。今襲。

張應望 徐州人。其先有俊者，洪武初歸附。子樵，累陞本衛副千戶。四傳至珊，嘉靖四十一年死於陷城之難，加陞二級。應望，珊子也，得襲指揮僉事。

丁瑄 全椒人。父文賁，以從征功陞百戶。瑄，洪武中累陞平海衛指揮僉事，坐事典刑。子忠，襲改

本衛，征交趾，戰沒。子晟，發憤讀儒書，嘗疏請開兼濟河，毀淫祠。子遠，清白勤慎，調署泉州，撫恤軍士，裁治驕悍。子桐，善射，有膂力，習海事，每駕帆，輒自持舵截海，時時於舟檣旁馳突呼嘯，先後鎮小埕，鎮南日，鎮浯嶼，屢有捕誅島夷功。已，坐海禁太密，中蜚語。御史金城簿責當其多受夷金，請籍產。繫逮京師。踰數冬，諸寨水軍當鞠問，無不扼腕流涕，願爲桐死者。久之，刑部郎中陸穩以恤刑至，力爲疏理，報聞而已。會倭奴侵軼江浙，給事中曹禾，廉桐材勇，請賞其罪。詔出之，而桐死。襲否姑闕。

胡敬 壽州人。父恭，洪武初從軍，累陞千戶。至敬，陞任。五傳及紳。襲否姑闕。

#### 衛鎮撫

魯敬 大興人。洪武中，父魯六十八，有從軍功。敬，以從靖難陞任。今襲。

王伯喜 大寧人。以從靖難功，陞通州衛千戶。洪熙元年改授。今襲。

房璟 滕人。祖寬，洪武初從軍有功。寬子彪，以從靖難，陞左所副千戶。璟，以彪弟子襲，改任。今襲。

指揮使故絕者，曰趙驎。梁國公趙德勝，其伯父也。俞良輔。李春。程昇。指揮同知故絕者，曰法廣。指揮僉事改調者，曰張亨、董聚，故絕者，曰呂謙，以城陷繫逮革襲者，曰徐忠、楊振。振，韃靼人。成化中調本衛，更姓楊。有俊者，事母孝，折節慎勤。鎮撫故絕者，曰鄧成、阮忠。

#### 幕僚賢者附後

鄭思道 永嘉人。萬曆十年爲衛經歷。每散月糧，斥罷例錢。或奉公檄檢勘屯田，策羸馬，緩轡行，一軍伴裹宿糧隨之，卽一蔬一茗，不以費民。歷九載，清苦一至，擢德州同知。

左千戶所

副千戶

黃賢 臨淮人。洪武初，祖文以從軍功授百戶。至賢，陞副千戶。三傳及略，雍容有儒風。今襲。

安貴 松州人。父仲良，洪武初從軍。貴，以從靖難功陞任。今襲。

陳容 莆田人。祖尾治，永樂初從殺海賊有功，授試百戶。容襲。景泰初征勦沙、尤寇有功，陞副千

戶。  
襲否姑闕。

百戶

汪雲 當塗人。洪武中以祖虎兒、父震從軍功歷陞。雲，征交趾戰歿。今襲。

潘文慶 青田人。洪武中，以父谷三有從軍功歷陞。今襲。

劉諒 定遠人。父青，洪武中以從軍功歷陞。今襲。

劉傑 江安人。父成，洪武中以從軍功選充小旗。傑，從內官馬斌等下西洋，從雲陽伯等徵戰有功，

陞任。傳至大科，捕倭陣亡。今襲。

易潮 宜春人。洪武中以從軍功隸通州千戶所總旗。舉通州，應靖難師，陞任。今襲。

郭祥 東平人。其先有成者，以父福從軍功陞皇陵衛百戶。祥，嘉靖中調任。今襲。

千戶故絕者，曰于剛。百戶故絕者，曰黃友得、李實、劉通。試百戶故絕者，曰魏真。

右千戶所

正千戶

王木生 大庾人。兄伯福，洪武中從軍。木生，以水手從靖難師渡江，陞任。今襲。

#### 副千戶

廖安 景東人。洪武中，父景山以進象歷陞副千戶。因差違限，典刑。至安，調衛。五傳至芳，有新倭功，陞本衛指揮同知，未任。今襲。

劉倫 新淦人。父麒，洪武初從軍。倫，調通州總旗，舉通州。從靖難師，陞任。今襲。

段成 盧龍人。父谷用，洪武中從軍。成，以從靖難陞任。今襲。

#### 百戶

趙得 盧氏人。洪武中，以後衛軍告本衛指揮李俊，分付整點馬匹答應藍玉事，歷陞。今襲。

檀宏 望江人。洪武中以從軍功歷陞。今襲。

王俊 臨川人。洪武中以父太原從軍功歷陞。今襲。

柳興 莆田人。兄得能，洪武中以衛軍選舵工，駕船捕倭卒。興，仍前役，永樂初隨太監鄭和等下西洋，有殺賊功，歷陞。今襲。

副千戶故絕者，曰姚鳳。百戶故絕者，曰吳旺、鄧榮康。

#### 中千戶所

#### 正千戶

高榮 長樂人。其先，有受弟者，洪武中以從軍功陞副千戶。三傳榮，以征沙、尤寇陞任。今襲。

#### 副千戶

蕭勝 蒙城人。父起，洪武初以從軍功歷陞蘭州衛指揮僉事。至勝，改任。今襲。

百戶

湯義 合肥人。父黑哥，洪武中從軍。義，從征奉議、南丹等處有功陞授。今襲。

張春 高郵人，洪武中以父受一從軍功歷陞。今襲。

王敬 潁上人。父清，洪武中以從軍功陞羽林右衛百戶。敬，調任。今襲。

鄭忠 固始人。洪武中，以父興從軍功陞任。今襲。

王哲 武陟人。父子敬，皇陵衛前所百戶，洪武中征虜戰死。哲，調襲，征交趾戰死。今襲。

朱晶 懷遠人。父顯亮，洪武中從軍征楊山，戰沒。晶，從征金山哈喇哈有功陞調。今襲。

徐成 定遠人。父得，洪武中從軍。成，以靖難歸附，歷陞。今襲。

正千戶故絕者，曰王得、魯興。副千戶故絕者，曰□旺。〔三〕百戶故絕者，曰魯麟、莊玉、王恩。

前千戶所

正千戶

杜昂 儀真人。祖山，洪武初以從軍功歷和陽衛副千戶。子義，陞海門衛正千戶。昂，調任，宣德二年征進交趾，戰沒。今襲。

副千戶

康理 鄒平人。父木，洪武初以從軍功歷豹韜衛副千戶。子裕、理。裕，陣亡。理，襲。今襲。

徐倫 濟寧人。從靖難渡淮攻金川門，陞任。今襲。

百戶

董進 高郵人。父剛，洪武中從軍征進中原及鳳翔等處，復征進沙漠及西番，俱有功，歷華山衛百戶。進，調除。今襲。

沈濬 仁和人。洪武初以從軍功歷陞。今襲。

張資 麗水人。洪武中以從軍功歷陞。今襲。

曾貴 宿遷人。父再一，洪武中從軍。貴，以歸附靖難師陞除。今襲。

盧景清 臨淮人。父源，洪武中從軍。景清，以歸附靖難陞調。今襲。

張姚保 全椒人。永樂十三年以總旗征交趾功歷陞。今襲。

正千戶故絕者，曰戚旺。副千戶故絕者，曰許闢。百戶故絕者，曰畢旺、王福、范安、曹保、王銘。

後千戶所

正千戶

王祥 新野人。父智，國初以從軍功歷大寧前衛正千戶。祥，調改。今襲。

邵忠 舒城人。父宗，以國初從軍功歷鷹揚衛百戶。忠，以漳州衛百戶陞調。今襲。

副千戶

陳瑄 江夏人。祖受，洪武中以從軍功授本所百戶。再傳至瑄，以征勦沙、尤寇功陞任。及俊，以武進士陞本衛僉事。今仍世襲副千戶。

百戶

平直 南豐人。父武輕，國初從軍。直，洪武二十四年領軍汀州府，築造城池，除授。今襲。

駱成 和州人。洪武中以從軍功歷陞。今襲。

朱九住 泗州人。以歸附靖難師陞授。今襲。

副千戶故絕者，曰張雄。百戶故絕者，曰李謙、黃英。

### 平海衛

指揮使司 指揮使一員，指揮同知二員，指揮僉事四員，鎮撫二員，經歷司經歷一員。左千戶所正千戶一員，副千戶二員，鎮撫一員，百戶十員。右千戶所正千戶一員，副千戶二員，鎮撫一員，百戶十員。中千戶所正千戶一員，副千戶二員，鎮撫一員，百戶十員。前千戶所正千戶一員，副千戶二員，鎮撫一員，百戶十員。後千戶所正千戶一員，副千戶二員，鎮撫一員，百戶十員。莆禧千戶所正千戶一員，副千戶二員，鎮撫一員，百戶十員。衛學教授一員，訓導一員。

### 指揮使

劉聚 遷安人。洪武中以從軍功陞任。今襲。

### 指揮同知

張開顏 南陽人。其先有海者，洪武中以從軍功歷本衛指揮僉事，以奇功陞金吾左衛指揮同知。至子真，調衛。真子宏，征沙、尤寇有功，陞指揮使。宏子魁，調平海。至開顏，仍授舊職。今襲。

錢鏜 全椒人。其先有真者，洪武中從軍。真侄受，以功歷指揮同知。受侄輅，調永寧衛。景泰中以薦協輔王勝總督軍務。時海寇嚴啟盛恃險爲亂，輅躬率舟師追七日夜，至黑水洋，大小十一戰，賊敗。



遁，復征沙、尤寇，斬酋蕭政通，以功陞都指揮僉事。輅，知書，事母孝，教子嚴，治家有法，閨門內外肅然。子堂，調任。今襲。

楊琦 遵化人。其先有旺者，洪武中以從軍功歷指揮同知。至琦，調任。今襲。

馬昇 灤州人。其先有軍兒者，洪武中以從軍功歷指揮同知。至昇，調任。今襲。

徐通 孝感人。祖祥，洪武中有從軍功，歷陞百戶，職至通歷，陞指揮同知。至章，以事降左所副千戶。至周禮，復職。今襲。

丘珍 祥符人。曾祖成，洪武中以從軍功陞百戶。祖宏，陞千戶。父福，調本衛左所。珍，少具方略，以奇節自許。嘉靖三十四年，倭船數十，循海涯焚劫，珍帥所部卒扼其要害，使不得傳岸。賊焚舟潛往白湖江以登，珍令數卒乘夜緹城，從間道鳴金鼓大呼曰：「寇至！寇至！」於是郡人始知竄匿。平明，率輕騎數百，追至海口，殊死戰，墮馬被槩死。事聞，贈秩，子孫世襲指揮同知，有司廟祀之。今襲。

#### 指揮僉事

孫春 富陽人。父義名，洪武初以從軍功歷本衛指揮僉事，調鳳陽留守左衛。春，復調除本衛，以罪調廣西慶遠衛。天順初，以殺賊功復原衛。今襲。

張玉，亳人。父來保，從其義父孫成，洪武中以從軍功歷指揮僉事。因復故姓。今襲。

王若愚 盱眙人。曾祖從吉，洪武中以從軍功歷太原左護衛指揮同知。祖雋，調除。雋子茂，永樂八年有倭登岸侵掠，茂率軍上開東門奮擊，賊盡奔潰。至武卿，坐事。武卿子若愚，降襲指揮僉事。今襲。

葉灼然 舒城人。其先有春者，洪武初以父受三從軍功，歷陞正千戶；有芳者，調本衛。嘉靖中有巨卿者，灼然父也，領水軍守泥滬澳，巡徽南日寨。會夷艘數十截海至，巨卿駕帆，迎風鏖戰，生捕其酋十有四人。次年，賊帆風夜半人，即登劫，巨卿堅壁，下令無夜驚。遲明，勒所部與力戰，身中十餘創死。事聞，加襲指揮僉事。有司廟祀之。灼然，嘉靖癸亥賊攻城，亦力戰死。今襲。

楊一茂 東安人。洪武中有狗皮者，以其父興從軍功，歷左所副千戶。至一茂，嘉靖三十四年禦倭陣亡，加襲指揮僉事。今襲。

指揮僉事故絕者，曰朱忠。衛鎮撫故絕者，曰尹貴。

教官賢者附後

何鯉 化州人。嘉靖中任衛學教授。先是，師生俸糧取給軍儲。鯉始疏請立學倉。

楊輦 清江人。隆慶中任衛學訓導。高才博洽，有《老子箋註》。

蕭近蘭 廬陵人。萬曆中任衛學訓導。修本學志，創啟聖祠，祭器辦治。陞陸川知縣。

左千戶所

正千戶

張英 密雲人。洪武中以父興從軍功陞陽和衛千戶。調任。今襲。

副千戶

魏添保 江都人。洪武中，祖得成有從軍功。至永樂中，添保復以運糧有功陞調。今襲。

百戶

平立 永年人。洪武中有從軍功陞授。今襲。

張興 寶坻人。洪武中以父加驢有從軍功歷陞。今襲。

姚盛 巢人。洪武中以從軍功歷陞。今襲。

洪原弼 龍溪人。洪武二十年以軍功陞試百戶。今襲。

溫勝 遷安人。兄馬兒以從靖難功陞授。今襲。

正千戶故絕者，曰鄭端。成化時人，多與莆士夫游。曰丘福。副千戶故絕者，曰賈斌。所鎮撫故絕者，曰張斌、戴義。百戶故絕者，曰方保、宋旺、沈雄、陳源、嚴玉。

#### 右千戶所

#### 正千戶

馮祥堦 東安人。洪武末以征胡功陞調。今襲。

#### 副千戶

李釋一作荀兒 六合人。洪武中以父保有從軍功歷陞。今襲。

#### 百戶

馮興 全椒人。洪武中以從軍功歷陞。今襲。

沈得 揚州府興化縣人。洪武中以從軍功歷陞。今襲。

袁海 武進人。洪武中以父阿奴有從軍功歷陞。今襲。

林旺 含山人。洪武中以從軍功歷陞。今襲。

李斌 陽武人。伯貴，洪武中以從軍功陞武平衛百戶。斌襲調任。今襲。

謝均智 龍溪人。永樂十三年以功歷陞。今襲。

正千戶故絕者，曰王隆。副千戶故絕者，曰林起、李聰。百戶故絕者，曰曾鑑、王榮、宋直、魏信、魯得、丘興。

中千戶所

正千戶

龐思禮 江都人。洪武中有勝者，以其父副八有從軍功陞鎮海衛百戶，調本衛。至英，嘉靖季禦倭陣亡，加襲正千戶。司禮，英子也。今襲。

副千戶

李成 小興人。洪武中以從軍功歷陞。今襲。

王得申 江都人。洪武中以父福從軍功歷陞。今襲。

所鎮撫

趙友才 鳳陽人。洪武初以從軍功陞授。今襲。

百戶

李興 山陽人。洪武中有子誠者，以父容有從軍功歷陞。至興，調本所。今襲。

袁銘 高郵人。父弘，洪武中以功陞調本衛副千戶，戰沒。銘降襲。今襲。

楊景春 南陵人。洪武中以父辛一有從軍功歷陞福全所百戶。調任。今襲。

正千戶故絕者，曰隋杰。副千戶故絕者，曰劉原。所鎮撫故絕者，曰邢四十八。百戶故絕者，曰呂成、龐勝、鄭旺、張德、許旺、王仍、褚成。

前千戶所

正千戶

陳貴 龍山人。洪武中以父祥從軍功歷陞。今襲。

賈興 三河人。伯父狗兒以百戶從靖難師征夾河，陣亡。興，理前功陞襲。今襲。

副千戶

陳興 陳留人。洪武中以從軍功歷陞。今襲。

段敏 綏寧人。洪武中以父興有從軍功陞調。今襲。

百戶

鮑玉 高郵人。洪武中以父羊兒有從軍功歷陞。今襲。

陳廣 和州人。洪武中以父四有從軍功歷陞。今襲。

朱真 大興人。洪武中以父得有從軍功歷陞。今襲。

侯廣興 南靖人。洪武中以鎮海衛軍有功歷陞。今襲。

劉真 南昌人。以從靖難師陞調。今襲。

正千戶故絕者，曰王海。副千戶故絕者，曰王卡、陳伯清、王治仔。百戶故絕者，曰楊育、尹諒、許閔仔、楊文源、張向七、朱源、裴保。

後千戶所

正千戶

王海 信陽人。其父伍，洪武初有從軍功。海，從靖難師，克白溝河，陞青州衛正千戶，調任。今襲。

副千戶

詹福 巢人。父受兒，洪武中試百戶。福，從靖難師，攻金川門，永樂中陞調。今襲。

百戶

宋善才 江都人。洪武中以父興有從軍功陞調。今襲。

史範 江都人。洪武中以軍功陞職。今襲。

高忠 東鄉人。洪武中以父友信有從軍功歷陞。今襲。

孟喜 大城人。父友，洪武中以從軍功陞百戶。至喜，調任。今襲。

陳曾泰 侯官人。永樂元年，以功陞福全所百戶。尋調本衛。今襲。

張清 丹徒人。洪武中以父信二有從軍功歷陞。今襲。郡志不叙何所，姑附於此。

所鎮撫

胡球 鳳陽人。洪武中有泰者，以父銘有從軍功除海南衛鎮撫。至球，降調。今襲。郡志不叙何所。

姑附於此。

千戶故絕者，曰葉濃、劉整、勝聚。副千戶故絕者，曰熊翔。百戶故絕者，曰繆能、王璘、邵忠、陳旺、

戚仲成、韓觀觀。戰歿，口錢保、羅鎮、薛興。

蕭禧千戶所

正千戶

梁海 閬陽人。父峪，從靖難師，歷平山衛千戶。海，調任。今襲。

李信 監利人。父崇人，從靖難師，陞潘陽衛百戶，戰歿。信，得加襲正千戶。

副千戶

曾全 宜章人。洪武中以父受二有從軍功歷陞。今襲。

武政 唐縣人。洪武中，以父實有從軍功歷陞。今襲。

百戶

陳俊 和州人。洪武中，以父伍有從軍功歷陞。今襲。

李顯 南豐人。祖回，以洪武中從軍功歷陞。今襲。

黃伯賢 永嘉人。洪武中以從軍功歷陞。今襲。

王斌 固始人。父義，洪武中以從軍功授銅山千戶所千戶。斌，兌調，戰歿。今襲。

千戶故絕者，曰王威。鎮撫故絕者，曰孟喜。百戶故絕者，曰許成。

〔校記〕

〔二〕「以兄伯祥從軍功，大寧前衛百戶」，據文義，當作「兄伯祥以從軍功，陞大寧前衛百戶」。

〔二〕「匪」上，各本原闕二字。

〔三〕「思禮」，下文作「司禮」。



## 閩書卷之七十一

### 武軍志

#### 邵武衛

指揮使司 指揮使一員，指揮同知二員，指揮僉事四員，鎮撫二員，經歷司經歷一員。左千戶所正千戶一員，副千戶一員，鎮撫一員，百戶十員。右千戶所正千戶一員，副千戶二員，鎮撫一員，百戶十員。中千戶所正千戶一員，副千戶二員，鎮撫一員，百戶十員。前千戶所正千戶一員，副千戶二員，鎮撫一員，百戶十員。

#### 指揮使

高鑑 直隸興化人。父璉，洪武初從父實屢征有功，累官陝西行都指揮僉事。鑑，宣德初繇金吾右衛調任。武略精熟，操守嚴正，愛恤軍士，不輕差遣。傳至尚斌，司屯印，汰夙蠹，革常例。事母甚孝，壯年妻死不更娶，內外閒整，少長有禮。手不釋卷，有儒者風。今襲。

#### 指揮同知

楊豫 虹人。父和，洪武初從征有功，陞延平衛權千戶。豫，襲陞泉州衛僉事，陞調本衛同知。子智，景泰中征進有功，陞指揮使。成化間有盛者，任烽火把總，部伍整肅，士卒用命，累擒劇賊有功。今仍

世襲指揮同知。

劉聚 山陽人。父得，洪武初從征有功，陞沂州衛同知。聚，宣德中調任。及福，斬獲鄧茂七，陞指揮使。今仍世襲指揮同知。

宮鎧 壽州人。高祖得清，洪武初從征有功，陞肇慶衛百戶。至祖勇，宣德中陞建寧右衛指揮僉事。父顯，正統中沙、尤寇攻將樂城，備禦有功。已，襲破之，陞指揮同知。至鎧，調任。今襲。

曹勳 邳州人。高祖成，洪武初從征有功，陞總旗。子瑛，代役，以功陞永清衛指揮同知。瑛子敬，正統中以指揮使調衛延平，征進獲功，累都指揮同知。敬子鐸，調本衛指揮使。至勳，降襲同知。今襲。

李城 壽州人。曾祖清，洪武初從軍有功，陞台州衛鎮撫。祖順，累陞福寧衛指揮僉事。父完，調任。城，正德中招撫漳賊，征進三團哨，可塘洞，獲功陞任。今襲。

指揮僉事

胡得 臨淮人。洪武初從征有功，陞建寧右衛指揮僉事，調本衛。今襲。

丁貴 蒙城人。父成，洪武初從征有功，陞江陰衛正千戶。至貴，調任。今襲。

楊昱 江陰人。父思恭，洪武初從征有功，陞燕山前衛百戶。昱，以功累信陽衛指揮僉事，永樂中調任。今襲。

吳深 盱眙人。其先戢，洪武初從軍有功。深，永樂中繇武昌衛調任。今襲。

齊禮 望平人。其先興，洪武初從征有功，歷廣寧縣僉事。禮，弘治中調本衛。傳至應麟，隆慶中陞指揮使。

衛鎮撫

傅金 寶應人。父良，洪武初從軍有功，累袁州衛鎮撫。至金，調任。今襲。

孟祥 定遠人。父良，洪武初從軍有功，累袁州衛所鎮撫。祥，以功陞任。今襲。

指揮改調者，曰楊春、車濟、耿旺。春曾孫瑛，成化間調汀州衛。濟，洪武間調金齒衛。旺，洪武間調西安左衛。故絕者，曰李信。

左千戶所

正千戶

余材 鳳陽人。洪武中以功陞任。今襲。

副千戶

董直興 龍山人。永樂中以功陞任。今襲。

蔡威 固始人。洪武中以功陞武德衛百戶，調本衛左所，陞義勇後衛右所副千戶，永樂初調任。今襲。

百戶

王信 遼東人。以父義洪武中從軍功，自瀋陽衛調任。今襲。

蕭得 龍泉人。洪武中以功陞任。今襲。

余大 丹徒人。洪武中以功陞任。今襲。

陳信 沂州人。以父亮洪武中從軍功陞調。今襲。

顧冉興 江都人。洪武中以功陞任。今襲。

孟思敬 開封人。以父得洪武中從軍功，自大河調任。今襲。

王斌 絳州人。洪武中從軍有功，永樂中由鎮江衛調任。今襲。

周英 南城人。洪武中以功陞任。今襲。

薛良弼 祥符人。以父金洪武中從軍功，自龍江衛調任。今襲。

千、百戶事故者，曰趙琳、梅顯、陶志、黃受、阮豫、徐正、丘質、楊仁、董世英。

右千戶所

正千戶

謝寰 單人。父旺，洪武中以功陞調本衛左所。寰，成化中調本所。今襲。

副千戶

王敬 武安人。父貴，洪武初以功陞寧夏衛副千戶。敬，宣德中調任。今襲。

朱銘 海州人。洪武中，以功陞永清衛副千戶。洪熙初，自羽林衛調任。傳至旺，嘉靖中以事降冠

帶總旗。

百戶

何遂祥 臨川人。洪武中以功陞任。今襲。

趙俊 武昌人。洪武中以功陞任。今襲。

劉朝用 臨川人。洪武中以功陞任。今襲。

廖忠 新城人。洪武中以功陞任。今襲。

黃文貴 蕪湖人。洪武中以功陞任。今襲。

曾榮甫 南豐人。洪武中以功陞任。今襲。

潘得 中牟人。洪武中以功陞任。今襲。

千、百戶事故者，曰劉海、賈謙、黃澄、陳勝、孫成、陳成、史真、許忠、賁隆、張春、王忠、陳保兒、徐潤、杜顯、陸經。

#### 中千戶所

##### 正千戶

韓節 滁州人。祖春，洪武初從軍有功。父忠，以功陞汀州衛中所。節，成化中調任。今襲。

##### 副千戶

董斌 東昌人。父成，洪武中以功陞百戶。斌，以功陞調。今襲。

魏聚 連江人。父宗官，洪武中以功陞延安衛副千戶。聚，宣德中調任。

##### 百戶

劉聚 丹徒人。洪武中以功陞任。今襲。

堯泰 南城人。洪武中以功陞任。今襲。

劉仲良 江夏人。洪武中以功陞任。今襲。

百戶改調者，曰丁福，宣德六年調廣東清遠衛。

千、百戶事故者，曰姬玉、馬金、顧忠、夏忠、劉仁、董志、陳貴、董觀、池淵、李通、吳成、吳賢、謝瑛、王勝、薛吉、李換、張禎、趙信。

前千戶所

正千戶

張山 邳州人。洪武中以功陞豹韜衛千戶。山、永樂中調任。今襲。

副千戶

趙旺 壽州人。洪武中任。今襲。

汪信 陸安人。父銘，洪武中以功陞龍江衛百戶。信、永樂中調本所，以功陞任。今襲。

徐均受 安仁人。父敬，洪武初以功陞鎮江衛百戶。均受、永樂中以功陞調。今襲。

百戶

杜良 定遠人。洪武中以功陞任。今襲。

呂達 江都人。父和，洪武中以功陞建寧左衛百戶。至達，調任。今襲。

金仲名 瑞安人。洪武中以功陞任。今襲。

王武 定遠人。洪武中以功陞調。今襲。

丘富 南豐人。洪武中以功陞任。今襲。

時真 長興人。洪武中以功陞任。今襲。

蔡銘 句容人。洪武中以功陞任。今襲。

張松山 龍山人。以父謙洪武中從軍功長沙調任。今襲。

馬忠 行塘人。永樂中以功陞任。今襲。

黃龍 正統中出穀千石助賑，賜勅褒諭。

千、百戶事故者，曰蔡原、劉驥、李榮、周仁福、潘吉、李康、卜合夕、劉貴、戴宜、仲成。

### 漳州衛

指揮使司 指揮使一員，指揮同知二員，指揮僉事四員，鎮撫二員，經歷司經歷一員。左千戶

所正千戶一員，副千戶二員，鎮撫一員，百戶十員。右千戶所正千戶一員，副千戶二員，鎮撫一員，百

戶十員。中千戶所正千戶一員，副千戶二員，鎮撫一員，百戶十員。前千戶所正千戶一員，副千戶二

員，鎮撫一員，百戶十員。南詔千戶所正千戶一員，副千戶二員，鎮撫一員，百戶十員。

### 指揮使

楊振 合肥人。父春，洪武中以其兄百戶谷俊陣亡功，陞指揮同知，調任。振，永樂間以功陞指揮使。今襲。

王源 遵化人。洪武、永樂間，祖敬忠累功陞福建都指揮使。及源，調衛。傳至謹，嘉靖三十八年奉檄守閩安鎮，明年調兵攻勦濂海、澳門倭寇，奮勇接戰，衝沉大倭船數隻，追至海嶼海洋，射殺倭將一人，又乘勝追之於小蟹礁，援舟後至，力戰而死。事聞，許其子陞襲二級。今襲。

### 指揮同知

侯福 沂州人。祖得，以功陞指揮同知。及福，調本衛。傳至汴，以功陞指揮使，攻獲盧溪等寇，陞

本省都指揮僉事，守備汀漳，復招撫劇寇，陞廣東參將。又傳至鑑。鑑字子明，三歲而孤，母杜氏撫之成立。既襲官，掌衛事有聲。力行孝養，常祿人悉奉母。母性下，或至鞭撻，無怨詞。命之跪，終日不敢起。母病，侍湯藥不解帶，稍賴北辰號泣終夜，母病尋瘳。後以壽終，鑑致哀盡禮。既葬，有群鳥繞墳，悲鳴終日。知府陳洪謨爲《孝感記》。當道立坊表之。今襲。

甘密 定遠人。祖五哥，洪武間與其子源、係密，累功陞錦衣衛指揮同知。永樂間降本衛正千戶，尋復。今襲。

張成 宛平人。洪武中，以功陞職。洪熙元年，調本衛。今襲。

陳旺 樂亭人。父全，洪武中以功陞指揮同知。及旺，宣德間調本衛。數傳至震。震，字起元，年十六，部試第一，署銅山所，會勦海寇林鳳有功，擢閩撫中軍，調小埕把總。大司馬吳文華里居，一見器之，旋中貝錦奪官歸。會文華總督兩粵，珠賊李茂盤據山海間，特疏薦爲北津把總，調兵征勦，連戰於放鷄洋、斜陽洋、木蘭海、浪濠海諸處，大破之，擒賊千人，衝沉艘無算。遂殄李茂，殲茂餘黨於清瀾港、礪川洋、泥澳海。捷奏，擢瀾州游擊，賜金幣有差。時議以瀾州孤懸，欲徙其民置內地，震力持，乃寢。遂依島築城，一方底定。擢潯潯參將，以疾解官。震，身長八尺，慷慨談兵而緩帶雅歌，居然名下風流。今襲。

覃壽 沔陽人。洪武間，與子忠累功陞指揮僉事，調今衛。數傳至桓，諳武書，習弓馬。正德二年，征捕南靖金山、大溪諸賊，擒賊首楊宗壽等三百名，欽賞牲帛寶鈔。三年，把總銅山水寨，設策招撫海寇馬宗實等。十一年，有流賊詹師富等屯結盧溪河頭之大傘山，委桓會勦，擒獲賊首張顯福、藍三等四十餘人，又擒長高村賊首羅定亮，餘俱奔象湖山拒守。南靖縣請調桓出哨，會同廣兵夾攻。未至，猝遇賊，獨



兵與戰，射其渠魁，賊佯走，桓乘勝追逐，賊叢戟刺之，中咽喉死。事聞，欽贈二級，子孫加級亦如之。今襲。

顧達 懷遠人。洪武間，祖成累功陞指揮僉事。至達，調本衛。數傳至斌。正統末，鄧茂七寇漳，開城，斌時以把總防倭海上，分遣諸軍護海上城寨，自率水軍五百歸擊賊。抵城南溪，請人弗納，請糧弗與。斌反軍，借糧沿海周世綱等家，調之樹柵，收兵夾輔護城。既而，匪郊賊壘相望，城門石塞，賊日造攻城車樓，將憑東門登之，城中旦夕危。斌卽率兵南城下，去石開門，束整而人，立散家財，給軍募士，設祭旗纛，對神誓。其軍皆插鷄雉羽，服虎豹皮。斌兜鍪，左斧右刀，抗弦張箭，躍馬大呼，率先鋒百勇，飛出東門，賊左右，麾分砍之，百斧齊發，斷其車樓城梯，焚其器械，燎其窩壘。賊遁一晝夜，復益衆來，斌以白金綵緞征舟兵萬人夾攻之，敗屍如丘，餘黨各鳥獸竄。鎮守福建刑部尚書薛希璉、巡按御史陳良輅歷奏斌功，擢福建都指揮僉事，奉勅備倭。斌死，漳人無貴賤，樂賻而葬之，漳守姜諒爲作《全城記》。子喬岳，以父功陞本衛指揮同知。萬曆中，有臬者，官參將，有武略能詩。今襲。

黎春 合肥人。與子政，洪武間以功陞指揮同知，調本衛。嘉靖中有鵬舉者，調任泉州衛，才氣絕人，善騎射，庚戌歲以舟師遏賊上海，射中賊，突其陣，被殺，且仆拊死者，亂血中有生氣，遂復活。歷守汀、漳，擢北路參將，破倭福寧，衝沉其舟，焚溺不計，數擒獲泉賊潘若海、江一峰二酋，悉定泉寇。今孫良珂，告回本衛。

#### 指揮僉事

王成兒 滕縣人。洪武間與子玉累功陞江陰衛指揮僉事。永樂間調本縣。嘉靖間降千戶。至龍，

襲原職。今襲。

夏璫 合肥人。祖榮，洪武間與子禎累功陞指揮僉事。璫，永樂間調任。今襲。

周能 合肥人。祖信，洪武、永樂間與子用累功陞指揮僉事。至能，宣德間調任。今襲。

汪玘 六安人。祖伴叔，洪武間與子全累功陞指揮僉事。玘，宣德間調任。萬曆中有弘器者，官總兵，有武略，能詩。今襲。

李昂 寧化人。祖和輕，洪武間累功陞指揮僉事。昂，正統間調任。數傳璫，數立戰功，陞指揮使。至廷郁，仍祖職。今襲。

指揮僉事謫戍者，曰朱征。指揮同知、鎮撫故絕者，曰鄒福、陳貴。

左千戶所

正千戶

晏秋元 上高人。祖敬，宣德間累功陞指揮僉事。至天順間，其孫某，降本所正千戶。至敦，正德間降副千戶。至秋元，仍襲舊職。今襲。

王壽 涉人。父福，洪武間累功陞鞏昌衛副千戶。壽，宣德間調任，成化間改鎮撫。今國棟以父功陞襲正千戶。

錢廣 長興人。洪武間與子麟累功陞副千戶。永樂間調本所。傳至國棟，替陞署千戶。

副千戶

屈諒 安慶人。父伸，洪武間累功陞副千戶。至諒，調任。今襲。

試百戶

徐子祿 龍溪人。永樂間累功陞任。今襲。

王貴 蘄水人。父龍，洪武間累功陞副千戶。至貴，調本衛。至能，正德間降總旗，今功陞充試百戶。

正千戶降戍、革襲者，曰曹魁梧。千、百戶故絕者，曰唐傑、沈利、劉得、陶琪、黃恩、楊傑、張勝、柯震、周通汪。

右千戶所

正千戶

田鳳 蒙城人。父福，洪武間累功陞正千戶。鳳，永樂間調任。今襲。

李崇 赤水峪人。父旺，洪武間累功陞正千戶。崇，宣德間調任。今襲。

副千戶

晏民 羅山人。洪武間與子賓累功陞副千戶。永樂間調任。至繼芳，嘉靖中以征倭功加陞三級，歷官廣東參將。今仍襲祖職。

馮貴 白水人。洪武間累功陞副千戶。永樂間調任。今襲。

所鎮撫

朱善 龍泉人。父召，洪武間累功陞所鎮撫。至善，調任。今襲。

百戶

王彝 曲州人。洪武間與侄循累功陞百戶，調任。今襲。

楊寅兒 合肥人。洪武間累功陞任。今襲。

千、百戶革襲者，曰馬文、張增、常玟。千、百戶、鎮撫故絕者，曰岳翊、柯冕、龍寶、馮興、蘇璟、楊

鼎、莊福、陳剛、李興、李慶。

中千戶所

正千戶〔一〕

康成 汝寧人。洪武、永樂間累功歷陞。至世武，隆慶初從征海寇有功，陞本衛指揮僉事。未襲。

趙成 泗州人。洪武間累功陞正千戶。永樂間調任。今襲。

羅章 大興人。祖忠，洪武、至景泰間，累功陞指揮僉事。子安，正德間調本衛。至章，襲降本所，後

以戰功陞福建坐營都司。今世襲正千戶。

劉忠義 鄞縣人。父伯名，洪武、永樂間累陞本所百戶。至忠義，累功陞今職。今襲。

副千戶

韋官 泗州人。洪武間累功陞任。今襲。

劉木 壽州人。洪武間與子凱累功陞任。今襲。

百戶

徐春 黃岡人。祖貴，洪武間累功陞泉州衛百戶。至春，調任。今襲。

魯同 固安人。洪武間與子敬累功陞百戶。永樂間調任。今襲。

徐英 湖州人。祖張四，自洪武至宣德間，與子伏貴累功陞百戶。英，宣德間調任。今襲。

曾羊生 壽州人。洪武間與子直累功陞百戶。永樂間調任。今襲。

趙興 臨淮人。父成，洪武中累功陞百戶。至興，調任。今襲。

#### 試百戶

左保 豐都人。父添恕，洪武間累功陞百戶。至保，調任。今襲。

蔡伯銘 龍溪人。洪武間與子真累功陞職。今襲。

#### 前千戶所

#### 正千戶

沈講 海澄人。報効義上。嘉靖季征倭有功，陣亡，贈指揮僉事，仍蔭子朝，世襲試百戶。今襲。

#### 副千戶

百戶故絕者，曰張隆、王悌、趙泰。

張雄 徐州人。洪武間累功陞正千戶，調任。今襲。

#### 百戶

梁興 濟州人。洪武間累功陞副千戶。宣德間調任。今襲。

卞忠 瓦河人。伯父祖，洪武間累功陞副千戶。至忠，調任。今襲。

黃成 仁和人。洪武間累功歷陞。今襲。

百戶故絕者，曰孫鑑、王泰、鄭昇、費斌、趙觀、胡勇、朱善。

南詔千戶所

副千戶

郭義 含山人。父質，洪武間累功陞虎賁左衛副千戶。義，宣德間調本所。至繼，正德中降百戶。及藩，仍襲副千戶。今襲。

張斌 昌黎人。父忠，洪武間累功陞滁州衛副千戶。斌，調今所。至鳳挺，陞正千戶。今仍襲原職。

馬驥 祁門人，父驥，洪武間累功陞神策衛副千戶。驥，調本所。今襲。

陳銘 臨清人。其先陳亮，洪武間累功陞武德衛副千戶。銘，正德間調任。今襲。

丁慈兒 濟寧人。洪武間與子剛累功陞鞏昌衛副千戶，永樂中調任。今襲。

鄧通 武進人。洪武間累功陞鎮海衛中所百戶，調任。傳至繼忠，陞副千戶。今襲。

千、百戶故絕者，曰余鳳、陳子忠、楊興、王信、施俊、車麟、黃進、吳通、江端、胡昇。

鎮海衛

指揮使司 指揮使一員，指揮同知二員，指揮僉事四員，鎮撫二員，經歷司經歷一員，知事一員。

左千戶所正千戶一員，副千戶二員，鎮撫一員，百戶十員。右千戶所正千戶一員，副千戶二員，鎮撫一員，百戶十員。中千戶所正千戶一員，副千戶二員，鎮撫一員，百戶十員。前千戶所正千戶一員，副

千戶二員，鎮撫一員，百戶十員。後千戶所正千戶一員，副千戶二員，鎮撫一員，百戶十員。龍巖中千戶所正千戶一員，副千戶二員，鎮撫一員，百戶十員。陸鰲千戶所正千戶一員，副千戶二員，鎮撫一員，百戶十員。銅山千戶所正千戶一員，副千戶二員，鎮撫一員，百戶十員。玄鐘千戶所正千戶一員，副千戶二員，鎮撫一員，百戶十員。衛學教授一員，訓導一員。

#### 指揮使

袁義 亳人。父寶，洪武間累功陞指揮使。義，宣德中調任。今襲。

#### 指揮同知

桂福 江都人。祖德，洪武間與子新累功陞指揮同知。福，宣德間調本衛。今襲。

高銓 舒城人。祖理，洪武間與子忠累功陞指揮同知。至銓，調本衛。今襲。

祝銘 贛榆人。洪武間累功陞指揮同知。宣德中調任。今襲。

徐文 江都人。祖興，洪武間累功陞指揮僉事。文，成化間調任。傳至麒，功陞指揮同知。今襲。

#### 指揮僉事

侯義 原武人。祖志剛，洪武間與子豫累功陞指揮同知。永樂中調本衛。傳至宗元，因事擬軍。今

宇椿降襲指揮僉事。

曹榮 蒙城人。祖義，洪武、永樂間累功陞指揮僉事。榮，宣德中調任。今襲。

郭真 寶應人。祖興，洪武、永樂間累功陞指揮僉事。真，宣德中調任。今襲。

陸璘 儀真人。祖祥，洪武、永樂間累功陞指揮僉事。璘，正統中調任。今襲。

弗占 女直人。建州左衛千戶。成化二年以邊功陞調。今襲。

鎮撫

廖芳 新喻人。洪武、永樂間累功陞調。今襲。

指揮使革襲者，曰田有麟。指揮僉事、鎮撫故絕者，曰侯詔、張鉞、劉英、張武、童溶。

左千戶所

正千戶

牛聚 朝城人。本姓劉，與牛姓者塚軍，洪武間有功陞正千戶，遂從牛姓，永樂間調任。今襲。

副千戶

王廷 義烏人。父成，洪武間與子起累功陞副千戶。廷，永樂間調莆禧所，續調本所。今襲。

所鎮撫

羅貴 鄆州人。其先羅興，洪武間以功陞百戶。貴，正統中調。今襲。

百戶

施俊 錢塘人。洪武間以功陞，永樂中調任。今襲。

呂繼成 睢寧人。洪武間累功陞調。今襲。

周聚 汶上人。父寬，洪武間以功陞。聚，永樂中調任。今襲。

易惟亮 宜春人。洪武間以功陞調。今襲。

楊瑛 海康人。其先楊敏，洪武間以功陞百戶。瑛，正統中調任。今襲。



韓忠 遵化人。洪武間其先英以功陞百戶。忠，正統中調任。傳至宗正者，坐事充軍。弟宗仕，降襲總旗。

試百戶

李赤 莆田人。永樂中功陞。今襲。  
千、百戶故絕者，曰王昇、王廉、張海。

右千戶所

正千戶

鄭貴 濟南人。洪武間累功陞正千戶。宣德中調任。今襲。

副千戶

王保 泰州人。其先王成，洪武間累功陞指揮僉事。保，成化中調本衛。其後人，正德間降襲正千戶。嘉靖間降副千戶。今襲。

褚斗保 江都人。洪武間累功陞副千戶，調任。今襲。

百戶

李智 和州人。其先李福，洪武間功陞百戶。智，正統中調任。今襲。

朱顯 全椒人。洪武間以功陞調。今襲。

張貴 大同人。洪武間功陞，宣德間調。今襲。

張全 泰州人。其先張勝，洪武間以功陞百戶。全，正統中調任。今襲。

試百戶

鄭景 瑞安人。其先鄭進，洪武、永樂間與子良晨，累功陞試百戶。景，宣德中調任。今襲。  
副千戶故絕者，曰武得。

中千戶所

正千戶

毛欽 山後人。祖榮，洪武、永樂間累功陞指揮僉事，調本衛。至欽，降襲。今襲。

副千戶

朱成 合肥人。洪武間與子玉累功陞調。今襲。

百戶

周祐 松江人。洪武間以功陞調。今襲。

岳崇 儀真人。洪武間以功陞調。今襲。

許真 含山人。洪武間以功陞調。今襲。

劉興 安豐人。洪武間以功陞調。隆慶間有瀚者，以征倭功陞千戶。今仍世襲原職。

陳清 莆田人。永樂間以功陞。今襲。

關敬 兗州人。洪武間功陞百戶。永樂中調任。今襲。

正千戶故絕者，曰張恩。

前千戶所

正千戶

劉鎖住驢 蔚州人。國初以功陞正千戶。宣德間調任。今襲。

徐成 合肥人。洪武間與子壽累功陞調。今襲。

副千戶

蔡清 上海人。洪武間功陞。永樂中調任。今襲。

湯海 吳縣人。洪武間累功陞副千戶。宣德中調任，擬戍次房，降襲百戶。今仍世襲原職。

百戶

于遇賢 和州人。洪武間與子旺哥累功陞調。今襲。

朱寔保 定遠人。洪武間以功陞。今襲。

陳驢兒 臨淮人。洪武間以功陞。今襲。

宋賢 巢人。洪武間以功陞。今襲。

楊震 臨淮人。洪武間以功陞調。今襲。

劉敏 盱眙人。父五子，洪武間與子政累功陞百戶。敏，永樂初調任。今襲。

龍巖中中千戶所

正千戶

李帖木兒 山後人。洪武間與子順累功陞紹興衛正千戶。永樂間調鎮海衛後所。今襲。

朱旺 高郵人。洪武間累功陞神機衛正千戶。宣德間調鎮海衛後所。今襲。

副千戶

江瓊 烏江人。其先關兒，洪武間與子瑤累功陞平海衛百戶，調鎮海衛後所。至瓊，陞副千戶。今襲。

王爵 六安人。洪武間與子富累功陞副千戶。永樂間調鎮海衛後所。今襲。

楊安 儀封人。其先成，與子震、孫春，累功陞忠義衛副千戶。安，正德間調任。今襲。

百戶

強信五 南陵人。洪武間累功陞福全所百戶。調鎮海衛後所。今襲。

石源 來安人。父蠻，洪武間累功陞百戶。永樂間調鎮海衛後所。五傳至珍，子應岳，登隆慶辛未

文科進士。見縉紳。

劉全 山後人。洪武間累功陞觀海衛百戶。永樂間調鎮海衛後所。今襲。

馬勳 安平人。其先得良，自洪武間至洪熙間，與子貴累功陞副千戶。宣德間調鎮海衛後所。至

勳，降百戶。今襲。

李忠 大同人。父成，洪武間累功陞宣武衛百戶。忠，正統間調鎮海衛後所，署鎮撫事。今襲。

路祥 溧水人。父貴，洪武間累功陞寧羌衛百戶。祥，正統間調鎮海衛後所，署鎮撫事。今襲。

許勝 宜興人。父安兒，洪武間累功陞橫海衛百戶。勝，宣德間調鎮海衛後所。

百戶以事充軍者，曰羅鳳。故絕者，曰方城、張軾、魯參、倪清、王志。

陸繁千戶所

正千戶

張瑄 定遠人。祖榮，洪武間與子公孫累功陞武昌衛正千戶。瑄，永樂中調任。今襲。

馮貴 山後人。父智，洪武間累功靈山衛正千戶。貴，宣德間調任。今襲。

李成 江寧人。洪武間與子春累功陞昌國衛正千戶。宣德間調任。今襲。

陸友 烏程人。父旺，洪武間累功陞羽林左衛正千戶。友，宣德間調任。今襲。

趙友 宣城人。父武，洪武間累功陞營州右屯衛正千戶。友，永樂間調任。襲否未詳。

副千戶

徐斌 和州人。祖堅，洪武間與子通累功陞紹興衛副千戶。斌，永樂間調任。今襲。

張欽 廣寧人。祖佛家奴，洪武間與子勇累功陞廣寧衛副千戶。欽，正德間調任。襲否未詳。

所鎮撫

楊興 鞏昌人。固城千戶所鎮撫。洪武間調任。襲否未詳。

百戶

查安 無錫人。洪武間功陞玄鐘千戶所百戶，調任。今襲。

吳旺 山陽人。洪武間與子賓累功陞任。今襲。

劉關保 蒙城人。洪武間功陞銅山千戶所百戶，調任。今襲。

陳剪兒 來安人。洪武、永樂間與子榮功陞百戶，調任。今襲。

丘伴舊 定遠人。洪武初功陞金門所百戶，調任。今襲。

李旺 無錫人。洪武間與子忠累功陞百戶，永樂中調任。今襲。

張麟 清江人。兄智，洪武間以功陞天城衛百戶。麟，襲兄職，宣德中調任。今襲。

丁貴 儀真人。洪武間與子剛累功陞百戶，調任。

正千戶久逃者，曰劉榮。百戶故絕者，曰徐富、劉琛。

銅山千戶所

正千戶

葛義 宣城人。父興，洪武間累功陞河南正千戶。義，宣德中調任。襲否未詳。

周明 高郵人。其先全，洪武間累功陞台州衛正千戶。明正德間調任。襲否未詳。

副千戶

劉得 礁山人。洪武間與子庸累功陞邳州衛副千戶。調任。襲否未詳。

百戶

袁誠 五河人。洪武間以功陞本衛前所百戶，調任。今襲。

裴粵 含山人。父和，洪武間功陞密雲衛副千戶。粵，永樂中調任。今襲。

李英 臨淮人。祖二，洪武間與子福累功陞潘陽衛百戶。英，永樂中調任。今襲。

廖英 新淦人。其先留保，洪武間與子福功陞百戶。英，正統中調任。今襲。

許榮 六安人。父興，洪武間以功陞寧羌衛百戶。榮，正統中調任。今襲。

劉永 蘄州人。祖重興，洪武間以功陞太原左衛百戶。永，正統中調任。至振，嘉靖中降總旗。

王得銘 泰興人。洪武間與子勝功陞百戶。襲否未詳。

謝恭 枝江人。洪武間以功調陞。襲否未詳。

文祥 舒城人。洪武間與子得、係行累功陞海寧衛。永樂間調任。襲否未詳。

王成 昌平人。父頑，洪武間以功陞百戶。成，永樂中調任。襲否未詳。

千、百戶故絕者，曰王住、劉尿疙。

玄鐘千戶所

正千戶

李椿 山後人。祖真，調漳州衛後所正千戶。椿，調任。今襲。

李敏 武昌人。父忠，洪武間陞睢陽衛正千戶。敏，正統中調任。今襲。

周芳 未詳其始。

副千戶

吳英 漢陽人。祖斌，洪武間功陞留守中衛副千戶。英，正德中調任。子鎮，以功陞本衛指揮同知，

緣事。今仍襲原職。

常興 昌平人。其先某，累功陞隆慶左衛正千戶。興，正德中調本所。子江，襲，以功陞本衛指揮僉

事。

百戶

羅旺 定遠人。洪武間以功陞羽林右衛百戶，調任。今襲。

吳銓 海康人。父旺，洪武間以功陞南陽衛百戶。銓，永樂中調本衛中所，宣德中改今所。今襲。

周勝祖 含山人。洪武間以功陞永寧衛崇武千戶所百戶，調任。傳至應晨，浙江陣亡。及華，賊陷所城，被殺。襲否未詳。

李誠 靈壁人。父香奇，洪武間以功陞永寧衛崇武千戶所百戶。傳至誠，調任。傳至向陽，緣事。(二)襲否未詳。

萬和 公安人。洪武間以功陞本衛右所百戶，調任。襲否未詳。

千、百戶革襲者，曰韓瑛、王鉞、張敬。故絕者，曰于海、劉進保、趙禮、張林、魯青。

### 福寧衛

指揮使司 指揮使一員，指揮同知二員，指揮僉事四員，鎮撫二員，經歷司經歷一員。左千戶所正千戶一員，副千戶二員，鎮撫一員，百戶十員。右千戶所正千戶一員，副千戶二員，鎮撫一員，百戶十員。中千戶所正千戶一員，副千戶二員，鎮撫一員，百戶十員。前千戶所正千戶一員，副千戶二員，鎮撫一員，百戶十員。後千戶所正千戶一員，副千戶二員，鎮撫一員，百戶十員。大金千戶所正千戶一員，副千戶二員，鎮撫一員，百戶十員。定海千戶所正千戶一員，副千戶二員，鎮撫一員，百戶十員。

### 指揮使

盧英 昌平人。祖拜住國，初以元和林省平章政事歸附有功，授百戶，賜姓盧，累陞指揮僉事。英，宣德十年繇金吾衛調本衛。今襲。

### 指揮同知



周彬 昌平人。父九，洪武初從軍。彬，補役，二十五年以功陞指揮同知，宣德六年，遷沂州衛調本衛。今襲。

沈榮 定遠人。祖遜，洪武中以從開國授百戶。父機，襲，二十五年以功累陞指揮同知，陣亡。永樂十九年，榮襲，宣德六年，遷旗手衛調本衛。今襲。

鄧林 江陵人。祖原，元末從軍歸附，洪武二十五年以功陞指揮同知。林，宣德八年，遷六安衛調本衛。今襲。

#### 指揮僉事

張義 六安人。父賢，國初以苗軍千戶歸附，累陞指揮僉事，陣亡。洪武二十五年，遷觀海衛調本衛。〔五傳〕全璧，嘉靖三十三年任烽火寨把總，倭犯大金等處，俘馘有功。三十八年，倭數萬寇巖前，衆欲昇之避，璧曰：「吾世受國恩，有死爾！」遂戰死。事聞，孫邦奇襲，部錄璧功，陞指揮使。邦奇子萬紀，萬曆中任銅山把總，溫州守備，惠潮參將，廣西總兵。爲人洞精簡易，食糲衣粗，給束如士卒。寇盜至，驚舉颯發，時時與士卒雜戰。得海上盜，收用之，因以攻他盜。其把總銅山時，年二十餘，爾，又初釋諸生業，而驍健聞海上。有盜魁大言曰：「吾白頭天吳之宮，寧復有張孺子者？」乘巨艘詐爲大帥，徑入其界地。萬紀從數人拏舟往逐之，舟漸近，鼓聲旗色不相應，萬紀跳而過盜艘，手殺其三人。盜魁出，反跳萬紀舟。萬紀從人與格鬪，立擒之。萬紀，每陰雨，度賊且出，輒駕小艇如漁父，腰弓劍，隨驍勇數輩，遇賊至，輒登舟擊殺之。雖窘阻，神意彌旺，以故其所居海上，盜悉遠徙，估客商舶，如行內港。在惠、潮時尤著。四十一年，有征黎之役，萬紀以總兵先登深入，兵無後繼，發憤自焚死。子弱家貧，老母在也。今襲。

王端 徐州人。祖義，洪武中以從開國功授鎮撫。父中，襲，以功陞指揮僉事。端，襲，永樂二年繇杭州衛調本衛。今襲。

張勝 黃岡人。祖高，國初以陳友諒宣慰歸附，陞千戶。父能，襲，累陞指揮僉事，陣亡。洪熙元年，勝襲，繇鎮東衛調本衛。今襲。

朱旺 揚州人。父正三，洪武中以張士誠軍歸附。洪武三十五年以功陞指揮僉事。旺，襲，宣德六年繇朝朔衛調本衛。今襲。

蔡恩 樂清人。其先有三弟者，洪武初從軍。〔四〕後，其先世累以功陞南昌前衛指揮僉事。嘉靖元年，恩自南昌調任。今襲。

指揮使改調者，曰平宏，正德間調潮州衛鎮撫。降襲小旗者，曰張成。指揮使同知、僉事、鎮撫故絕者，曰金昂、張政、汪洋、郭璽、于諒。

幕僚賢者附後

唐廷略 南昌人。以掾任經歷。一介不取，妻怨其寡。嘉靖中守福安縣城有功。

唐軌 蘭谿人。嘉靖以掾任知事，築福安城有功。

左千戶所

正千戶

李英 東安人。父福，洪武初從軍，陞正千戶。以罪死。永樂中，英襲，繇鎮南衛調本所。今襲。

副千戶

穆雍 江都人。父旺，洪武中以從開國授百戶。二十七年，雍襲，繇寧夏衛調本所。永樂十三年，陞副千戶。今襲。

朱宏 桐城人。曾祖來保，從軍。祖真，補役，洪武二十七年授百戶。繇錦衣衛百戶調本所，永樂十二年陞右所副千戶。至宏，正統六年仍襲本所。今襲。

百戶

錢班 合肥人。父興，從軍，進總旗。班，補役，洪武二十七年以功陞百戶，繇觀海衛調本所。今襲。

陳神保 宣城人。洪武中從軍，二十二年以功授本所百戶。今襲。

馬貴 餘姚人。洪武中充本衛軍。永樂二十三年以功授本所百戶。今襲。

高顯 鉅野人。祖興，洪武初從軍。伯父馬兒，補役，永樂元年以功授百戶。父得，襲。正統二年，顯襲，繇旗手衛調本所。今襲。

劉全 密雲人。祖小二，洪武中從軍。伯父移僧，補役，來僧，繼補，進小旗，陣亡。兄斌，奏授百戶。全，襲，正統八年繇旗手衛調本所。今襲。

劉輔 正德九年繇江西調任。今襲。

千、百戶、鎮撫故絕者，曰高啟、黃有、胡勝、魏林、薛信、王能、陸海、李弘、吳欽。

右千戶所

正千戶

吳真 廬州人。父昇，乙未從軍，洪武初陞正千戶。真，替職，洪武二十七年繇觀海衛調本所。四傳至清，嘉靖三十一年，領兵征倭古縣，生擒賊首馮春、陳乾六等，力戰死之。今襲。

副千戶

焦玉 汶上人。父得，丙午從軍。玉，補役，洪武初陞都指揮僉事。永樂元年改副千戶。十五年繇遵化衛調本所。宣德五年海寇入境，玉從福建都指揮劉海收捕，分兵哨至州東小管洋山，與賊奮戰，力竭死之。今襲。

百戶

孫智 膠州人。祖成，洪武初從軍。父興，補役，三十五年以功授百戶。智襲，正統八年繇南京興武衛調本所。今襲。

許敬 嘉定人。叔祖官一，洪武初從軍。父得，補役，永樂初以功授百戶。敬襲，正統八年繇旗手衛調本所。今襲。

金瑄 海寧人。祖真二，洪武末從軍。父誠，補役，永樂元年以功授百戶。瑄襲，正統八年繇旗手衛調本所。今襲。

楊麟 薊州人。父成聚，洪武中從軍，永樂初以功授百戶。麟襲，正統八年繇鷹揚衛調本所。今襲。

副千戶革充總旗者，曰門貴。千、百戶故絕者，曰朱源、孔旺、許誠、陳銓、馬英、竇廣、王輝。  
中千戶所

正千戶

張斌 泗州人。叔興，繇頭目歸附，洪武中以功授正千戶。斌襲，永樂十五年繇大定前衛調本所。今襲。

副千戶

謝賜 寧化人。父柱，從軍，陞百戶，洪武十八年以功陞副千戶。賜襲，二十七年繇觀海衛調本所。嘉靖中有光裕者，以巨石斃梯城，倭賊退，城全。今襲。

劉澤 陽信人。始祖保兒，洪武初從軍，加總旗，陣亡。高祖全，補役，以功陞副千戶。澤，正德十一年繇觀海衛調任。今襲。

鎮撫

孫旺 泰州人。祖，大吳元年歸附。伯父發狗，補役，洪武三十五年以功陞百戶。旺襲，正統八年繇府軍後衛調本所。今襲。

百戶

嚴忠 臨淮人。祖興，元末從軍歸附，陞萬戶，復改百戶，陣亡。伯父恭，補舍人，進百戶。忠，從軍，除百戶，洪武二十七年繇觀海衛調本所。今襲。

彭亮 江夏人。父貴，以陳友諒萬戶歸附，充總旗，洪武中陞百戶。亮襲，永樂十一年繇蘄州衛前所調本所。今襲。

張慎 合肥人。父添茂，充總旗，洪武中陞百戶。慎襲，永樂十一年繇蘄州衛前所調本所。今襲。

朱寧 本州人。父景福，洪武中從軍，永樂初以功陞百戶。寧，正統八年繇金吾衛調本所。今襲。  
方信 黃梅人。祖逢貴，甲辰年從軍歸附。父源，補役，洪武二十五年以功陞百戶。信，正統八年繇金吾衛調本所。今襲。

百戶故絕者，曰王佐、鄧會。

前千戶所

正千戶

王貴 易州人。父咬兒，洪武中從軍以功陞百戶。貴，永樂十五年繇臨洮衛調本所。今襲。

副千戶

平太年 日照人。父銓，從軍授百戶。太年，洪武二十二年以功陞副千戶，二十七年繇觀海衛調本所。今襲。

馬臚兒(丸) 宛平人。父正，洪武初從軍。臚兒，補役，三十五年以功陞副千戶，宣德三年繇高山衛調本所。五傳至淮，嘉靖四十四年隨南路參將王如龍征破龍頭寨有功。今襲。

所鎮撫

白洪名 永平人。父榮，從軍，永樂初以功陞百戶。洪名，正統八年繇府軍後衛調本所，署所鎮撫。今襲。

百戶

方得廣 定遠人。父遇賢，洪武初以從軍功陞巡檢。得廣，代職，陞百戶，二十七年繇觀海衛調任。

今襲。

劉海 薊州人。祖二，洪武末從軍。伯父興，補役，永樂元年以功陞百戶。海，正統八年繇金吾衛調本所。今襲。

李福定 岐山人。祖來住，洪武初從軍。伯父保兒，補役，陣亡。次，百戶八兒，補役，陣亡。福定，補役，以八兒功授百戶，正統八年繇金吾衛調前衛中所調本所。今襲。

孫弘 濱州人。祖侯兒，洪武中從軍。父得，補役，永樂二年以功陞百戶。弘，正統八年繇金吾衛調本所。今襲。

張福保 太寧會州人。祖興，洪武初從軍。叔父住，補役，陣亡。父玉，補，以功陞百戶。福保，正統八年繇金吾衛調本所。今襲。

張福仔 長洲人。祖二，洪武初從軍。叔父住，補，陣亡。父寬，補，永樂初以功陞百戶。福仔，正統八年繇金吾衛調本所。今襲。

百戶降充總旗者，曰薛巖。千、百戶故絕者，曰劉忠、李遇春、馬全。

後千戶所

副千戶

丁文 靈璧人。父成，從軍授百戶，陣亡。文，襲，以功陞副千戶，洪武十七年繇觀海衛調本所。今襲。

劉泉 衡陽人。父勝，從軍歸附陞百戶，洪武初以功陞副千戶。泉，二十年繇觀海衛調本所。今

襲。

百戶

朱彥昌 贛榆人。從軍歸附，洪武二十二年以功陞百戶，二十七年縣鎮海衛調本所。今襲。

劉海 和州人。從軍歸附。洪武二十九年授本所百戶。今襲。

百戶故絕者，曰耿原、趙富、楊銘、莊榮、喬成。喬成隨征西洋，死於水。其孫璋，弘治年進香京師，疏陳有司：「既受馬夫之直，法當乘馬，不宜復以輿夫擾民。」報可。復請監司釐正屯田積弊，監司如其言。

大金千戶所

正千戶

余春 巴人。父彬，洪武初從軍。兄榮，補充總旗，陞百戶，永樂元年以功陞正千戶春，十六年縣燕山右衛調本所。今襲。

張德 巢人。祖富四郎大六，丙申從軍充小旗。父關住，補陞百戶，永樂初以功陞正千戶。德，正統五年縣永寧衛調本所。今襲。

副千戶

張得山 定遠人。父信，吳元年歸附，後以功陞副千戶。得山，(六)永樂十五年縣寧夏右衛調本所。今襲。

所鎮撫



周全 贛縣人。祖發，乙巳從軍歸附。伯父小奴，代役，充總旗。父保，補役，洪武三十四年以功陞百戶。全，正統八年繇府後衛調本所。今襲。

百戶

周亞保 嘉定人。父旺，丙午從軍歸附，充總旗。亞保，補役，洪武三十五年以功陞本所百戶。今襲。

高賢 天順三年任。今襲。

李貴美 海豐人。祖名，洪武初充小旗。父拜住，補，陞總旗。貴美，補，永樂二年以功陞百戶，正統八年繇府軍後衛調本所。今襲。

易興 吉水人。祖昭，陳友諒軍，歸附。父成，補充總旗，洪武三十五年以功陞百戶。興，正統八年繇羽林左衛調本所。今襲。

龔智 揚州人。祖四保，洪武初從軍。父源，補充總旗，三十五年以功陞百戶。智，正統八年繇金吾衛調本所。今襲。

劉春保 泰和人。祖忠，癸卯從軍歸附。父同保，補充總旗，洪武三十五年以功陞百戶。春保，正統八年繇羽林左衛調本所。今襲。

黃聚 東安人。叔驢兒，洪武末從軍。父得全，補，以功陞百戶。聚，襲，正統八年繇金吾後衛調本所。今襲。

宋聚 廬陵人。祖玉，癸卯從軍歸附。父保兒，代役，洪武三十五年以功陞百戶。聚，正統八年繇金

吾衛調本所。今襲。

試百戶

朱炫 江都人。始祖當，丁酉從軍歸附。源，補充小旗。源子斌，洪武三十五年以功陞百戶，永樂二年繇徐州守禦千戶所調本所。四傳至炫，降襲試百戶。今襲。

百戶改調者，曰李頤。五傳至廷灼，嘉靖中調定海所千百戶。鎮撫故絕者，曰詹榮、高信、李英。

定海千戶所

正千戶

湯斌 來安人。父美，甲午從軍，洪武初充總旗，陞百戶。斌，二十八年以功陞正千戶，繇福州衛調本所。今襲。

高名 大興人。父三，洪武初從軍。兄闢兒，補充小旗。名，補授百戶，三十五年以功陞正千戶，宣德六年繇山東寧海衛調本所。今襲。

郭義 六安人。祖均遠，甲辰從軍歸附。父添，補義，充小旗，陞百戶，洪武三十五年以功陞正千戶，宣德六年繇登州衛調本所。今襲。

副千戶

方榮 定遠人。父全，甲午從軍，洪武初授百戶，十八年以功陞副千戶，革，充軍。兄林，補，復襲原職。榮，借職，永樂元年繇紹興衛調本所。今襲。

李忠 定遠人。父五十，丙午從軍歸附。忠，補，三十五年以功陞副千戶，永樂十五年繇義勇衛調本

所。今襲。

陳鳳 華容人。祖九住，吳元年從軍歸附。父宣，補洪武末授百戶，附副千戶。鳳，襲，正統二年繇鄱陽中屯衛調本所。今襲。

金相 歷陽人。曾祖玉，乙未從軍歸附，洪武中充小旗，授百戶，繇金門千戶所調本所百戶。相，正德十一年以功陞副千戶。今襲。

所鎮撫

張溶 新喻人。祖二，洪武初從軍。叔祖簡弟，補父敬，代役，充總旗，三十五年以功陞百戶。溶，正統八年繇虎賁左衛調本所。今襲。

百戶

任簡 儀真人。丙午從軍歸附，洪武初以功陞百戶，二十七年繇金門千戶所調本所。今襲。

趙保 定遠人。乙未從軍歸附。洪武初以功陞百戶，二十七年繇金門千戶所調任。今襲。

方旺 巢縣人。父子真，乙未從軍歸附。旺，補洪武中以功陞百戶，二十七年繇金門千戶所調本所。今襲。

朱文 烏程人。父炎，丁酉從軍歸附，洪武初以功陞百戶。文，〔七〕永樂九年繇金鄉衛調本所。今襲。

楊貴 和州人。祖韜，丙午充小旗，洪武中以功陞百戶。父銘，襲貴，宣德十年繇廉州衛調本所。今襲。

湛璣 安化人。曾祖文煥，甲辰從軍歸附，吳元年以功授百戶。璣，正統七年繇臨山衛調本所。今襲。

程鑑 丹徒人。祖佛保，吳元年從軍歸附。父原，補充總旗，洪武二十五年以功陞百戶。鑑，正統八年繇河南占衛調本所。今襲。

張海 龍門人。祖四，洪武初從軍。父成，補役，二十五年以功陞百戶。海，正統八年繇安慶衛調本所。今襲。

李廷灼 益都人。始祖源，丙午從軍歸附，充總旗，洪武二十四年以功陞百戶。其子頤，正統七年繇金鄉衛降充大金所軍，大順元年復職。五傳至廷灼，調本所。今襲。

盧順 成化中任。今襲。

係清 嘉靖中任。今襲。

何子曰：余閱武臣之籍，爛矣哉！其起家，從開國、靖難者十九；其以殺除寇暴，立功得官者，二耳。夫豈無軼轡駘跼注之君子乎？武臣寡文，既不具載其先世行烈，而紀乘之書亦不勤於訪采。余歎其多軼矣！余又竊惟開國、靖難有大勳勞之臣，莫不謀勇兼資，以得上公列侯，依日月之際。而開國諸公當高皇帝威嚴之下，克終其世者僅僅。維茲指揮、千百戶而下，其先人皆以荷戈躍馬，一乘一障，累功積勞，而得之列官外服，胄乃以長，豈不亦一門之榮，奕世之福耶？

贊曰：高皇晚歲，大召武臣，叙厥艱難，念其年旬，頒之勅命，賜以金銀。維彼一時，感激皇仁，載稽

載叩，涕泗紛紜。積勞一身，貽慶後昆，曷用報公？匪天匪親，世祿繇禮，敢告後人！

〔校記〕

〔一〕「正千戶」三字，各本原脫，據本書體例補。

〔二〕「錄事」下，當有脫文。

〔三〕「義」字，各本原脫，據本書體例補。

〔四〕「洪武」，各本原作「洪州」，據文義改。

〔五〕「驢兒」，下文作「驢兒」。

〔六〕「得山」二字，各本原脫，據本書體例補。

〔七〕「文」字，各本原脫，據本書體例補。

# 閩書卷之七十二

英舊志 縉紳

福州府 閩縣一

## 唐選舉

唐興，因隋制置進士科，試詩賦、時務策五道、帖一經。經、策全通，爲甲第。策通四，帖過一以上，〔一〕爲乙榜。每歲放榜不過三、四十人。繇學館曰生徒，縣州者曰鄉貢，皆升於有司而進退之。有秀才、明經、俊士、進士、明法、明字、明算、一史、三史、《開元禮》，有道、童子之目。而天子自詔者曰制舉。天授元年，始親策士於殿前。開元五年，命禮部掌貢舉。私其人者有罰。

## 進士

貞元十年甲戌 陳通方

十三年丁丑 陳翽

十五年己卯 邵楚萇

元和五年庚寅 陳彥博

寶曆元年乙巳 歐陽袞

大和九年乙卯 侯固

開成三年戊午 李滂

會昌二年壬戌 鄭誠

三年癸亥 林滋

四年甲子 陳納翻子。

大中五年辛未 林勗

十二年戊寅 侯嶽固侄。

咸通二年壬午 薛承裕

七年丙戌 歐陽琳袞子。

九年戊子 連總

十年己丑 歐陽玘袞子。

乾符五年戊戌 陳蜀

大順元年庚戌 林袞

乾寧三年丙辰 沈崧

天復元年辛酉 鄭希顏

薦辟、人才賢者雜見列傳中。

有傳

陳通方、陳彥博、李滂、薛承裕、陳蜀、林袞合傳。 陳詡 邵楚萇 歐陽袞 侯固 龔用卿(三)

鄭誠、林滋、詹雄合傳。 林勗 李彥堅(三) 連總 林郁陽 柯春卿 沈崧 鄭希顏

陳通方 登第時，年方二十有五。時屬公道大開，採綴孤俊。通方年少才高，得與其選，時論榮之。

有王播者與通方同年，五十六矣。通方時薄播老，播心貯之。播直拜，禮分懸絕，通方竟以困躓。顧其佳名，傑作流傳人間，不能抑也。後通方登第者，同縣陳彥博，字朝美，李滂 字注善，薛承裕，字饒中；

陳蜀，字文郁；林袞，字謙言，俱有時名。

陳詡 字載物。登第後，三府交辟。德宗覽奏，選之。官終戶部員外、知制誥。以文章名於時，有詩

集十卷。(唐書·藝文志)：詡，官戶部郎中。

邵楚萇 字待倫。爲校書郎。馬侍中有亭侈麗，楚萇作《馬侍中亭子歌》述之。馬以爲愧，遂毀其

亭，繇是詩名益振。

歐陽袞 字希甫。友善項斯，與之齊名。官監察御史。

侯固 字子重。操履仁厚，具有準律。官至鄆坊靈武易定節度使、同平章事。

鄭誠 字中虞。文筆峭絕，與同縣林滋、詹雄齊名。雄工詩格，書筆兼高，滋長詞賦，而誠長於文，號

「閩中三絕」。又，時人爲之語曰「滋賦」、「誠文」。誠，累官國子司業、刑部郎中、郢安、鄧三州刺史。滋，字厚象，累官兵部郎中，王鐸辟爲判官。有《望九華山詩》，世人傳之。雄，字伯鎮，布衣也。

林勗 字公懋。以開元禮登科，兩刺吉州，清節著聞。



李彥堅 字成實。累官銀青光祿大夫、御史中丞。乾符間，黃巢寇閩，僖宗以彥堅家世居閩，素知山川險隘，命守建州。未至，刺史李乾祐棄城走。彥堅召募民兵，與賊戰於政和高宅，不克，退保東漈。賊進逼之，自刃死。

連總 字會昌。賦筆典麗，爲溫庭筠所賞。

林郁陽 累舉不第，以博通三史，應詔入內侍講，授廷尉。丁艱歸，以孝聞。時廉帥羅讓尤加禮異。終潮州刺史。

柯春卿 宰宜春，吏事精明，剖決不倦，泰寧張杓雅器重之。其後倖大府，亦有能聲。

沈崧 既登進士，歸省過臨安，錢鏐留掌書記，奏授秘書少監、檢校兵部尚書。後爲元瓘丞相，書、檄、表、奏多出所撰，有集二十卷。

鄭希顏 舉進士，時值昭宗新平內難，開放新進士榜，喜甚。詔選中有孤貧屈人以名聞，特勅授官。杜德祥以曹松、王希羽、劉象、柯崇及希顏塞詔。是時希顏以詩卷及第，年踰耳順矣。時謂「五老榜」。

## 五代

天成三年戊子 陳保極 按《永春縣志》有陳保極，陳元愷作《永春建縣記》稱：「保極能文。」第《永春志》載：「保極，尚書左司員外郎。」而《閩縣志》載：「保極，禮部、倉部員外郎。」未知兩人或卽一人。今以《永春志》爲詳，列保極於永春。

薦辟、人才賢者雜見列傳中。

有傳

張錫 謝瞳 何瓚

張錫 梁末劉君鐸爲郢、棣州刺史，辟錫軍事判官。郢有麴務，君鐸以牙將主之，橫恣爲暴，民有犯麴三斤者，輒置死。既而自盜麥斛，郡吏爲請免，曰：「使府牙將也。」錫曰：「民犯三斤，當得死，況數斛耶？」遂置牙將罪。同光末，趙在禮舉兵於鄴，頻河諸州多構亂。錫權知州事，卽出省錢賞軍，軍大悅，郡獨全。後令淄川，不畏強禦，專務愛民。召爲監察御史，累官司門、駕部二郎中。所至，以清節聞。周顯德中，拜右諫議大夫，致仕。初，改給事中。卒於鄧。

謝瞳 字子明。累舉不第。依朱全忠，署右職，仕唐爲通陵州刺史，有政聲。遷亳州團練使、宣義節度觀察留後。

何瓚 唐末舉進士及第。後唐莊宗爲太原節度使，辟爲判官，代張承業知留守事。爲人通敏，外若疎簡，而內周密。莊宗建大號於鄴郡，拜瓚爲諫議大夫。瓚慮莊宗事不成，求留守北京。明宗卽位，召見內殿，勞問久之，已，以爲西川節度副使。是時孟知祥已有貳志，方以副使趙季良爲心腹，聞瓚代之，亟奏留季良，遂改瓚行軍司馬。知祥反，罷瓚，置私第，瓚飲恨卒。

### 宋選舉

宋選舉，有科目，有學校，有辟召。其用之也，有銓廕，有保任。科目，建隆初惟進士及諸科，皆秋取解，冬集禮部，春考試，合格及第者，列名放榜尚書省。不第者，仍俟秋解。歲以爲常。選舉之外，又有制科，而進士之科爲盛。進士，試詩、賦、論各一首，策五道，帖書《論語》十帖，對《春秋》或《禮記》墨義十條。諸科，則《九經》書一百二十帖，對墨義十六條。《五經》，帖書八十帖，對墨義五十條。《三禮》，對墨義九十條。《三傳》，一百一十條。《開元禮》、《三史》，各對三百條。學究科，《毛詩》對墨義五

十條，《論語》十條，《爾雅》、《孝經》共十條，《周易》、《尚書》各二十五條。明法科，對律令四十條。兼經，並同《毛詩》之制。各問經引試，通六爲合格，仍抽卷問律，本科則否。本州以判官試進士，錄事參軍試諸科。見任官應舉，號「鎖廳試」，所屬先以名聞，得旨乃解。凡就試，惟詞賦者許持《切韻》、《玉篇》，而稽版籍，察素行，嚴互保連坐之法，挾書、口授有禁，不稱「恩師」、「門生」，則通諸科皆然。先是，將赴貢院，臺閣近臣得薦所知名，曰公薦，乾德初禁之。覆試殿試，省殿試之分，皆始於開寶中。殿試，加論一首，而以三題爲準。榜分三甲，皆始於太平興國間。嘉祐二年，與殿試者，始免黜落。治平間，始定三年一開科。神宗始罷諸科，併於進士。熙寧三年，始頒經義武取士，而殿試專以策分五甲焉。後以凡貢於鄉而屈於禮部，或廷試不錄者，積舉數而參以年，臨軒口得別籍名以奏，徑許附試，謂之「特奏名」。學校，則內舍生間歲一試，補上舍。上舍生積校已優，舍試又入優等，謂之「兩優釋褐」。小選者，卽命以京秩，除學官。元豐中行舍法，上舍生得免秋解。重和元年，始有武舉之科。宣和中，推行元豐舍法於諸路，於是縣有免解進士，未幾廢。南渡以後，科目互有變更，然其取人不過經義、論策、詩賦而已。紹熙元年，又有宗子正奏附進士之選。

今按武舉、宗子，舊志並有題名，第文武殊途，武舉之著名於世者，已列之介幹矣。若宗子正奏載《福州志》者，其初不過數人而已，至寶慶二年，登名者以八十餘人，蓋身列宗室，夤緣必易，是以名數猥多，夫豈其登明選公爲盛，一至於此？竊祿糜廩，闖茸官治，宋室不競，此亦一路。今取其著名者，附見之宗室，其題名與武舉題名並從削去。惠安張岳舊志：「子觀宋場屋一州之變，考其是非得失，與國相盛衰。自嘉祐至開寶，士氣淳厚，中間文體雖病於卑弱險怪，然無敢爲私學曲說以亂之，不害其爲淳厚。熙寧以後，乃有國是說，倡於新法，和於紹述，憂

於和議，而極於偽學，士有一言不合國是者，則指以爲怪妄，斥逐禁錮無餘力。於時，驚進之士，莫不翕然從之，而宋之國事亦日變而南渡，變而臣虜，又變而之閩，之廣，不可爲矣！故宋之不競也，識者推原其故，以爲士大夫爭私意於廟堂之上，學術不明，人心蠹壞，其禍乃至此極，豈非後來永鑒耶？故因科目而附著之，爲辨志居業者告焉。」

太平興國五年庚辰 呂奉天

八年癸未 林倓

淳化三年壬辰 林殆庶 余貫之

咸平二年己亥 連作磚

三年庚子 沈厚載 陳易則 林休復

五年壬寅 劉若虛

景德四年捷詞科 林陶

大中祥符元年戊申 林太素殆庶弟。

陳曄

陳莊

陳宗奭

陳清易則兄。

林祥

林敦復休復弟。

五年壬子 劉曄及第。

林咸德及第。

陳簡能及第。

劉若冲若虛弟。

林太微殆庶弟。

八年乙卯 童穎

天禧三年己未 鮑稷

諸科 沈兆

天聖二年甲子 許忱

五年丁卯 黃賁 李平

八年庚午 劉奕若虛子。 韓丙 劉吳若虛子。 李述平子。

景祐元年甲戌 林慥 鄭同文 卓祐之 陳誥後改名讓。

諸科 林孟孟縣貢無考，以閩爲首縣，姑附於此。後倣此。

寶元元年戊寅 湛俞 陳序簡能子。 李惟肖 林肇敦復子。

慶曆二年壬午 蕭汝霖 蘇政 王綸

諸科 劉昇若冲子。 林溫縣貢無考。

六年丁亥 林琪殆庶孫。 劉彝若虛侄。 陳預 林世矩休復子。

諸科 王茂先 黃質 林國華實、國華，縣貢無考。

皇祐元年己丑 蕭傑 陳中庸 孫奕 吳元瑜 林誼 丁世衡 林卞 劉延之縣貢無考。

五年癸巳 湛庸俞侄。 吳君瑜元瑜兄。 吳周卿 許叔達 林榆叔達、榆，縣貢無考。

嘉祐二年丁酉 張宗閔 李皇臣

諸科 張應 許齊 黃彥 陳奕縣貢並無考。

四年己亥 陳嚮 朱敏中

六年辛丑 鄭适 吳杲卿周卿弟。

八年癸卯 倪材 林勳縣貢無考。

治平二年乙巳 李譚 王祖道 辛琮 陳曄

四年丁未 鄭及 朱敏元敏中弟。 黃康民 陳時 陳幾 王晦 林璋

熙寧三年庚戌 李適 朱功敏中弟。後改名敏功。

諸科 朱稷臣 王礪 鄭瑜 鄭表 張顯 李倚 李頎縣貢並無考。

六年癸丑 吳于周卿子。 林安道 陳景參序子。

諸科 李移忠 韓昌國丙孫。

九年丁巳 鄭邦直 吳洪 林祖誼縣貢無考。

元豐二年己未 陳舉 陳邈 王嶼 陳郊 林介自邈而下，縣貢並無考。

諸科 周石 卓士龍 林迥 吳閱縣貢並無考。

五年壬戌 李移忠

特奏名 吳君元君瑜弟。 王震 林愉 林仕元 黃彥博 陳翊 林勳 林贊自震而下，縣貢並無考。

八年乙亥 韓用章丙孫。 劉及 劉知至奕孫。 王昭明 劉公摯 張翽 沈觀自昭明而下，縣貢並無考。

考。

特奏名 朱敏修敏中弟。 盧禹民 林謐 卓士安 鄭亨 李勉 盧周臣禹民弟。 黃緒 劉价

陳傅 王庚 何總 黃伯厚 黃元夫自禹民而下，縣貢並無考。

元祐三年戊辰 劉介山昇子。 湛存俞子。 劉綬

特奏名 劉康夫奕子。 蕭規縣貢無考。

六年辛未 林天若 林瑋 李師回 楊肫

特奏名 陳戴 陳耕道 鄭或縣貢並無考。

紹聖元年甲戌 徐學 王澤晦子。 陳元老 陳裕

特奏名 陳彙 林衍縣貢並無考。

四年丁丑 王濤晦子。 韓退舉內曾孫。 李康 黃唐佐 林亨 陳義夫景參從兄。 陳天與

特奏名 鄭祖仁 翁希愈 莊幾縣貢並無考。

元符三年庚辰 高公巖 辛炳琮子。 黃唐俊唐佐弟。 曾經 王賓 陳仇清曾孫。 陳適道景參從

侄。

特奏名 韓光老遺舉父。 陳誥縣貢無考。

崇寧二年癸未 許份將子。 陳禹叟 黃懋 黃唐傳唐佐弟。 陳天禧時孫。 徐楫合侄。 林作乂

特奏名 繆昌道 陳濟 陳中 陳兼 陳從義縣貢並無考。

三年甲申，建辟雍，車駕幸太學，與上舍釋褐 林徽之

五年丙戌 柯棐第二人。 陳靚 黃文仲 韓兼兩孫。 李鷺 李撰適侄。 李宋臣（四）順子。 縣貢無

考。

特奏名 黃廩 許難 陳復作後。 陳文伯縣貢無考。

大觀二年戊子 八行 李諤以孝弟行能賜上舍及第。

三年己丑 陳尹 王朝俊 林雲 陳璉 林天申 陳安上 鄭祖德 鄭存祖德弟。 朱俊敏中侄。

韓昌兼子。 李芑康侄。

特奏名 黃託唐佐父。 唐俊 唐傳 陳報 陳宜 韓彰明昌國子。 樊權 葉開 繆剛 李唐英

林積微 黃理 曹進礪進一作汝 林睨 陳希 劉擅 朱祖揚自撫而下、縣貢並無考。

四年庚寅釋褐 陳葵

政和二年壬辰 劉達夫若冲孫。 林瞰天申叔。初名晨，御筆改瞰。 陳汝仕景參族。 黃觀 鄭勵 郭茂

高適 鄭甸 黃文若 柯森弟。 劉綱緩弟。 朱廷佐敏修子。

特奏名 王宥 潘壽 湛謂 陳謨 許冲遠 凌琰 王朴 張睨 柳珙 陳牧 陳擴 姚能舉

陳介 陳祖武縣貢並無考。

三年癸巳釋褐 黃觀觀兄。

四年甲午釋褐 劉綱緩弟。

五年乙未 徐登 葉廷芬 林深

特奏名 吳默之吳卿子。 王朴 王宋臣 柯亨道 劉約 張挺 王旌 薛遵 林康臣 劉愈

葉中 林確 陳公才 陳涇 余思忠 林括 林聽 唐循道 許君用自朴而下、縣貢並無考。

六年丙申釋褐 胡震

醫學釋褐 吳宗大

重和元年戊戌 柯若提葉子。 余伯達 林實 梁國賓 黃傳康 葉庭傑 劉侯亞緩侄。 黃天知

黃琳 湛亨自天知而下、縣貢並無考。

特奏名 徐明 葉寬 林端 陳受 王志道 林先民 陳暹 王輔世 王時發 方志道 王戒

游天與縣貢並無考。



宣和元年己亥釋褐 張元禮

三年辛丑 柯彬森弟。 陳賓 陳允文 林朝俊 林獻材 王寧賓弟。 陳定國諸孫。 陳亞卿 李

茂則師回子。 王普賓子。 陳翁縣貢並無考。

特奏名 王粹 劉照 王觀 王時 陳岳 劉時升 卓回 黃南老 潘敏修 曾表正 張章 林

稷縣貢並無考。

六年甲辰 黃匪躬 朱倬庭佐子。 朱作敏中孫。 林彥達

特奏名 林向勳子。 朱庭資敏修孫。 陳武仲 黃廷俊 劉俊民 林大麟自向而下，縣貢並無考。

建炎二年戊申 胡文炳震再從弟。 胡文煒文炳弟。 王玠 陳南美 嚴褒 林茂 陳節縣貢無考。

特奏名 曾本昌經子。 倪本材子。 林字勳子。 劉元 卓顯天 陳煥 劉翹 連希尹 張知 陳

思 江勃 趙彥自元而下，縣貢並無考。

紹興二年壬子 鄭公明祖德子。 黃溥唐佐子。 陳肅易則侄。 上官徽 梁國材 李簡能皇臣孫。

胡彥達文炳從弟。 黃廷瑞 吳忠孺 劉安臣

特奏名 劉發 王旁 黃純 姚祖虞 陳嘉會 陳瑞仁 高選 陳時仲 程嘉德縣貢並無考。

五年乙卯 任文薦 謝鳳 林聳 洪毅 薛召 李格花侄。 薛槐召族弟。 鄭必明祖德侄。 曾質

劉師亮質、師亮，縣貢無考。

特奏名 林長孺 翁邦彥 吳閔 陳凱 蒲毅縣貢並無考。

八年戊午 陳修第三人。 林寅 陳長方佚子。 朱介卿 翁之章 陳彌作 周宜老傳侄。 老一作未。

陳升卿 黃瑀

特奏名 韓畧畧兄。周彥時 王元龜 陳堯問 朱峴 蕭宗顏 業聞 范桂韶 謝美中 林元

圭 余彬 衛介石 陳祺 陳弼 李坦夫 劉汴 陳烜 蕭稷臣 丘遇 陳安國 黃亢 陳時升 王

維自彥時而下，縣貢並無考。

十二年壬戌 陳誠之狀元。李榕芑侄。陳秉哲宣子。陳銳 李桐榕弟。鄭景衡 陳禾報子。

劉師贊師亮弟。張雲翼

特奏名 徐銳合侄。湛嶢存子。張元佐 黃知新 梁顯 陳賓 林俊民 陳時可 陳琮 林翊

張尚智 陳昭美 高灌 林宋卿 繆朝選自元佐而下，縣貢並無考。

十五年乙丑 楊丞 李應鸞侄。陳師尹 黃琇縣貢無考。

特奏名 陳任仇弟。韓咎畧兄。黃元 陳世材 陳昭 謝大亨 陳蕃 陳向 鄭球 夏寅 林

偉 陳修輔 劉忱 鄭霖 陳彥寧 張尚德 陳達 劉詳 黃枸 黃甸 黃級 陳光表 楊孝傑自黃

元而下，縣貢並無考。

十八年戊辰 吳瓊 李升 陳仲諤 周毅偉侄。李全之 曾賁本昌子。劉季裴發子。縣貢無考。

特奏名 林庭佑 洪庸 林祖文 程嘉成 梁守卓 姚光亨 陳達 唐宋臣 楊贛縣貢並無考。

二十一年辛未 陳夢良 林文勉 陳元圭 嚴褒褒弟。陳賓誠之弟。邢炳然

特奏名 黃知遠 黃特 陳煜 林奎文 林會 陳將 林光亨 黃龜 張倫 呂翼 柯端 黃仲

臣 陳杰 陳木漸 陳俊乂 陳從道縣貢並無考。

二十四年中戌 林綸 黃萇 陳巖 陳剛中景泰孫。 郭文 何士良 潘必強 蕭倬 黃光宗

特奏名 鄭秀穎適從孫。 胡元忠彥達弟。 李葵格樹父。 張發 連銳 黃允功 王欽若 林公嗣

施權 梁端宇 蕭宗說稷臣子。 陳全美 陳卓 盧師孟 吳良幹 陳迥 黃仲臣 王詠 謝成章自發而下，縣貫並無考。

二十七年丁酉 陳峴誠之子。 陳端友誠之侄。 陳確 陳正 邵德一 黃啟宗亞躬子。 陳許國

侄。 陳阜 詹元鼎 鄭之奇甸二從侄。 鄭昂 何若 陳駿若駿，縣貫無考。

特奏名 崔宋佐 王栗 郭南金 鄭光朝 張師旦 陳起說 陳黃中 魏康國 楊大猷 陳詡

林師孔 盧璨 吳漢臣 潘德裕 陳杰 陳卓 衛康承自宋佐而下，縣貫並無考。

三十年庚辰 馮田 陳嶠嶠弟。 余宗 徐壽 林昂其曾孫。 黃冲遠 陳宗召 任文茂 陳朝章

陳伯震肅子。 鄭鏐甸再從侄。 黃杲瑞子。 周擢偉子。 林元奮 朱用亨稷臣曾孫。 林湜 楊興宗自用亨而下，縣貫並無考。

特奏名 梁大任國賓侄。 薛鎬 陳文翁 楊遵 崔時亨 周召 楊俠 杜恭先 李武子 羅輝

鎬而下，縣貫並無考。

隆興元年癸未 楊翼之 樊仁遠 王唐 黃岳冲遠從弟。 黃惟孝 何萬總曾孫。 林淳湜兄。 鄭

嗣誠自萬而下，縣貫並無考。

特奏名 蕭宗旦稷臣子。 鄭文融 周興亮 王嗣宗 連斗文 倪公佐 陳堯佐 林迪 林問禮

陳向 陳嘉逢 卓詠 劉侯度 耿憲 李文髦 詹羽 黃梨 陳譽 陳公衡縣貢並無考。

乾道二年丙戌 趙燁第三人。 陳悅 周掄擢兄。 許仲容 陳朝老 曾植 張曄 王靜唐侄。 連

逢辰 陳祐 黃孔光 南朝英 李櫚康孫。 張少英 王浩唐侄。 劉岳 鄭湜昇子。 郭夢濟 周文擢

夢濟、文擢，縣貢並無考。

特奏名 楊搏丞弟。 林炳然 張丕憲 吳筠 張維宋 陳彌 陳芑 張世昌 張申卿 蕭祐之

林碩 黃宗翰 黃鼎 侯邁自炳然而下，縣貢並無考。

四年戊子太學兩優釋褐 黃倫

五年己丑 陳樞才南美侄孫。 陳涇 盧南金 土深仁 李宗元宗允弟。 林可行 陳孝錫 李宗允

宗元兄。 陳克佐

特奏名 陳光宣 盧大猷 陳襲 林光 張夢祐自大猷而下，縣貢並無考。

八年壬辰 李泳葵孫。 邵觀 趙焯燁兄。 張時舉 林致 陳鼎才樞才兄。 陳炳禾子。 陳嗣明

林輝 梁甫大任子。 鄭少魏 張煥然維宋子。 高介卿 高安世介卿子。 劉文禮師亮子。 楊繼祖自少魏

而下，縣貢並無考。

特奏名 曾首貢從兄。 曾元夫貢從侄。 朱箕壽 陳鐸 孫邵 陳介 樊文懋鐸侄。 王藻 韓待

聘 葛少微 陳敦厚 黃景梁 林概 葉元鳳 黃行中 楊維則 陳馨 王之鐸 林穎中 王仲之

王時中 陳恭 郭夢駿夢濟弟。 劉思衡師亮族弟。 鄭揆之自箕壽而下，縣貢並無考。

淳熙二年乙未 朱士挺 翁頤 陳昇景泰曾孫。 柳東 王廓唐弟。 王輅 林夙 楊夢惠丞子。

鄭肇之祖德孫。王萬全萬修從弟。高邁融從弟。萬全、邁，縣貢並無考。

特奏名 梁大臨國賓子。林時中 劉昇 林牧 周光宗 姚知默 黃芹 謝章 李迥 林祥

陳復之 陳泮 張偉 張普 林舜舉 陳正中 楊強 黃斗南 黃衷 韓穎 黃光度自時中而下，縣貢並無考。

四年丁酉，車駕幸太學，上舍釋褐 楊範翼之從兄。陳允升

五年戊戌 湛循曉孫。鄭應中適族。陳介卿 孫晞甫 陳石 陳用之諸子。梁大亮國賓子。鄭

瓚錫弟。劉岳季裴子。張若霖 柯甲 張曷 楊楫興宗從弟。彭夢暘自若霖而下，縣貢並無考。

特奏名 陳安仁傅孫。黃元質 林誼 崔俊 馮異 李次膺 鄭千成 黃樞 王繼仲 陳宗亮

方與權 高嶽 王夢有 余介卿 葉之盛 陳賓 卓汝顯 楊宗旦 林永叔林一作朱。陳亨甫 繆守

愚 繆鞏 問亨升縣貢並無考。

八年辛丑 朱鼎上挺父。孫格 王瑜 王宗度 陳士表 歐賡 黃佐之 陳永叔 黃桷僅侄。

何庇萬族侄。陳宗訓仲諤弟。李公升冰從侄。陳堯佐 林谷 朱淵 周震宜老係。陳天宜 曾晔質

子。白瀾而下，縣貢並無考。

特奏名 連楹 張驥 高夢卿 陳葵 黃延世光宗子。甘霖 王士廉 何升之縣貢並無考。

十一年甲辰 呂啟宗 高首卿 林士衡 連虞鳳 林昉 鄭域 何士顯萬侄。余用之 鄭驤

高名世 梁昂 黃善 陳潮善、潮，縣貢無考。

特奏名 黃輿 林森 許惠卿 陳楠 程萬 黃岳 黃雲 林可大

十四年丁未 林選登子。 林執綱 林千 柯垓 朱著倬孫。 鄭昭先 陳方 陳誠中 黃恂倫子。

陳億 沈康 林拱之 謝伯常 陳燾 林子發 鄭德美應申從弟。 吳申

特奏名 段格 方薦鸚 王良輔 魏應之 吳季山 劉搗 許教 黃九齡 楊興之 陳夢英 林

應辰縣貢並無考。

紹熙元年庚戌 潘景伯長樂師孔曾孫。 潘顯伯 潘顯伯皆景伯兄弟。 林迪 陳樞幾孫。 林億千兄。

林挺秀 李昭簡能侄。 柯岢中 李元輔 黃廣 陳士表 黃勻 鄭行可 許俊第 陳桂寄居潮州。

特奏名 李溥泳弟。 陳惟中 林槐卿 陳旦 劉岳 林表 韓匹蕭 劉靖 林夢欽 黃世德

歐陽實 柯杞 柯若咎 林日休 張仲昂 黃子強 陳榮章 柯端卿 詹紱 林虞 林察 陳樞 杜

張維 林元明 林廷英 韓縉 黃旂 王以澤 阮大用 何既濟 張時敏自惟中而下，縣貢並無考。

上舍釋褐 謝昇縣貢無考。

四年癸丑 任一鶚文薦孫。 任滙文薦族。 李宗中 曾鹽植子。 朱荀敏元四世孫。 陳惟和 蘇端準

韓桷 陳克 陳至和銳子。 黃民表 馮多福 蘇興甫多福、興甫，縣貢無考。

特奏名 陳炳 梁召 盧琳 吳允禮 劉慨 林擇善 林巖 王廷秀 郭東美 曾顏 林冲之

趙昱縣貢並無考。

慶元二年丙辰 邵應祥 鄭孝純 陳鑑 陳同伯炳子。 楊景商人猷孫。 鄭唐臣 陳京 林景達

邵應瑞應祥弟。 任一龍文薦孫。 張可大 鄭沆湜兄。 柯必卿葉侄孫。 林景申 林應龍 阮幡 柯龍

受葉侄孫。 朱景筌 林起莘 歐質廣弟。 鄭天麟湜子。

特奏名 李洙公升子。湛衍 林更 嚴肅 林元鼎 鄭谷 商倬 陳弼 張維 詹驥 鄭鈞  
陳鼎任 鄭起莘 高震之 商伉倬兄。程憲 高實 許仲宏 林士器 林登之 林用中 林冲自更而  
下，縣貢並無考。

五年己未 湯震 傅起巖 鄭浚湜族。鄭碩 鄭駿驥弟。李起渭 項夢開 池鑄 方杰 楊惟  
寅 陳夢建 烟族。劉泳若虛玄孫。

特奏名 謝藻第一人。林德秀 萬彪 林綽然 鄭洪 林曾 陳申 張天翼 陳可速 陳禧  
顏庶 萬習震彪兄。劉夢先 陳才召 黃璵 梁廷儀 陳瀛 林宗鈞 陳元卿 林亨孫 魏謙 朱  
時 陳欽之 陳瞳 鄭碩 吳秀山縣貢並無考。龔梅卿寄居廣州。

嘉泰二年壬戌 柯誠中 陳俞 陳士表 覬子。葉栢明之侄。陳夢章 余夢泰 楊景良 林光敖  
李增興 鄭震居本縣，貢建康。趙琳貫解州。林子正，貫撫州。張煥臣 吳楠煥臣，楠，縣貢無考。

特奏名 任伯岳 文茂弟。詹緯 陳世公 孫說 張孝達 陳貞 倪駿 鄭桂 林採 柯棠 鄭  
瀛自緯而下，縣貢并無考。

三年癸亥，車駕幸太學，該恩 王榕 輅弟。林岢中 陸仲遜 吳達之 林昉 林溥 陳元修 林  
景莊自岢中而下，縣貢並無考。

開禧元年己丑 周鼎來 毅孫。楊公俊 大猷族。陳瑤 大亨弟。林執善 陳季麟 元圭族。連懋達 辰  
子。李萬傳 林應行 陳垓 木孫。羅誼 林鉤 仵公玉 林子昌 儲天祐 梁成大

特奏名 韓輝卿 彰明孫。鄭寧卿 行可弟。張萬 黃端 馬春卿 杜錫百 林百順 浹孫。王默

曾洵美 陳存中 林見獨 鄭震 陳絢 林歸 賴之行 陳震 余憲 丁似 楊繼先 楊魯 鮑景  
郭成章 潘邁 李觀 黎良能 高評 陳安石 余子韶自萬而下，縣貢並無考。

嘉定元年戊辰 孫德興第二人。晦甫子。許應龍仲容子。吳實卿 朱起章士挺子。任應龍文薦孫。

鄧復 黃德洪 連德嘉逢辰弟。周霖偉族。鄭仲路季之子。林少從錫弟。陳震南美族。陳肯舉

張貌變雲翼族。葉棠椿族。陳元之同伯兄。黃變槐子。陳公益貫慶元府。沈更寄居溫州。

特奏名 鄭次魏 林翹如 陳言應 林誠之邦符侄。陸嘉禮 葉昌之縣貢並無考。

四年辛未 葉應辰 陳晨定國侄。鄭景儀 林趙卿 郭泳 張宗 陳伯寬南美族。蕭崧申 阮

賓 周千里宜老曾孫。朱春 林履之 黃飛 蔡公申 孫禮興德興弟。經德姓闕。林護縣貢無考。

特奏名 鄭靖潭子。余游 吳利見 徐公信 陳伯謙 南若礪 陳雲卿 林文 陳仲杞 張夔

張煒 陳公柄 鄭伯忠 王明之 許夢松 林暘 鄭廣聲 楊勳 何自正 王企 林杲 黃廷 楊少

發 莊起宗自游而下，縣貢並無考。

七年甲戌 朱晉 張元簡 李澤卿 王立節 湛籲循侄。曾善 趙豐亨姊孫。李衛 許藻衛、藻，

縣貢無考。

特奏名 陳桂林 嶠子。貫閩清。柯適瑛侄。貫永福。張澈澤兄。寄居揚州。王軒紹兄。林晞呂譽子。

曹渭 黃鏐 王惟月 高遂 李大壯綱孫。楊勳 陳合 鄭潛希純兄。蕭萬里自渭而下，縣貢並無考。

試中教官 陳雲

十年丁丑 王維祺 鄭良臣欽兄。陳士搆義孫。黃辰顯 黃夢雷 劉勺 林士宗士衡弟。連嶸



梁琮大任孫。 陳德遇 鄭清卿 林應辰上衡族。 池昇 林觀過夙從侄。 鄧夔 陳士介 林公慶

特奏名 萬搏 余游 劉從龍 鄭籍 陳公升 林正謬 陳應省 蘇盛甫縣貢並無考。

十三年庚辰 鄭頤孫 林子陽 林應運 林公演 周說鼎來子。 林時升 陳子直 王庭 黃亮

連少嘉南夫六代孫。 徐敏功寄居慶元府。 陳光大哇侄。 魏復亨 梁夢庚 任友龍第三子。文薦孫。貢建昌。

特奏名 葉林 潘唯 陳行中 葉應辰 陳會之龍興叔。 陳上驥童子舉。 黃古心 陳衡材 陳

應求 張暄 鄭光定 黃祁夢高叔。 龔郊梅卿從侄。 程少杜嘉德孫。自唯而下。縣貢無考。

十六年癸未 謝觀國葉族。 張如愚宗博父。 鄭清子 曾公益 戴翼 馮惟說 任一鳴一鳴弟。

陳瑄大亨子。 任唯明一鳴弟。 陳士修上表弟。 鄭公孫 陳子頤堅之兄。 陳著上表侄。 黃炳貢泰州。

特奏名 周寧甫 陳孝儼 林昉 葉端亮 宋夏 鄭衍 黃鞏 林疇 張子華 鄭江 陳概 潘

達 楊夢春 麥國用 陳井 楊夢傳縣貢並無考。

寶慶二年丙戌 湛若 沈膺康弟。 陳一震 阮國寶 鄭申 陳駿之誥會孫。 陳鑄炳孫。 梁應庚

夢庚兄。 鄭唐舉 鄭公望唐舉子。 上官翼卿 商景春 馮端榮翼卿而下。縣貢並無考。

特奏名 吳中魯 楊賁申 黃元恭 陳一龍 黃昇 林衢亨 楊庠 郭沆 林灝縣貢並無考。

釋褐 林應龍縣貢無考。

紹定二年己丑 陳松龍省元。 林伯順 連同之德嘉弟。 謝謙之觀國從弟。 陳桂芳 湛霖衍孫。

連士首同之侄。 陳伯奎夢建弟。 張元嘉拯子。 陳同叔曾之孫。 林禹臣壯行兄。 黃昌 何士頤 孟端

慈 朱珏 林德宜 周輔 彭寅自士頤而下。縣貢並無考。

特奏名 王泂雍 何崗說子。 任一清一鶚弟。 任鑑一清兄。 連琪士首侄。 徐武子 王夢重 丁

泰亨 鄭有光 陳光 林挾 周起 陳伯蒙 林魴 劉季冲 蔣振 張行簡 崔觀 陳粟 黃皆植

鄭德豫 林宗達 李特卿 陳汝遷 陳夢符 林顯親 徐公備公信弟。 黃古學古心弟。 朱養夫 許

維岳 陳景星 潘泰亨 任儀 陳謨 陳允中 葉逢午 陳自立 林箕 林儀之 陳夢牛 鄭豹變

連中立 林總國 陳宜中自武子而下，縣貫並無考。〔五〕

五年壬辰 鄭石 張濟之 陳光庭 陳信峴孫。 高元裕 陳一鶚 靳盈之 林雲上衡子。 張魯

仲雲翼子。

特奏名 王治雍泂雍弟。 王孔碩 林時發億千弟。 林壯行禹臣弟。 莊喆 陳應忠 陳夢錫 何

孝彰 黃奎古心弟。 方泳 李雲龍 詹萬石 林達 張虞鳳 葉元龜 黃椿 王采 黃泳 陳貴謙

王浩 曹庚 陳中實 林敷 鄭應龍 楊敏中 王士登 王吉 王端甫 劉田 陳應翹 陳靚 蔣季

綱 鄭隆本 陳夢雷 陳夢星 張茂實 林一龍 張濱子 任起濱自密而下，縣貫並無考。

端平二年乙未 潘枋 陳登 張興龍 林存 鄭發先 郭夢龍 陳夢炎定國曾孫。 王漳 陳垌禾

孫。 謝正卿藥子。 曾希林匪弟。 貫紹興。 林端起 陳繼祖 丘升貫廣州。 連履孫 陳準 鄭如祖

陳福龍 陳夢龍 裘性 張宗傳 鄭士謐 黃師心 阮嘉謀自履孫而下，縣貫並無考。

特奏名 柯逢孩子。 林應辰 陳綱 陳應洪 張春卿 陳舉 湛露 林定孫 楊逢昌 鄭應龍

林大用 林宋傑 鄭開先 張夢薦 陳夢雷 張椿 陳全中 林夢麟 羅鎮 林伯耆 劉應琦 葉重

開 何日宗 林震龍 王端甫 王三俊 林一龍 陳夢星 林晞白 張茂實 鄭景舒 高信己 黃彝

叙 羅從直 林楷 楊倬 潘子震 潘庚 潘朝伯 黃逢崙 曹夢祥 陳魁 林仲彪自應辰而下，縣貢並無考。

嘉熙二年戊戌 邵澤第二人。 林爽職孫。 劉同叔 歐陽起鳴 陳存夫炳讓子。 林潮孫 姚震 鄭炎 馬巖叟 林翊龍 許子正自潮孫而下，縣貢並無考。

特奏名 劉天從詠該侄。 魏成甫 潘子震 陳震孫 黃公著 林時龍 陳深夫 謝全 李寓 陳應庚 陳松 何挺午 余曰正 陳德興 張上滋 陳厚 陳浚 林公望 陳逢午 郭文煥 李宗凱 汪公昭 陳光祖 林有澤 陳行簡 何善甄 林一龍 南璋 柯傳 程武選 張元龍 黃嘉猷 李公益 陳若泉 陸夢吉 高轍 陳應申 連安中 林朱 黃以寧 李國選 梁中行 王參 林夢辰 陳詵景茂仲。 林鍾自成甫而下，縣貢並無考。

詞學科 盧壯夫 林存縣貢並無考。

淳祐元年辛丑 潘龍 馬載 任仕宏友龍子。 鄭嗣祖 陳森 陳必大光大弟。

特奏名 王守約 王士同 陳叔鵬 林一聲 林樞 周應祥 卓勳 鄭三玲 陸正明 魏夢龍 陳夢薦 張士滋 詹如 葉謬 陳應和縣貢並無考。

四年甲辰 卞元虎 盧鉞 李大有 許必發 林得龍

七年丁未 林孔暘 陳鑒之 王光亨 陳沂夫 陳堅子直侄。 陳棟孫貫臨安。 高全誼貫江陵。

特奏名 鄭汝嘉 王域 蕭邦傑 王密玉 鄭應魏 林得龍縣貢並無考。

九年己酉上舍釋褐 陳龍光縣貢無考。

十年庚戌 許夢炎 林公昇 孫附鳳 陳無咎 黃裳 陳時 陳元德 方夢開 張尚德 丘聞之  
王以寧 潘德遠 黃秀實 楊鼎 林開先 王應器 張廷彥 王景曾 游明復 董璜 陳霆 陳與鰲  
陳塏 陳應弼 黃士虎 洪應辰 陳師呂 王同叔 潘同叟 林均 黃維銳 劉元常 蕭和 鄭一鐸  
曾森 陳子祥井子 林昌實 王致伯大從侄 曾士得 周森 陳預 陳寧祖 張夢高 陳埜 張枋  
許安國 莊孟方 黃宏子 李周翰 郭珏 鄭會龍 李得 馮騰茂 張清之 林棉 陳仲實 林黃  
陳錫 朱喇 魏文俊 劉域 劉應霆 張全縣貢並無考

特奏名 葉熙孫林子 陳子翀 黃龔甫 陳南叔 潘起 孫方輿 阮康老 葉春觀侄 張天應

謝石孫 林士元 劉良賢 郭士顯 徐碩 陳東 黃應雷 林霆 陳子信 黃有大 周似曾 鄧堯煥  
林夢康 任偉伯 林宜之 阮士軫 林公頤 陳起渭 繆雷奮 林藻 陸洽 王炳 林開祖 許伯珍  
林大成 陳天應自子翀而下，縣貢並無考

兩優釋褐 方頤孫

寶祐元年癸丑 林津龍禹臣子 張錫留濟之子 吳秀發 葉景師 陳琥震孫子 吳龍起 周應

復 蘇泰孫 鄭得助 鄭子酉 馮應及 陳用和 林孔賢 葉木 李特昭 任起潛 陳秀璋 張澤  
陳懋欽 姚夢兆 黃林圓 柳弈 姚君元 林貢子 黃明伯蘇侄 陳中正 林公衡 吳洪 陳贊  
郭時中 陳昇 林孔范 王飛卿 周堯咨 高達之 陳應選 劉君遇 王維新 王霖龍 黃岳九齡侄  
孫。吳元龍自龍起而下，縣貢並無考

特奏名 鄭省老第一人 王震龍 葉一龍 王炳 黃萬卿 陳夢符 葉起龍 鄭日千 林大舉

陳泰卿 林大成 丁焯 陳子繼 謝恩 洪卓 方應景 陳響源 魏士泰 李特士 張鈞 阮宗洙  
葉震觀從弟。 賴夢齡 陳茂發 陳采 邵彌大 阮士軫 黃魁甲 劉半千君遇父。 陳天應 王思節  
其並無考。

四年丙辰 翁仲德 楊次鄭琦叔。 楊夢斗次鄭侄孫。 楊琦夢斗兄。 王龍應 陳若蒙雄孫。 任汝

賢 歐成 洪子壽卓侄。 林椿 黃應辰 林堯龍 張泳之濟之從弟。 李光大 李振祖皇臣孫。 楊叔

濟琦弟。 黃宏子 黃有 陳錫榮 陳懿伯 段舜咨 王良翁 林孟磁自宏子而下，縣貫並無考。

特奏名 林迥 黃深 朱伯樂 林康民 陳曄 余善述 陳修 林介 陳孝嗣 謝謙 林杞 陳

宏 阮志遠 倪俊明 余行甫 黃章 陳子龍 鄭伯忠 王大節 黃曉 陳子畊 鄭伯榮 林紹縣貫

並無考。

薦辟、人才賢者雜見列傳中。

有傳

林揆侄殆庶。 黃夷簡 連光裕 劉若虛子奕、吳。奕子康夫。若虛侄彝、達夫。 茅知至 童居明 陳粹

林陶 陳簡能 蔡蒙叟 卓祐之 謝伯初 湛俞 孫奕 許將子份。 楊肅 李復 李芑 陳葵

王普 朱敏修(六)孫倬。 任文薦 鄭必明 陳修 黃瑀子幹。 彭億 葉瑄(七) 王純 鄭湜 林采

林谷 鄭昭先 吳季發 李大訓 曾噩 許應龍 陳公益 陳岳 趙思懿 戴翼 黃歲 王洽雍子

光大附。弟介雍。 王孔碩 陳登 潘枋 林存 彭彥堅 朱挺 鄭良臣 林潮孫 王光亨 吳秀發

陳琥 林畔 林琦 林稼翁 朱牧 洪振龍

林揆 國子博士，知南康軍，有遺愛。侄殆庶。

殆庶 字希顏。父辯，職方員外郎。殆庶累官度支員外郎、秘閣校理，知明州，復知興化。淳懿孝友，士大夫多重之。弟四人：太素，相州節度推官；太微，殿中丞；太易，永嘉丞；太蒙，興化丞。累葉簪紱，彬彬德門。

黃夷簡 字明舉。喜談論，善屬文，尤工詩。初爲錢惟治明州判官，後隨錢俶入朝，太宗及真宗俱以其嘗勸俶歸命，甚禮遇之。累遷都官郎中，掌名表，人稱得體。歷光祿少卿、秘書監、平江軍節度副使。

連光裕 太宗朝，知應山縣，有功於民。後歷磁、郢二州推官。其卒也，應山人思光裕惠政，迎柩葬縣。子正，因家焉。正子舜賓。舜賓子庶，庠，皆舉進士。舜賓處士，有行誼，歐陽文忠爲作墓表。

劉若虛 字叔揚。其先泉人，徙居閩。父甫，仕錢吳越，鄉閭稱廉孝。若虛舉進士，以大理評事知永嘉縣。遷，上所爲文章，真宗召試，就遷寺丞、知溫泉縣。移通判保定軍，再遷太常博士、通判洪州，改尚書屯田員外郎、知邵武軍，卒。若虛嚴明，有大略，通《五經》大要，擿其旨義以爲修身治官之用。丁謂爲宰相，私天下士，士必歸我乃得進，聞若虛名，欲屈見之，若虛辭不往。居家事親，親有疾，不食酒肉，居親側，雖大暑中夕必嚴衣冠。其蒞官，快於決疑，靜於臨劇，初若不更意慮，及施下皆當理要，守法不貸，而民不敢怨。子奕、吳。孫康六。侄彝、達夫。

奕 字象伯。歷知榮陽縣。慶曆間用兵，韓魏公爲經略使，辟奕鳳翔府判官。兵民事劇，多倚辦集。連年兵敗民窮，奕上書朝廷，言兵所以敗、民所以窮之狀，格不報。歷通判漳州、潤州。漳浦縣有虔民四百餘人，入縣買官所賣鹽，令捕之，民因鬪拒，令遂有其私販，窮治之。其法應死。囚久繫，瘦殍相

屬。奕爲察其非私販而出其不鬪拒者，坐法數十人而已。卒於潤州，斂無新衣，囊無餘貲，民集錢二百千以賻，奕妻辭卻之。奕於文章，要以道理爲的，不苟爲聲律，其論性情，推明孔子之法，力教於人，開曉其路，從之學者咸以吾道自處。

吳 字成伯。隱居不仕，鄉人號曰隱君。後以州郡薦強起，授將仕郎、大理評事。

康夫 字公南。幼聰敏，名奇童。父奕卒潤州佐，其母辭却州民之賻錢。及扶護還家，親故賻贈不敢及康夫門。兩居父母喪，泣血終制。女兄有疾，奉侍獨謹。弟作貧窘，與共衣食。鄉人師其孝弟仁愛。主鄉校者三十餘載。部刺史張伯玉、元絳、程師孟皆優禮之。治平中，舉孝廉，本道以康夫應詔，坐後時罷。熙寧中，廣東人乞請主番禺學，朝廷下其事，索所爲文《進志述》二十七篇，竟以「未任，不合格」止。異日，大臣有言於天子曰：「劉康夫，天下上惜其幾老不得用。」將有特詔，事垂成，寢。晚主泉州學，規矩恪端，泉人蔡彰錄其溫陵教授之功，以傳諸人。元祐中，以特奏名舉，前未倡名，日亡。鄭俠表康夫墓，謂康夫「事親、事長，與夫恤窮、撫稚、訓養豪雋，成就才哲，發於誠心，施於行事，無不可以勒金石，感鬼神。爲文下筆千百言，若不繇思慮，而羽翼《詩》、《書》，根柢仁義，雖素構無以過之。」

彝 字執中。從胡瑗學，瑗謂其善治水，凡所立綱紀規式，彝力居多。第進士，爲邵武尉。調高郵簿。移胸山令。邑人紀其事曰：《治範》。熙寧初，爲制置三司條例官屬，以言新法非便，罷。神宗擇水官，除彝都水丞。爲兩浙轉運判官，知虔州。著《正俗方》，訓斥尚鬼之俗，使易巫爲醫。加直史館、知桂州。禁與交人互市。交趾陷欽、廉、邕三州，坐貶均州團練副使，安置隨州，又除名爲民，編隸涪州，徙襄州。元祐初，復以都水丞召還，病卒。彝故明胡瑗學，神宗熙寧三年召問從學何人，對曰：「臣少從學於

安定胡瑗。」神宗曰：「其人文章與王安石孰優？」彝曰：「胡瑗以道德仁義教東南諸生，時王安石方在場屋修進上業。臣聞聖人之道有體，有用，有文。君、臣、父、子，仁、義、禮、樂，歷世不可變者，其體也。詩、書、史、傳，垂法後世者，文也。舉而措之天下，能潤澤其民，歸於皇極者，其用也。國家累朝取士，不以體用爲本，而尚其聲律、浮華之詞，是以風俗偷薄。臣師瑗，當寶元、明道之間，尤病其失，遂明體用之學，以授諸生，夙夜勤瘁二十餘年，專功學校，始自蘇、湖，終於太學，出於門者，無慮二千餘人。故今學者明夫聖人體用以爲政教之本，皆臣師之功也。」神宗曰：「其門人今在朝爲誰？」對曰：「若錢藻之淵篤，孫覺之純明，范純仁之直溫，錢公輔之簡諒，皆陛下所知也。其在外，明體適用，教於民者，迨數十輩。其餘政事、文學粗出於人者，不可勝數。此天下四方所共知而歎美之不足者也。」神宗悅。

達夫 字宣子。元豐中人太學，以父渙年老，歲一歸省。父卒，遂無仕進意，隱居北山數十年。崇寧中舉遺逸，有司以應詔，授松江簿，擢温州教授。有薦於朝者，召見，將仕以中都官，辭曰：「非志也。」遷越州教授卒。渙，見韋布。

茅知至 老儒也。蔡襄薦之龐籍，籍言於朝，授以助教。

童居明 歿於王事，詔賜一子出身，本州以穎聞。穎後舉進士，終職方員外郎。

陳粹 字伯光。元符中知汀州，因俗制弊。崇寧間，遷建學舍，奏課爲天下第三，賜書褒寵。民借留之九年。

林陶 中詞科，累官比曹員外郎。後屯遼不達，終於鄉里。著《元統》二十卷，文旨精博。

陳簡能 字知柔。淵懿有士操，深占文辭。歷泉、建數幕府。



蔡蒙叟 博通古今，隱居教授，弟子從遠方至者常滿。諫議陳從易泊里中顯達者十餘人，皆北面焉。郡守李欣薦授本州助教。年八十餘卒。號貞白子。著《繩子》三卷，凡五十七篇。

卓祐之 字長吉。歷秀州判官。生而正直，自謂死當爲神。及卒，里人卽居祀之。建炎三年建寇猖獗，端平中邵武山寇發，重慶、中汀寇發，祐之皆現像示靈異。朝廷立廟，賜侯爵。

謝伯初 字景山。當天聖、景祐間，以詩知名。歐陽公謫夷陵，時伯初爲許州法曹，寄以長韻，曰：「江流無險似瞿唐，滿峽猿聲斷旅腸。萬里可堪人謫宦，經年應合鬢成霜。長官衫色江波綠，學士文華蜀錦張。異域化爲儒雅俗，遠民爭識校讎郎。才如夢得多爲累，情似安仁久悼亡。下國難留金馬客，新詩傳與竹枝娘。典辭懸待修青史，諫草當來集皂囊。莫爲明時暫遷謫，便將纓足濯滄浪。」又有「多情未老已白髮，野思到春如亂雲。自種黃花添野景，旋移高竹聽秋聲。園林換葉梅初熟，池館無人燕學飛」之句。歐陽公稱其佳句無媿唐賢，而歎其仕宦不偶，困窮以卒。其詩今已不見於世，家亦流落不知所在。

湛俞 字仲謨。累官屯田郎中，爲本路轉運判官。年五十休致，鄉人名其坊口旌隱。後遷城南之宿猿洞，二召不起。劉康夫爲撰《山居記》。孫存，建州司理。

孫奕 字景山。旣舉進士，時呂誨知開封，薦知封丘縣。及海爲御史中丞，薦爲臺推，遷監察御史。論新法，爲鄧綰所劾，出監陳州酒稅。陳襄知杭州，辟爲簽判。後襄在經筵，薦奕：「上行著於鄉閭，節義信於朋友。歷官所至，善政彰聞。」使當一路，足以安民阜俗。元祐初，除福建轉運使。

許將 字冲元。舉進士第一。歐陽修讀其賦，曰：「君辭氣似沂公，未可量也。」簽書昭慶軍判官。代還，當試館職，辭曰：「起家爲官，本代耕耳，願以守選餘日讀未見書。」宰相善其志。累進知制誥。契

丹以二十萬兵壓代州境，遣使請代地。歲聘使不敢行，以命將。將至北境，居人跨屋聚觀曰：「看南朝狀元也。」既詣，肆射先破的。已，館客蕭禧言及代地事，將隨問隨答，且沮其分畫界渠之謀。歸報神宗，神宗善之。遷知審官西院、直學士院、判尚書兵部、進翰林學士、權知開封府，爲同進所忌。會治太學虞蕃訟，釋諸生無罪者，蔡確、舒亶因陷之，逮其父子入御史府。既解，黜知蘄州。明年，以龍圖閣待制起知秦州，改揚州，又改鄆州。上元張燈，吏籍爲盜者繫獄，將悉縱遣之，從此民無犯法，一國皆空。父老歎曰：「自主沂公後五十六年，始見此矣。」召爲兵部侍郎，上疏言兵。及西方用兵，神宗遣近侍問兵馬數，將立具上。明日，訪樞臣，不能對也。紹聖初，人爲吏部尚書，拜尚書左丞、中書侍郎。章惇爲相，與蔡卞羅織元祐諸臣，奏發司馬公墓。哲宗問將對曰：「發墓非盛世宜有。」黨禍作，或舉漢、唐誅戮故事，帝復問將對曰：「有之。祖宗以來未之聞也。」哲宗納之。崇寧初，進門下侍郎，累官金紫光祿大夫，撫定鄆、廓州。邊臣欲舉師渡河，朝議難之。將謂：「外國不可爽信，而兵機有不可失。既已戒具，願從之。」未幾，捷書至。將用復河、湟，功轉特進。凡居政地十年。御史中丞朱諤、蔡京門下人也，論將「左右視利，幡然改圖」，罷爲資政殿大學士、知河南，言者不已，降資政殿學士、知潁昌。移大名，加觀文殿學士、奉國軍節度使。在大名六年，數告老，召爲祐神觀使。政和初卒，贈開府儀同三司，謚文定。子份。

份 字子文，累官國子編修。政和中，簡功臣牧郡，份知鄧州，政尚寬平，改蔡州。奉詔賑饑，置場，列室，具器用，鳴鼓給食。三日一往，問饑飽，察羸疾，凡十月。所活二萬六千九百有奇。一日，洪水暴漲，份登城祝曰：「郡政有失，守溺死亡恨，百姓何辜？」翌日水退。改揚州，值金人入寇，檄路兵勤王解亳州圍，諸援兵至者，撫馭有法，莫敢擄掠，維揚民獲安。遷龍圖閣學士。去日，百姓遮留，方召杜塢。

楊拙 字持正。元符初，以渭州推官攝長汀縣，催督租賦，不擾而集，盜賊嘯聚，捕治首惡，境內肅清。明年之渭州，道經京師，上書論：「紹聖奸臣以元祐爲讎，肇立黨錮，貶死故老人臣，成廢后之謀，戮上書之士，日食，彗見，饑饉薦臻，皆由於此。」言甚切直。知建陽。大觀間，卒於建寧節度推官。

李復 字履中。博記能文。紹聖間爲西邊使者，猶及識橫渠先生。嘗論《孟子集義》養氣之義，謂其「動必繇理，故仰不愧，俯不作，無憂無懼，而氣自充。舍是，則明有人非，幽有鬼責，自慊於中，氣爲喪矣。故曰『無是餒也』。」朱文公稱其獨得大旨。所著有《澗水集》。

李芘 字積仁。靖康中，提舉兩浙常平州，禁卒害其帥柳述古以叛，芘徒步曉以禍福，卒感動，請勤王自贖。擢直秘閣。建炎初，提點福州刑獄，值葉懷人寇，攻豐樂門，芘登陴解諭，皆去。范汝爲反，鄉民張殺乘亂嘯聚，襲古田。帥程邁使往招之，芘復單車往，使捕汝爲自効，賊平。蓋芘前後三諭賊。終知泉州、左中奉大夫。佺格，知四會縣。

陳葵 試上舍優等，中南省第三人，擢甲科。蔡京預籍，元符中上書王定等十八人奏乞編置，葵其一也，謫居衡州三年，雷震《元祐黨人碑》，得釋還。詔有司許依原考定甲分註官，授樂清尉，再調建州，以陳瓘門人又爲京黨劾罷。高宗卽位，訪求元祐黨人，胡世將、孟庾宣諭，福建以葵應詔，授承事郎將作監丞。尋召對，除諸王官教授。踰年，又以趙鼎黨罷歸。葵屢遭蹟蹶，操尚不改，時論高之。

王普 字伯照。刑部尚書寶之子。普登進士，禮學、律、曆，莫不精深，官至「部侍郎。」〔八〕朱文公嘗評福州前輩明禮者三人，普爲最優，劉藻次之，任文薦又次之。

朱敏修 唐丞相敬則之裔。紹興十一年，尉崇安，日獲盜一百，坐死者七十餘人。修謂：「此饑民剽

食爾，烏可盡繩以法？」悉除其罪，不以微賞。孫倬。

倬 字漢章。調宜興簿。張浚薦倬，召對，除福建、廣東西財用所屬官。宣諭使明棗再薦於朝。時方以劉豫爲憂，倬因賜對策其必敗。高宗大喜。改合人官。與丞相秦檜忤，出教授越州。用張守薦，除諸王府教授。復忤。梁汝嘉制置浙東，表攝參謀。有群寇就擒，屬倬鞠問，獨竄二人，餘釋不治。曰：「吾大父尉崇安時，縱免死罪七十餘，可愧先世乎？」通判南劍，建寇阿魏衆數千，有震鄰之恐。倬賞募擒獲，境內迄平。除知惠州。陛辭，高宗記其嘗策劉豫，問：「卿久淹何所？」既知厄於檜，愀然慰諭，目送之。旬日間，除國子監丞，尋除浙西提舉，且命：「自今在內除提舉官，令朝辭上殿。」蓋爲倬也。既對，除右正言。累遷中丞。倬每上疏，夙興露告，然後敢聞。奏疏凡數十，率焚其草。知貢舉，遷參知政事。紹興三十一年，拜尚書右僕射。金兵犯江，倬陳戰、備、應三策，高宗深然之。又策敵三事，皆如所料。高宗自建康回鑾，有內禪意。倬密奏曰：「靖康之事，正以傳位太遽，盍姑徐之？」心不自安，屢求去。詔以觀文殿大學士提舉江州太平興國宮。孝宗卽位，諫臣以爲言，降資政殿學士。明年，致仕。卒，復舊職，恤典如宰相，贈特進。孫著吏部尚書。

任文薦 字遠流。舉進士，知建寧府，歷監察御史、江西提舉、太常少卿、浙江提刑、本路都轉運使。王十朋常稱其正直立朝。所著有《六經章句》。

鄭必明 字南仲。宰遂昌，以儒飭吏，好賢下士，修學宮，謹課試，風動四境。

陳修 紹興間，中黃公度榜第三人，年七十三矣，而尚未娶。高宗讀其《四海想中興之美賦》有云：「蕞嶺金堤，不日復廣輪之土；泰山玉牒，何時清封禪之塵？」手書黏殿壁。及唱名，云：「卿便是陳修？」吟

誦之間，淒然出涕，問年幾何、有幾子，修具對，詔出內人嫁之，貲奩甚厚。

黃瑀 字德藻。仕饒州司戶參軍。歲旱，郡檄視屬縣民田當免租者，瑀請免之什九，而行他縣者以什一告。太守洪皓以爲疑，却瑀所上文書，瑀曰：「吾已聞之諸使者矣。官可罷，文不可更也。」既，皓使視諸縣，則瑀所行縣民獨無流徙。乃復善瑀而薦之。調湖北轉運司主管帳司。以薦改知永春縣。永春承寇亂蠱弊之餘，瑀蠲宿負，除鬻虛產，爲之履畝均稅，令民輸賦，第揭其名姓市中，爲之期日，聞者相先至，不一歲流庸盡復，賦入再倍。又以廉儉痛自約飭，凡例所當得悉輸之官，鈎考出內必身親之。罷民間無名賦，有不可罷者，亦爲損其虛估之直。又以他錢代輸宗子米。歲中，錢至數百萬。左翼軍自漳徙屯郡下，當治營屋，郡以屬縣，他縣征調輸載不勝擾，瑀出庫錢僦工徒取竹木，具陶瓦，分寓便舟以往，爲屋餘千間矣，而其邑人不知也。大治學館，刻詞以厲學者，延擇修士課試之。士子上謁者，接之講學。有儒冠被訟博者，即課之廳事之旁。文詞糾繆者，呼其父兄懲之二物：作新社稷、祠壇，環植名木。遭旱，出俸錢，具牲酒，射走群望。愚民奉佛，往往私立塔廟，瑀盡撤之。遷兩浙轉運司幹辦公事。有獻鬻公田之策者，檄瑀視之，歷諸郡，盡得其多寡輕重不均之弊，還言：「公田歲入若干，畜牧芻蕘取具焉。一旦鬻之，計其獲不過數歲之人，數歲以後不橫斂乎？」貴將楊存中請地廣營以居兵卒，實規爲觀游奉權幸，瑀又被檄往視，還口：「何至壞民田廬冢墓爲存中結驪一幸臣？」皆罷之。權秀州華亭縣，歲惡，白常平使者發廩，使者曰：「當俟奏報。」瑀退，即發之。以薦除御史臺檢法官。未幾，擢監察御史。請外，除江南東路提點刑獄。尋徙轉運使。尋改知漳州。旋丁內艱。免喪，請就閑，得主管台州崇道觀，卒。瑀少貧，刻厲，鬻糲於市，挾書隨之。苟非其義，寒餓不可得衣食也。閩俗多火葬，瑀遭父喪，親黨勸其從俗，哀號

不符，盡鬻衣具，卒葬以禮。事母兢兢，惟恐傷意。處兄弟、族姻，周貧賑乏無所愛。其爲御史時，嘗病甚，臨安守趙子瀟被旨往視，見其篋櫝蕭然，衣無兼副，歎息久之。在臺時，與殿中侍御史杜莘老雅善，一日，杜以瑀疾來省，連問不應，乃大呼曰：「吾今日擊去王繼先矣！」瑀矍然曰：「君能任職，吾不病已。」探枕中片紙示之，乃疏繼先罪狀甚悉。繼先者，以醫幸者也。居無何，莘老以論宦者張去爲不効求去，瑀就與別，喟然太息：「吾亦從此逝矣！」卽日上疏請去。子幹。

幹字直卿。瑀沒，幹往見清江劉清之，清之奇之，曰：「可從朱元晦學。」幹白母，卽行。時正大雪，既至，會文公他出，幹留候客邸，卧起一榻，不解衣者三月。執贄後，晝夜厲學，并榻除之，倦則微坐一椅，或至達曙。文公歎其堅苦，女妻之。寧宗卽位，補將仕郎。銓中，授迪功郎，監台州酒務。丁母憂，學者從講甚衆，文公作竹林精舍成，遣幹書，有「他時便可代卽講席」之語。及編禮書，獨屬以喪、祭二編。病革，挈授深衣及所著書，手書與訣曰：「吾道之託在此。」幹持心喪三年畢，調監嘉興府石門酒庫。時韓侂胄方謀用兵，吳獵帥湖北，將赴鎮，雅敬幹，訪以兵事，辟幹爲荆湖北路安撫司激賞酒庫兼準備差遣。江西提舉常平趙希樸、知撫州高商老復辟爲臨川令，歲旱，勸糴捕蝗極盡心，力改新淦吏民習，知臨川之政，不令而行。差通判安豐軍。淮西帥司檄幹和州獄，獄故疑，幹釋囚飲食之，委曲審問莫決，一夜，夢井中有人，明日呼囚詰曰：「汝殺人於井，我悉知矣。」囚驚服，果得屍胔井中。尋知漢陽軍，值歲饑，糴客米，發常平以賑。以病乞祠，主管武夷冲祐觀。尋起知安慶府，至則金人破光山，安慶去光山不遠，民情震恐，乃請於朝城之，不俟報至，卽日興工。城分十二料，先自築一料爲準，然後委官吏、寓公、士人分料主之，悉準其一料之費。役民兵五千，人夫役九十日，月人戶產錢起丁夫，通役二萬夫，人十日而罷。日五

鼓坐堂上，召監工官：今日役某鄉民兵若干，某鄉人夫若干，分布於某人料分，搬運某處土木，應副某料使用，某料民兵人夫合當更代，合散幾日錢米，悉以授成算。既畢，乃治府事，理民訟，接賓客，閱士卒，會僚佐，講究邊防利病，次則巡城視役，晚入書院講論經史。上元張燈，會其日城成，士民扶携來觀，有百歲嫗，兒孫昇府見幹曰：「老婦特來爲一郡百姓謝太守賜。」後二年，金人破黃州沙窩諸關，淮東、西皆震，獨安慶按堵。繼而霖潦餘月，巨浸暴至，城用屹然。制置李珣辟爲參議官，再辭不受。既而朝命與徐僑兩易和州，且令先赴制府稟議。幹卽日解印趨府。及至，珣往維揚視師，與幹偕行。幹爲謀禦敵之策，而珣幕府中皆輕浮之士，將帥、偏裨人心不附，諸司長吏張宴無虛日。幹知不足與共事，歸自維揚，再辭和州之命，仍乞祠。復告珣當罷宴游，整師旅，保固蘄、黃，爲江南保障。其言悚直激切，珣不能用，遂力辭去。俄再命知安慶，不就。人廬山訪友人李燔、陳必，相與盤旋玉淵、三峽間，俛仰文公舊跡。卽白鹿書院講《乾》、《坤》二卦，山南北之士皆來集。未幾，召赴行在所奏事，除大理寺丞，不拜。爲御史李楠所劾。初，幹人荆湖幕府，奔走諸關，與江淮豪傑游，豪傑往往願依幹。及倅安慶，且兼制幕，長淮軍民之心翕然相向。此聲倅建康，守漢陽，聲益著，諸豪又深知幹儻有謀。及來安慶，且兼制幕，長淮軍民之心翕然相向。此聲既出，在位者益忌，且慮幹人見必直言邊事以悟朝廷，至是，群起擠之。幹歸里，弟子日盛，巴蜀、江湖士皆來，悉借鄰寺處之。晝編禮著書，夜與講論經理，質疑請益，如文公時。俄命知潮州，辭不行。差主管亳州明道宮。踰月，乞致仕，特授承議郎。沒後數年，以門人請謚，特贈朝奉郎，與一子下州文學，謚文肅。

彭億 字宋延。紹興中知尤溪。明敏有幹才。建縣治，徙縣學，增置學田。鄰封盜起，民多流竄，億

募精兵固守。士民祠祀之。

葉綰 紹興十七年知龍泉，令行禁止。訟牒至庭，燭見誠偽委曲，開諭曉之以理。習俗好爭，教以懲忿息怒，全身養生，率多感化。

王純 字長肱。紹興中知崇安縣，摘發伏奸，吏憚嚴明。他日，數一吏罪過，吏懼，賂庖人置毒炊餅中，食未半，亟入解，仆地，卒。後二日，神附婢體，踞榻坐，請丞、簿、尉至，斥吏，杖數之曰：「諸公皆在，好啟吾棺。」吏與庖人皆伏。邑人哀祠之。

鄭湜 字溥之。光宗初，爲秘書郎，因轉對，首乞盡事親之道以全大孝，嚴家法之義以正內治，明教子之方以壽基本。又乞節燕飲，約用度，親正人，勤省覽。慶元初，爲起居郎，權直學士院。時趙汝愚罷相，湜草制有「持危定傾，任忠竭節」等語。韓侂胄以其無貶詞，惡之。出知福州，竟免。後爲刑部侍郎，入偽學黨。謚文肅。

林采 字伯玉。淳熙中知遂昌縣，一新學舍，贍金與田，旬課季考，學士翕興。復核隱戶，定稅名，置都籍。一縣事無不舉。

林谷 字聲之。家泉州，知上虞縣，通判嚴州，以倪思薦召審察。時權臣專國，有欲媚之者，挽谷輸金爲壽，谷嘆曰：「資生攻苦，俸錢尚不敢多取，焉有以奉權要？若然，審察餌我耳。」徑注潮州通判，歸。谷善審訟，或疑其以數鉤索，笑曰：「吾臨事無私，係心焉。」子顯，知寧化縣。

鄭昭先 字景紹。舉進士，主簿浦城，嘆曰：「尚未學問往游朱門。」遷知歸安，邑民愛之。累官諫議大夫，知樞密院事兼參知政事。進右丞相，辭不拜。立朝，累有奏疏，言皆切直。居政府，用沉厚鎮浮，用



靜定制變。全護人才，振拔淹滯。嘗謂：「人臣能以文王事紂之心爲心，則未有不可事之君；人子能以七子事母之心爲心，則未有不可事之親。」卒，謚文靖。有《日湖遺稿》五十卷，真德秀序其「不事刻畫而敷腴豐衍，似其爲人」。

吳季發 字宗勤。與伯兄起巖，同領淳熙鄉薦。初爲司戶參軍，藉藉著聲。歷秘書省正字、秘書丞、天章閣待制兼右司諫，喟然引退，曰：「親沒國危，奸邪據位，竊祿不去，寧無愧乎？」

李大訓 字君序。父上龍，仕至直秘閣，以老居里中，後生師之。大訓，初承廬陵，歷知安遠、龍泉、歸善三縣，力於事功，修禮化民。

曾噩 字子肅。學問淹貫，文章簡古。初尉上高，有聲。後知潮州，與丁允元、陳宏規前後稱賢守。官終大理寺正。

許應龍 字恭甫。初調汀州教授，歷太學博士。時李全、時青輩歸附，入對，有「井蜂是懲，養虎遺患」之說，後皆如言。遷國子博士、國子丞、宗學博士。理宗卽位，首陳「正心，爲治國平天下之綱領」。遷秘書郎兼權尚右郎官，遷著作郎。丐外，知潮州。盜陳三槍起贛州，出沒江、閩、廣間，而鍾全相挺爲亂，樞密陳韓帥江西任招捕，三路調軍，分道追勦。盜逼境上，應龍亟召水軍、禁卒、上兵、弓兵，分扼要害，明間諜，守關隘，斷橋開塹，斬木塞途，點集民兵，激勸隅總，蒐補親兵，日加訓閱。旣而，移同、甘嶺，相繼捷聞。招捕司遣統領官齊敏率師由漳趨潮，截贛寇餘黨。應龍諭敏曰：「兵法攻瑕，今鍾寇將窮，陳寇猖獗，若先破鍾，陳不戰擒矣。」敏惟命，於是諸寇皆平。始，人疑應龍儒者，不閑戎事，及見其區畫分別，靜練雍容，莫不嘆服。距州六七十里口山斜，峒獠所聚，自耕土田，不輸賦，禁兵與閱，應龍平決之，其首感

悅，率父老鳴缶擊筒，踴躍詣謝。去之日，閩郡遮道攀送。端平初，召爲禮部官，人對，理宗謂曰：「卿治潮有聲。」命兼榮文恭王府教授。力辭。遷國子司業，累遷權兵部尚書。時楮幣虧甚，高行簡主行稱提之說，州縣希旨奉承，貧富猜懼。應龍奏從便，節用二說。兼吏部尚書，遷兵部兼中書舍人。三上章丐外，不允。兼給事中，兼吏部尚書。復丐外，詔免兼中書。拜端明殿學士、簽書樞密院事。累辭。以端明殿學士提舉洞霄宮。卒，年八十一，贈資政殿學士、銀青光祿大夫。應龍不躁不競，不激不隨，潮州之治，最可紀也。

陳公益 字謙父。累官兵部侍郎兼侍讀。紹定六年，御經筵，詔以御製敬天、法祖、事親、齊家四十八條宣付史館，各爲箴辭，揭便殿省覽，公益與其撰述。

陳岳 字伯咨。嘉定中守恩州，撫循勞來，御民以誠。有死喪不能葬者，作兩義塚，別男、女瘞之。以薦擢本路提刑。

趙思懿 寧宗時知道州，振頑俗，戢吏奸，期月百廢俱興。寧遠民困弊望治，爲之興利除害。民祠之九疑廟西，碑於永福齊雲之閣。

戴翼 字汝諧。紹定中攝南康事，鼎創城壁，兩新縣治。政績彰聞，遷知邕州。

黃歲 紹定中知南雄州，政先教化，尤重表揚忠節。久旱禱雨，歷三晝夜，歲以大稔。秩滿，遷廣東提舉，奏蠲本州歲上供銀三千餘，民祠祀之。

王治雍 官劍浦丞，勤恤民隱，廉聲大著。子光大，丞仙游，亦以清白著。弟介雍。

介雍 仕光澤丞，刻志勵操，途遇窮民，解衣給之，及去任，挈一袱徒步歸。

王孔碩 任洽江尉，儒學飭吏，廉明剛正。

陳登 淳祐間知新昌縣，寬靜豈弟，政平訟理。

潘枋 字庭堅。舉進士，對策獨以濟邸爲言，有曰：「陛下承休上帝，皈德匹夫，何異爲人子孫，身荷父母劬勞之賜，乃指豪奴悍婢爲恩私之地？」又言：「陛下手足之愛，生榮死哀，反不得視士庶人？此如一門之內，骨肉之間未能親睦，是以僮僕疾視，鄰里生侮。宜厚東海之恩，裂淮南之上。」時對者數百人。

枋語最直。京師傳誦曰：「張子韶、王龜齡輩人也。」會殿中侍御史蔣峴劾方大琮、劉克莊、王邁前倡論，併誣枋姓同逆賊，策語不順，請皆論以漢法。枋調鎮南軍節度推官、衢州推官。歷浙西提舉常平司，遷太學正。旬日，出判潭州。日食，應詔上封事曰：「熙寧初元日食，詔郡縣掩骼，著爲令。故王抃淺上，其爲暴骸大矣。請以王禮葬。」又書丞相游似，申言之。似心善其言，方收用之，而枋卒。

林存 字以道。受業真西山之門。累官吏部侍郎、中書舍人兼直學士院兼侍講。時朝廷以參知政事蔡抗擅去國，勉留不還，詔除職予祠，存繳進奏，寢其命。寶祐五年秋，明堂執綏備顧問，稱旨。除禮部尚書兼侍讀，提綱史事。累遷同知樞密院事兼參知政事。後以資政殿學士知建寧府，不赴，遂提舉洞霄宮。復起爲湖南安撫使、知潭州。

彭彥堅 彭一作趙。字國器。端平中知循州。省檄數羅，彥堅請減五千斛，轉輸之費不及民。捐金錢數十萬，作新學舍，且蠲佃丁困夫役者五十餘家，隸學，供營繕。其去也，士民相與祠焉。

朱挺 字烈仲。端平中知循州，行鄉賓，舉課試，首先風教，申明節制以御六戎。適外寇經循，遣兵捕絕之。

鄭良臣 淳祐二年知潮州。民苦白丁錢據籍取辦，雖死徙不得蠲豁，良臣更籍之。增置田租於學宮及韓山書院，爲養士費。

林潮孫 字伯鳳。寶祐間令建寧，蒞事精勤，深達民隱。邑鄉酒禮久廢，潮孫復舉行之。

王光亨 字汝通。官袁州司務，蔬糲自給，不取一錢。

吳秀發 字宗魯。判饒州，政務便民，尤留意平獄。出犯罪吏民，給以農具，使耕種。凶歲賑給饑民，全活甚多。元兵南寇，疏論屯田戰守之計。後以功進中散大夫光祿卿，加沿江制置，仍前判州事。

陳琥 字少嚴。寶祐初令南豐，歎曰：「民不得安者，吏爲蠹也。」取大猾吏曰：「三陳者，斷其手足。」有問者曰：「公自號恕齋，何竟不恕？」曰：「吾恕於民，而可恕吏？」

林畔 景定二年以太常丞攝惠州事，嘗察盜得其情，諭之曰：「人性未嘗不善，汝亟自新。」因遺錢三緡釋之。盜感泣，自是境內無盜。

林琦 德祐二年，元兵迫臨安，琦於赭山結集忠義數千人，捍禦海道。以功補宣教郎。文天祥開府南劍，琦佐其幕。天祥再入廣，琦權通判惠州，從至潮陽。會明州海艘漂得水軍數百人，與鄒淵、子俊等兵合，琦實教練之。後五坡敗，被執。脫走惠州，爲游兵所獲，護以北行。琦乘間投河，得援出，竟死建康。

林稼翁 德祐中以薦辟授廣東鹽運司，奏差恭而有禮，才德著聞。

朱牧 字子文。主簿安溪，調隆興府法曹。丙子之變，死於官。下鄉人士私謚曰文貞。祠於鄉塾。

洪振龍 尉建寧，剛明難犯。縣有大辟，令欲混貸之，振龍不可，竟直其獄。所至，屏絕餽送，鷄犬不

驚。

### 元選舉

按元世仕進多岐，銓衡無制，往往刀筆吏得躡儒紳之上，君子耻之。混一之後，奕世議科舉法，未行，皇慶甲寅始舉實興科，分蒙古、色目爲一榜，曰龍榜，漢人、南人爲一榜，曰左榜，而試目各殊。行省鄉試，以八月二十一、六日各照地方額數選合格者三百人，每色七十五人，禮部依前例會試，以次年二月初一、三、五日取。中選者百人，每色二十五人，以三月初七日御前親試，進士不滿百人，其試目：初場試經疑二，問經義一道，第二場占賦、詔、誥、表、章內科一道，第三場試策一道。閩上則皆赴試於浙江行省。元統間，名額稍增。凡恩典、注選大較內胡外華，優北人而抑中國。

元統三年乙亥鄉試 陳中 趙森

至正七年丁亥鄉試 趙嗣魯

十年庚寅鄉試 李璋 陳善

十九年己亥鄉試 林良材 盧良鈺 黃厚 元美 黃德

二十三年癸卯進士 林海 徐宏 陳信之

薦辟、人才賢者見列傳中。

有傳

卓琰 賴天賦

卓琰 至大四年教授寧波織學。工文，作新啟迪，寒暑不懈。

賴天賦 至正中舉人材，任興寧簿。縣有賊，屯兵龍母砦，出與戰，敗績。賊追執之，不屈死。

〔校記〕

〔一〕「一」，《通典》、《新唐書》作「四」。

〔二〕「龔用卿」，各本原闕本傳。

〔三〕「李彥堅」，各本原脫，據本傳補。

〔四〕「李宋臣」，本卷「宋選舉」紹興二年壬子「李簡能」下夾注作「皇臣孫」。

〔五〕「無」字，各本原脫，據本書體例補。

〔六〕「朱敏修」，各本原作「朱敏德」，據本卷「宋選舉」元豐間特奏名本條、政和二年「朱廷佐」條及本傳改。

〔七〕「葉珩」，本傳作「葉鎰」。

〔八〕「官至」下，各本原闕一字。

# 閩書卷之七十三

英舊志 縉紳

福州府 閩縣二

## 皇朝科第

洪武三年，初開科鄉試，福建布政使司中式舉人額四十名。後暫罷科舉，專用薦辟。十七年，復開舉人、進士之科，以子、午、卯、酉爲鄉試期，辰、戌、丑、未爲會試期。第一場，試《四書》義三道，每道二百字以上；經義四道，每道三百字以上，未能者各減一道；第二場，試論一道，三百字以上，判語五條，詔、誥、表、內科一道；第三場，試經、史、時務策五道，未能者許減二道，俱三百字以上。福建額舉人仍四十名，洪熙元年增爲四十五名，正統六年增爲六十名，景泰四年增爲九十名，萬曆四十二年增爲九十五名。

## 歲貢、例貢附見

歲貢：洪武十六年，令天下府、州、縣學歲貢生員一人至京，翰林院試經書義各一道，判語一條，中式者入國子監肄業。二十一年，令府學一年、州學二年、縣學三年各貢一人。二十五年，令府學一年一

人，州學二年一人，縣學一年一人。永樂八年，令凡州、縣戶不及五里者，州一年，縣二年，各貢一人。正統六年，令府學一年貢一人，州學三年二人，縣學二年一人。

例貢：景泰二年，北虜犯邊，始令生員納粟馬得充監生，歷滿一體注選叙用。

舉人 進士遇子、午、卯、酉屬舉人，辰、戌、丑、未屬進士。

洪武三年庚戌鄉試 黃綬 魏雲 鄭貞仲 孫文清 陳信之元進士。以懷安學中。 林文壽元進士。以

長樂學再中。 何文信浙江中式第一人。

四年辛亥廷試 魏雲 黃綬 何文信 鄭貞仲

本年鄉試 李昂 邵行清按以上三科，以庚戌鄉試、辛亥廷試兼鄉試者，以即位之初，科試未定，後洪武十七年始有定科

也。

五年壬子 裴希和

十七年甲子 陳曾 倪炯 孫崇俱府學。 唐震 盧章

十八年乙丑 倪炯 孫崇 陳曾 鄧文鏗作將樂人。

二十年丁卯 林謹府學。 任貴 胡龍 趙綱都督府經選。

二十一年戊辰 唐震榜眼。 胡龍

二十三年庚午 張伯福解元。 唐燦第三入。 陳錡 陳昇 孫源俱府學。 王潛 姜宗 鄭琮貞仲

懷安學。

二十四年辛未是年狀元許觀以死靖難，削籍，仆題名碑，部本進士俱不傳。



一十六年癸酉 張珩 程垕 林珩 林真 楊仁 陳穆俱府學。 張順 陳普 高積俱官學。 高澤應大中式。

二十七年甲戌 高澤 高積

二十九年丙子 王通第四人。 林善同 陳長 潘閏 方珩俱府學。 陳童 陳郊應大中式。

三十年丁丑是科會試，首選陳郊，北方下第舉人言取上不公，太祖閱所取多南士，疑之，詔考官劉三吾及陳郊等，甲三人皆下獄，命翰林重閱落卷，得六十一人，皆山東、山西、北平、河南、陝西、四川士也，於是復試之令。

建文元年己卯建文年號已經詔書仍舊，今改洪武三十二年仍稱建文元年。 王端 王福 陳昂俱府學。 唐溥第四

人。 張聰 鄭曦 余鍊 余灝 趙奉 李棋應大中式。

二年庚辰 張聰 余灝

永樂元年癸未舉人舊志有洪武三十五年，榜考是歲革除，故元年開科而明年甲申會試。 何曾 王庸 任童 葉

容 黃安 鄭濟俱府學。 陳立本 鄭顯 林賢 鄭瀾 王槐 嚴光祖自鄭瀾至此，俱候官學。

二年甲申進士 嚴光祖 鄭瀾 王槐 陳立本

三年乙酉 林真 劉賜 徐麟 高應 李聰 黃岳俱府學。 郭蘭 林均 葛回 蔡慈俱官學。

四年丙戌 黃安會試第二人。 蔡慈 葛回

六年戊子 陳輝 陳外俱府學。 鄭義 戴乾 郭崇 徐福 林衡 趙濟 陳敏儒士。

九年辛卯進士七年己丑當會試期，成祖巡狩北京，以中式八十四人寄監，至是年還京，乃舉廷試。 林衡

本年鄉試 林誌解元。 黃澤第二人。 林碩 楊安俱府學。 鄭憲琮了。 郭廉 戴禧 林寰禧、寰，並

林密 劉麒 鄭閻密、麒、閻，應天中式。

十年壬辰 林誌第<sub>一</sub>人，榜眼。 戴乾 鄭閻第<sub>三</sub>人。 黃澤 林碩

十二年甲午 陳景著 鄭塾 陳皓 陳循景著兄。 劉鳳麒兄。俱府學。 鄭登第<sub>五</sub>人。 陳叔剛 羅

澤 陳宗琦 卓堅 鄧斌 董蘇儒<sub>上</sub>。 陳豫吏生。 林貞侯官學。 林道懷安學。

十三年乙未 陳景著探花。 鄭塾 鄭登 劉鳳 陳輝 戴禧 林道 鄭瑛 劉麒

十五年丁酉 林崇 陳良珪 曾聯 蘇華 林友清俱府學。 劉環 陳源 王澤 羅紋 胡珪

薩琦 羅繹紋弟。 吳源 洪嶼自薩琦至此，並儒<sub>上</sub>。 王輝應天中式。 鄭瑛湖廣中式。先中癸未進士，以違例謫武當

山，後至是科復中。

十六年戊戌 郭廉 董蘇 吳源 鄭憲 林貞 王輝

十八年庚子 馮瑗 王溥 林鐸 趙建 金璧俱府學。 張衍聰<sub>上</sub>。 曾拱 陳乾 陳鐸 鄭理劇

塾弟。 方立儒<sub>上</sub>。 林隨緣 林元美儒<sub>上</sub>。

十九年辛丑 洪嶼 陳叔剛 林元美

二十一年癸卯 何宣 陳治 陳光 林彥輝 陳繁俱府學。 王員一作員生。 趙悌 蕭鑛 游炯

劉文端 蔡文璟 張瑜衍弟。 林鈍自文璟至此，並儒<sub>上</sub>。 陳均厚侯官學。 高謠浙江中式。

二十二年甲辰 張衍 羅澤

宣德元年丙午 林渭第<sub>一</sub>人。 楊永第<sub>九</sub>人。 晏寧 陳述 王志俱府學。 陳康 鄭志 楊澄 吳

康恕 鄭亮第<sub>三</sub>人。儒<sub>上</sub>。 陳賜

二年丁未 趙悌 楊水會試第四人。 陳均厚 陳賜

四年己酉 朱奎 劉垕 趙文鏗 鄭華 馮瑤俱府學。 陳子瞻第二人。 循子。 林澄第四人。 王珏

五年庚戌 薩琦

七年壬子 黃環 劉繼 胡翔 林昆俱府學。 金叔朝 唐坦 徐宗復補子。 侯育學。 吳惠第四人。

延平府學。 黃澄福寧學。 林春 鄭理登子。 建陽縣籍。

八年癸丑 鄭亮會試第五人。

十年乙卯 高崗解元。 羅均第四人。 陳傳第五人。 謝回 連福俱府學。 李清源 張祐 朱章

張諤

正統元年丙辰 高崗 陳傳

三年戊午 李忠第五人。 孟玘 李榮 陳永崇 劉永剛 江武 陳拳 許敏俱府學。 張厚 李

叔義 鄭傳叔義、傳並以吏、順天中式。

四年己未 孟玘 李榮

六年辛酉 羅增第九人。 均弟。 趙寧 林琇 鄭鑽 陳福 邵增 黃恭 陳良弼奉弟。 王英澤子。

唐鐸坦子。

七年壬戌 王英

九年甲子 沈綱第二人。 陳叔紹第三人。 叔剛弟。 林建 高昇 姚舉 鄭文鎬理劇子。 陳興俱府

學。 王鑑 郭政 朱宗榮 王勗 鄭伯純以貢。 應天中式。

十年乙丑 沈剛 陳叔紹

十一年丁卯 邵銅第二人。龔福 李貴榮弟。謝睿 車寧 林煥俱府學。陳煒叔剛子。戴昂

陳瑄 潘岳 黃溫儒士。林清源純子。侯官學。謝瑀 唐鏞鏞弟。俱閩清學。

十三年戊辰 車寧

景泰元年庚午 馮珏瑤弟。鄭浩 王盧 陳谷常 卓奇 周崑 莊敬 林榮 黃德齡安子。楊

懋實俱府學。鄭同第四人。崔永 王衡 林士淵 鄭宗成儒士。李熙以吏順天中式。

四年癸酉是年詔開科。福建省中一百三十七人。林迪第三人。陳卿第四人。子瞻弟。鄧珙第五人。陳演 徐

軫 陳廷玉輝孫。龔鑑 朱泰 楊勝 鄭克載塾孫。吳溥 林宗文 林瀚九美子。林城 林岡 鄭

必顯塾孫。林璠 林璣俱府學。余亮 黃瑄 王晏 鄭克剛理子。謝琮 鄭垣克載父。懷安學。鄭銀

貢七。應天中式。陳孟聲以承差。順天中式。張潛以驛丞。河南中式。

五年甲戌 莊敬 王衡 邵銅 鄭同 王盧 謝瑀

七年丙子 黃華第三人。林敦 趙德 陳寬 林淳 張景純壽子。張純瑜子。劉朴 高瑤岡子。

李宗達 龔章俱府學。官舜 林禪 張續瑜子。純兄。朱鐸 張璫 鄭克和塾孫。黃友直 李恒 陳

安第九人。葉思廉 曾盛本自陳安至此。並儒士。孟晟廣西中式。

天順元年丁丑 黃瑄 鄭克和 林迪

三年己卯 陳子阜第四人。景著子。林泮第五人。清源弟。何湜 吳伯璋 張濬 陳曄 李廷韶

林坤 李埧忠子。郭清 王釗 陳溫俱府學。陳中光子。羅玄錫壽子。李廷美廷韶弟。葉公人 鄭

文翰文錦弟。李尚達自公大至此，並儒士。林廷庸淳弟。廣東中式。

四年庚辰 葉公大 李廷美 林清源 陳煒

六年壬午 王俊 姚忠 葉徽 鄭璉國孫。王奎 張寶 鄭觀克載弟。張堅 王祿英子。胡翻

俱府學。翻，翔弟。癸未場屋火，焚死，賜進士。黃政 車誠 楊成 趙綱 丘英 藍昌 鄭克昭克剛弟。詹景

弘克昭、景弘，並儒士。鄭文欽文錦弟。閩清學。

八年甲申進士先是，七年癸未春二月，會試場屋災，詔移秋八月。至是，春三月始廷對唱名。楊成 李宗達 鄭觀

成化元年乙酉 鄧焯 林鑑 孟鼎 陳立 葉明 王豐俱府學。陳士顯第二人。陳定中弟。李

燁焯弟。葉琚 黃禱 林謹夫上淵子。蔡肅 陳紀谷常弟。陳華白集琚至此，並儒士。張源清 藍通昌

弟。懷安學。陳烜貢士。應天中式。

二年丙戌 王俊會試第四人。林瀚 林廷庸 黃禱 鄧珙

四年戊子 周熊第四人。葉亨第五人。鄭炯 陳明豫孫。鄭健 余瀛俱府學。林堅 郭珙崇孫。

鄭琳 陳炷 薛誼 鄧理 林世珍燭子。林濬淵洋弟。林世龍謙夫弟。黃賜 楊儀 崔恭永弟。自世

珍至此，並儒士。

五年己丑 陳紀 張純 葉亨 周熊 蔡肅 鄭炯

七年辛卯 林璧 黃湜 薛蒲 李俊 林良 陳棻 陳焯叔紹子。陳浪 林笙碩孫。俱府學。陳齊

劉宣 董宗道薦辟。訓導秀之子。謝增 王陞 吳偉 李廷儀廷美弟。董宗成宗道弟。黃克敬 朱麟

郭子聲 張孔潔白廷儀至此，並儒士。林堅永福學。

八年壬辰 王祿會試第<sub>三人</sub>。鄧焯 林濬淵 李燁 林泮 林璧

十年甲午 劉璉 李贊貴<sub>子</sub>。王侃 葉拯 吳循 張槃 張源潔源清弟。陳文玉 葉宗周 郭

雍 倪珏 王弼衡<sub>子</sub>。陳文衡 許坦侯官學。鄧煥第五人。焯弟。鄭璠璠弟。自煥至此，並儒士。任文遂

順天中式。

十一年乙未 任文遂 鄭克昭 郭珙 李尚達 張源潔

十二年丁酉 林藩頌孫。馬成 林晃 張琦 鄭時佐必顯<sub>子</sub>。林廣以府吏中。俱府學。林時中渭

孫。第四人。王士奇 楊械 呂世禎 楊裡成弟。閩清學。唐以成 劉芳以成、芳，並廣東中式。

十四年戊戌 林璧 林昊 鄧煥會試第五人。陳桂會試第三人。劉芳 陳文玉 許坦 鄭璠

十六年庚子 陳元成第三人。莊有第五人。葉挺 陳敬 陳欽 林庭桂瀚<sub>子</sub>。鄭世澤憲孫。程

定俱府學。陳憲 戴同 王文規 張懋 蔡禹 郭文旭蘭孫。鄭蘊中塾孫。自蔡禹至此，並儒士。陳文淵

十七年辛丑 莊有 陳憲 郭文旭 倪珏 林藩

十九年癸卯 鄭復第三人。鄭珪同<sub>子</sub>。第四人。曾崧 鄭琅 何顯浞<sub>子</sub>。林玘 王仕輝通曾孫。

高文達昇<sub>子</sub>。王泳 陳煥 潘常 鄭坤 林克洪 林全 張瀚 吳文生惠<sub>子</sub>。俱府學。張澤 黃源大

陳日章 林渙 林世瑞 陳文僑 張彬純<sub>子</sub>。程上儒<sub>上</sub>。吳叔和 孟鑛廣西中式第四人。

二十年甲辰 戴同 林謹夫 張澤 林渙

二十二年丙午 吳沛 高顯 鄭炤 林塗 宋世用 朱定俱府學。謝瀚睿<sub>子</sub>。張昱 葉上美

陳燁叔剛孫。許顯 林文琛廷庸<sub>子</sub>。張經瑜孫。趙文元 葉堅貢<sub>上</sub>。應天中式。謝鐸璠<sub>子</sub>。閩清學。朱

麒麟兄。懷安學。

二十三年丁未 鄭炤 何顯 謝瀚 葉燧

弘治二年己酉 傅鼎解元。鄭汝美第四人。邵文忠 陳宗大舉子。何崗顯弟。吳文淵 袁昇

林世瑞 蔡祐 林允大 林孔潔 許天錫 鄭元褒 何繼高弟。林亨 葉性亨弟。俱府學。葉舉徽

子。儒士。林文奎淳子。趙宏 林璋渭孫。

三年庚戌 李廷儀

五年壬子 張諧彬弟。第三人。卓瑀 李文顯 趙紋綱弟。鄭濬 何繼周繼高弟。蔣褒俱府學。

王積中第五人。林鵬 戴敵昂子。姚昊 陳護廣東中式。

六年癸丑 林亨 林璋 林全 許天錫 陳煥 姚昊 鄭汝美 高文達

八年乙卯 林克潤 陳宗興 張海燦子。林廷棉庭桂弟。李良卿 孟愚兄子。潘文英 劉孔清

曹械俱府學。林文韜 陳錕懷安學。陳世高儒士。梁楠以訓導，浙江中式。孟鐸廣西中式。

十一年戊午 林士元時中子。候官學。解元。金文明璧孫。周武 繆仲輝 張概諸弟。林堂 陳亨

王璉 方洪俱府學。李實燦子。龔澤 曹梅械弟。黃文省垣子。李廷詔 林庭模瀚子。永福學。林

燧 阮仲義 朱文昌白燧至此，並儒士。

十二年己未 林庭楊

十四年辛酉 張燮解元。儒士。鄭伯和亮孫。第五人。郭懿子聲子。鄭鵬 羅惟遠 張瀚俱府學。張

天顯藩子。第四人。陳垣焯子。莊世瑞 林煥碩曾孫。林通庭庸子。永福學。葉文浩燧子。閩清學。孟

鎮晨了。廣西中式。

十五年丁戌 戴敵 林挺 鄭濬 張諧

十七年甲子 陳則清第三人。懷安學。 林元禧第五人。 傅鼎 郭麟崇玄孫。 周朝佐熊子。 林汴

王公大七奇子。 林英 鄒德賢 陳世用 曾文銓 謝寶瀚子。 梁鼎楠子。俱府學。 倪欽五子。 黃崇

陳天祥長玄孫。 陳宗超良弼子。 甘一夔 陳達灯子。 李源廷儀子。 鄭善夫侯官學。 鄭行塾曾孫。懷安

學。林幹岡清學。 劉竑芳子。廣東中式。

十八年乙丑 劉竑 陳墀 鄭行 陳達 鄭善夫

正德二年丁卯 林文焯第四人。 李景元垣弟。 方希哲 王道立俊子。 蔡浩 陳德 林良弼 傅

孟春鼎子。 吳益夫 鄭餘慶世澤子。 陳德本俱府學。 林球 王大與 黃學儒上。 黃鐸懷安學。

三年戊辰 林通 周朝佐

五年庚午 趙德剛第三人。 許繹垣子。 劉汝清 呂廷爵 張孟中澤子。 鄭乾清琅子。 林文聰

黃綱 鄭伯棟 鄭彬 陳瓚明子。俱府學。 鄭朝美第五人。 陳轍 周朝俊朝佐弟。 戴亢啟子。 張憲榮

子。周尚文永福學。

六年辛未 張孟中 趙德剛

八年癸酉 林炫庭樞子。 袁達 王思仁 李鏊 林汝達 鄭舉鑣孫。俱府學。 劉世揚第三人。 周

忠尚文弟。 葉奇堅子。 張潮衍曾孫。 劉勳宣子。 王朝賓英孫。 林繼顯 袁宗耀自朝賓至此。俱侯官學。

九年甲戌 林炫 李景元



十一年丙子 倪組欽子 林德振 郭波琪係 凌雲 鄭允璋汝美子 陳希登宗超子 林文炳文

焯弟 林文瀚俱府學 鄭漳伯和子 林志麟文奎子 廖堯仁 趙誌 孟邦傑兒曾係

十二年丁丑 陳則清 劉世揚 郭波 鄭漳

十四年己卯 陳公陞憲孫 解元 謝贊寶孫 陶汝弼 方邦望 葉思齊 鄭瀛 林鈺奎子 林

庭枝庭梯弟 沈繼俱府學 梁肅鼎弟 林炳 林七元璋子 戴亨 藍淦昌係 高應經昇義孫 連用

誠 陳時濟晉子 侯官學 羅釗潔曾孫 懷安學

十六年辛巳進士是年以武廟南巡故改庚辰爲辛巳 林鈺 謝贊 周朝俛會試第五人 戴亢 葉奇

嘉靖元年壬午 鄭澄伯和子 倪緝組弟 許繼繹弟 許仕昭 林燁庭模子 李鎔 葉邦榮 葉

章俱府學 戴高亨弟 林泰 張世衡懋係 陳文浩 高叙昇係 陳子文儒子 許嗣宗侯官學

二年癸未 許繼

四年乙酉 胡文舉第三人 倪鏡第五人 朱德禎 林庭機庭梯弟 林宗桂 周倫 曹世盛俱府

學 陳節之 陳清濂 張廷器世衡兄 林繼阜繼顯弟 王舜卿 鄭時暢榮曾係 陳應奎 張元秩天

顯子

五年丙戌 龔用卿狀元 倪緝 倪組 倪鏡 陳希登 鄭允璋

七年戊子 曾廷椿 施廷美 林天駿幹子 林湖俱府學 陳淮暉曾孫 王誥 鄧熺琪曾孫 王

應槐璉子 鄧遷 林繼祿繼顯弟

八年己丑 陳節之 曹世盛 朱德禎 林繼阜 陳子文 許繹 陳公陞

十年辛卯 林根燁子。黃深 陳源清 黃仲陽源大子。葉繼美 石砵 羅尚綱增曾孫。陳震弼  
明曾孫。俱府學。 劉鶴翔世揚子。 穆旺 彭謹 林庭學侯官學。 朱龍顯孫。懷安學。

十一年壬辰 鄧燭 陳文浩

十三年甲午 葉春澤徽孫。 楊一謨 王鑛 鄭天行朝美子。 謝啟元曾子。 鄒文元 黃宗器澤玄

孫。 沈一兀俱府學。 徐麟福玄孫。 林大章 陳選達弟。 吳文馨 王子聰 曾廷梅 陳士儀文衡孫。

黃錦 林懋舉濟淵孫。 亢恩謙籍山西。以儒士中第一人。

十四年乙未 黃宗器 楊一謨 林庭機 陳暹 陳士儀 林廷璧

十六年丁酉 鄭逮琳孫。 林春泰弟。 官德章 葉繼善繼美兄。 周應奎 劉燁俱府學。 林洪 鄭

相澄子。 黃宗概澤玄孫。 林懋和 楊成 葉麟性子。應天中式。

十七年戊戌 洪世文 陳淮 黃宗概 葉春澤

十九年庚子 鄭啟謨舉孫。解元。 余廷賓 鄭汝清 何子顯 陳柯源清子。 張嘉猷 王繼芳俱府

學。 黃以賢 陳全之焯孫。 陳垣 王鎮 羅一鸞惟遠子。 孫渭復姓鄭。 林紀 鄭銘 葉繼熙繼美弟。

胡廷順 吳悌

二十一年辛丑 黃深 林大章 彭謹 林懋和 許嗣宗 孫渭

二十二年癸卯 劉鶴翔鶴翔弟。 林堪 莊嚴俱府學。 楊威成弟。 周文燦 姚仕顯 程伯鎬儒士。

張樞瀚子。 林志寅文琛子。 林焯燁弟。侯官學。

二十三年甲辰 羅一鸞 林懋舉 陳全之

二十五年丙午 周欽第二人。 李鳴金 黃季瑞仲陽弟。 邵書文忠孫。 鄭鎰 陳九功公陞子。 俱府學。

林嫌庭機子。

姚本崇舉曾孫。

黃河濱

甘騰霄

林良材

鄧幹斌玄孫。

二十六年丁未

亢思謙

林嫌

姚仕顯

黃季瑞

鄭銘

二十八年己酉

蔡本端浩子。

林應標

陳仁

施可學

吳思齊俱府學。

潘易

張焯

謝蒙亨啟元子。

二十九年庚戌

陳柯

鄭迷

三十一年壬子

黃星耀

陳奎第四人。

薛一和

周行

高巖

鄭雲鑒炤孫。

陳嚴之叔紹曾孫。

林應雷俱府學。

陳聯芳

陳謹

林貞相澄曾孫。

黃應麟

李遇春鍾孫。

李子洵實孫。

林廷顯

蔡茂

春三河籍。 順天中式。

葉露新雲南中式。

三十二年癸丑

陳謹狀元。

蔡本端

陳奎

三十四年乙卯

林有臺克潤孫。

李時春

林元立允大孫。

林東階通孫。

鄭良材

林惟謹俱府學。

周景倫子。 第三人。

郭鼎卿雍孫。 第五人。

江文沛

鄭孔道

鄭日新

張煒元秩子。

葉于僉文浩孫。

三十五年丙辰

鄭雲鑒

陳聯芳

張煒

林應雷

三十七年戊午

林朝聘繼顯子。

鄭雲鑒雲鑒弟。

唐鯉化俱府學。

袁表宗耀子。 懷安學。

三十八年己未

蔡茂春會元。

林朝聘

四十年辛酉

曾孔志

陳應徵

阮琳俱府學。

謝廷策增曾孫。

林烜嫌弟。 以官生，應天中式。

鄭廷桓

必顯孫。侯官學。

四十一年壬戌 林煜

四十三年甲子 鄭日休第三子。施愛可學兄。

陳鴻猷 施以敬 王煦 林世和俱府學。周仕堦第五

人。 陳公大

四十四年乙丑 林元立 陳鴻猷 施愛

隆慶元年丁卯 陳柑 鄭人達 陳醒俱府學。曾希孔 吳廷光 陳樂統孫。鄧應平 孫承謨懷安

學。

二年戊辰 陳嚴之

四年庚午 楊懋魁府學。陳汝揚 鄭人和 鄭雲鎬雲鑒弟。侯官學。王夢麟子聰子。貢生。順天中式。

亢孟禧恩謙子。山西中式。

五年辛未 鄭人達 江文沛

萬曆元年癸酉 陳朝倚 陳茂鸞 陳堯欽錕曾孫。陳天祥 李柱 鄭茂洵 黃達卿 吳萬全以恩

貢。順天中第五人。

二年甲戌 陳相

四年丙子 卓揚烜瑪曾孫。楊繼顯 林上釗改名國光。俱府學。林材堪子。陳植 袁敬德表子。

魏洛廷美孫。山東中式。吳堯弼雲南中式。

五年丁丑 魏濬 吳堯弼

七年己卯 游廷栢 吳志曾 甘世禎一變孫。林國相上釗兄。俱府學。董廷欽 鄭上奎

十年壬午 陳其殷 王學夔 林懋卿 唐海鯉化子。

十一年癸未 林材 林國相 孫承謨

十三年乙酉 陳翔鸞第五人。 劉元芳 李兆琳 林士超俱府學。 鄧原岳遷子。第四人。 鄭燿 黃

功懋鍾係。 陳一魁

十六年戊子 黃殷薦第五人。 徐燾 葉時敏 林世都瀚曾孫。 葉公璽俱府學。 鄧思啟 袁希朱

鄭應經汝美曾孫。侯官學。

十七年己丑 黃功懋 鄧思啟

十九年辛卯 鄭憲 孫承謀承謨弟。 劉挺秀俱府學。 董應舉

二十年壬辰 鄧原岳

二十二年甲午 林飄馨世龍玄孫。 李允任俱府學。 陳薦夫達孫。 高士奇巖子。 林瑞鰲 謝利仁。

敬元係。 任維新改名稟正。

二十五年丁酉 倪用賓 吳煒 陳師孔紀曾孫。

二十六年戊戌 董應舉

二十八年庚子 陳兆榮應徵子。 陳國是 林起元 陳挺俱府學。 池祥麟 鄧秉修侯官學。 陳勳樂

子。以選貢。順天中式。第二人。

二十九年辛丑 陳勳

三十一年癸卯 李炳恭鍾曾孫。 林文熊 蕭怡昌俱府學。 唐虞治 孫昌裔承謨子。 陳汝嘉紀玄

孫。吳爾施萬全子。侯官學。

三十二年甲辰 林文熊 李炳恭

三十四年丙午 鄭臬述係。府學。 劉鶴徵 王化行 王宇夢麟子。以監生，順天中式。

三十五年丁未 任稟正 王化行

三十七年己酉 陳元卿公大孫。第四人。 游天池 林遇春俱府學。 葉欽訓繼善孫。 高士望 黃鼎

之功懋子。趙友益德剛曾孫。侯官學。 陳儀汝揚子。以訓導，山東中式。

三十八年庚戌 王宇 陳儀 孫昌裔

四十年壬子 高士良士奇弟。 葉良漸公望子。 陳亨嘉 蔡可陞本端孫。俱府學。 鄧秉修幹曾孫。侯官

學。

四十一年癸丑 鄧秉修 陳元卿

四十三年乙卯 王國珪府學。 李時興

四十六年戊午 陳臣訓 陳志廣 林懋裔 許魁登晉江人。復姓顏。

薦辟、人才、貢士、監生賢者雜見列傳中。

有傳

趙景純 鄭禮賢 林基 陳申 鄭旭 陸維遠 沈士榮 陳玄 趙彥剛 唐震 胡龍 鄧文鏗

林同 游兆 陳郊 鄭濟 葉光 周絃 林真 林誌 周玄 鄭閏 黃澤 林碩 陳景著 陳輝

劉麒 王恭 董蘇 鄭理劇 陳叔剛弟叔紹子。煒子。煒子。煒子。 黃寧

趙景純 以字行，初名明。洪武間以國子生擢御史，與同列七人忤旨當誅，太祖奇其貌，特赦之。乃更名李潛，隱於閩清。十五年會大赦，以景純名被薦爲閩清訓導，尋攝縣事。永樂初，擢知上饒縣。正風俗，革吏弊，均賦役，審權量，息盜賊。在官三載，日惟二食。及卒，筭餘一金而已。

鄭禮賢 洪武中爲曲阜丞。端方溫直，長於詩。時方克勤爲濟寧守，常與道性命，談政事，往復論難而不厭。仕終同安知縣。

林基 洪武初聘爲訓導。有薦之者，對揚稱旨。起爲吏部員外郎。後坐累，自殺。

陳申 字孟膚。博學善文詞，與林鴻、鄭定友善。洪武間，以薦教授衢州，擢知安陸州，勤學均賦，稱廉能。久之，轉知潮州。潮人稱「文章太守」。

鄭旭 字景初。以學行薦爲國子掌儀。太祖選十人傳東宮，旭居第一。後謫吏雲南餘二十年。建文中，薦起訓導高安，卒。旭居家孝友，與人交有信義。一時上偶，林誌輩皆敬禮之。所著有《詩經總旨》、《初學提綱》、《咏竹稿》等書。

陸維遠 洪武中以人材舉丞，蒞政威嚴，處已廉潔，吏民目爲鐵面。

沈士榮 博學有才辯。洪武中以儒士舉，至京上疏曰：「臣欽奉勅符，受國重聘，與天下士數千人親承聖諭，共論治道，諄諄誠切至於再三。臣之愚昧不足仰答，然使臣不肖之言行，則賢於臣者皆進言矣。欽惟皇上恭勤，求治於今有年，在朝賢哲豈皆不言？臣恐言之不能拔其本，用之未盡展其材，故重勞宸慮耳。古今智者私爲身計，甘溺暴棄，愚者不思自守，累犯憲章，皆繇進言者無拔本之論，選官者無量材之實也。古稱才難，周有九人而已。賢者難遇，蓋千萬中不得一二焉。如淘沙取金，厭沙多而不淘，則金不

可得，用人而歷試之，如礦之鍊銀，若不鍊而用之，則礦多而不能成器矣。願皇上詳加採擇，勿謂儒者皆賢而盡用之，又勿謂一士不稱而餘士盡棄。而至拔本之論，則在皇上之身，惟是正心實爲先務。茲因聖諭切至，感發中懷，臣實思竭愚衷，如蒙給以筆札條列事宜，或入侍左右劇論庶政，臣之願也。」太祖嘉納，擢爲翰林待詔，手詔褒諭曰：「昔周舍欲載筆操牘隨君之後，日有所記，月有所効，歲有所得，其君悅之。卿，八閩志士，久守儒道，應召而來，傑然特出，據誠納忠，欲罄所懷，非但朕愛卿，聞卿之風者，皆知愛矣。守此不變，將同古人名垂後世，卿尚勉之。」考郡志，上榮未見其名，而聖祖手詔稱爲「八閩志士」，用載於閩之首縣。

陳玄 隱居教授，不求聞達。洪武十七年，以守臣薦召試稱旨，特拜右僉都御史。尋以年乞致仕。

趙彥剛 洪武中知萬安縣，廉能寬簡，興學勸農，役均訟理，奸盜屏絕。代去，行李蕭然，百姓呼爲「廉清父母」。

唐震 字上亨。有詩名，與林弼諸公並稱。仕翰林編修，扈駕道卒。太祖遣使歸喪，爲文諭祭。

胡龍 知星子縣，蔬食布衣，廉勤公正。擢監察御史。

鄧文鐸 知茂名縣，歷武昌、德安知府，寬厚廉勤。歷僉都御史，後爲甘肅苑馬寺卿。

林同 字于野。博學力行，安貧樂道，居家教授，後進日踵其門。洪武中，寓居同安，戶部郎李文郁師事之，力薦於朝。授同安訓導，至官，二日卒。所著有《銅魚集》。

游兆 洪武間判潁州，有利在民。

陳郊 能詩善天文，與林子羽、陳仲完、唐泰、高棟、唐震、王恭、鄭孟宣、王偶、王褒稱「閩南十才子」。洪武三十年，以舉人會試，怪曰：「今年榜首，當荆而死。」及放榜，郊第一。是年場屋放榜，南士最



盛，北士群訟於朝。太祖怒，收考官劉三吾，併郊下獄，固無意於殺之。會有言：「郊已預知其當刑者。」太祖故禁習天文，聞其故，遂誅郊。

鄭濟 任嘉定教諭、儋州學正，日進諸生與啟迪。所著《四書經講解》行世。

葉光 有詩名。永樂初以明經簿南海，攝邑廉明，民歌之曰：「南海簿，性不貪。百鳥鳳，人中難。」

周紘 永樂初知麗水縣，訟簡刑清。陞禮部員外郎。善詩文，有《宜秋山堂稿》。

林真 字汝實。知慈谿縣，秩滿，擢江寧，上書言事，文廟嘉納。以疾乞外，改宜興，辯釋妖賊龔伯諒等八十餘人，民免株連之禍。

林誌 其生也，父夢寶誌入室，遂以爲名。四五歲，其母口授書，過輒記。十歲，日記數千言。十四五，下筆爲文。從學上儒，偶奇之，爲盡底裡。時數數出論辯，兄鋒銳，以折其老長，偶曰：「此非所以求益。」爲字曰：「尚默。」卽痛自克治，沉潛學問，涵浸淳奇，久而益富。永樂中，鄉試、會試皆第一，廷試第一甲第二人，授翰林院編修。癸巳，車駕幸北京，甲午，召赴行在，預編《性理及四書五經大全書》，書成，受賜賚。丙申，扈從南還，預編《歷代名臣奏議》。辛丑，召赴北京，陞修撰。甲辰，陞侍讀，考順天府鄉試。未幾，簡東宮官，擢右春坊右諭德，仍兼侍讀。宣德元年，赴應天府鄉試，預修兩朝實錄，卒。誌善事父母，父母病，湯藥非親嘗，不敢進。旣卒，喪葬謹禮。篤恩意於宗族。在官恭勤趨事。其學博究經史、百氏、星曆、醫卜，咸得要領。爲文刻厲深切，得樊紹述、歐陽行周之趣。

周玄 字又玄。一字微之。好挾書出游，書以數千卷，至長樂見高棟，曰：「吾益友也。」止其家，出而與之讀。十年後，辭去，盡棄之。曰：「在吾胸中。」永樂中，徵爲禮部員外郎，所著《揭天謠》諸篇，有李長

吉之意。

鄭閻 字公望。舉進士。觀政刑部，與尚書爭獄，遂自乞典教。三典安陸，無爲二州、廣信府學，凡三十年。性質剛毅，嫉惡不假借。所至，師道尊嚴，友人有爲都御史歸者，舉行李十餘役，閻猶薄之，不往省候，都御史曰：「公望雅舊，何咫尺不一枉？」閻曰：「似聞公厚資耳。」

黃澤 字至仲。永樂中進士。宣德中，朝謁，卽授河南左參政，招諭南陽流民，賑而遣之還鄉。嘗率丁夫執役京師，視疾病，撫恤勞苦，比行還，丁夫泣送之。轉山東右布政，浙江左布政使，奏罷無徵米六十萬石，停止溫、處二府銀冶歲額九萬。在任九年，劾罷不職郡縣吏五十七人。奸黨騰謗，竟坐落職。澤正直通敏，體國恤民，漸志稱其「有功德。於民甚厚」。

林碩 字懋弘。舉進士。授監察御史，巡按浙江，有能聲。宣德初，仍爲浙江按察使，中官裴可力督運海寧，守禦湯千戶賄結之，因而漁獵百姓。碩至，湯素聞其按御史時風裁，慮見窮治，遂讒碩於裴。裴亦懼，因奏碩譏誹及沮格詔旨。上逮碩面問之，碩叩頭：「臣往以御史按浙，小人多不便臣所爲。今見臣復來，是以設謀弄臣。臣，七品小官也，蒙恩超擢，懼不能報，敢有謗誹？」上曰：「朕固未信，是以面問。」卽命傳之官。語侍臣曰：「可力歸，毋貸也。」碩初被逮，衆皆危之，旣見遽釋，喜動中外。遷廣東布政使，未任卒。

陳景著 名湜，以字行。舉進士第三人，授翰林院編修。預修《五經四書性理大全》。以母老乞便養，改福州教授。生徒多所造就。

陳輝 字伯煒，舉進士，官監察御史、貴州按察僉事、廣東副使。才識高遠，工詩善琴。草書學懷素，

晚節筆力尤勁，廬陵解縉雅服之。其居官堅績厲廉，老不改操。

劉麒 字伯禎。舉進士。擢御史。宣德初，知南康府，作新士類，勸課農桑。

王恭 字安仲。寓居長樂，採樵行歌，自號皆山樵者。文廟時，修《水樂大典》，鄭定、高廷禮交薦之，強起至京，年六十餘矣。同郡王偁戲謂曰：「君無以會稽章綬故來耶？」恭答曰：「山中斧柯，幸白無恙。」《大典》成，試詩高第，授翰林典籍，不就。歸益徜徉丘壑，足跡殆遍。有詩數十卷。廬陵解縉稱其「布衣蕭然，不慕榮寵。強起決去，若朝陽孤鳳」。

董穌 舉進士，授戶部主事，轉郎中。陞山東參政，改湖廣，歷貴州左布政使。爲人端謹，有治才，所至稱慕。

鄭理劇 字志初。宣德間分教靖安，坦易博學，邃於文詞。侄孫必顯，教授潮州，有功潮學，潮士頌焉。

陳叔剛 名根，以字行。少從訓導劉九疇受《春秋》。既舉進士，依親讀書，從諭德林志學古文。宣德初，召擢監察御史，預修成、仁二廟實錄。受襲衣、白金、文綺之賜，被留爲翰林修撰。篤學勤官守。丁母憂，廬墓終喪。復故職，纂修宣廟實錄。正統丙辰，同考會試。上初御經筵，選儒臣充講，叔剛與焉。後三年，實錄成，陞侍讀，受賜如初。聞父病疽，疏乞歸省，得命。會有舉子之喜，俗：子未滿月，忌出戶，又當暑月，或勸緩發，曰：「自聞家君病，恨不一蹙歸，既得請矣，何子之忌耶？」居一年，將上京，得狂易。疾少瘳矣，遭父喪，疾益甚，竟卒，年四十七。叔剛溫雅潔慤，出言行事皆有思裁，爲文亦復如是。見人過，密規而疏覆之。遇良時，飲酒賦詩，襟懷洒如也。與安福侍講劉忠愍球最善。弟叔紹。子焯。

叔紹 以字行。精《春秋》，少無宦情，有司欲以明經辟，弗就也。劉忠愍雅善叔剛，故聞叔紹名，以屬督學者令補弟子員，時年三十餘矣，於是始有仕進意。舉正統進士，選監察御史。景泰初，朝廷多故，臺中建白、彈擊皆叔紹率先。陞湖廣按察副使，卒。叔紹有孝行，母病，嘗糞驗差劇。叔剛歿，孤煒甫十歲，叔紹撫成之。子煒，見韋布。

煒 字文曜。舉進士，授御史。廷劾錦衣指揮門達竊弄威福，上置達法，中外稱快。提督京畿學校，上心允服。陞江西按察副使，律貪殘，振頹靡，決疑獄，掩劇盜，風紀肅然。陞本司使。時宗藩府第墳塋冗費，煒條奏殺其三分之二。成化辛丑，轉本省布政。江西藩長惟夏埏、林鶚有名，至煒復張。陞浙江左布政使，未上，卒。爲人操履清正，學問該博。所至，以表名賢、正風俗爲務。子墀。

墀 字德階。正德初知東莞，挈一僕從官，清慎律己，愷涕愛民。舊商引錢，令皆自私，墀悉解司府，貸貧民之典女人贖者。豁守倉衛軍，得無坐罪。土寇黎巢哥作亂，克日討平之。以治行徵，或按其裝曰：「輕寡若是耶？」曰：「吾素性如此，家法亦如此。」

黃寧 正統間儋州學正，選戎籍子弟穎出者教養之，貧者資給夜讀，人人感奮。

# 閩書卷之七十四

## 英舊志 縉紳

福州府 閩縣三

### 有傳

林元美子瀚。瀚子庭樞、庭機、庭模、庭杓。庭樞子炫。庭機子燦、燦子煥。庭模子燁、燁子煥。 林鈍子清源、泮、潛淵。

林渭曾孫上元。 薩琦 黃澄 鄭亮孫伯和。伯和子漳。 趙榮 陳傅 李叔義 孟玘 王

英 陳漢 董秀 謝睿子哲。 袁達 朱智子。 車寧 林榮 龔鑑 邵銅 謝瑀 鄭同 林淳 張

續 高瑤 張燦 葉穆 鄭克和 林迪 吳伯璋 張濬 何湜子繼周。 李廷美弟廷儀。 王俊 黃

衛 鄧拱林廷庸。 鄭琳孫述附。 陳紀 周熊 李燁 林璧 吳循 陳明 郭拱孫波。 李尚達 許

坦 張懋孫廷器。 鄭蘊中 黃源太 林謹夫 葉仕美 葉性 許大錫 高文達 羅維遠子。 張

變 郭麟子。 邵文恩 王公大 張仲源 陳達弟述子朝鏡。 鄭善夫 鄭餘慶 黃鏗孫功懋。 林文

焯 趙德剛 袁達 林繼顯 袁宗耀子表。 張孟中 凌雲 陳則清 劉世揚子鶴翔、鶴翔。 方邦望

林炳 高應經 周朝俛 林鈺 戴亢 鄧榮 鄭寶 許上昭 王欽 周倫 王舜卿 陳希登 蔡文

清 張萬里 林天駿 王應槐 鄧遷了原居。 陳子文 孫邦彥 陳節之 陳文浩 王鏞 鄒文元

王子聰子夢麟 謝濂 葉繼善 林洪 鄭啟謨 鄭汝清 張嘉猷 王繼芳 林紀 林懋和 林堪

周文燦 張樞 許興 陳柯 周行 高巖子士奇 林貞柏 黃應麟 李遇春 陳謹子一愚 林惠

李中 鄭日新 葉于僉 鄭雲鑒弟雲鑄 陳聯芳 林舜道 熊志良 趙鉞 徐棉 陳樂 沈德璵

陳茂騫 陳堯欽 鄭懋洵 卓揚烜 林國相 鄭士奎 林材 鄭耀 王應巡 鄧原岳 吳爾施

林元美 名鏐，以字行。宣德中，知上猶十餘年，公廉持大體，民始畏終懷。正統中，擢知寧海州。

戢武職之爲民害者。有二僧入境，以術惑衆，執訊之，則他郡越獄盜也。人以爲神。歲旱蝗，躬巡歷賑恤，奏減其賦。天順初，擢知撫州府，吳聘君與弼獻「金井水，玉壺冰」六字以況其清。既自免歸，友人戴弘齡、方嚴慎、許可對坐客握鐐手，曰：「公有四知，諸君知乎？」客皆以楊震爲擬，弘齡徐曰：「林公歷官知縣、知州、知府，人皆能之。至其知足，人鮮能也。」坐客以爲名言。子瀚。

瀚 字亨大。成化二年進士，改庶吉士。丁父母憂。八年，授翰林編修。十三年，陞修撰。二十二

年，陞左春坊右諭德，（四）兼前職。弘治三年，太宰王恕薦瀚學行淳正，陞國子祭酒。上疏請廣開科貢，以進人才。九年，陞禮部右侍郎，仍掌監事。在國子十年，有恩而嚴，膳金之餘，盡置僚屬公署。十二年，陞吏部右侍郎，尋轉左，與太宰同心掄才。十三年，陞南京吏部尚書，鎮定不搖，人倚爲重。會災異，率群僚陳十二事，皆切時政。時御史王獻臣被逮，儒士孫伯堅等授中書舍人出傳奉，瀚疏言：「御史宜俯垂寬宥，以全風憲之職。中書宜收回成命，以杜倖進之門。」忤旨，自劾，不報。十六年，復疏培植根本，佑啟皇儲，撫綏百姓，增進賢才數事。正德改元，冢宰缺人，給事中丘俊、御史石玠交章薦瀚，未幾改南京兵部尚

書、參贊機務。因災異，會陳數事：曰降大孝以先天下，曰集群議以決大政，其次改州治以奉陵寢，崇儉德以裕財用，省虛費以甦民困，節工役以省財用，清吏役以革宿弊，舉馬政以防欺弊，大優容以廣言路。剴切無忌，士論韙之。逆瑾亂政，嫉瀚正直。而南都諸臺、諫以建言得罪被逮繫者，瀚獨往贖送有加，且議上章爲直其枉。瑾聞，唧瀚益甚。而先是，北京給事中艾洪等劾太監高鳳併鳳侄錦衣指揮得林納賄謀陞，朝旨不行。大學士劉健、謝遷致仕，給事中李紳、劉蔭疏留，亦復不報。瀚閱邸報，因而太息。而會南京給事中戴銑等亦劾鳳、得林，南京御史薄彥徽等亦疏留健、遷，兼言上晏朝廢事，與六七內臣、新進、佞幸游飲射獵。上大怒，械繫銑、彥、徽等，下鎮撫司獄鞫之。詞連瀚，降瀚三級，出爲浙江右參政，致仕。無何，瑾復矯旨，列瀚與健、遷等爲奸黨。瑾誅。御史凌相等言：「瀚德尊望重，不宜置散地。」乃復舊銜。仍致仕。御史汪正乂奏瀚居家淪落，如環堵之儒。詔賜人夫、月廩。久之，瀚年八十，子庭樞爲雲南參政，請去官侍養。上仍令有司時加存問。居六年，卒。贈太子太保，謚文安。瀚居官潔修，而賓客過門必極款洽，終日酬應無欿怠之異。休退里居，年雖高邁，泛應周旋，禮意勤懇，簡答題封，皆手自治。爲人內柔外溫，至方若員，至勇若怯。無卑、賤、愚、不肖，處之若一。獨非意相干者卽之，始知其不可犯也。子庭樞、庭機、庭桂、庭枝、庭模皆鄉貢進士，庭杓襲蔭，授南京都事。

庭樞 字利瞻。舉進士，歷兵部武庫郎中。時孝宗銳意治理，以京城鋪甲閭閻踐更，豪右影射衛士，冒食官庾，私役內豎，皆倚尚書劉忠。宣大夏稽減清革，大夏悉以委庭樞，具得當。正德中調職方，吏部尚書張綏欲改爲御史，力辭。尋出知蘇州，擢雲南參政，乞終養。故事，有兄弟者，不得養父母。朝廷以瀚故，特允其請。服闋，起江西參政，歷湖廣布政使、都御史、巡撫保定。嘉靖初，與永嘉張相不合，歸。

未幾，起南兵部侍郎，轉工部。尋拜工部尚書。乙未歲，遼陽叛卒構逆，囚縛撫臣，世宗命庭棉往察之，聽便宜行事。軍中以庭棉重臣，命臣測，即先擒斬首逆數十人，遼土底定。時上方稽古禮文，創九廟，建兩宮，他諸大工頻仍，費出不貲。庭棉議借內帑及他部防羨，委曲調處，不損公私，所規畫雅稱上意。世宗謁天壽山，駕出倉卒，庭棉供帳悉辦治。上悅，賜麒麟通袖紗羅衣、橫刀、銀瓢、鸞帶諸物。一日，上御便殿，召棉，顧而奇之。其明日，棉上疏請節財用，省營建。上謂左右曰：「朕方顧若，若乃言我，得非林俊子耶？」已，知其父亦尚書，非俊也。他日，上御凝翠殿，出御製《憶邊士詩》，命屬和。廟工成，加太子太保。以疾乞休。賜路費，馳傳歸，有司給廩役。庭棉穎悟絕人，眉目疏秀如畫，風華談謔雅冠品流。歷官內外，厚下愛人。蘇州七邑大水，都御史不以聞，庭棉疏請蠲稅。雲南武官祿累不給，民無所出，庭棉令牛、馬、布、帛、雜物俱得充。其所至，有恩意，多此類。晚蒙世廟知眷，雖家食，不衰。卒，贈少保，賜祭葬，謚康懿。官一子燭。燭，曲靖知府，溫和平靜，不改素風。燭弟炫。

庭機 字利仁。年二十，舉於鄉。三十，成進士。選入中秘，授檢討，預修《大明會典》，充會試同考。已，遷國子司業、南京祭酒、太常卿，遷工侍，改禮侍，遷工書，改禮書，致政歸。庭機渾樸簡重，禮無繁縟，言無枝葉。當在史局，第聯分宜相，未嘗一私謁。爲工部時，會南京振武營軍變，殺黃侍郎懋官，銓部舉戶篆屬庭機，庭機一鎮以靜，衆遂寧帖。諸郡國轉粟留儲，故事，屬邑一不至則不遣。庭機勅所司，事竣即遣，毋輒相及。京倉近水者，易輸運，爭事請託，至露積充溢於外，而遠者或銖粒不入，守空庾。庭機置籌，手探之，得徧及。諸主吏感泣，曰：「微林公，吾屬餒死矣。」內府歲供器皿及織造御服，費鉅萬計。庭機稍裁其濫溢，中貴人斂手不敢爭。工曹榷稅蕪關者多闕茸，弊滋甚，庭機請擇才望，給符檄郡邑



廉辦吏爲主進，歲增額二萬餘。蓋國制：史官鮮煩以刑、名、錢、穀、水衡事，庭機殊不介意，志不近名，而所事顧出名上。居十有三年，以考績三人京師。穆宗登極，改禮部尚書，從歸途乞骸骨。卒年七十六。賜祭葬，贈太子少保，謚文僖。子燦、煥俱爲尚書。

庭模 字利正。仕潮州同知。好惡不徇流俗。有詩名，長樂府。子燦。

庭杓 字利高。以蔭歷慶遠知府。用簡靜鎮，安邊徼民。滿九載，資囊罄乏。慶遠人立祠祀之。

炫 字貞孚。舉進士，授禮部主事。嘉靖初，以議大禮忤執政，家居久之。炫才識通敏，爲詩文富麗便捷，賓客填門，朝夕觴咏，與邑士袁達、張萬里相賡和，每一篇出，人傳誦之。後起官至通政司參議，卒。子世璧，見韋布。

燦 字貞恒。年二十四舉進士，改翰林院庶吉士，授檢討。是時庭機尚未遷官，父子一時爲檢討，詞林榮之。久之，選侍景恭王講讀，滿九載，擢修撰，進司經局洗馬，兼官如故。與校錄《永樂大典》，成，進太常寺卿，治祭酒如故。遷禮部右侍郎兼翰林院學士，充經筵日講，仍充世廟實錄副總裁。改吏部右侍郎，亡何改南京吏部。久之，進工部尚書，復進禮部尚書，皆仍南京。以母喪歸，服除，不起。當燦讀中秘書時，受業故相徐文貞，文貞器之，顧以不附首相嚴分宜，不爲分宜所喜。分宜敗，宦稍稍達，乃得佐禮部、吏部矣。燦佐吏、禮二部時，高文端儀、楊襄毅博爲之長。二公，海內長者，虛心待燦，燦亦侃侃有裨益。而其時文貞方當揆，且倚燦自副，會以進講語直忽，中旨調南。或謂中貴人間之，又或謂江陵擠而代之。燦雖少貴，能抑損，與人溫溫言笑，至大節則傲然莫奪。其佐禮部，九陵貴人以大水請修治，冀得遂所欲。燦周視還奏：「惟長陵小毀，當葺，餘俱已之。所省費以萬計。視南禮部篆時，魏國公諸孽子邦瑞

長，其季邦寧母嬖，而欲貴之，妄稱繼室求得封，遂改送邦寧人太學，云當襲。嫌卻其牘，曰：「誰謂邦寧嫡耶？長幼之序，曷敢違之？」亡何，言官論逮，邦寧母坐奪封，而邦瑞遂得襲。佐南銓凡六年，再當大察，其長馮而黜焉，以公明稱。人賀萬壽，時江陵相矣，冀嫌。以舊好通，嫌公見外，辭目疾弗往，折簡要曲宴，亦復謝之，用是遂絕。其持母喪還閩，屢薦，皆報聞不復起。江陵父死，或勸爲文往祭，嫌曰：「吾向者忤地上，而微之地下乎？」嫌居長安中，邸舍垣屋卑陋如丞郎，一二蒼頭，衣短，後不能掩胷，出見逢掖，生皆辟易讓路，問：「主人翁在乎？」以額擊地對。當南還日，其裝併圖書不盈四五敝篋。送裝之卒，疾湊而便旋，曰：「輕至此乎？」嗜書，手不時釋。爲文復古，悉根理道。

烜 字貞耀。起家戶部郎，改南兵部。歷建昌、太平二府知府，廣西副使，浙江副使，廣東參政，南太僕寺少卿、正卿，大理寺卿，北京刑部右侍郎，北京工部尚書。烜雖歷官正卿，家食之日多於仕宦，廉謙自持，世其家風。林氏一門三世五尚書，閩人以爲盛事。

燁 字貞華。任遼府長史。家庭間推其多識。長五言律詩。弟烺。子垠。

烺 字貞義。官終靖江長史。所至著廉聲，爲人孝友慷慨。兄燁卒於官，資斧蕩然，烺既償其負，蕭里歸其喪，嫁婚其子女。晚至窮約自守，未嘗告人。

垠 字天宇。任桂陽知州。雅有詩名。躬勸農畝，政暇爲諸生講業，捐俸買學田，造祭器。遷撫州同知，終戶部員外郎。

林鈍 字叔魯。初爲常山學訓導，端莊嚴重，動遵矩矱，訓迪講論，或至夜分。陞江西興國教諭，教如常山時。邑士《禮經》有傳，自鈍始。既卒，門人悲慕，祠祀之。所著有《說鈴餘響》等集。三子：曰濟。

源、曰泮、曰濬淵，俱登進士。

清源 字用清。官終南京工部主事。耿介有父風，泮、濬淵皆從受學。

泮 字用養。游太學，時祭酒陳鑑被人誣奏，泮抗疏直之。既登進士，授南大理評事，歷寺副、寺正。盡心庶獄，解脫被誣盜若而人。丁內艱，弘治初，闕服，陞廣州知府。府治省城，政弊訟繁，泮處若無事，忠義節烈多所表章。元伯顏滅宋，厓門紀功刻石，泮鐫除之，改刻曰「宋太傅樞密院使張世傑死節於此」。藍漢諸山洞蠻猖獗，承檄以兵入其穴，擒斬渠帥，因圖地形，會總兵盡屠之。有豐湖保十三村，民皆爲盜，拒敵，至其地，諭降焉。陞廣西參政，奉勅總督糧儲兼理屯田，時逋欠三十三萬，泮偵知湖米方賤，下令減直收銀，遣官往糴，民甚便之。陞江西布政使，轉左。自以家世《禮經》，言陳澹所著《禮記集說》已列學官，而未得與從祀之列，請舉行之。不果用。晉順天府尹，省寺供億，悉復舊章。威讐豪右，畿輔以治。正德初陞戶部右侍郎，總督太倉糧儲。時逆瑾用事，大臣多從中罷免，其者中以法。泮惟內無所失而處之甚恭，然竟失其意。久之，奉勅往鳳陽河南會勘徽州府田土，事竣加俸一級，陞南京戶部尚書。瑾取中旨，令致仕。未幾，復中以他事，矯詔罰米二百石輸口外。泮家貧素，又先被火，歸日寄居山寺者數十年，口外之輸不勝艱苦，而處之坦然。齒宿望重，抑謙自牧，鄉人敬愛。歿，無以殮，僅餘命服、圖史。子孫亦鬻以自給。

濬淵 字用淵。初授刑部主事，持法不阿，官終浙江按察僉事。孫懋舉。

懋舉 字貞卿。官至廣東布政使。在南省論邊事，彈劾貴要私人。居官綽著能聲。

林渭 正統中知海豐縣，惇篤而介，利興弊革，庶務一新。未幾載卒官。孫璋，仕大理評事。曾孫士

元。

上元 字世仁。知香山縣，廉靜撫愛。每受訟牒，怡色恬聲，款款細語，民謂令君親己，具自言情。

學宮初在蓮峰山下，科第久缺，遷建城中，自是賢書相踵。會上官按部，索賄不得，坐以事，將辱之，士元曰：「賸民媚人，死不爲也。」掉頭出，即疏言母老，乞改學官，授潮州教授。竟遷王府審理，致仕。

薩琦 字廷圭。父琅，見閭巷。琦舉進士，選翰林庶吉士，授編修，預修《仁廟實錄》。陞禮部右侍郎，詹事府少詹事。爲人狷潔不苟合，學有源委。

黃澄 字淵仲。官江山、定安兩教諭。爲人淳實，務陰德。卒定安，子孫因家焉。

鄭亮 字汝明。仕戶部主事，有文名。家居，學徒造門問業。孫伯和。

伯和 字節之。舉鄉薦，授無爲州學正，轉國子博士。秩滿當遷，吏部郎薛憲，其門人也，雅欲超擢伯和他官，伯和念平生習教，不樂他徙，乃以爲秦府長史。久之，致仕歸。天性至孝，嫡母林，幼撫之有恩，伯和遇忌日必哀。年逾耳順，祭酒泣下。親黨貧者，隨方周給，力雖不足，意常有餘。諭誘後進，聞人善若己有之，見人子弟以力學得薦，若得之其己子弟。鄉人咸服其厚德。子漳，登第；澄，温州府同知。孫相，令商城，有去思，終滁州知州。

漳 字世績。正德中歷戶部郎。嘉靖初轉守肇慶。家居久之，復起爲登州。秩滿，擢兩淮鹽運使。居官不爲赫赫聲，而廉慎寬惠。時值海潮之變，親詣亭場收諸溺死男婦，槥而瘞之，令諸場使春秋祭，以包夫餘餼與御史議留羨課數萬金賑之。且爲築避潮墩於各團亭，存歿賴焉。登郡士民暨淮商所在爲立祠。轉參政廣西，復改河南。建安李默素重其人，入爲太宰，遂薦長臬藩。歷應天府尹、刑部侍郎。默得

罪，言者譴漳。年老乞歸。卒，賜葬祭。漳貌不逾中人，內狷介不少屈。廣東提學副使蕭鳴鳳恃鄉人永嘉張相勢，凌諸郡守，漳與爭論相攻，朝議黜鳴鳳。夏文愍言，漳同年也，邀漳往見，漳不往。以左轄人覲，所餽分宜相青布數束而已。卒之日，所遺圖書數卷。

趙榮 字孟仁。其先通渭人。備書侍郎薩琦門下，楊文敏見而異之，以善書薦預修《宣廟實錄》。事竣，正統戊午，授中書舍人，直文淵閣。母卒，卜地阜城門外，負土築墳，哀傷甚至，有靈芝甘露之異。己秋八月，從駕北征，駕至土木，也先犯順，榮被重傷還。冬十月，也先至都城下，名爲送駕，索大臣出議，衆恟懼莫往，榮獨與通政參議王復請行，大學士高穀壯之，解帶爲贈。遂陞大理寺右少卿，充鴻臚寺卿，而陞復禮部侍郎，同往。相與持牛酒朝英宗於虜中，也先及其弟伯顏帖木兒環弓矢露刃夾之，榮與極口辯論，謂：「爾等既名送駕，何乃沿途殺掠，及今戈甲蔽野，毒荼益甚？若能斂兵而退，送駕至德勝門，非但文武百官，我皇上亦親臨門迎候，朝廷所以報賞爾者，當亦不薄。」也先不從，但云：「若是小官，于謙、王直、胡濙、石亨皆安在？何皆不來？」良久，英宗目榮曰：「彼無善意，爾輩速歸。」榮與復還，辭前職，不允。改太常寺少卿，直文淵閣如故。明年，楊善入虜迎駕，榮復與善俱。駕還，陞工部右侍郎，充正使，往迤北脫脫不花王處報謝。還，轉左管部事。壬申，奉勅往張秋督工築塞缺口，水循故道。天順丁丑，英廟復辟，陞本部尚書。庚辰，進資政大夫，奉勅修建山川、社稷等壇，及東安門、南宮、西苑、靈臺等處樓閣殿宇。事畢，受綵幣、寶楮之賜。自是眷遇日隆。上常呼其官而不名，每給內帑高麗布、綵繡、雲鶴衣、金帶、器皿、時鮮等物。辛巳，曹欽犯闕，殺都御史寇深、錦衣指揮使逯杲。榮披甲躍馬呼市中，曰：「好男子皆來從我，曹家亂賊勦殺之。」於是從榮者數百人。榮同孫懷寧、侯鐸，提兵襲欽於陣，須臾

滅之。事定，以功命兼支大理寺卿俸。口，英宗與李文達賢論廷臣才，稱榮能。賢曰：「曹賊反時，文臣畏避，誰肯出前？榮奮呼衆，頃刻成功，心行故，自莫及。」上曰：「忠臣，忠臣！」壬午秋，忽中風疾。上命太監裴當挾御醫診視，并賜藥餌、米、鈔、羊酒。明年，乞養疾，許之。成化乙未卒。賜祭葬。子珙，以隨父使虜，授錦衣，世襲百戶。

陳傅 字巖說，宋陳韓八世孫也。初授行在刑科給事中，鯁直言事。值虜警，進安邊四策，又劾會昌伯孫忠驕恣，應城伯孫傑貪淫，福建參議顏擇之科索，御史丁俊阿縱都督王瑜撓鹽禁，皆逮問。中外服其風采。尋奉命冊封琉球，却其餽，無所受。周皇親奪民田，民詣闕訴。遣按之，追田還民，而繩其諸不法者。刑部尚書魏源論傅凌蔑皇親，下詔獄。於是科臣交章：貴戚當抑以全國恩，直臣當容以彰國紀。竟謫戍大同。己巳，英廟北狩，至大同，詔文武官員謫其地者，賜復職。而傅卒矣。追贈太常寺少卿。

李叔義 字文宜。歷廣昌訓導，選南御史，官終貴州僉事，執憲舉職。工詩善丹青。

孟玘 字廷振。爲戶部主事。扈從土木，首受刃矢貫臂，墮叢屍中，瀕數死不死。再爲禮部主事。

景泰戊辰，鄧茂七爲寇，蹂躪閩上下，玘陳攻守至計：「集三省兵屯新城，屯潮陽，屯江山，大兵出鉛山，蹙延平諸路並應，苟魚買兔，誰則逃之？」朝參用其議，茂七被俘。上杭銀冶疲人鬻盜，歲輸率不當歲費，玘言當塞，竟塞。易儲之議，章郎中綸、鍾御史同諍尤力，同杖死，綸死復蘇，幽之獄，玘繼有言，自分茅焦而偶不及禍。英宗南內三年，群臣無一得朝謁。玘因旱極言，忤旨，知萊州，又知廬州。治本占意，郡爲無事。因傳授所學於人，民則有守，學者得師，而竟守急流之退。

王英 字孟郁。正統中進士。歷南京兵部、戶部郎中。成化初，擢廣東參議。會歲稔，雷、廉、高、肇

四郡盜大起，都御史韓雍檄英賑之。英立法平糴，四郡以濟。又與雍謀立饒平縣，探扼盜區。官至雲南參政，致仕。英廉慎不私，旬宣所至，清風凜然。既得謝，杜門不出二十餘載。子祿，有文名，爲兵部郎中，使陝西稱旨，超陞光祿少卿。

陳漢 正統七年任廣東新興學訓導，經明行修，訓誨不倦。寇來攻城，設策禦之。有司以其能，檄往招撫，賊首羅寅等二萬餘聞風向服。邑民賴之。

董秀 字實中。正統十年以明經舉，任寧德訓導。本身立教，教先躬行。選英俊篤學之士，朝夕督訓，不贍者資以粥、茗。在任將十年，陞雲夢教諭。

謝睿 字元思。景泰間授靖安教諭，訓人有方。官至翰林檢討兼國子助教。子贊。

贊 字維盛。正德中以進士選禮科給事中。嘉靖初，諫乳媪濫封，因勸上節恩澤，戢內侍，又論救翰林呂柟等，皆蒙聽納。大禮議起，偕諸給舍力爭，詔杖闕下。未幾，論張孚敬、桂萼輩儉邪不可用，復奪俸三月。明年，遣使兩廣，途中上言乞戒在外諸司酷刑，朝廷感動，下詔榜諭。出守太平郡，道卒。隆慶改元，贈太常少卿。子啟元，孫夢亨，<sup>(五)</sup>並嘉靖中舉人。啟元，雅有詩名。蒙亨官長史，<sup>(六)</sup>冲夷簡約，有先世遺風。

袁達 字德孚。正統間貢太學。授陵水令。性愷悌，又精醫藥，在邑數年，民有疾者，時至其家療治之。卒年九十。

車寧 字子靜。舉進士，歷戶、工二部主事，南吏部郎中，出參湖藩，轉參政廣東，官終廣西左布政使。多學強記，磊落有權略。始居郎曹，著聲。出參湖廣，適保靖宣慰負險遠不受約束，寧單車造之，諭

以朝廷威德，遂受鞭弭。在兩廣，用鎮靜綏荒裔。蠻獠叛服不常，或議兵勦，寧曰：「彼禽獸耳，而逼饑寒。」復單車諭之，皆歸附，得編戶六萬八千四百口，歲徵其租五千七百八十餘石。事聞，賜金幣。

林榮 字尚仁。宣德中爲海鹽教諭。以經義德行訓迪多士。卒官，幾無以斂，士哀慕焉。

龔鑑 字叔明，復姓陳。授萊州教授。質直孝友，善於訓迪。

邵銅 字振聲。景泰中以進士授監察御史。天順初，與同官疏劾曹吉祥、石亨罪，英宗震怒，下錦衣獄，謫知壽光，改博羅。蒞政嚴明，無私謁。嘗督造冊籍，括爲易見圖，縣人式之。從督撫勦寇，督撫薦其賢。擢知溫州，致仕。

謝瑀 字叔和。歷官戶部主事、員外郎中，廣東布政司參議、參政，布政使，致仕。瑀在戶曹，奉使賑饑畿內，全活甚衆。廣東高、雷、廉三郡值用兵征討，瑀督餉以廉著聲。性忠厚坦直。治家有法，嚴而能睦。

鄭同 字本初。初授祁門縣，清慎寬簡，興學愛民。擢海州守，在州六年，政教兼施，德威並著，以制歸。民思慕之，樹楔曰一清，以表其操。官至太僕寺丞。

林淳 字廷實。授鄱陽教諭。有時名，尤善教家。

張續 字士繹。任處州府教授。才思清越，敷教在寬。

高瑤 字廷堅。成化初授荊門州訓導。上章請復景帝廟號，言：「正統己巳之變，先帝既已北狩，皇上方在東宮，虜騎薄於都城，宗社危於一髮，使非郕王繼統，國有長君，則禍亂何繇而平？黠虜何繇而服？變與何繇而返？六七年間海宇寧謐，五穀屢豐，元元樂業，其功不少。迨夫先帝復辟，貪天功者遂加



厚誣，使不得正終，節惠賸祀，未稱典禮。人心猶鬱，天意可知。伏望特勅禮部集議，追加廟號，以盡親親之恩。」下禮部議，景帝之得廟號，實瑤疏啟之也。改宜興，擢知番禺縣。政先風化，節財務義，廉正有威，人自不犯。有權倖創寺，使僧守之。權倖晨夕聽寺中鐘聲無有也，召僧問曰：「何不杵鐘？」曰：「畏高令耳。」權倖尋亦撤鐘去。布政使陳選每見輒嘆賞曰：「古循吏也。」市舶太監韋眷陪剋供辦，諸司莫誰何，瑤獨發其私船通番，沒入貨以鉅萬。都御史而下皆不敢問，獨選移文獎之。未幾，眷誣奏選比昵縣令，和同貪墨。命官會勘，坐瑤贓罪。獄成，具械赴京，選卒途次，瑤初擬爲民，特旨編成永州。釋還，卒於家。瑤喪父，事母至孝。天性剛直，居官二十年，無異寒素。所著有《松塢集》。

張璩 字彥明。少孤，事母朱，以孝聞。朱病，刲股和藥進。歷四縣學，舉其官，終海寧教諭。

葉穆 天順初除汾州知州，一年調吉州，巡撫都御史李侃薦。其去汾，人思，到吉，入悅。陞河間府知府。

鄭克和 以字行。歷戶部主事、員外郎，有清名。居官二十餘年，卒，無以殮。

林迪 字允吉。官終貴州參政。奉勅撫綏流民，有遺愛。

吳伯璋 字伯璋。授宣城訓導，改全州，遷樂清教諭。三爲校官，勤於誨誘。諸生中有質美者，汲汲造就之。性恬淡，毫不干人。有司雅重焉。

張濬 字哲之。授寧國教諭。成化中，改四會。四會有海寇，濬以策干總兵陳銳。尋擢饒平令。興學勸農，政有實用。縣有斗老謝全，頑梗亂政，濬以計捕殺之，縣人大悅。「斗老」者，言其科取人莫誰何也。會廣寇充斥，督府識其先嘗以策干總兵，檄領揭陽四邑兵禦之。賊平，功未及錄，而全子刁訟當道，

落不自白，鬱惋病疽，卒。家人空棗歸櫬。上諭曰：「張公不負所學。」饒人立祠祀之。子天顯，大寧都司都事。孫元積，寧波通判。曾孫煒，南刑部郎中，工詩善書，有時名。

何湜 字源潔。任國子學錄。事母至孝，母病，解官歸養，士論稱之。子顯，貴州參政，繼周見下。繼周 知萊蕪縣，廉慎有爲，發摘無留滯。有奸數輩，皆置之法，境內肅然。嘗建書樓以教生徒。旱蝗祈禱，天雨，蝗盡死。尋遷膠州，同知南昌府。

李廷美 以字行。爲刑部郎中，以忤汪直外謫。終蘇州太守。廷美篤交誼，面折人過，與游者皆憚其嚴。弟廷儀。

廷儀 字鳴鳳。令定海縣，正大寬平，民父母之。陞順天通判。外戚奪民田，爲直其事，坐謫六安州同知。屬邑霍山饑，巡撫牒賑，所全活甚衆，擢貳南安。南安，巖郡也，賊阻山谷，時出剽掠，募能走險者，帥之進討，俘斬五百餘，降渠魁陳能白等數千人。督府攘其功，耻於自言，遂引歸。爲人愷悌率諧，雅嗜酒，善聲詩，見爲遺落世故，及處煩劇，毅然無利害。內行純至，篤天倫。少乳於丘嫂，母事之。卒後，里中御史林鉞、葉奇、吏部郎鄭善夫、處士高濂、傅汝舟群然嘆曰：「李大夫仕宦，進退退尺，不究二三。歿而不彰，懿行若何？」私謚之曰夷。

穆子源 嘉興通判。有詩名。

王俊 字世英。選翰林庶吉士，授戶部主事，以終養歸。復起，擢知袁州，修學宮，浚水利，治持大體。滿九載，遷廣東參政，撫化猺獞，廣人德之。

黃裔 字世用。令武寧、當塗、江山三縣。廉明古朴，仁惠及民。其在武寧，民有鈎致流屍，折其脇

骨以誣仇家，獄久不決，甯視之，曰：「令毆傷也，何以骨外折？」誣者服，甯人號爲冰鏡。轉工部主事。改戶部。董運河，築堤城隍，以不合歸。時人爲之語曰：「黃部郎，黃部郎，返故鄉，携空囊。」

鄧琪 字弘中。令常熟，嚴明鋤奸，箠殺橫巨豪，都御史畢亨疏琪賢，民詣闕乞留，詔書旌異，入爲戶部郎中，終貴州參議。

林廷庸 以字行。令肥城，有惠政。母喪服闋，補睢寧。以父病免歸，鄉人重其孝友。

鄭琳 字文玉。知象山縣，廉介剛方，鄉紳屠太宰曰硬頭官，時因號鄭硬頭。係逮，江西參議，剛介有祖風。

陳紀 字叔振。選翰林庶吉士。授監察御史。奉命按兩浙鹽法。改督學北直隸。轉陝西按察使。

弘治中，以僉都御史撫宣府，尋佐院，爲副都御史。致仕。卒，賜祭葬。紀天性孝友，與物無競，當官公行。在陝西，出十餘年之滯獄，凡八百。晚入長臺，清慎平恕，見重班行。中貴人李廣有寵於上，諸公莫不造請，紀獨不往。廣敗，諸公夜扣壽寧侯求解釋，紀自如。

周熊 字世祥。官刑部員外郎，執法不阿，士論稱之。

李燁 字文輝。以御史言事謫武陵丞。釐奸革弊。郡有猾賊，群盜附之，民訴，輒以賂免，燁悉法之。武陵孔道，疲傳送，疏請復原轄州縣，分其勞費。尋乞歸。囊橐蕭然。

林瑩 字世調。歷吏部郎中、廣東布政使。蒞政以寬，人稱其厚。

吳循 字惟序。任程鄉教諭。資性凝重，博涉經史，講學無間。有所論著，士爭傳誦。

陳明 字文顯。慷慨尚義，善屬文。歷官高唐、沔陽學正，遠方之士，負笈相從。

郭珙 字元圭。先尹會稽。有大豪撓法，漁食閭里，珙下車廉狀，召數其罪，案以法。邑患水，大饑，矯發粟，全活甚衆。調秀水，清操惠政，如會稽時。終任皎然，人不敢干以私。孫麟、波。麟知新昌縣，有氣概，爲王文成所知。

波 字澄卿。知長洲縣。嘉靖初，織造太監張志聰恣睢橫索，波持法挫之。志聰忿甚，遂誣波撓御造龍衣，執而倒曳之車後，賴典史蕭景腴以免，語在關柝志。方志聰誣訴時，波已擢工部主事，方至京，遂與浙江布政使馬卿、杭州知府查仲道並以忤內侍被逮。科道官咸以爲言，上下波鎮撫司獄。已，命降爲江西布政司照磨。後官戶部主事。波善爲詩，其古律學杜。

李尚達 字時望。知天長縣，輕徭薄賦，政暇詣學宮與諸生講論。調知桃源，去後見思。陞監察御史。

許坦 字履夫。宋許將之裔。仕大理知府，居官才敏著稱。精《易》學，門下多所造就。子繹，温州教授，繼，南安知府。孫嗣宗，戶部郎中，其先知新建、崇仁二縣，不沾沾立名而實心實政，百姓德之。

張懋 官河南藩寮，年老還鄉。正德間，江淮群盜縱橫，懋以俸錢市藥物載歸，去之二百餘里，其子尋驚之，得息數倍，懋驚曰：「此人必誤，不然逕庭至此耶？」勅持還之。居家恤宗尤厚。孫廷器。

廷器 字用大。知羅田縣，質直有前輩風。

鄭蘊中 字德輝。弘治中，任石首教諭。學邃《春秋》，多所造就。文章德行仰止後進。擢貴池令，與上司議獄不合，拂衣歸。家居，夫婦織席爲食。有門生以御史按閩，屢候弗見也。一指揮防海欲得善地，持厚賄乞關說，嘆曰：「胡爲及我？」再三懇之，蘊中呼里人欲執詣官，指揮跪請：「御史意也。」終不

納。年九十餘終。

黃源太 字子通。任襄陽教授。博學多才，教人極盡心力，嚴立科條，令諸生誦習，日夜不息。正德間令瑞昌，端謹沉毅，有節介，不屈撓。教諭魏暹采其善政十條，題口遺德。子季瑞，歷御史、大理少卿。

林謹夫 字世玉。弘治間令景寧。先是，縣有銀冶，豪右擅採取利，輸課則以困齊民。謹夫力白當道，得蠲豁。陞杭州同知。

葉仕美 字邦彥。正德中知蘄州。耿介明毅，忤宗室不怵。流賊人寇，單騎集兵禦之，城賴以全。

葉性 字叔理。官終慶遠同知。慈祥愛人，以理學誨士，時翕然宗之。

許天錫 字啟衷。選翰林庶吉士，爲李文正東陽所推許。既以思親成疾，陳情乞還，孝宗方重文學之臣，特賜傳歸。親終還朝，授吏科給事中。歷工科左、右給事中。居諫垣七八載，謇諤有氣節，與言官何天衢、倪天明並負時望。京師語風概者，輒稱「三天」。孝宗嘗因天變，令中外大小臣上便宜言事，錫言：「天視聽在民，民殃禍在政，而政之蠱弊在人。自古災變未有多若令者，皇上勅中外尋求弊政，考察官吏，至振刷矣！」臣竊謂外臣方面以下三歲一考，歲有撫、按監臨，間從科道糾劾，惟南京堂上官卽屢經彈奏，率見優容，五品以下，雖十年考察，而居官大約九載爲期，又或轉陞，復除別改者。乞今兩京五品以下通行考察如例。黜降以後，每六年一考。兩京堂上官經彈奏者，悉令自陳休致，取上裁罷黜，用儆有位。臣又聞古有災異，策勉三公，霖雨愆陰，亦或避位。今文武大臣既不能引咎避位，陛下又未遽策免，亦宜且暫革其公少之銜，以昭憂勤之實，俟天心旣回，乃還厥職。臣又聞祖宗朝之御內官也，恩不泛施，法不輕貸，內外各有定額。近年內府各監、局掌印僉書多至三四十員，外而各衙門管事不知其數，留都亦

然，憑陵奢暴，莫可殫舉，蠹蝕朝廷之命脉，塗墜生靈之脂膏。乞勅司禮會同內閣悉行考察，嚴加革裁，以後三年、五年著爲定例。」上善之，下所司速議。於是命兩京五品以下官，六年一考察，著爲令。惟考察內官事寢不行。天錫倜儻不羈，心存忠孝，以古賢哲自期，立朝前後三十餘疏，多見採納。至其執法直言，劾邊鎮總戎、管事內臣無所回撓，中外服其嚴公。孝宗上賓，抗言山陵事重，臺史庸劣，遂奉旨偕太監扶安、禮部侍郎王華與術堪輿者往，天錫遍歷諸山，還言施家臺吉，遂從其議。正德改元，遣封安國王，正朝禮，却餽贐。還朝，會已進都給事中。逆瑾肆威，天錫不勝忿激。一夕，具登聞鼓狀千有餘言，大概力陳時弊，欲痛杜履霜之漸。稿成填胸，以首觸柱，自經而死。時妻孥無從官者，惟一蒼頭在旁，能言其故。次日蒼頭驚懼，潛懷鼓狀亡，負天錫志矣。嘉靖十九年，子春赴闕訟冤，詔追賜祭葬。按正德三年實錄：六月己巳：「先是，有旨令錦衣衛不時查點六科給事中，違者指名奏治。是日，該直指揮余寶奏：『工科都給事許天錫不至』詢其故，則初一日已死矣。」時逆瑾方羅織文臣，天錫恐中傷，實縊而死焉。」於戲！死，乃人之所共惡也，以朝廷耳目之官，畏中官之橫，寧就死以求免禍，亦可傷矣！林文安狀亦言：「公奉使復命，先已進是科都給事中待之，然遭時孔艱，向同敢言者多已不安其位。追思受知先朝，非死無以報國。遂於是夕手其登聞鼓狀千有餘言，大概力陳時弊，漸懼履霜。稿成，氣填胸臆，以首觸柱不死，遂自經於屋梁，絕絕仆地而亡。日光煜然不閉。時妻孥無從官者，惟一蒼頭在旁，能言其事如此。至晚，邵中書仁甫，暨吾子郎中庭樹，奔入舍館，哭之。發其篋，無有餘貨，乃集士夫賻祭儀物，輿棺殯殮如禮。次日，蒼頭驚懼，潛懷鼓狀亡命，負君志矣！」（嘉靖十九年實錄）：「大錫，正德中以查盤內庫，發逆瑾罪惡，瑾積恨，矯詔逮問，潛遣人殺之。」按二說不同，並載於此。

高文達 字思德。授戶部主事，請告家居。久之復起，歷員外郎中。乞休，銓曹上其賢，有旨擢浙江副使，致仕。文達性剛褊，好爭論，然自其先世饒財積而能散。既歸，荷笠灌園，客有造廬者，問高副使安

在，文達束帶出見，乃卽灌園人。正德戊寅，閩卒怨布政使伍符裁省月糧，脫巾爲變，文達與都御史廷玉撫諭之，皆解散。越數月復變，復與廷玉撫定之。嘉靖末，有司上其功，詔立祠，與廷玉同祀。

羅維遠 字明之。授德慶學正。輕財樂施，友於厥弟。子一鸞。

一鸞 字應周。知雷州。政尚寬厚，決獄明允，簿書過目洞然。雷值巨浸，沿海居民漂屍盈野，鸞涕泣招俸瘞之。捍海堤崩，發帑修葺。復建崇文書院，以教子弟。後擢廣西副使。

張燮 字明臣。爲人尚意氣，多聞識，議論慷慨。仕終文昌縣。

邵文恩 字仁甫。通敏和厚，工真、行書。選直諸勅房，累官尚寶卿。忤權貴，外遷鹽運同知，致仕。年九十餘卒。

王公大 字道行。授泗州學正，擢南戶部郎。出爲浙江鹽運同知，却例金千餘。遷程蕃知府，以道遠乞歸養。家郭外，四壁立。觀風使者屢造禮之。

張仲源 字原潔。弘治間判宿州，政事通敏，吏民愛慕。

陳達 字德英。正德初授寧波推官。時方弱冠，吏胥不敢易以少年，遂以廉能擢南兵部主事。尋人爲職方。尚書王瓊推重之，每當遷秩，輒言：「吏部願留陳職方共事。」居久之，轉太僕少卿。嘉靖初，改大理，尋晉僉都御史，巡撫山西。議節祿糧，爲宗藩誣奏，罷歸。達守官處鄉，所在重其靜。家遠城市，人罕見而。屢空假貸，晏如也。弟暹。子朝錠。

暹 字德輝。授大理評事，歷寺正，陞安慶知府。廉靜平恕，約己裕民，斷刑詳慎，不妄出人。宿松有田荒而畝存者，民歲賠糧，力請諸臺舒之。人覲，齎田充行橐。轉兩淮鹽運使，苑馬寺卿十餘年，始爲

參政，攝藩事數月。司庫以羨餘例進，遲令貯爲公費，其人熟視不退，遲曰：「慮盜侵耶？」署數字封識之。亡何，擢江西按察使，方伯以前金爲贖，弗受也。仕終廣東布政使。喜爲詩，詩摹唐人。兼明象緯，製辟穀丸療大饑，聞者詣乞丸以治。

朝錠 字元之。歷象山知縣、崖州知州。投牒歸。抵家，轉永寧府同知矣，竟不出。歷官二十載，貧不異諸生時。鄉居杜門讀書，絕跡城市。身死而子孫不能自存。

鄭善夫 字繼之。郎戶部，時劉瑾方用事，力告歸。築少谷草堂金鰲峰，作遲清亭，曰：「俟天下之清也。」巖居六載，交游寡絕。日晏未炊，欣然自適。有司勸駕奪起，改禮部主事員外郎。武皇將南狩，善夫約諸曹郎伏闕上疏，上怒，使之罰跪闕門。跪時，別作諫草置懷中，囑其僚曰：「死，爲我出之。」其疏曰：「臣聞天子端外屏，以示嚴也，非郊社不離宗廟，以承重也。宮牆九重，出則警蹕以防奸也。夫以天下大器，權邪側目而不敢發者，無其便耳！陛下遠不見曹欽，近不見劉瑾，又不聞英廟事乎？乘輿遠出，內無儲君，外有勁虜，而驕貴弄臣專典禁兵。萬一變作，誰保無虞？陛下以威武大將軍、鎮國公前往泰山獻香，誠爲社稷、人民耶！臣聞雨露所滋，無不孳息，雷霆所壓，無不摧折。煦然而福，肅然而威，萬化時行，百神率職者，天也。泰山之神，尊於天乎？天以祖宗相承之社稷、人民付陛下，誠欲陛下敬其威，和其人民，保其社稷而能享其宗廟也。陛下郊不視牲，齋不誓戒，改卜者三，出而馳道，非所以事天也。禘嘗不親，非所以尊宗廟也。圓丘之上，烈風揚沙；太皇、太后祔廟之夕，七月雨雹，此天戒也。五岳之神，不啻天之僕隸，慢於主翁，恭其僕隸，不待智者，知不饗矣！陛下連歲北巡，爲陛下留行者抗言有害，而未嘗見其害也，非惟無害反有利焉，宜陛下之厭之也。然臣愚謂陛下之漸成矣。昔扁鵲再說，齊君不用，三見



遁去，嘆曰：『疾在骨髓，不可及矣！』當今民窮財盡，青、齊、淮、楚間，水旱連年，甚至父子相食。臣恐今日之形，扁鵲遁矣。天下名實方懼大怪。《春秋》尊無二上，制：『王公而下，皆曰臣。』今以天子之尊，貶而稱公，莫大怪也！非但大怪，且有大憂，若有不順藩王以公禮處陛下，將安之耶？抑責其不臣也？堯、舜恭默無爲，萬世言治。陛下自謂雄姿大略，衽金革，暴霜露，手格單于，身其勞而功其鄙也。陛下不思堯、舜則亦已矣，獨不聞先皇帝？先皇帝敬天勤民，親賢遠色，察佞幸，絕游畋，亦惟自正其心，爲天下本，而文武効用，不勞以治。先帝何故不勞自治？今復何故身勞而亂？陛下可靜思也。臣久伏草茅，絕心仕進，痛惟先帝祝天求才，不忍以無用自棄。抱此悃誠，久欲上獻，明知職非言路，寧觸忌諱以死者，誠惜陛下英明，不忍天下之日敝也。』善夫竟不死。居頃之，嘆曰：『世道如此，何可爲計哉！』復乞告歸，徘徊越山水，採天台、雁蕩者久之。入武夷山中，雖疴羸善病，而游覽不廢。嘉靖改元，薦起吏部驗封司郎中，道病卒。閩中，國初有卜才子，至善夫而始振風雅之道。晚乃厲志聖賢，曰：『任重者，身也。途畏者，口也。致遠者，道也。邪行亡乎體，違言不存口，要諸遠矣。』善夫交游，盡海內名人。其詩規倣少陵，兼目時變，故寓幽憂。雖才韻弗充，占色精言，高映霞表。與山人孫一元、衢州方豪、鳳陽殷雲霄最相善。

鄭餘慶 字從善。令定海，勞心撫字，不務繁苛。嘉靖初，島夷入貢，構隙倡亂，餘慶繕城隍、嚴備禦，境內獲全。又爲建閘作硤，灌漑民疇，修學置田，興起士類。獎繆廉五世同居，以風民俗。歲饑發廩賑濟，陳救荒十事。積勞卒，民哀而懷之。餘慶少孤，奉母至孝，大母欲以先業多分叔父子，餘慶請於母，承志弗違。及爲令，舅氏家貧來省，舉屋售之，既予直百金矣。母色不悅，餘慶卽還舅券。其卒也，定海上大夫私謚之曰恭孝。

黃鏗 字叔和。歷工部主事。精於《易》學，受業甚衆。孫功懋。

功懋 字懋貴。選戶部主事、員外、郎中，出知嚴州，大著廉聲。以治行優改湖州而聲益藉。入覲，卒於道。

林文焯 字士明。任太平教諭。習禮，善爲容。

趙德剛 字崇節。爲德興令，方下車，桃源寇至，邑無城郭，伐木作柵，與賊角。時憲副欲以金錢賂賊，德剛謂：「民困，安可重斂？」遂卽壘，親諭之，因被賊執。尋以計脫，復誘致賊黨數十人，戮之，賊始引去。歲大饑，力請蠲賦八千石，給賑七千八百兩，民獲再生。終武昌府通判。德剛敏毅有爲，當官無所避事，及其居鄉，損於任職，惜也。

袁達 字德修。仕貴溪令，免歸。爲人博學強記，而迂不曉事，世人癡之。既免令，家居，自負其才，嘉靖中，詣闕獻賦，執政以其無奇也，罷之，大窮而歸。

林繼顯 字德純。嘉靖初知新寧縣，尚教化，省刑罰，均徭役，舉廢墜，廉介之操，八年一日。新寧人碑之。

袁宗耀 字世明。性至孝，領鄉薦，以母病不上春官。嘉靖初授銅陵教諭。或勸其下進，笑不答。年四十餘，尚未子，妻爲置妾，見之大驚曰：「日暮矣，可累人？」卽遣還。後其妻舉息，則年五十矣。歎曰：「吾素多病，不慕榮進，末子是憂。今已子，歸老必已。」擢開封教授，不赴。家居，敦尚行誼。父愛庶子，產悉讓。子表。

表 字景從。萬曆初授中書舍人，轉戶部郎，終黎平知府。善聲詩，與里人趙世顯、王淇、吳萬全、林

世吉結社嵩山、烏石間，有《逋客集》八卷。子敬德，未寇登科，綽有成人之度，敬烈，有能詩聲。

張孟中 字道宗。授戶部主事，應詔陳言，諫武宗慎起居，絕游娛，斥遠閹宦，詞甚切至。轉兵部郎，復疏六事：請崇聖學，建儲位，通言路，戒游幸，去小人，正名號。武宗怒，廷杖之，奪其俸。杖創甚，越數月卒於邸舍。

凌雲 字應賢。畢力探討輯續《全唐詩話》數十卷。官至常德判。

陳則清 字君揚。守泰州，改祁州，又調滁州，皆有惠政。擢南刑部員外，坐誣，謫判台郡。未幾，擢守程番。後以都御史巡撫雲南，卒官。賜祭，諭給葬。爲人篤交誼，雖微賤舊游，問遺不絕。

劉世揚 字實夫。選翰林庶吉士，授刑科給事中，歷吏科都給事中。嘉靖初，有內侍崔文者，始興齋醮事，世揚抗疏彈劾。張孚敬、桂萼以傳奉爲翰林學士，世揚復疏論之，有旨詰責，下錦衣獄，世揚猶執前議。俄得釋，又上八事，大臣惡之，遂謫江西布政司照磨。御史陳察陞南太僕少卿，將行，請亟召用世揚，察亦坐謫。久之，稍遷判常州、南京祠祭郎中、廣西僉事。轉督學河南副使，未上，卒。世揚內行潔修，自期古人，流落於外，直氣不衰。子鶴翔、鵠翔。

鶴翔 字雲卿。善古詩，文亦雅健有典則，負氣不肯下人。官終彭澤令。與鶴翔同時者，有謝定相、謝啟元、薛欽、徐珙、葉麟，俱以孝廉，能詩稱一時。

鵠翔 字宇卿。授蘄州學正，歷常州府同知。冰蘖獨持，常俸外，無所染。然簡直，不能事上官。轉靖江王府長史。卒之日，僅僅守先人敝廬而已。婦翁亡，無嗣，外姑捐千金產贈之，謝不受也。

方邦望 字表民。詩學平淡，得古人趣。終惠州府推官。

林炳 字用晦。任宜城教諭，能得上心，終未陽知縣。

高應經 字繼道。初授祁門教諭，性行剛介，教人先行後文，語爽氣和，恩意懇至。歷崖州知州。卒，無以葬，祁之弟子尚齋金爲助。

周朝俛 字勤可。爲華州守，寬仁節省，執正不阿。官終雲南副使。

林鉞 字克相。爲御史，謫州判，罷歸。稱詩邑中，與鄭善天、傅汝舟、高濂相善。其爲文好用僻澀字，令人不曉爲快。

戴亢 字師賢。嘉靖初，以戶部主事與同官疏議大禮，被旨廷杖。轉員外郎，監楚稅。荆門巨猾積逋，先藏金於官舍以嘗亢，亢取置於辟，逋稅畢輸出。僉憲四川，忤當事，引疾歸。復起補貴州，勦平土官王阿向大亂。賜白金、文綺。尋乞休。亢狷介自持，官序偃蹇，家居杜門掃軌。卒年八十餘。

鄧榮 字仁夫。正德中貢士，授黃巖主簿。清惠剛介。棄官歸。

鄭寶 正德間任鬱林州同知。署北流縣印，適妖賊李通寶爲亂，與其子宗珪率兵出禦，殺賊二十餘人，乘勝逐北，遂皆死焉。事聞，贈本州知州，蔭一子國子生。

許仕昭 字晉甫。授河間教諭，勤慎善教，士論多之。終肇慶府同知。

王欽 字公寅。令黃巖，著績。擢兵部主事。卒於官。

周倫 字明世。任州學正，捐俸周貧，端範率物。仕終監察御史。

王舜卿 字師禹。仕終廣東僉事。風格峻整，所至墨吏望風畏之。

陳希登 字伯龍。爲人敦尚行誼。先教新城，廉不苟取。後官大理評事。

蔡文清 嘉靖初貢，歷王府教授。鄉行孝謹，不苟取與。

張萬里 字廣陵。嘉靖中貢士。爲人有俠氣，受知於學使江以達，及貢之京師，以達因事下詔獄，萬里傾身護之。官終湖廣都司經歷。

林天駿 字守良。官終膠州知州。精書篆，篆學李斯，生時莫貴也，死後一紙輒數金。

王應槐 字汝旦。初授高唐州學正，服闋，補太倉。敦尚氣節，一以方正率士。太倉州守廷辱之，應槐叱守，白其冤，卽拂衣歸，年三十餘耳。歸，以《尚書》教授子弟，家徒四壁，窮約終身。

鄧遷 字世高。令香山，待里胥以嚴，定賦役以法，修創書院，與諸生講學，治行最諸邑。陞嘉興府判，署嘉善縣，有築城功。子原岳。

原岳 字汝高。有文名。舉進士，授戶部郎，典粵試，督滇學，晉楚參藩。所在以文采著稱。卒年僅五十。原岳爲人巖巖嶷嶷，持論不少下。久與處，溫夷閭閻，油然可親。其交游多海內名士，終始無間。

陳子文 字在中。父鏐，貴溪教諭。子文舉進士，授麻城令。精敏沉毅，訟者一見輒能記其姓名，里居。其政在防舞文之奸，雖老吏猾胥莫能知其所爲，不得夤緣取民一錢。隸卒立庭中，若木偶。歷戶部郎。貴溪相夏文愍爲諸生時，爲子文父所知，及子文爲郎，文愍時時接引之，子文委曲辭避，遂以常調出守長沙。窩賊尹大憲阻山環水爲寨，有捕者輒鳴鼓集衆，隔水射殺之，歷數郡守莫能除。子文至，當道檄嚴捕之。子文故率緩遣，密伺其狀，知其畜憤甚多，時竊出交易，乃伏壯士數十人水界，而選一人授方略，挾短兵托買犢以往，果得誘出，伏卒發，莫知所備，遂生擒渠魁，其黨悉驚竄。時以爲異政，全楚十五郡，稱治行第一。子內艱，服除，補池州。單車入境，不挈妻孥。學諸生僞異稟業者，恣其往來郡齋，與同

寢食。悉其無私藏，無私受于謁也。遷湖廣副使，勦撫諸苗，悉降以附。竟以勞卒官。子文故好山水，覽勝賦詩，蒞官遂廢，自言在留都未嘗一到華山，在長沙未嘗到岳麓也。

孫邦彥 嘉靖間貢，仕常山訓導。迎養致孝，待上有恩。

陳節之 字尹和。授戶部主事，改翰林編修。遷中允，扈駕南巡，卒於途。爲文簡勁有法。

陳文浩 字子川。廉靜慈祥，任兩淮鹽運同知，嘗署司篆，立秤兌亭於兩壩，俾諸商自視衡。群商爲飛語所中，法當沒鹽幾萬餘引，文浩從容申救於巡鹽御史，得白。復密察諸場稽課給賑，釐革官吏侵漁弊源，爲畫一法。銷解餘鹽價及贖罰羨金六百餘兩，帑牘溢金千餘兩，呈作正額，巡鹽御史深嘉之。鹽司故脂膏地，賓客過，至繫衣帶爲供。李運使稱文浩「守官如水，決事如流」。人謂稱情。久之，遷程番知府。咸惜其久滯宦途，僻授邊徽也。

王鑛 字公範。初知分水，邑無城郭，爲築四門備防禦。官終思明府同知。居鄉，以敦慎稱。

鄒文元 字師善。初任邵陽諭，《邵陽志》稱其教嚴行潔，不受貧士之餽。官終長史。

王子聰 字汝達。初知於潛縣，清勤守官，而民間利病微隱畢見，邑號「玉壺冰」。破大盜鮑邈過等於大目山，斬獲二百餘黨。薦治行第一。丁艱去。再令景寧縣。治如於潛。兩邑人俱祀之。子夢麟。

夢麟 字維振。狷介，負強直聲。初判吉安，郡多崇撫，執法不阿。調嶺右，積羨餘鹽課六萬緡，請蠲民間糧十萬餘石。再判潁州，修管敬仲之墓，爲戒樵牧，潁人頌麟不容口。又判桂林府，以病請歸，篋中圖書數卷而已。夢麟孝友切至，父歿，遺四弟，貧且穉，舌耕哺啜之，讓宅於弟，自僦弊祠以居，及屬官，出俸資悉散諸弟。葬父，形家謂不利於冢子。夢麟曰：「猶子非子乎？父厝未安，遑恤我後。」聞者稱

爲善言。

謝濂 嘉靖間貢，任西安訓導。器度壯雅，經明行修，勤於課士。

葉繼善 字兆元。任含山知縣，賢能著聲。

林洪 字禹範。官終思明府同知，篤厚謙和，所至以廉靜聞。

鄭啟謨 字用文。專精墳典，手不廢卷籍。鄉評稱其孝友。仕蕪湖知縣。

鄭汝清 字澄夫。官瀏陽知縣。處家孝友，蒞政仁慈。

張嘉猷 字獻叔。能爲古詩，好奇負，不肯下人。仕終德府教授。

王繼芳 字師啟。知仁化縣，操行廉介，事持大體。捐俸建濂溪書院，集諸生講業。官終永定知

州。

林紀 字廷肅。知石城縣。工畫山水，能詩，每尺幅題咏，人競寶之。

林懋和 字惟介。少孤，赤貧，好讀書，不事事，族戚咸厭棄之，獨與寡母相依，志不阻寒餒。舉進士，選庶吉士，改禮部郎，有廉能聲。出督楚學，名能得士。歷廣東左布政，乞歸，年四十耳。家藏書數萬卷，閉戶讀之，三教九流、曆數、醫卜之學，罔不窮究。每與客譚，墳索外，無他及也。詩文秀整典則。年八十餘卒。

林堪 字尚乾。初授澄邁教諭，搜輯邑志，訓迪諸生無怠。分校南畿，過姑熟，有兩上舍持數千金懷刺求通，堪署刺曰：「藉貲而負所學，受貲而負吾君，皆天戮足也。」兩上舍愧而遁。轉宣化令。同安洪朝選參粵藩，與堪善也，朝選與御史抗，御史劾朝選及堪，遂罷。後主爵者以御史言不當，調朝選而出御史，

然不及堪矣。堪外溫內肅，生平一語不妄。性至孝，人母許治家甚嚴，堪幼侍竟日，未嘗移寸趾。其奉父母承顏順志。有一弟，父母愛之，弟一子而堪子三，以己產均弟，不問也。

周文燦 字伯熙。知三水縣，持廉敷寬，毅然爲民去不便，營建遞興，初不病民。以薦調知六合縣。

張樞 字世運。知靈山縣，有平寇功，蒙欽賞。終賓州知州。

許興 繇選貢，嘉靖中任奉化教諭。閒居，衣冠不懈。令士子讀書必反之身心，深以迎合時好爲恥。奉化人稱其範模。

陳柯 字君則。官終江西參政。居家以孝友稱。

周行 字賓示。任隨州知州。操端性敏，以孝義勸民，盜簡訟息。祀隨名宦。

高巖 字允瞻。任眉州知州，舉廢禮賢，作廟祀秦李冰。州人愛之，爲肖其像。陞高州府同知。以母老乞終養。子士奇。

士奇 字懋正。歷知宿、萬二州。宅心坦夷，處家孝友，揮塵談雅，冷然世外。

林貞相 以字行。事父母以孝聞。任感恩知縣，清謹著聲。

黃應麟 字仁卿。任承天府通判，月旦評其孝友。

李遇春 字以仁。居家孝友，宗黨無間。以鄉薦郎戶部，出知柳州府。調尋甸，留意興革，築河堤，濬渠道，置義田，寢征調，嚴閉納石崗等礦場，分屬四十三寨夷落。以忤撫臣歸。再調不赴。尋人思之。

陳謹 字德言。爲文溫厚平實，指言時事不激不阿。徐文貞階爲考官，深器之。旣對大庭，世宗親擢第一，授翰林修撰。文貞留與語，見其於天理、人欲、君子、小人之際，辯之晰而持甚堅，已，察其所爲，



自朝謁外，閉門讀書，不輕交接，妄取與，益重之。後三年，遣使冊封藩府，以拜命後期，出爲惠州推官。

居一年，改南京太僕寺丞，尋改尚寶寺丞。又三年，轉南京國子司業，考績入都，留爲中允。踰年，丁父

憂，守制家居。謹夙有才名，大魁天下，又溫潤醇雅，需接不倦，士人快觀樂從，造門請業，殆無虛晷。居

一載，會其家人與兵卒相毆，謹出解之，既守制凶服，又樂易無威儀，遂爲亂挺所傷，卧病月餘卒。事聞京

師，給事中岑用賓劾巡撫福建汪道昆：「以撫臣之威，令不行於士卒，養成桀悍之氣，白晝大都賊虐近

臣，恬不爲怪。宜亟罷道昆，然後按治諸驕卒以正法紀。」疏入，上罷道昆回籍聽調，令巡按御史陳萬言名

捕首惡把總曹麒麟等。萬言以屬監軍副使金淞，淞恐生變，白萬言：「待麒麟護客兵歸日捕之。」麒麟等

乘間亡去。萬言以聞。淞坐奪俸一月。蓋嘉靖之季，閩寇甫定，客兵驕悍，法紀玩愒矣。子一愚。

一愚 萬曆中貢士。恂恂溫雅，與人交喜怒不形。竟以漳州府學訓導卒。

林惠 字仁澤。父歿，廬墓三年，祭先必敬必齋。兄弟六人同爨四十年，雖妯娌無間。嘉靖間，以貢

官增城教諭。

李中 字汝執。學邃材懋，操履端嚴。嘉靖間，以貢任臨江教授。教在上而惠亦及民。擢令保昌，

臨江士思慕之。

鄭日新 字孔化。任金華教諭。清介勤慎。終賓州知州。

葉子僉 字永諧。任秀水教諭，敷教以寬。終梧州通判。

鄭雲鑒 字邦用。父璋，精《易》學，生平無戲言偽行，造次必禮法。雲鑒舉嘉靖進士，授戶部主事，

椎關不染。出爲浙江提學副使，持正靡阿，請託斷絕。擢湖廣參政。楚世子幼，武岡王構飛語，將爲不

利，雲鑒按治之，世子遂得襲王。時當主試事，計江陵相子人棘當爲地，辭疾不往。會河決淮邳，當事者承相風旨，議濬河五百里以通運，雲鑒躬詢利害，上河議數千言，事遂寢。相奪情假歸，諸公出迎送，奔走數十里，雲鑒郊迎，外無加禮也。言官希意攻其短大計，調廣西。以母老乞休。家居十餘載，杜門侍養。以薦起爲四川左布政。尋卒。弟雲鏞。

雲鏞 字周卿。生而後其伯父坦，坦寡妻鄧撫雲鏞自己出，其嚴之不啻父師，而雲鏞篤事鄧亦不啻母。久之，其本生父卒，雲鏞方爲書生，上書督學使者請終喪，學使者善之，弗許也。以鄉薦守連、靖二州，俱有廉聲。官終益府長史。

陳聯芳 字以成。授金華府推官，廉平著聲。選監察御史。北虜犯通州，京師戒嚴。上防守五事，世宗嘉納之。歷南京太常寺卿。卒，賜祭葬。爲人愷悌溫恭，奉身儉約，布袍敝績，終身若寒士。

林舜道 字允中。以刑部郎中出知南安府，隨身一篋，貯所御冠裳及敝衣數襲而已。郡舍役使，僅一蒼頭也。累四川副使，貴州、廣西參政。平生不以片刺通銓曹，故遷轉皆在荒服。卒於官，僚屬贈之，始就斂歸櫬。貧不能葬，提學副使王世懋其門人也，爲買地營窆焉。

熊志良 嘉靖中簿始興，出橐金還邑學，董諸工役，視若家政，時具牛酒勞之。領賊曹，鼠竊屏跡。縣令蔣希禹從士民請，祀之名宦，且爲之傳。

趙鉞 嘉靖末爲普寧令，單車至縣，戢盜安民，三年大治。適增城令缺，承委署篆，惠政有加。代去，民益思之。《廣東志》載鉞，鄉薦。本郡題名無考。

徐楫 字子瞻。嘉靖末貢士，任茂名教諭，飭躬勵行，橫經課士。終永寧知縣。茂名人祀之名宦。

陳樂 字九成。父嘗得奇病，樂晝夜侍側，渴甚，含水啣之，三見所卧床自舉，離地不爲怪，竟以得瘳。鄉黨咸推其篤孝。署南靖學諭，歷兩維學正，轉大理寺司務。衣無采，食無肉，卧無帷帳，病中乃以布席禦風，然口未嘗言貧，賓朋享會，皆備物盡歡。人謂「清畏人知」，樂實有焉。

沈德琛 字獻甫。博洽多聞。隆慶初貢士，歷寧都知縣。

陳茂薦 字瑞卿。任湯溪知縣，真誠慈愛，修學課士。值歲饑，留心賑恤，湯人德之。

陳堯欽 字仲敬。曾祖鏐，惠州通判，以清白稱。堯欽歷漢陽知縣、桂林同知，並著廉能。卒官，囊無長物。

鄭懋洵 字克齋。知南和縣，一塵不染，百廢俱興。性簡亢，與僚屬相齟齬，誣以侵賑，坐奪官。廣平守蔣以忠憐之，爲輸其贖。復授徒於臨清年餘，藉其束脯，始得還舍。

卓揚烜 字含仲。真誠朴忠，有古人風。署南皮諭，甫任，卒。

林國相 字廷贊。歷山西參政司，驤政，有賢聲。河東商民祀之。

鄭七奎 爲歸化教諭，型範端莊，磷淄不入。

林材 字謹重。起家舒城令，以最人諫垣。歷史科都給事中。與客談朝事，常有歎惋憂時之意，爲一時士大夫所重。以建言謫揭陽典史。家居二十餘年。天啟初，起田間，積官南通政使，卒。

鄭燿 字汝孚。署同安教諭，識許癡諸生中。任峽江知縣，烏撒同知。治邑佐郡，禮士愛民。一署眉州，民懷其惠。

王應巡 萬曆中選貢。潔行藻修，學貫經史。任惠安訓導，坐齋頭，諸生執經問難，洞窺本原。陞雅

州知州，廉奸剔蠹。

鄧原岳 字子高。起戶部郎，出督滇學。陞湖廣參議，管副使，卒。原岳巖巖岳岳，所至強直治辦。在滇時，稅墻虐餓，其爪牙笞辱諸生，原岳捕治之，囊以三木，墻遂謝乃解。葉向高銘原岳墓稱：「閩自國初林子羽、王孟敷輩以詩名，號稱『十才子』。其後，則有鄭吏部繼之。吏部歿，絕響矣。年來才士蔚起，復修明其業，而鄧公爲之倡於鼓舞其間，雅道大振。」

吳爾施 字仲聲。能詩，善於發端。仕至上石知州。

〔校記〕

〔一〕「三」字，各本原脫，據本書體例補。

〔二〕「朱習」，各本原闕本傳。

〔三〕「郭麟」，各本原闕本傳。

〔四〕「陞左春坊右諭德」，據明朝官制，其「左」「右」二字，當有二誤。

〔五〕「〔六〕」「夢亨」，據文義，當是二人。

〔七〕「服除」，各本原作「復除」，據文義改。

閩書卷之七十五

英舊志 縉紳

福州府 侯官縣

唐進士

元和十四年己亥 陳去疾

開成三年戊午 蕭膺

大中元年丁卯 陳鏞

乾符二年乙未 陳謙

中和五年乙巳 倪曙

大順二年辛亥 黃璞

乾寧二年乙卯 黃詵璞子。

黃滔璞從弟。

三年丙辰狀元 沈崧

薦辟、人才賢者見列傳中。

有傳

陳去疾 林傑 陳執中 蕭膺 陳鏞 陳謙 黃璞從弟潛。

陳去疾 字文醫。及第後得告還家。觀察使裴又獎振儒風，特加禮異。後爲邕州副使卒。

林傑 字智周。六歲舉童子科。觀察使崔于禮異之，副使鄭立爲作《奇童傳》。年十七卒。

陳執中 字允中。累試不利。觀察使徐晦以其富於文學，辟官幕下。丁家艱，負土營墓。郡守黎

植、楊發咸薦之。終汀州司馬。

蕭膺 字次元。官至大理司直。膺登第，閩中同舉者三人，自是號爲「文儒之鄉」。

陳鏞 字希聲。精史傳，文體類西漢。後復應史科。終鄂州刺史。

陳謙 字昌言。登三史科。求便養，爲本部長史。歷春、韶二州刺史，所至有善政。居官餘祿供之

宗族，親友。謙恭仁孝，稱美鄉邦。

黃璞 字德溫。其先固始人，晉馬南浮，隨徙侯官。登進士，調尚衣監主簿。乾寧初，改崇文閣校書

郎，致仕。璞善爲詩歌，一時撰著，藩鎮間傳誦之。黃巢初寇建州時，軍中謠曰：「逢儒辱師，必覆。」及入

閩，過璞家，令曰：「此儒也，毋辱之。」滅炬而過。所著有《霧居子》及《閩川名士傳》。〔子仁藻，著作

郎，仁渥，太子正字，仁渭，著作佐郎。從弟潛，御史裏行，與璞同時館職。號一門五學士。庶子仁淵，

擢武舉。璞後自侯官徙居莆田，今侯官所居，人稱黃巷，莆田中山，人曰黃巷山。

潛 字文江。乾寧二年，崔凝知貢舉，得及第進士張貽憲等二十五人，昭宗覆試之武德殿，黜落者

衆，而潛被留。光化中，除四門博士。朱梁移國，因歸閩，不復西。以監察御史裏行充威武軍節度推官。

王審知據有全閩，而終其身爲節將者，滔規正有力焉。中州名士避地於閩者，若李絢、韓偓、王滌、崔道融、王標、夏侯淑、王拯、楊承休、楊贊圖、王偶歸、傅懿輩，悉主於滔。有《泉山秀句集》及文集行世。洪邁序滔文：「瞻蔚典則，策扶教化。詩清淳丰潤，若與人對語，郁郁有貞元、長慶風。祭陳林先輩諸文，悲愴激越。《馬嵬館娃》、《景陽水殿》諸賦，雄新雋永，使人讀之，如身生是時，目攝其故。」楊萬里稱滔詩，如《聞新鴈》「聲初觸夢，二半白已侵頭。餘燈依古壁，片月下滄洲」；《游東林》「寺寒三伏雨，松偃數朝枝」；《上李補闕》「諫草封山藥，朝衣施衲僧」；《退居詩》「青山寒帶雨，古木夜啼猿」。與韓偓、吳融輩並游，未知何人徐行後長者也。

## 五代

賈郁 林鼎

賈郁 字文正。以文策干王審知，補仙游簿，遷本縣令。峭直不容人過，守正奉法以風賊吏，吏畏憚之。延鈞建號，聞郁治才，令典舊邑。改福清令，召爲御史中丞。

林鼎 字渙文。好讀書，殘編蠹餘悉手抄綴。初謁錢鏐，以爲觀察押衙。尋以爲其子元瓘幕府。元瓘襲國，署鎮海軍掌書記、節度判官，掌國教令，拜丞相。恒極言政事之不逮。卒，謚貞獻。

## 宋選舉

咸平元年戊戌 吳千仞

三年庚子 林介 黃誥

景德二年乙巳 張翼

大中祥符八年乙卯 王甲

天禧三年己未 王平甲弟。

諸科 陳象

天聖二年甲子 陸廣

五年丁卯 江階

寶元元年戊寅諸科 鄭洙

慶曆二年壬午 陳襄象子。

諸科 陸廩

六年丁亥 江震

皇祐元年己丑 劉靖

五年癸巳 陳君章襄弟。 黃嘉會 曾伉 鄭穆

嘉祐二年丁酉 陸長倩廣子。 陸衍廣從弟。 曾默 陸憲元廣子。

四年己亥 陸宣後改名崎。廣侄。

六年辛丑 吳卞 陳敦夫襄侄。

八年癸卯 張俗

治平二年乙巳 池鄂

四年丁未 江通階侄。



熙寧三年庚戌 江庶階子。 陸長愈廣子。 黃群

六年癸丑諸科 黃國材

九年丁巳 林敷 劉會元

元豐二年己未 吳開 崔登

五年壬戌 孫大廉 黃國材

八年乙亥 洪浩 王詢 陸如岡憲元子。

元祐三年戊辰 陸恂廣孫。 崔國寅登從弟。 葉聲

特奏名 陸望宣弟。

六年辛未 王勳

紹聖四年丁丑(二) 葉源聲兄。 陸蘊宣子。 葉闢 葉正臣源侄。 柯廷堅 陳之邵

元符三年庚辰 鄭修洙孫。 陸愷恂弟。 陳鏐 辛炳

崇寧二年癸未 陸藻蘊弟。 曾晏仇子。 葉預聲從弟。 陳亨衢 方時可

特奏名 鄭震洙子。

三年甲申，幸太學，上舍釋褐崔珪登了。

五年丙戌 陸震懣子。 鄭强 劉方翼會子。 周思 鄭畋 李邁

特奏名 江漸庶子。

大觀三年己丑 崔瑀登了。 洪元壽浩侄。 吳暇開子。 張穆 蒲穀 吳昉開子。 彭元達 關韶

劉寔靖孫。 崔宛登侄。 李謙

政和二年壬辰 黃珪 謝良翰 陸綬長愈侄。 崔寔登侄。 陸守衍子。 洪剛中 劉宇寔弟。 林大

聲 陳之美之邵兄。

三年癸巳釋褐 薛銳

四年甲午釋褐 洪緯浩侄。

五年乙未 鄭昂穆孫。 郭中行 李友直 陳亨道亨簡弟。 陳洪

特奏名 葉龔

重和元年戊戌 葉大任 陳溫卿 黃紳 林永 陳杲 陳向 林求

宣和二年庚子釋褐 陸竑恂子。 陳輔洪子。

三年辛丑 周孝嗣 葉南仲源侄。 楊彥 劉彥和靖族孫。 彭文嗣元達侄。

六年甲辰 陳倬然 洪元英浩侄。 鄭文經 劉知己 陸祐衍孫。 江達震曾孫。 陳祖禮君章孫。

葉顯大任兄。

建炎二年戊申 林安宅數侄。 孫夢良大廉子。 陳宋古

紹興二年壬子 陳叔嘉倬然從弟。 陸承休憲元曾孫。

特奏名 洪元康

五年乙卯 王觀國 黃究 曾旺

特奏名 陸文昌憲元孫。

八年戊午 彭公永元達侄。

特奏名 孫雋夢良兄。

十二年壬戌 尚元鼎 林安國安宅弟。

十五年乙丑 林機 崔源 黃槐卿 陳偉然 姚公特 葉儀鳳

特奏名 陳才弼洪子。 江洵直

十八年戊辰 蒲堯章穀侄。 蒲堯仁堯章弟。 葉翔鳳儀鳳弟。 朱江 劉坦靖族。

特奏名 葉能報龔子。

二十一年辛未 陳安卿 林岳 林之奇 楊嘉績 郭祚 陸楠 林育昂從兄。 曾景奎旺族。

二十四年甲戌 黃謙 洪元芳浩侄。

特奏名 彭公立公永兄。

二十七年丁丑 陸琰愷孫。 黃崇 陳昭嗣 林宋顯 江文叔洵直子。

特奏名 鄭東卿穆曾侄孫。 莫朋 吳明恐卽「莫朋」之似。

三十年庚辰 林仁壽 黃由 解梓 王亘旦弟。 葉世美 姚俊之

特奏名 李剛

隆興元年癸未 林虢安國子。 陳敦修杲孫。 陳宋鼎宋古侄。 程澤 林穎秀 莫子震明從侄。 柴

子春 林炳然機侄。

特奏名 彭公表元達子。

乾道二年丙戌 彭演公永子。 李宗甫文定公後。 林獄 田質 楊梅卿彥侄孫。 陳德明

特奏名 洪春卿元康侄。

五年己丑 洪杞浩侄。 馬場 岳牧 莫子春子震兄。 楊應嘉績從侄。 洪格浩侄。 陳嘉運 王基

張伯宗 林之懿之奇從弟。 陳山甫 林叔秀穎秀弟。

特奏名 黃作群侄。 方襄時可侄。

八年壬辰 陳億才輔孫。 洪叔莊元方弟。 林行可安宅族。 李歲 鄭晞璫 鄭通修孫。 陳仲禮才輔

了。

特奏名 曾丕烈默孫。 李倫歲叔。

淳熙二年乙未 楊敏中應叔。 關文通詔曾侄孫。 陳孔碩 范文壽 彭崧文嗣侄。 彭煥公永侄。

陳次公叔嘉子。 劉商衡靖族。 葉楠儀鳳侄孫。 鄭應辰 解渙梓侄。 江立叔洵直子。

五年戊戌 方曠時可族。 黃泰 林采大聲孫。 陳綱

特奏名 陳敏修敦修弟。 陸玠震子。

八年辛丑 潘士表 蔣斌 王椿 洪紱元壽侄孫。 陳朴 陳綽 洪公巽浩侄孫。 曾鉢丕烈子。 池甲

方宗時可侄。 洪鑄元壽侄孫。 陳修億弟。

十一年甲辰 楊宜中 陳畦 楊安 鄭昌之昂孫。 曾愿旺侄。 方壽曾時可孫。

十四年丁未 陳元第二人。 林翹然 陸彥敏龜曾孫。 劉忞奕曾孫。 吳孝齡 方巖起曠侄。

特奏名 黃邦彥 馬璋場兄。

紹熙元年庚戌 張益之 王旦旦兄 陳子堅倬然子 洪搏元康孫 姚有容

四年癸丑 陳怡朴弟 陳典之邵孫 林子冲之奇從子 陳忠 陳武公次公弟 陳伯震襄八世孫

特奏名 方岡

慶元二年丙辰 鄭拱 張士炳 方隆時可曾孫 葉觀世美侄 葉發世美侄 凌冲琰侄孫 葉莫發

弟。 陳季修安卿子 洪杲公巽子

特奏名 林概第二人 大聲子。

上舍釋褐 鄭擢拱兄

五年己未 梁丙 李冲 蕭杞 蒲開宗堯章子 江公宜文叔子 陳孔夙孔頤兄 楊譽詢梅卿弟

姚子才有容弟。 齊琥 李大有剛孫

特奏名 林果采弟

嘉泰二年壬戌 吳俯助曾孫 王同旦子 丁謙 林半千 姚同 江巖公 陳端甫 林楫穎秀侄

三年癸亥兩優釋褐 林垌

開禧元年乙丑 吳應龍均侄孫 林公紹 謝伯恭 黃從樞侄 曾應甫晏曾孫 姚白有容子 楊

宏中宜中弟。 黃公謹崇孫 阮登 劉炳文商衡侄 陳韓孔碩子 李起巖遷族

特奏名 辛曄炳侄

嘉定元年戊辰 鄭自誠解元 後改性之。 黃桂第二人 邦彥子。 徐範 曾夢傳仇孫 黃順卿邦彥子

朱伯旻

特奏名 陸明遠補從侄。

四年辛未 李照 黃登 徐孝顯 陳飛 陳真卿 黃愷詹曾孫。 劉庚夢先侄。 任士寧 陳彥信復

兄。 洪卯鑄族。 劉該松子。 林樞

七年甲戌 李士煒倫孫。 陶季侍 陳汲 陳子震 吳文震 鄭自得政曾孫。 陳義和之邵曾孫。

林仁伯 張渙 葉儀鳳 黃林發 方翀卿家子。 鄭光增 劉拱辰

特奏名 方夢申 翀卿族。

十年丁丑 楊公羽 林紘 王萬同弟。 方應祥隆子。 鄭應龍 吳文龍應龍兄。 方禹錫時可族。

特奏名 陳士蒙次公子。

十三年庚辰 王振父 盧壯父 彭燭公永侄。 李公綰起巖侄。 葉一新能報曾孫。 曾韶顯抗孫。

柯亨宗 曾齡韶顯族。

十六年癸未 陳夢庚襄族孫。 陳元鳳 曾必大 梁柱 黃修革子。 陳應龍 葉及新 游繼榮省試

第一人。 彭夢午改名耕道。 公立族。 林桷樞弟。

特奏名 方寅時可侄。

寶慶二年丙戌 陸祺老 林嶠 陳士晉士蒙弟。 鄭概光增弟。 林勸 陳十應璉曾孫。 陳樵子

盧同父壯父兄。

特奏名 楊雲慶敏中族。 陳士泰偉然孫。 張翊穆曾孫。 鄭經

紹定二年己丑 黃朴狀元。 余正 章以貴 徐孝忠孝顯弟。 楊豈宜中侄。 李宗勉國輔侄。 林機

應辰侄。卓炎子 李虞卿公婿。方仲嘉馬錫弟。

特奏名 曾丙孫韶顯弟。張綱穆曾孫。

五年壬辰 陳南美 陳光庭南美叔。陳子智 張天定伯宗侄。吳珪卿應龍從兄。王獬 洪夢龍

黃復古

端平二年乙未 趙孺子 陳塏襄曾孫。

嘉熙二年戊戌 許文岳 姚逢午震特兄。黃士度順卿侄。陳中孚才弼曾孫。

特奏名 李發先大有侄孫。

詞學科 盧壯父同父弟。再中。

淳祐元年辛丑 黃景亮 林耕子冲子。陳珪 程應斗 陳首龍 黃澤 陳叔似昭嗣族。程若水

林立叔炯侄。陳知章伯震子。

特奏名 葉首卿

四年甲辰 余孟成 王得一 葉自 黃庚孫 林公槐 張榮國 連通

七年丁未 姚垣同孫。方大任 吳珪 葉觀光 葉應得新族。

十年庚戌 陳和暉子。

寶祐元年癸丑 陳垕子樵子弟。

特奏名 盧泰父同父弟。鄭有聲光增子。

四年丙辰 陳賞第三人。張清之 黃遂 陳仲賓

薦辟、人才賢者雜見列傳中。

有傳

陳希穎孫襄。襄孫字，曾孫暉。暉弟映。

謝德權 吳千仞 王平 鄭洙 鄭穆 陳烈 周希孟 陸

蘊弟漢。 陳之邵 辛炳 鄭強 吳昉 彭元達 黃珪 陸祐 林安宅 林之奇從子子冲。 陸楠 王

亘 林行可 陳孔碩子韓。 楊宏中 鄭性之 徐範

陳希穎 至道中爲果州戶曹。有稅官貪墨，同僚惡之，無與言者，希穎時責數之，遂坐有隙。已，稅官秩滿，治裝，其小吏言於郡將曰：「彼篋多金，可發也，某盡知其處。」郡將付希穎驗實，希穎曰：「當其居官，不能懲也，比其去也，乃以吏言陷其長乎？」因密授意稅官，稅官得盡易置其篋。及行，希穎率吏伺於途，語吏曰：「孰篋有金，盡拘留之，他可悉縱遣。」及送郡啟視，篋則無金。希穎後人登第者，三世以二十人，孫襄，其一也。

襄 字述古。少孤，自立，出游鄉校，與鄭穆、周希孟、陳烈爲友。一時學者沉溺雕琢之文，所謂知天盡性之說，皆迂闊之而莫之講。四人者始相與倡之海濱，聞者驚以怪，卒化而從，尊爲「四先生」。襄舉進士，調簿浦城，攝令事。縣多世族，請託脅持，襄每聽訟，召數吏前立，私謁者不得發。邑有被盜者，賊曹捕偷兒數輩至，出語相撐拄，襄曰：「某廟鐘能辯盜，盜者捫之輒有聲，不盜不也。皆往捫之。」因自詣鐘，祭而祝之，陰釁以墨而蔽之帷。令諸偷捫。一兒畏聲不敢也，襄候其出，察其手不墨，曰：「是矣。」遂伏。知河陽縣，教民始種稻。作草舍，進縣子弟講說。時富弼爲郡守，故禮襄，或謗襄於弼，弼疑焉，人勸毀學舍，塞謗，襄益講說不懈。久之，弼自語襄，襄曰：「自反而縮，往千萬人矣。公有惑志，何名知己。」



弼益奇之，及入相，薦爲秘閣校理、判祠部。知常州。人爲開封府推官、鹽鐵判官。神宗立，奉使契丹，以設席小異，不卽坐，契丹移檄疆吏，坐。出知明州。明年，同修起居注，知諫院。改侍御史知雜事。論青苗法不便，乞貶王安石、呂惠卿以謝天下。又乞罷韓絳政府，以杜大臣爭利而進者。且言韓維不當爲中丞，劉述、范純仁等無罪宜復官。皆不聽。召試知制誥，襄以言不行，辭，乞補外。安石欲以爲陝西轉運使，神宗留修起居注，復懇辭，諭以手詔，乃就職。踰年，爲知制誥。安石又欲出之，神宗不許。尋直學士院，益爲安石所忌，擯其書詔小失，出知陳州。徙杭，以樞密直學士知通進、銀臺司兼侍讀、判尚書都省。卒，贈給事中，謚忠文，號古靈先生。襄自始達及終，身聞天下有學行、吏能、道德、忠義之士，其才可以進之朝，庇生民、表人範者，不必盡識知，具書其實，以遺其所部使、牧守或執政柄者，未見登用，薦不已也。天下之賢因之拔擢致身，而不知其自於襄者衆。是以其亡也，公卿大夫、四方髦俊，識與不識，咨嗟歎息，若喪朋儔。孫子。曾孫曄。

字 字伯愛。尉莆田，得劇賊，不受賞，曰：「可藉人命自進官階？」

曄 字日華。慶元二年知汀州。歲發郡帑助學，割隸官田爲諸生廩餼。減坊戶口食鹽價以利細民。俗尚鬼信巫，疾不醫藥而委命於巫。寧化富民至與祝史托五顯神爲奸利，侈立廟宇，婦人欲動，或用裙襦舂上。曄竄祝史，杖富民，毀廟宇，大索境內妖怪、左道，收火其符咒。郡人廣西帳幹吳雄作《正俗論》三千餘言，紀其事。乃作義塚，掩遺骸，殯無所歸者以千數。遷廣東憲使，創韶州東西橋，作安仁宅以居官族之流落無依者。得廢寺、絕戶田，以口數均給，嫁娶、喪葬有差。凡護構出嶺者，量遠近賄助之。弟映。

映 嘉定初知汀州，爲政一守其兄法。秩滿，亦遷廣東憲使。而先是，守汀者爲閩縣陳粹，至是，人以映與其兄曄並舉，爲「晉安三賢」。

謝德權 字士衡。父文節，仕王氏爲侯官令，入南唐爲忠烈都虞侯、饒州團練使，以驍勇聞。周世宗南征，文節擐甲渡大江，潛覘敵壘，吳人號爲「鐵龍」。後守鄂，拒宋師，戰沒。德權初以父死事，李煜署莊宅副使。歸宋，詣登聞院自薦，補殿前承旨，以歷右侍禁。咸陽浮橋壞，轉運使宋太初命德權規畫。德權築土實岸，聚石爲倉，用河中鐵牛之制，纜以竹索，從此患絕。咸平二年，宜州溪蠻叛，命陳堯叟經度，德權從行，單騎入蠻，諭以朝旨，蠻衆聽命。加閩門祗候、廣韶英雄連賀六州都巡檢使。代歸，提點京城倉草場。先是，厝積患地濕，多敗腐，德權甃臺藉之。京城衢巷狹隘，命德權廣焉。德權先撤貴要邸舍，貴要紛然。有詔且止，德權面請曰：「臣業受命矣，沮事者皆權豪輩，各屋室僦資耳。」真宗從之。兇人劉曄、僧澄雅訟執政與許州民陰搆西夏爲叛者，詔溫仲舒、謝泌鞠問，令德權監之。已，按驗無狀。翼日，對便殿，具奏。謝泌進曰：「必追攝大臣，乃可成獄。」德權曰：「不可。大臣無罪受辱，則陛下何以使臣，諸臣何以事陛下？」真宗可之。六年，命城新樂縣。遷供奉官。又命浚北平砦濠，葺蒲陰城。一日，遽乘傳詣闕求對。言契丹必入寇狀，當謹備。已，契丹果圍蒲陰。及車駕至澶州，德權單馬問道詣謁。還內殿，崇班提轄三司衙司，爲設條制，均差使。又命提總京城四排岸，領護汴河參督輦運。〔四〕前歲役浚河夫三十萬，主者隄防不固，但挑沙擁岸趾，或河流汎溢，卽復入河。德權分地轄之，須以沙盡土爲限，棄沙隄外，復爲大錐試隄虛實，隄可錐者，卽坐所轄植樹固隄，凡數十萬。改崇儀副使，兼領東西八作司。德權操持簡約，任事精勤，時時采察纖微以聞於上，人皆畏之。是以每領興造，剋日就事，勞費大省。大中祥符

元年，議東封，命與劉承珪、戚綸同計度發運。遷供備庫使，預修玉清昭應宮。德權雖號幹辦，顧謂是無益之役，時累徙民舍以廣宮地，劉承珪又議掘地及丈，加築以壯基址，德權悉與爭，竟不能奪，遂求罷。復領京城倉草場，導金水河，自皇城西環太廟，凡十餘里。三年，出知泗州，尋卒。以其子平爲定遠主簿，給俸終喪。

吳千仞 字儀之。師事蔡蒙叟，爲高第。文雅風流，鄉邦仰之。累官太常博士，知虔州，卒。

王平 本河南人。其父廷簡，當王審知時，被署爲安遠使，有勞烈於其國。審知死，遂置其官以老安遠。平自其舉進士時，已能力學自立，以經術游江淮之南，爲學者所歸。既舉進士，爲許州司理參軍，則以其職與強貴人抗曲直，活疑獄當死者數人。再主簿臨安扶溝，選開封府法曹參軍，令不能出其治，尹不能侵其守。遷秘書省著作佐郎，以覃恩遷秘書丞。出知分寧縣。入爲審刑詳議官，數辨疑似上前。遷尚書都官員外郎、通判荆南府。能以義憚其守，錯諸不法事。先是，仁宗以災異詔百官言事，平所言有以儆世者。其後，御史府惡老者在，事不能自己，以言趣之去位，平以謂待老者薄，非所以廣仁孝於天下，且養之非其道，使至於無耻，而專以法格之，滋乃教人薄。乃推三代禮意，爲《養老頌》以諷。凡平之行己、治民及所以論於朝者，皆出於寬厚誠恕，而其言易直以明。尋召爲侍御史。居一年，以人三司爲戶部判官。又一年，還之，爲言事御史。同時御史聞一事皆爭言塞職，其已嘗言，平未嘗繼以言。至排斥黨幸則獨切，多同時御史所不能言者。每承上，間言：「人不能無過，若以占繩墨治之，世殆無全人，要之忠信而已。忠信，雖有過，尚足用也。」奏事殿中，疾作，歸，不起。仁宗悼憫，賻之金帛，官其一子。先是，御史有物故者不賻，繇平故，乃勅有司并賻。平故游潁州，樂之，其卒也，遂葬於潁陰。子同、向、固、同、罔，御其

母家焉，遂爲穎陰人。回、向、問見裔派。

鄭洙 字教先。仕至虞部郎中，號東山先生。初，洙赴舉，陳襄送之詩，稱其「詞藻駕曹、王，聲華壓元、白」。蓋未仕時已重士林矣。

鄭穆 字閔中。好學深造，心仁氣正，勇於爲義，進退容止，動依《禮經》，門人從學以千數。四冠鄉書，遂登皇祐第。主簿壽安，召爲國子監直講，積官太常博士，改集賢校理。求外補，通判汾州。熙寧三年，召爲岐王侍講。嘉王出閣，改諸王侍講。府僚闕員，御史陳襄請擇人，神宗曰：「如鄭穆德行，乃宜左右。」凡居館閣三十年，而在王邸一紀，講說有法，岐、嘉二王咸敬禮焉。元豐三年，出知越州，奏免鑑湖田逋租萬緡。未滿告老，管杭州洞霄宮。元祐初，召拜國子祭酒，每講益無間寒暑，雖童子必朝服延接，以禮送迎。諸生皆尊事之。三年，楊王、荆王請爲侍講，罷祭酒，除直集賢院，復入王府。荆王薨，爲楊王翊善。太學生乞爲師，復除祭酒，兼徐王翊善。四年，拜給事中，兼祭酒。五年，除寶文閣待制，仍祭酒。六年，請老，提舉洞霄宮。勅教過門下，給事中范祖禹言：「古者大夫七十致仕，有不得謝，則賜几杖。穆年雖七十，精力尚強。祭酒，師資之地，正宜處以老成。願毋聽去。」不報。太學生數千人以狀詣司業，又詣宰相請留，亦不從。公卿大夫爲詩贈行，空學出租。明年卒，年七十五。子璆，軍事推官。

陳烈 字季慈。介僻，篤孝友。居親喪，勺飲不入口者五日。自壯及老，奉事如生。學行端飭，動據《禮》文。雖御僮僕，如對賓客。里中賢父兄以訓子弟，必舉烈言行示之。冠婚喪祭，請而後行。從學者常數百。鄉薦試京師不利，卽罷舉。或勉之求仕，則曰：「伊尹守道，成湯聘幣。呂望既老，文王同車。今天子仁聖不讓湯、文，豈無先覺攀伊躋呂？」仁宗屢詔，不起，人問故，曰：「學未成也。」公卿大夫、郡

守、鄉老交章稱賢。嘉祐中，以爲本州教授，又以歐陽修、司馬光等薦，召爲國子直講。皆不就。陳襄薦烈：「一心仁氣剛，才智篤越。學聖人之言而踐其實，稽先王之法而適於時。博通群經，尤明典禮。文章淵源浩博，肆筆而成，求之今日鮮有倫儔。安貧力學，積四十年，著書數萬言，未見其止。累降召命，辭謝不至。世以烈爲潔身獨行之士，非知烈者也。烈學師孔、孟，足興事業。伏望陛下以禮特聘，賜對清閑，使陳二帝三王之術、六經四子之要、當世之務，必有以上稱尊賢重德之舉。」已，福建提刑王陶言烈爲妻所訟，因詆其貪詐。司馬光率諸諫官爭曰：「臣等患士無名流，故舉烈以勵風俗。烈平生操守出於誠實，雖有迂闊，不失守經。若夫婦不諧則聽之離絕而已，何可爲橫辱所挫？」元祐初，部使者申薦，詔從其尚，以宣德郎致仕。明年，復教授本州。在職不受廩俸，鄉里遺問，絲毫無所納。卒年七十六。

周希孟 字公闢。通經邃《易》，知州劉夔、曹穎叔、蔡襄皆親至學舍質問經義。部使相繼論薦，詔賜粟帛，授將仕郎，試國子監四門助教，充本州學教授。三表力辭，不許。卒，門人曾伉等七百人相與塑像，祠之於五福寺。

陸蘊 字敦信。少知名，舉紹聖進士。爲太學《春秋》博士。崇寧中，提舉河北兩浙學事。召對，拜禮部員外郎。轉吏部，遷辟雍司業、太常少卿。議原廟，不合，黜知瑞金縣。還爲太常，進國子祭酒，累遷御史中丞。上書言數事，皆中時弊。以龍圖閣待制知福州，改建州，加顯謨閣直學士，引疾提舉鴻慶宮。方二浙用兵，旁郡皆繕治守備，蘊聞命就道，使者劾爲避事，奪職。稍復集英殿修撰，卒。弟藻。

藻 字敦禮。繇列曹侍郎出知泉州。時蘊方知建州，過廨，合樂燕款，邦人以爲盛事。藻守泉，崇尚高年，招致謝事五老而贈之詩。

陳之邵 字才仲。操履方平，博學好問，尤長於詩。爲畏樂簿，持廉惠下，治水利有功。官終朝奉大夫、宗正少卿。

辛炳 字如晦。舉進士，累官監察御史，兼權殿中侍御史。蔡京廢發運司，轉般倉爲直達綱，舟人率侵盜鑿沉而遁，戶部受虛籍而已。炳極疏其弊，且較歲數所人多寡，至虧額以百三十二萬，乞下有司。徽宗以問京。京怒炳沮撓，責監南劍州新豐場。尋提舉洞霄宮。起知袁州。移無爲軍。靖康初，召爲兵部員外郎。高宗卽位，除左司員外郎，辭。未幾，起直龍圖閣、知潭州。尋以起居舍人召，辭。紹興二年，復以待御史召。連疏三省所行乖失數十事，奏罷福建八州添差官至百八十餘員，以杜冗費。蘇、湖地震，下詔求言，炳言：「大臣無畏天之心，何事不可爲？」其言甚峻切，遂論罷宰執呂頤浩。張浚敗，召赴行在，炳復論其誤國，浚坐落職。除御史中丞。時方遣使和金，炳請講求守禦攻戰之策。以疾請外，除顯謨閣直學士、知漳州，未赴，卒。詔以炳貧，厚賻炳家，贈通議大夫。

鄭強 字南美。任萍鄉令。潔修勤勩。邑多瞽民，強謂縣勢形如飛鳳，鑿雙池縣南，以象兩目，民少瞽者。廬溪水漲，隄障之，民號「鄭公陂」。有厲鬼爲祟，創南源寺鎮焉。遷知汀州，興學增廩，擇師儒諄復教誨，於是升堂者數倍，遂有登第者四人。汀人立祠稽古閣下，春秋祭之。

吳昉 字彥昭。建炎中權知荆南軍，與賊戰，沒。贈朝議大夫，官其子。

彭元達 字宣仲。紹興中知惠安縣，值兵戈彫弊之後，講求利病，軍需百費，調度有方。遷邑學於舊址。及去，惠人祀之學東廡。官終朝散郎。

黃珪 字元功。歷衢、杭、汾、衛四州教授，除福建路提舉茶鹽司幹辦公事，累監察御史、刑部、吏部

郎。研究博洽，嗜學不倦。平昔寓止，必大書「誠意正心」四字於座右。官杭日，外臺有緣官寺進者欲薦珪，珪曰：「固願出門下，今舉狀幸已備員，乞回此以錄寒士。」在吏部時，中執法與相好，使所親語之曰：「將屈公再入臺中。」珪正色對之曰：「起居中丞某人，小人也，乃班從官首，某人，小人也，乃班庶官。公中丞，日造庭見此二人，污人眼目，敗人名節，如何不擊去？如某安用之？」其卒也，張九成銘其墓。

陸祐 字亦顏。爲莆田簿，判湖廣南路宣撫司準備差遣、福建茶鹽司幹辦公事。每謂：「權無良法，存心仁恕，禁網寬大，即公家不失大利之源矣。」泉南當海舶運輸之衝，部使者欲復市易，祐切止之，曰：「此漁奪之術。」竟罷。祐所至，盡職事，察冤獄，惠愛在民。生平不治產業，不求榮進，不隨俗尚，不顧人是非。居母憂，終喪不忍去墳墓。讀《論語》、《大學》、《中庸》、《尚書》，反覆玩味，究厥旨歸。既老里居，士大夫狀其學行，乞添差教授本州。帥葉夢得以聞，從之。命下而卒。

林安宅 字居仁。紹興中知新昌縣，百廢興舉，新昌人稱「縣令自宋中興以後，安宅爲最。」遷戶部郎中兼權樞密院檢詳諸房文字。孝宗卽位，擢左司郎中，試右諫議大夫，遷同知樞密院事兼權參知政事，端明殿學士。誥詞稱其「剛毅直諒，凜然立朝，有古諍臣之節，敏於從政，爲時良吏之師」。弟安國，官承議郎監察建康府權貨務。

林之奇 字少穎。紫薇舍人呂本中入閩，之奇甫冠，從之學。時將試禮部，行次衢州，以不得事親而反。學益力，本中奇之，從是學者踵至。舉進士，調莆田簿，改尉長汀，召爲秘書省正字，轉校書郎。朝廷欲令學者參用王安石《三經義說》，之奇言：「王氏三經率爲新法地，晉人以王、何清談，罪深桀、紂。本朝靖康禍亂，考其端倪，王氏實負王、何之責，正所謂邪說淫辭之不可訓者。」或傳：「金欲南侵，之奇作書抵

當路，以爲久和畏戰，人情之常。金知我重於和，常以虛聲喝我，而示我欲戰之意，非果欲戰，所以堅我和。我欲與和，宜無憚戰，使權在我。」又言：「必得如龐士元所謂俊傑者，乃可與共患難。」以痺疾乞外。

繇宗正丞提調閩舶參帥議，遂以祠祿家居。呂祖謙受學焉。有《尚書集解》、《春秋周禮論》、《孟子揚子講義》、《道山記聞》等書行世。從子子冲。

子冲 字通卿。學問德業有聲鄉里，士多宗之。初簿南豐，邑民交頌，邑令陳希尤所器重。郡守陳岐欲修二陳禮樂書，以子冲大儒之後，延以特榻，子冲隨文釋義，補闕訂訛。書成，周必大、楊萬里稱其精密。調將樂丞，未上，留盱攝郡太學。丁外艱，徒行扶柩歸葬，以哀毀卒。

陸楠 紹興末知興化縣。隆興二年旱，楠赤日當空步行七十里，爲民請命，忽然雲起，甘澍通夕。

王亘 字伯通。淳熙中爲博羅令，勤於吏事，修築隨龍、蘇村二堤。後知南恩州，力蘇民瘼，民思仰之。

林行可 博學敦行，爲縉紳重。紹熙中，知尤溪縣。修政事，辦財計，禁苛擾，挽士風，大振昔時蠹壞之習，政治術業名一時。

陳孔碩 字膚仲。祖禧，父衡，見韋布。孔碩立志力學，嘗從張南軒、呂東萊游。東萊死，爲心喪三年。後復偕其兄孔夙從朱文公學，甚見器賞。歷處州教授，邵武、瑞金二縣，淮東、廣西提舉常平，終秘閣修撰。所至，有古良吏風。有《中庸大學解》、《北山集》行世。學者稱北山先生。真西山《跋孔碩帖》曰：「北山陳公，辭章翰墨爲近世第一。予嘗見公所作贛州三橋，自書而篆之，每歎息以爲《袁州學記》號稱三絕，然非一人之手，而公兼之。公出入中外垂三十稔，不肯少變所守，高卧不出，以眉壽終。」子韓。



韓 字子華。登開禧初進士。從葉適學。長於治兵，慨然以圯下、隆中自許。嘉定中，爲淮東制置司幹辦公事，陳禦金策，闡帥用之，遂有堂門之捷。歷倉部員外郎。紹定二年冬，盜起閩中，韓方以親喪家居，帥王居安屬韓提舉四隅保甲，韓辭。轉運使陳汶、提舉常平史稱忠，<sup>(五)</sup>告急於朝，謂非韓莫可。明年，以寶章閣直學士起知南劍州，提舉汀州、邵武軍兵甲公事，福建路兵馬鈐轄，同共措置招捕盜賊兼福建路招捕使。未幾，加提點刑獄，而韓從此著功江南、嶺表間。韓之始起南劍也，疲兵不滿三百，府藏赤立亡餘，徒以至公大義感發人心，激烈慷慨，言出涕俱。首破沙縣賊於高樓，<sup>(六)</sup>賊趨邵武，勢轉熾。或請招之，韓曰：「賊僅百餘，不捕而招養之至千，又養至萬，更復養之，將無算矣。」因請得淮西兵五千人用之。有詔兼福建路招捕使。而賊復急攻汀州，會淮西帥會式中調淮兵至，韓以三千五百人從泉州間道人汀擊之，遂敗賊於順昌。其年六月，兵大合，有詔加福建提點刑獄。其秋，提兵至沙縣、順昌、將樂、清流、寧化，身自督捕，所向克捷。遂分兵進攻五賊營砦，平之。其冬，破潭瓦礫，夷其巢穴，遂誅汀州叛卒，諭降連城七十二砦，汀境皆平。四年春，遣將破下瞿張原砦，身往邵武督捕餘寇，賊首晏彪迎降，韓責彪曰：「降豈汝意，出力屈耳！」命斬之。進右文殿修撰，依舊提點刑獄招捕使兼知建寧府。而衢州之賊起，賊曰汪徐，曰來二，破開化、常山，勢張甚。韓命淮將李大聲提兵七百，出不意，夜薄其砦，賊出迎戰，見算子旗，驚曰：「此閩中陳招捕軍也。」皆大哭。輒急擊之，衢賊悉平。六年，進寶章閣待制、知隆興府。而贛寇陳三槍復據松梓山砦，出沒江、廣間。詔韓節制江西、廣東、福建三路捕寇軍馬。韓奏遣將劉師直扼梅州、齊敏扼循州，自提淮西兵親擣賊巢。朝命兼知贛州。端平元年，進華文閣待制、江西安撫使。二月至贛，斬將士張皇賊勢及掠子女貨財者。所統將李大聲、齊敏所至皆捷。因下令分兵守大堡，

截賊糧道，遂破松梓山。三檜與餘黨縋崖遁。韓督諸將乘春瘴未生，薄松梓。賊悉精銳下山迎敵，旗幟服色甚盛。韓軍步、騎夾擊，火之，士皆攀崖上，蕩其巢。賊首張魔王自焚，斬千五百級，擒酋十二，得所掠婦女、牛、馬、僭偽服物各數百計。三檜中箭，與敏軍遇，擊敗之，賊遁。翼日追及下黃，又敗之。餘衆千人，薙獮略盡。三檜僅以數十人遁，至興寧就擒。載之檻車，與其首黨五人斬首隆興市，而江、閩、東廣三路數州六十砦賊悉以平定。詔書褒獎，進權工部侍郎，仍知隆興兼江西安撫使。未幾，爲工部侍郎，改江東安撫使、知建康府，兼行宮留守。二年，入奏事，理宗稱其平寇功。韓頓首謝。遷權工部尚書，又權刑部尚書、沿江制置大使，依舊江東安撫使、知建康府。往來巡視鄂州江面，措置捍禦。三年，加寶謨閣學士、尚書，辭免，加徽猷閣學士、知潭州、荆湖南路安撫使。淳熙四年，召爲兵部尚書，遷禮部尚書兼侍讀，兼同修國史、實錄院同修撰。拜端明殿學士、同簽書樞密院事兼參知政事。尋拜參知政事兼同知樞密院事、湖南安撫大使兼知潭州。九年，以觀文殿學士、福建安撫大使知福州。五上章辭，以舊職提舉洞霄宮。開慶元年，召赴闕，致仕。充醴泉觀使兼侍讀。景定元年，授福建安撫大使兼知福州。久之，提舉佑神觀，力請致仕。明年卒，年八十有三。贈少師，謚忠肅。

楊宏中 字充甫。弱冠補國子生。孝宗崩，光宗以疾不能執，喪。時趙汝愚知樞密院，奏請太皇太后迎立寧宗於嘉邸，朝野晏然。遂命汝愚爲右丞相，登進耆德及一時知名之士，自意慶曆、元祐之治。韓侂胄竊弄國柄，引將作監李沐爲右正言，首論罷汝愚，中丞何澹、御史胡紘章繼上。竄汝愚永州。國子祭酒李祥、博士楊簡連疏救爭，俱被斥。宏中奮曰：「師儒能辯大臣之冤，諸生不能留師儒之去耶？」衆莫應。獨與蔣傳、周端朝、同邑徐範、羅源人張衡、寧德人林仲麟五人預議，遂上書曰：「自古國家禍亂之

繇，初非一道，惟小人中傷君子，其禍尤烈。黨錮蔽漢，朋黨亂唐，大率繇此。元祐以來，邪正交攻，卒成靖康之變。臣子不忍言，陛下不忍聞也。臣竊見諫臣李沐論前宰相趙汝愚，數談夢兆，擅權植黨，將不利於陛下，以此加誣，實不其然。汝愚乞去，中外咨憤，而言者以爲『父老懂呼』。蒙蔽天聰，一至於此。章穎力辯其非，首遭斥逐，聞者已駭，既而祭酒李祥、博士楊簡相繼抗論，毅然求去，告假幾月，善類皇皇。一旦有外補之命，言者惡其扶植正論，極力抵排，同日報罷，六館之士爲之憤惋涕泣。李沐自知邪正不兩立，而公議之不直己也，乃欲盡去正人，託言『朋黨』以罔聽聞。臣謂二人去未足惜，恐君子小人消長便判，則靖康已然之監，豈堪復見今日？臣願鏡漢、唐，懲靖康，明示好惡，旌別淑慝。臣膏鼎鑊實所不辭。」書奏，不報。則繳副封於臺諫，侍從。侂冑大怒，坐以『不合上書』之罪，六人皆編置，宏中爲首，將竄之嶺南。中書舍人鄧驛疏救，不聽。右丞相余端禮拜於榻前至數十，乞免遠徙，寧宗惻然許之。乃送太平州編管。天下號『六君子』。明年，移福州聽讀。嘉泰三年，特旨放參。開禧元年，登進士，教授南劍州。太守余嶸，故相端禮子，與相得甚。倂冑誅，先以言得罪者悉加褒錄。嘉定元年，特遷宏中一秩，亦不拜。六年，以嶸與汪逵、趙彥橐薦，授戶部架閣，俄遷太學正。八年夏旱，上封事，指切無隱。遷武學博士，改宣教郎。時諫官應武論一學官，宏中季試策士及其故，武聞啣之。秋，戊祀武成王，祭酒行事。故事，博士攝亞獻，至是不命宏中，宏中白於祭酒。於是武劾宏中與同列競，且謂其激矯不自愛。遂通判潭州。以親老請祠，差知武岡軍，未受卒。

鄭性之 字信之。弱冠游朱文公之門。嘉定元年，進士第一，授平江軍節度判官。召對，以聖學教太子爲先。除秘書正字。輪對，乞明國論、強國勢、勵節誼、專大帥之權、久邊守之任，至萬餘言。累遷知

袁州。召人言：「執政出一言，侍從之臣間有忠憤不然者，則立中傷之，使人人箝口，此非國家之福。」時東宮虛位，乞早定大計，寧宗嘉其請。後知贛州，改知隆興府，以寶章閣待制提舉玉隆萬壽宮，進華文閣待制、提舉上清太平宮，進敷文閣待制、知建寧府。端平元年，召爲吏部侍郎，人對，言：「陛下比者大開言路以通塞蔽，諸臣心苟愛君，誰不欲言？言不切直，何能感動？譬如積水，久壅一決，其勢必盛，其聲必激。故言者多則易於取厭，言之激則難於樂受。若少有厭倦，動於詞色，則讒諂乘間，或不自知。」所奏凡二千餘言。擢左諫議大夫，言：「臺臣交章互詆，願陛下鑑古今天下安危之變，君子小人消長之機，公以處之。若有關國體，有補治道，有益主德，言之過激，夫亦何傷？」拜端明殿學士、簽書樞密院事，累知樞密院事兼參知政事。加觀文殿學士致仕。寶祐二年卒。性之所至，爲民去害就利，尤務崇化厚俗，處父子骨肉爭訟，輒啟沃諄切，不事刑威。立朝正直忠厚，無所附麗。有《端平奏議》及與陳均同修《宋編年備考》行於世。

徐範 字彝父。少孤，刻苦。言色無疾遽。授徒養母。與兄舉於鄉，入太學。邑人楊宏中與同舍生議叩闕上書，爲祭酒李祥、博士楊簡請留。書已具，忽聞韓侂胄將置言者重辟，有同邑士同署名者，駭怖請削去，範友人亦勸範止，範曰：「無悔。」既奏，範編管臨海，禁錮十餘年。久之，登進士，授清江尉，辟江淮制置司準備差遣，差主管戶部架閣。改太學錄。遷國子監主簿。人對，言：「海內晏寧，猶當裁不急之務，省無用之官，矧多事之秋，奈何虛文自蔽？請一意養民，培植國本。」乞外。添差通判澤州。湖湘大旱，賑救多活。知邵武軍。尋召赴行在，言：「功利不若道德，刑罰不若恩厚，雜伯不若純正，異端不若儒術，諛佞不若直諫，便嬖不若正人，奢侈不若詩書，般游不若節儉，玩好不若宵旰，窮驥不若拊循。」遷國子

監丞，徙太常丞，權都官郎官，改秘書丞、著作郎、起居郎兼國史編修實錄。以朝奉大夫致仕。卒贈朝請大夫、集英殿修撰。

### 元科第

至治元年辛酉 楊杲

至正二十三年癸卯 蔣允文

### 皇朝科第

舉人 進士遇子、午、卯、酉是舉人，辰、戌、丑、未是進士。

洪武三年庚戌鄉試 李輝 林器之 葉德潛

四年辛亥進士以上庚戌鄉試、辛亥廷試，無鄉試者。洪武初年，科試未定，至十七年始有定科。 林器之 葉德潛

鄉試 林文福

十七年甲子 高景材府學。 陳益

十八年乙丑 高景材

二十年丁卯 王廣府學。 宋瑜

二十一年戊辰 王廣

二十三年庚午 趙全 陳桂 張信 黃玖

二十六年癸酉 江輻 潘玄 唐泰 李廣祐自泰而下，並閩縣學。 王褒以國子生，順天中式。

二十七年甲戌 唐泰 李廣祐

二十九年丙子 吳瓌

建文元年己卯 葉福第三人。 陳臺第五人。 程仲

二年庚辰 葉福

永樂元年癸未舉人舊志有洪武三十五年一榜，考是歲革除，故元年開科而明年甲申會試。 胡敬固縣學。 陳貞 陳

旻

二年甲申進士 陳貞 胡敬

三年乙酉 高桐景材弟。府學。 王善 林京安 林壽 王良 王遂儒士。

四年丙戌 林壽

六年戊子 林澤 鄭瑛儒士。

九年辛卯進士七年己丑會試，成祖巡狩北京，以中式八十四人寄監。是年選，乃舉廷試。 王善

鄉試 孫義府學。 林定 王弼 陳順 楊壽 鄭璫以貢，應天中式。

十年壬辰 孫曦

十二年甲午 程震 葉策 林生 王溥 鄭珞儒士。 鄭瑛珞兄。以嘉興典史，應天中式。

十三年乙未 鄭瑛 鄭珞 王良 程震 林定 王弼

十五年丁酉 廖伯牛第三人。 翁清 陳宗 程晶震弟。 楊佛童 戴珏 林彤 謝錡彤，錡，並儒士。

鄭瑛先是，應天中式，以違例謫武當督役。至是，湖廣復中。

十八年庚子 姚銑府學。 高旭桐子。 劉和 姜志 林權 王獻

十九年辛丑 廖伯牛

二十一年癸卯 黃紹 鄭珙 林琚 張衡信子。

林瑋自瑋至此，並儒士。

二十二年甲辰 姚銑

宣德元年丙午 李宗應 盧惠

二年丁未 陳順 黃紹

四年己酉 陳晶府學。 張文

五年庚戌 張文

七年壬子 鄧建第五人。

八年癸丑 高旭

十年乙卯 黃廷儀第二人。 陳暉府學。

正統元年丙辰 黃廷儀

三年戊午 余昂第一人。 林壤 劉景正 潘禎 陳鈍

四年己未 陳鈍

六年辛酉 程文晶弟。府學。 施俊 黃鎬 周文端 劉賢貢士。應大中式。

七年壬戌 劉賢會試第五人。

九年甲子 何溶 周榮 熊漢

十年乙丑 黃鎬

十二年丁卯 唐瀛第四人。 劉景星景正弟。

十三年戊辰 劉景星 唐瀛

景泰元年庚午 王佐府學。 姜竑第五人。 陳涓 周文奇文端弟。 徐安

二年辛未 王佐

四年癸酉 張德瑄 林壘 宋經 林玘 盧璋惠子。 林希玉 王集 林文鏗 林芝 林廷器儒

士。

七年丙子 劉琦 方彥京 黃維絢儒士。 林必芳儒士。

天順三年己卯 高圭桐孫。府學。 葉蘊 陳綸品子。

六年壬午 許寶第四人。 程剛 袁昌癸未場屋焚死，賜進士。 陳端 林玠玠弟。懷安學。 曾儀儒士。

方莊儒士。 劉進宗順天中式。

八年甲申進士先是，七年癸未春三月，會試場屋災，詔移秋八月。至是，春二月始廷對唱名。 林玘會試第三人。

成化元年乙酉 宋宣 陳塤 翁晏 姚珏 林堅 林璿玠弟。儒士。

二年丙戌 翁晏

四年戊子 林璿府學。 葉鑑 翁玉 陳淮 陳淵 何俊儒士。 姚志仁銳侄。閩清學。

七年辛卯 强滿府學。 曾端儀弟。 李源 林璿廷器弟。 馬慶 余完儒士。 趙明羅源學。

八年壬辰 强滿

十年甲午 蘇鏞 陳宗



十一年乙未·宋宣 趙明

十三年丁酉 陳仲堅 謝奎 林實

十四年戊戌 林璿 余完

十六年庚子 黃世昭維絢子。 王迪第四人。 周冕 黃克守

十七年辛丑 黃克守 林塘

十九年癸卯 陳晉暉子。 姚繼銳孫。府學。 魏廷器 鄭昇 曾瓘 林廷玉芝子。陝西中式第一。 黃

清貢士。應天中式。

二十年甲辰 姚繼 林廷玉

二十二年丙午 鄭冉瑛曾孫。府學。 蔣昂 姚鏘 曾基

二十三年丁未 王迪

弘治二年己酉 王康善孫。 何澄俊子。俱府學。 黃懌 潘巒 李恕 潘璋 黃惟棻 鄭濟珙孫。

五年壬子 曾文煥儀子。 張洪 傅顯 陳廷用 黃澎鐸子。順天中式。

八年乙卯 王士昭第五人。 黃榜 谷洪 林文繼玠子。

九年丙辰 王士昭

十一年戊午 鄭閻 秦行健

十四年辛酉 陳德懋淮子。

十七年甲子 舒釗第四人。 廖儀伯牛曾孫。 姚汝忠珏孫。

十八年乙丑 林文續

正德二年丁卯 高應禎第二人。旭曾孫。 黃豫 丘孟喬 王士和士昭弟。 王昇 陳世美

五年庚午 林春澤 宋邦端宣孫。 楊葦 林成

八年癸酉 鄭威濟子。府學。 王希旦佐孫。 陳相 秦行賓 田邦傑

九年甲戌 林春澤 田邦傑

十一年丙子 高世魁圭孫。府學。 蔡經復姓張。 林鏗△ 楊叔器

十二年丁丑 蔡經

十四年己卯 林椿 陳釗 蔣鉞 趙士讓明子。林壑玘孫。懷安學。

十六年辛巳 進士足年以武廟南巡，故改庚辰爲辛巳。 高世魁 高應禎 楊叔器 林成

嘉靖元年壬午 王昺第四人。佐孫。 楊暉壽曾孫。 周亮榮曾孫。 祝時泰 王欽佐孫。

二十年癸未 王欽

四年乙酉 鄭璉 祝廷玉時泰兄。 俞世潔 鄭瑛 袁成能昇子。 蔣鏜 何文倖俱府學。 林璧文續

子。懷安學。 許穀應天中式。

五年丙戌 林壑

七年戊子 陳席珍旻玄孫。府學。 施廷美 張概瑛子。第四人。 陳鍾 王時中 張煥文衡曾孫。 林

應亮春澤子。

八年己丑 林璧

十年辛卯 施博愛第四人。廷美弟。王鈇昇子。姚良弼汝忠子。

十一年壬辰 林應亮 俞世潔 周亮 王鈇

十三年甲午 藍濟卿 劉桂 舒汀 王應鍾褒玄孫。儒士。吳時昭懷安學。

十四年乙未 許穀會元。舒汀 藍濟卿

十六年丁酉 林春秀府學。楊世瑞 張文聰

十九年庚子 陳鑒 徐樾 陳情相子。

二十年辛丑 王應鍾

二十二年癸卯 王大經康孫。閩縣學。葉廷萃 林服休

二十五年丙午 林耀 林以毅 黃履旋 林嘉謨 鄭維邦珙玄孫。王應時褒玄孫。永福學。

二十六年丁未 黃履旋

二十八年己酉 鄭元韶第一人。陳儵元祐子。林源清濤子。

二十九年庚戌 王應時會試第九人。

三十一年壬子 廖雲鵬 羅誌 林鳳儀 李應陽

三十四年乙卯 陳元祐儵父。以臨川教諭。江西中式。

三十七年戊午 鄭惇典閩孫。府學。趙璧第四人。潘仲徽 林春茂春秀弟。貢士。順天中式。

四十一年壬戌 鄭惇典

四十三年甲子 趙奮璧弟。府學。林如楚應亮子。朱尚賓 趙世顯宏曾孫。邵廷臣 陳夢龍懷安

四十四年乙丑 趙奮 林如楚 潘仲徽

隆慶元年丁卯 林繼志第四人。春秀子。

四年庚午 鄭熙相子。

萬曆元年癸酉 彭穀 張炳

四年丙子 鄭日近 倪思益

七年己卯 朱家相府學。 黃人任澤玄孫。 翁正春 許天叙穀孫。 應天中式。

十年壬午 韓邦域第五人。 林紹用繼志子。 永福學。

十一年癸未 趙世顯 林紹用

十三年乙酉 李文奎 陳應龍並府學。 林德廣 陳奇貢士。順天中式。

十四年丙戌 陳應龍會試第三人。 韓邦域 倪思益

十六年戊子 倪起騰 楊如春 薛應曾

十七年己丑 朱家相

十九年辛卯 曹學佺府學。 吳應泰 張廷紀

二十年壬辰 翁正春狀元。 以龍溪教諭。 李文奎

二十二年甲午 陳一元 姚志和銑玄孫。 並府學。

二十三年乙未 曹學佺

二十五年丁酉 曾熙丙

二十八年庚子 翁登彥府學 李元芳 林樹春 陳懋陞

二十九年辛丑 陳一元

三十一年癸卯 林守相 張國銳欽天監

三十四年丙午 吳仲繁 鄭奎光 高士選 翁登仕登彥弟 王大覺

三十七年己酉 蕭富春 周其昌 陳鳳舞

三十八年庚戌 張國銳

四十年壬子 林如召春澤孫 府學 陳有元第五人 林峻初 林季芳 石映斗 游士章懷安游興曾

孫。

四十三年乙卯 王叔穎府學

四十六年戊午 劉應期 邵捷春

四十七年己未 邵捷春

薦辟、人才、貢士賢者雜見列傳中。

有傳

鄭居貞 王褒玄孫應鍾 唐泰 林永齡 吳瓊 陳貞保 葉福 王善 王鍵 鄭瑛弟瑒 姚

銑 陳鈍 高旭 孫珏 黃鎬子澍 王佐孫希旦 八八 張德瑄 林珌弟瑒 侄文續 孫舉 文續子璧

宋宣 陳仲堅 林璿 鄭昇 林廷玉 傅顯 王士和 陳德懋 林春澤子應亮 張經 高世魁

林球 楊暉 祝時泰 袁成能 何文偉 張概 陳鍾 王時中 周亮 王鉞 舒汀 林春秀 楊世瑞 吳時昭 葉廷萃 鄭維邦 鄭元韶 林鳳儀 李應陽 陳元祐 鄭惇典 陳夢龍 趙奮 鄭日休 陳應龍 翁正春

鄭居貞 洪武中舉明經，歷河南左參政。與方孝孺友善。孝孺教授漢中，居貞作《鳳雛行》贈之。孝孺難作，居貞亦坐死。所著有《閩南關隴歸來》、《檜庭》諸稿。孫珀，亦能詩。

王褒 字中美。孝友，重氣誼。故與林鴻諸人稱詩閩中，號「十才子」。洪武中，歷瑞州、長沙兩學教授，遷永豐知縣。均平徭役，課士親講授。蝗爲災，檇城隍而殛。永樂中，與修高廟實錄，陞翰林修撰，修《永樂大典》，爲總裁官。成祖每禎祥令節，輒命從臣賦詩，親第高下。褒元夕應制，成祖品爲第一。改漢府紀善。有《養靜齋集》行世。子肇，見韋布。玄孫應鍾。

應鍾 字懋復。嘉靖中選庶吉士，授監察御史，巡鹽長蘆。疏論東廠太監馬廣貪虐。按順天，糾郡縣不職者三十餘人。嚴分宜柄國，十監錦衣共煽權虐，妄指奸細，誣殺人，應鍾白其冤狀。守備昌平，數將官王敏腹削軍士罪，敏竟坐逐。河套事起，世宗怒責言官與議者，應鍾逮詔獄，十監錦衣修前隙，幾斃杖下。按浙江，先聲所至，墨吏解綬。人掌河南道，會大計吏，分宜欲蔽其私人，應鍾弗許。出爲副使。督學河南，宗室橫暴，有凌諸生者，置諸法。轉山東參政，竟爲分宜所中，罷。環堵圖書，講學唱道，從游者雲集。應鍾居官以嚴見憚，鄉黨則謙恭樂易，引掖後進若不及。年九十卒。

唐泰 字亨仲。與林鴻輩號「閩南十才子」。所著有《善鳴集》。官至陝西按察副使。

林永齡 洪武中知廣昌縣，清慎愛民，蕭然韋布。

吳瓌 字還涓。知龍泉縣，有惠政。

陳貞保 洪武中貢士，知江山縣。持身端恪，蒞政寬平。

葉福 字叔疇。靖難兵至南京，福以刑科給事中守金川門，遣家人歸報母：「不得爲孝子矣。」語客曰：「孟氏所欲有甚於生，吾人心事不當爾耶？」遂死之。

王善 字士濬。永樂中進士，授南京刑部主事。明習法令。有誣其受賕者，成祖因其入朝留之，使密察其家，惟得所賜鈔半錠，大見褒美。宣德中，以行在刑部郎中陞雲南布政參議。麓川蠻叛，進兵備禦金齒。值歲饑，蠲僧寺徭役，令出粟數萬，活者甚衆。永寧府土官南八與四川鹽井衛土官刺馬非爭地，累年仇殺，都督沐昂檄善爲剖折，皆帖帖服。尚書王驥及昂俱欲薦之，力辭，乞致仕。壽九十二。

王鍵，字時鑰。永樂中以茂才薦，授繁昌簿，改山陽，秩滿有最蹟，賜勅褒榮。擢陽江知縣。善詩，有《鼓缶》、《心聲》二集。

鄭瑛 字希晦。與弟珞，同舉進士。任樂會訓導。有文名。弟珞。

珞 字希玉。簡重寡默，聰敏絕人。以翰林吉士授刑部主事。宣德初，重守郡之選，間以璽書從事。珞奉勅守寧波。至官，興舉學舍，廣勵生徒，歲行鄉飲酒禮，必選高年有德之人以當賓位。定海陳端禮介特士也，珞禮爲上賓，明年復請，端禮堅却不赴。世兩賢之。其他減賦、汰羨、探情決獄、禁絕軍兵邏捕之擾，警柝不聞，盜賊自息。寧波人德焉。中官裴可力以公事至郡，貪暴不法，珞上其罪，詔置於法。未幾，丁艱歸，郡民千餘疏留，詔奪情起之，力辭，不允。既復任，黜臧吏，抑豪強，延訪理治，下至布衣、浮屠，莫不諮問。治績最兩浙。陞浙江布政參政，未上，卒。

姚銑 字孟聲。宣德初授刑科給事中。丁艱復，改工科。正統間，引疾家居七載。足跡未嘗越里門。藩府大臣疏薦於朝，改兵科，遷兵科都給事中，扈從英宗征虜，死土木之難。銑儀貌端偉，器局夷曠，人仕歷二十餘年，廉廉遷一級，竟卒王事。方其急時，寄家人詩曰：「許國丹心今日盡，輸忠白骨幾時還？」

陳鈍 字魯之。登進士。亦以扈從死土木。

高旭 字時旭。宣德中授吏科給事中。丁艱復，改兵科。正統中，陞江西按察僉事。蒞官平恕，決獄明慎，卒於官。曾孫應禎，知湘潭縣，興學育材。安攸流賊越境嘯聚，多方緝治，境內獲安。

孫珏 字士節。爲諸生時，會講學宮，峨弁莊容，儀表後進。宣德間，以貢入成均，與修《五經四書大全》。書成，擢常山令。丁艱服闋，知鉛山，清勤仁肅。秩滿，民赴闕乞留。前後幾二十載。嘗植松。壇廟之松是珏手植，至今爽立，縣人以比棠蔭。

黃鏞 字叔高。授監察御史，巡按貴州。靖遠伯王驥奉命征麓川，適苗賊煽變，南垂道梗，鏞簡率精銳，斬其尊一人，進至鎮遠，躬擐甲冑與戰，屢敗之。時興隆、清平皆賊圍，而平越尤急，鏞被圍平越九閱月，士卒掘草根，煮皮甲，烹人屍以食，多方招撫諸蠻，勸諭賑濟，人無叛心，乃以竹筒密疏於朝，調官軍頂背夾攻，大破群賊，始解圍去。在貴三年，凡五十疏，皆見採納，時爲景泰初元。旣而苗復蔓延湖、湘，朝議以鏞有安貴功，命往治之。旣一年，湖湘又平。陞廣東按察僉事。天順中，丁內外艱。改浙江，皆有風績。成化二年，陞廣東左參政，迭破雷、廉、高三郡賊。四年，陞浙江按察使。六年，陞廣東左布政使。八年，陞都察院右謙都御史、總督南京糧儲。十一年，陞吏部右侍郎。十三年，陞吏部左侍郎。尚書尹旻掌



銓最久，事多專主，鑄處以謙讓，尹亦重之。十六年，陞南京戶部尚書，其年致仕。卒，贈太子少保，謚襄敏。鑄起家諸生，按貴時年方三十，當群蠻之變，制勝伐謀，素閑若軍旅，其後屢立戰功，遂至大用。爲人簡重溫好，雖每遷秩，終不酬勞，未嘗形言說。子澍。

澍 字文澤。以蔭入太學，領鄉薦，歷姚安知府。清平明恕，建棟川書院以課生徒，購朱能劇盜以雪冤獄。郡稱神明。

王佐 字彥弼。自刑部郎出爲廣東參政。佐精審律比，在刑曹十有六年，爲大司寇陸瑜所重。浙有大獄，薦佐往按。其參政廣東，亦瑜薦之。在廣，有平賊功。值歲祲，賑貸全活甚多。孫希旦、曷。

希旦 字維周。早有文名。以文見知於汪太宰，以爲其部司務。轉禮部祠祭員外、郎中，以憂歸，尋卒。希旦在禮曹時，御史請以薛文清瑄從祀，下部會議。時薛學未尊，諸公尚有可有否，獨希旦謂：「薛學主敬，正與今主上《敬一箴》合，從祀爲宜。」其歸也，環堵畝宮，至不能舉火。

曷 字文晦。授海門教諭。愷悌樂善，陰護人短，士無賢不肖樂親之。擢國子博士，薦爲監丞，轉戶部主事。卒官，妻子不免於寒饑，自同寮以至興隸，莫不哀哭。

張德瑄 任徐州學正。守正不阿，爲有司所重。

林珌 字廷珍。年十九薦於鄉。登第後，侍親家居十有七年。以《易》學授徒，四方來學甚衆，蔡文莊在列。閩中《易》學盛於東南，實珌倡之。既終大事，赴京，除授南京刑部主事，陞浙江按察僉事，提督銀場。弘治庚戌，景寧賊吳大兒嘯聚擄掠，傍及閩中政和、浦城諸縣，兩省患之。勅浙江鎮、巡等官勦捕。諸公以事屬珌，珌發諸屬縣兵快，分據要害，以精銳千二百人進臨其穴。賊出拒，破之。棄穴橫奔，

至閩松溪之渠口，據高險隘，衆難之。玳曰：「賊勢已蹙，前途道惡，嚴攻必下。」鼓之，獲渠魁，戮其數百人。餘走慶元及從間道竄景寧。玳復節制諸巡捕官就取之，戮死外，又獲三百餘人。支黨散匿山谷，官屬請乘勝殲之，玳曰：「無能爲也。恐濫及無辜。」亟出示，令早降，兩省以安。時又有遂昌、黃巖賊聚衆且至萬人，各伏所穴未發，聞景寧賊破，皆膽寒。玳又豫爲形勢疑之，皆自解散。陞雲南按察副使。雲南民夷雜處，舊政因仍而已，玳曰：「地既人華，當以華治。」爲別名分，重禮教。幼都司之冒功陞賞者數十人，皆謫戍窮邊。玳行誼、政治本自過人，而文學復優，所至上下翕然歸重。以年及，乞休歸。卒，自有位以及鄉士庶，無不痛惜之。弟瑋。侄文纘。孫壘。

瑋 字廷玉。貌古冲晦，葆有於無。舉於鄉，十年不赴。後登進士，授行人。遷御史，言：「慎名器，厚國本」七事。名斥主柄匪材。出巡雲南，言：「孟密不當立。安撫階亂，事出萬學士乖違，程尚書依附，馬序班受賂，鎮守所漁利。」十汰八九，狐鼠薰灌殆盡。代者心不樂，然敬憚之曰：「吾閱御史多矣，無如林者。」參將縱麾下私於崖，奪印殺人。瑋覈實論罪，降調數官，參將坐落職閒住。安乃者，土官子。土官坐事死獄中，通把利其田，言乃謀叛。普顯者，土官弟。嫂氏虞爭官，誣以通黑脚夷三千人寇，皆繫獄十餘年，被累死者百計。土人懼其出，則飛語謹叟，無敢白者。瑋駁曰：「乃叛，從者何人？寇何鄉？黑脚夷至三千，時當有飛報征調事，豈得自默？」乃、顯得安置四川。轉督學南畿，卒。人稱之曰：「林道學！」

文纘 字德緒。居身慎恪，鄉人雅敬。官終湖廣參議。年九十五卒。子璧。

壘 字茂貞。任臨安知府。外謙內介。宦歸，甚貧。

璧（一〇）字茂東。官終廣東僉事。耿介好忤物。宦二十餘年，官僅五品。

宋宣字世達。授定海令。律已嚴而馭衆寬，以福善禍淫之理諄諄諭民。值旱，步禱自責，甘澍應期，歲以復登。用按察使楊繼宗薦，擢戶部主事，遣權鹽閩廣，請託不行。亡何卒官。

陳仲堅弘治初知麗水縣，剛明敏捷，吏民莫欺。鄰邑有疑獄，上司必檄往按，每得其情，皆人所不能究者。以抑富勢太過，繫累幾三載。事白，遷廣信通判。後陞□□知州。（二）歸，家貧不能自存。

林璿字衡玉。守膠州，改莒州，擢南戶部員外郎，歷官遼東苑馬寺卿。璿一再爲州，俱有善政。在膠，斷疑獄，脫無辜甚衆。莒值歲饑，賴以賑救。二州人祀之。

鄭昇字仲平。弘治間教諭揭陽，日進諸生，講解經義。和楊龜山《此日不再得詩》，以示之。學問該博，衣冠儼然。陞國子助教。官終岷府長史。

林廷玉字粹夫。父芝，官韓府紀善。性剛多略。與人交尚義。既罷官，占籍平涼。至廷玉，復歸於侯官。廷玉剛果敏達，雅以文章自許。登成化進士，遷吏科給事中。弘治初，轉右給事中，上保治八箴，請誅太監梁芳、妖僧繼曉，上納其言。轉工科都給事中。尋以論程學士敏政會試關節不慎，忤旨下詔獄。謫判海州。稍遷知茶陵州，作洙江書院，日與諸生講解，意之所到，吟諷長歌，忘身在謫。歷陞廣東僉事，進提學副使、山西參政，入爲通政，以僉都御史巡撫保定。劾太僕寺丞張鑑貪黷，武廟下鑑獄，而調廷玉掌南京都察院事。未幾，論者承望，言其偏拗，遂乞歸。杜門二十餘年，引知名士，置酒高會，眇然有玩世志。正德戊寅，與閩縣高文達兩定閩卒脫巾變。嘉靖末，詔爲廷玉立祠，並文達祀之。語在文達傳。

傅顯 字達夫。居家孝友。知武岡州，仁恕明允，民至庭者，見不忘。有司六事無不修舉，暇則與諸生辯疑解惑，有古循吏風。

王士和 字希節。授錢塘諭，具人倫鑒，簡雋異者自教益之，後皆以文鳴，如田汝成、吳鼎其最著。官終高郵知州。

陳德懋 字時勉。任平陽教諭，集諸生齋舍，講解督課，常至夜分。

林春澤 字德敷。起家戶部郎。坐事謫寧州同知，量移判吉州。遷肇慶府同知。島寇掠高州，檄攝篆。習知猛兵害民，悉罷遣之，代以土著。部署方略，寇次第就擒。擢南刑部郎，出爲程蕃知府。擇耆德文學士分布夷寨，爲童子師。卧龍、金石二司暨通州塞，屢年失地，督府檄春澤與安宣慰李、指揮協謀平復。功未上，爲忌者所中，以候調歸。春澤蚤歲稱詩，與鄭郎中繼之，方僉事豪，何舍人景明相倡和，其詞藻秀永。在吉州時，與羅太宰欽順講學南曹，復北面呂宗伯柟，究極旨奧。享年百有四歲。子應亮。

應亮 字熙載。初令潁上，調秀水。節直自持，裁里胥日辦，出疑獄，廉潔神明稱一縣。暇與名僧倡酬，篇什，往往傳吳越間，吳越皆言「林令君風流文雅」。擢戶部郎，轉禮部郎。夏文愍薦辦事誥勅房。久之，不樂供奉爲青詞，力求出，遂失夏意。出爲常德知府，在郡約已裕人。遷廣西、江西按察副使、山東右參政、廣東按察使、廣西右布政。當軍興，身攝十餘篆，裁決如流。轉左，入爲南太僕寺卿，擢都察院右副都御史，總理河道。入爲南戶部右侍郎，改督倉場兼憲職，往薊鎮實邊。調南京，歸。應亮少好稱詩，爲古文詞，與西蜀任少海、溫陵王道思、吳興蔡子木、長洲皇甫子安最相善。徒以雅志經世，不究其業。子如楚，工部侍郎，有恬退之節。

張經 字廷彝。初姓蔡，後復張。魁偉足智，有文武才。初授嘉興令。選爲給事中，歷都給事中。世宗識之，有旨內擢。不數歲，至僉都御史、巡撫山東。尋召入爲右副都御史。未幾，奉勅出鎮兩廣。安南莫登庸久不庭，詔與兵部尚書毛伯溫往討。經使翁萬達策兵壓登庸境，登庸降。論功，擢右都御史。尋與副總兵張經、副使翁萬達討平斷藤峽蠻，與安遠侯柳珣定思恩、上官劉現、盧回之亂。復與定遠侯勦滅海南劫掠陵水黎寇。擢兵部尚書，仍兼都御史鎮守之。亡何，守制歸。服闋，復起爲戶部尚書，督太倉。復守制。嘉靖中年，倭寇起，掠濱海諸郡，蔓延江南無寧歲。朝命將帥，付以節鉞，不能有成功。世宗念之甚，廷議謂經才，遂起經南京兵部尚書。頃之，命兼右副都御史，總督南直隸、浙江、山東、兩廣、福建等處。遣御史、主事各一人，調山東民兵及青州等處水陸槍手六十人，使參政李逢時、許國督赴聽征。此時委經至尊重。經念其故總督兩廣時，東蘭諸州狼土兵及永順、保靖二十一司兵，瘴怒可用，此時倭爲難久，殄滅未易，當召習教使者，使從戰，若廉頗之用趙人者。遂奏請調至，以備前行，從之。居有間，逢時、國從間道襲賊，敗。應天巡撫屠大山坐逮繫，黜爲民。世宗更改經右都御史兼兵部侍郎，代山，使專督軍，復使工部侍郎趙文華出督察之。此時所委經節制，當天下半，得便宜行事，經益尊。世宗念江南苦倭久，旣恨不旦夕平，而中外謂經負時望，至大受委如此，必得之。乃文華亦銳意立見功，不顧時未可。而經念所奏調狼土諸兵未盡至，當稍待，第以兵事秘，不吐露與文華。而頃之，東蘭諸州狼土兵及田州瓦兵至矣，經以屬總兵湯克寬、副總兵俞大猷稍分領之。克寬、大猷使擊賊，頗有所斬獲。乃文華急見功，益邀犒之，使殊死戰，狼、瓦二兵貪，亦數以請。頃之，使狼兵謀漕涇，猝遇倭，盡敗。大猷率瓦兵遮擊倭，亦敗於金山。經復念狼兵貪剽，未可猝用，宜待永靖，保順兵犄角之，今未卽至，無寧須旦晚，而又不

以語文華。及文華數促經戰，念其不以兵事相語，毋心見輕，因轉而與御史胡宗憲善。宗憲者，巡按浙江，其人有才略，豪爽跼蹐，與經異趣舍。文華因劾：「經閩人也，慮賊人其鄉，故養寇糜財，惑湯克寬誑言，俟賊滿載去，乃追擊之海上。臣今獨與胡宗憲時時掇甲行間耳。」疏人，世宗才宗憲，大怒經，繫治之。其冬，論死於西市，嘉靖□□年也。（三）當文華疏上時，經方領浙江擣巢松江，而保靖、永順兵至，已先破倭於川沙窪。倭懼，出海東遁矣。而嘉興倭復熾，經即以保靖、永順兵分屬參將盧鑑水陸擊之。保靖宣慰使彭蓋臣與倭遇石塘灣，大戰敗之，皆北走平望。大猷以永順宣慰司官舍彭翼南兵，邀擊之，賊奔王江涇，保靖兵復急擊其後，所擒斬千九百八十有奇，溺、走死者甚衆。自有倭來，未有捷若此，然文華劾疏已至上前。詔方逮經，而王江涇之捷亦至。兵科諸臣言：「經懷懦失事，逮治誠宜，第今獲首功千計，請姑召還錦衣使者，使乘勝進勦，乃再論其成敗。」世宗怒曰：「經非被文華劾，肯戰耶？」杖兵科諸臣，黜爲民，竟論死經。此時世宗方震怒，時事復棘，莫明經功罪，久之泯泯矣。萬曆中，倭患復萌，士大夫追論當日事，乃知狀，經功乃見，令其係懋爵詣闕訟冤。神廟愍之，復其官，賜謚曰襄愍。仍與懋爵廕。經安詳持重，有計略，善言說。張襄惠岳總督湖、廣、川、貴時，蓋奉命討苗賊，一日，西陽宣慰使冉玄假爲換戍兵，入思州一宿，劫太守，太守歸，悸而死，事聞於朝。岳平生不附嚴相嵩父子，相且擬旨逮治岳，徐文貞持不可。經與左都御史屠僑、尚書趙錦、歐陽必進、侍郎張時徹欲見嵩，救解之。既入謁，坐定，相曰：「諸公爲張總督來乎？」合辭曰：「是也。」相曰：「法固當逮。」屠曰：「張總督，海內正人也。願相公寬之。」趙繼言亦然。相則大作色，曰：「人固有正、不正耶，爲總督，賊陷郡城，亡論張，孔孟不貫矣。」五公者相視氣阻。頃之，顧經曰：「公故嘗督兩廣矣，吾言謂何？」經起言曰：「張總督故累相公力多，今用思

州遽死，亡所恨。然以論陷郡城，於法不同，惟相公幸原之耳。」相色稍解曰：「何不同也？」經曰：「搶城與陷城異。思州名雖郡，視內地不若一巡司。殘苗假兵突城，一宿而去，且非督府兵興之時，此搶城，非陷城也。搶城，兩廣時有，兩廣督府故不聞搶城遽也。」相曰：「太守胡死？」經曰：「賊假兵，太守不知詰。賊人倉皇，太守服常人服，賊不辯其太守，執之出城，遂舍之矣。病死，倖死不可知，真死城中，非死於賊明也。且府中印不一失，某故謂異陷賊，又不謂其殺太守。相公毋庸問思州，第問賊今暴與戢不耳。」於是相目視五人曰：「賊今何如？」五公曰：「人思州可三百，知無能爲也。」經因起，復曰：「願相公熟計苗事，張總督一去則孰可代者？」相乃曰：「張公言事婉而辯，吾徐思之。」而岳遂免於禍。君子曰：五公之意則同，至乎張公之論，具有單複矣。

高世魁 字紹甫。授慈谿令，有治績，選御史。嘉靖中，以議大獄，罷官。隆慶初，追贈光祿寺少卿。

林球 正德中貢，任黃巖訓導，性樸行端，士服其教。

楊暉 字文孚。爲兩任教職，督課甚嚴，取與不苟。

祝時泰 字汝亨。善與人交，緩急可倚。長於詩，近體五、七言，用事切實，間出奇語。官終德府長史。

袁成能 字從道。授太平教諭，歷莘、松滋二邑令，轉通判廣州，同知衡州、河東運同、鎮遠太守，遼東太僕少卿，未上，卒。成能平居孝友，仕三十年身無餘積，與兄弟共之。其卒也，旅於常德府之傳舍，僮僕悲號，不能具殯。有龍翔霄者，舊僚也，罷郡家居，素重成能，遂舉殯焉。及葬，卜地，力不能售，鄉人聞

其袁太僕也，割畀數畝，不取其貲。

何文偉 字元敬。以乙榜署武定州學正，陞湖廣教授。文偉在武定時，處諸生情義周至，遇有喪，卽率衆臨哭，曰：「知生者吊，知死者哀，禮也。」諸生莫不感激。與鄉士大夫處，開露款洽，鄉士夫亦宜之。嘗構堂，曰：「亦潛招同志，吟咏其中。或遇令節佳風日，相與燕晤爲驩。」旣去，人望堂思慕焉。

張概 字孔瞻。以《禮記》魁闕。初任於潛教職，甚得士心。終雷州府同知。

陳鍾 字惟英。授青陽教諭。清介剛方，量高養粹。與邑大夫交，恪而正。訓迪諸士，心虛教諄。卒於官，士哀賻之。

王時中 字執之。初署順德諭，教人先求放心。遷陽朔令。擢守橫州，廉平寬恕，與士愛民，橫人戴如父母。以簡於承奉，改調歸。終養不出。

周亮 字尚寅。歷仕御史，終大理寺丞。爲人通敏和厚。官俸所得，置產分弟。

王鈺（四） 字公儀。父昇，壽張教諭，居家孝友，在官持正論。鈺舉進士，知瑞金，廉能明允，文教武功，一時並茂。雖不見與於鄉評，而爲縣能其官，瑞金人以配王陽明祠。

舒汀 字紹安。以行人選御史，奉使按兩淮及南直隸、江南四郡，繼按浙江。爲人簡伉，重氣節。先按江南，鋤擊奸豪，風裁赫著。及按浙，嚴峻稍減，而秉法懲惡，肅吏庇民，屹屹如舊。懸令坊市：「凡官吏抑取常例錢並和買者，得執人告。」又時時密偵之，卽民畏勢隱忍，汀已先知。一郡倖市彩帛爲裏衣，汀候倖白事畢，問曰：「君昨市帛，有之乎？」倖皇恐對：「誠有之，第如民間直，亡侵也。」汀笑曰：「良然。吾偶及耳。」自是群寮相戒，毋多遺隸入市；貴勢家習橫恣者，一時抑首自戢。人稱名御史。使還，會北



虜數寇雲中、上谷。汀劾本兵毛伯溫日置酒會客，不憂邊。世宗怒，罷伯溫，而杖殺職方。當事者忌之，出爲雲南副使。嚴相復擠之，謫州判官，而汀已死矣。

林春秀 字彥甫。有詩名。授惠來知縣，鋤強扶弱。終廬州同知。子繼志，歷吉安府同知，寬和有執，以忤當道歸。

楊世瑞 字鳳來。知瀋山，留心撫字。歲旱，竭誠禱雨，出穀賑饑。陞寧國通判。

吳時昭 字以德。任瓊山知縣。五指黎曰丑、曰罵者，恣肆剽略，邑簿往撫，伏矢斃簿車中。幕府以屬時昭，時昭單車往諭，皆折矢解甲。有唐秩者，恃父爲太卿，殺人不忌，監司苞苴，圖寢其獄，秩挾千金，夜詣時昭，時昭叱出之，遂坐大辟。值肅皇帝詔求科書玄秘，秩以所藏獻，脫桎梏，丞奉常，夤緣得幸。時昭不爲怵，罷官歸，悉上俸薪二尊人。兄弟五人，一門食指數百，同堂會食以四十餘年，轉移支吾，至於智盡能索。後其兄時欽，有子萬全，爲盱眙令，亦厚視同堂諸兄弟，不異於昭。

葉廷萃 字允升。積官南京工部郎中，夷直篤倫行。兄弟五人，廷萃叔也，嘗言曰：「兄所不欲我者，我不敢施弟。弟所不欲我者，我不敢施兄。」官俸之餘，悉以分給，隨手而盡，至假貸副之。

鄭維邦 字世輔。官徐州知州。性孝友，官俸之人，厚遺其二弟，里人羨之。

鄭元韶 字志夔。官湖廣僉事。嘗以憲職勘松江稅額，至，卽履畝定則，豁其偏累，民德而祀之。

林鳳儀 字九成。少有逸才，喜擊劍歌詩。舉鄉試，授隴水令。其治民不事文法，簡易跌宕，必行其意而已。時時游覽，讀書苦吟。與人交洞肺腑，其謀人甚自急。有勢出其上，必盛氣狎侮之。卒中法吏，罷歸。家四壁，授徒，賣藥。故好神仙黃白，肘間常繫秘方。其後丹不成，家益落，乃其詩益奇詭放曠，有

集二十卷。

李應陽 字希旦。授陽山諭，轉曲陽令，以不能逢迎，未期年劾罷，橐無一錢也。走京師，依朱司空衡教授弟子六年，藉其館穀還里，僦屋以居，突不黔者屢矣。巡撫許孚遠聞而表其廬。

陳元祐 字周侯。三爲教官，晚以遂寧王傳致仕。邃《易》學，旁通經史及諸小說。以母病學醫，醫遂精，諸公貴人競迎致之。元祐曰：「奈何以是掩吾名？」微賤請，未嘗不往。卽貴勢不輕爲屈，報謝不受也。林宗伯燦志元祐墓曰：「予見公三變矣：當強壯時，（一五）飲酒投壺，圍棋談諧，鵠舉而蟬蛻。久之，見於都下，恂恂退讓，動咨官守。久之，見公於家，喜汲引後進，晦明挫銳。與人爲和而愛人，謹禮可敬而親，始終一也。」

鄭惇典 字君勅。授無爲州知州，爲州人築圩障水，歷刑部郎。出知袁州，廉公精果，拊弱戢強，清逋節見，袁人頌之。

陳夢龍 字啟瑞。令合浦，以採珠忤撫臣歸，就子舍，日夜左右無怠。緣父意，合諸父及兄弟之子孫聚居，服食、婚姻費皆已出，至於展轉稱貸，不改其心。嶺南葉春及爲傳，稱其「歸謝一錢，居希百忍」。

趙奮 字庸卿。釋褐，乞就廣文，得温州教授。尋擢寧波府推官，平反不刻深。召人爲給事中，時出譴，忤執政，出守廣平，以卓異旌轉河南督學憲副使。課校得人。乞疾歸。與其兄璧怡怡相友，末俗鮮儷。璧見韋布。

鄭日休 字廷德。能詩文，官終惠州司李。其同年有趙世顯者仕別駕，杜門却軌，文酒自娛。

陳應龍 字德見。官無爲知州，有惠政。以病致徽州府教授，卒。

翁正春 字□□。(一六)父興賢，以貢上起家建陽教諭，歷兩浙運判，粹於《易》學。正春，久不得志於會場，已謁，授龍溪教諭矣。大比之年，郡太守夢明歲狀元出龍溪，勸駕之日，使人雕骰子滿采，命士子群擲之，正春不知也，曰：「忝領諸生，請先一擲。」郡太守目攝之，而采先在正春手矣。又其日，龍溪人望見五色雲出。壬辰，遂登及第，第一。皇朝狀元及第，典史則曹公鼎，廣文則正春，無兩也。授翰林修撰，累仕至禮部尚書。天啟初，起原官，尋卒。正春方毅嚴重，不妄言笑。朝端式其風采，知其桀律君子也。

〔校記〕

〔一〕「傳」，各本原作「博」，據《新唐書·藝文志》改。

〔二〕「聲初觸夢」，此句原脫一字。

〔三〕「紹聖」，各本原作「紹興」，據本卷《陸龜傳》及方詩銘《中國歷史紀年表》改。

〔四〕「領護汴河參督輦運」，《宋史》本傳作「領護汴河兼督輦運」。

〔五〕「史稱忠」，《宋史》本傳作「史彌忠」。

〔六〕「樓」，《宋史》本傳作「橋」。

〔七〕「白」，《宋史》本傳作「有」。

〔八〕「林鏐」，本卷《皇朝科第》嘉靖二十八年己酉「林源清」下夾注作「鏐子」。

〔九〕「孫希旦」，各本原作「孫旦」，據本卷《皇朝科第》及「王佐傳」，本傳改。

〔一〇〕「壁」，各本原作「壁」，據本卷《皇朝科第》及傳記目錄改。

〔一一〕「知州」上，各本原闕二字。

〔一二〕「總督南直隸」上，各本原衍「總」字，據明朝官制刪。

〔一三〕「嘉靖」下，各本原闕二字，〈明史〉本傳作「三十四年」。

〔一四〕「王鈇」，各本原作「王鈇」，據本卷「皇朝科第」及傳記目錄改。

〔一五〕「壯」，各本原作「仕」，據上下文改。

〔一六〕「字」下，各本原闕二字。

# 閩書卷之七十六

英舊志 縉紳

福州府 懷安故縣 古田縣 閩清縣(二)

懷安故縣(二)

宋進士

慶曆六年丁亥 劉易簡 劉偁易簡弟。

治平二年乙巳 劉儼偁弟。

八年乙亥 卓元龜

元祐六年辛未 柯遠 陳公器

紹聖元年甲戌 潘志道 陳斌

四年丁丑 陳公格公器從弟。 劉震 卓元規元龜兄。 林敏元

元符三年庚辰 高臨 曾汝霖

崇寧二年癸未 陳公彥公器弟。 卓毅夫元龜侄。

五年丙戌 劉登偁侄孫。 黃邦光 陳天申公器再從侄。 卓獻夫毅夫兄。

大觀三年己丑 柯翊遠侄。 葉搏 樊繹 曾履 陳公衮公格弟。

政和二年壬辰 王與權 陳炳 陳天益公器再從侄。

五年乙未 張譽 陳曦 劉正偁孫。 曾履履弟。 潘宗孟

重和元年戊戌 施禹功 高預

宣和三年辛丑 劉顥 劉國鎮易簡侄。 崔發

六年甲辰 劉衡偁侄。 張安節 黃鮑 連康時 李軫

建炎二年戊申 楊幹 陳顏公器從侄。

紹興五年乙卯 陳從易公器侄。 劉藻偁侄。 卓庶元規子。

特奏名 施禹俞禹功兄。

八年戊午 陳休烈

十二年壬戌 陳干雲

特奏名 陳南強公彥侄。

十五年乙丑 施鼎 何元達 崔惟孝

十八年戊辰 陳經國 陳伯山公器侄孫。 劉煥偁侄孫。 洪澤

二十一年辛未 劉師尹儼孫。

二十四年甲戌 程佐 趙載 倪允

特奏名 施獻功禹功弟。

二十七年丁丑 吳三傑 陳餘慶顏孫。 林秀 朱英

三十年庚辰 陳唐佑 林世用 王明弼 張竑

隆興元年癸未 王哀 卓迪庶侄。

乾道二年丙戌 楊冲幹侄孫。

五年己丑 林哀

八年壬辰 俞言 葉明之

淳熙二年乙未 劉公予正孫。

五年戊戌 曾春

特奏名 陳唐佐唐佑兄。 卓凝元龜孫。

七年庚子童子科 柯擢九歲全通《九經》。

八年辛丑 陳珪 李贊 林觀國

十一年甲辰 林文蔚

十四年丁未 陳誘公格孫。 陳元衡誘子。

紹熙元年庚戌 高惟月 潘文煥 李熹 鄭垕 曾準存弟。

四年癸丑 林復之 吳崑亮 吳功亮崑亮弟。 陳夢緯誘侄。 連士登康時子。

慶元二年丙辰 潘剛

五年己未 王天言 李德立 陳端

特奏名 曾貢禹 倪翼允子。

嘉泰二年壬戌 田元晉

特奏名 鄭杲

開禧元年乙丑 曾鼎春侄。 余震 姚默 卓山甫 鄭志學杲弟。 陳甲公格族。

嘉定元年戊辰 鄭斯立 鄭闡珍志學弟。 陳道卿

四年辛未 劉洪 劉浩

特奏名 田頤元晉兄。

七年甲戌 劉拱辰 馮若水 戴杰 張正子譽孫。

特奏名 蔡褒 張煥玆弟。 曾華貢禹族。

十年丁丑 李仲淹熹侄。 陳文煥貫袁州。 余伯泰

特奏名 曾復貢禹族。 陳子瑜夢緯弟。 連世榮士登子。 潘觀剛侄。

十三年庚辰 陳亮寅 王振 王泰定 陳澄子 陳如晦誘族。

十六年癸未 劉天乙 林善鳴 卓杰 廖福孫

特奏名 劉叔侃 黃夢起

寶慶二年丙戌 田元煥元晉弟。 林桂 洪昇 陳應龍 王震定泰定弟。



紹定二年己丑 黃伯蘇

五年壬辰 王必張泰定子。

張卿明 何煥權子。

陳由 魏牧 王子端

特奏名 高明遠

端平二年乙未 陳湜 余帝與 張仕義 林從實 林應炎 陳應申夢緯子。

特奏名 倪禹鈞允子。

嘉熙二年戊戌 林昌泰樞子。

郭元龍

王履定泰定弟。

張應卯仕義侄。

特奏名 衛福孫

淳祐元年辛丑 陳天福

四年甲辰 陳夢辰

七年丁未 卓夢呂杰兄。 林士愷

特奏名 陳應和

寶祐元年癸丑 陳琰唐佑孫。

有傳

張翬 劉正 劉師尹(三) 林穎秀

張翬 字柔直。舉進士，爲小官，不與世詭隨。蔡京當國，爲子求師，翬適到部，京族子應之以翬薦，再三辭，不獲，遂卽館，京亦未暇與接。翬入館，嚴毅聳拔，凝然異他師。蔡氏子弟兄不能堪，忽謂之曰：「汝曹學走乎？」皆駭曰：「嘗聞先生教子弟讀書徐行，未聞以走。」翬曰：「天下被而翁破壞至此，賊旦晚

來，且先至而家，惟有走可免耳。」諸子弟大驚，亟告京曰：「先生病心。」京矍然曰：「此非汝所知。」即見鬻深語，斂容問計，鬻曰：「今宗廟社稷有宿夕之憂，公當首揆，亟引耆德老成，置諸左右，以開道上心，羅天下忠義之士，分布內外，庶可救耳爾。」京因扣所知，鬻以楊時薦。時之得召，自鬻言也。鬻後守南劍州有勞，召爲國子監丞。遷樞密院編修。紹興初，知興化軍，復改知南劍，就本路運判。未行，會范汝爲陷建州，遣葉徹擁衆寇南劍。時統制官任士安擁軍城西，鬻獨率州兵與戰。徹中流矢死，其衆徹走。鬻函徹首以與士安，州兵憤曰：「徹死，公功也，何得與任統制？」鬻曰：「非汝所知。賊必再至，非與大軍合，力不能破也，而烏可失統制權？」士安得徹首，大喜，馳報諸司，謂已斬徹。未幾，徹子果引衆復讎，縞素來攻。於是士安與州兵夾攻，大破之。召爲考功郎，遷左司。以楊玄、雷德震等反，出知岳州、鼎州。直龍圖閣，知處州。卒，贈秘閣修撰。南劍民爲立廟，乞奏人祀典。詔賜號英顯公。

劉正 字道純。建炎間知尤溪縣，廉明不阿。紹興初，建、劍寇起，正訓練民兵衛之。弓手余招酗酒，躍馬入隊，擾其衆，隊長不能止，正斬以徇，部下肅然。未幾，鄉民林悌、鄭郁招集亡命，欲爲亂，正廉得，執戮之。官終朝散大夫。

劉師尹 字伯任。爲汀州參軍錄事。〔四〕汀州判向士俊者，殘忍專決。紹興庚辰，長汀安仁保民賴福高等，不堪縣官科擾，恃監司約束不肯承應，邑上劉亮遂以科擾之害訴之版曹，下州理對。長汀宰陳夢遠怒其越訴，囚而辱之。福高等懼不能直，謀出亮。適古田城權巡檢張士先督租下里，因留以質。時郡守孫祖善老不事事，士俊與夢遠爲死黨，乃張皇事勢，加以叛逆，檄正將謝宣以亮示之，宣志於立功，斬亮以徇，殺千餘人，焚毀數百家。夢遠又誣郡庠生葉椿等與賊交通。士俊欲傳致其罪，追逮旁午，有驚竄

者，卽繫累其父母、親戚，鍛鍊如大辟。師尹與士俊抗辯再三，士俊怒，益督急。師尹取款狀書尾曰：「寧可棄官，不肯陷人。」遂納祿去。後帥司體究得實，夢遠、士俊俱鐫秩，椿等獲免。邦人德師尹，繪像祠之。

林穎秀 字實之。淳熙間爲永康令。強敏有幹略，邑事不勞而辦，父老以爲三十年所罕有。

### 皇朝科第

舉人 進士子、午、卯、酉屬舉人，辰、戌、丑、未屬進士。

洪武三年庚戌舉人 林德亨 林信孚 趙晟

四年辛亥廷試 林信孚會試第三。 林德亨

本年鄉試 楊全庚戌鄉試，辛亥廷試兼鄉試，以初科試未定，十七年始有定科也。

五年壬子 王孚

十七年甲子 王福 卓潤 林細

十八年乙丑 卓潤 王福 林細

二十年丁卯 汪義 陳祿 劉琪 馮伏府學。 潘善應府學。

二十一年戊辰 馮伏 潘善應

二十三年庚午 吳鏃 李和

二十六年癸酉 孔延府學。 傅蘆 卞漢 方廣

二十七年甲戌 孔延

二十九年丙子 鄭玄 蔡海 陳衍 丘良府學。  
建文元年己卯 曾芑

二年庚辰 曾芑

永樂元年癸未舉人 洪順府學第三人。

程春舊志有洪武三十五年一榜，考是歲革除，故元年開科，而明年甲申會試。

二年甲申進上 程春 洪順

三年乙酉 邵輝 陳閏 沈慧 王徽 張安 徐禮 趙益以貢，應天中式。 鄭回以貢，江西中式。

四年丙戌 鄭回 邵輝 陳閏 趙益

六年戊子 陳傑第四人。 鄭珉 陳興 秦顯 林平 張祝府學。 林文禮以貢，應天中式。

九年辛卯 張舉第三人。 閩縣學。 汪繼宗 彭順 陳芝 陳葵 林文祜 林曾

十年壬辰 林文禮會試第五人。

十二年甲午 何瓊解元。 洪英第三人。 順從弟。 府學。 嚴烜 林道明 林得以貢，順天中式。 林文秩

文祜兄。 江西中式。

十三年乙未 洪英會元。 林文祜 何瓊 嚴烜 林文秩

十五年丁酉 林叔茂府學。 包岡侯官學。 劉哲 陳恭 申屠鐸 張福生

十六年戊戌 陳葵 林得 林叔茂 張舉

十八年庚子 陳復第四人。 府學。 陳潤 柳廣 王信 林庸 林文安 鄭崇儒士。 林玉縣吏。

二十一年癸卯 程珙 陳濟 陳勝 方福 陳徽 陳陽

二十二年甲辰 陳復

宣德元年丙午 鄭建第二人。 吳初俱府學。 林惠

二年丁未 吳初

四年己酉 張文侯官學。 陳文升 林震 楊謙儒士。

五年庚戌 鄭建 張文

七年壬子 林璟

十年乙卯 趙壯 周傑 林應

正統元年丙辰 周傑

三年戊午 申屠建 莊鑑

四年己未 鄭崇

六年辛酉 陳漢

九年甲子 劉琮 丘穀良子。應天中式。

十二年丁卯 謝琚第五人。 王浩 唐儀府學。

十三年戊辰 謝琚

景泰元年庚午 林孔滋府學。 林璟 林孔仁 鄭懿 潘汝輔儒士。 鄭浩以降慶衛軍，順天中式。

二年辛未 林璟 林孔滋。

四年癸酉 張文 曾師孔曾孫。 曾琳 林宗 婁瑾 吳文澄 陳鑑 張汝葉祝子。 鄭下浩弟。 以

訓導，順天中式。

五年甲戌 林孔仁 林宗 婁瑾

七年丙子 陳廷璧陽子。包綺岡子。儒士。

天順三年己卯 鄭弼 陳鑾 王佐 王鑲府學。

六年壬午 廖誠府學。吳偉 王弼浩子。嚴賀垣子。邵濟湖廣中式。

八年甲申進士先是，七年癸未春二月，會試場屋災，詔移秋八月。至是春三月，始廷對唱名。潘汝輔

成化元年乙酉 裴俊府學。鄭應麟弟。姚倬儒士。

四年戊子 鄭宏府學。陳崇 潘昱 游興 劉武 申屠達建弟。以貢，應天中式。

七年辛卯 丘策 林世重 陳克震儒士。

八年壬辰 游興

十年甲午 任璽 鄭珙 薛文旭 陳侃克震兄。閩清學。

十三年丁酉 王鼎佐子。府學。林文振 翁文澤 林茂堅 王定安以貢，順天中式。

十四年戊戌 陳崇

十六年庚子 林鑽璵子。劉琮 徐英 康彬以貢，應天中式。

十七年辛丑 王定安 王鼎 林鑽

十九年癸卯 唐選儀子。

二十年甲辰 劉琮

二十二年丙午 廖雲騰誠子 鄭積中 陳尚達 阮時懋

弘治二年己酉 林瑛 林偉 陳垣文升子 薛文易文旭弟 陳明以吏中式 復姓周

三年庚戌 廖雲騰

五年壬子 王介第四人 鑣子 魏濱 鄭元吉宏子 廖雲翔雲騰弟 林琦順天中式

八年乙卯 莫欽 丁廷舉儒士

十二年己未 林琦

十四年辛酉 陳桂 洪咀英孫 固縣學 王德廣徽魯孫 侯官學 陳勃崇子 陳恣

十七年甲子 林子仁第二人 陶綸 余廷濟 邵廷瑗濟子 湖廣中式 詹永河南中式

十八年乙丑 邵廷瑗

正德二年丁卯 張孟敬 林寬茂堅子 朱冕以貢 順天中式

三年戊辰 朱冕

五年庚午 陳坡恣弟 謝源 陳憲崇孫 齊啟行

六年辛未 謝源

八年癸酉 潘宇 陳思順桂子

十一年丙子 廖世昭雲騰子 邵桓 金廷貴 魏廷美府學

十二年丁丑 廖世昭

十四年己卯 王鑒第五人 鑣孫 翁繼榮文澤子 俱府學 林思誠孔仁曾孫

嘉靖元年壬午 陳京第二人。克讓子。阮魚時懋子。何偉瓊曾孫。俱府學。龔用卿第五人。侯官學。

徐灌 廖雲從 林繼賢偉子。鄭鋼歸孫。鄭淮以貢。應天中式。

二年癸未 鄭淮

四年乙酉 楊燧第二人。王鍵鼎子。俱府學。陳世熙 陳命元成子。馬寅 林廷衮子仁子。張世

宜孟敬子。

五年丙戌 龔用卯狀元。鄭綱 林學 楊燧 陳京

七年戊子 鄭守道第三人。林廷琛侯官學。裴森俊孫。復姓馬。汪澄江繼宗曾孫。

十年辛卯 陳元珂 謝宜相源子。廖世魁 楊道南

十三年甲午 洪世文昭子。何鑒偉子。俱府學。王鏜介子。侯官學。薛欽第一人。張煌 方旌

十四年乙未 林廷琛 馬森 陳元珂 廖世魁

十六年丁酉 徐拱第五人。灌子。陳坦 王建中 陳鐸憲子。浙江中式。

十七年戊戌 張煌

十九年庚子 魏道亨廷美子。

二十二年癸卯 陳燦 張邦彥 孫國隆 李廷纘

二十三年甲辰 張邦彥

二十五年丙午 洪世遷解元。世文弟。閩縣學。林則時 林高崗

二十八年己酉 陳元琰元珂弟。阮北時懋孫。俱府學。鄧原玉第四人。林應楊 王希周



二十九年庚戌 陳元琰

三十一年壬子 林茂勛府學 張夢斗 陳子芳 嚴用和 林舜道

三十四年乙卯 王謙 康日章

三十七年戊午 陳學麟 朱應遇 鄭克曾

三十八年己未 林茂勛 林舜道

四十年辛酉 王應桂鼎魯孫。閩縣學。

四十三年甲子 陳模 林大經以訓導。廣西中式。

四十四年乙丑 嚴用和

隆慶四年庚午 王庭桂峇孫。閩縣學。 林應訓 郭愛

五年辛未 林應訓

薦辟、人材、貢士、監生賢者雜見列傳中。

有傳

莘持敬 蔡海 余源 李興 洪順從弟英。英係昭。昭子世文、世遷。〔五〕 嚴烜 林文秩弟文積。 申

屠鐸 陳復 鄭建 周傑 陳漢 謝琚 林璟 曾師孔 王佐子鼎。鼎子鍵。 高俊〔六〕 丘策 陳克震

弟坡，子京。 林茂堅 陳崇 徐英 阮時懋孫北。 廖雲騰弟雲翔，子世昭，侄世魁。 王介係鑒。 陳思順

翁繼榮 高鑑 王本仁 徐灌 廖雲從 陳世熙 馬寅 張孟敬 龔用卿 鄭守道 林廷琛 馬森

陳元珂 陳坦 王建中 齊啟和 陳燦 鄧原玉 王希周 張夢斗 陳子芳 康日章 陳學麟 鄭

克恭 齊汝宣

莘持敬 洪武初以人材舉，任龍南知縣，課上勸農，皆底於績。

蔡海 永樂十四年任象山教諭。倭寇犯境，人民伏匿，海獨正襟危坐。少頃寇至，海指罵曰：「醜徒！自當稱貢中原，敢寇擾耶？」賊刺之，海罵不絕，死。

余源 舉材幹。永樂元年丞上高。蒞事精敏，撫民慈惠，陞河間通判。

李興 字希傑。永樂初以國子生授太平府推官。廉慎公恕，擢戶部郎。丁內艱，終喪不出戶。陞知嚴州府。寬以撫民，嚴以束吏。市設量衡，平準交易。催徵度緩急，預揭爲期，民莫敢後。宣德中，改知廣州，政順民情，不避權勢。秩滿，行李蕭然。

洪順 字遵道。永樂二年進士。時初選翰林庶吉士二十八人以比二十八宿，順與焉。引見，上勉以立志進學。久之，授刑部主事。有李將軍者，詐取囚金，反誣吏張緣受之。同列畏李之強，皆欲坐緣，順曰：「李固可畏，緣不可憐耶？」竟坐李。仁宗監國，稱其廉潔持法，賜勅褒嘉。未幾，左遷行人，尋命與修《五經四書性理大全》諸書。丁艱起復，陞山東按察僉事。時山東遭唐賽兒之亂，順剴理冤抑，撫循獨療。青州有趙訓導，年老無僕妾，諸生爲娶一婦，時時酗酒冒趙。諸生張剛惡婦無禮，殺之，尋逃去。婦家訟趙抵罪，獄已具，順讞，獨心疑，召諸生詢之，惟剛三月不至齋舍，退而訊之，剛自伏曰：「公，神人也。諸生娶此婦以事吾師，而背戾若此，師老無死所矣，是以殺之。今師存剛死，固所甘心。」順曰：「剛雖不先自首，顧其初心直義。」訟於朝，請釋趙，而剛亦免死。歲旱蝗發，賑倉儲數萬，不待上報。尋陞按察使，命下而卒。從弟英。

英 字實夫。舉永樂十三年會試。初試官以林文結爲選首，以「粘」屬難字，不便御覽，既得英姓名，曰：「洪武英才也。」遂以爲第。登進士，選翰林庶吉士，辭藻新奇，操行端謹。授禮部主事，扈從北征。歷吏部文選主事、考功郎中。正統中，以大臣薦，陞山東左布政使，用仁恕爲治。陞都察院左副都御史，仍巡撫山東，清勤公正，制書褒述。景泰中，城臨清，築運河隄。進右都御史，奉命考察浙江官員，尋勅鎮守。一僉事以考察黜，遂誣奏英私鄉人。英不辯，乞歸，卒於家。英歷官中外，風格峻整，雅有廟堂之量。李文達賢與英先後爲吏部，稱其有不求人知之節。其鎮守於外，未嘗自通權貴。既被誣，中官殊不識英，莫肯爲地，朝士皆後進，亦昧英平生，一二大臣知英矣，又無能扶持者。既去，方知英爲儒雅君子，而處世若泛然者，莫不共惜之，而莫以此見笑於謫智焉。孫暉。

暉 字繼明。知郟城縣。謹厚有文，精《禮經》，多所教授。子世文、世遷。

世文 字國華。由戶部郎擢湖廣參議，有平徭功。轉浙江副使，值寇亂，戢暴掠。改山東，歲荒，賑貸。尋以母老乞終養。世文累世貴顯，視軒冕漠然。至於孝友，其天性也。

世遷 舉鄉試第一，官終評事。能詩善書。

嚴恒 字熙叔。永樂中授監察御史，奉命按山東，歲旱民饑，蠲稅發廩。復按畿甸及四川、河南，皆有聲。陞浙江按察僉事。處州徐子舉作亂，連坐者五十餘人，恒悉散遣復業。侍郎成均奉詔考察庶僚，有毀之者，據送吏部改職，恒遂乞典學便養。除金華教授，卒。恒性至孝，少時祖母陳疾篤，每夕禱北辰求代，剖股和粥。居官三十餘年，屋不增椽，業不拓畝。

林文秩 字禮亨。舉永樂進士，改庶吉士，授監察御史，有直聲。巡按南畿，風裁凜然，民奏留。

年。宣德末，擢山西副使，進按察使。有告平陽王文簡妖言惑衆者，連及三百餘家，力爲辯釋，存活幾二千人。後致仕卒。弟文結。

文結 字嘉亨。與文秩同舉進士。本舉首也，主考者嫌其名，遂易以洪英。既選翰林庶吉士，授王府審理，改岳州府通判。爲政簡約，誠於撫字。

中屠鐸 正統間授蘄水教諭，誨人嚴而有恩，諸生貧者賙之，敏者課之。

陳復 字鼎初。舉永樂進士，授行在戶部主事，處劇有餘。正統中，以薦知杭州，公正嚴明，濟以寬靜，月朔望懇諭利弊而興革之，止紛息爭，獄訟大減。未幾，憂去。民詣闕起復。再任，時浙中布政則德興孫原貞，按察使則鹿邑軒輅，仁和知縣則鳳翔許璞，而杭州知府則復，皆極一時之選。已，卒官邸。貧無以斂，軒輅倡賻之，民爭來助，其子盡却之曰：「忍污父清？」

鄭建 字弘中。舉進士，選庶吉士。一日，上御文華殿，召試《諸葛孔明可與興禮樂論》，親第其高下，置建第一，賜鈔百錠。未幾，言忤當道，黜爲南雄府通判。郡民被徭役，逃竄過半，建白郡守曰：「民逃如此，曷答上命？」郡守僚佐默默不爲意。建徧歷山谷，招徠之，許免逋負。不幾月，民悉來歸。尋罹內艱，皆遮道攀留，覓間途乃得發。服闋，值閩浙之交，盜礦爭鬪，廷議處州府增設通判一員專蒞之，遂除建往。既至，首平力役，民以寧謐，銀課亦不勞而辦。鄧茂七侵掠浙境，建分守龍泉，偕其子黼，環甲冑，率民兵與抗數月，斬首五百餘級。尚書石璞復檄建芟除餘孽，建直搗巢穴，獲被擄二千餘人以歸，其他脅從悉散遣之。景泰中，以功陞本府同知，食三品祿。越二年，廷議銀課非建綱紀不可，改浙江僉事，提督如故，奸民搆辭危建，被逮者再，皆再得白，亦復任如故。既還，以老病乞致仕。建平生篤忠孝，寡迎合，

冰蘖固守，所至不携孥之官。

周傑 字文英。戶部主事，扈從北征，死於土木之難。

陳漢 任新興學訓導，經明行修，訓誨不息。寇攻城，漢設策禦之，皆散。有司以其能，檄往招撫，賊首羅寅弟等二萬餘聞風向服，邑民賴之。

謝琚 字仲玉。爲南京兵科給事中，數上疏。論事剴切，出爲浙江參議，抑中官，黜墨守。年四十餘自陳歸里，陋巷一室，衣敝茹淡，處之泰然。

林璟 字繼文。任監察御史，後左遷同知曹州。才識明敏，雖煩瀆紛委，剖決若流。子鑣，貴州參議。致仕山居，不至城府。

曾師孔 爲嘉善、合肥二邑教諭。宅心嚴正，學有淵源，兩地弟子皆尊重之。

王佐 字廷用。歷教桐廬、鄒平，造就人上，有占友直之風，學者稱爲三留先生。以子鼎貴，贈都御史。

鼎 字器之。少慧悟，善屬文。有司欲以奇童薦，三留止之。舉進士，補上饒令，三留懼其年少多易，時寓書訓飭，鼎奉以從事，明斷有聲。中貴人取水晶凌轢郡縣，獨於饒稍戢，陰戒其下，毋觸尹損威。丁內艱，服除，改樂陵。歲饑盜起，民多流徙，旄孺無養，疾無藥，胔骼暴露無瘞埋，鼎悉爲之所。又舉救荒僱役法以收集其壯者，給牛具種子，歸浮業民四百餘戶。於時官猶督過，索逋負，鼎與期約，田之人半以輸公，半以活家。或謂籠鳥釋則颺矣，鼎曰：「渠食不續，必死，且負如故，公則奚利？吾且生之。」旣，果輸如期。徭役定戶九等爲差，部使者下其法諸道。又以餘力修孔子廟及學舍，并攝旁縣事之不治者。

考最，擢監察御史。勦臣有冒功奪爵，復謀起用，會臺諫劾之，事寢。親藩誣詆守臣，復會論之。出按蘇松諸郡，薊剔夙蠹，破除秘援。丹徒瀕大江，風濤怒鬪田去而洲生，鼎以洲蘆之，利歸田主，糧以無負。遷光祿寺少卿。丁外艱，服除，改大理寺左丞，進右少卿，轉左。奉勅勘處魏國常州庄田，會群小以民田附獻爲皇莊，及江陰汴，陳二大姓爭田，皆以屬鼎，按問奏復，稱旨，進俸一等。尋忤瑾意，謫保昌知縣，歷寶慶同知、河南按察僉事，入爲順天府尹。時瑾焰尤熾，鼎善晦緩禍，事多救止。瑾誅，遷都察院左副都御史，掌院事。尋進右都御史。乞歸，給月米輿隸，賜玉帶、圍，皆異數也。在林下七年，挾去藩籬，無良賤疏戚，皆得其歡心。子鍵。

鍵 字公度。授常山令，政清而惠，常人懷之。

高順 天順六年以貢任剡城教諭，深於《書》義，旁邑諸生皆北面受業。

丘策 字載道。授英德令，修舉廢政，民心悅服。

陳克震 少貧，耕於野，以舟載糞，舣石橋側，時月夜，諸生方聚講《中庸》，克震戟手傍聽，竊竊笑之，諸生怒曰：「傭也，何知？」克震曰：「嘗學而聞之，異乎諸君之說也。」遂爲講解其義，諸生歎服改容。舉鄉薦，授慈谿訓導，振作師道，門下以明經舉者甚衆。官終長史。弟坡。子京。

坡 字克榮。知高明縣，嚴明果斷，修堤防，勸農桑，興學校，葺廨宇。賊劫小洞等都，率兵禦之，斬首十餘級，又誅導賊區克己等二十餘人，境內安戢。遷貴州通判。

京 字世周。歷大理寺正，出知金華府。性曠達，有物外想。爲政責大體而已，暇則作書飲酒以自娛。當道有議其不事事者，遂解組歸。京之爲金華也，有勢宦請城中隙地，京不可也，當道檄與之，竟不

聽。城內四牌坊久廢，伐石復建，或曰：「鑄巨宦姓名乎？」京曰：「吾以經野聚民而布條教焉，巨宦於何有？」

林茂堅 字惟貞。官嘉興同知，導水利，法戎伍，有著績。

陳崇 字德崇。初，授樂平令，樂平人生女不舉，婚娶違禮，崇嚴爲禁，著《厚倫》、《正俗》二篇示之。擢監察御史，奉命按應天，發奸摘伏。同官彭程言事繫獄，具疏論救，時論偉焉。

徐英 字士傑。任高陽知縣，開誠布公，人和政舉。終太原通判。

阮時懋 字勉夫。以鄉薦授訓導，擢令宜山。鋤強發奸，人稱「鐵阮」。轉慶遠判，慶遠苦洞夷出掠，郡人聞時懋至，曰：「是鐵宜山也，無患賊矣。」時懋爲設方略守禦，慶遠以寧。擢思明同知，未任，卒。孫北。

北 字惟拱。知武陟、安仁二縣。自免歸，敝廬一區，日灌花讀書里中三十載，人不知其爲鄉紳也。

廖雲騰 字時和。父誠，官禹城教諭，治家有法。雲騰官刑部郎中，以清約爲縉紳所重。弟雲翔。子世昭。侄世魁。

雲翔 字鳴和。知奉化縣，持身廉介，視民如子，有貧民負官錢者，出俸代之。先是，縣官謁鎮守，市舶內臣，率賄賂左右，乃得通，及見，必多奉金幣爲贊。雲翔不可，曰：「錢尺帛皆民脂也。」及應朝，人謂當多備行資，應曰：「天下寧有餓死大朝官乎？」後調吳川，致仕。貧居三十載。卒年九十二。

世昭 字師賢。多病，好讀書，遂以文名。守海州，以病乞教職。改國子博士。持廉天死，人共惜之。

世魁 字師文。官終瓊州知府。精《易》學，門下教授多所造就。

王介 字節父。授婺源訓導。轉令咸寧，第丁產，定賦役，贖緩悉以易穀。正德己巳歲饑，咸寧所貯粟至萬石，民用不害。俗多以幼子娶壯婦，爲痛革之。改江夏縣，擢判廉州，知全州，遷武定軍同知，坐爲州時罷。介剛正有爲，令二縣，民號「鐵尹」。其在廉州，百姓歌曰：「金玉滿案，難得府判。」既遷同知。坐爲州，則以全州人唐夔者爲光祿丞，州中蔣少宰姻也，數橫於鄉，介裁律之，光祿譖於少宰，坐罷官矣。子鏗，舉進士，任吉安同知。侄鑒。

鑒 字鼎文。授沔陽學正。後守壽州，有惠政，所下條教，都御史取以式法列郡。歷刑部郎中，卒。家居孝友。叔子鏗，少孤，實鑒撫而教之。

陳思順 字子裕。爲袁州府同知。蒞政公勤，操履端潔，節冗費，均徭役，建學官，修齋舍，士民德之。

翁繼榮 字汝厚。爲南京國子助教，待諸生有恩禮。終柳州通判。

高鑑 字孔明。強立，博載籍，讀書見臣侵君、子妨父、妾婦乘夫、弟兄相虐者，輒瞿然失席叱咤噪罵。以閩清貢士就教曹州，遷清遠。歲分餘廩歸奉父，孝養繼母。先世遺產悉推與弟。父沒後，無復宦情，退而結菴以老，自稱種蘭道人。侯官吳鏞，聞人也，嘗曰：「高先生如高陵廣淵，吾未陟其巔而涉其涯，安能測其中蘊？天假以年，移孝移順，施於有政，豈但如古所謂狂士哉？」鑑又工水墨山水，間作花竹，氣韻超逸，出人意表。子澈，見韋布。

王本仁 字復初。正德間貢，授徽州訓導，官終瑞昌王府教授。朴直篤行義。教徽有恩，及遷官，有



不遠千里追送者。致仕歸，督學潘公潢，徽舊門生也，本仁待之無加禮，人謂有先輩風。

徐灌 字汝澤。文學雅邃，深明《易》理。終金華通判。

廖雲從 字石和。授潁州學正，以身率教，擢樂安令。

陳世熙 字師晦。仕襄陽府通判。先令西華，政著能聲。家居周給，宗親鄉黨稱焉。

馬寅 字明暘。任衢州教授，在寬敷教，賢愚僉益。當道有考其「喜怒不形，寵辱不驚」者，人謂平當。

張世宜 祖潛，教諭。父孟敬，安吉州學正，以多聞稱一時。世宜，司訓祁門，清修和易，博綜《三禮》，士多質正。

龔用卿 字鳴治。嘉靖五年及第第一，授翰林修撰、左春坊左諭德。世宗冊立東宮，兼官翰林侍讀直經筵。與修《明倫大典》、《大明會典》。書成，兩荷金幣之賜。己丑、壬辰、戊戌充會試同考官，庚子主試南畿，並稱得士。丙申，奉詔使朝鮮，賜品服，力却遠人饋贖，復命疏陳三事，皆見嘉納。辛丑，擢南京國子監祭酒，增修學舍，申飭監規。尋以病乞還。用卿美鬚眉，丰神朗瑩，喜談謔。顧其持節恬退，在告廿年，不通權貴書，與時人競進，竟置閒散，士論惜之。所著有《使朝鮮錄》、《雲岡選稿》、《詩餘》若干卷。王應鍾序其集，稱其文雄贍宏富，詩不專一家，皆經緯體裁，鏗越秀潤。

鄭守道 字用行。嘗主白鹿洞教事，著《太極圖說意》并《易乾坤上下繫辭解》、《大學講章》，深思精詣，能闡周、程之秘。令夏津，扶弱抑強，風節凜介，復建書院與諸生講晰，一時文學之士，誦誦興起。擢徽州通判，徽人亦服其多聞。

林廷琛 字世獻。授戶部主事，四奉命督稅，人著廉名。朝中爲之語曰：「林主事，何稜稜！官理所至一片冰。」遷員外郎中。監崇文稅缺人，部尚書梁材復使縮之曰：「必君乃可。」有倚勢觸禁者，廷琛置法不顧。會朝正後，諸後至者率向閭人爲好語，廷琛不能也。坐謫判鎮江。兩院交薦，有南寧之命。會權奸別有所擠，持旨未下。有欲爲廷琛私營賂者，廷琛知而峻止之曰：「此豈林世獻平生？」遂棄官歸。原憲縣鵠，子桑濕突，晏如也。司徒馬森曰：「余海內知交稱廉介者，汶上吳獄、南雄譚太初，吾閩則鄭世威、林廷琛，其最矣。」

馬森 字孔養。授戶部主事，權九江關，以廉能著。入爲員外、郎中。出知太平府，雪冤獄，裁中璫，減供億，治行甲江南。轉江西副使，進按察使，尋轉左布政使、副都御史，巡撫其地。森久歷江右，多惠政。時創三殿，疏請南糧改折，省民間數萬金。召爲刑部侍郎，尋改戶部。坐累，徙大理卿。與刑部尚書鄭曉、左都御史周延得，時稱「貫城三平」。遷右都御史、戶部尚書。以疾乞休。穆宗登極，起爲戶部。上令太監崔敏取戶部銀六萬兩，買金進用，森言：「先帝時，買金三千，日積月累，僅能足數，尋詔停止，以此金暫貯太倉。今於數日內得滿一萬，臣知不能也。」且祖宗時，御札皆下閣，臣轉示各部院，無司禮徑傳者，吏望率出舊章。」上止。旋以母老乞終養，賜馳驛歸。服除，屢薦不起。居，恒講明理學，與歐陽德、鄒守益、羅洪先相質正，要以程、朱爲宗。其爲侍郎歸，值閩卒兩唱亂，森角巾野服出諭之，隨解散。臨武劉堯洵撫閩，議復夫甲庫役法，森備陳其害，議遂寢。繼撫閩者，南海龐尚鵬，欲行條鞭法，森力贊決。其卒也，賜祭葬，贈太子少保，謚恭敏。所著有《四書口義》、《書經敷言》、《周易說義》、《春秋伸義辯疑》、《地理正宗》、文集、奏議若干卷。而郡人作祠祀森，日報功。子熒、猷。熒，字用昭，以父蔭爲南京都督府都事，

雅善文辭。歛貢士，能詩，嘗與予游。

陳元珂 字仲聲。以戶部郎謫判德慶州。擢南雄同知，視郡篆，擒妖賊陳永富、楊天慶等。擢金華知府，政尚嚴明，重風教，舉鄉約。陞寧紹兵備，建狼牙營，築餘姚城，佐督府胡宗憲殲海上倭賊，破其餘黨於舟山。擢湖廣參政，會有齟齬督府者，元珂俱報罷。馬森論定閩卒之變，元珂亦與焉。

陳坦 字存廓。令鉛山，多惠政。終橫州同知。

王建中 字懋德。官太學，能詩，善草書，書學福清陳廉，得其位置。

齊啟和 嘉靖中貢士，官教諭，心行質直，所至得士。

陳燦 字孚中。任瑞金教諭，有實行。

鄧原玉 字汝成。任南安府同知，溫夷正大，不事操切。署篆瑞金一載，士民宜之。官終淮府長史。

王希周 字文治。教諭瑞安，捐貲賑士。嘉靖辛酉，擢和平知縣。至官三月，東垵居民有張德傑者，通判黃佳枉以爲窩盜，縱牙爪捕之急，德傑受迫而死。判因言東垵居民盡窩，欲盡屠之，促縣同舉。希周不聽，而判遂夜勒開門發兵，希周曰：「吾未如之何矣！」拔劍自刎，事竟止。《福州志》論曰：「百里之命，惟令所操。民而盜也，令能誅之。民而枉以盜也，令能直之。區區郡倅，胡能爲者？令於斯時理論勢禁，倅雖兇殘，敢不寧承？如其不然，拔劍當車，倅卽悍然，執兵與我從事乎？倉皇自刎，何計無復之也！雖然，令不死，東垵不生，不謂等鴻毛矣！」何子曰：倅兇果如是，此必授密意上官，非今一時所能得者。邊徼大吏生事以要功，小吏擊鷙以要名，豈一日哉？本州之志，愚意論之未體也。

張夢斗 字維北。官戶部主事，溫雅有守，以終養卒。

陳子芳 字惟秀。居家孝友，服官清慎，終左州知州。

康日章 字伯顯。歷瑞州府同知，恬淡清夷，賢聲甚茂。

陳學麟 字尚經。教番禺，宰高要，廉明慈愛，賢聲藉甚。佐郡潮陽，勦撫李仲山、朱良保諸寇。會

總兵參戎希制府意，欲殺良民數百冒功，學麟察無辜，盡釋之。制府怒，劾奪學麟官。學麟事父至孝，拊

異母弟至友，卜築新居，奉父與二異母弟居之，而自住老敝者，所置田產輒使二弟與已六子均。

鄭克恭 嘉靖中歲貢，任峽江教諭，師道自持，稍及言利，色發赭。後以邑諸生取罪當路，罷歸。諸

生泣送之。

齊汝宣 萬曆間歲貢，任吳江教諭，方正不阿，好學能詩。

古田縣〔八〕

五代

李灞 余璿

李灞 唐裔也。幼而禮遜，孝事父母，仕闔爲大錄事。

余璿 字崑美，一名賜。仕南唐爲左拾遺。善唐律，有《拾遺集》。後家將樂。子仁椿，仕員外郎，歷

永貞令，嘗捐田建學，以訓鄉族子弟。

宋科第

太平興國三年戊寅 李穀

皇祐元年己丑 魏昂〔九〕

嘉祐二年丁酉 陳格

熙寧三年庚戌 陳植格兄。

元豐二年己未 唐最

元祐六年辛未 魏需

政和二年壬辰 李廣文

五年乙未 林慶老唱名時，徽宗顧曰：「少年臣子，何以『老』稱？」御筆塗其『老』字。

重和元年戊戌 周開迪

宣和三年辛丑 黃光庭 吳昭

六年甲辰 李冀

建炎二年戊申 陳文昌 余敦義

紹興五年乙卯特奏名 魏康大昂侄。

十二年壬戌 黃康國 黃公廩康國子。

十八年戊辰 卓冠

特奏名 余璠

二十一年辛未 周穎士

二十四年甲戌特奏名 魏文通 余襲慶 黃邦直

二十七年丁丑 蔣康國

乾道二年丙戌 陳滂

五年己丑 余宋興

八年壬辰 邵景之

特奏名 李巖起

淳熙五年戊戌特奏名 李莘起巖起弟。

八年辛丑 陳岡

十四年丁未特奏名 余飛公

紹熙元年庚戌 林演

特奏名 王炎 翁章 劉三顧 林岳

四年癸丑 林師臯岳侄。

慶元二年丙辰特奏名 陳成一作林成。 周申

五年己未 蘇大璋

嘉泰二年壬戌 林森

嘉定元年戊辰 高子昇 施漸

四年辛未特奏名 林應辰

七年甲戌 唐麟

特奏名 林夔孫 阮亨謙

十年丁丑 唐璘最孫 力起 余夢賜宋興子

十三年庚辰 林敏 李公縉巖起孫 貫江西

十六年癸未 王公廩 蘇士洪

特奏名 程若中

紹定二年己丑 蘇士穆大璋子 張夢庚

特奏名 張樸 黃械

五年壬辰 林貴謙 鄭公玉 蔣逢午

特奏名 林升

端平二年乙未特奏名 蔣輔國逢午父 陳元 林子高 程徵

嘉熙二年戊戌特奏名 陳大昕 黃甲

淳祐元年辛丑 陳德應

特奏名 黃元素第一人

七年丁未 張疆 章孝參

特奏名 鄭伯東伯玉兄 黃概 林明炳

十年庚戌特奏名 余日嚴 程燭孫

寶祐四年丙辰 蘇德載 李斌 許一鳴

特奏名 謝文紀 余邦彥 李特上 周雲龍

開慶元年己未 李體學

特奏名 李子潛 陳洵

景定三年壬戌特奏名 李必大

咸淳元年乙丑 林埧 湯芳

四年戊辰 李弼 李夢韓 林君實

七年辛未 余發林 李若虛

十年甲戌 余遜之

特奏名 張致麟 李唐英

薦辟、人才賢者雜見列傳中。

有傳

李廣文 蔣康國 邵景之 李巖起 余畧 蘇大璋 高子昇 林變孫 唐璘 鄭公玉 張疆

章孝參 余發林

李廣文 字夢授。始尉尤溪，有捕寇功。繼令惠安、浦城，倅建安。先後敗方臘、葉儂二寇。出罪囚，使破賊贖罪。又嘗挺身戢鹽寇之亂。歷官十六任，名績著一時。惠安、潮、惠民祠祀之。

蔣康國 字彥禮。嘗從朱文公講論，文公《楚辭集解》多質之。官饒州司法，學者稱鼎山先生。



邵景之 字秀山。早負文才，事繼母至孝。攝教建寧，受業藉溪胡憲之門。官至莆田令。有《玉坡集》。

李巖起 字應求。尉政和，調監臨安西酒庫，遷池州總幹，乞致仕。監南嶽廟。高才好學，見推時輩，丞相周必大甚優遇之。

余畋 字良叔，一字良聲。調松陽尉，歷贛州司理，有清聲。

蘇大璋 字顯之。父鴻，以陰德聞。大璋少穎悟，年十餘通《周易》大義。嘉泰中，邑大水，墊溺饑饉，大璋方舉進士，上章乞常平使者躬爲賑濟，民賴存活。司教道州，闡揚正學。召試館職，除秘書正字。累遷著作郎。轉對，力言禁錮偽學之非，忤大臣意。累乞外，知吉州。子士穆，知福安縣。

高子昇 字子雲。爲分寧尉，累遷泉州僉判兼南外宗正簿，以朝請郎主管崇道觀。靜退清修，典刑後輩。

林夔孫 字子武。幼穎悟。及壯，從朱文公游。博覽群書。與同邑余隅、程若中爲心友。黨禁起，學者更事他師，獨夔孫不變。嘉定中特奏名，爲縣尉。有《書本義》、《中庸章句》并《蒙谷集》行世。丞相江萬里嘗從學，爲序之。

唐璘 字伯玉。舉進士，時臺臣李安行奏：次對官不許論邊事。璘對策極詆之。調吳縣尉。有殺人於貨，挾舟亡者，有司求賊甚急，一屠人自告其兒殺之，兒亦自誣伏。璘疑焉，差緩其辭，頃得賊太湖，與舟俱至，舉縣感服。縣有勢家治園，將鑿渠通舟，謬言是處古有渠跡。常平使者主其說。璘視乾道故籍，則民田也，力爭，迂使者意。調瑞州學教授，用白鹿洞規教士。監行在樞貨務門。辟淮東運司催轄綱

運官屬。出師楚州，盡瘁軍中，制司以金人據淮陰，欲乘勝取之，璘不可，言：「恢復，美名也，而買賣禍，僕竊危之。」制司不聽，泊聞金變，卽轉攻之，我師死傷者六萬。璘發憤著《讜論》，直書上其事。知晉陵縣。鄰州訟田，至有泣訴諸使，願送晉陵可否者。制置使陳韓留守建康，辟通判，舉府事以聽。監六部門。擢監察御史臺。召對緝熙殿，奏疏：「天變而至於怒，民怨而幾於離，海宇將傾，有不可勝諱之事慮。陛下謂此何時？縱欲累德，文過飾非，疏遠正人，狎昵戚宦，濁亂朝政，自取覆亡。宰相用時文之才，爲經世之具，不顧民命，不度事宜，輕挑兵端，頓空國帑，委政厥子，內交商人，賄塗大開，小雅盡廢，瑣瑣嬖婬，敢預邪謀。視國事如俳優，以神器爲奇貨。都人側目，朝士痛心。蓋正無將之誅，以著不忠之戒？更乞遣擇家相，用贊宗子，毋使天變寢極，人心愈離。」時相者，崔與之、喬行簡。理宗爲之改容。又請號召土豪，經理荆襄，亟擇帥臣，安集淮西。理宗嘉納之。問璘邊事，甚悉。璘感激知遇，自是彈擊無所避撓。疏論鄭清之、鄭性之、李鳴復諸人。一時以比唐介。力乞外，疏七上。授廣西運判，改知嘉興府。尋改江東運判。時邊事急，置四察訪使，就詔璘分建康、太平、池州、江西。璘揭榜馬前，咨所部利害。又戒土豪團結漁業水手、茶鹽舟夫、蘆丁，悉備燎舟具。人人思奮，卽選將，總二州兵舟，以耀敵。檄當塗、宿設戰具，防采石。撥和糴續生券，奏損總領所錢二十萬緡助江防軍。尋用直華文閣知廣州、廣東經略安撫使。梅州寇作，示以威信，寇悉平。江淮旱，議下廣右和糴，璘言：「公家赤立，糴本無所辦，終恐白取於民，臣不敢撥本召糴，重朝廷多事之憂。」明年，上章乞致仕，理宗思見之，亟命人奏，擢太常少卿。尋丁內艱，居喪哀毀，不食久之，卒。

鄭公玉 字潤甫。仕潭州通判，蒞官臨民，仁政藹然。工詩文，善品人才，好獎拔後進。

張疆 字定叟，一字弱翁。豪邁慷慨，重風節，好立功名。以《易》義補太學生。上書力詆宰相史嵩之擅政，嵩之欲置之死，賴理宗優容。既，嵩之亦以是罷。釋褐登第，累遷國子監書庫官，復率教官丁應奎、楊潮南等上疏，論丁大全誤國，并諫遷都之失，理宗皆納之。

章孝參 字上魯。授德慶教授。有文行，好獎勸。洪天錫稱之曰：「言規行矩，玉質金聲，大雅君子也。」

余發林 字希董。授崇安尉。才高學博，爲文操筆立就。及卒，門人哀其集，曰《愛梅》。

### 元進士

泰定四年丁卯 張以寧

### 皇朝科第

舉人 進士子、午、卯、酉屬舉人，辰、戌、丑、未屬進士。

洪武四年辛亥舉人 許孟陽時科試未定，後洪武十七年始有定科也。

五年壬子 鄭燁

二十六年癸酉 趙定

二十九年丙子 林寶以貢，應天中式。

永樂元年癸未舉人 馬宗誠以貢，應天中式。舊志有洪武三十五年榜。考是歲革除，故元年開科而明年甲申會試。

三年乙酉 蘇光

六年戊子 王麟 魏亨

九年辛卯 曾斌 吳牧

十二年甲午 江潤 章潤 張隆元以寧孫。

十三年乙未 章潤

宣德元年丙午 陳敏政

二年丁未 陳敏政

四年己酉 林叡

七年壬子 趙汝宜

景泰七年丙子 趙昂

天順三年己卯 莊儼

成化十六年庚子 鄭鈍

弘治二年己酉 羅榮

三年庚戌 羅榮

八年乙卯 張文造

正德十一年丙子 林鉞

嘉靖四年乙酉 魏煥

十六年丁酉 郭文涓以貢，應天中式。

二十二年癸卯 鄭士標

二十五年丙午 楊名

二十八年己酉 魏焯 陳必遂

四十三年甲子 陳信

萬曆十年壬午 黃文奎應天中式。

二十八年庚子 余文龍

二十九年辛丑 余文龍

薦辟、貢、監賢者雜見列傳中。

有傳

張以寧 沈元素 林英 曾斌 章潤 林叡 林果 羅榮 張文造 趙以祥 丁崑 余堂 魏

煥 郭文淵 陳必遂 張仲賓 秦恩 湯德 秦相 黃中 高銖 高鍾

張以寧 字志道。少貧苦好學，有俊才。登元進士，授六合尹。坐事免官十餘年。至正中，復爲國

子助教，累遷侍讀學士。元末遺老物故，獨以寧以文學擅名，人呼「小張學士」。洪武元年，王師入元都，

以寧以故元官起京師，奏對稱旨，命復爲翰林侍讀學士，日見寵遇。一年，命與典簿牛諒奉使安南，御製

詩送之。至，則其國王陳日煃卒，其世子日堅遣陪臣阮亮求詔璽，以寧不許，曰：「此吉禮，非凶事也。」日

既易世矣，當以奏聞。」因留居洱江，俾諒往諭之。安南世子遂復遣陪臣杜順卿來告訃。

使，親爲祭文。遣吏部主事林唐臣、翰林編修王廉往祭安南王。復御製詩八章，

忠貞之氣，奮守節之剛。」又，安南人以揖爲禮，以寧始教之稽首長跪，璽書并

道卒。詔有司返柩其家，所在致祭，給歲祿恤妻子。以寧亮直通敏，廉謹自將。臨終口占曰：「覆身惟有黔婁被，垂橐都無陸賈金。」有《翠屏集》行世。劉三吾稱其節：「制以柳宏，放以韓與蘇。」宋濂稱其文：「豐腴雄峭，清圓委蛇。」子煜，蒲沂知縣，炬，刑部員外郎。孫隆，平陽教諭。

沈元素，從學張以寧，書篆、琴、畫皆工。元時，授福建路教授，謝歸。洪武初，舉授本邑學訓，師道尊嚴，教有成績。後擢僉憲。

林英，字章叔。宋用中九世孫。洪武二十九年，以貢選監察御史。有言「英書生，卒難重任」者，太祖以狀授英，諭使供職。英竭心奉詔，屢建讜言，大都以重郡縣，順民心爲本。太祖嘉納，賜廐馬、楮幣。建文初，請裁抑宗藩，大略在行主父偃之策。疏入，不報。復劾奏曹國公李景隆誤國，下都察院拷訊。謫知瑞安。時民多逃亡，在者苦稅差，英立法丈量，所餘虛糧令墾荒補之。立鄉約，行文公家禮，建立齋舍，與諸生講學。靖難師起，廷議用左都御史耿清言，還英舊職，命與翰林修撰王叔英募兵廣德。比至，勢不可爲，歎曰：「臣生無補於時，死有負於國。」天命將傾，力難以濟。」再拜自經，時年二十四。成祖卽位，取練安等罪人家屬，英妻宋氏繫獄，亦自經死。

曾斌，字上均。令遂昌，有惠政。正統中，家居，避賊山谷，爲所獲，賊中有遂昌人，口：「故吾邑令也，未嘗妄取吾民一毫物。」顧語群賊，羅拜去。

章潤，字時甫。授刑部主事，遷郎中。遇事剛果，斷獄無冤，時號「章鐵板」。歷官十載，數橡弗蔽，御史王寶構屋居之。

林叡，字仕通。授樂會教諭。時學校俱屬草創，叡有司立文廟，構號舍，擇穎秀授之經。分試江

省，號得人才。丁外艱，補電白諭，獎進尤多。

林果 字希仲。天順中以太學生選襄陽府同知。適襄陽兵荒，果至，招撫賑恤，襄府官校不法，即啟王械治。卒於官，士民祀之。

羅榮 字志仁。丰姿清瑩，言不出口而中栗如。嘗持節廣東、西兩藩，贈遺一無所受。劉忠宣大夏爲廣東方伯，見之嘆曰：「清廟之器，足大受也。」授戶部主事，奉使臨清抽分，革宿弊，通商賈，公出納。擢員外郎，尋陞郎中。會衡王請益莊田，奏討引鹽。下部議，榮執不可，謂：「天下土宇，未聞日有加闢，而親王求請歲常相望，夫田地縱有空閑，宜存別用。引鹽之積，原以備邊。伏望聖明以義斷恩，省諭王府官，輔導宗藩，一以正事。」孝廟嘉納。擢廣東參議。官車晏駕，榮聞痛哭過哀。武宗卽位，齎表人賀，懇陳八事。及還任，十三村及柳州、馬平夷寇弗靖，奉臺檄往勦，皆有成功，荷金綺之賜。進參政，痛抑豪強，屢決疑獄。擢右布政。程鄉用師，督餉有勞。捷聞，加俸。尋轉左。應詔，陳言地方十六事，皆切時宜。周御史謨，簠簋不飭，榮數爭，成隙，遂忌而愬之，坐調貴州。視篆數月，百廢修舉，尋卒，年四十九。榮妙齡發軔，馴致通顯，未究於用世，咸惜之。少參陳伯獻謂榮「賤者卽之，不知其爲貴。卑者卽之，不知其爲尊。愚不肖者，不知其爲賢且智。獨非意相干者卽之，始知其有凜然不可犯之色」。僉憲黃仲昭謂榮「敏達渾厚，縝密通融。不煦煦以求同，不皦皦以立異。言若不出於聲，而巧佞者每失其辯。動若不作於色，而暴慢者自致其恭」。詩文若干卷，古勁典雅。尤善草書。其居鄉，有協贊成城功。

張文造 字汝升。令新寧，邑連山海，多盜，文造設鄉長總統之，村長分統之，各鄉動息，月朔關報，民有不法，無不先知，以是絕盜。擢戶部主事，未行，卒。民撫膺嘆曰：「天假今年，吾儕小人夜戶不閉

矣！」

趙以祥 字應和。少貧，以孝聞。繇歲貢監生，授河南按察經歷。歲大饑，獄囚多死，粥哺之。司有疑獄，按察使邵銳悉付斷決。丁艱服除，改陝西，以修理三邊城堡功獲薦。秩滿，卒官。以祥所至爲廉，縉紳、上官稱其行誼可激貪鄙。

丁崑 字鍾英。狷介不苟合。以歲貢授興國訓導，嚴課善誘。遷安遠教諭，如興國。三年告休，諸生競留之。家居及耄，不輕厝寸跡，人稱閉戶先生。

余堂 字志升。好吟咏，讀《河》、《洛》數，以選貢授進賢教諭。守正不阿，人仰風烈。

魏煥 字文甫。慷慨有大節，精書翰。判臨江，有聲。計擒窩盜之恣橫者。以父老歸養。著《浣溪稿》。年八十四卒。

郭文涓 字穉源。恬淡高曠，善屬文，能詩。爲保寧同知，迎父邸舍，有孝行清節之譽。竟以父耄致政。所著有《享帚集》，宗伯林燦見之，嘆云：「古田前有翠屏，後有東臯。」貽詩贈之。卒年八十。翠屏者，張以寧也。

陳必遂 字成可。教諭金華。胡總制廉其才，檄署縣。會義烏兵喧聚猖狂，力計安撫。以功薦擢清平令。留心學校。歲饑請賑，致迂當路，拂衣歸。縣令譚汝賡重之，時時過廬請益。

張仲寶 字利用。魁梧意氣。膺選薦授枋庠訓導，課率有聲。隨攝松陽、慶源二篆。薦擢平和令，廉明惠直。卒於官。

秦恩 字子推。隆慶間應歲薦，歷官雲和、宣平、武平、無爲州四庠，所至以學行稱。



湯德 隆慶間訓樂安。端慤孝友，有古人風。

秦相 字子輔。狷介篤學。隆慶間選貢，歷官訓諭。授綽有師模，歸囊悉周宗黨。

黃中 字印坤。任延平教授。端方，長於詩，著《江上草錄》。

高銖 字守大。以選貢任新建簿。徵解，却例金。邑罹水患，力爲請免稅。民德之。

高鍾 字鯨音。以歲薦授順昌訓導。爲人長厚，人多愛敬。著有《評史集》。

## 閩清縣（二〇）

### 宋科第

皇祐元年己丑 黃稹 蕭開

制科 劉絳

治平四年丁未 陳祥道

熙寧九年丁巳 林汴 林陳

元豐二年己未諸科 林程

五年壬戌 陳安道祥道弟。

特奏名 許倫

元祐三年戊辰特奏名 李誠

八年辛未 蕭昞開兄。 林暉

紹聖元年甲戌 蕭磐炳弟。

制科 陳暘祥道弟。

大觀三年己丑 林公選 陳懷古

特奏名 林孝孫

政和二年壬辰 許登

特奏名 林其麟

五年乙未 陳積中暘子。 林冲

特奏名 林侃 陳之遠 張洵武 張希參 林瑄

重和元年戊戌 劉滂

宣和三年辛丑 特奏名 林繼曉瑄子。

建炎二年戊申 陳剛中祥道侄。

紹興二年壬子 特奏名 陳行中祥道子。

五年乙卯 劉凱滂子。 葛延年

特奏名 陳瑞 林項

八年戊午 黃瑜積曾孫。 陳嘉猷

十五年乙丑 特奏名 林容 林公邁

二十一年辛未 葛元鷺延年族。 林自 蕭德藻磐侄。

二十四年甲戌特奏名 鄭郊 陳和中行中族。

二十七年丁丑特奏名 李三英第一人。 陳琦

三十年庚辰 蕭德棻 陳明章

特奏名 陳制中

隆興元年癸未 劉己立

特奏名 黃度積孫。 黃珪瑜兄。

乾道二年丙戌 蕭必豫磐侄孫。 池覆 黃士宏

五年己丑 黃景說

特奏名 陳夏卿

八年壬辰 蕭誠意

淳熙二年乙未 林夢英 林文仲俱公選孫。

四年丁酉太學兩優釋褐 黃唐

八年辛丑 黃瑾度子。 葛有興

特奏名 林定國 黃琯瑞兄。 陳賁

十四年丁未 林伯成自子。

紹興元年庚戌特奏名 陳剛 葛有成 陳侃 黃洽

上舍釋褐 黃舜俞

四年癸丑 陳萬頃 葛有立

慶元五年己未 林襲自侄。

開禧元年乙丑 葛從龍延年族。 薛東 陳愷

嘉定元年戊辰 鄭自誠狀元。後改名性之。

特奏名 鄭實 林宗魯 陳允卿

四年辛未特奏名 蕭鑾 張述

十年丁丑 黃孳瑾子。

十三年庚辰 黃師參景說子。 徐夢得 池洙

特奏名 鄭瑩中

十六年癸未 葛崇節從龍侄。 鄭得起性之子。

寶慶二年丙戌 黃夢應 池師魯 黃師雍《通志·名宦》：景說子。 鄭溶 朱日炎

紹定二年己丑 陳荐子

五年壬辰 黃一震度曾孫。 蕭涓德藻孫。

端平二年乙未特奏名 林師回 林清忠 陳次公祥道族。

嘉熙二年戊戌 黃渙師雍弟。 陳振龍 黃玠辰顯子。 杜應龍

特奏名 黃師伋 黃師軻渙弟。 池伯益 林忠清

淳祐四年甲辰 劉坦係滂玄孫。

特奏名 黃汝江

七年丁未 葛鑄延年族。

陳福龍

特奏名 陳應斗振龍兄。

十年庚戌 陳皆

寶祐四年丙辰 張夢高 林應昂 鄭文龍 陳仲賓

景定三年壬戌 黃文煊 蕭起夫

咸淳元年乙丑 黃明豐 黃應午 秦季梁

四年戊辰 葛天民

七年辛未 許若彭 陳恕翁

薦辟、人才賢者雜見列傳中。

有傳

陳祥道弟暘。 陳剛中 蕭磐侄德操。 黃唐 黃師雍

陳祥道 字祐之。嘗著《禮書》百五十卷，近臣以聞，哲宗詔尚書給筆札抄錄。除國子監直講。遷館閣校勘兼太常博士，終秘書省正字。祥道爲《禮書序》曰：「先王之治，以禮爲本，其宮室、衣服、車旗、械用有等，其冠婚、喪祭、朝聘、射御有儀。卽器觀理，無非法象之所寓。卽文觀義，無非道義之所藏。使人思之，知所以教；守之，知所以禁。奢者不得騁無度之心，儉者不得就苟難之節。奇不得亂常，邪不得害正。此上下所以辨，民志所以定也。晚周而下，道散於異政，法亡於殊俗，君子不得以行禮，小人得以行

非禮。兩觀、大路、朱干、玉磬，天子之禮在諸侯。塞門反坫，素衣朱襮，諸侯之禮在大夫。繇是先王之制，浸以掃地，天下學者亦失其傳。故隨武子不知穀烝，孟僖子不知相禮，范獻子不知問諱，曾子不知奠方，魯不知尚羔，衛不知立市，則時之知禮者，蓋亦鮮矣。漢興，孫叔通之綿蕞，徒規當時之近功，法失於太卑，齊魯二生論禮樂必期百年後興，言失於太高，賈誼有修禮之志，而困於絳灌，曹褒有定禮之議，而沮於酺敏，傅咸極論於晉，而諂於流俗，劉蕡發策於唐，而棄於一時。繇漢以來，千有餘載，其間欲起禮法於上者，非一君；欲成禮法於下者，非一臣。有是君而下不足副之，則禮道終不明。有是臣而上不能任之，則禮事終不行。此龐政薄俗所以繼作，唐虞三代之治不復見也。今上有願治隆禮之君，下有博古明禮之臣，都俞賡歌於廟堂突奧之間，「一」四方萬里，涵泳德化，制作之盛，在此時矣。臣嘗考《六藝》、百家之文，以究先王禮樂之迹，凡寓於形、名、度、數者，必辨其制。凡藏於道德、仁義者，必發其蘊。發憤二十年，著成《禮書》，總一百五十卷。其於歷代諸儒之論，近世聶崇義之圖，或正所失，或補所闕，庶幾古人之髣髴可以類推。藏諸巾衍，非敢以施當代，豈謂伏蒙太皇太后陛下、皇帝陛下曲加采聽，特給筆札，俾寫上進。臣自惟淺陋，不足備甄錄，姑用塞明詔。」又有《論語句解》，與《禮書》並行於世。弟暘，侄剛中，俱登第。

暘字晉之。授順昌軍節度推官。徽宗初，進《迂衡集》以勸導紹述，得太學博士、秘書省正字。所著有《樂書》二十卷。禮部侍郎趙挺之言其貫穿明備，乞援其兄祥道進《禮書》故事。給筆札。書成，爲序上之，其文曰：「臣聞先天下而治者，在禮樂。後天下而治者，在刑政。三代而上，以禮樂勝刑政，而民德厚。三代而下，以刑政勝禮樂，而民風偷。恭惟神宗皇帝，超然遠覽，獨觀昭曠之道，本之爲禮樂，末之爲

刑政。凡所以維綱治具者，靡不交修異振，典章文物，一何煥然！臣先兄祥道是時直經東序，慨然興思，求以上副神考修禮正樂之意。既就《禮書》一百五十卷，哲宗皇帝祇適先猷，詔給筆札，繕寫以進，有旨下議太常。臣兄且喜且懼，一日語臣：「禮、樂者，治道急務，帝王極功，比籥絡今昔。逮及成書，固亦已勤，乃寤寐在樂，而情力不逮，汝勉成之。」臣蒙先帝擢置上庠，陛下陞之文館編修，論次積年於茲，著成《樂書》二百卷。曲被誤恩，俾錄上進。臣兄弟得以區區所聞，補聖朝萬一，制作討論，榮幸可云！臣竊謂古樂之發，中則和，過則淫。三之道，參和爲冲氣。五六之數，一貫爲中合。故冲氣運而三宮臣焉，參兩合而五聲形焉，三五合而八音生焉，二六合而十二律成焉。數度雖有不同，要之會歸中聲而已。過此則胡、鄭哇淫而不合於古也。樂之有宮也，與其有黃鍾也，尊而無上者也。五聲十二律，樂之正也。二變以變宮爲君，四清以黃鍾清爲君，樂之蠶也。夫事以時作，固可變也，而君不可變。太簇、大呂、夾鍾或可分也，而黃鍾不可分。既有宮矣，又有變宮焉；既有黃鍾矣，又有黃鍾清焉，是兩之也。爲是說者，古無有也，聖人弗論也，漢唐諸儒之所傳會歟。存之則傷教而害道，削之則律正而聲和。臣是敢辭而闕之也。志在華國，義在尊君，庶幾不失仲尼放鄭聲，惡亂雅之意也。循其序，君子以成焉；明其義，天下以寧焉。樂之時用，顧不大哉？」既上，遷太常丞，進駕部員外郎，爲講議司參詳禮樂官。（二二）

陳剛中（二二） 字彥柔。慷慨挺特，有志事功。官迪功郎。紹興初，上書言民力凋瘵，國用匱乏，願罷冗食，去虛文，以足邦用。遷太府寺丞。應詔上封事，主議恢復，忤秦檜意。胡銓以鯁切得貶，剛中作啟賀行，有云：「屈膝請和，知廟堂禦侮之無策。張膽論事，喜樞庭經遠之有人。」又有云：「知無不言，願借上方之劍。不遇故去，聊乘下澤之車。」遂與張九成等七人同謫，差知安遠縣。至縣，適有嶺寇來擾，究心

招撫，感瘴而沒。其妻子扶柩葬於杭州龍井山風篁嶺之沙盆塢。

蕭磐 字安國。官至朝請大夫、權知梧州軍，管勾學事兼管勸農公事、提舉錢鹽。課農桑，興學校，百廢具舉。暇引諸儒飲射讀法，有古循良風。侄德操。

德操 字乘夫。嘗宰烏程，後遂家焉。所居屏山，千巖競秀，自號千巖老人。楊萬里稱云：「近世詩人若范石湖之清新，尤梁溪之平淡，陸放翁之敷腴，蕭千巖之工致，皆余所畏也。」

黃唐 一名鏜，字雍甫。寧宗朝爲考功郎中。時韓侂胄爲父誠陳乞作謚，唐當覆議，以不能得侂胄意，遂求去。

黃師雍 字子敬。少從黃幹學。爲楚州官屬。李全反狀已露，師雍密結忠義軍別部都統時青圖之。謀泄，青被殺，師雍不爲動。秩滿，朝議褒異，以不往見史彌遠，調婺州教授。故慕徐僑之爲人，欲往謁之，會僑有召命，則不往。僑聞而賢之，至闕，以其學最聞，而李宗勉、趙必愿、趙汝談等亦先後薦師雍。宗勉爲丞相僑行簡言之尤力，行簡已許以朝除矣，師雍一見，勸其歸老。行簡不悅，宗勉之請遂格。遂出知龍溪。行簡罷，宗勉與史嵩之入相，召師雍審察，將至而宗勉卒。嵩之延師雍，密示相親意，遷之糧料院，曰：「料院密邇相府，所以處君。」師雍殊不顧。故與博士劉應起相善，應起論嵩之，嵩之疑師雍左右之，諷御史梅杞擊師雍。差知興化。旋奪之，改知邵武。久之，遷宗正寺簿。尋拜監察御史。首疏削金淵秩，送外居住。再疏斥趙綸、項容孫、史育之。四嵩之終喪，正言李昂英、殿中侍御史章瑛共疏乞竄斥之。師雍亦上疏論列。理宗感悟，詔勒令嵩之致仕。未幾，鄭宗劾瑛、昂英去國，薦周坦、葉大有入臺，首劾程公許、江萬里，善類日危矣。師雍獨立，宗惡之尤甚。宗既罷去，師雍與丞相鄭清之故同舍，然



以劾劉用行、魏峴皆清之親故，坦遣其婦日造清之婦，譖曰：「彼去用行、峴，乃去丞相之漸也。」帝將以師雍爲侍御史，清之曰：「如此，則臣不可留。」遷起居舍人兼侍講。卽力丐去。清之猶冀其少貶。師雍曰：「吾欲爲全人。」終不屈。數月，坦卒劾罷師雍。久之，以直寶文閣奉祀，起爲左史，改江西轉運使，遷禮部侍郎。命下，卒於江西官舍。師雍簡淡寡欲，靖厚有守，言若不出口，洞然晰邪正，博采公論，當官而行，愛護名節，無愧師友。

### 元進士

至正八年戊子 陳珪

### 皇朝科第

舉人 進士子、午、卯、酉屬舉人，辰、戌、丑、未屬進士。

洪武五年壬子 陳珪

十七年甲子 鄭義

二十一年戊辰 鄭義

二十六年癸酉 曹閏以貢，應天中式。

永樂元年癸未舉人 許瑤別省中式。舊志有洪武三十五年一榜，考是歲革除，故元年開科而明年甲申會試。

二年甲申進士 許瑤

六年戊子 鄭啟

十五年丁酉 陳睿

十六年戊戌 鄭源不見鄉試，抑貢監出身乎？

宣德四年己酉 趙正第二人。

七年壬子 余端

正統十二年丁卯 謝瑀貫福州右衛。

天順三年己卯 鄭文述閩縣塾侄。

成化四年戊子 章樓

十年甲午 劉琄

十三年丁酉 孫錦

十九年癸卯 鄭仲達

二十二年丙午 謝鐸瑀子。

弘治二年己酉 林鼎 姚澄

八年乙卯 蕭宗瀛

十一年戊午 陳銑

十四年辛酉 葉文浩 姚世棻

十七年甲子 林幹

十八年乙丑 陳銑

正德二年丁卯 林汝舟

嘉靖三十四年乙卯 詹洪基

隆慶二年戊辰 詹洪基

萬曆元年癸酉 陳以見以貢，應天中式。

七年己卯 詹洪相以貢，應天中式。

十年壬午 詹應宿

十三年乙酉 吳夢京

三十四年丙午 陳光東

四十年壬子 陳茂選

薦辟、貢、監賢者雜見列傳中。

有傳

趙正 王激 林鼎 陳良鼎 謝濂 謝澧 池一龍 劉煒 詹洪基 陳以見

趙正 景泰中爲上海教諭，終日坐堂講授，夜振鐸警惰，誦聲徹齋廡。及門之士，既仕而休，猶念不

忘。

王激 字孔哲。以國子生授知巴縣。慈祥節儉，政主愛民。居三年，卒官。邑人爲歸觀，祠祀之。

林鼎 任黃巖教諭，善教而久，科甲鬱興。

陳良鼎 字廷器。嘉靖初貢入太學。十七年，章聖太后崩，世宗將奉以合葬顯陵，駕先往視之，公卿

臺諫顧望莫敢發，良鼎曰：「唐郇模、宋陳東、歐陽徹何人哉！」卽上疏曰：「臣荷國家作養垂三十年，思

效犬馬，報復無階，伏聞陛下欲親奉梓宮合葬顯陵，天下莫不以陛下爲大孝。臣愚以天子之孝在敬，敬天法祖，子養元元，計安社稷，區區親奉梓宮，未足爲至也。夫古帝王巡幸方岳，而民不病者，兵衛寡而供御約也。今乘輿一動，自百官、宮嬪及御前宿衛盡從，郡縣除道梁，築行宮，飭厨傳，境內諸侯王當朝行在，送往勞來，費以億萬計，非所以子養元元、計安社稷也。臣聞河南、北，洎湖、廣諸處，頻年水旱，民朝夕急，有司聞天子旦夕臨幸，已預徵來歲租賦，爲不時之需，百姓皆賣兒斥產以應追繫，愁苦萬狀，此孰爲陛下言者？誠勅二三大臣奉梓宮而南，孰敢不肅？奚必犯霧露，勞玉體，馳驚數千里，損民費財？臣草莽不識忌諱，如其無當，願斬臣以謝四方。如菑堯可採，臣欲止輦，少垂聽納。」疏入，世宗震怒，下詔獄杖之，擬戍極邊。會駕蹕真定，行宮火，扈卒過江潭多墜死者，上念良鼎言，釋爲民。既，使授一尉，銓曹落奏辭，遂罷歸。年八十。種秫讀書以終老。隆慶改元，錄用言事諸臣，良鼎亦尋卒。

謝濂 嘉靖間貢，任衢州教授，經明行修，勤於課士，衢人誦之。

謝澧 嘉靖間以貢知平樂縣，在任五年，數有邊警，澧勵兵固守，請鑿五屯河，貿易魚鹽，平樂賴之。

池一龍 嘉靖中以貢任瑞金訓導，却贄金，重名檢，恤貧周乏。陞韶州府教授。

劉煒 嘉靖末以貢任訓導，有聲。宗黨稱其孝友。

詹洪基 字子震。自爲孝廉遭父喪，服除猶不赴春官，人卽以篤孝目之。舉進士，授中書舍人，轉刑部員外郎、雲南僉事。以養母乞歸，堅卧不起。金中丞，同年也，請以閒田百畝爲壽，洪基曰：「某有先人遺產，足以果腹豐老矣，而受人憐？」力卻之。年八十餘卒。

陳以見 字汝誠。令定陶，拮據救荒，民懷其惠。終青州府同知。

〔校記〕

- 〔一〕「古田縣 閩清縣」六字，各本原脫，據本書體例補。
- 〔二〕「懷安故縣」四字，各本原脫，據本書體例補。
- 〔三〕「尹」字，各本原脫，據本卷「宋進士」及本傳補。
- 〔四〕「參軍錄事」，各本原作「參錄事軍」，據宋朝官制改。
- 〔五〕「世遷」二字，各本原脫，據本傳補。
- 〔六〕「高俊」，下文作「高順」。
- 〔七〕「遷武定軍同知」，各本原作「遷武定軍民同知」，據明朝官制刪「民」字。
- 〔八〕「古田縣」上，各本原衍「福州府」三字，據本書體例刪。
- 〔九〕「魏昂」，本卷「宋科第」紹興五年乙卯特奏名「魏康大」下夾注作「昂侄」。
- 〔一〇〕「閩清縣」上，各本原衍「福州府」三字，據本書體例刪。
- 〔一一〕「廟堂突奧」，各本原作「廟堂突奧」，據文義改。
- 〔一二〕「參禮樂官」，各本原作「參祥和樂官」，據《宋史》本傳改。
- 〔一三〕「陳」字，各本原脫，據本書體例補。
- 〔一四〕「史官之」，各本原作「史宜之」，據《宋史·黃師雍傳》改。

閩書卷之七十七

英舊志 縉紳

福州府 長樂縣

唐選舉

開成三年戊午 林鷗

咸通十年己丑 林慎思

乾符二年乙未 林徵慎思子。

乾寧四年丁巳 卓雲及第。

薦辟、人才賢者雜見列傳中。

有傳

林巨卿 林慎思 卓雲

林巨卿 有孝行。葬父周，廬墓三年，甘露降墓次。後應文行科出仕。

林慎思 字虔中。自校書郎，至水部郎中、萬年縣令。巢寇入長安，迫以偽祿，不屈，罵賊死。慎

思謂《孟子》七篇非其所著書，而弟子所記，不能盡孟子意，因傳其說，演而續之，作《續孟子》。文有《仲蒙子》書。

卓雲 乾寧中及第。時稱名士。

### 宋科第

端拱元年戊子 陳龜圖 潘吉甫 歐陽回 林臻

淳化三年壬辰 李坦然 王彬 高復初 陳彝

咸平三年庚子 林休復

大中祥符元年戊戌 潘衡吉甫子。潘循原名微。衡兄。林敦復休復弟。

天聖五年丁卯 周輔 池澤民

景祐元年甲戌 林嗣復休復弟。

寶元元年戊寅 林肇敦復子。潘仁果

六年癸未 林世矩休復子。

皇祐元年己丑 李川坦然子。林罕

諸科 高選 潘季簡

五年癸巳 潘整

嘉祐二年丁酉 林密唐慎思曾孫。

諸科 高遠

治平二年乙巳 陳毅

諸科 高必獻復初玄孫。

熙寧三年庚戌諸科 陳邵

六年癸丑諸科 林誥慎思六世孫。

林格 林樞 柯關

九年丁巳諸科 潘鯁衡孫。

元豐八年丁丑 潘震

特奏名 黃待問

諸科 高宗信

元祐三年戊辰諸科 鄒異

六年辛未 鄭邦彥

紹聖元年甲戌 陳杞

四年丁丑 潘潛衡孫。

特奏名 歐陽榮

元符三年庚辰 林登罕孫。

特奏名 黃待舉待問弟。

崇寧二年癸未特奏名 陳壽朋 張致麟 張伯立

五年丙戌 潘關衡孫。



大觀三年己丑 潘師孔潘侗 黃邦達

四年庚寅釋褐 林安上

政和二年壬辰 王南夫彬裔孫

五年乙未特奏名 林代工諱子 鄭邦倫 陳景先

重和元年戊戌 鄭彥敏

特奏名 柯梁 李躬

二年庚子釋褐 曾榮

宣和三年辛丑 林安行代工子 鄭季夫邦倫子

特奏名 林彥啟 林彥明

六年甲辰 陳致一綴從侄 李邦光坦然孫 林遵善 陳宗禮

建炎二年戊子 洪靖臣

紹興二年壬子 潘飛英師孔子 林聿

諸科 高天禧 田慶隆

五年乙卯 周芹輔四世孫 陳宋霖 陳佐堯致一從弟

特奏名 陳祖堯杞孫 高壯必獻曾孫

八年戊午 林孔章肇孫 黃宋翰 魏勗 高仁

十二年壬戌特奏名 陳嘉績

十五年乙丑 鄭丙 陳溉杞子 黃希文 潘冠英師孔孫

特奏名 黃邦佐

十八年戊辰 陳大方宋森兄 林次融邦俊子 王堯臣 陳思文

特奏名 林壽 陳惠

二十一年辛未 林次齡次融弟

二十四年甲戌 陳肇思文侄 林次崇次齡弟

特奏名 陳佃 陳穎

二十七年丁丑 林宗顯

三十年庚辰特奏名 陳坦然 高元康仁子

降興元年癸未 陳夢齡致曾孫

特奏名 林光大 陳九齡宋森弟 楊迥 吳昭

乾道二年丙辰 陳以宋森弟 陳孔光坦然孫 林宗

童子科 劉砥 劉礪砥弟

五年己丑 鄭舜卿邦彥孫 徐長卿 陳茂英 林奎

特奏名 陳夢兆

八年壬辰 陳百揆致子 陳百昌致子 翁韶 黃旦 陳公亮 陳桂 林彥常 林察

特奏名 林奉先慎思裔孫 高煥章 林從

淳熙二年乙未 潘必勝 林惟寧次融子。 吳節 李中 張叔尚 林立之安上倅。 陳樞佐堯倅。

陳萬 特奏名 陳孔鑄夢齡子。

五年戊戌 卓杰 卓珣 陳絢思文倅孫。 陳自強側倅。 李鼎 陳覺先 陳丰樞倅。 陳椿年 劉

允成 潘麟 潘鳳麟弟。

特奏名 陳自得自強兄。 黃公輔

七年庚子童子科 林洽四歲全通《九經》。

八年辛丑 林堯輔次融子。 張紱 張紹 陳可行

特奏名 林惠輔慎思八世孫。 何益文 黃開

十一年甲辰 王益祥 陳繼先覺先從弟。 鄒洙 陳紹續從兄。(二) 潘子儀冠英從倅。

特奏名 陳謙厚 高元翁元康弟。 陳浚宋霖倅。

十三年丙午上舍釋褐 潘子直冠英從倅。 林彌明

十四年丁未 陳絃紹兄。 林岳 林時英彥明曾孫。 陳宋烈 柯謙宗榮曾孫。

特奏名 林亞文唐國十九世孫。 鄭發 林龜

十六年己酉諸科 陳景俊佐堯倅。

紹熙元年庚戌 林壽惠輔從倅。 丁懿 王元應堯臣倅。 陳涇貴台州。

特奏名 高癸 陳伯昂

四年癸丑 陳景年佐堯孫。王冲用

特奏名 陳續續兄。(二) 劉毅 林岳慎思八世孫。

慶元二年丙辰 林關立之侄。陳泳修啟孫。鄭益 周申 王益祺益祥兄。陳謬宋霖二世孫。

特奏名 陳枏宋霖孫。陳淵 陳淑 陳旦壽朋曾孫。陳士顯自強侄。

五年己未 林舜岳兄。林冠英昇弟。陳起先自強族。高霆 王豈一作黃。

特奏名 陳肇元 陳翼之大方子。王沂 林浩素弟。趙震

嘉泰二年壬戌 林得中察子。卓然唐雲六世孫。林晉之 林鑑次齡子。

特奏名 陳萬修坦然子。林燮復姓黃。張黃中 潘子京冠英子。陳衡之大方子。林實孫 潘子

儼子儀弟。

開禧元年乙丑 鄭選邦彥孫。陳垕坦然曾孫。

特奏名 李炎之 陳熊之

嘉定元年戊辰 陳景仁致一孫。林浩鑑子。陳有聲 陳朴厚宋霖孫。陳元震續族。

特奏名 林昺 陳敬之熊之弟。潘子則 陳復

三年庚午 潘子京冠英子。

四年辛未 陳子愚樞孫。張翀 黃宜燮子。林沆鑑子。蔡岳 黃子鈞

特奏名 姜師恪 鄭騏 鄭公岳 林逢午

七年甲戌 曹成伯 李遇中子。

特奏名 鄭安夫 吳騰

十年丁丑 李公伉中侄。 陳栗涇子。

特奏名 張夔 高繼厚仁孫。 謝自信 陳珏 柯煥文謙宗弟。 潘繼伯潛嗣族。

十三年庚辰 陳子誠子愚族。 周角 潘可叔衡玄孫。 林培 徐漢章長卿侄。

特奏名 林國英 黃林聳 張早 鄒昞 林逢午

十六年癸未 陳逢寅 郭喆

特奏名 鄭獬 陳溥 陳夢良

寶慶二年丙戌 李角 潘津潛孫。 陳又新 陳紱樞孫。 林夢龍 徐天騏長卿子。

紹定二年己丑 林開先安上孫。 游夢春 吳建中 潘本立津兄。 黃用賓

特奏名 施良臣 王應嘉 王是 陳自立

五年壬辰 張鎮子。 郭正子 陳子椿致一侄。 林元晉成伯子。 林溶 王璞是子。

特奏名 林綵出作 李嵩奇 許奇祥 林絳錄兄。 馬大枋 馮天祐

端平二年乙未 陳實又新子。 潘午亨 陳子植溥子。 陳容 王龍應 潘枋子儀孫。

特奏名 趙若翁

嘉熙二年戊戌 林以立

特奏名 張申紹子。 何夢盆 郭岳正子弟。 陳春伯

淳祐元年辛丑 高洪宗 卓右龍

特奏名 林天驥呂族 施丙 何善甄 陳武子溥侄 陳德明 林應龍 陳子炎 黃起叔

四年甲辰 陳合 陳多福溥侄 朱盛載 張鑄舊志作鑄 陳誼合弟 高轉

七年丁未 陳獻 林鑑 鄭祺先 林繹

特奏名 潘榮 林建辰孔彰侄 王夢龍 陳立

九年己酉釋褐 陳仲琳 陳褒然

十年庚戌 林公慶 陳子冲 陳天麟容子 潘涇津弟

特奏名 陳子繼 陳士行

寶祐元年癸丑 陳剛翁合兄 潘文卿涇侄 陳夢發容子 林友龍應龍從兄 高載運子

四年丙辰 高應松 林鏜 林春公慶子 林元復慎思裔孫 陳懿伯 林伯介 劉廷梁 林益磁

陳埜 鄭褒

開慶元年己未 陳徽伯

特奏名 陳春

景定三年壬戌 俞斗南 林起東 魏一翁 陳東二

特奏名 陳叔友

咸淳元年乙丑 林永慎思裔孫 陳輔伯

特奏名 陳台 林圭

三年丁卯特奏名 陳春

七年辛未 李文發 林定祖統子。

陳覺伯 丘堯章 李勉耘

景炎三年諸科 陳片

薦辟、人才賢者附列傳中。

有傳

高宗信 林安上 陳宋霖 劉嘉譽子世南。張本中 林宗顯 林宗 鄭申之 韓璧 劉世修

陳如晦子覺伯。林桷 王益祥 林岳 陳伯霖 陳有聲 張翀 陳逢寅 李角 陳容 高應松

陳春 陳公榮

高宗信 甫四歲，知孝讓。及長，所以事親，惟恐不至。元豐中，直講陳烈以聞，遂以孝廉舉，官金紫

光祿大夫。

林安上 字民瞻。歷國子博士，累官福建兵馬鈐轄、安撫使、廣東路經略使。因劾丞相汪伯彥、黃潛

善誤國，不聽，遂致仕。

陳宋霖 字元亨，一字元滂。令同安，朱文公爲簿，日相切磋，講明經義。後陞秘監，書問往來不

絕。孫枏，亦受業文公之門。

劉嘉譽 字德稱，一名岡。官至樂昌尉。嘗受業李延平。子世南。孫砥礪，見韋布。

世南 字景虞。受業林之奇。與呂祖謙相友善。秉禮蹈義，鄉邦敬仰。官至吉州司理參軍。

張本中 字崇正。紹興初知陽山縣。勞心撫字，循行阡陌，察其豐儉，施之以政。土人婚喪以歌爲

禮，本中嚴之。

林宗顯 字孝揚。乾道中知建寧縣。聽訟精明，用度省節，興利除害，有德於民。

林宗 字國和。通判紹興，賑濟水災，活二萬餘人。累官兵部尚書、禮部侍郎。嘗陳岳飛之冤，乞再加褒贈，卒封鄂王。然以劾朱文公爲世所短。

鄭申之 字惟任。官至國子監助教。從文公學，教授於鄉，從游甚衆，立文、行、忠、信四齋以處之。

韓璧 淳熙中爲瓊管帥。始至，正田畝之籍，薄鹽米之征，教以耕耨、灌溉法，黜官吏無狀者，民業有經，然後爲陳說禮義廉耻之意，以開曉之。又表其從化之民，以厲不率。出入阡陌，勞來不息。期年，民吏浹和，化外黎人聞風感慕，至有願供田稅比省民者。於是乃作新州學，使炎天漲海之外，士皆脫其記誦文詞之習。他日，有功名事業以自表於當世，而請朱文公記之。

劉世修 字景周。淳熙中嘗授承信郎，監行在贍軍激賞庫。尋棄歸，留意黃老，建德閑堂，列植花果竹木，日與文人羽客觴咏談玄。其妻兄陳自強，與韓侂胄有師友之舊，不數年，位至宰相，以有道辟，力辭不就。號慧觀翁。年八十端坐逝。

陳如晦 字日照。從勉齋黃幹游。嘗讀西山真德秀《夜氣箴》，作曰：「須見得冬爲四時之夜，夜乃一日之冬，便是自家嚮晦入息處。又見得造化發育之妙，便是自家事物。周旋處於此敬義夾持，動靜交養，則兩得之矣。」遂次其韻爲《生意箴》。西山得之，亟加稱賞。一時耆德鉅公，樂與爲道德交。以趙汝騰薦充經筵不果，授本州教授，卒。所著有《論語問答》及講義、文集。子覺伯。

覺伯 字宗尹。咸淳中授泉州教授，以古道迪士。幼主航海次泉州港，覺伯率同列表起居。尋命攝州倅，扈從入廣，拜福建提刑。數月罷歸。聞厓山師潰，憤惋不食。且卒，命其子曰：「吾宋臣也，題吾墓



則繫吾於宋。」

林槐 字子長。淳熙初爲姑塾教授，爲太守楊愿作《姑塾志》五卷。

王益祥 字謙叔。歷桂陽、建康教授。用陳傳良、張杓薦，擢監簿、編修、說書。出知寧國，改處州。時嚴偽學之禁，遂乞祠。後提刑江東，會里人陳自强拜丞相，引嫌歸。

林岳 字仲岳。嘉寧中知汀州，創書院二所，與六邑士講訂，州及六邑學皆有祠。

陳伯霖 字震之。知泰州，累官廣東經略使、龍圖閣學士。嘉定中，奉命使金，以數言折服強虜，人稱不辱。

陳有聲 字廣宗。尉上高，歲豐訟簡，吏民安之。邑士罕尋聲律，有聲選詩賦百餘篇，教以體裁，遂甲三邑。

張翀 字蜚卿。官左司郎中。以文學、廉能稱。

陳逢寅 舉進士，有文名，授浦城簿。孳孳職守，且垂代矣，朝夕自立，若始至然。浦城簿廳自南渡後無題名，逢寅始爲之，而請真文忠爲記。

李角 字定國。累官潮州判，剛明果斷，有遺愛。

陳容 字公儲。初令平陽，從容簡易，政務修舉。時集諸生敷衍經義，士風大變。暇則與佳士論文賦詩，凡山川勝蹟，多所留詠。嘉祐間，通判臨江軍州事。以才名受知理宗，人爲國子監主簿。去後，人敬思之。復官朝散大夫。賈似道欲招致之幕下，容酒酣輒卑侮之，似道亦敬而不怒。出知興化軍。自號所翁。善畫龍，醉餘大揮，潑墨成雲，噴水爲霧，信手而至，或全體，或一臂一首，咸得變化之妙。乃其爲

人，耿挺不阿，平生大節炳朗，作爲詩文，跌宕豪放。長樂人推容爲宋代人物第一，而習容之名者，徒謂其能畫龍，知有「所翁龍」而已。子夢發，龍興府判。弟珩，亦善畫龍，時作水墨枯荷、折葦、虫、魚、蟹、鵲、墨竹，極有生趣。官至朝請郎。容四世孫號亦所，失其名，元時人，亦善畫，畫龍得容筆法。

高應松 字質畝。緜衡州教授，累權禮部員外郎、翰林權直。元兵至臨安，不肯草降表，兵入湧金門，舉朝奔竄，獨與從官九人留。遷中書舍人，直學士院。尋進簽書樞密院事。從瀛國至燕，絕粒不語，七日卒。

陳春官 監察御史，右正言，以端直嚴重稱於時。

陳公榮 字子華。龜圖十三世孫。初游太學。景炎元年，同子宗傳、族子老成募兵勤王。蒲壽庚作亂泉州，幼帝舟自泉趨潮。逾年，張世傑會師討壽庚，公榮兵赴之。老成戰沒，詔贈御史臺檢法。公榮授福清縣尹，宗傳授提刑司檢法。公榮挽老成詩曰：「邊城將星落，浩蕩煙塵黃。我亦在陣行，生死未可量。涕滂感永訣，激裂摧肝腸。肯爾仗雄劍，志在清八荒。神武埒頗牧，奇計如平、良。遇賊奮英果，逐殺何其強。氣數乘人事，竟向鋒刃僵。忠魂薄日月，耿耿萬古光。雖云獲死所，國耻猶未忘。便應作厲鬼，虜酋罄殺傷。」詞悲壯可讀也。

### 元選舉

延祐四年丁巳 陳浩 第一人。 林兌 陳清甫

泰定二年乙丑 俞綽

至元六年庚辰 翁彥昇

至正二十二年癸卯 林文壽第一人。

薦辟、人才賢者附列傳中。

有傳

郭鏗

郭鏗 字德基。父正子，宋紹定中進士，教授廉州，著《春秋傳語》十卷。鏗幼孤，弱冠已爲人師。至元中，舉遺逸，授泉州書院山長。遷興化路教授。改吳江州。再調興化，未行卒。學者私謚曰純德。先生爲人，疏通慷慨，謹直簡易。爲子爲父，孝以慈。與人交，彌久而孚。談經明白，統貫不刻鑿爲異。於《四書》《易》，皆有述概。詩若文，和平而沉深。著《梅西集》若干卷。

皇朝科第

舉人 進士 進士：進士、午、卯、酉是舉人，辰、戌、丑、未是進士。

洪武三年庚戌 林文壽 陳洽祖

四年辛亥廷試 林文壽

是年秋鄉試 林谷顯解元。

周清 趙裕上三人，俱儒士。

陳伯琬以上庚戌鄉試，辛亥廷試兼鄉試者。洪武初

年，科試未定，至十七年始有定科。

五年壬子 葉允占儒士。

七年甲寅 陳德琬 葉元吉

九年丙辰 林錦 林希啟

十七年甲子 陳仲筦 陳洵仁仲筦弟 羅知 陳璫宋合玄孫 陳瑤 陳湜洵仁弟 高均 潘思貢  
上。應天中式。

十八年乙丑 陳仲筦 陳洵仁 羅知

二十年丁卯 林興希敬子 陳益 陳震 林源 潘良源良並貢士 應天中式。

二十三年庚午 黃銅 陳顯

二十六年癸酉 林錫解元 陳京

建文四年壬午 金第 王惜

永樂三年乙酉 高沂 陳全 池鯨 陳驥江西中式

四年丙戌 陳全第二人 陳驥

六年戊子 吳寔復姓林。懷思裔孫 林錦 林衡 林泉貢士 應天中式。

九年辛卯 進士七年己丑，當會試期，成祖巡狩北京，以中式八十四人寄監，至辛卯還京，乃廷試。吳寔

是年鄉試 陳李 陳鐸 陳昌 馬驛昌，鐸並貢 應天中式。

十年壬辰 馬鐸狀元

十二年甲午 謝復進 劉應 蔣復 曹賢 陳拱 劉徵 潘正 林希 陳惟待 陳聰 王用澤自

正至此，俱備七。

十三年乙未 謝復進 曹賢 陳聰

十五年丁酉 李馬解元 張汶 陳灝 陳廣 高淮 林鷺 陳震 何惟善 陳京 馮實自惟善至

此，俱儒士。

十六年戊戌 李騏狀元。初名馬，御賜名。 潘正

十八年庚子 王康 鄭澹 高森沂子。 黃文政 高紹保 潘財上三人，俱儒士。 戴均典史。 王錫

貢士。應天中式。

十九年辛丑 王錫 陳京

二十一年癸卯 李孟玉 潘仲郇 金梯 潘休美 田均上三人，俱儒士。 陳欽感江西中式。

二十二年甲辰 黃文政

宣德元年丙午 黃均府學。 陳昊 陳俞 陳淮 陳构

四年己酉 陳瑄 郭萬奎

七年壬子 高耿第二人。

八年癸丑 高耿

十年乙卯 陳敦

正統三年戊午 林僑賜子。解元。 鄭序 陳希孟 陳璇 潘瓊 林孟清上二人，俱以吏，順天中式。

六年辛酉 李森司吏。

七年壬戌 李森 鄭序

九年甲子 李達騏孫。 李叔玉

十年乙丑 李叔玉

十二年丁卯 戴天錫 王阜康子。 王濬 楊釜

景泰元年庚午 陳文梗 謝章甫復進孫。 林公傑 施伯淳儒士。 黃景隆均弟。

四年癸酉 林漢恭希子。 陳陵全子。 王思澤 王德 黃熙 謝士元

五年甲戌 謝士元

七年丙子 鄭崇序子。 陳鐸 林時益 林則明 陳德隆儒士。

天順三年己卯 陳維裕 林明德 陳元祿 馬叔文鐸侄。 黃注 陳養德 謝炫 李虹儒士。

四年庚辰 黃景隆 陳維裕

六年壬午 陳潭李子。 鄭吳 郭宗翰 林彥明 李明聰森侄。 陳德成 陳階

八年甲申先是，七年癸未春二月，會試場屋災。詔移秋八月。至是，春三月始廷對，唱名。 黃熙

成化元年乙酉 高以銑 謝文禮上元從弟。

二年丙戌 陳潭

四年戊子 林濟府學。 林昌本 陳漢昌 丁銓 陳遂良拱孫。 陳則安 劉則和 陳維新十二人，俱

儒士。

七年辛卯 王有恬 陳景隆 林時潤時益弟。 石壁 梁行慤 高繼文 王棠 林節十二人，俱儒士。

十年甲午 陳崇德 張槃 謝文著上元從弟。 陳宗泰上三人，俱儒士。

十一年乙未 王有恬 陳景隆

十三年丁酉 樊廷選府學。復姓林。 林則方則明弟。 林德陞 林元立 黃世忠注了。 林章儒士。

十四年戊戌 林路 劉則和 林則方 林時潤

十六年庚子 高伯齡 鄭孔明 莊禮儒士。

十七年辛丑 陳崇德 林廷選

十九年癸卯 鄭錫文 陳時憲則安子。 高德進

二十年甲辰(三) 鄭昊 石壁

二十二年丙午 謝廷柱一元子。 林世銘 林則裕則方弟。 高顯 黃子敏儒士。

弘治二年己酉 戴廷學均係。 李邦傑

五年壬子 戴仁溥天錫子。 林文材 黃公甫 陳謹德隆子。 謝廷秀

六年癸丑 陳時憲 鄭錫文

八年乙卯 陳讓德隆子。 陳秋鴻俞子。 莊文玄禮子。 陳文試 陳敬躋

九年丙辰 陳文試

十一年戊午 謝廷瑞 陳天然 楊維甫 陳用賢崇德子。 林正 陳球儒士。

十二年己未 謝廷柱

十四年辛酉 陳言 陳談德隆子。 高攀伯齡子。 陳玉順天中式。

十五年壬戌 謝廷瑞 陳玉

十七年甲子 林文沛復姓陳。 陳賢 鄭宗仁吳孫。

十八年乙丑 陳言

正德二年丁卯 鄭慶

三年戊辰 陳談

五年庚午 陳景淮 林文聰 高仕恨 黃仕進 陳桂初姓林。 張憲榮子。 陳豫章諸子。 備上。 陳

廷用浦城縣學。 劉宸順天中式。

八年癸酉 陳毓賢府學。 陳讚德隆子。 鄭憲 陳良珍 陳宗謨養德子。 林公黼節子。

十一年丙子 謝寬廷柱子。 府學。 戴玉成均玄孫。 陳嘉謀京孫。 范惟恭 鄭源渙錫文子。 莊惟春

文玄子。

十二年丁丑 陳良珍 鄭憲 陳文沛先姓林，復姓陳。 鄭源渙 陳毓賢 莊維春 陳嘉謀 林公黼

戴玉成

十四年己卯 鄭舜治第二人。 鄭守思吳孫。 陳鑾德隆子。 陳大濩 鄭珊 陳大用大濩兄。 吳錫

實曾孫。 陳錠時憲子。

十六年辛巳是年，武廟南巡，改庚辰爲辛巳。 陳大濩

嘉靖元年壬午 陳秉雍府學。 大然子。 林承訓 李性 曾茂卿 陳朝慶 陳文獻文沛弟。 李鎔

二年癸未 陳讚 李性 陳大用

四年乙酉 鄭世威 陳一中 高廷忠璧子。 李懷靜 林山 林恕 陳捷 李丕顯府學。 林廷袞

子仁子。 懷安學。

五年丙戌 陳秉雍 林承訓



七年戊子 陳豪德隆孫。 陳時望呂木孫。 吳鏤寶曾孫。 鄭錫澄 陳時玉。順天中式。

八年己丑 鄭慶 鄭世威 林恕 林山 陳捷

十年辛卯 石砥府學。 陳玉

十一年壬辰 陳豪 陳時

十三年甲午 石銘 陳繼文 楊應和 鄭錫麒 王琮有恬孫。

十四年乙未 吳鏤復姓林。 李不顯 鄭錫麒

十六年丁酉 何夢卜第二人。 陳時霖 陳時範文沛子。 陳惟舉 陳燁 石震璧孫。 陳英選惟新

孫。  
張文總侯官。

十九年庚子 鄭功甫 吳大德

二十年辛丑 陳時範 陳時霖 曾茂卿 陳玉

二十二年癸卯 陳夢雷儒士。

二十五年丙午 石磐璧孫。 鄭景 陳懋觀景隆曾孫。 陳瑞

二十六年丁未 陳惟舉

二十八年己酉 陳琦瑞弟。 鄭源彬 林森 吳鑄鏤弟。復姓林。 石梁 陳逢景捷子。 卓爾

二十九年庚戌 卓爾

三十一年壬子 林德慎思裔孫。 陳聯芳閩縣學。 周行府學。

三十二年癸丑 鄭源彬 陳懋觀 石梁 陳瑞

三十四年乙卯 陳復升 陳溢氏傳 陳雋 陳安

三十五年丙辰 陳復升 陳聯芳 林德

三十七年戊午 謝汝韶文禮曾孫 李國珍俱府學 陳省人獲子 林世章 鄭源治連江縣學

謝符

侯官縣學。

三十八年己未 陳省

四十年辛酉 阮琳府學 陳洙錠子 陳應春

四十一年壬戌 陳洙 陳應春

四十三年甲子 陳鴻漸第二人 呂曾孫 鄭朝侃俱府學 陳長祚瑞子 陳經濟懋觀子 鄭岳閩縣

學。

四十四年乙丑 林世章

隆慶元年丁卯 丘問禮

二年戊辰 鄭岳

四年庚午 謝杰上元從孫

五年辛未 陳長祚

萬曆元年癸酉 潘桂 鄭時華慶子

二年甲戌 謝杰

四年丙子 陳長祚省子 林裕陽世章子

七年己卯 宋廷舉 陳榮貢士。順天中式。

十一年癸未 潘桂

十三年乙酉 林繼衡府學。 蔣行義 李廷謨

十四年丙戌 林繼衡 蔣行義

十六年戊子 謝肇澍侯官汝詔子。侯官縣學。〔四〕 葉時敏

十九年辛卯 林一奎

二十年壬辰 謝肇澍

二十二年甲午 陳長進瑞子。貢士。順天中式。

二十五年丁酉 陳訐謨 王人猷

二十八年庚子 丘紹休問禮子。 蔣奕芳行義子。監生。順天中式。

二十九辛丑 陳訐謨

三十一年癸卯 潘舜曆桂子。監生。順天中式。

四十一年壬子 鄭淑貢生中式。 馬思理鐸來孫。 施鏡光

四十二年乙卯 林聞詔 黃朝選

四十四年丙辰 林聞詔

四十六年戊午 林憲濩 劉大亨 劉沂春

薦辟、貢、監賢者附列傳中。

## 有傳

王堅 陳祖 陳仲進弟仲筦，子登全，從子海仁。 林慈 陳良 鄭定 陳銘 林源 林賜 高廷禮

高沂 林實(五) 馬鐸 李騏 陳灝 王錫 黃文政 林彬 鄭序 李叔玉 戴天錫 謝士元子廷

柱。廷柱子寬，從孫杰。 陳德隆子談，讀，(六)孫豫章。 陳維裕 黃熙 陳潭 王有恬 陳景隆曾孫懋觀。

黃世忠 高伯齡子璽，孫廷忠。 莊禮 陳崇德 林廷選 鄭昊 李時儀 黃公甫 鄭錫文子源煥。 陳

文試 謝廷瑞 陳佑 陳宗謨 鄭憲 陳文沛子時範。 陳毓賢 林公輔 陳錠 陳大漢子省。 李

性 陳文禹 陳德宗 鄭世威 林恕 林山 石銘 李丕顯 陳夢雷 石磐 林森 石梁 陳雋

陳安 謝汝韶 陳應春 王文謙 陳鴻漸 林世章子裕，陽。 邱問禮 謝肇洵 陳朝對

王堅 字子正。洪武三年辟至京師，試文章高等，授湖廣按察僉事。坐事左遷，知忠州，改澤州。以薦待詔翰林院，除刑部郎中。嘗以直言忤尚書開濟，濟言於太祖，復左遷嘉興府同知。朝士送之曰：「嘉興民不好，君善爲之。」堅曰：「天下何有不好民？官好民自好。」至則問疾苦，分憂革弊，出女囚六十二人。未三月放歸。

陳祖 字富文。洪武四年，以明經薦，授新繁丞。道遇一嫗哭甚哀，問之，曰：「夫與子俱喪，餘一孫十歲，昨死於巨蛇。」祖移牒城隍，限日引赴。至期，有群蛇集廳下，祖曰：「不殺人者退。」獨一巨蛇伏不退，祖仰劍立地，蛇就劍刎首焉。

陳仲進一作筦。 字伯康。耿介尚氣節。洪武六年以儒士授宜陽丞，攝孟津，最。調韓城。久之，擢令江山。上特旨褒其惠政。後坐勘災被逮，卒於京。輓歸，江山人灑泣，留衣冠葬之。弟仲筦。子登、

全。從子洵仁。

仲筦 名完，以字行。授延平訓導，改寧國縣。永樂初，用薦擢翰林編修，尋陞左春坊左贊善，仍兼編修，侍仁廟東宮。爲人雍容簡重，是非可否據理揆義。嘗有詔汰在京諸司冗官，仁廟以命兩坊長官，時鄒濟長坊，畏避，遽稱疾，次當仲筦，卽提筆書賢否，當留、當汰。衆服明決，被汰者亦自媿服。奉命授皇孫經，貌恭氣和，詞意懇款，多所補益。歷官廿年不遷，怡然自足。仁廟恒言：「春坊如仲筦者，不易得也。」及仁廟登極，仲筦前一年卒矣。

登 字思孝。洪武三十年以儒士授羅田丞。調簡谿、浮梁，皆有治績。永樂中，以薦召入翰林，預修國史。授中書舍人。爲人諒直。博涉經史，自三代秦漢以降，鍾鼎金石、劉家刻石靡不默識。旣入中書，凡國家有大制作篆籀之文，皆出登手。且負直不媿，於所交游面舉過失，國史、實錄稱爲剛正之士。

全 字果之。授翰林編修，修《大典》書。召赴行在，與修《四書五經性理大全》。擢侍講，署翰林院事，公勤篤慎。所著有《菴集》。子陵，領鄉薦，本，字叔鹵，耿介好古，有詩文若干卷。

洵仁 字思允。官給事中，英果廉介，不隨時俯仰。

林慈 字志仁。力學稽古，與陳登、高棟、王恭、鄭定輩往來唱和。洪武十四年，以明經薦任本學訓導、國子博士。有詩集。

陳艮 字從時。洪武中以明經薦，授吏部主事。永樂初，營建北京，與同官蕭儀切諫。忤旨，下詔獄，儀死，艮謫交趾。尋復官，遣閱遼東，陳軍中弊政四事，爲當事者所忌。出判嚴郡，有巨蛇隨舟，艮曰：「必有冤婦。」到官，果得婦人獄，訊冤釋之。居家友愛，兄弟分產讓田。

鄭定 字孟宣。故閩縣人。善擊劍，工古篆、隸書。陳友定辟爲記室。友定敗，亡交、廣間。已，人長樂居之。洪武中，舉明經，爲延平訓導。末年，徵爲齊府紀善。永樂中，遷國子助教。有《澹齋集》。

陳銘 字以義。以貢入太學。同郡鄒孟，爲監察御史，得罪誅，其妻王氏當沒入官，乃自經死，人皆憚法，莫敢視，銘獨收瘞之。洪武間，擢衢州推官，理斷公明，遇疑獄，卽從輕典。惟守月俸之人以自供。丁內艱，民涕泣隨之。以薦擢大理右評事，卒。

林源 字上仁。知餘杭縣，修學平賦，廉敏公勤。部使者行縣察吏至林令，一口無異詞。

林賜 字伯予。永樂間教諭樂平，問學該博，持守端嚴，上望屬之。子僑，無錫教諭。父子並鄉薦第

一。

高廷禮 初名棟，字彥恢，自號漫士。本宋尚書張鎮後也。祖麟，繼於高，遂昏焉。廷禮，永樂初年，自布衣召授翰林待詔，遷爲典籍。其事親孝謹，與人交，無賢愚新故盎然若。博學能文，工書畫，尤長於詩。所輯有《唐詩品彙》九十卷，其序言：「有唐三百年，詩體備矣，興於始，成於中，流於變，侈於終。竊不自揆，偶心前哲，撫採群英，載觀諸家選本，詳略不侔，立意造論，各該一端。惟近代襄城楊伯謙《曹音集》頗能列體製之終始，審音律之正變，然而李、杜大家不錄，岑、劉古調僅存，張籍、王建、許渾、李商隱律詩載諸『正音』，高適、王昌齡五言稍見『遺響』。每一披讀，未嘗不歎息於斯。繇是遠覽窮搜，審詳取捨，分體從類，定其品目，別其始終正變，各立序論，以弁其端變，自貞觀至天祐，通得六百一十人，凡詩五千七百六十九首，總題曰《唐詩品彙》。學詩者，要當以數十百篇之詩，隱其姓名，知其孰初盛、孰中、孰晚，何者爲主、楊、盧、賈，何者爲沈、宋，何者爲陳拾遺，何者爲李、杜，何者爲孟、儲、二王、高、岑、常、劉、

草、柳，何者爲李、張、王、元、白、郊、島，辨盡諸家，剖析毫芒，方是作者。」復輯《拾遺》十卷、《唐詩正聲》十卷。所著有《嘯臺集》、《水天清氣集》行於世。

高沂 字魯仲。永樂四年會試乙榜，撰《辟雍賦》以獻，率同輩乞再試。成祖親策之。沂文立就，賜冠帶，給俸鈔，同王敏等十八人卒業成均。逾年卒。

林寔 字中美。舉進士，授監察御史，敢言，稱鐵面。處州民相讐怨，蔓獄多人，寔奉命往按，微服行察，出無辜百餘輩。奉天殿災，應詔陳六條，皆切時弊。官終廣東按察僉事，年九十有三。有《樸齋集》。

馬鐸 字彥聲。其先樂平人。宋宰相廷鸞之弟廷龍者，自樂平來徙家。廷龍之後，有兄弟三人，曰隆，曰傑，曰鈞，皆舉進士。鐸初受《禮》於先輩鄭宣，遂旁通《易》、《詩》、《書》、子、史、百家，爲文援筆立就。永樂十年廷試，與閩縣林誌俱在及第之列。成祖知其同郡，試之對曰「風吹不響鈴兒草」，鐸應聲：「雨打無聲鼓子花。」見誌對遲成，遂以爲第一。鐸對蓋出夢語，故響答如是。既授翰林修撰，成祖一再幸北京，命獻陵監國，鐸與諸臣侍，勞艱不避，獨任不辭。獻陵屢顧學士楊士奇曰：「馬鐸可謂質實無二。」自是翰林學士、國子祭酒、司業有公務出，皆命鐸署攝。鐸耿介伉直，表裡一全，處事平恕而臨義執言。自奉儉約，與人交盡誠，遇危難急濟之。間暇，鼓瑟讀書。名其書室曰梅巖。

李騏 字德良，馬鐸之異父弟也。其母將生，夢故夫人室，遂名以「馬」。舉鄉試，廷試皆第一。成祖怪其以「馬」爲名，御賜曰騏。授翰林修撰。騏耿介有氣節，事父母極孝，奉繼母尤謹。與人交，和直，有過面告之，退無毀。爲文若不經意，每出人表。在內廷纂修，及典畿試，矢慎矢公，士論重之。奔繼母喪，卒於家。

陳灝 字秀周。授松陽訓導，改封川。持身敬慎，造上有方。擢監察御史。疏劾左右奸貪，置於法。以山西僉事轉陝西按察使，剔蠹鋤強，久之，致仕。初，灝爲教官時，同郡嚴烜薦於朝，及爲御史舉職，世名烜知人。

王錫 字克剛。仕歸善知縣。工草書，號「醉樵」。

黃文政 字子正。選南御史，終山西按察僉事。剛果有爲，號「賢執法」。

林彬 宣德中貢士，任和州學正。以善書預修《大典》。

鄭序 字志禮。歷刑部主事、兵部郎中、湖廣參議。時列郡歲侵盜起，都御史督賦趣辦，序寬簡如平時，曰：「不忍吾民顛沛也。」都御史以序非理劇才，牒吏部更任。乞休歸，家居三十餘年。年九十卒。

李叔玉 字叔玉。〔七〕天順中守惠州，廉明寬厚，勤恤小民，威折豪右。郡學火，木石蕩盡，叔玉心計身督，廟堂、齋舍次第一新。工詩，有《梅庵集》、《梅花百詠》。

戴天錫 襄府紀善。工詩，有《群珠摘粹集》。

謝士元 字仲仁。任戶部郎，督通州倉，陳四弊，大爲部請老所奇。而苦於持正，尤勇與閹人敵，閹不勝忿，欲中傷之，幸其去，繁群胥，使織上元罪，不可得。出知建昌。建昌民錯兵居，穿窬夜六七發，兵官影庇，不可爬搜。士元至，以他事恐兵官，皆股栗自危，奸無所伏，郭内外十里不拾遺，民日就饒溢。乃大興教化，勸勵風俗。南城民得一石像，蒙以腐鼠，置屋上，群鴉噪啄，去來盤旋，民陽驚爲神集，其鄰升屋下之，僮史譟趨如市，士元取石碎之。有魯巫來，妖憑之，忽謂巫曰：「吾去矣，吾畏謝公。」巫忽覺如常女子。有持券訟田者，是紀前事，叱之曰：「偽耳。」民驚逸去，僚佐問何從知之，曰：「券紙，今式也。」



令吏抱二紀前紙式示之，果然。歲再饑，捐俸爲倡，富民爭開原延糴。貳佐自遠歸，載酒飲其邸。部使至，過，引諸已，善必歸之。滿九載，民詣請留。陞從三品俸，仍留郡。諸生生祠上元於學，翰林學士張元楨爲之碑，上元不可，撤祠路碑。比去，復立。丁憂服闋，改知廣信。永豐有銀冶久闕，處州民常來盜發，動以百計，上元勒兵循靈山以束趨之，賊陽遁，留二三人爲餌，邏者見而射之，上元亟止不及，伏四起，笇刺傷股，血流洞臍，裹創戰，得其賊首，大俘殺，塞冶穴還。改知永平，復以憂不赴。服闋，擢四川右參政。東鄉盜藪也，縣三遭劫，上元捕殺百人，檄縣吏修城戍。建始，變僻縣也，縣吏之政制於頑民垂五十年矣，廉魁黨窮治之，用廷薦擢右副都御史巡撫其地。蕃有大小姓者，相煽亂，上元託行邊，若不知其爲亂者，蕃賊見上元猝至，獻羊豕以羅拜道左，上元人與一布麾去之。歲侵，民流人會府，作廣室，糜藥之，死葬之，歸者給符，餽存活之。弘治庚戌，以疾乞致仕。上元爲吏善應變，神施鬼設不可端倪，始視之若越尋丈，揆其終無尺寸失。遇事不顧利害，必達其志，雖雷霆在上，屹不動，而一言合道，卽武夫賤隸改容謝焉。嫉惡如仇，著於本性，有爲危之者，卽亦未嘗見顏面。居家孝友嫻恤，好讀書，喜談兵。子廷柱、孫寬、從孫杰。

廷柱 字邦用。歷湖廣按察僉事，平反有聲。屬外民越境赴訴。爲人謙恭儉朴，文有典則，詩詞莊重，酷好神仙、風水之說。年九十六卒。子寬。

寬 字嚴夫。知象山縣，謙遜簡重，不墜家聲。

杰 字漢甫。幼警敏，有大志，博學能古文詞。貧四壁。其舉鄉試時，已落卷矣，分考官房中夜薨然有聲，起視無有，旋復就睡，旋復有聲，如是者再，起視之，得杰卷。遂以上主考，得與薦。旣登第，授行

人，奉詔冊封琉球國，作《使琉球錄》，卻琉球餽金，琉球人爲立卻金亭。擢光祿寺丞、太常寺少卿，上言：「懿文太子祔祭高廟，而主以奉祀之官非宜，乞以五府行禮。」著爲令。遷順天府尹，酌徭編，均稅法。尋以副都御史出撫南贛，清四弊，陳三策，以汰度兵之虛冒者。管刑部侍郎，疏時政不如初者十事。遷戶部尚書，總督倉場。請全運實京倉以備邊儲。時癸卯歲，漕運愆期，變形於色，早夜焚香祝天。是冬，運河冰獨不合，艘艘屆期，朝野駭異。甲辰夏，一夕暴卒。贈太子少保，遣官護喪，賜祭葬。初，杰爲諸生時，父廷袞官教諭，家居老矣，族衆竊其名以逋賦，縣令劉禹龍弗善也，直指者，令里人，遂嗾令捕廷袞，杰以身代父，幾死於杖。後撫贛，直指在部內，杰絕口不及也。巡撫所薦舉，受其薦者必修謝金以爲常。杰撫贛，畢事，榜署曰：「賄而後薦，干戈之盜也。薦而後賄，衣冠之盜也。」於是屬吏受薦者，不敢以謝金通。

陳德隆 字世美。歷浦江、曹縣、上海、新建四學教諭，而在新建最久。端嚴孝友，士依歸焉，祀名宦。子八人：讓、謹、鑾，領鄉薦，談、讚，進士。謹子豫章。

談 字允默。爲刑部郎，與同官請武宗止南巡，被杖。奉命鞫囚，拒格權貴人請。擢知兗州。賑飢，德競，士民安之。

讚 仕至副使，先守湖州，著廉聲。

豫章 字志賢。任仁化令，重學校，建義倉，守方面政惠，以憂歸，民奔走涕泣。終潮州通判。

陳維裕 字饒初。官御史，有風裁，文行尤著。

黃熙 字汝明。初領鄉薦，以父老不赴禮部試。父歿，登進士，復以母老丐終養。前後居喪，哀毀骨立。後歷官南吏部郎中。既獲贈父母，遂乞歸。其卒也，命子曰：「昔喪吾父母，貧無以斂。死，毋使我

過吾親。」

陳潭 字孟明。起家南戶部郎中，歷浙江參議。居官清謹，操行愷愷，鄉評重之。

王有恬 字德安。以南戶部郎出爲江西督糧參議，西民逋稅，人抵豪宗任爲輸，有恬至，下令曰：「毋代輸。代輸者罪。」稅用不逋。淮王之封國，道九江，水陸費以鉅萬，有恬酌省之。又其出納，無所得鉅竄。後自免歸，杜門三十餘載，以窮約終。係琮，淄川知縣。

陳景隆 字如初。授武康令，改德清。選監察御史，擢山東僉事。守制歸。襟度坦夷，而居官廉介有立。爲令時，中官奉使倚勢橫索，正色拒之曰：「吾官可去，刺民媚人不可爲也。」在臺，彈劾無所避撓。曾孫懋觀。

懋觀 字孔質。知會稽，數月政聲流布，以憂去。旣除，適山陰缺令，邑人願得懋觀，遂改知其縣。爲人惻惻不銜，廉明寬和，蔬食布袍，淡若寒士，順民好惡，賦緩訟簡。嘉靖間，循吏以懋觀爲最，徵拜給事中。越人祠之卧龍山。虜入塞，會疏善後事，同官概坐謫。旋擢推官、南京吏部主事郎中，終廬州知府，士民愛慕，等於山、會。

黃世忠 字孝卿。弘治初知贛縣，持性堅定，敷政和平，毀淫祠百餘區，更作詩諭民，民咸感化。

高伯齡 字平哲。知零都縣，有惠政。家居恭謹，卒年八十餘。子壘。係廷忠。

壘 字德滋。授安仁令，晝夜精勤，介不繼，及卒，篋衍中惟敝衣數襲。士民哀慕祀之。鄉人尤重其孝友。子廷忠。

廷忠 字元卿。授奉化令，夙夜精勤，剷除夙弊十餘條，期於政行事集，不買名譽。值夏旱，屏蓋素



鄭吳 字繼人。歷戶部郎中，常以「清、慎、勤」三字自守。德望老成，後進崇重。

李時儀 字端夫。弘治初以貢令穎上，省刑薄斂，不阿貴勢，邑人目爲「板李」。

黃公甫 字仁岳。爲監利教諭，陶鑄士類，講論貫寒暑。丁艱服闋，補任桐廬，歷助教、衡府長史，進階致仕。清修篤行，士論推服。卒年八十六。

鄭錫文 字禹範。授義烏令。邑有秀湖，潴水灌民田，久爲豪宗所據，錫文至，復之，民像祠湖側。

選南御史，以病告，逆瑾奪其官。瑾誅，起雲南僉事，土官治兵相攻，單車往諭，咸服。累廣西右布政使。

歷官三十餘年，苦節不渝，鄉評推重。子源渙。

源渙 字與聚。正德中刑部主事，偕邑人林公黼、陳談疏諫武廟南巡，被廷杖。公黼死，源渙亦創甚，匍匐爲公黼治喪，友誼爲難。官至建昌知府。

陳文試 字道行。授臨川令，首除豪猾，政聲大著。選監察御史，陳敬天、修學士事，多見採納。

謝廷瑞 字邦應。歷知瓊州府，守郡數載，心事洞朗，經略周至，四封清晏，黎峒畏威，瓊人稱爲牧模。嘗疏裁冗官及陳區畫峒人之策，未悉舉行，瓊人有遺憾焉。

陳佑 作祐德。事父孟簡至孝。母謝，晚嬰風疾，扶持逾一紀，寢興不違。又獨侍伯父病，五月無倦意。

督學杭濟檄徵之。正德二年，貢任廣州府訓導。卒八十一。

陳宗謨 字文訓。養母從兄，人稱孝友。會試歸，值友人林公黼喪，傾囊賻之。歷學正、助教、監丞。疏養。卒年八十餘。

鄭憲 字有度。授刑部郎中。大同寇劉玉深器重之。丁內外艱，不入私室者六年。服闋，請告，積

十四載，猶以郎中謁選。其爲郎時，與大學士方獻夫同舍相善。獻夫以議禮驟貴，佐吏部，憲謁選，相值邸舍，一揖而已。獻夫謂憲薄已，憲坐移數稽遲，待報，逾年始得補官，而獻夫竟不爲一言。終光祿丞，卒於官。

陳文沛 字惟德。授工部主事，歷員外郎中，奉使三吳。開白茆港，築海鹽塘，用薦者遣督邊儲，並有功，詔增俸。出守撫郡。平訟約費，恤弱鋤強。尋調蘇州，擢霸州兵備副使、陝西行太僕卿。（八）文沛爲人剛介有執，世廟初，楊一清、胡世寧、李承勛諸公皆薦其可用，銓宰汪鉉以私嫌擠之，遂罷歸。家居二十餘年，不入城市。子時範。

時範 字敷疇。清約端慎，有父風。授戶部主事、刑部郎中。出守夔州，蜀民以三殿採木大困，爲之蠲豁，存活數千家，副使雲南，督左、右布政使。藩帑積金五千，悉以充大比費，餘貯藏中，不取也。

陳毓賢 字則英。歷工部郎，以濬漕渠勞，擢陝西參議，分守平涼、鞏昌。值歲饑，請留京折，多方賑貸。轉兵備山西，冀北流民嘯聚山谷，爲虜嚮導，毓賢至，招撫之，悉解散。代上左右欲於冀北界鑿河漑庄田，毓賢固拒焉。轉廣西參政，適左江猺獞結思田土兵倡亂，諸道會勦屢偵，毓賢按兵不動，懷以恩信，寇平。督撫方薦用之，未上，卒。

林公黼 字質夫。授大理評事。武宗將南巡，公黼約同官疏諫，武宗震怒，命鎖項，械手足，暴庭中五日。復繫詔獄，一杖獄中，再杖闕下，昇至旅舍卒。公黼爲人忠孝沉默，心事瑩明，詳刑細謹，不以一字苟喜怒。黃鞏與公黼同繫，熟察其所爲，謂惠安張襄岳曰：「吾取友幾遍天下，乃近遺林質夫。」嘉靖初，贈太常丞，賜祭。錄其子逢春爲太學生。逢春歷推官、通判、榮府長史。所至以廉能聲，以養母疏歸。

陳錠 字用賞。任教諭，徵補南安同知。平居謹禮，蒞民迪上誠懇藹然。

陳大濩 字則敬。弱冠舉進士，授上虞令。能以法抑上虞之巨室。械詐者，撫其單弱而訓其子弟。諸貴有力人無便大濩者，日孽之上官，而其父老誦大濩不置，然不能服貴有力之口。調楚永興，以憂歸。補光山，邑苦饑，他邑且有役，役光山，抗爭之。僅坐中上虞事，通判高州。遷知道州，撫臣人，州佐譏論，調隰州，大濩曰：「固知佐有厚托也，而不能以吾民供佐魚肉。」復被劾，銓部知大濩廉，格之。遷思恩同知，乞歸。歸而教授里中兒自給。歲稍侵，至壞酒鎗輸賦。大濩骯髒取忤，六仕而官不過下大夫，位不過五品，蕭然無慕於世，世亦高之。子省。

省 字孔震。授金華府推官，徵入爲御史。奉命按楚。楚，世廟潛邸在焉。先是，嘗一幸，勞費困敝，殆不可言。迨晚節，益思潛邸甚，時時以承天爲祖家，密召閣臣及太監黃錦輩議南巡。內閣徐文貞階委曲諷諍，上意尚猶豫，承天水溢，睿陵垣楮爲傾，守備、撫臣奏至，上得疏大喜，曰：「朕行有辭矣。」因手自模畫殿陛宮廡掖庭，以及法門、雷壇、崇祀玄武之所，規畫一倣京師。費且萬萬計，而先遣內、外官工匠以行，則工部侍郎張守直以視工行，內官監太監袁亨以督理行，工師梓匠授參議郎中者二百餘人，並執役出，緹騎、金貂、偵探、稽督相屬於道。是時也，楚中連歲被水，又上春秋高，儲宮未定，駕欲遠出，中外皇皇。文貞既諷諍百端，莫能得，計無復之，日夜祈死而已。省乃上疏，言不止乘輿南幸也，第陳楚中水患，下民昏墊、死亡、流離、困苦狀，宜安靜養之，不宜困以大役，又言伊洛之墟，洪水衡注，陵谷變遷，道路阻梗，齊、魯、吳、會曠徒，白蓮教竄伏窺伺，隨在竊發，洞庭、蘄黃、鄖漳盜賊，隨在布散，辰、沅苗夷、猺獞耽耽伺隙動，北虜桀黠，數歲一大舉，正屬將逞之會。凡述諸可虞狀，以數千言，走京師上之，不與人知。

也。乃張王侍守直業以受命至，諸中貴相與逼之，卽下令撤承天舊邸，悉新之如上所降制。省曰：「事固有難易，撤未後也。」省止撤邸時，正冀其疏得行，則猶可舊貫。張不明省意，作忿語曰：「主上責宰緩，不佞有辭矣。」省曰：「省當赴斧鑕耳，敢累公？」疏人上意動，密札下閣臣，有御史言是之語，因詔停承天大役，侍郎、中官俱令還京。徐文貞語諸公曰：「一言回天，陳公謂乎？」張亦感且泣，頓首謝：「微公持吾堅，設彼時舊邸一撤，容詎可復耶？縱幸自免，吾坐糜費獲罪於天下後日已。」其冬則世廟晏駕矣。穆廟登極，及今上初年，省所止駕南幸功，尚在廟堂諸公之口。因得累遷右副都御史。家居者久之。而江陵相居正，故楚人，夙材省，再起省巡撫其地，復擢爲兵部右侍郎。省既爲相所拔擢，遂與相善。相敗，省以私人免，不自明。結雲窩於武夷山下居焉。

李性 字仲復。知東莞縣，政尚簡易，公庭肅清，奪海利之人豪勢者以歸民，徭役里甲均平無擾。歷辰州太守。

陳文禹 嘉靖初貢，任龍游訓導，以道義與諸生相勉，見監司不途跪。無何乞歸，督學使者敦留之，假托微故，竟賦《遂初》。《三衢志》稱其暗室不苟，取與不妄，占之獵人也。

陳德宗 字克修。年方八九，奉母至孝。母卒，事繼母無間。所生兄弟四人同爨五十餘年。嘉靖二年，以貢授始興訓導。

鄭世威 字中孚。方總鼎，卽題其齋曰：「志樂顏瓢，貧甘范甑。」弱冠舉於鄉，無何成進士。會臺臣闕，詔從諸進士推擇，衆競趨之，世威曰：「纔脫章句，矚司耳目耶？」授戶部郎。丁艱，改刑部，出爲廣西按察僉事，尋改廣東。丁內艱，復除。江西貴溪相言再召入相，諸司往賀，開角門延入，世威便却退，呼闕



者曰：「相國尊，然奈何令邦大夫縮縮旁趨？還拜刺，去耳。」門者開中門，乃入。相言未子也，汪巡撫玄錫偕相有事上清宮，以祝釐爲名，實爲相祈子。世威從諸司往拜，前視詞乃知之，遂不拜出。轉浙江布政參議，言復再相，過武林，世威復不與諸司郊迓也。轉江西按察副使。時嚴分宜代夏相，勢張甚，族黨橫暴，莫敢問，世威輒三尺繩之，有抵重法者，獄具矣。傳巡撫憾於嚴，將改論，世威持之堅，不能奪。熊憲副者，嚴姻也，以輕直占廢寺田千餘畝，世威嚮以賑饑，熊持相手書求救，不得也。遷四川參政，念分宜終螫己，投檄歸。歸而薪粲不贍，耕鋤自力以十年。分宜敗，中外交薦，起湖廣參政、南京右通政。隆慶初，擢都察院右僉都御史、左副都御史。華亭相文貞爲王文成學，廷議有舉文成從祀者，世威言：「王守仁，治世之能臣也，謂其紹周、程而宗孔、孟，則平生庸德之行有不足矣。且其率天下徑趨直行，使聖門講學明理之功屏棄不用，將有毫釐差而千里失者。與守仁同時講學者，秦和羅欽順、惠安張岳，世稱賢大夫，兩嘗指擊其繆，守仁辯不能絀。蓋守仁以名勝，欽順、岳以實勝，實之與名，相去遠矣。」文貞不足也，顧其事亦寢。轉南京侍郎，改刑部侍郎。會有詔採珠及珍石，世威疏納忠諫，崇節儉。不報。遂乞骸歸。歸而耕鋤如故，里中不知侍郎公。始，世威副使江西時，議清贖鍰、備庾賑，且謂：「升石而徵之，筐篚而糜之，是奸國法也。取盈於公廩，而尾閭於權門，是奪民命也。」纚纚千言，讀之惻切，至有鑲以傳者。通籍十年，朝野參半，自對大僚，臨下吏，與農民處，一本之至誠。其學，以濂、洛爲宗，取《六籍》及先儒語，凡日誦繹之，錄其精者獨證於心，曰：「直諒爲友，嚴師爲師，展也。宋儒實獲我私。」年八十二卒。禮官言其「歷官權貴之鄉，媚竈足耻，辭榮寂寞之野，杜門自高」。人謂盡之。賜祭葬，贈尚書，謚恭介。

林恕 字道近。江西知縣，歷都察院經歷，擢守雷州。朴直近民，治奸慝窮根柢，城池、學校、公署、

樓亭、壇廟、圩岸凡可修建，悉力爲之。擢雲南副使、參政、按察使。王詩有《西橋詩集》。卒年八十。

林山 字士仁。授萬載令，以最擢戶部郎。李尚書者，不習錢穀事，又尚通諸公，貴人多所求請，輒下山，山持不可，尚書強之，持愈堅，尚書怒，欲擠之，曹事辦，不能加也。尚書罷，梁儉庵材代之，乃獨賣山，大與相得。薦知徽州。徽俗喜訟，赤牘十請，動至盈篋，山一切謝絕。斷獄明察，民神明之。期年訟減，郡人稱治。擢廣東副使，以親老丐養，年四十餘耳。爲人強有力，惡衣食不耻，當官而行必信其志。然時恃清節，好面斥人過。其之徽時，乘舨而行，吏民逆太守，不知也。入覲京師，持幘被與僕隸共車載。徽人立祠以祀，語及林守，久久有泣下者。

石銘 字明獻。領梧州府學教授，標《五經》、諸史弘綱大義，訓迪諸生。擢知博羅縣，未幾卒。提學陳善治躬祭其柩口：「才足仕，不利其官，德足壽，不水其年。已焉哉！大固命之窮也已。」

李不顯 字憲文。初以舉人署教休寧，操持廉行，勤勞訓迪。既舉進士，知永嘉縣，愛民養士，政績有聲。擢南御史，終贛州知府。」

陳夢雷 字有震。知建水州，愛民束吏，惠政爲多。終瓊州府同知。

石磐 字民漸。初令臨淮，公密編，省里甲，招流亡。有吏部子經其邑，家奴過索夫役，破儀門，磐笞繫之。留守太監令向伏謁，磐絕不與通。太監遣人來訶責，磐亦笞之。河決沛以西，力主築馬堤，功成，人呼「石公堤」。擢職方主事，條邊事甚悉，尚書霍冀奇之。兩廣倭亂，出爲嶺西僉事，行至肇慶，倭陷雙魚所，雷廉大震，磐躬督將士出戰，復雙魚，斬首千五百，生擒四百，追餘賊於牛牯墩、富林鐵場，悉平之。擢參議。時督府欲多叙功，磐不可，忤督府意，罷歸。

林森 奉母至孝，既授岷縣令，語人曰：「始吾幼時，母憂吾不得長，長矣，憂吾老。吾曷用慰母？惟當爲好官耳。」到官，却常例，恤困窮，抑豪右，定圖均役，吏胥束手。以不能曲意上官，坐謫象山。瀕行，僅餘贖金數十，亦以修治公所。里老醵百金爲贖，却之。皆曰：「公不貧耶？」曰：「必囊無一錢，始快吾心。」

石梁 字士升。知龍游縣，有異政。卒官，民思之。

陳雋 字以吾。初任英山知縣，尚德化，薄刑名，父老稱爲太平縣主。終奉新知縣。

陳安 字勉夫。爲衡陽令，質直剛方。衡山黃御史還家過其邑，待之凌倨。安不能平，發其篋，苞苴充牣，遂以聞，卽亦棄官去，御史亦落職。

謝汝韶 字其盛。初授錢塘論，弟子翕然稱得師。歷令武義、安仁，以廉明著。遷承天同知。承天大賈以賁結江陵相，怙勢不法，汝韶得其罪狀，置重辟。德安守藏吏，多獵民間金，汝韶按治無所貴。以持正忤時，左遷吉府長史。江陵相以喪歸，諸宗藩捆載而餽，汝韶導王用常禮修唁。故事，王傅以客禮見監司。趙觀察故江陵黨，希相意，欲抑令如屬吏，汝韶笑曰：「王傅之膝可易屈耶？」挂冠歸。杜門著書，凝塵滿席。

陳應春 字汝和。令東陽，多惠政。擢戶部主事，扈從莊皇帝謁園陵，視駕輿，部署簡辦，尚書馬恭敏森深器之。榷關潯陽，創立規制，大駟不得贏縮其手。出爲雲南僉事，歷廣東西副使、參政，山東左布政使，卒。應春官粵西，有平寇功。其在雲南，有儒生楊霽訟其室人憑於妖，應春檄城隍神驅之，三日妖遂絕，火其祠。滇人御史李元陽紀其事。

王文謙 嘉靖中貢，官益府教授。宗族稱孝。弟文誠，江陵訓導，亦以孝友稱。

陳鴻漸 字順羽。歷博羅知縣、廣州府同知、肇慶知府。以疾乞歸。醇謹溫厚，所至宜民。

林世章 字尚闡。舉進士，嚮用有路，獨乞郡博士，得教授占安。徙官國子博士。常爲郎，獨乞南。

銓部謂：「博士久寂甚，胡南也？且固不當南。」力請乃得，以工部主事督課儀真。得代，不持錢去。今上上兩宮徽號，得贈父母，歎曰：「吾向重去其官，今願畢矣。」亟謝歸。尚書留之堅，不得，則爲復請予告，冀後用，而世章飄然隱矣。世章貌朴行和，簡素寡營。福唐葉向高言：「長樂清修高蹈，則司寇鄭先生及先生而！」子裕陽。（一〇）

裕陽 字永光。爲人循循若處子。其文章，靜婉綽約。令連山，（一）移守永寧。兩地皆僅彈丸，錯襟夷獠間，而裕陽處之甚適。每貽故人書，第言居官奉職，勉自樹立，不敢苟然，以負故人耳。初不知官之爲投荒，而地之爲高煙瘴雨也。衙齋無事，乃益讀書理篇詠，其詩日工，而名亦日益起。

邱問禮 字仲和。任郊城教諭。行醇學博，孜孜訓迪。卒於官。上祀之學宮。

謝肇淛 字在杭。起家郡推，歷工部郎。管河張秋，作《北河紀》，以載河流源委，與歷代所治河者，臚列之。復自豐、沛以北，析水以南，其間片邑都鄙之變，山川畛隴之奇，高賢之所寄託，道士之所詠歌，皆考而存之，名《北河紀錄》，曰：「吾以盡河之變也。」廣西左布政終官。肇淛好讀書，工古文辭，所爲聲詩，靚深婉麗，近世罕倫。

陳朝對 萬曆中以歲貢爲歸化學諭。木訥持重，占貌占心，不靡不俗，暇以圖畫自娛。

〔校記〕

〔一〕〔二〕「續從兄」，「續兄」，上文未見「陳續」。

〔三〕「年」字，各本原脫，據本書體例補。

〔四〕「候官縣學」，各本原作「侯縣學官縣學」，據《明史·選舉志》及本書體例改。

〔五〕「林實」，本卷「皇朝科第」及本傳作「林寔」。

〔六〕「讀」字，各本原脫，據本傳及本書體例補。

〔七〕「字叔玉」，原文如此。

〔八〕「陝西行太僕卿」，疑有脫文。

〔九〕「先儒」，各本原作「儒先」，據文義改。

〔一〇〕「子裕陽」上，各本原衍「兩」字，據文義刪。

〔一一〕「令連山」上，各本原衍「約」字，據文義刪。

# 閩書卷之七十八

英舊志 縉紳

福州府 連江縣 羅源縣 永福縣(一)

連江縣(二)

唐進士

大順元年庚戌 張瑩

薦辟、人才賢者見列傳中。

有傳

王魯復 張瑩

王魯復 字夢周。意氣高邁，草衣騎牛。相國王涯、李固言俱見賞識。嘗謁郎中皇甫湜，久未獲見，移書讓之曰：「韓文公接賢樂善，孳孳不倦，公師文公之文，安可後文公之道？自此當携酒吊文公之墓，不及門矣。」湜大慚，復書謝之。貞元、大曆間，獻詩於朝，得從事邕府。

張瑩 字昭文。詞賦高麗，蔚有時名。仕至禮部尚書。

### 宋科第

端拱元年戊子 李亞荀

大中祥符八年乙卯童子舉 **黃鼐**

天聖二年甲子 林衛

慶曆二年壬午 李處厚亞荀子。尚有謨，亞荀長子，亦舉進士，失其年。

皇祐元年己丑 謝宋臣 趙谷

五年癸巳 林彭年

治平四年丁未 李處道亞荀子。

熙寧六年癸丑 李撰處厚侄。徙居蘇州。

諸科 鄭玠

元豐二年己未 陳度

元祐三年戊辰 韓筠

元符三年庚辰 陳抱

崇寧二年癸未 鄭南卿

五年丙戌 李彌大撰子。

大觀三年己丑 李彌遜彌大兄。

政和六年丙申釋褐 王元鼎

七年丁酉釋褐 林穎

宣和二年庚子釋褐 李彌正彌大弟

六年甲辰 林昇

建炎二年戊申 王聿求

紹興二年壬子特奏名 陳適

五年乙卯 王元量聿求從兄

特奏名 鄭甄

八年戊午特奏名 李搗撰兄

十二年壬戌特奏名 韓師孔 林日華

十八年戊辰 林錚

二十一年辛未 陳鎬

特奏名 王大猷

二十四年甲戌 黃茂材

二十七年丁酉特奏名 林浹

三十年庚辰 林搗穎弟

乾道二年丙戌 陳少英 陳善竦



五年己丑 林昂

特奏名 陳擢

淳熙元年甲午太學兩優釋褐 鄭鑑南鄉孫

二年乙未特奏名 張甲元

五年戊戌 陳子擇

八年辛丑特奏名 黃時中 鄭冲之

十一年甲辰 李橐 陳舜申

特奏名 林扑穎父

十四年丁未 黃子善 林琪 李庚 陳德豫

特奏名 陳環

紹熙元年庚戌 陳冲

特奏名 陳錡卿舜申叔 陳適正 陳友直

四年癸丑 陳德舜申子

特奏名 洪信臣 鄭夢承

慶元二年丙辰 陳權叔 韓同彰明曾孫

特奏名 木密

上舍釋褐 李瑱彌遜孫 黃膚卿

嘉泰二年壬戌 張邦用 趙瑄 陳槐卿少英子。 侯國

特奏名 陳朝英少英族。 黃佺 陳應求

開禧元年乙丑特奏名 林百順浹孫。

嘉定四年辛未 李寧之彌遜曾孫。 黃之望茂材侄。 陳德林寄居平江。 黃襲甫 李韶寧之弟。

七年甲戌 林子升

十年丁丑 陳調一舜申子。 李鑑紹弟。 包榮父

特奏名 林士瞻穎孫。 葉伯秀

十六年癸未 李任鑑弟。

特奏名 黃信 李應東

寶慶二年丙戌 孫懋德 黃君賞

特奏名 林夢鑑 林得同

紹定二年己丑 陳鑑明 陳高子 劉漢英 陳瑜鑑明侄。

特奏名 孫夢 鄭則仁 林雄 陳允中 王公成 王夢有 黃公定

五年壬辰特奏名 陳若森子擇侄。 黃公權 鄭夢高師甲叔。

端平二年乙未 陳炎子高子弟。 林漫 蘭斗南

特奏名 林夢驥 李汝搗

嘉熙二年戊戌 常挺 陳幼學鑑明子。 黃宜

特奏名 鄭伯麟第二人 劉應神 鄭應明 林仲翼 俞夢傳

淳祐元年辛丑 趙沂孫

特奏名 林上復

四年甲辰 林禾 林官高 林公玉

特奏名 陳執禮

七年丁未 陳應元 鄭景仁 鄭能定 孫鼎來 林介甫 吳驥伯 黃順卿 陳應角 李國良

特奏名 李泰來彌夫族 李謙之撰元孫 鄭天驥能定叔

十年庚戌 王夢龍 鄭應天 陳炤

特奏名 黃應珪 黃龔甫 林大舉

寶祐元年癸丑 孫應高 王文龍 林坤載 陳夢圓高子弟

特奏名 黃逢原君貴弟 鄭則俛 陳應甫 常顯伯挺兄 陳平子 常晞尹顯伯弟

四年丙辰 劉木潤 倪洪 鄭應雷

特奏名 常時尹 吳夢巖 鄭應東

咸淳元年乙丑特奏名 劉應旗 余大章 黃宜發 林逢午

三年丁卯幸學出官 林宗英 孫逢辰 高公襲

四年戊辰 陳方叔 陳燦 陳溥炤弟

特奏名 林貴孫 孫士安 翁履道

七年辛未 林槩

特奏名 黃志召

薦辟賢者雜見列傳中。

有傳

李亞苟 係餘慶。黃鼈 鄭鑑 陳舜申子德一。陳璟 陳德預三 林公玉 李琪 常挺

李亞苟 字宗卿。累官度支員外郎、夔州路轉運使。居官嚴整，所至凜有風采。作餘慶。

餘慶 字昌宗。判秀州，境多鹽盜，作華亭、海鹽二監，俾業鹽者歲入常緡以杜私販。又爲石隄，自

平望至吳江，捍除水患。後知常州。卒官。家蘇州。曾孫彌遜、彌大、彌正，見僑寓。

黃鼈 六歲能詩，應聲響答，無不中的，應童子舉，賜進士出身。

鄭鑑 字自明。乾道間補太學生，扣閤言鞠毬事。淳熙初，兩優釋褐，除太學正。入對，孝宗聽其真

切。召試館職，對策論大臣，權倖得行其說，孝宗又嘉之，除校書郎，遷著作郎，權郎官，屢引對，言時政，

爲時相所惡，遂屢乞外，出知台州。陛辭，劄七上，孝宗爲改容。及辭東宮，太子語之曰：「前後講論，無

如侍講直切。」後卒。朱文公祭之文，有云：「偉哉自明，凜乎有古爭臣之風，求之近臣，則措之鄉，陳之間

而無作者也。」

陳舜申 字宋謨。七歲能屬文。舉進士，歷衡陽、秭歸教授。累遷知漳浦，有惠政。人爲著作郎，輪

對，以正心任人爲先，孝宗嘉納。會有忌者，遂主管冲祐觀。起參議淮閩，未赴卒。舜申以學問淑後進，

以行誼率鄉里，以節操立朝廷，以義方教子孫。所著有《易鑑》、《語孟中庸大學集解》、《渾灝發旨》、《審足

集》、《兵書訂解》、《高齋文集》。子德一。

德 字長明。少穎異，貫通經史百家。官終朝請郎、知宜州。卒日，囊無餘貲。所著有《易傳發微》、《橫舟文集》、《諸子總解》數百卷。兄弟四人：一爲州牧，二爲縣令。累世同爨，鄉推德門。

陳璟 字景玉。補太學生。紹興間，金虜敗盟，朝廷擢用張浚都督江淮，虜不敢犯。及逆亮授首，虜酋繼立，宰相湯思退議增幣講和，王之望、尹穡附之，相與詆浚，浚遂罷。璟與同列張觀等詣闕上書，乞斬思退、之望及穡以正典刑。三人亦皆罷。璟英邁卓犖，弟子百餘人皆一時名流。後覃恩，授貴州文學。

陳德豫 字子順。好學通博，以進士乙科調建州戶曹。試教官，首選。分教宣城。時禁程氏學，遺文皆令焚毀，德豫取郡學所藏，護持惟謹。改京教，累遷諸軍糧料院。歲旱求言，德豫上封事，以諱天變、諱人言爲致旱之繇。乞去二諱，以回天意。光宗嘉納。歷武學、太學、宗學博士。抗疏論事，議者皆以爲識時務。累遷著作郎。會胡僧入覲，錫予甚豐，乃歷陳梁武之失，願毋罔忌異端。即日有旨出胡僧國門之外。官至大理卿。有文稿三十卷。

林公玉 字文振。年十三，善屬文。舉進士，調建武教授。郡初未有登第，公玉精講解，嚴課試，節浮費，創貢士莊，繇是舉進士與內州等。郡人祀之學官。嘗較文懷澤，其郡守以私囑，公玉指誓天日，卒不應。終太學博士。

李琪 字孟開。仕國子司業。有《春秋王霸世紀》行於世。

常挺 字方叔。歷官太學錄。召試館職，遷秘書省正字。以考功郎出知衢州，拜監察御史兼崇政殿說書。疏言邊關三事：曰辟實才，曰奏實功，曰招實兵，朝廷三事：曰選良吏，曰擢正人。又言：「願離

下深思宏遠之規模，奮發清明之志氣，立綱陳紀，必爲萬世法程，昭德塞違，以示百官憲度。」累遷工部侍郎，以寶章閣直學士知漳州，改泉州，權兵部尚書、禮部尚書。進《帝學發題》，遷吏部尚書。咸淳中，授同知樞密院事，封合沙郡公，拜參知政事。致仕，卒，贈少保。有《性理錦》行世。

元進士

元統元年癸酉 方季茂

皇朝科第

舉人 進士遇子、午、卯、酉是舉人，辰、戌、丑、未是進士。

洪武三年庚戌鄉試 陳執中 游好德 趙士奇 好德、士奇，俱應天中式。

四年辛亥廷試 陳執中

是年鄉試 蘭同甫以上，庚戌鄉試、辛亥廷試兼鄉試者。洪武初年科試未定，至十七年始有定科。

五年壬子 陳子晟第二人。

十七年甲子 李林 陳煥執中子。 林瑜 丁坤 陳注 林龜年貢士。應天中式。

十八年乙丑 李林 丁坤 林瑜 陳煥 林龜年

二十年丁卯 陳昂 游義生

二十一年戊辰 游義生 陳昂

二十三年庚午 林棨 孫保濟 孫奕 鄭麟 鄭貞 楊謙貢士。應天中式。

二十六年癸酉 林英

二十七年甲戌 林英

二十九年丙子 林籽 蘭侃 陳全貢上。應天中式。

建文元年己卯建文年號，已經詔書仍舊。今改洪武三十一年仍稱建文元年。唐亨 吳彬 陳節

永樂三年乙酉 方義 丘文政 林樞貢上。應天中式。

六年戊子 陳善 陳閏 陳鑾

九年辛卯進士七年己丑，當會試期，成祖巡狩北京，以中式八十四人寄監，至辛卯還京，乃舉廷試。陳善

是年鄉試 鄭萇 丁鏞坤了。林森儒上。丘細 韓魁俱貢上。應天中式。

十年壬辰 陳閏

十二年甲午 係欽 孫瑀 孫浚

十三年乙未 孫欽 陳鑾

十五年丁酉 張貞 趙雍 林柰江西中式。

十六年戊戌 林柰 韓魁

十八年庚子 董密 趙恢 趙璉

二十一年癸卯 詹堙 林淮宗 陳皦 葉端

二十二年甲辰 趙雍

宣德元年丙午 張子初

二年丁未 林淮宗

四年己酉 林柱 周禧 林禎貢士。應天中式。 林漢川余子。浙江中式。

七年壬子 陳晴

八年癸丑 趙恢第二人。

正統三年戊午 吳善 周儀

六年辛酉 趙崐維子。 陳隆

十二年丁卯 林舉 趙琰維子。

景泰元年庚午 翁賓解元。 林錦 宋毅 陳鴻漸 林旦

二年辛未 陳鴻漸

四年癸酉 黃珪

七年丙子 張偉子初子。 林治

天順三年己卯 林崧

成化元年乙酉 呂繼和 陳賓名仲賢。隆子。儒士。

七年辛卯 林汧錦子。 陳從儒碩係。

十年甲午 鄭堪 林彥修儒士。

十三年丁酉 林彥學彥修弟。 林智

十六年庚子 趙舉恢子。

十九年癸卯 陳謙光 陳龍隆子。 歐信順天中式。



二十年甲辰 歐信

二十二年丙午 翁上榮 林裏淮宗孫。

弘治二年己酉 楊公榮 陳璽 陳儉 陳元憲

六年癸丑 楊公榮

八年乙卯 林錚 樞曾孫。

十一年戊午 林行簡

正德五年庚午 游璉

六年辛未 游璉

八年癸酉 陳坦 王德溢 儒士。

十一年丙子 李士文 陳邦燦

十四年己卯 吳世澤 鄭嶠 謝爾誠

嘉靖二年癸未 吳世澤

四年乙酉 陳秉誠 元憲子。 歐思誠 順天中式。 黃明良 雲南中式。

五年丙戌 王德溢

七年戊子 鄭儀則 歐思賢 思誠弟。順天中式。

八年己丑 李士文 歐思誠

十年辛卯 孫文錫

十六年丁酉 陳懋勛 林金貞上。順天中式。

十七年戊戌 孫文錫 歐思賢

十九年庚子 陳址坦弟。

二十二年癸卯 陳國信鴻漸曾孫。

二十五年丙午 係用

二十八年己酉 丘行義第三子。 陳秉謨

三十一年壬子 楊廷秀公榮曾孫。

三十二年癸丑 係用

三十四年乙卯 吳文華世澤子。

三十五年丙辰 吳文華

三十七年戊午 王一岳 吳應乾 鄭源治

四十年辛酉 吳尚誠 丘懋觀

萬曆十三年乙酉 黃金

二十五年丁酉 趙概舉曾孫。

薦辟、貢、監賢者附列傳中。

有傳

陳子晟 汪時俊 孫瑛 林復 汪大賓 阮嗣 游義生 孫芝 陳時可 趙雍 趙恢 陳隆

翁賓 林錦 陳鴻漸 陳元憲 游璉 陳垣 吳世澤子文華 王德溢 李士文

陳子晟 字仲昭。甫任冠，即以《周易》試，名前列，貢於朝，廷議少之，俾入太學，選爲楚王府伴讀。從宋濂學，爲文水湧山出，縉紳先生交譽之。是時，太祖方寵士俊，郊祀、燕游遇奇異怪偉事，輒命從官王臣年少賦詩屬文，親第高下。子晟尤被知賞。九年，從王之國。後二年，還京師，病死中都學舍，年二十六耳。子晟侍王，嘗直敢言，其府長史諂巧，授王經不正說，恣王所爲，無諫正，子晟每廷詰焉。宋濂嘗爲子晟作《師古齋箴》，而方孝孺銘其墓。

汪時俊 洪武初任羅源學諭。持身高潔，施教有方。

孫瑛 字斯玉。以人材，永樂初用大臣薦，擢文選主事。繼員外郎中。秉執公道，疏剔凝滯，勤事夙夜，寢食不遑，天官最器任之。歷事三朝，先後二十餘年，老成練達，佳聲茂鬯，秩滿引歸。

林復 洪武間以薦任處州府同知，廉能公恕，去後見思。

汪大賓 字貢初。洪武中舉孝廉，爲廉州經歷。敷政公平，守殷革薦之，擢禮部員外郎。

阮嗣 字繼之，一字宋彥。洪武中貢士。宣德中，判連州，除害興利，卓有政聲。州累被山寇譚應真劫害，嗣撫諭歸款。擢戶部主事。州人祀名宦。歷河南參議，交趾布政使，以考丐歸。

游義生 字伯方。仕御史，議論慷慨，以忤旨下獄死。

孫芝 字廷秀。洪武中以歲貢授慶都知縣。陞沔陽知州。太祖議刪削《孟子》書，如所謂「視君寇讐」、「聞誅獨夫」等語，芝上疏極論。官至山西參議。

陳時可 永樂中以監生任潮陽知縣，善撫字，秩滿去，民思之。

趙雍 字景初。爲雲南參政。時鄰藩貴州用師討寇，督餉有功。子琰，揚州知府。

趙恢 字汝宏。舉進士第二，授編修、侍讀，充經筵講官。轉右春坊庶子兼侍講。爲人端謹，鄉評推重。

陳隆 字伯昌。授松江同知，擢苑馬少卿。累疾丐歸，轉太僕，致仕。性好圖史，靜坐晏然，居家不植產業，曰：「無庸爲子孫佚游資也。」

翁賓 字文興。授束鹿訓導。學純行潔，啟迪多士，彬彬一時。

林錦 字彥章。授合浦訓導。時蠻寇充斥，內外無備，錦條具方略，皆中機宜。葉文莊盛爲都御史，奇之，檄攝靈山。城中斗窄，南郭外居民近千家，錦環民居樹木欄五百餘丈，徙近鄉民居之，民免寇患。秩滿之京，盜毀柵，民失所庇，咸潰入山谷中，相泣思錦。文莊以聞，請卽授靈山令，詔從之。且令乘傳之官，百姓大喜。至則歲大饑，盜益熾，錦發倉，蠲賦，單騎諭賊壘，附縣二十五徭皆聽命。遠不服者，繼兵擊之。天順壬午正月，敗賊新莊，前後俘斬六百餘人，奪回所虜男、婦數千，賊皆解。乃去柵築土城，中立縣治，城郭之。成化丙戌，以功擢守廉州。歲復大饑，賊掠清和鄉，錦肩輿諭解千餘人，誅其頑梗者，經略還定如靈山時。戊子，陞按察司僉事，治兵海北。尋擢副使，既專制一道，益思久計。設團河營以禦西，設新寮營以禦南，設洪崖營以杜出沒之路。尋薨靈山城，橫袤五百餘丈，高墉連樓，巍然重鎮。復請立總制府於蒼梧以控兩粵，於是盜賊屏息，嶺表晏如。錦自令至守臬，雖積處兵間，未嘗不務教化，於靈山則禁淫祠，修學校，勸農桑，行孝弟；於廉則治學宮，勤督課；於欽則捐公署爲明倫堂，貸民居以廣聖廟。爲人誠坦，洞見肺腑，雖蠻夷盜賊皆倚信之。前後功績推以與人，以故願爲効力。居廉三十餘年，遠謨大

略，保障一方，郡邑各建祠祀焉。

陳鴻漸 字廷儀。授刑部主事，察獄明敏，用法平恕。遷廣東司郎中。廣東司所隸事，皆禁衛緹騎挾勢庇奸，請託紛至，鴻漸一處以至公，素守廉慎。嘗與錦衣奉命讞獄常州，州人謀哀賂遺錦衣，并及鴻漸。鴻漸與錦衣同寢處，錦衣卒亦不得交通於外，人奏，物情大平。天順末，詔庶僚有年未至顯致仕者聽，鴻漸時年三十九，即以親老乞歸。居家餘二十年，確不易素。

陳元憲 字一章。授崇明令。崇明在海中，多沙生洲地，可作新田。先是，邑有豪族交爭，各聚衆千餘，官捕急，懼誅，遂航海爲盜。元憲至，諭令復業，事聞，詔旌金幣，擢判臨江。討平大帽山賊掠諸郡縣者，中有被擄販商五十餘人，鞠實遣縱之。元憲有吏才，而廉平爲治，門廡清嚴。遷雲南提舉，以親老乞歸。

游璉 字世重。任廣東副使，征黎有功。長五言詩。

陳坦 字仁可。歷戶部郎，爲人和易，居官有建立。

吳世澤 字宗仁。授廬陵知縣，歷南京驗封司郎中。出守嚴州。嚴，上瘠民貧，多礦寇，世澤鎮以簡靜，綏之惠和，治行稱第一。擢廣西按察副使，分飭府江，廉潔精剴，剔吏蠹，端上習，復流移，通商賈。諸蠻賊隸府江者，故多桀驚，世澤整兵耀武，嚴爲備而德懷之。諸鄰峒復業者千餘家，江道肅然。祀名宦。子文華。

文華 字子彬。舉進士，授南京兵部主事，稍遷郎中。值三殿營建，內璫主進顏料，牒所司具舟三百，文華裁其大半。璫盛怒，曾以危言，文華徐應曰：「上供舟豈爲市販地耶？」璫遂巡罷。景藩之國，道

留都，復當具舟，藩邸從人橫索。文華董役事，事治辦間，謁王傳，請毋令群小累賢主。王泊一夕去，無譁者。督草場，屬振武營變後，尚書創前事多所假借。卒有訴增租者，卽爲奏減，報已可，文華得檄，持不下，曰：「此其地昔瘠今腴，昔乾沒，今受賦，賦額舊矣，何可更也？且此曹何厭之有？」竟疏請如舊。擢湖廣提學僉事。端莊模楷，杜絕請寄。遷四川參議。滇叛，酋鳳繼祖竄入蜀界，兩省合誅，連歲弗得。文華至，杖鉞者用其策，事遂平。土酋世官積爲獵賂者所格，有司復引嫌置不問，天全六番招討副使楊時譽用是仇其使高定，日尋於兵，邊圉騷然。文華貽誠之，皆悔懼，因代時譽請，俾得世爵，邊釁繇此解。復爲廣西提學副使，遷山東參政，仍爲按察使，轉江西右布政使。徙河南左布政使，未抵任，時朝廷修曠典，旌治行異等二十餘人，文華爲冠。旣至河南，舉革除死事臣鐵鉉等五人載諸祀典。勅所司修太昊陵，濬復南陽水利。周府宗人不億，故窘宗祿，爲酌盈虛，嚴出納，禁羨耗，宿負盡輸，次第就給。尋晉應天府尹。復晉右副都御史，巡撫廣西，疏設昭平縣，建養利州學，割武緣縣屬思恩，移兵備於鬱林，增河池，州同知皆爲西人畫永利。六平寨徭獠突內地，檄參政陳應春討定之。昭平賊黎福莊嘯聚流剽，聞文華至，佯斂戢，文華陰留賊士三千，屬裨將韓文啟掩擊之，斬福莊，疾攻下五指、白冒諸峒。俘馘外，所撫定二萬餘人，卽其地建堡、墾田，集新附及諸戍兵。而柳州賊巢北三者怙衆負嶮跳梁久，諸將莫敢嬰，文華曰：「待時而乘之。」適有河池啼咳之役，謂參將王瑞、倪化中足仗也，昇卒七千餘以往，捷書聞，卽陰勒部署曰：「吾意在北三賊不我虞，可乘矣。」遂督兵分道進，連破七十餘巢，斬四千八百級，俘獲稱是。滿考，晉戶部右侍郎，以母老乞侍養。丁艱，服除，起兵部右侍郎，兼右僉都御史，巡撫廣西如故。諸徭聞威名，惴惴屏伏。會湘源熟徭苦催科，相煽動，文華檄諭之，遂定。田州酋岑大祿與其母梁氏忤，梁憤，自徙避，鄰酋圖

披其地，將聲罪而兵之，文華亟令大祿迎母歸，爲母子如初。改刑部右侍郎。徙左，需代未行。管右都御史，總督兩廣。府江懷賀賊起，文華旋誅夷之，斬首以千八百，僅生存者五百餘家，二千五百餘人。東營悍卒以罪被執，大鼓譟，挾主帥，抗有司，事寢矣，文華曰：「此廣州腸胃疾，事雖往，當密除之。」潛得首惡數人，戮以犯令，三軍股栗，心知討前罪也。至珠池、岑岡之役，亡賴子弟聚數萬，勢張甚，文華第誅二三渠首，沒其巨艘三百餘，餘皆散，令南畝，與平府江賊追論營卒異矣。南海珍珠果布之湊，異時，幕府至，文武將吏庭實旅百，歲時貢獻上壽稱是。軍市租謂饗士，常賦取自決，五材之工，無日不作。文華在鎮三年，軍市租及常賦以奉戰士，其他權稅、夷舶所入，付有司。勾稽一無所預，卽私養錢亦置不用。轅門持戟士，汰諸空名，核其餉歸官，存者以隸裨將。作《殘墨二戒》用儆官屬，文武將吏無敢載金帛至門者。聞諸郡水旱，物價騰踊，憂形於色，與監使、郡守計安生養，請減田租。比去，所藏羨，肇慶、梧州兩府至數萬，歸裝買象櫛十而已。滿考，晉南工部尚書。越年，改南兵部。留都，根本地營兵悍且脆，不任戰，會太湖劉汝國盜起，文華疏陳保障計，下部議，報允，乃畢力振刷，間以便宜從事，軍容戎索一時改觀。天策衛卒以儲饒浥腐囂詬主者，旁觀者以爲不可問。文華徐召司庾諸役及首事囂卒，令對狀，而先數諸役曰：「卒寄命於食，典守弗恪，爾曷逃罪？」叱杖之。復數卒曰：「司庾者誠有罪，爾曹胡不白官而遽譴爲？」亦叱杖之，徙戍他所。居頃之，有言官劾中璫恣暴，上怒，杖言官，文華請治璫罪，不報，遂引疾乞休，三疏乃允。未幾，再起工部尚書，懇辭。詔以原官致仕，卒年七十八。賜祭葬，贈太子少保，謚襄惠。文華廉而不訥，和而能栗，遇事不形，多才不露。公暇咀獵菁華，臨池作書，其文學亦爲一時冠冕。

王德溢 字懋中。知慈谿縣，清介灑落，振學禮士。疏濬杜、白二湖以利民田。縣有鳴鶴一鄉，去治

特遠，崔葦充斥，德溢身蒞其所，糾察緝雉，旬月間悉屏跡。又擇子弟可向學者聚教之，考校獎掖，醫頑之俗一洗。擢御史去，耄稚泣送道左。

李士文 字在中。以鄉薦授高明教諭。寡默宏博，從魏莊渠講學，作經義以訓諸生，終始清苦，若處饒給，當道薦嶺南師範第。尋艱去，生徒奔送百里。後舉進士，除南工部給事中，歷都給事中，終浙江按察使。所至勤其官。

羅源縣(四)

宋選舉

太平興國二年丁丑 張蔚

大中祥符元年戊申 張黃裳

嘉祐八年癸卯 宋鈞

熙寧六年癸丑 余清

元豐五年壬戌 余深清弟。

特奏名 余利賓清叔祖。

八年乙亥特奏名 余益堅清父。

紹聖四年丁丑 陳天常

元符三年庚辰 余忱利賓子。 宋汝弼



崇寧二年癸未特奏名 鄭孚

大觀三年己丑 余光庭清從弟。 余恂利賓子。

特奏名 余丰

政和二年壬辰 余嗣 余光庭再登科。

五年乙未 陳熊 陳傑

宣和三年辛丑 陳祚

特奏名 余臘

紹興八年戊午特奏名 張元老

十二年壬戌 葉肆 鄭煒

特奏名 莊鳴道

十八年戊辰 陳康嗣 余溥利賓曾孫。

特奏名 陳察

二十一年辛未 陳行先察弟。

特奏名 林持道

二十四年甲戌 楊曾 黃槐 黃惟則

特奏名 林廣

二十七年丁酉 周邦弼 黃掄槐弟。 吳丙成

三十年庚辰 陳善祚從弟。 黃櫻榆兄。

隆興元年癸未 陳申 李顯年 余席珍 楊秀實

特奏名 林芑

乾道二年丙戌 張翰 何珪 余偶利賓曾孫。

五年己丑 陳駿

八年壬辰特奏名 周師尹 倪珪 余思聰 葉望之

淳熙二年乙未 王得遇 張斗南 倪民獻 余伯寬偶從侄。

童子舉 何致遠

五年戊戌 余及 鄭僖 陳公顯祚孫。 黃序惟則子。

八年辛丑特奏名 陳績第一人。

十一年甲辰 周士貴 葉景溫

十四年丁未 陳公奉公顯兄。 陳甫中弟。

紹熙元年庚戌 葉宗魯 黃瑄 陳樸 張牧 陳與行 陳擬與行子。 黃備瑄子。 陳德進 張從

之牧弟。 余天迪

特奏名 楊寬曾子。 陳寅

四年癸丑 林仲龍 黃士清槐子。 黃士特棧子。 黃說棧子。

慶元二年丙辰 余經國深孫。 陳一清

五年乙未 何應西珪子。

嘉泰二年壬戌 黃孟永槐族。

開禧元年乙丑 陳達公奉子。 余伺利寶曾孫。

嘉定元年戊辰 朱實之

特奏名 林公瑞 潘隨 黃上珍 作玠。

四年辛未 張礪 張岸礪弟。 陳直言員臨安。

特奏名 黃文羽 惟則係。 林欽夫

七年甲戌 黃傑瑄族。 黃欽徠族。 黃夢穎瑄子。

特奏名 卓應

十年丁丑〔五〕 黃之望

十三年庚辰特奏名 陳上龍

十六年癸未 黃萬 杜輔良

特奏名 陳梓

寶慶二年丙戌 余冲天迪子。 鄭夢登

特奏名 鄭上宗 鄭應龍夢登兄。 黃不欺

紹定二年己丑 林貢孫

特奏名 陳致和 葉櫟 林泳 王翼起

五年壬辰 陳惟月

特奏名 王應甫 鄔之邵

端平二年乙未 葉恂佐 葉天祐肆曾孫。

特奏名 陸夢良 林贛孫仲龍侄。

嘉熙二年戊戌 陳天與 黃綱說子。 林日華

特奏名 黃夢龍 黃應雷 林應之 楊文震

淳祐元年辛丑 黃俞綱弟。 吳龍起

特奏名 陳天就熊孫。 蕭夢得 鄭夢薦焯孫。

四年甲辰 蘇謙

七年丁未特奏名 潘懷甫

十年庚戌特奏名 陳迪

寶祐元年癸丑 林堃 鄔東之

特奏名 謝可貴

四年丙辰 陳明同 陳俞 陳預

開慶元年己未 鄭蜚聲 朱文備

景定三年壬戌 王勳 于則仕 余元泰

咸淳元年乙丑 陳天驥

四年戊辰 鄔鎮 鄔季友

七年辛未 倪以仕 吳炎午

十年甲戌 張銳 葉挺芳

薦辟、人材賢者附列傳中。

有傳

余光庭 張斗南 陳績 黃士特 陳達 張磻係孫衡 余元泰 王勳

余光庭 字朝美。大觀三年進士。以漕監薦入試，擢第，召名居前。其兄深校文，以親嫌奏黜之，恬然東歸。政和二年，復領薦試禮部，中廷唱前列。徽宗識其名，異之。累官光祿丞，出知南陽縣。建炎初，金人陷南陽，不屈死，舉家殲焉。

張斗南 字唐英。持身廉潔，官至兵部郎中。

陳績 字師文。少慕伊、洛、考亭學。試禮部，對策稱引「正心誠意」，屢見黜。後以時務對，遂擢第。及廷試，復稱引舊聞，始終發明伊洛、考亭旨。孝宗擢特奏第，賜同進士出身。

黃士特 字仲誼。嘉定中知武進縣。強毅有立，廢墜興舉，奸吏膽落。終鎮江倅。

陳達 字通卿。嘉定間知遂昌縣，首詢學宮，引試士子，一時上風丕變，囹圄空虛。既去，民繪像祠祀之。

張磻 字渭老，字敬父。知臨江軍。鄰郡臨川有清江渡，產紙，部牒誤爲清江縣，下郡日抄會紙三萬，磻申省辨之，援坊州求杜若爲比，得報罷。後鄰郡規避，趣辦如初，磻復申前請，得免。累官禮部郎，

權兵部尚書兼權吏部尚書，以右補闕程元鳳論，罷。寶祐三年，復權刑部尚書兼侍讀，拜端明殿學士，簽書樞密院事，升同知樞密院事兼參政事。五年，拜參知政事，進封長樂郡公，轉二官，守參知政事致仕。卒，遺表上，贈少師。侄孫衡。

衡 字周甫。慶元中爲太學生，與同郡楊宏中等六人上書救趙汝愚，韓侂胄怒，俱編管五百里外，侂胄誅，詔褒慶元上書六人，授衡泰和令。

余元泰 文詞博雅，嘗采邑賢事實可裨名教者類編成書，名曰《鍾幢嘉話》。

王勳 字克壯。官樂昌令。澹心寡慾，剖決若流，童耄冤抑悉得白洗，公庭晏然。焚香讀書，吏人旁拱而已。秩滿去，或問舟人何所載，曰：「吾販得一船清。」

元

至治元年辛酉 林興祖

有傳

林興祖 字宗述。通《詩》、《易》、《春秋》。舉進士，授承事郎，同知黃巖州事。遷知隨州，平蔡寇，洗淮源，三年大治。遷知鉛山州，州素多造偽鈔者，豪民吳友文爲之魁，遠至江、淮、燕、薊莫不行使，因致富，乃分遣惡少四五十人爲吏於有司，伺有欲告之者，輒先事戕之，先後殺人甚衆，奪人妻女爲妾，民啣冤不敢訴者十餘年。興祖至官，張榜禁偽造，立賞募民首告，俄有告者至，佯以不實斥去，又有告獲偽造二人。并贓者，乃鞠之。款成，友文自至官爲之營救，興祖命併執之。須臾，來訴友文者百餘人，擇其重事一二事鞠之，立具逮捕，其黨二百餘人悉置法。至正八年，特旨遷爲州道路總管，行至城外，嶮賊已迫其

後，相去僅二十里。時湖南副使哈刺帖木兒屯兵城外，聞賊至，以乏軍需欲退兵。興祖聞，即夜詣說留之。哈刺帖木兒曰：「明日得鈔五千錠、銅盾五百乃可。」興祖許之。旦，人城視事，即以恩信勸諭鹽商貸鈔五千錠，且取郡樓舊銅板爲盾，日中皆備。哈刺帖木兒大喜，遂留爲禦賊計。賊聞新總管至，以日具五百盾，以爲大軍且來，中夕遁去。永明縣洞徭屢竊發，興祖以手版諭之，皆曰：「林總管廉而愛民，不可犯也。」春旱，蟲食麥苗，爲文禱之，大雨三日，蟲死麥稔。已，罷興作，賑貧乏，輕徭薄斂，課當上最。以老致仕，號木軒先生。隨人蒙谷子作《知州木軒頌》，稱其「才邁邢恕，傑出李繁，詞翰瞻於蘇東坡，清平超乎文與可」。陶後進作《先賢士大夫》，頌其公明。同寮服其剛決。

### 皇朝科第

舉人 進士遇子、午、卯、酉是舉人，辰、戌、丑、未是進士。洪武十七年始定爲例。

洪武五年壬子 陳奎

十七年甲子 余瑋

十八年乙丑 余瑋

二十年丁卯 張留孫

二十三年庚午 陳廣

二十六年癸酉 林皓 鄭遂

二十九年丙子 吳安 阮復與貢士。 李安貢士。俱應人中式。

永樂元年癸未舊志有洪武三十九年一榜，考是歲革除，故元年開科，而明年甲申會試。舉人 陳用

二年甲申進士 陳中

九年辛卯 林琚

十二年甲午 倪建資

十五年丁酉 尤端

二十一年癸卯 林塤

宣德七年壬子 陳廷珪

十年乙卯 王遠 黃真

景泰七年丙子 高應

成化七年辛卯 張滿

十六年庚子 林深

十九年癸卯 黃潼貢士。應天中式。

萬曆元年癸酉 尤光被

五年丁丑 尤光被

薦辟貢士、監生賢者見列傳中。

有傳

陸引 林高 周澍

陸引 字惟遠。嚴毅方正，不泛交游，鄉人號爲獨鶴。洪武中，以材薦，人見，上問爲政治民之術，引



對稱旨，授象山丞，給符以往，有曰：「往，盡乃心，勤乃事也。日來覲，朕將合焉，以考爾職。其敬之哉！」引，小臣也，天語叮嚀，驚喜過望。抵任，鋤強植弱，俸祿外計口給蔬，家人不知魚肉之味。甫二載，以憂勞得疾，一夕，城隍廟祝夢新城隍傳呼上官，問爲誰，曰：「陸丞。」驚覺，而引逝矣。

林高 弘治八年貢士，知連山縣。勞心撫字，敷政寬平。縣自改設以來，草創未備，高悉心經理，煥然改觀。先是爲縣者，吳人孔鏞，名臣也。高繼其後，人稱孔、林雙美。

周澍 嘉靖中歲貢，授訓金華，真誠狷介。署篆東陽，執法不阿，吏民畏之。陞棲霞教諭。去日，敝衣一函而已。

#### 永福縣〔六〕

##### 宋科第

天聖二年甲子 張沃

寶元元年戊寅 朱鼎臣

慶曆六年丁亥 張澤沃弟

皇祐元年己丑 柯伯華

五年癸巳 張肩孟

嘉祐八年癸卯 王俞

熙寧六年癸丑 張勵肩孟子

九年丁巳 張勛勳弟。

元豐二年己未 黃選

五年壬戌特奏名 黃敏選父。

紹聖元年甲戌 陳季淵 湛執中

四年丁丑 黃遠選弟。

元符三年庚戌 張勛勳弟。

特奏名 黃适選兄。

崇寧五年丙戌 黃龜年選子。 朱廷傑鼎臣侄。

大觀三年己丑 黃夏卿 黃邦光選子。 黃大名

政和二年壬辰 盧光前 黃邦俊邦光弟。 盧楚光前叔。 王行己

五年乙未 柯宗孟 吳天馴 梁汝霖改名巖老。

特奏名 陳景先

重和元年戊戌 梁宗範巖老族。

宣和三年辛丑 陳秀穎 盧榕楚兄。

六年甲辰 吳元美 吳元衡元美弟。

建炎二年戊申 張嘉賓肩孟從侄孫。 鄭知剛 張登

紹興二年壬子 王世昌

八年戊午 黃毅

十五年乙丑 陳諫 黃亞仲 陳師孔景先子。

十八戊辰 梁汝昌 陳秀實秀穎兄。 王傑

二十一年辛未 林仲熊 卓津 盧炎楷從侄。

二十四年甲戌 黃中立

二十七年丁酉 黃輔之 張春 張廣 黃文度

三十年庚辰 林公明 韓成章

隆興元年癸未 吳拱辰 鄭瑞 吳會 張淵

乾道二年丙戌 蕭國梁狀元。 江司直 朱煥 梁京 吳景辰拱辰從兄。

特奏名 李傑

五年己丑 鄭僑狀元。 杜申 黃師尹龜年侄孫。 黃揆

八年壬辰 黃定狀元。 龜年再從子。 蕭說國梁從兄。 黃岳師尹弟。 黃方開

淳熙五年戊戌 陳明作 柯才聳 謝鼎 蕭國馨國梁從弟。 蕭國均國馨兄。

八年辛丑 林谷 王泰之 吳畋 蕭軫

十一年甲辰 江伯虎 張起宗

十四年丁未 黃宏 黃自誠

紹熙元年庚戌 黃謐 黃千里 梁發 張任國 陳儀之 柯萬卿 盧鎮楷孫。 黃甲

四年癸丑 黃守 林獻

慶元二年丙辰 劉三益

五年己未 黃寔宏弟。 柯葆才弟。

嘉泰二年壬戌 蕭軾國均子。 李伯壘

開禧元年乙丑 陳王度 黃庸定弟。 黃容宏族。 黃灝毅侄。

嘉定元年戊辰 黃安之謚侄。 黃興 梁子張京弟。 馮三傑 鄭夢鈞知剛侄孫。

特奏名 黃庠 林汝能

四年辛未 張輔 鄭良翰 林元 黃夢高 陳雲

特奏名 朱紱

七年甲戌 陳綰 黃起宗庸侄。

特奏名 鄭潛良翰兄。

十年丁丑 陳興龍 吳丙 梁子強子張弟。 陳垓 梁廷蘭

特奏名 張參 馮典

十三年庚辰 何守約 黃起渭 黃若鳳毅孫。 吳易簡元衡子。

特奏名 盧壘鎮子。 黃閑

十六年癸未 林宋偉

寶慶二年丙戌 黃起碩 林翀子 鄭宅 黃復

特奏名 黃瞳岳子。

釋褐 陳郃書子。

紹定二年己丑 黃濤 張楠 盧寧師孟孫。

特奏名 鄭有開 鄭元吉 林曷 馮佑

端平二年乙未 張堯翁 林昱宋偉侄。

特奏名 陳有之

嘉熙二年戊戌 謝德瑩 黃穎 林約

特奏名 黃慈穎叔。 陳子昂 黃三鳳 韓夢說

淳祐元年辛丑 吳附鳳 蕭泰夫 王榮公

特奏名 鄭希純良翰弟。 黃喬翼 張治

四年甲辰 陳綽 盧鉞 林起巖 林疇宋偉子。

七年丁未特奏名 黃攀龍瞳侄。

十年庚戌 黃潮東

寶祐四年丙戌 郭珏 王良翁 馮騰茂 黃必大 吳之道 吳之選

薦辟、人材賢者雜見列傳中。

有傳

張勗 黃龜年從子公槐，再從子定。定子自求。 朱廷傑 黃邦光弟邦俊。 梁巖老 梁宗範 盧榕子

沂。吳元美 張淵 蕭國梁 鄭僑子寅 黃揆 林宋偉 黃復 李若水

張勳 字臻道。六歲時，引唐人詩，詠半月洲，座客驚歎。又嘗爲《聚蚊賦》，以譏奸黨，用是不容於世。官至朝散郎。

黃龜年 字德邵。調洛州司理參軍，累官河北南路提舉，人爲太常博士。靖康元年，除吏部員外郎，拜監察御史。累遷殿中侍御史。會邊報王倫來歸，龜年劾檜主和議，沮恢復、植黨專權、漸不可長，檜坐罷。併劾檜黨王暎、王昞、王守道，皆罷之。既，檜授觀文殿大學士、提舉江州太平觀，官如故，龜年又奏：「臣比論檜合正典刑，不者以禦魑魅。今乃任便居住，復寵以儒學最上職名。律斷郡盜，必分首從，從既伏誅，可置渠首？」章三上，遂褫檜職。復上章，乞發明詔，暴檜罪天下，以破奸臣之膽，息朋比之風。除太常少卿，累遷起居舍人、中書舍人兼給事中。尋以言者罷歸。龜年初葬父於鄞，家焉。及罷歸，寓居湖州。司諫詹大方希檜意，復劾龜年，落職，本貫居住，卒。龜年微時，爲邑簿李朝旌所知，許妻以女。既登第，朝旌死，家貧甚，龜年仍娶其女以歸。得任子恩，先以予其弟之子，人皆義焉。子衡，仕至湖南提舉。從子公槐。再從子定。

公槐 字仲美。事母至孝，未第時，客游於外，賦北堂之詩，論者以爲《南陔》、《白華》之遺韻。未仕而卒，葬張溪嶺，今呼爲孝子墓。

定 字泰之。乾道八年對策，謂「以大有爲之時，爲改過之日」，又云：「雖有無我之量，而累於自喜，雖有知人之明，而累於自恃，何不因群情所共違，而察一己所獨嚮？」言甚切直，孝宗親擢爲第一。累官知潮州，剡弊蘇瘼。官終國子祭酒，直顯謨閣，廣東提舉。子自求。

自求 嘉定中踵父任爲潮守。潮守之賢者，丁允元、陳宏規爲最，自求與之齊名。

朱廷傑 字世英。建炎中爲北海令，尋攝倅濰州。金人將犯闕，官屬皆驚潰，廷傑獨堅守。城隅有水，取野葛投之。虜至，飲水多中毒死。俄虜引兵入，廷傑不能抗，與知州韓浩力戰死。朝廷官其一子。勅葬之。

黃邦光 字宋顯。父遠，令莆田，嘗解《心經》行世。邦光舉進士，歷通判徽州。所著有《群史姓纂韻譜》，凡史傳所有姓氏，皆以韻聚，而著其所出。弟邦俊。

邦俊 字宋英。累大理寺丞、知冀州。著《真陽共理集》、《胥誥文纂》、《強記集》等書。

梁巖老 字允濟。金人犯闕，巖老以進士佐尚書葵守京城北壁，有勞。明年金人再犯，巖老奉使虜中，虜欲臣之，不屈，被幽荒寺。巖老取餘食，私晒之，餘飲以瀆寺壁，瀆久壁潤，乃穿壁挾晒糧去。晝伏夜行，望斗南歸。時建炎初元也。高宗嘉其節，除直秘閣、知泉州，卒。

梁宗範 字世則。年十三，母携謁縣宰，見其神采秀異，問所能，拱對曰：「粗學詩。」宰因以所握墨竹扇命賦，宗範援筆立就，有「只恐半天雷雨夜，化龍應向手中成」之句。後登進士，有文名，仕至郡倅。子孫皆世其官。

盧榕 字叔材。調安仁令。紹興初，劇寇曹成擁衆數萬，自江北掠湖南，時帥臣向子諲住兵安仁，不滿千數，而援復不至，俄寇鼓噪入邑，榕率民兵轉戰死。高宗嘉其忠，贈宣教郎，官其子沂。

沂 字詠道。初尉東莞，襲破劇賊蔡和尚。乾道中，判韶州，俄攝英州。劇盜李全抑犯廣，英爲上流，人心驚潰，簽判請棄城遁，沂誓死守，竟以獲全。進二秩，命遂卽真。復與賊戰，死。高宗憫之，復官。

其子鑄。

吳元美 字仲寶。舉進士，有文名。紹興中，歷太常寺簿，出爲福建安撫司主管機宜文字。嘗作《夏二子傳》，其略云：「天以商代夏，是以伊尹相湯伐桀，聲其罪酷，清商颯起，義氣播揚，勁威四掃，宇宙廓清。夏告終於鳴條，二子之族望風隕滅，無大小長少，無遺類，天下之民，始得安食酣飲，鼓舞清世。」二子，蓋指蚊、蠅也。鄉人進上鄭瑋得之，以上秦檜，復言元美家有潛光亭、商隱堂。其「潛光」號亭，蓋有心於黨李。其「商隱」名堂，實無意於事。秦檜深惡之，坐「指斥國家，譏毀大臣」，謫容州，再調南雄州。以死後五年，楊椿、洪遵等爲言於朝，特命官其子。

張淵 字叔潛。有儒學名，人稱張夫子。壽皇愛其才，擢就館閣，歷知數郡。清廉自守，惠政在民。蕭國梁 字挺之。擢進士第一，歷著作、太子侍講兼禮部郎官，終朝奉郎、廣東運判。初，國梁登第時，第一人本趙汝愚，故事：設科以待草茅，凡豫屬籍挂仕版者，法當遜避，唱名之日，陞國梁爲榜首。有集行於世。

鄭僑 字惠叔。初上禮部，爲舉首，與兄萬卿同升。及自太學再薦，弟偶亦貢於鄉。乾道五年，廷試進士，有司奏僑策居第二，孝宗擢爲第一，簽書鎮南軍節度判官。歲薦饑，佐帥守講求荒政數十事。八年，召對，擢教書郎。用其言，除江右溢稅米十萬斛。轉著作佐郎兼國史實錄院屬官、吏部司封。介然靜重，不至執政之門，以《左氏春秋》侍講東宮，拳拳父子、君臣、君子、小人之際。請外，提舉江南西路常平茶鹽，振綱剗弊，不嚴而肅。淳熙八年，淮浙歲凶，遴選常平官，僑服方輶，命下。既除喪，過闕奏事，首勸責躬求言，遂請米得四萬石以繼常平之乏。既入境，宣布上意，令民知有恃而無轉徙之思，倒廩勸分，增



廣諸郡，舉籍循行州邑，損益其未盡善，而督課其不如法。淮鹽賦人甲天下，歲久積弊，本錢益賒，僑先以身弊蠹自除，踰歲所給累三百九十萬緡。濬治漕渠五百餘里所罷行，便人利物。孝宗知僑風績，欲召爲言官，數問宰輔來期，而僑累丐祠。未幾，復提舉江東，入爲禮部郎中，兼太子侍講。天少雨，應詔上封事，孝宗以僑言面戒大臣。會高宗崩，孝宗欲行終喪之制，與聯事者參稽古今，以求至當。時起居在德壽宮，大臣欲表請還內，又表請聽政，僑曰：「喪不離次，禮也。上方有志復古，詎可專以此請？第以聽政爲詞，意亦及之矣。」除起居舍人。金使者來吊，不易服，僑爲館伴使，言陛下方遵古縞素，使不易服，請詣之。於是太子參決敗擬官僚，留爲左庶子。尋兼給事中，適婉容陳氏父以墨詔還官，僑封還之，孝宗爲寢其命。遷中書舍人，六押制勅悉由僑手。差充金國賀正使，至，則虜主已寢疾，其下匿不以告。將入門，宣徽使傳言令就東上閣門進書，館伴使千餘輩迭趣，僑捧書屹立，徐曰：「東上閣門臣僚進表章之所，某等恭持皇帝書，就此投進，他日使還，何以復命？不若死守。」虜知不可屈，密告以其主病篤之意，僑守益堅，自朝至於日中，聲色愈厲。久之，宣徽使復來慰藉，及暮遣吏休脅，僑執自如。元日將昏，傳命遣回。至中山，聞虜喪。至境，光宗已受禪。道除給事中，入見嘉獎。他日，從官同對重華宮，孝宗顧僑曰：「卿死節不屈，舉措得宜，兼侍講，修撰實錄。」僑在門下，論駁不遺餘力。除命權吏部尚書兼侍讀，每以畏天，進德、孝敬、問學、親君子、遠小人、開廣言路、謹惜名器、修政重令、愛民、節用爲光宗言。光宗常嚮納之。而僑懇求外任，除顯謨閣學士、知建寧府，平決無留，以公使錢爲下戶代夏輸，而力請損諸縣版帳之太重者。移知福州，尤以簡靜致理，罷義倉和糴之需，減古田偏重之賦。改知建康府，過闕，召勞，舉時事之大而可憂者，反覆以諫。再命明對，所言益切，召還吏部，辭，不允。三上祠請，詔復任，進龍圖閣學。

士。寧宗卽位，復以尚書趣召，命侍讀，尋知實錄院修撰，拜同知樞密院事。明年，參知政事。又明年，進知樞密院事。討軍實，謹邊備，執紀綱法度以抑僥倖。頃之，復懇求辭位，寧宗數遣使趣人，詔有司毋受章奏，又還所上劄子，猶請不已，寧宗手書牘尾曰：「忠誠重厚，朕所倚毗。累丐退閒，殊拂眷懷。」甫三月，再上章，除資政殿大學士、知福州。辭曰：「寧宗猶示以復召之意。僑請平國論而無偏聽，嚴邊防而無輕信。移知建康府，還里，固辭。提舉洞霄宮，三疏告老，以觀文殿學士致仕。卒，贈太師，謚忠惠。僑端重簡澹，受知三朝，在二府，不市恩干譽，不立黨私好惡，世人稱之。子寅。」

寅 字子敬。以父任補官，歷知吉州。召對，言濟邸冤狀，指斥權臣。坐罷。端平初，調爲左司郎中，兼權樞密院副都承旨。又請爲濟邸立廟，具言三邊無備，宿患未除，宜正綱紀，抑僥倖，裁濫賞，汰冗兵，以張國勢。竟出知漳州，除直寶章閣，致仕，卒。寅靜重博洽，多識典故，家所藏書分爲七略：曰經，曰史，曰子，曰藝，曰方，曰伎，曰文，曰類。真德秀、李燾、陳宓，皆與爲友。燾嘗疏薦海內名士十二人，寅其一云。

黃揆 字端甫。初知尤溪，理財撫民，家給人足。陞知瓊州，民立生祠於福星堂。後知新州，州米賤鈔貴，例以鈔折租稅之人，揆白減之。秩滿入覲，首以鈔折變之害爲言，朝廷嘉納。民頌不衰。官終荊州安撫使。

林宋偉 字力叟。在太學時，袁公燮無罪而與郡小同被孽言去國，士論不平。宋偉送袁詩，有云「韓非、老子俱同傳，乞與時人子細看」之句。詩出，名震輦下。擢嘉定進士，累佐浙幕。平金虜有功，又督兵討沅溪，削平猺洞三十一所，破賊寨一十一所，降賊黨千五百餘人，下馬蠻。草《告捷檄》，文氣甚壯，爲時

論所稱。移吉州倅。進守湖北運判、廣東提刑。自稱橘園居士。

黃復 字乾叟。知興化縣，歿於王事，封忠壯侯。

李若水 寶祐中知龍川縣，修泮宮，繕倉庫，築城池，寬猛相濟，民像祠之。

### 元進士

至治二年癸卯 林同志

天曆二年庚午 林泉生

至正十年辛巳 黃堯臣

十九年己亥 黃善 張叔震 梁諫 黃超

薦辟賢者雜見列傳中。

有傳

鄭杓 林泉生

鄭杓 字子經。宋鄭寅曾孫。泰定中，辟南安儒學教諭，與陳旅爲文字友。嘗著《春秋解義覽古》，編次《夾漈餘聲樂府》，又有《衍極》五篇，《衍極記載》三篇。其書，自蒼頡迄蒙古，凡古文籀隸以極書法之變，皆在所論，陶鎔歷代之偏駁，會歸一藝之純粹。福建宣撫使齊伯亨采而上之，卽城東第宅作衍極堂，以藏其書。皇朝吳聘君與弼稱其考論最正，宋端儀又謂：其書中若九德、若正邪、若四時餘閏之屬，又其所自得者。

林泉生 字清源。授福清州同知。以計擒殲山海寇之久爲民害者。除泉州經歷。民負酒稅，以法

諭舶商之私釀者代償之。械繫累年皆得脫免。遷永嘉尹。調漳州推官。畚洞相戒莫敢亂。陞知福清州，俗喜殺孤幼誣人，立連逮親鄰法，嚴治之。紅巾寇連江，承帥府檄立保伍，置屯柵。鹽丁謀作亂，縛其爲首七人，衆不敢動。長樂民受賊官爵，約爲內應，生捕得三十餘，衆賊共語曰：「我夜夢至一所，見神官儼然貌似州太守，今日命絕矣。」泉生盡殺之，餘悉駭遁。除翰林待制，以母老辭。累遷行省郎中。汀寇負固，久不下，往招撫得渠帥歸。召爲翰林直學士、知制誥，同修國史。尋卒。謚文敏。泉生志略自負，學邃《春秋》，工詩善屬文，有《春秋論斷》及《覺是集》。

### 皇朝科第

舉人 進士遇子、午、卯、酉是舉人，辰、戌、丑、未是進士。

洪武三年庚戌鄉試 鄭廷實

四年辛亥廷試 鄭廷實以上庚戌鄉試，辛亥廷試者。洪武初年科試未定，至十七年始有定科。

五年壬子 柯龔

十七年甲子 陳賓 朱聰

十八年乙丑 陳賓 朱聰

二十年丁卯 彭貢 黃澄

二十一年戊辰 彭貢

二十三年庚午 王偁府學。

二十九年丙子 丘庸

建文元年己卯建文年號已經詔書仍舊，今改洪武三十一年仍稱建文元年。 陳義生

二年庚辰 陳義生

永樂元年癸未舉人舊志有洪武三十五年一榜，考是歲革除，故元年開科，而明年甲申中會試。 黃銳 黃潤 黃頌

二年甲申 黃銳

三年乙酉 倪濟 丘政

九年辛卯 黃琿 許通

十二年甲午 張泗

十八年庚子 林聰

宣德四年己酉 方員

八年癸丑 方員

正統三年戊午 張鐸泗子

六年辛酉 黃勤

景泰四年癸酉 陳汝珪

天順六年壬午 張璚鐸子 鄭振 林璣

成化四年戊子 李汝潔

十年甲午 林鐸

十四年戊戌 張璚

十九年癸卯 林注

弘治八年乙卯 張叔厚 張克濟

嘉靖四年乙酉 張增善克濟子。府學。

十年辛卯 王璽以貢，應天中式。

三十一年壬子 林大畜

萬曆四年丙子 林起鳳注玄孫。

四十二年乙卯 張世樑

薦辟、貢士賢者雜見列傳中。

有傳

鄭燁 張惟康 王偁 林惟賢 方員 張文熊 陳文昂 林景明 張增善 董璣 林森然

鄭燁 字宗晦。元鄭杓子。洪武中辟興化縣訓導。天才逸出，長八分書。

張惟康 洪武中以秀才舉，授懷安訓導、高安教諭、武強知縣。廉幹寬厚。以代去，民頌不置。

王偁 字孟敬。父翰，見文蒞。翰死，時偁方九歲，翰友吳海撫教之。洪武中，領鄉薦，爲國子生。

陳情養母。母卒，柴毀，廬墓。永樂初，以薦授翰林院檢討，進講經筵，修《永樂大典》。時內外儒臣及四方韋布麇集閣下，惟偁學博思深。解縉第偁，人品當在蘇子瞻之列，其文亦類子瞻，詩則凌轅漢、唐，非子瞻所及也，每擬薦以自代。顧其爲人氣節英邁，議論爽發，常有壁立千仞，抗舉浮雲之志，遇知己與談吐，凌駕超越，視餘子瑣瑣不啻卧之地下，以此名譽雖彰，謗亦隨之。尋坐事謫交趾，從總兵張輔幕下。

時解縉出爲交趾參議，督饒化州，言偁於輔，携以自隨。偁與縉因共往廣東，觀其山川，言其可鑿贛江通南北道，具草人奏，會車駕北征，縉見東宮還，漢庶人怒縉，且欲陷東宮，遂言於上，上怒縉避事勞民，并偁皆逮獄，相繼死獄中。所著有《虛舟集》。至行草書，亦絕妙一時。子振，以祖、父死非命，屏跡不仕，有司屢薦不起，亦能詩。

林惟賢 洪武十六年以明經薦，至京，授池州府推官，嚴明廣斷，刑用明允，考績最聞。太祖嘉之，勅賜御酒，附名於《人誥續編》。

方員 字茂規。仕終廣東按察使，嚴持己，精察獄，興利祛害，若不夙宵。在任九年，吏民懷之。

張文熊 字應瑞。父境，歸安知縣，長於《易》學。文熊世父業，應貢，授分宜訓導，秉禮課士。未期，乞休。督學周公試《閩海秋風賦》及《浩然歸志論》，甚見稱賞，仍檄勵諸郡，然卒不可留。

陳文昂 字自暉。弘治初，以貢授夏津訓導。文章教法爲督學所器。秩滿，以內艱歸。及釋吉，慨然曰：「向甘薄宦，爲祿養也。今寧復有意耶？」徜徉林下，吟嘯自娛。

林景明 字希哲。力學勵行，恬於時好。弘治初，以貢授陽益訓導，教人一本孝、弟、忠、信。以外艱歸，服闋。年三十有三，念母老不忍離左右。邑宰數勸之仕，曰：「人生貴天樂耳，某不欲季路遺恨於南游也。」

張增善 字子充。賓州學正。教人務爲實學，士心歸之。

董璣 字汝璧。嘉靖己丑以貢知電白縣，梗介砥礪。縣值荒饉，民苦瘍瘡，璣節財薄征，田里安寧。居三載告休。電白人祀之名宦。

林森然 字宗盛。幼失怙，孝母友弟。以貢授泰安州訓導，課士以禮，接士大夫如大賓。秩未滿，致仕歸，曰：「白駒過隙，何自苦爲！」

〔校記〕

〔一〕「羅源縣 永福縣」八字，各本原脫，據本書體例補。

〔二〕「連江縣」三字，各本原脫，據本書體例補。

〔三〕「陳德預」，本卷「宋科第」及本傳作「陳德豫」。

〔四〕「羅源縣」上，各本原衍「福州府」三字，據本書體例刪。

〔五〕「十」字，各本原闕，據上下文及方詩銘《中國歷史紀年表》補。

〔六〕「永福縣」上，各本原衍「福州府」三字，據本書體例刪。



# 閩書卷之七十九

英舊志 縉紳

福州府 福清縣 (二)

## 唐科第

大和四年庚戌 林簡言

咸通二年壬午 王榮

乾符二年乙未 鄭隱

大順二年辛亥 陳鼎

乾寧三年丙辰 翁承贊按承贊，興化人，收入莆田。今按宋志，承贊居祿嶺，昇於莆田，故興化以爲莆人。

光化三年□□□ (一) 翁承裕承贊弟。

薦辟賢者雜見列傳中。

有傳

林簡言 王榮 鄭隱 陳鼎 陳燦

林簡言 字欲訥。慕韓退之之爲人，上書自通。所著有《漢武封禪論》，其詞曰：「仲尼以季氏旅泰山爲僭，漢武封泰山，非僭歟？無其位，無其德，爲事，僭也。有其位，無其德，爲事，亦僭也。又聞封泰山，報成功也，斯皆德稱乎位者爲之，若必義、神農者也，若軒轅、顓頊者也，若堯、舜、禹、湯者也。漢武封禪奚慕哉？秦乎？必義乎？秦政封禪，二代而滅，固不可慕也。若以必義、堯、舜爲心，亦宜昉伏羲、堯、舜之道，以所行之道侔之乎！彼茅茨不翦，而木不呈材，豈曰侔哉？彼舞干兩階，而黷武窮邊，豈曰侔哉？彼用夔典樂，而李延年進，豈曰侔哉？彼設謗木而捕人誹死者，豈曰侔哉？在漢武計，宜罷去不侔，行其侔者。已行之，則卿大夫行之，卿大夫行之，則國人行之，夫如是，雖不封禪，而必義、堯、舜之德之美自至矣。奈何取司馬相如諛佞遺草，內欺方寸，外欺千古，矯名竊德，冒煙雲，躡凌競，封泰山，禪梁父？好商辛、夏季之好，迹必義、堯、舜之迹，季氏之僭安可逃乎？昔齊桓公議封禪，管夷吾用他辭罷之，以其無帝王之位故也。無德、無位，相去幾何？倘漢朝有人如管夷吾，應用三脊茅以藉口，不使其君與季氏等。」官終漳州刺史。

王榮 字輔之。咸通二年及第。復中宏詞科，陳黯爲序送之曰：「鱗之聖，龍。羽之瑞，鳳。鳳非四翼，龍非二首，所以異者惟希出耳。」蓋是時最重宏詞科也。累官水部郎中。

鄭隱 字伯起。累辟府幕，有時名。

陳鼎 大順中及第，爲校書郎，有時名。

陳煥 字德宣。歷水部郎中。早厭榮寵，歸彌勒小隱巖，讀書其中。

宋科第

景德二年乙巳 翁緯承贊孫。

大中祥符元年戊申 劉天錫

八年乙卯 林高

九年丙辰 童子舉 蔡伯侏四歲應舉。

景祐元年甲戌 林概高子。試禮部第一。

翁鑑承贊孫。

寶元元年戊寅 翁彥升

慶曆六年丁亥 陳固 黃子春

皇祐元年己丑 李敷 劉處約天錫再從侄。是科，縣志尚有知礪、王碩。

五年癸巳 許原

嘉祐二年丁酉 林開高侄。林希概子。省試第一。林旦概子。林棐高侄。

四年己亥 林邵概子。林顏概子。王伯虎

諸科 鄭暈

八年癸卯 倪箴 楊冠卿

治平四年丁未 鄭俠暈子。

熙寧六年癸丑 夏臻

特奏名 林格 翁載承贊孫。

九年丁巳 劉詵處約子。

元豐五年壬戌特奏名 翁績

元祐三年戊辰 鄭侃景子。

特奏名 黃豫

六年辛未 盧彥達 方甸 李諭敷子。 林虛希子。 紹聖二年復試宏詞第一。

林辯斐子。 林迪格子。

陳噩固子。

特奏名 翁希愈承贊孫。

紹聖四年丁丑 李圖南論兄。 蔡鞏 林慮旦子。

元符三年庚辰 陳材 林適格子。 殿試第四人。 倪登 丘朝俊 林仲堪

崇寧二年癸未 劉詢處約子。

五年丙戌 陳國材 劉彥適說子。 省試第一人。 姚合

特奏名 鄭汝石俠子。

大觀三年己丑 卓俊 黃惟深 全琮

政和二年壬辰 林摯斐孫。 李接 高若虛 石廉 陳浩然國材族弟。

五年乙未 鄭載文 陳丕顯 翁子禮承贊後。

特奏名 林搏

重和元年戊戌 夏之邵臻子。 黃祖堯豫子。 張大卞 夏之文臻子。 林聰 陳允功

二年庚子釋褐 吳舜鄰

宣和三年辛丑 陳良顯

特奏名 林大東

六年甲辰 陳洪範 黃祖舜祖堯弟。

特奏名 劉國鈞

建炎二年戊申特奏名 林大榮

紹興二年壬子 陳若冲 黃顏榮

特奏名 鄭良臣侃子。

五年乙卯 林上達 劉詮處約從弟。

八年戊午 高灋若虛子。

特奏名 劉侯圭侯亞弟。

十二年壬戌 王祥後歸莆田許氏，改名公順。 林玠 林栗

十五年乙丑 黃巖肖 林昌言 許文剛 李材

十八年戊辰 吳利見縣志又有林光祖。

二十一年辛未 李元禮

二十四年甲戌 李昂元禮從弟。 林文潛聰侄。

二十七年丁丑 林介昌言子。 張栢

特奏名 陸雋卿

三十年庚辰 鄭永年汝石孫。 商份 鮑旂 高衡夫 林英

三十二年壬午登極恩上舍釋褐 陳簡

隆興元年癸未 黃洽第二人。 商份份弟。 張可速 林桷仲堪孫。 鄭椿年永年兄。

乾道二年丙戌 陳僖國休從侄。 劉潮彥適侄孫。 張可宗可速弟。 章次郇 鄭煥 林資深通侄。 黃

朋舉 鄭棠 鄭獲 林中

五年己丑 陳震之 高南壽法侄。 林棣仲堪孫。 林丙 林廷瑞

八年壬辰 游士衡 潘元震

淳熙二年乙未 陳少皐 林穎旦侄孫。 楊掀 姚宗虞 陳聰 陳宗召 吳桂 陸伯正倚卿子。

五年戊戌 鄧林 王方 鄭鑄 林懋 陳震 朱木 任燁 吳竿

特奏名 鄭蕃俠曾孫。

八年辛丑 俞南仲 林偁 潘涓

特奏名 商俊份弟。

十一年甲辰 林瑒第二人。通孫。 林叔起 陳子冲 林璟瑒兄。 林復之 林瓌瑒兄。 夏允中 劉

襲 薛夢熊 作孟能。

十四年丁未 方沂 商份份、偁弟。 朱金發 林煒楠子。

紹聖元年庚戌 林振仲堪曾孫。 卓石 林灼 劉植 鮑旂 潘梅 馮欽 鄭牧之 徐次鐸

四年癸丑 劉之邵國鈞曾孫。 鄭牧 林昱

博學宏詞 陳宗召

特奏名 劉八成之邵兄。

慶元二年丙辰 林清之槐子。

林僖文潛族。

王淑實紹興府。

葉子高實慶元府。

劉宜之

五年己未 敖陶孫 林孝聞

陳大雅

陳貴誼宗召子。

劉沐潮弟。

林圃

林申

嘉泰二年壬戌 陳紘 鮑介然

博學宏詞科 陳貴謙宗召子。

開禧元年丁丑

丘師陶

劉龐八成子。

姚直夫

吳當可竿子。

嘉定元年戊辰 孫德輿第二人。

林獲

陳子是聰子，字去非。舊志作去非。

林文昂

陳起

博學宏詞科 陳貴誼復中。

四年辛丑 陳祐孫

林良顯傳弟。

林樞楠兄。

七年甲戌

林倚

林炎楠族。

陳紘

顏惟直

鄭屋

十年丁丑

林珪仲堪孫。

陳伯鼎

林宇烈

姚亨震

十三年庚辰

陳景明

劉屋

林公慶

十六年癸未

林明之仲堪孫。

林杲

陳棐

林濟

林琥

林炎中孫。

寶慶二年丙戌

林宗邁

林杞

林充國

林洪源良顯子。

鄭師申

馮端榮

特奏名 林石第一。

釋褐

劉卿月

林任

鄭斗祥

鄭仕謨

紹聖二年己丑 林公度公慶弟。 劉應東潮係。 丘元龍陶師侄。 高建翁 彭霆震 彭寅夢午弟。  
林公志公度弟。

四年辛卯釋褐 林公俊公志兄。

五年壬辰 黃鈞 鄭益祥斗祥弟。 林經德

特奏名 游夢開士衡孫。

端平二年乙未 林希逸昌言曾孫。 第四人。 許一鳴

特奏名 林夢庚復之子。

嘉熙二年戊戌 劉發 彭夢林 顏公起 徐華老 徐夢發華老弟。

特奏名 王宗合第二人。

淳祐元年辛丑 劉英發卿月兄。 朱伯奇 沈金煥 蔡應龍 林藩 林登 林時龍 翁涇老續族。

高霆

特奏名 陳松

四年甲辰 鄭格 林疇 陳全干 卓石 許俊第 馬欽 林振祖

七年丁未 林夢疇 范處義 林希道希逸從弟。 夏闔午

特奏名 林宗益

十年庚辰 陳君宓 陳西應 林仲仔

寶祐元年癸丑 郭時中 陳彙夫 陳立翁彙夫子。 林自慤 林福翁 林公明 林泳希逸子。 林



黃一作黃圖。

四年丙辰 鄭君薦 許自 陳龍濟 劉午道 章贊 王體文 李周翰 陳卯東立翁侄。 郭陳庚

開慶元年己未 陳介 林嵩 陳逢鯉 張雷震 林方春 林象祖

景定三年壬戌 陳巖石介子。 陳庭芝絃孫。 王錫 林友龍 盧龍應 丘應申 林登龍 林申旦

咸淳元年乙丑 陳介 林圭 林君榮 潘應庚

四年戊辰 陳卓 林用中 郭拱龍 陳昇翁 鄭巖 陳翼 章采次鄭曾孫。 莫崙 林應中 張敬

簡 林濬經德子。 林以弼

七年辛未 何君弼 高應嵩 王堯佐

十年甲戌 林名喜 陳堅 林襲龍 林海希逸族。 翁歸承贊十二世孫。

薦辟、人材、任子賢者雜見列傳中。

有傳

林高子概。概子旦。(四)侄開，族晟。晟子用，孫穎。 蔡伯倫 王伯虎從子伯起。 鄭俠曾孫椿年。 劉說

翁績 林適子。 庭子舉、環、瑑。 瑑子公遇。 倪登 黃祖舜 陳若冲 黃顏榮 林栗 林昌言曾孫希逸。

黃洽 高南壽 孫紹 陳宗召子貴誼。 鄧林 潘涓 朱金發、俞南仲同傳 敖陶孫 林珪侄振。 林

孝聞(五) 張宏圖 孫禮輿、林獲合傳 馮端榮 鄭格 林公珙

林高 字子羽。裔出莆九牧輩，有適者，爲福清尉，因家焉。適子仁偲，奉禮郎。仁偲子仲雅，年十

四能誦詩，太宗召見，授奉禮郎，累殿中丞。高，舉進士，爲欽州推官。念父母春秋高，安其鄉里不肯出，

乃從事漳州、泉州、興化軍。終養踰二十年，乃出知建平縣，縣多盜，能使獄無一囚。遷秘書丞，徙蜀縣，以疾辭。遷太常博士。以子概代蜀官，高得知武進縣，改高郵縣，除屯田員外郎。而概卒，自陳：「臣有子先臣亡。臣當州判，老矣，願監泰州稅。」至泰，而請老。高天性慈惠，毀譽不動，好義薄利。著書數十卷，其言多似《孟子》。

概 字端甫，年二十四舉甲科，爲秘書郎。當代父之蜀，而改知剡縣，縣多宿猾，捕逐殆盡，邑廬相戒：「令雖年少，不可犯也。」改知長興縣，縣大饑，富人蘊米邀價，概出俸粟庭下，召諭富人，長老曰：「人飢甚，我不忍食，爾不宜飽，有能振者，蠲而役。」振不能至者，勅吏廩其家。」開學校，置生員，躬飭之，日入而夜歸。漕帥上治行第一。康定元年，以大理丞出知連州。州當廣南邊郡，秦尉陀聚兵自守，漢武誅建德，兵出桂陽，下湟水故地。概嘆曰：「湟關一塗也，陀始此限中國，漢復此通百粵，何其無常守哉！」因爲之銘曰：「毋狙侵伐以尚武功，毋僥得喪以爲汙隆。爾教、爾育、爾勤、爾恭，舉億兆姓納之心胸，關河芥蒂敢噎其中？」而選蠻籍土民柵要衝，購徭人使守禦，州以無流寇。又上封事，言：「行陣無法而出於臨時，將無素備而取於倉卒，軍不予權而監以宦侍，若是者，雖得古之人材，使循今法，亦必屢敗。請倣唐府兵法：四斂一民，部以爲軍，閑爲耕人，甲則皆兵。因命其家咸得蓄馬私乘，休暇官爲調習，則人便干戈，馬識行列。」不報。徙淮安軍，言蜀饑，願罷川峽漕，發常平粟貸民租，募富人輕粟價，除商旅之禁，使通貨相資。慶曆七年，遷太常博士，集賢校理。以歸省親，卒於途。所著《史論》百篇，《辨國語》四十篇。曾鞏志概母墓，稱概以文學名天下。概道卒，不能歸，其妻家於吳。生四子：曰希，曰旦，曰邵，曰顏。希，歷同知樞密院。邵，廣文閣直學士，贈太師。顏，直秘閣光祿卿，贈少師。而希，《宋史》有傳，及顏，

多貶詞，其獨稱者，旦。

旦字次中。令象山。以文學爲政，有疾而邑人有以割股療之者。熙寧中，繇著作佐郎主管淮南常平。擢太子中允、監察御史裏行。居臺五月，上書曰：「王安石以李定素出其門，聽其不服生母喪，擢在君側，爲崇政殿說書，遂使朝廷之上、經筵之間，置一不孝之人，何以儀刑天下？」以此罷守故官。久之，幹當奏院陳繹領門下封駁，又據其前論，罷之累年。乃簽書淮南判官，人爲太常博士、工部考功員外郎。元祐元年，拜殿中侍御史，疏言：「廣言路，然後知得失。達民情，然後知利病。竊見去歲五月，詔求讜言，士民爭欲自獻，及詳觀詔語，約束丁寧，使不得觀望迎合，犯令干譽，終至必行黜罰以恐懼之，名雖求諫，實則拒言。臣聞此詔乃蔡確、章惇造端，其詞盡出於惇，今二人既去，其餘黨常懷醜正惡直之心，願深留宸慮以折邪謀。」遂論呂惠卿、鄧綰雖罷揚州，猶蒞小郡。小郡之民奚罪焉？乞投散地，以謝天下。又言：「近彈王中正、石得一等，雖已薄責得一，所責肘腋小人，如翟勅之徒，亦宜編削。」詔并降支郡管校。又論崔台符、賈種民舞文深酷之罪，皆逐之。出爲淮南轉運副使，歷右司郎中、秘書少卿、太僕卿，終河東轉運使。子處、膚。處，見裔派。膚，坐元符上書，陷黨籍。

開 高任。爲秘書給事。所傳者，《王命秘訣》一卷。

晟 字美中。仁侔世孫。弱冠有文名，爲胡安定弟子。元祐選文學，假官副館閣校對御前書籍，侍臣薦晟與其選。子玉勝，當晟校對時，玉勝尚幼，實助之。問辯聲聲館中，目爲濟南生。玉勝二子：俊民、朝价，俱以明經聞。

周 亦晟子。以薦假承事郎，甫銓注，蔡攸提舉秘書省，薦以校勘，力辭。攸託其戚龍圖許份訪之，

乃佯狂歸隱於巖山，與諸子講業。所著《經濟要覽》，爲左丞葉夢得歎賞。

穎 字叔嘉。隆興間爲博士弟子，憤湯思退唱和議，率同官伏闕攻之。謁呂祖謙，聞孝弟之教，幡然歸養。父母歿，廬墓終制。淳熙初，第進士。廷策以復境土、斥權倖爲對。繇安溪簿，錄事累太學博士。切復虜仇，欲城唐、鄧爲沔、漢藩籬，屯海、泗爲江、淮保障，出師襄、蔡，以瞰秦、楚，分兵商、汝，以圖陝、洛。條策十二，未獻而卒。其論經、史、騷、傳及雜著十餘種。

蔡伯侏 字景蕃。四歲應童子科試，誦真宗御製歌詩，卽日授守秘書正字。真宗賜詩曰：「七閩山水多奇俊，三歲奇童出盛時。」蓋伯侏名爲四歲，齒未三週。尋宣赴東宮侍仁宗皇帝讀書。元符初，以司農卿致仕。年八十七矣。凡食祿八十一年。伯侏伴讀東宮，戲圖村民蒿日菜色，真宗適見而問，對曰：「臣所居瘴鄉，其人皆然。」帝歎久之。程伊川《上太皇太后書》：「周公輔成王，使伯禽與處。真宗使蔡伯侏侍仁宗，乃師古也。乞擇臣僚家子弟十歲上、十二下、端謹穎悟者三人侍上下左右。」則伯侏端謹可見。《建陽志》稱：蔡元定爲伯侏後人。（六）

王伯虎 字炳之。初登第，授建州司理。州有疑獄久不決，乃命撤械伏於庭，幃其廳，而潛聽之，因互相各質其是非，明日訊之，衆相顧驚服。出其濫罪者四人。從子伯起。

伯起 曾祖仁績，見韋布。伯起少游京師，受經於王安石，學文於曾鞏。樞密曾孝寬聞其賢，延館之。奏授將仕郎，試國子監簿，以假承務郎授嚴州教授，力辭不就，解官歸。自號西室先生。一時名人，若江公望、陳瓘，皆與友。

鄭俠 字介夫。父暈，同五經出身，終通直郎。俠少隨父官江寧，讀書清涼寺，閉戶苦學。時王安石

以舍人居憂，聞而奇之，使其徒楊驥往依俠學。雪寒，俠讀書過夜半，拉驥起，登閣望雪，酣賦浩然。他日，驥爲安石誦之，安石嘆賞其「漏隨書卷盡，春逐酒瓶開」之句，循環言下，將應舉。俠贊業安石，安石益加稱獎。治平四年，登進士，釋褐授將仕郎、秘書省校書郎，調光州司法參軍。安石服除，起知江寧府，相見愈厚。及俠赴州，安石人參大政，君臣相遇最爲得。時州有疑獄數事，俠盡心持議，多所翻易，傳奏附記安石，安石省其詳明，報下無不如請。新法之行，民間不以爲便，俠雅重安石，平生以堯舜君民自任，深感知己，欲盡忠告。秩滿，不復移命，遂爲人都之行，時熙寧五年春也。俠所過田父野老，必從訪問新法利害，答者無一人言是。至京，齋戒具書，以見安石，安石甚獎之。時初行試法之命，選人中者補京官。俠再見安石，安石謂俠明習法律，年少精敏，欲屬用之，俠固辭。三見而問近何所聞，俠略言青苗、免屬數事，（七）與邊鄙用兵，俠心之私不無區區。安石不答，左右遽請退。自是不復得見。顧時時奏記門下，反復極言，安石皆不報。鄉人張勸聞而責俠曰：「丞相勉介夫試法甚善，介夫不從，抑何矯也？」俠曰：「朝廷新立此科以待文法練習之士，俠非素學，祇因浮光有四五疑獄，所司議法不當，俠推考翻究，因爲丞相所喜。丞相見謂明習，故使試法，不知令式格律，千條萬貫，實未淹通，一蒙相知，遂苟進取，是以不能爲能，俠雖餓乞，不敢爲也。」久之，得監京師安上門。往辭安石，安石殊恚，曰：「却受監門去。」丞相以春社還，縣本門，禮當迎揖。俠揖道左，安石惻然，面加慰勞。明日，有客道，意欲用爲試法如前。俠對如其所以答張勸。未幾，朝廷設修經局，安石命子雱辟俠檢討，使其侄婿黎東美以告。俠曰：「某素無學問，若使備員檢討猶試法也。」因以《魏詩》書謝丞相。他日黎生復來，諭安石意，曰：「凡人仕且要改得一京官，然後可別圖差遣，何得介辭如此？」俠曰：「俠自浮光入京，本求一席地執經丞相門下耳，初不知官有美

惡崇卑，不意丞相一旦當路，發言輒先官爵。丞相誠欲援俠，區區所言，行其一二，使俠進而無媿，榮孰大焉。」黎生去後數日，復來問何事欲言，時免行市利等稅錢，京師下戶商旅尤以爲苦。俠覩其害，言於丞相數矣，至是又具書并陳青苗、免役等弊，因黎生獻之。未幾令下，小夫裨販者免充行，舊稅重者十減六七，其大者將謂以次施行。已而竟寂無聞。亢旱日久，自六年七月至明年三月不雨，兩河關輔大饑，流民不問貧富，扶老携幼趁熟東南，或茹木實草根，朝廷遣使賑恤，率隱實數，十不奏一。饑民皆取糠粃合米爲糜，逋負青苗、免役者益衆，督迫益急，至有斬桑棗、賣室廬以償官，身被縲械，揭木負瓦，累然於道。俠度安石終不可諫，乃圖其流離困苦之狀，上疏曰：「臣伏覩去年大蝗，秋冬亢旱，迄今不雨，麥苗焦苦，黍稷麻豆粒不及種。旬日以來，米價暴貴，群情驚惶，十九懼死，方春斬木，竭澤而漁，大營官錢，小求升米，草木魚鱉，亦莫生遂。蠻夷輕肆，敢侮君國，皆由中外之臣輔相陛下不以道，以至於此。臣竊惟災患有可召之道，無可試之形，其致之有漸而來也，如疾風暴雨不可復禦。流血藉屍，方知喪敗，此愚夫庸人之見耳！所貴聖神，爲能圖患未然，轉禍爲福也。方今之世，猶可救療，願陛下開倉廩賑貧乏，罷諸有司一切斂掠不道之政，庶幾早召和氣，上應天心。夫君臣際遇，貴乎知心。以臣之愚，深知陛下愛養黎庶，均於赤子，卽位以來，一有利便，靡不舉行。陛下之心亦欲人人富壽，躋之堯舜三代之隆耳！而中外之臣略不推明陛下此心，乃肆其叨憤，割剝生靈，侵肌及骨，使之困苦亡聊。陛下所存如彼，群臣所爲如此，不知君臣際會欲作何事？古之人，猷猷不忘其君，匹夫匹婦咸欲自盡以贊其上。今臺諫具位，不敢言事，左右輔弼之臣又皆貪猥近利，使抱道懷識之士皆不欲與言。豈時然耶？抑陛下使然？陛下以仁聖當御，撫養爲心，而群臣所以和之者如此，夫非時使然，抑陛下所以駕馭之道未審耳？陛下以爵祿駕馭天下忠賢而使

之如此，甚非宗廟社稷福也！夫得一飯於道傍，則皇皇圖報，厭飽於其父，則懵不知德，此庸人之情也。今之食祿往往如此，思慮不出其位，尸祝不待庖人，至邦國若否，則知而不言，君憂國危，飽食厭觀，若視路人之疾，而曰：「吾各有守，天下之事非我憂也。」以臣所聞則不其然。君臣之義，父子之道也，故食其祿，則憂其事。位有高下，忠無兩心，凡以移父之孝，從事於此也。是以，不避萬死，冒訴天闕。臣聞南征西伐者，皆圖其勝捷之勢、山川之形，來獻闕下，料無一人以四方之民質妻鬻子流離散徙，斬桑棗，拆廬舍，賣於城市，輸官糴粟，遑遑不給之狀，寫圖上聞者。臣謹以安上門逐日所見，（七）繪成一圖，百不及一，但經聖覽，已可嗟涕，而況數千里之外。如陛下觀圖，行臣之言，十日不雨，乞斬臣宣德門外，以正欺君謾天之罪。如稍有濟，亦乞正臣越分言事之刑。」俠發馬遞於銀臺通進司投進，稱爲「驚奏」，仍自劾擅發馬遞之罪。時韓維判銀臺通進司，爲俠取旨，特蒙放罪。神宗覽書閱圖，長嘯數四，夜寢不寐，翌日命韓維同開封尹體諒免行錢，每歲所須外並放。又命三司使曾布體量市易，放稅務及諸門稅錢三千文以下，市利錢二十文以下，大開倉庾糴濟，命殿前司及熙河路具軍興以來兵籍之增減，三司條析治平以前與熙寧以後費人之實數，簿責三路民物流離之因。又有旨權罷青苗、免役，又罷追索方田、保甲之類，凡十有八事，民間謹呼相賀。四月戊辰朔，下責躬之詔，以四事求直言。辛未，大雨，凡二日夜。自俠上疏至是，纔浹日也。癸酉，神宗早朝，群臣賀雨畢，出俠諫疏與圖宣示宰執，因誚之曰：「卿等言法度修明，禮樂興行，民俗恬泰，堯舜三代莫之或先，今何至此？」王安石等皆皇恐謝罪。神宗因問安石：「鄭俠是何人？」安石對曰：「嘗從臣學。」是日，安石不入中書，遷定力寺求出，於是中外始知前日所行，皆繇俠也。一時儉倭切齒爭言，或謂俠狂言，或謂詆毀，或謂擅發馬遞直奏驚御，或乞置俠實法。先是，擅發馬遞事

已放罪，至是復下開封府取勘。俠自引罪，乞不治遞兵。是時，臣庶多欲直言闕失，聞皆沮退，唯司馬光輩一二文字得達上前。儉佞之黨日假名投匭，乞留王丞相堅守新法，治俠狂妄。已而，熙河小捷，呂惠卿、鄧綰之徒乘此言於神宗曰：「陛下數年以來，網羅英俊，忘寢廢食成此數事，天下方被其賜，一旦用狂夫之言，罷殆廢盡，豈不輕耶？」至相與環泣帝前。於是新法牢不可攻矣。安石既辭位出知金陵，薦呂惠卿代己，即除參知政事。拜職之日，風霾黃土翳席逾寸。俠又疏言：「安石雖去，惠卿復用，事雖不同，勢豈小別？且陛下能保惠卿終無背安石耶？」秦人不報。西師屢動無功，俠言：「中國與四夷，猶井上之與井底，井底之人欲出而已，井上之人豈有欲入者哉？部虜之中，風沙晦明，齧草飲水，寒則皴裂，暑則暍死，日夜思中國之樂而不可得。而中國者，子女玉帛之所聚，文章禮樂之所出，食稻粱，衣文錦，決無人蠻夷之心者也。然則居井上者，當存安井底之人，然後井上可得而安也。今大兵之人，諸部虜人相率捍禦，謂之賊兵。夫中國謂虜爲賊，今亦賊我，豈非掠人赤子，奪人畜產，動與虜同耶？彼驅而來者，猶拔井底之人出之平地。此驅而去者，猶擠井上之人赴之井底。屢戰屢敗，復何疑哉！」俠所言，反覆累數十紙，皆細書密行，神宗覽罷，屬熙河獻捷，殺戮甚衆，爲之惻然，手詔諭王韶等，但行招安，毋多殺戮餘黨。諸奸患俠上奏不已，遂取開封所勘馬遞事，行下刑部，罰銅十斤，取旨勒停，本候郊霈，調官出京。俠從定力寺謁秘閣校理王安國，安國迎勞曰：「君獨立不懼，可謂賢者。」俠曰：「嚮俠屢言丞相，望丞相更變一二，不意卒無所改，乃出金陵，豈俠區區之心耶？」俠復取《唐書》魏徵、姚崇、宋璟及李林甫、楊國忠、盧杞傳，爲兩軸，題其一曰「正直君子社稷之臣事業圖」，其二曰「邪曲小人容悅之臣事業圖」。迹在位佞臣欺君誤國之事，暗合林甫輩而反於姚、宋者，以類標題，復爲書上之，不報。俠懷不能已，復言：「陛下獨立無臣，



非無臣也，無大臣也。方今天旱民流，百物失所，四方背侮，兵革不息，動曰天數。若此而爲大臣，則屠沽僕隸其誰不克？」又謂方今諫臺如芻靈木偶，及大臣誣對東南有燕子田以處三路之流民，及被甲登殿之事，皆條畫言之，望乘輿登宣德門，宣示臣庶所言是耶，乞斬臣以塞流言之路。」執政大怒，言於神宗，以爲謗訕，追毀出身以來文字，送汀州編管。上問呂惠卿，「鄭俠，一小臣耳。青苗、免役事，容與道路聞之。如被甲登殿，禁中君臣對面之語，何聞之速且詳也？」惠卿對曰：「俠前後所言，皆韓絳、馮京手錄禁中事，使王安國持示令俠言也。」時絳與京素不喜惠卿所爲，惠卿諂事安石，安國深嫉之，故惠卿并中焉。於是絳辭位。一日朝罷，神宗問京曰：「卿，大臣也，朝事不便，胡不自言？」乃委曲令鄭俠言之？彼小臣耳，而論列大體，略行貶竄，物論便謂不然。」京惶駭對曰：「臣故昧俠平生。」神宗意未決，京退，御史知雜張琥劾京備位輔弼，結交小人，謗訕朝政。京奏乞追回鄭俠，以究虛實。於是命追付御史獄。俠行至陳州矣，搜俠囊中裝，得銀三十星，諫疏二帙，皆先朝名臣奏稿，及韓、范、司馬等所言新法不便事者，題曰「楊君見贈」。楊，名忠信，時爲御史臺知班，嘗應四月一日詔書，言新法不便。俠監門日，忠信來謁曰：「御史臺不足言。下一監門耳，上書不已，是言責在監門，御史臺無人也。」探懷中書授俠曰：「以此爲正人助。」而三十星銀，則度支干克臣方憂居，聞俠被逐，潛修贖於俠者。是時御史皆惠卿黨，必欲文致京與安國之罪。京素不識俠，見其數感慨言事，屢對判檢院丁諷稱之。俠每遣門人吳無至詣檢院投進文字，諷輒咨嗟嘆服，而京實未嘗使安國持禁中事轉授俠也。崇班有楊永芳者，與俠鄰居，屢言新法不便，俠與之言可聽矣，故俠得聞禁中事，蓋得之永芳。於是永芳、無至、忠信及王安國皆赴對，獄成。中丞鄧綰知諫院，鄧潤甫等請抵俠於死，神宗曰：「俠之忠言亦自可嘉，但送英州安置。」勒停馮京，罷參政，以諫議大夫

知亳州。丁諷落職，監無爲軍酒稅。王安國坐稱獎俠，非毀其兄，及借奏稿，追毀出身以來文字，放歸田里。楊忠信、吳無至道州編管，二人皆真決。王克臣、楊永芳各奪一官，謫居逾十年。哲宗卽位，會赦，復官，朝士蘇軾、孫覺、虞太寧相與疏薦。時安國已死，薦及安國子旂已，就除俠泉州州學教授。秩滿，諸臣願留州，奏得再任。元祐八年，丁通直憂，服除，授泉州錄事參軍。元符元年，准勅再送英州編管。徽宗卽位大赦，東歸，知廣州。朱師復上表薦俠。有旨復官，又除泉州教授。崇寧元年，改差監潭州南嶽廟，未被勅，復追毀前命，勒停，時蔡京在位也。五年八月，復將仕郎，許叙用，而俠不復出矣。俠在英州，取所居山名自號大慶居上，自言其學以孔氏爲宗，參之老、釋而後大明。還鄉，更號一拂居士，謂歸田所存一拂而已。宣和元年，忽夢客有稱鐵冠道士遺之詩，蘇子瞻也。寤而嘆曰：「吾將逝矣。」作詩二章以授其孫而卒。邑中長老諸儒揭其閭爲鄭公坊，圖像祀於縣學。建炎間，郡守江常復升而禮於府學鄉先生祠堂。是時朝廷方錄元祐忠讜之後，邑人林適薦其孫嘉正，授房州文學。高宗特賜迪功郎、山陰縣尉。寧宗嘉定六年，宣教郎、太常博士劉靖之議謚，請謚曰介。俠所讀書清涼寺處，後人名爲介公讀書堂。嘉定十四年，總領商碩卽堂肖像，名一拂先生祠。皇朝萬曆二十年，應天府學諸生請重修之，歲以春秋祀。曾孫椿年。又有裔孫南仲，爲昌化簿。

椿年 字春卿。知南劍州。修學舍，廣生徒，政尚平易，吏民率服。

劉詵 字應伯。父處約，殿中丞。詵精通樂律，歷莆田簿，知廬江縣。崇寧元年，以大樂之制不叶，置講議局，博求知音之士爲之，以爲講議司檢討官。進軍器、大理丞。四年，初置大晟府典樂官，詵上歷代雅樂因革，及宋制作之音，又言：「《周官·大司樂》禁淫聲，蓋孔子所謂放鄭聲者。今燕樂之音，失於

高急，曲調之詞，至於鄙俚，恐不足召和氣。宋，火德也，音尚徵，徵調不可闕。臣按古制，旋十二宮以七聲，得正徵一調，惟陛下裁取。」徽宗曰：「卿言是也。宜爲朕司之。」大觀中，頒《大晟樂》於天下。及修樂書，政和班新燕樂，詵所制也。他日禁中出古鐘二，召詵按於都堂。詵曰：「此與古太簇、太呂聲協。」命取大晟鐘扣之，果應。又曰：「鐘擊無餘韻，不如石聲。」《詩》所云「依我磬聲」者，言其清而定也。」復取合之，聲益諧。歷宗正、鴻臚、衛尉、太常少卿。纂《續因革禮卒》。《八》詵居母喪盡孝，有雙芝生墓。子彥適，廣西經略使。再知徐州。

翁續 字熙載。以特科爲奉議郎。政和末，上書言：「夏人無故請和，金人趙良嗣、童才來降，生邊隙，乞斬二人以篤信好。」不報。遂飄然南歸，渡江，老於白嶼之上。宣和初年，童貫使熙河經略使劉法帥師伐夏，死，貫以捷聞。續哭以詩曰：「千里寒沙遺白骨，一番新鬼哭黃雲。偷生同惡終相蔽，安得忠誠達聖君？」著有《天山十議》。子亢，見韋布。

林通 字述中。祖格，建州司理。兄迪，福州教授，知餘姚縣。通未冠，國子監第一人。元符三年，甲科第四。浮湛十餘年。丁母憂，廬墓甘露再降。宣和間，知南劍州，治尚清簡。每言：「五刑之屬三千，一言以蔽曰罪疑惟輕。」又舉范忠宣言「私事膽小，公事膽大」爲訓。靖康元年，福州兵害其帥，擁衆數千，道出南劍，通遣司錄謝如意諭以禍福，縛斬巨魁二十餘人。建炎元年，張邦昌伏誅，削其元符甲科名籍，陞通爲第三人。每舉王彥章云「豹死留皮，人死留名」而稱其爲忠義第一。時詔錄熙寧、元祐忠諫後，通以縣人鄭俠聞，因追贈，官其孫。苗劉之變，通爲中書舍人，不失節，思陵嘉之。三年，以中大夫、徽猷閣待制知福州兼福建路安撫使。初嘗提舉常平。至是，人以爲鄉邦盛事。次年，奉祠歸里，進寶文閣待

制、知廣州。終龍圖閣學士、開國子，贈少師。有《妙峰集》四十卷。子挺。

·挺 字仲成。蚤失父兄，田廬蕭然，刻意自勵。以遺恩授監稅，爲漳浦丞。因母老乞祠，歷福建提舉司幹辦。常守職爭是非，不以小官有所屈。知潮陽縣，州符造戰艦而不給一錢，挺條不便，守怒譴讓，遂藏符束擔欲去，會詔寢其事。知沅州，治蠻徭以恩信，而守備不廢。秩滿，諸臺上治行。方中年，力求祠，歸。病革猶曰：「平生無他憾，獨掛冠不早耳！」積階奉直大夫，爵開國男。子三人：璟、環、瑑，同第進士。

璟 字景宋。知靖安縣，廉仁得民。疾，比屋禱祠。卒，行路相吊。歸，罷市祖送，同僚遣子護喪。子公度，南劍判官。

環 字景溫。簿江山，丞仙游，教授沅州，歷知陽朔、萍鄉。爭發常平粟，由澧陵入湘江以餉襄師，爲縣人乞免和糴。所議處置常平粟，使者陳貴誼奏行於諸州。鄭性之爲守，察而異之。遷通判靜江府，知容州，年餘，乞祠。端平改元，性之簽樞密，薦環爲軍器監簿，或言其不可致，除知寶慶府，辭至再，除直秘閣，予祠。淳祐改元，年八十矣，侍郎李韶言環高年清節，進直煥章閣，予祠。祠凡十任，苦貧自若。其時出者，或竟老死及多貶議，惟環歸然無異論。卒年九十。子公奕，泉州通判。孫文之，見韋布。

瑑 字景良。少入太學，登甲科第四，教授鄂州，三爲轉運幹辦。秩滿，有旨待掌故，執政欲攬授，辭歸。四年不通問，執政以他屬。久之，除吏部架閣。嘉定初，除國子正，遷武學博士、諸王宮大小教授。輪對，言當發內帑，省掖庭，裁戚畹，嚴紹禧及破數十賊吏家，寧宗嘉納之。改國子博士。請外，知興化縣。監司按產配民藏楮，瑑屢請期寬之。督者多猝至，又預示爲備，比去無犯者，而楮價自增。郡多名

剝，鬻寺取財，名曰實封，逐僧沒穀，名曰拘椿，瑒悉罷之，且蠲稅有差。改知全州。擢廣西提點刑獄，引疾不拜。改知袁州，疾愈矣，爲辭遠節而就近，麾不可也，力請祠。凡四任。寶慶初，召，再辭。除寶章閣，予祠。年七十一卒。子公遇。

公遇 字養正。初棄任子，父強之，補寧化尉。不忍捨朝夕養，竟乞祠。母沒，與其弟公選侍父瑒，服勤，跣步左右，夜闌燭跋猶未忍退。瑒每謂家食雖貧，至樂也。父喪，服闋，調建州戶曹，復辭不就。營精舍曰寒齋，研思道理、方劑、古今事。閨門雍睦，周給宗黨，里閭相做薰善良。一時名公卿屢薦，不起，李韶復薦之。朝廷重違其意。淳祐六年，復改合人官，主管仙都觀。仍下福州，給札條所欲言，言：「臣素屏，早衰，因而退處，本無高論足當優禮。」尚書以聞，不允。又言，義無可取，拙不能言，願得瞑目爲山林民。命未下，卒，年五十八。公遇學兼儒、釋，不專以名家，每焚其所作，僅存《求心錄》、《石塘間話別稿》、《貧士》、《良女》二吟，雜詩文百餘篇。屬壙，留詩別故人，遺言以隱服斂葬而書曰「處士林公墓」。次年，朝表其門曰「寒齋高士之家」。景定四年，邑人林希逸追舉其賢，詔元官進贈一官，予謚曰文隱。弟公選，子同，俱見韋布。

倪登 字彥及。宣和中朝請大夫，以取燕雲奉使，沒於土事，贈大中大夫。有《論語解》行世。

黃祖舜 字繼道。累任至軍器監丞。人對，言：「縣令付銓曹察授，曷若委郡守？」權守尚書屯田員外郎，徙吏部員外郎。出通判泉州，將行，乞於科舉外，訪求抱道懷德之士，不應書於祿，甘老韋布，學行修明，孝友純篤者，縣薦之州，州延之學，以表率諸士，其尤異者以名聞朝，是亦古鄉舉里選之意。留爲倉部郎中，遷右司郎中、權刑部侍郎，兼詳定勅令司，兼侍講。進《論語講義》，命金安節校勘，安節言其書詞

義明粹，下國子監板行。累官權刑部侍郎，兼侍講，知樞密院事。祖舜立朝侃侃形，論奏有冒覬恩幸者，悉力排之。秦檜死，其黨資政學士楊愿家乞遺表恩，檜子熈贈官太傅，皆爲祖舜駁議不行。金亮犯淮，大將劉錡病不能軍，諸將王權、劉汜退敗。高宗怒，欲誅權、汜。祖舜曰：「將敗軍罪不可赦，然劉錡有大功於國家，若聞而憤死，得無快敵心？」高宗嘉納之。卒於官，謚莊定。祖舜所著《論語講義》，朱文公多引之。其他《易詩禮說》及《歷代史義》凡數萬言。

陳若冲 字德用。通判廣州，以經學、詞章爲汪彥藻、柳彥質、李邴、趙鼎所知。所著有《藍溪集》。

黃顏榮 字全仁。有《六經解》、《易春秋論語說》，莆人多宗之，稱蘄山先生，而林栗傳其學。

林栗 字黃中。舉進士，調崇仁尉，教授南安軍，薦爲太學正，守太常博士。孝宗卽位，遷屯田員外郎、皇子恭王府直講。金人請和，約爲叔侄之國，且以歸疆爲請，栗言：「前日之和，誠爲非計，然徽宗梓宮、慈寧行殿在彼，爲是而屈，猶有名焉。今日之和，臣不知其說。宗廟之讐，事以弟侄，其忍使祖宗聞之？無唐、鄧，則荆、襄有齒寒之憂；無泗、海，則淮東之備達於真、揚，海道之防徧於明、越矣。爲今日計，宜停使勿遣，各守分界，休息生靈。」孝宗懲創紹興權臣之弊，躬攬權綱，不以責任臣下，栗言：「人主蒞權，大臣審權，爭臣議權，王侯貴戚善撓權者也，左右近習善竊權者也，故人主常患權在臣下，必欲收攬而獨持之，然未有能獨持之者也。要在使人持權而不以權與之，收攬其權而不肯獨持之，至有以鹿爲馬，以鷄爲鸞之語。」方奉對時，讀至「人主患權在臣下，必欲收攬獨持」，孝宗稱善，栗徐曰：「臣意尚在下文。」執政有訴於孝宗曰：「林栗謂臣等指鹿爲馬，臣實不願與之同朝。」乃出知江州。以吏部員外郎召。冬至，有事南郊。前期十日，百執事聽誓戒，會慶節，有旨上壽不用樂，迨宴金使乃有權用樂之命。栗以

爲不可。致書宰相，不聽。乃乞免充舉冊官，以狀申朝廷曰：「若聽樂則廢齋，廢齋則不敢以祭，祖宗二百年事天之禮，今一介行人而廢之，天之可畏過於外夷矣。」不聽。兼皇子慶王府直講。有旨令二王非時招延講讀官，相與議論時政，期盡規益。栗疏言：「吾祖宗所以輔導太子、諸王，惟以講經讀史爲事，若使議論時政，則是對子議父，古人謂之無禮，不可不留聖意。」除右司員外郎，遷太常少卿，除直寶文閣、知湖州。朝辭，言：「漢臣賈誼號通達國體，其所上書至於痛哭流涕者，考其指歸，大抵以一身之病論天下之勢。臣見今日國體於四百四病之中，名爲風虛，其狀半身不隨是也。自淮以北皆吾故壤，而號令不能及，正朔不能加，有異於半身不隨者乎？非但半身不隨而已，半身存者，凜凜乎畏風邪之乘而不能以自安也。嘗聞之醫曰：『真氣不充滿於半存之身，則無以及偏廢之體。故欲起此疾者，必禁嗜欲，節思慮，愛氣血，養精神，使半存之身日以充實，則陽氣周流，脈絡宣暢。若急於愈疾，不顧其本，百毒入口，五臟受風，風邪之盛未可卒去，而真氣之存者日以耗亡。故中風再至者，多不能救。』臣愚有感於斯，竊謂賈誼復生，爲陛下言，無以易此。」知興化軍，移南劍，除夔路提點刑獄，改知夔州。加直敷文閣。坐處施、恩二州蠻洞事，鐫職罷歸。既，理寺追究，事白，詔栗累更事任，清介有聞。復直寶文閣、廣南西路轉運判官，就改提點刑獄，又改知潭州，除秘閣修撰，進集英殿修撰、知隆興府，除兵部侍郎。朱文公以江西提刑召爲兵部郎官，既入國門，未就職，栗相見與論《易》、《西銘》不合，遂遣吏部趣之，文公以脚疾請告。栗遂論文公「本無學術，徒竊張載、程頤之緒餘，爲浮誕宗主。所至輒携門生十數人，習春秋戰國之態，妄希孔、孟歷聘之風。繩以治世之法，則亂首也。今采其虛名，將置朝列，而聞命之初，遷延道途，邀索高價，門生迭爲游說，政府許以風聞，然後入門。既經陛對，得旨除郎，輒懷不滿，傲睨累日，是豈張載、程頤之學教

之然也。望將烹停罷以爲事君無禮之戒。」孝宗謂其言過當，而人臣畏栗之強，莫敢深論。獨太常博士葉適言：「考栗之辭始末參驗，殊無一實，宜絕其欺罔，以扶善類。」於是侍御史胡管臣劾罷之。出知泉州，改明州，奉祠。卒，謚簡肅。栗強介狷急，攻訐名儒以快私忿，至其疇昔論事雄辯，經略有才，亦別是一流人物。

林昌言 字俞仲。令惠安。用日者張仁作漏室，以天地相去凡八萬一千三百九十四里，周天凡五十一萬三千六百八十七里，日月循環，冥冥難測，皆不逃乎涓滴。爲籌三十有八，以驗晦朔弦望，遲疾出没，無差毫釐。仕終通判。曾孫希逸。

希逸 字肅翁，號虜齋。師事陳藻，藻之學出於林亦之，亦之出於林光朝，其授受遠有源委。初爲平海軍節度推官，以清白稱。淳祐中，遷秘書省正字。因對，乞信任給諫，又乞早決大計，以慰人望，理宗皆開納。歷翰林、權直學士兼崇正殿說書。以直秘閣知興化軍。下車首詔學者：「自南渡後，洛學中微，朱、張未起，以經行倡東南，使知聖賢心不在訓詁者，自莆南夫子始。初疑漢儒不達性命，洛學不好文辭，使知性與天道不在文章外者，自福清兩夫子始。學者不可不知信從也。」因爲三先生祠，祀之，併綴其遺文以傳。南夫子者，林光朝。兩夫子，亦之、藻也。景定四年，舉亦之、藻爲有道之上，及林公遇幼承父澤，奉親不仕，並乞褒崇。詔有司爲三人樹表書謚，并祀之學宮。希逸官司農少卿，終中書舍人。所著有《易講》、《春秋正附篇》、《老莊列口義》、《考工記解》、《竹溪十一稿》。子泳，歷興化倅、國子監丞。劉克莊序希逸詩：「宋自光朝三傳至希逸，比之於師，槁而華矣，散而密矣，嚴而紆矣，搜索如象罔之求珠，斷削如巨靈之施鑿，經緯如蛟人之織綃，及其得手應心也，簡者如蟲魚小篆之古焉，協者如韶鉤廣樂之奏焉，



偶者如雌雄二劍之合焉。」皇朝郭萬程曰：「自道學興，辭命多鄙，光朝之門獨爲斐然。閩自楊氏道南，蓋光朝可接羅、李之宗，惜時儒未深知者，至希逸而亡傳矣。」

黃洽 字德潤。賜春官第二，未臨軒，賜第二人及第，授紹興觀察判官，除國子博士，改差浙東安撫司主管機宜文字，繼爲太學博士、樞密院編修官、通判福州，奉祠，召爲太常丞，請外。孝宗謂洽厚德，且任以事，不許。當對奏三事，孝宗爲矍然，繇秘書郎遷著作郎。行除右正言、侍御史，會水旱頻仍，因祠祭上言：「海歲荒歉之由，必有未盡契神祇之心者。陛下宜夙興默想，專精在民，身雖法宮，心則壇壝。」孝宗特詔諸路奉行，荒政不虔，差官按視。洽亟奏：「淮、浙、江東見有常平使五人，以五使分五路，尚慮不周知，今時遣一人兼二三路，不過閱圖、帳、戶口多寡、地里遠邈，安能遍歷？莫若專責常平，尤得精察舉職。」又奏：「藝祖懲藩鎮偏重之失，不欲兵民之權聚於一夫之手，今使主兵官兼郡寄，是合民兵權爲一，且屬邊徼，偏重尤甚。」皆見嘉納。除右諫議大夫。孝宗方銳志肄武，洽因諷諫言：「《頤》之大象，君子以慎言語，節飲食。言語飲食猶且謹節，而況其他？凡筋力喘息之間，一有過差，皆非所以養天和也。」孝宗曰：「卿言無非仁義忠孝，朕常念之。」洽在經筵，言人主當任賢相，則朝廷尊，廟社安，宰相當進君子，則庶職舉，天下治。孝宗首肯再三，曰：「卿如良金美玉，天弼朕耶！」除御史中丞，奏：「荐舉、請託必競於宰執、臺諫之門，若宰執、臺諫不爲人覓舉，使士大夫咸自率厲，豈不甚善？果知其人，露章以薦，亦何不可？」潭州奏：「強盜應配者，坐加役流，洽曰：『強盜異他盜，以故爲也，若止髡役，三年之後圜牆一弛，竊突四出，善良受害，可勝數耶？』」孝宗深然之。除參知政事。孝宗曰：「卿每告朕用人，今居用人之地矣。」因商榷除目，洽亦罄竭無所顧避。孝宗大喜曰：「五十年無此。」差除知樞密院事，累章求去，許之。

除資政殿大學士、知隆慶府。光宗受禪，特詔言事，治奏：「用人，爲萬世不易之論，臣前以此納忠壽皇，今敢復告陛下。」屢乞歸田，尋昇提舉洞霄宮。慶元二年，致仕。常言：「居家不欺親，仕不欺君，仰不欺天，俯不欺人，幽不欺鬼神，存五不欺，何用求福？」卒，贈金紫光祿大夫。兩朝推治質直端重，以爲名臣。有文集、奏議八十五卷。

高南壽 赴省試，道出衢州，憇大樹下，有一男子投繯掛樹而尚喀喀，急救活之，云是開化弓手尉逸一妾，遺迹捕之，知其爲他郡牙儉轉賣，欲辦取贖，欠錢三萬，空手歸白，必加怒譴，不如死也，南壽傾囊如數與之。是歲中科，調尉開化。到官詢其人，死矣。州有兇盜劫巨室，州督捕甚峻。南壽獨步小亭，旋繞無計，忽有拜階下者，驚問何人，曰：「公無怖，某鬼也，而公曩歲所活我大木下者，知寇所在，直來告公。」

盜方醉卧郭門外神廟也。」南壽勒部曲出門，鬼導於前而果得盜。被賞格，改京衛，擢知奉新。歲旱，乞減己年以求霖雨。白連帥賑廩、勸分。朱晦庵守南康，告糴奉新，南壽謝曰：「被髮纓冠，方救回室。」晦庵初亦怪其過糴，後乃曰：「吾屬皆如南壽，政復何憂？」

孫紹 乾道中任瑞金訓導，清慎有爲，興學舉廢。

陳宗召 仕至江部尚書。嘉泰間，上言：「臣之鄉邑，土瘠民貧，物貨不產，商賈靡至，而壑山種菜果，漁海造鮭鮓之屬以自給。海口鎮在縣東，另有墟市，縣鎮往返，不過負挈貿易。既稅於鎮矣，逕港縣南，又置寫稅焉，又稅於縣焉，二十餘里三稅，不已重乎？稅之隸縣者日數緡，隸州與漕者日各四十緡而已，官府利源之廣，豈與赤子較毫末哉？」臣以爲罷之便。」議中格，後其子貴誼爲禮部侍郎時，乃成之。

貴誼 字正甫。舉進士，授瑞州觀察推官。丁內艱，調安遠軍節度掌書記，辟差四川制置司書寫機

宜文字。中博學宏詞科，授江南東路安撫司機宜文字。遷太社令，改武學諭、國子錄，遷太學博士。時議更楮弊法，貴誼輪對，言：「人主令行禁止者，以能同民好惡。楮券更法，乃使奸惡獲逞，道路咨怨，非所以固結人心。」因援熙寧新法爲辭，又言：「明銳果敢之才，足以集事，而失於劇輕；老成寬博之士，足以厚俗，而失於循理，孰若舉之以衆，取之以公？」主更幣之法者，乃摘新法等語激怒時相，史彌遠且謂貴誼「引類植黨，人爲危之」。遷太常博士。以兄貴謙兼禮部郎官，引嫌遷將作監丞，兼魏惠憲王府小學教授。輪對，謂：「言路雖開，觸犯忌諱者，指爲好名；切劘時政者，指爲玩令。利害關於天下，是非公於人心。一人言之未已，或爲累十數人言之，<sup>九</sup>則又指爲朋黨。是非易位，忠佞不分。」彌遠益不樂。遷秘書郎，出知江淮軍，提舉江西常平。召赴行在，未至，授禮部郎官。屬金人大擾淮蜀，貴誼指陳時弊，大要言：人才倖進，直言不聞，賄賂公行，軍法不振。又言：「婉順巽從者，是災殃也，宜屏之，外之。矯拂救正者，藥石也，宜用之，聽之。」彌遠滋怒，諷言者論罷。主管崇禧觀。起知徽州，召授司封郎官，兼翰林權直，兼玉牒所檢討。會有事明堂，首引：包拯皇祐中，乞因肆赦，除聚斂、剝剋之弊；倣成周邦饗，必及死王事者之子，與漢置羽林孤兒，專取從軍死事之後，教以五兵。理宗卽位，以爲宗正少卿兼侍講，兼權直學士院。尋遷起居舍人。寶慶初，詔舉賢能才識之士，貴誼言：「世以容嘿滯固爲賢，以苛刻生事爲能，以褊狹趣辦爲才，以輕疏嘗試爲識。及茲初政，當求忠實正直、奉公愛民、知禮義廉耻，而不越防範者以充中外之選。」遷中書舍人，升廉直學士院內侍。濫受恩賞，輒封還詔書。將郊，貴誼以「民生實艱，吏員尚衆，征斂幾於奪取，公費掩爲私藏，宜大明黜陟，庶有以見帝於郊」。遷禮部侍郎，仍兼中書舍人、權刑部尚書兼給事中、端明殿學士、簽書樞密院事。紹定六年，理宗始親政，進參知政事，面諭之曰：「頃聞憂國之

言，朕所不忘。」兼同知樞密院事。出師汴、洛時，貴誼已移疾，上疏力爭。五上章乞歸，轉四官，加邑封，致仕。卒，贈少保、資政殿大學士，謚莊定。

鄧林 字楚材。年十五，以《詩》義魁鄉校。十六，游江湖，與辛棄疾善，又爲周必大客。淳熙五年，登第。調泰和簿。一時名公如陳傅良、戴溪、朱熹、呂祖謙皆與交游。凡三上書於朝，其略曰：「今朝廷無元氣，中國無生氣，士大夫無英氣，故夷狄客氣擣虛而人，陰陽沴氣乘間而起。大意皆譏切朝政。時朝議欲授以中都幹官，或曰：「鄧林若在，中都謗議之府也。」遂授石城丞。有《虛齋集》行世。

潘涓 字普之。知銅陵縣，折服豪強，儉於用度。

朱金發 字振仲。以文詞知名。嘗作《天人相與之際論》。陳傅良見之曰：「福清有二仲。」謂俞南仲、朱振仲也。淳熙中，擢第，官龍巖簿。有《史論》三卷。南仲，字山甫，亦淳熙中第。

敖陶孫 字器之。父夢於陶穴中見二人奕，而與之子，母陳氏，陳祖於陶正，因而名「陶孫」焉。少貧侗儻，以材自奮。淹貫載籍，爲文立就，言言奇奧而氣骨渾壯。淳熙庚子，年二十七鄉薦第一，律賦海內傳誦。下第，客吳中，從者如雲，巨室名族迎致講席。已，入太學，皆以通「儒」示之。紹熙甲寅，朱文公在經筵，本趙忠定所薦，韓侂胄搆之以難立講，予祠，陶孫送之詩，言：「當年靈壽杖，只合扶孔光。」蓋知忠定亦從此殆矣。及慶元丙辰，忠定死謫所，作「甲寅行哀」之語，不涉侂胄，且藏稿不輕出。或爲律詩託以行，無敢聞之侂胄者。京尹丞趙師罕輩望風旨，急逮捕。乃微服變姓名，不知所之。事白，而第已未進士。自鄉薦至是，落魄二十年。初主海門縣簿。開禧末，侂胄敗，距其登第八年矣。嘉定初，教授漳州，爲州守趙汝謐所恭敬。秩滿，辟酒所幹官，改廣東轉運司主管文字。時帥孫長孺性峻，或嫚罵僚吏。陶

係既負內美，勃若摩雲衝斗，而長身龐眉，昂昂出意表。當交際間，機疎語簡，見爲亢倨，乃道固委蛇。長儒知其質直，每見改容焉。用薦者改平海軍節度僉判兼南外宗正簿，不樂往。州檄之急，竟謁告去。常平使者雅聞陶係名，行部至州，怪其已歸，因言可予祠。寶慶元年，轉奉議郎，賜緋魚袋，主管華州西岳廟，臺疏鑄一秩，年七十二矣。異時交游，類當世聞人，至是旁落將盡。又少娶崑山沈氏，嚴之如賓，奉祠之年，適甫悼亡。室無妾媵，躬執炊爨，稍有俸錢，買田二畦，築室一區，深居簡出。客至，從戶內搖手，謝絕之。所與往還，同里林公遇、連江李韶、莆田劉克莊二三君子而已。間有佔俸，則之寂寞之野。時謂金璧易求，其片言難致也。然詩名益重，託者益衆。故《江湖集》出，而有詔毀之矣。卒年七十四。紹定己丑，子農師合沈氏葬，附東阜先塋，劉文定題曰「臞庵敖先生墓」，其銘：「議郎之秩，華山之廟，既膏於少，復奪之耄。卓哉臞翁，疇昔自號，揭之碑顏，以配貞曜。」今遺文真者，莖莖一一，大都善名理，而世則多其言詩。云：「魏武帝如幽燕老將，氣韻沉雄。曹子建如三河少年，風流自賞。鮑明遠如饑鷹獨出，奇矯無前。謝康樂如東海揚帆，風日流麗。陶彭澤如絳雲在霄，舒卷自如。王右丞如秋水芙蓉，倚風自笑。韋蘇州如園客獨繭，暗合音徽。孟浩然如洞庭始波，木葉微落。杜牧之如銅丸走坂，駿馬注波。白樂天如山東父老課農桑，事事言言皆實。元微之如龜年說天寶遺事，貌悴而神不傷。劉夢得如鏤水雕瓊，流光自照。李太白如劉安鷄犬，遺響白雲，覈其歸存，恍無定處。韓退之如囊沙背水，惟韓信獨能。李長吉如武帝食露盤，無補多欲。孟東野如埋泉斷劍，卧壑寒松。張籍如優工行鄉飲，酬獻秩如，時有諒氣。柳子厚如高秋獨眺，霽晚孤吹。李義山如八寶流蘇，千絲鐵網，綺密瓌妍，要非適用。蘇子瞻如屈注天潢，倒連滄海，變眩百怪，終歸雄渾。歐公如四瑚八璣，正可施之宗廟。荆公如鄧艾縋兵入蜀，要以險絕爲功。」

黃魯直如陶弘景人官，折理談玄，而松風之夢故在。梅聖俞如關河放溜，瞬息無聲。秦少游如時女步春，終傷婉弱。陳無已如九皋獨唳，深林孤芳，冲寂自妍，不求識賞。韓子蒼如梨園按樂，排比得倫。呂居仁如散聖安禪，自能奇逸。其他作者未易殫陳，獨唐杜工部如周公制作，後世莫能擬議。」是其詩評也。按舊志，趙汝愚死貶所，陶孫哀之以文，又揭詩於通衢云：「左手旋乾右轉坤，云何群小肆流言？狼胡無地容姬旦，魚腹終天葬屈原。一死固知公不免，孤忠賴有史長存。九原若遇韓忠獻，休說渠家末代孫。」侂冑大怒，逮捕。陶孫變姓名亡命得免。福清郭萬程曰：「今稱說敖先生者，豈非哀趙忠定之詩律哉？」或曰捐之通衢，或曰賦於三元樓壁，縱筆酒三行，而壁已昇去。或曰侂冑不之罪，或曰大怒，刊章追捕，編管於嶺南，至其敗，乃登第。或曰亟亡命走閩。或曰因是游寓贅居崑山。蓋二三其說，皆大謬不然者矣。蓋云或為律詩，託之以行，知是律也。

林珪 字介卿。祖仲堪，元符三年知惠州。珪，累官朝請郎，慷慨樂濟，嘗創義塚於修仁里，邑人祀之學宮。侄振。

振 字宗玉。為興化令，資稟冲粹，政事詳明，不動聲色，藹然儒政。三年，百姓無犯，犴狴為空。改知邕州。

林孝聞 字質夫。嘉定間知建寧縣，為政廉明，斥俸置田以充學計。後擢大理寺丞，守撫州。

張宏圖 字巨濟。精星曆。嘗論宋朝記禮者多訛舛，因著《大禮記》數卷，及萬言書，詣闕上之。大概論祀天神位次之失。復上書論太子星，因及皇嗣。賜官保議郎。嘉泰間，復上書寧宗，以慈懿太后攬陵今在湖曲，修古寺湖上宴游，非休惕悽愴之意。寧宗感悟，鑿御鵠沉之。轉官旌一秩。自是西湖絕清蹕之聲。故宋人詩曰：「龍舟太半沒西湖，此是先皇節儉圖。二十餘年安靜裏，棹歌一半在康衢。」宏圖

之名因以顯也。

孫禮興 嘉定間泰州教授。作《禮器圖記》。又有林獲者，制分獻官及士服。

馮端榮 字景莊。知崇安縣，勤恤小民，病給之藥，死施之棺。以平易清慎爲理。縣民祀於三賢堂。

鄭格 字迪民。少穎悟，博聞強記。歷建寧司理，以介聞。景定初，授廣東察推，介節彌勵。所親見其囊橐蕭然，曰：「子後何計出嶺？」格曰：「豈能人嶺而不能出？」改知攸縣，卒。子堅，姓、聚，皆博學勵節，世其家。少子堡，文亦奇。

林公珙 字子明。淳祐間知建寧縣。爲政精明，吏不能欺。存心愛民，不科斂橫費，尤留意學校，後倅泉州。

### 元進士

至正二年壬午 林雋

十四年甲午 林韶

二十年庚子 莊穀 薛理元

二十三年癸卯 潘騰

薦辟賢者見列傳中。

有傳

蔡復初

蔡復初 舉明經，爲書院訓導。少從龍江林梅所，余大車學《易》、《書》，又從惠安盧琦學《詩》。孝友力義。琦卒，心喪二年。所著有《詩銘訓集》。子仕實，見皇朝科第。

〔校記〕

〔一〕「」字，各本原脫，據本書體例補。

〔二〕「光化三年」下，各本原闕二字，據方詩銘《中國歷史紀年表》及本書體例，當作「庚申」。

〔三〕「行之」二字，各本原脫，據文義補。

〔四〕「概子曰」，各本原作「暨子曰」，據本卷「宋科第」及上下文改。

〔五〕「林孝聞」，各本原作「林學聞」，據本卷「宋科第」及本傳改。

〔六〕「伯」字，各本原脫，據文義補。

〔七〕「免厲」，據文義，當作「免役」。

〔八〕《續因革禮卒》，據文義，當作《續因革禮樂》。

〔九〕「或爲累十數人言之」，《宋史》本傳作「或至累數十人言之」。



# 閩書卷之八十

英舊志 縉紳

福州府 福清縣(二)

## 皇朝科第

舉人 進士子、午、卯、酉屬舉人，辰、戌、丑、未屬進士。

洪武三年庚戌舉人 李昇解元。 王玄範 張必泰 杜嘉 薛理原 林大同 蔡仕實元蔡復初子。

四年辛亥進士 王玄範 李昇 林嘉 林大同 蔡仕實 張必泰

本年舉人 林煒 陳臨 馬英 林清夫 劉炎 陳徹按以上庚戌鄉試、(二)辛亥廷試兼鄉試者，以洪武卽位

之初，科試未定，至十七年始有定科也。

五年壬子 林璟 鄭宗淳 陳源 郭本初

十七年甲子 鄭珣 王瞰 夏伸

十八年乙丑 夏伸 鄭珣 王瞰

二十年丁卯 林京 陳堅 王辛 陳銘

二十一年戊辰 王辛 林京 陳堅

二十三年庚午 林演 周昌 孫達

二十六年癸酉 鄔孟

二十九年丙子 李騏解元。 陳正 陳崑 陳琦 陳賽 林奇

建文元年己卯 林福建文年號已經詔書仍舊，今改洪武三十二年仍稱建文元年。

永樂元年癸未舉人 陳佛

二年甲申進士 陳佛舊志有洪武三十五年一榜。〔三〕考是歲革除，故元年癸未開科，甲申會試。

三年乙酉 敖旦 汪清 鄭添

四年丙戌 鄭添

六年戊子 葉極 陳最 陳得安儒士。

九年辛卯 韓弘 黃濟 林至儒士。 曾佛貢士，應天中式。

十二年甲午 陳廉 林穌 林添保儒士。

十三年乙未 韓弘 曾佛

十八年庚子 卓觀 鄭欽 陳實 王神祖儒士。

十九年辛丑 林至

二十一年癸卯 周昶 陳美 曾案 陳潛儒士。

宣德四年己酉 林昊

十年乙卯 林燦 王遠

正統三年戊午 郭譽 李燦

四年己未 李燦

六年辛酉 鄭恭 夏裕 林泗貢士，應天中式。鄭敬廣東中式。

七年壬戌 夏裕 鄭敬

九年甲子 許紳 陳慶 鄭陸 陳舉得安子。浙江中式。

十二年丁卯 何宜 王克復 俞璟 龔章

十三年戊辰 何宜

景泰元年庚午 官伯齊府學。林文 李璋 敖進旦孫。薛士昶

四年癸酉 陳璽 林洪 何熙 江輝儒士。許善繼儒士。

五年甲戌 俞璟

七年丙子 林槐 林培 蔡傑 林燧 戴濬 林孟喬儒士。

天順元年丁丑 王克復 林孟喬

三年己卯 陳璜 林域 項澄

四年庚辰 項澄 戴濬 薛士昶

六年壬午 官瑄伯齊子。府學。林清 鄭昭 張毅 韓鏞儒士。項潭儒士。澄弟。

成化元年乙酉 王馭 陳鑑 李潤儒士。

二年丙戌 韓鏞 林埴

四年戊子 林樞 方漢 林綱 楊廷用漢以下，並儒士。

五年己丑 張穀 林樞 陳鑑

七年辛卯 周信 王拱辰儒士。

八年壬辰 林清

十年甲午 吳華

十三年丁酉 陳義 黃珏 林經

十四年戊戌 周信

十六年庚子 張烜穀弟。 林鸞 敖汝屋 鄭拱

十七年辛丑〔四〕 陳義 張烜

十九年癸卯 林秉淵 林文城

二十二年丙午〔五〕 林朝材 林賢 敖璵璵弟。

弘治二年己酉 劉潤

五年壬子 陳彥鉞 林宜祥樞子。

八年乙卯 侯文標 黃泗珏子。 林信 林溥

十七年甲子 陳伯諒

正德二年丁卯 陳天錫復姓謝。 李楚潤子。

三年戊辰 陳天錫 陳伯諒

五年庚午 陳文昌 鄭慕陸子。

六年辛未 鄭慕

十一年丙子 何英才

十四年己卯 陳世仁鑑孫。府學。 何司明

嘉靖元年壬午 何世祺司明子。 方日乾 鄭廷燾拱子。 鄭廷焯

二年癸未 方日乾

四年乙酉 毛秉鐸 林廷器 林應禎 陳一貫

五年丙戌 毛秉鐸 何世祺

七年戊子 項志德潭孫。 卓邦清 薛廷寵 龔鐸 林珠 林孟機 施千祥 林春泰州籍。 應天中

式。

八年己丑 陳一貫

十年辛卯 張榮 游新祐 李賢 林一清 薛一經 陳仕賢 方秉鉞日乾弟。

十一年壬辰 林春會元。 薛廷寵 陳任賢

十三年甲午 楊子克解元。 王一言第四人。 魏文煥府學。 周坤 陳一科伯諒子。 魏濠 黃仁惠

翁世經 吳從義 方塘 郭萬程以貢，順天中式。

十四年乙未 施千祥 吳從義 翁世經 王一言 郭萬程

十六年丁酉 林公璉 何御熙孫。 項志仁 李庶濶孫。

十七年戊戌 何御

十九年庚子 張德熹 陳喬嶽

二十年辛丑 李庶

二十二年癸卯 何宗魯 嚴以修 莊應元 陳公彥 施模

二十三年甲辰 魏文煊 張德熹

二十五年丙午 陳見一科子。 林資深 嚴順 龔澤 陳湯敬

二十八年己酉 毛孔墀 陳良柱

二十九年庚戌 毛孔墀

三十一年壬午 何邦禮

三十二年癸丑 黃仁惠

三十四年乙卯 魏體明 陳懋興俱府學。 薛廷熙 薛曾

三十五年丙辰 薛曾 何邦禮

三十七年戊午 薛德統 林一鵠信孫。

三十八年己未 陳懋興

四十年辛酉 林廷讀 王用賓 施觀民 薛廷亮廷寵弟。以貢，應天中式。

四十一年壬戌 薛德統

四十三年甲子 何邦靖 林資瀾資深弟 鄭天佐 薛夢龍府學 陳道箴順天中式 邵廷臣

四十四年乙丑(六) 施觀民 魏體用

降慶元年丁卯 林庭植府學 劉鎮 陳文銓

四年庚午 林皆春 林守典 鄭夢禎 薛夢雷夢龍弟 順天中式

五年辛未 林庭植 薛夢雷

萬曆元年癸酉 林春元 陳天祥 李柱俱府學

四年丙子 黃大有仁惠子 府學 陳璧懷安學 施懋勳 謝洞

五年丁丑 陳璧

七年己卯 陳名彰 葉向高 方懋學 盧一誠以貢 應天中式 游廷柏 吳志魯俱府學

八年庚辰 盧一誠

十年壬午 王錫侯侯官學 江世祿 陳懋學 林茂槐 張日耀 施一阜 何應軫御孫 張材

余夢鯉 陳其殷府學

十一年癸未 葉向高 余夢鯉 劉鎮 方懋學

十三年乙酉 林廷奎一清孫 鄭時化俱府學 林雲侯官學 陳陽和湯敬孫 林世信 林尚義

陳奇仕寶族孫 順天中式

十六年戊子 周大時信曾孫 府學 陳堯道 施三捷觀民子 以監生 順天中式 薛應曾侯官學

十七年己丑 陳堯道 王錫侯 林廷奎

十九年辛卯 方騰奎塘子。 莫如德監生。順天中式。 劉挺秀府學。 項永譽

二十二年甲午 薛輝府學。 江朝賓 吳儒

二十三年乙未 林茂槐 林雲

二十五年丁酉 陳五昌 林士標俱侯官學。

二十八年庚子 魏汝達文燧孫。侯官學。 林震廷 林有臺

三十一年癸卯 施鵬侯官學。 郭廷元 倪楚下 王肇基 陳陽長湯敬孫。 郭應龍萬程孫。陽長、應龍

並監生。順天中式。

三十二年甲辰 江朝賓 陳五昌

三十四年丙午 郭應響解元。萬程孫。 林汝壽 何玉成府學。

三十五年丁未 林士標 林有臺

三十七年己酉 薛耀 薛坤

三十八年庚戌 施鵬

四十一年壬子 陳有元堯道子。侯官學。 盧伯棠一誠子。 王汝光

四十一年癸丑 倪楚玉 何玉成

四十三年乙卯 李允佐

四十四年丙辰 薛耀

四十六年戊午 陳世濬 何其弘 林正亨 施兆昂順天中式。



四十七年己未 林正亨 施兆昂

薦辟、貢士、監生賢者雜見列傳中。

有傳

林榮 林端 林鴻 莊希俊 馬英 王命 夏太和 鄭英 鄭珏 陳霖 鄒孟 李騏 蕭福

陳佛 陳得安 韓弘 陳嘉 李燦 林慈 鄭陸陸子慕 何宜 官伯齊 江輝 俞璟 王克復

林埈 王拱辰 林清 楊徹 林溥 謝天錫 陳伯諒 何英才 方日乾 林應禎 何世祺 項志德

卓邦清 薛一經 陳仕賢 薛廷寵 周坤 魏濠 翁世經 郭萬程 李庶 何宗魯 毛孔墀 薛曾

施觀民 葉朝榮榮子向高 鄭夢禎 林廷植七 薛夢雷 陳璧 鄭元和 盧一誠 方懋學 鄭時

化 林廷奎 林雲 林立

林榮 字得仁。洪武初以貢入太學。選人禁庭，爲承勅郎。謙慎齋飭，聲譽出縉紳間。後仕兵部尚書。榮少孤，思父不置，以「永思」名堂。請宋文憲濂爲記，文憲述其請記之語，曰：「榮也，念父不見，或食焉，或羹焉，或寢息焉，懸懸有思。思之不得，則升高遠望，草木之敷腴，山川之紆鬱，萬物欣欣，有自得意，輒泫然流涕，曰：『光景日新，吾父安之乎？』」又曰：「榮一乘馭則思爲父執鞭，一就寢則思爲父扇枕，一有疾則思爲父嘗藥，今皆不得已。」觸目之間無非可感誦其言，知其孝子也。」按榮仕兵部尚書，列卿傳無載，或國初年遠不可詳。

林端 洪武初以秀才舉，任教諭。宣德間知玉山縣。廉介愛民，門無私謁，好接賢士以咨詢民瘼。

陞刑部主事。

林鴻 字子羽。以詩名閩中，先朝遺老如吳海、陳諒輩皆極推許，而一時才士皆從之游。晉陵浦舍人源能爲詩，間鴻名，不遠來謁。鴻使門人文玄、玄之見之。源出投二玄。二玄讀至其送人荆門詩，有「雲邊路繞巴山色，樹裏河流漢水聲」之句，驚曰：「此我家詩也。」人白鴻，鴻出，甚懽，因避所居舍源，源名從此重。洪武初，以人才薦，高廟試之《龍池春曉》、《孤鴈》二詩，稱旨，一日名動京師。授將樂訓導。終膳部郎中。自免歸。所著有《鳴盛集》。

莊希俊 洪武間以薦辟臨洮同知。親終，廬墓，慈烏群翔。有《擊壤集》。

馬英 字德華。從林鴻爲詩，仕泉州縣丞。

王命 字文浩。洪武初以明經薦，授如皋教諭。復改鹽城，陞國子博士。經誘掖者，咸有成就。薦陞大理評事，審讞不冤，文皇嘉其明允，御書「葵軒」二字賜之。陞沔陽知州，善於撫字。後召修大典。卒京師。命性勁直，居官以誠慤爲本，所至有冰蘗聲。文章亦如其爲人。

夏太和 洪武間以薦辟爲國子助教。召見賜詩，以榮其歸。

鄭英 字伯華。宋俠六世孫。父病劇，禱神求代，父隨愈。假貸營祖父母墓，以畢父志。父卒，哀毀踰禮。洪武間，舉明經，以母老辭。母數遭疾，侍湯藥不懈。母卒，竭產營葬。舉孝行，授南寧經歷。

鄭珣 字益文。授監察御史。坐事忤旨，調吳令。廉謹有能，政平訟理。復人爲御史，按廣西，卒官。

陳森 洪武間知許州。歲歉，民多流徙，森導湖水注別壑，縱其取魚藕自給。

爲思之。

爲

赦之。後竟以直言時政忤旨死。

八月

周旋、人、官、效、罪、罪。

李騏 字孔逸。仕陵水教諭，選刑科給事中，坐事謫景州學正。大學士楊夢祥、擢弋陽令。調定海。所至，公勤廉慎，人民懷之。

蕭福 洪武末以儒士授嘉興縣典史。廉勤寬恕，聽訟稱平。雖處卑劇，輒以餘閒講學、讀書。永樂元年，再補樂安，聲無改舊。擢監察御史。

陳佛 字德性。令宜都。邑人因其名，號口活佛。自免歸。銓部徵用，辭不往。

陳得安 字思善。任義烏教諭。學博行恭，誨諸生必竭底蘊。引年，門徒不忍舍，遂家焉。

韓弘 字七毅。授戶部主事，擢韓府長史，改寧府。好直諫，王不悅，誣以事，被建檻京師。江西省臣爲白，得釋。調同知永平，績最。擢知揚州，爲政愷悌正直。滿三載，郡民赴闕奏留，增俸一級。歷山東右參政，轉浙江左參政，致仕。

陳嘉 宣德七年以薦辟爲海寧簿。秉性剛直，蒞事公平。縣與海寧千戶所雜處，軍縱官馬戕民稼，及夜巡擾民，嘉請上官，乞以夜巡事檄有司，專職馬害稼者戮傷勿論。從是庶民安堵。秩滿，老稚遮道願留。徑告致仕去。

李燦 字子珍。授萬載令，轉判衡州。居官寬猛得宜，所至訟獄衰息。雅重教化，禮遇諸生。觀風使者韓雍以廉能舉，後卒官。

林慈 字則忠。正統中以貢任南安同知。稽覈軍籍，門無私謁，擢守潮州。

鄭陸 字叔鑑。大順間授景陵教諭。輕利勤教，隆冬酷暑不廢衣冠，坐而課業，自奉蔬菜而已。祀

名宦。子慕。

慕 字思舜。歷御史、知温州，官終湖廣副使。有清聲，如其父。

何宜 字行義。授戶部主事，累遷兵部職方郎中。成化初，疆圉多事，邊報沓至，宜區畫多稱旨。文學政事卓有嘉名。父故巨商饒貲，宜獨清苦，在官粥食徒行而已。後遷浙江參政、江西左布政。人覲，舟僅容身，隨從數人，日止一炊，體燥則沃以江水。閱簿書一字不輕過，侍吏強立，多欲顛踣。時王克復爲參佐，書判如流，恒以太纖戒宜，宜安之。未幾卒。

官伯齊 字伯整。三歷教職，舉其官最。後教諭臨安。臨安科目乏人，伯齊選才嚴課，未能者親立文格指引，資以紙筆，供饌。卒於官，士子憑柩悲泣，步送不絕。

江輝 字叔明。成化間任龍泉學諭。儉素嚴謹，諸生並令坐齋講讀，夜分，間茶粥之。貧者，出俸供其膳饌。卒於官。士人哀悼。

俞璟 字景明。任御史、廣東僉事。以執法持憲稱。

王克復 字師仁，授刑部員外郎，用薦爲江西參政，轉湖廣按察使、江西布政使，以副都御史、巡撫人爲南京吏部侍郎。致仕。克復長於律，比郎刑部時，爲尚書陸瑜所器，凡疑罪必屬之。兩廣撫臣吳禎、河南布政使章繪被奏不法，瑜並薦克復往按。歸報皆稱旨。出長藩臬。吏民素聞王刑部名，自不敢欺。江西俗喜訟，牒山積，克復判決無留。時謂之「王火」，又謂「王隔壁」，言其敏而且明也。卽克復亦自喜曰：「人每厭江西繁訟，若某者，直須車子載來。」然其持法不苟，所至發奸，第取魁桀，無濫及。南畿清成使者文深，多所遣發，來訴克復，克復察其誣者，悉爲脫尺籍。性質寡言笑，在刑部十五年，爲布政使九

年，同時、後進或躡，或躋，未嘗介意。晚歸，與謝瑀輩結會敦齒，鄉人以爲美談。

林埏 字克茂。知景寧縣，禁奸除暴，聽訟明斷。縣學草創，全埏規制始備。擢御史。

王拱辰 字孔明。歷南康教諭，精舉業，勤誨士，有所物色，悉皆顯名。

林清 字源潔。任開化知縣，慈祥愷悌，深得民心。

楊徹 成化間以監生知遂溪。政廉而寬，邑民頌之。

林溥 字孟通。授宣平教諭，擢池州教授，有學行。

謝天錫 字廷爵。繇行人選御史，按北畿。持身勤慎。爲民鑿渠，以洩洪水。衡水、魏縣二邑人深德之。

陳伯諒 字執之。授富陽令，調崇德，嚴削豪強，痛絕奸猾，訟獄衰息，廢墜振修。以最人爲監察御史，督學兩京，士服公當。復以副使督學四川，未上，卒。子一科，知應山縣，居官有守，不媿家聲。子見，見韋布。

何英才 字時英。嘉靖中知思來縣。安詳不擾，民樂寬靜。終靖江長史。

方日乾 字體道。歷御史，終山西僉事。在臺論事，通達國體。子塘，領鄉薦，有操尚。

林應禎 字國興。爲涪州知州，篤實有守，鄉黨敬之。

何世祺 字勉翼。父司明，仕潁上教諭，有操尚，爲鄉人所敬。世祺授慈谿知縣，改歸善。精敏爲治，裁抑豪猾，邑造冊籍，覈戶口，杜欺隱，豁虛稅。或白以例有稅契，世祺曰：「已征科價矣。」有稅畝，曰：「里甲自辦工墨矣。」後以調去。歸善人言賢令，率曰世祺云。

項志德 字尚之。教諭青田。清苦儉朴，化及閭巷。擢吏部司務，歷禮部員外郎中，出爲四川參議。尚節概，重然諾。與人語，切直不阿。雖諸公貴人前，不改其度。倭夷入寇福清，城破，志德子爲所虜，志德方奉表入賀萬壽，聞之，卽上疏乞歸。諸縉紳在京師者，莫不厚餽志德，使歸贖兒，悉却不受。或謂：「君清尚固爾，愛子被虜，贈君贖之，諸公厚意也。」志德曰：「吾已不仕，諸公憐我，當不責報，第因難爲利，則不敢耳。」未幾，子亦得歸。

卓邦清 字若泉。計偕下第，卒業太學，與江右徐樾、王宗、尹東廣、蔡天應，四明徐應元輩四十餘人，日升監畢，卽群會博士堂，辯心講志。時泰和歐陽南野德、揭陽薛中離侃及是年及第羅念庵、洪先聞之，咸先造訪，語極相得。邦清遂受學於歐陽，一時翕然。輔仁相勉久之，就職教諭烏程。教人操身敦行，自爲實地。外庠人上聞之，踵門聽講。擢東光令，以艱歸。莆陽有莊孝子名賢者，高邦清之素，不遠赴弔，留月餘，卒，邦清爲厚斂如禮，返柩故山。服闋，補新泰令。節省休養，逋戶歸者二千餘家。調富川令，有監司橫索屬縣金，邦清無所應，心銜之。嘆曰：「二毛已侵五斗，奚戀？」遂棄歸。馬恭敏森曰：「若泉歷仕三縣，謀生不給，儉素以足薪水，寡慾以樂日用，呼童招侶，弋鴻釣鯉，寄情海上，敖翔太清，有道之士也。」

薛一經 字廷訓。任興安教諭。善誘士類，介無苟取。卒於官，囊罄甚。

陳仕賢 字邦憲。爲諸生，以孝聞。登進士，授戶部主事，歷員外郎中，出知杭州。衣無重綵，食無兼味，瘠己佐民。水旱祈禱，若身痼瘕。至其溫粹之氣，汪洋之度，足以釋悃消鄙。評吏治者，至比之項城婁公。後十年，爲浙江左布政使，益務爲廣容耻，以法繩下，清白之操貫於終始。終副都御史。

薛廷寵 字汝承。以行人選吏科給事中。奉使朝鮮還，權都給事中。在諫垣，每誦季孫行父鴈鷗鳥雀之言，嘗上疏劾諸大臣，皆當時用事者。有旨留者數人，諸大臣以廷寵言直，俱不敢辯，獨嚴分宜，時禮部尚書，新有寵，輒辯。廷寵復劾之。後又屢有論建。銓部欲出之外藩，或言廷寵賢不宜使去，乃止。未幾卒，家貧無斂，鄉人爲治喪。廷寵內行修，事繼母李孝。其卒也，李哭之哀，感動傍人。

周坤 字朝順。直躬博覽。教諭新昌，每爲諸生講說聲實，貧者斥俸餘贖之。冬月，猶著單夾衣，曰：「吾，冷官，不宜太暖。」土不失己，當忍寒饑。」後遷國子助教。

魏濠 字方舟。令太平。有異政，流亡復業，土價增貴。官至南戶部員外。太平，一作仙居。員外部，一作郎中。

翁世經 字可貞。授戶部主事，歷員外郎中，擢知梧州。峻潔有才，治尚節簡。在郡，道塗、府庫、關隘、礮隧百廢具修。尤加意學校。秩滿，觀風使者奏留郡。立祠以祀。官至布政使。

郭萬程 字子長。蚤孤，刻意自堅。痛母何艱貞紡績，輒潛然出涕。值歲荒，負米數十里外。母肺疾，寒無被，與妻盧抱母而溫以背。雖夫妻或至絕粒，而菽水靡所違缺。通覽紀書，淹洽鉤貫，夜傍紡燈或至達旦，而學審取舍，不以得失動心，至以孟子自期。以選貢，上春官，薦京闈，登進士。守貧待次，開門授徒。志行、文藝具有。先後授戶部主事。尋卒，年三十二。萬程與馬恭敏相善，慨然語恭敏曰：「吾聞菽爾，崛起爲難。唐初薛令之始登第，而有首宿歲寒之嗟，竟以廉名其里。歐陽詹名在韓愈、李翱間，仕不過四門，而且早卒於京師，不亦難哉！」察其意，蓋欲以文章行誼自見於後，而溘然無年，其可悲也！萬程爲文，風渙雲披，了無阻闕。遺文無多，而於福清之地志、山經、耆舊、沿革特加詳焉。子造卿，見韋

布。

李庶 字季卿。嘉靖中知金華縣。有柄臣北上，道出蘭谿，守以下皆趨候，庶曰：「越境矣。」竟不行。上官有所過，相語：「毋令金華知也。」甲辰、乙巳兩歲大饑，竭誠祈禱，發廩平糶，全活甚衆。歷刑部郎中。

何宗魯 字可宗。惠州同知，居官清介。

毛孔墀 字茂對。官終戶部主事。先令曲周，有惠政。卒後十數年，邑民尚存問其家。

薛曾 字師孔。授中書舍人，轉兵部主事，徙吏部考功員外郎。吏部郎，故尊貴，然自員外以下，無所關預，書諾而已。曾獨譁譁，諸郎間皆目攝之，其長憾曾尤甚。出備兵威茂，草坡、黑虎、曾頭、水磨諸蠻嘗掠人取贖，邊隅大困，曾授方略，用間諜，勦平之，道路以通。江嚙茂城，三歲工不就，曾以五旬竣之。復鑿石洲以殺流勢。民多淫祠，曰：「禹鄉也，宜祀禹矣。」居五歲，轉粵西參藩，將吏士民送數百里，皆泣下，像祠之。抵家卒。曾在茂州，前備兵使者日費且十金，一切裁罷，曰：「毋困邊民。」蔬食布衣，處之漠如。家人有語及產業，輒持杖擊走之。

施觀民 字于我。歷戶部郎，出守常州。大刷蠹弊，獄訟皆單詞立斷，尤惡刻深，平亭仁恕。有富室被誣，白出之。僚佐謂使君不虞嫌疑，觀民歎息，以嫌冤民，守不能爲。首闢龍城書院教士，鑿玉帶河以通風氣。萬曆癸酉，舉於鄉者三十餘人，所當其最賞者爲沙宗伯孫繼皋，許其必魁天下，遂果然。毗陵人言：「施使君十一爲吏，什九爲諸生師。他守日晏坐堂皇，治簿書猶不給，安所得從頌諸生間哉？」擢廣東副使，歸，卒。繼皋不遠人閩，哭其喪。



葉朝榮 字良時。應隆慶改元恩貢，授九江通判，主督賦。潔己恤民，逋負畢登。佐權闕，秋毫不緇，免商緝無算，臺使者賢之，數令攝邑。瑞昌城有灤河之患，鑿而疏其下流。彭澤城圯，鳩工修築之。擢知養利州，築城建學，鑿坡塘，墾田，導水。暇則與諸生談說經術。州俗一新，埒於中上。卒之日，僚屬簡其囊，書數函，衣數襲而已。士民立祠祀之。朝榮生平淡薄勤苦，惟讀書窮理爲務，《四書》、《五經》及《性理綱鑑》默誦如流，至老無一字遺忘。尤精說《詩》，自言：「吾說《詩》，不在文字，於治亂興衰之故，燦若指掌，《五經》奧義具在其中。苟有用我，舉此可行也。」子向高。

向高 字進卿。其母逃賊而生之廁下，少名廁兒。年十四，縣令許夢熊大奇之，爲擇婚，送聘而酒之公堂，邑人以爲盛事。既舉進士，選庶吉士，讀書翰林。解館，授編修。光皇出閣講學，向高以官僚侍班講讀，訓解明暢，光皇殊喜。向高長髯於思，風來拂拂動，光皇私告中貴曰：「此飛鬚先生也。」萬曆三十五年，以禮部尚書召入東閣，與山陰朱賡晉江李廷機同事。亡何，一人或去或歿，神廟更不他爰立，而向高獨相者八年。此時神廟宮居久，萬幾遲久不時應，諸大典率阻閣，中外有鬻釜之憂。其大者則所嬖鄭貴妃，生福王，以母故愛之，甚至受封久不之國，而光皇日在危疑間。其他：人僚空虛，考選沉滯，謫籍水銅，宣索過多，邊餉斬發，礦稅中官四出，諸臣爲礦稅數逮繫，間有傳諭，外難奉行。向高心血爲竭，唇吻爲枯矣。賴其才情敏妙，言詞敷暢，或時中官立待還奏，口占授書，反覆詳盡，是以獨任有年，孔庶畢給。至其慙而誠，婉而明，卽上讀之，亦心開。有時觸忤，久亦爲霽。而時士大夫自分意見，各樹門戶，是非邪正迄無定論，向高亦屢被人言，一字不辯，但求退而已。惟上知向高忠謹，一意委任之。向高所以爲忠於朝廷，其大者莫如處王曰乾一事，次莫大福王之國，其言則莫讜於四十一年元正一疏。其餘所以調停

國是，挽持朝綱，不遺餘力矣。王曰：「乾者，京師奸人也，與亡賴人孔學訟刑部。訟未判，突入皇城，放炮進本，刑部坐禁城放炮事論死。」曰：「乾急，遂許奏孔學嘗受皇貴妃旨，咀咒聖母、皇上，擁戴福王，謀害東宮。」從獄中具疏，向通政司投遞。通政司不敢達，至持疏人持刀欲自刎以脇之。通政惶懼，走告向高。向高曰：「毋動。」遣人告大璫之掌東廠者，令偵邏上聞，即亦不可張皇動上怒。璫唯唯。因具揭密言貴妃賢明，福王賢孝，臣萬萬保無他；奸人所爲，當靜處之，一爲所動，即中外紛擾，其禍將大，切勿以介聖懷。上初覽曰：「乾疏震怒，拍案。」左右辟易，良久沉吟曰：「有如此大事，如何閣中初無一言？」左右乃以向高揭進。上聞向高有揭，即時寬霽。覽畢天顏益和，手緘原疏，並無一語，官中皆大喜幸。次日復問司禮，疏當批發否，向高業先告司禮：「疏不必發。即發，當付閣，不可從中下。」司禮以向高意對。向高復密勸上無發，發則上驚聖母，下怖東宮，即皇貴妃與福王皆不自安，惟留中勿宣布；其奸徒俟別疏批治之。要以國法、國體兩盡無傷。而又速定福王之國吉期以息群喙，則天下恬然，宗社之幸大矣。上悉聽向高言。當此之時，內自宮闈，外及縉紳，莫不藉向高一言回天，而神廟亦以此感向高善全其父子兄弟間。及福王之國有期日矣，上屢遲遲，一則以莊田未備，遲；一則留以預壽皇太后，遲。亡何，皇太后崩逝，上則以福王當持服，遲。向高悉爲宛轉撐拄，而福王竟之國，中外人情又莫不舉手加額，以爲國家之福，微葉公莫能成也。至萬曆四十年一疏，則言：「臣歷考三代以至宋、元三千餘年，帝王享國四十年以上者，僅十君，惟殷之太戊、高宗稱爲盛治，宋仁宗差治，其餘皆亂。周宣王、唐玄宗、梁武帝則始治終亂。然則三千餘年間，享國長久而能克終者，二三君耳。萬曆之紀已四十年，天下大器久則必敝，自非嚴恭寅畏以保持之，鮮有不敗者。」其謙如此也。至四十一年，則向高在事八年矣，先後求去疏六十餘上。上不得已，勉

從之。加少師，賜坐蟒，差官護送馳驛，賜路費金，恩禮備。至臨行，復諭留數日乃去。向高爲上留者三日。而先是，癸丑會試，上命向高入兼試事，有章奏令中官送闈中票擬，而至是上諭留數日，皆異數也。原向高所以受知於神廟者，惟其朴誠恭謹，知無不言，言無不盡。上久久益信向之，每向近侍道：「此一閣下，未嘗欺我一言，壞我一事。」疏揭皆明白洞達，覽之了然。又頃刻立辯，無所凝滯，是以上竟向高在事，未嘗責一言官。卽甚怒，亦未嘗有「這廝」、「這畜」之語。抵家，上復遣撫按官存問。存問閣臣，八十始得，向高時方六十，又異數也。向高家居，上念向高者屢屢，欲再召之，會有限者，罷。四十八年，神廟賓天，光皇卽位，復召向高，遣行人傳諭以來。蓋光皇在東宮，時時念曰：「我有大恩人未報。」故召向高亟。居一月，上崩，熹廟卽位，以光廟意起向高。此時遼左失地，重慶陷城，向高感憤就道。既至，上亦傾心向之，而所保全匡救爲多。久之，左都御史鄒元標、副都御史馮從吾以講學書院事，爲兩給事中所求多，上傳諭欲毀書院者屢，向高言：「講學之禁，從古未有。乃言者謂宋室禍敗皆繇講學，獨不思有宋盛時，正以濂、洛、關、閩講明學術，比及王淮、韓侂胄、陳賈輩始立偽學題目，構陷朱熹諸賢，而宋祚遂終。太祖高皇帝立綱陳紀，設科取士，本宋儒。成祖文皇帝復令儒臣采輯宋儒論學之書爲《性理大全》，頒行學宮。二百六十餘年，一道同風，一切裂防決維之事，皆有所忌憚而不敢爲。皇上何輕聽二臣之言，而不深考祖考一代治法？當聖明之朝，而有道學之禁，臣爲執政而諸儒臣連翩去國，天下後世清議謂何？且將與王淮輩同被惡名，實臣之所不敢出者。」遂乞與元標、從吾同去。上不許。而最後，都御史楊璉劾逆璫魏忠賢事起，忠賢故望向高調護之，而向高勸上放歸忠賢私第以止入言。於是忠賢恨甚，內竊國柄，時時有廷杖諸臣，而向高求去決矣。上不得已從之，加恩以行。蓋此時求去之疏，又先後六十餘上也，是

爲天啟五年。其明年，六十九歲，卒，去熹廟崩殂之期，五日而已。當此時也，魏忠賢熏灼彌天，禍蔓中外，縉紳至求死不得，向高念身爲國大臣，受三朝知遇，坐視國事至此，鬱鬱無聊，日甚一日，惟懷范文子祈死之意而已。今上登極，逆閹誅死，宮中首詢向高，有召用之意，而向高不可作矣。向高坦直夷易，在朝不以城府待士大夫，所建言無非欲破士大夫黨比之習。家居，布衣徒步，與田夫樵牧相應答如響。爲文明白條暢，詩朗徹照映，書翰一札十行，晃如雲流。退朝之暇，延接酬寄，觴詠棋奕，綽然其有餘暇。遇佳山水，意興勃生，神韻散朗，一似神仙中人。平生見講學之人皆空談無實，故絕口不道，而心實慕嚮之。嘗與鄒公元標言：「公講學必講孔孟，而余第講閩羅。」鄒問故，向高曰：「不佞老矣，填溝壑日近，若有欺君傷人害物等事，於閩羅殿前對勘，不過皆不敢爲。」鄒曰：「如此則何公之非孔孟也？」向高仕特進光祿大夫、左柱國、太傅、吏部尚書、中極殿大學士。卒。崇禎初贈太師，特旨謚文忠。

鄭夢禎 字開文。授寧晉教諭，徙國子博士，擢守蕪州。荆府護衛地久廢爲民居，惡少搆王，欲歸前地。夢禎啟王：「護衛久削，責地何爲？」王不懌。夢禎徑趨出。久之，王詢知惡少搆民，乃悔謝，益厚遇夢禎。巨璫陳奉監稅楚中，橫甚，夢禎獨無所屈。奉爪牙虎而冠，奉檄來蕪包礦稅。夢禎力排之。奉遣其黨王金吾開蕪迎山礦，且索賂，夢禎遂乞休。蕪民相率詣王金吾曰：「州有賢守，爲爾去官。」群毆辱之。奉益怒，以抗旨劾夢禎，謫爲貴州按察司經歷。既行，遣人尾其後，將甘心之，州人擁護得免。歸，不能名一錢，而遽卒。蕪民間之，有數千里赴弔者。夢禎爲孝廉時，與諸生陳益相往來，益死奔馬下，市人無識者，夢禎相而哭之曰：「此吾友陳生也。」益目未瞑，夢禎曰：「幸於我殯。」乃瞑。

林庭植 字槐卿。萬曆初知上虞縣。調知龍川，禁佛教，定婚禮，建學宮，修縣庠，却諸例金。猴嶺

賊作難，霍山白蓮社爲變，設計剪除。卒於官。

薛夢雷 字汝奮。授江山令。明興，江山有三賢令，而夢雷其一。擢人爲御史，以失江陵相意，出爲廣東僉事。歷參議。殲夷寇，破蛋賊，勦亡命蘇觀陞、葉宗權等，三受上賞，擢浙江副使、雲南按察使、布政使。蠻阿克者，其先武定酋也，武定守失諸夷心，遂謀爲亂。守逃至會城，委其印於藩司。克隨以兵，聲言：「武定，故我土也，予我印則罷兵，不予，且虔而命。」人情洶洶，多謀應賊。自鎮臣而下皆惴懼請於中丞陳用賓，姑予印以紓禍。中丞以爲然，夢雷獨爭之強：「吾戮力固守，援兵且集，賊奈我何？卽不然，守死，正也，何計其他？」語憤慨激厲，聞者皆色變。方伯某趨進謂中丞曰：「事急矣，毋以妄言撓。」遂予印。後中丞坐逮，主爵難其繼，滇人在京師，頌言：「予我薛公。」遂擢右副都御史，巡撫其地。亡何，言者以予印事罪中丞，連及夢雷。滇去都門遠，當日夢雷爭論，人無知者，奉朝命聽勘。比勘，夢雷枉大白，而尋卒矣。夢雷博大雍容，才具神情，洞達朗豁，錯綜萬變，無復凝滯，性耿介，不通朝貴書，去亦繇之。

陳璧 字道民。授歸德府推官，以風裁著，入爲刑、禮二科給事中。疏陳八事，請復舊官，罷老臣，爲執政所忌。出知太平府，郡民穿土得黃白二金以獻，璧悉以修城垣、葺學宮。歷廣東提學副使、湖廣參政、山東按察使。所至風紀凜然。在湖廣，值奸人王首仁誣親藩，在山東，值惡璫陳增誣益都令，衆皆觀望，璧奮然持議不可奪。尋以右布政備兵淮揚，與璫忤，乞終養。未幾卒。璧政尚嚴肅，而操履耿介，閩人謂可與鄭方伯雲鑒方埒。

鄭元和 改名元勳，字景司。萬曆初貢。歷太倉州判官，所至舉職，屢抑疑獄，比歸，行李蕭然。

盧一誠 字誠之。授行人，轉司副、司正。卿寺貴人多假借使節行，不關白正，一誠曰：「使有職，胡侵官也？」將疏劾，其人再三謝乃已，於是使規大飭。轉南戶部郎。江右守臣移文爲南昌、新建二邑請改折，時邑多貴人，莫敢難。一誠曰：「南都，根本重地，四方多故，兵食日增，虛糜庾以自弱，非計。」力格之。白下上大夫俎豆新建，招一誠入社講學，一誠謝不往，曰：「吾不能操戈入宋儒之室也。」擢守潮州，饒郡也，一誠毫無染指，上下交際踴躍然。有點僚窳郡榷，乾沒多，以其餘遺一誠，一誠怒叱之。臺使知一誠廉，欲併屬以榷事，一誠不可：「守奈何奪承倖職？」無已，則稍爲稽覈而已。潮人咸稱一誠凝操峻行，爲年來守郡僅見。

方懋學 字北行。官行人、工部主事。尚書貌方郎愿人耳。屬上有事西山，當治道，時雨後泥深，事急旦夕，衆共推方郎。方郎拮据營辦，往來如砥，尚書始語：「方郎，賢者也，咄而敏於事。」竟不年，卒。始，懋學試春官，後夜有物緣壁下，始若鳥，既則人，亟語曰：「子第，子第！」頃之，室中有光，其異如此。鄭時化 字維雨。爲諸生時，父卒於燕。奔數千里扶櫬還。弟賈楚，歲久無耗，復重繭入楚，携與俱歸。令和平，備盜救荒，績甚著。卒於官。家食貧如舊。

林廷奎 字志宸。任會稽知縣，調東安。真質不俗，遂蹇於宦。終紹興知府。

林雲 字從龍。令西安，以廉能著。終戶部主事。

林立 字尚中。初爲郡諸生，後入粵，游柳州、懷遠間。猺峒亂，立往來誘說之，皆輸服。隨教以經、史，踰年，夷童遂知向學。於是，兩臺使者以立食廩餼應懷遠縣。萬曆中，貢授廣東陵水訓導。攝篆文昌，有平黎功，捷三上，俱賜帑金，陞梓潼知縣。上民懇留，奏改臨高。復撫猺峒有功。

〔校記〕

〔一〕「二」字，各本當脫，據本書體例補。

〔二〕「上」字，各本原脫，據文義及本書卷一百三順昌縣「皇朝科第」等補。

〔三〕「有」字，各本原脫，據本書體例補。

〔四〕「辛丑」，各本原作「丁丑」，據方詩銘《中國歷史紀年表》改。

〔五〕「丙午」，各本原作「丙丁」，據方詩銘《中國歷史紀年表》改。

〔六〕「乙丑」，各本原作「乙未」，據方詩銘《中國歷史紀年表》改。

〔七〕「林延植」，本卷「皇朝科第」及本傳作「林庭植」。

閩書卷之八十一

英舊志 縉紳(二)

泉州府 晉江縣(一)(二)

唐進士

貞元中進士 蔡沼按歐陽詹登第爲閩破荒，蓋遵韓文公《歐陽生哀詞》，而舊志載沼先歐登第，未知何年，姑列於首。

貞元八年壬申 歐陽詹第二人。

十八年壬午 許稷

元和十三年戊戌 潘存實

開成三年戊午 李稠 歐陽柅詹從子。 陳蝦

乾符五年戊戌 王玫明經及第。

薦辟、人才賢者雜見列傳中。

有傳

蔡沼 歐陽詹孫潔合傳。從子柅。 許稷 李稠 陳蝦



蔡沼 字虛中。先歐陽詹登第。詹以文，沼以學。

歐陽詹 字行周。父，温州長史。兄，舊，固安丞，晉，潮州司倉。詹爲兒孩，不與衆童親狎，行止多自處。年十許，見里中無愛者，每河濱山畔片景可採，心獨娛之，常執一編忘歸，其間風月清暉，日暮尚留。未甚識文字，輒隨人間章句，或有契心，移日自得，長吟高嘯，不知所止。建中、貞元之時，其文詞崛興閩中，甌、閩間不知有他人也。陸贄知貢舉，搜羅天下文章，所得七若韓愈、李觀、李絳、崔群、王淮、馮宿、庾承宣，皆一時之選，而詹與焉。授四門助教，年四十餘矣。韓愈爲徐州從事，朝正京師，詹將率其徒伏闕下，舉愈爲博上，未幾卒。詹伏聖人之教，慕愷悌之化，達君臣父子之節，忠孝之際，惟恐不及。故與邑人吳播仲宣、薛壽千齡、鄭簡從易、康暉有融及王雲卿、王式爲同方之契，而與式游處尤深，相與讀書莆陽五載。莆陽去家四百餘里，晨昏之思忽至，珍異之味忽得，不以始昨違離便奔馳慰奉，不憚往還。既西上長安，夢母以亂絲繞身萬重，嚙其臂見血，繫心獨至故。韓愈爲詹哀詞，稱其事父母盡孝，仁於妻子，讀其書知其於慈孝最隆也。李貽孫稱詹文新無所襲，才未嘗困，精於理而切於情，宜可當代文柄，以變風雅。子櫝微，有文，早死。孫澥，薄善詞賦。娶婦經旬，便辭赴舉，離家幾二十年，出人場中。善和韋中令，韋在閣下，澥持行卷及門，凡十餘載，未嘗一面，而慶吊不虧。中和初，韋隨駕至四川，命相時，澥寓居漢南，韋訪知行止，書遺襄帥劉巨容，見澥待以厚禮，大宴於府幕。既撰日遵路一夕卒。從子柁。

柁 字降之。工文詞，舉進士。吳人陸洵自右拾遺棄官歸隱，召除司勳郎中，既至，無所建明，柁遺書讓之曰：「柁在閩中聞閣下之名十年矣，及來京師，又逾一紀，嘗期閣下不出則若南陽劉子驥、會稽謝靈運，出則如殷傅說、蜀孔明，不然亦如賈誼、朱雲之徒矣。今皇帝起閣下，俟俟而來。柁謂斯來也，有見

必言，有聞必論。今日復一日，日已三月矣，豈盡無所聞、無所見耶？既無所聞，又無所見，則樂堯、舜之道，讀周、孔之書，劉麟之、謝敷斯人也，閣下亦斯人也，豈徒鼓動以朝，廊食而退，是何前倨而後泰，若彼女子始貞而後蕩。且夫逢萌不掛冠，又孰有萌？孫楚不漱石，又孰有楚？閣下始心爲直，苟志在爲郎，則國家有明經、進士、史、傳諸科，孰不郎耶？拒謂閣下爲郎不若不爲，蓋悲足下身未死而名已滅。雖然，苟有所見，勿惜其位而言，苟有所聞，勿顧其身而論。論不行，言不用，即乞骸去，斯尚可復。夫如是，雖永爲陸司勳，庶幾乎不朽！伏惟念之。」洊得書，棄官還澤潞。劉從諫表拒幕府，後從諫子楨拒命，拒方乞假，積表指斥時政，或言拒所爲，詔流崖州，賜死。臨刑，爲書遍謝故人，自志其墓，人皆憐之。

許稷 字君苗。泉州刺史輔乾之孫也。輔乾卒於泉，葬於莆，其子懋文、懋武卽家莆。東井群盜掠莆，懋武起義兵勦除之。餘盜復來報仇，懋文復家於泉。稷少與陳舍人詡等會飲，語殊見輕，稷投盃憤悱，人終南山隱學三年，出就府薦，擢貞元進士。歷官比部尚書郎，仕終衡州刺史。從駕西幸，有勞，賜賚甚厚。

李稠 以明經及第，擢進士，爲御史，耿直有聲。李紳按吳、湘，盜用程糧錢，強娶部民顏悅女，佔其資裝爲贓，當死。稠與崔元藻覆按，與前獄異，拂李德裕意，貶汀州司戶。歷官工部尚書，鄜坊、靈武、易定三鎮節度使。

陳嘏 字錫之。以詞賦擅時名，尤工篆、隸。官刑部郎中。宣宗奇其才，曰：「琬琰器也。」將大用之，以疾卒。

### 五代進士

後梁開平二年戊辰 謝謀

乾化元年癸酉 李仁濟

貞明□年□□(三) 陳逖

後唐同光□年□□(四) 黃仁穎

薦辟、人才賢者雜見列傳中。

有傳

康仁傑 蔡儼

康仁傑 喜儒學，工詩。因游江淮，南唐陳德誠薦至金陵，唐王召問士俗，對答無滯。授鄂州文簿，補溧陽簿。素性清儉，門無私謁。終汾陽令。

蔡儼 節儉好施，王審知辟爲戶部郎中。

宋科第(五)《福州志》趙宋宗室俱不載，而是郡獨載者，以福州舊志立有宗子取應之條，而泉州則雜在進士特奏之中，難以刪去。

開寶六年壬申 謝膳

端拱元年戊子 梁希言

二年己丑 曾會第<sub>一人</sub>。 劉易知 陳從易 蘇國華 陳垂象 王言徹

淳化三年壬辰 韓曜 陳元稷 楊令問 蔡丕 呂言

咸平二年己亥 王中孚 林渭夫 李俊

李藹

三年庚子 石昭 朱淑 蔡中正 王宗閔 蘇季成國華弟 楊令緒 陳汝礪 王元之 胡肅

五年壬寅 蕭楚材

景德二年乙巳 梁審言希言弟 陳播

大中祥符元年戊申 陳詰 陳時中元稷子 蔡黃裳 劉設 胡靖 張裕 曾壽曾再中作

二年己酉 宋程第一人 郭成

四年辛亥 劉適

五年壬子 曾愈會弟

八年乙卯 林貞幹改名升 黃虛舟 吳均 陳從直從易從弟 曾公度會子 謝徽

天禧二年戊午 陳木 謝起 楊洧 蕭沆

特奏名 曾充 許朝宗 陳漸

天聖二年甲子 曾公亮(六)會子 謝伯景 蘇璫國華子 張汴 洪儼 呂造言子 陳嘉謨

特奏名 蔡昌宗

五年丁卯 張惟德 楊克昌 陳順孫從易侄 蔡袞 趙誠 柯湜 洪儀儼兄 曾公奭公亮弟

特奏名 蔡黃中 陳舜圃 陳積中時中兄 許贊 陳日宣

八年庚午 謝伯強伯景弟 藍圭 藍丞圭圭弟

景祐元年甲戌 陳侁 黃炳 許當 蘇玠 林楨貞幹子 王果 宋穆程弟 蔡巽 柯穎 陳成

務 呂璿 儲卿才

特奏名 王昊 黃偉 王祐 戴昌符

寶元元年戊寅 謝伯初徽孫 張翊 陳汝奭詒孫 陳宗元 楊洙洙弟 李惟幾

特奏名 陳嘉猷嘉猷弟 王公佐言徽子 石震 陳德荀垂象弟

慶曆二年壬午 曾公定公夷弟 丘陞 蔡若水 鄭廣 陳銳從直侄 陳補 侯世儀 許端 童

孝揚 陳械 周萬 李頗俊子 王友直果弟 蔡奕 鄭諤 楊拯 呂喬卿造子 呂夏卿造子

特奏名 陳萬 鄭兼濟 李晟

六年丙戌 許齊 蘇勉 盧承 王贊宗閔從侄孫 林季和 王儀贊再從侄 石絳 呂元 陳諮

楊綬 蔡若拙若水從弟 楊注

特奏名 謝子房

皇祐元年己丑 林獲 曾鯁歸姓林名須 謝仲規徽子 楊久中 楊瑄洙從侄

五年癸巳 陳汝義 蕭伯儀 陳說 李若訥 李涇 郭綱咸侄 李湜

特奏名 陳德昭德荀弟

嘉祐二年丁酉 呂惠卿璿子 蘇隨璿子 蔡洵衮子 辜肅 陳龍輔汝奭子 楊汲克呂子 張紀

汴子 陳思 陳闢

特奏名 陳錫

四年己亥 蔡確

六年辛丑 曾孝繹軫從弟，改名繹。 蔡洙洵弟。

八年癸卯 呂陶喬卿子。 王裴贊從侄。 王鉅

特奏名 陳頡蕭稷楚材子。

治平二年乙巳 蔡碩確弟。 蘇咸隨弟。 周密 李伯亨湜從弟。 陳端

四年丁未 林臯

熙寧三年庚戌 呂升卿惠卿弟。 蘇松 王裕民 宋直方 謝詢 卓天宜

特奏名 蔡接 楊璟

六年癸丑 呂陽喬卿子。 黃發 呂厚陽弟。 許公孫當侄。 韓作

特奏名 蔡爽 呂鑑璠弟。 王景純公佐子。 黃洞 王安雅 陳濬諸侄。 鄭聿 許淑 呂伯政

陳景弼 陳爽 林鞏

九年丙辰 楊勉珣子。 陳京 盧廣 顏懌 蔡惟稽 許梁齊子，一作果。

特奏名 江淵 王訪 許琦 吳經

元豐二年己未 陳遇景弼侄。 蔡彥丕 李球 王覺民

特奏名 陳逢 黃節 陳況從易從侄。 蔡亮彥丕父。 王闕 陳遵達弟。 陳昌倫嘉謨子。 陳楷械從

弟。 陳宗袞宗元從弟。 胡偃 楊拱

五年壬戌 李彥升 林師醇稹孫。 陳琳改名高。 謝若 呂僊言曾孫。 張及翊從侄。

特奏名 黃允節從侄。 楊簡 柯庸 陳簡中 陳肱 陳準況弟。 郭寓 鄭良 柯宣符 黃琰

八年乙丑 楊希冲洧孫。 楊璞汲侄。 曾說公亮孫。 許穀齊子。 林黃中舉子。

特奏名 陳頌第二人。 王與裕民兄。 陳必 陳亘 蘇復隨兄。 陳存順係侄。

元祐二年戊辰 呂倣言曾孫。 蔡彰奕子。

特奏名 陳正卿 吳弼直 楊汶注從弟。

六年辛未 戴臨 丁澥 蔡彤彰從弟。 王公濟 許諒 陳宸 黃冠允弟。

特奏名 辜彙 方奇 陳覺頌從弟。 陳淑 陳復古。

紹聖元年甲戌 劉鑑 陳圻 梁經 柯炤宣符子。 楊明述孫子。 楊勛瑄子。

特奏名 林迪 王緬安雅子。 李濟彥升兄。 陳對 吳甄 李肅

經明行修 蔡曾肅弟。

四年丁丑 陳詢侁孫。 陳詳 蘇伯材 曾誕公肅孫。 張仲友紀子。

特奏名 陳範 力齊 謝滂

元符三年庚辰 黃曠冠從弟。 高義 王延世儀子。 蔡翊 曾詢誕從弟。

特奏名 宋直躬直方弟。 盧機 黃章 江既濟 吳稷 陳鉞從直侄。

崇寧二年癸未 呂修卿升卿再從弟。 吳格 鄭雄飛廣侄。 王傳燮 韓謹作弟。 王介壽儀子。 延世

兄。  
林廷彥 陳宗哲正卿子。

特奏名 王肇景純子。 吳騶 陳宜民

五年丙戌 郭畚綱子。 謝衮若弟。 呂之才倣從弟。 鄭良弼 林著 儲敦叙 梁熙志經再從弟。

特奏名 辜庇

大觀三年己丑 丘价 陳騭補孫。 梁熙載熙志兄。 李深通 楊課明述兄。 曾固愈孫。

特奏名 許思誠 陳旆 辜豫肅子。

政和二年壬辰 陳駢補孫。 李大老 洪壯 陳康年 林芑須從孫。

特奏名 林黃美 徐徽 鄭子元 戴天常 戴天秩天常弟。 蔡尊 陳希楫 留汝弼 蔡和中與

子。

五年乙未 陳敦仁 徐瞻 黃秀實 陳球 劉之翰 楊汝賢 王仁壽景純孫。 黃若時章從弟。

羅構

特奏名 林淇 王資深安雅侄孫。 王大任改名待任。 楊瓚清從侄。

六年上舍釋褐 許列

重和元年戊戌 李則潛子。 陳良才楷從侄。 柯楫 林充 陳汝楫 黃駱

特奏名 夏式 陳遠範作。 王賓 張珍

宣和三年辛丑 陳元有淑子。 楊椿年勉子。 陳孝則況從弟。 康寧

特奏名 王真 蔡肱 楊蕃

六年甲辰 辛永世 王幹 陳元巽元有兄。 劉振

特奏名 宋誠彥直躬子。 張鴻飛 陳甲復古子。 王緯緇弟。 朱文淵 盧直友 顏具懌侄。

建炎二年戊申 林邁 徐光實瞻從弟。 陳輯宗從孫。 留俊



特奏名 柯偶 熊豪 王大任 黃藹允子。 陳芟 儲敦史 王符待任從侄。

紹興二年壬子 李邦美 劉康時 歐陽清卿 呂靖夏卿曾孫。

特奏名 許祥 陳荀範子。 葉升 石邦鎮

五年乙卯 戴覺天秩子。 楊宏材 蕭規 林嘉猷 陳之純圻再從侄。 王維則照侄。 楊董才 陳

元師元異弟。 楊時發

特奏名 吳中孚 呂秉文之才再從侄。 陳汝能 楊世永注孫。 黃莢允子。 呂希侁一作吳。 鄭溥

八年戊午 申屠亨 陳斯立 高倬 張搏

特奏名 林若谷 鄭國寶 曾世昌 楊通課弟。 李安行則弟。 陳埴 黃民先 黃碩 鄭光祖

陳邦式 陳輔 李若虛 陳得時 黃民師

十二壬戌 陳和柔孝則弟。第四人。 陳挺卿 張邦聞 郭能 紀可久 公傳

特奏名 蔡大成 趙天輔 黃秉德 林格 郭體 林同 曾琅一作琅。 胡覺 詹猶聖 陳公佐

呂榮義 陳宗禹

十五年乙未 謝安宅 蔡紹 林陳義 陳彥先 徐晉老 謝邦基徽曾孫。 蔡燠 朱世臣

特奏名 康獻民 楊孔昭 黃鐸 黃光實 秉哲 陳國珍 陳議詳弟。

十八戊辰 陳豐 王宗衡 謝芷 梁南一 林杆 謝芑 趙伯茂

特奏名 陳國老 謝徽柔 許覺 張登 林珣

二十一年辛未 李毅 史清 蔡恩 鄭作求 呂定復姓徐。 楊齊雄 趙公迴

特奏名 黃介 林汝弼 黃濬 陳諧許弟 黃彤

二十四年甲戌 柯宋英 辜宗堯

特奏名 呂旃 謝湜

三十七年丁丑 楊夢齡世永了 高似倬從弟 郭一飛 孫冀 高伉倬弟 蔡椿老若水曾孫 蘇

向 陳登驤了 黃適 李起 趙汝諲

特奏名 儲閱 楊頤 蔡楫 陳鎬 宋訓彥 蔡頤

三十年庚辰 狀元梁克家熙載從侄孫 張公顯傳從弟 林外 陳環

特奏名 林構 陳宗伯 曾濬 王登 李文紀 方碩 陳耀卿 王韋 陳兼善 李純臣

三十二年壬午釋褐 曾植琅了

隆興元年癸未 謝若時 趙公速公迴兄 魏鼎臣 傅伯壽 陳曼卿 傅彥成伯壽弟 莊方

特奏名 許通 張公渙公顯弟 許驥 李永 儲國瑞 劉天麟 徐洵美晉老從叔 周南密從侄孫

楊文卿 楊時登時發弟

乾道二年丙戌 陳研詳從侄 陳之筠 朱益 楊懋宏才子 楊儼椿年從侄 謝時舉時若從弟 朱

子愚 呂實定弟 復姓徐 趙彥礪 蔡天若粵孫 高獲倬子 一作獲 陳範嘉謨曾孫

特奏名 陳輝誥曾孫 呂竑靖弟 林宗孟 陳仇 陳彤 林杲 施實德

五年己丑 鄭鈞 郭昭子 鍾元鼎 黃宙 楊楷之 趙彥爲改名彥括 趙伯遜改名伯邊 呂容寬

弟復姓徐。 蔡漢傑 蔡溫舒 林子輝 柯肱 陳樸知柔侄

特奏名 陳旃 蔡天錫天若兄。 陳義

八年壬辰 邵子厚 留定汝弼孫。 莊傳 呂庭堅

特奏名 王純臣奉侄。 盧宜 黃炳 王公舉

淳熙二年乙未 楊炳夢齡侄。 趙師璵 曾恕 陳玠 梁文虎 林昂阜孫。 尤鵬 陳升

特奏名 黃確鐸子。 蔡天均天錫弟。 唐少愷 柯曼肱孫。 徐宗禮瞻子。 林猷外從弟。

五年戊戌 呂炎 董鈞 趙師逮 蘇養直 王世續自微孫。 陳召 林子蒙

特奏名 陳穆 林次山 陳碩 高儔獲叔。 鄭希孟 王有裕民侄。 儲杓國瑞侄。 徐宗義宗禮兄。

八年辛丑 鍾元震元鼎弟。 王琳 陳謙康年孫。 趙善膠 趙庚 蘇士鳳 黃禹疇 高禾伋子。

特奏名 陳綰 林庚 張仲堪博侄。 廖德遠 陳雷 戴舉覺弟。

十一年甲辰 趙師瑛 鄭革 陳克勤 蔡霆發楷侄。 陳孝謙 儲用闕孫。

特奏名 林奭第二人。 唐楸 黃忠 詹利止 張才 柯造 彭續 林左 李宋翰 夏徐 郭洙

戴夢振昌符再從侄。

十四年丁未 趙善謐 李天叙則侄。 林克忠 趙希宰 趙汝章 蔡元秀 陳震 楊昭嗣 林飛

吳逢原 李輶

特奏名 王次阜 林昭序昂弟。 許調一 許馴 楊持

紹熙元年庚戌 趙汝傑 陳元翁良才曾孫。 李宗達 趙善新汝傑父。 趙汝做汝傑兄。 陳輝 鄧一

鳴

特奏名 曾應辰公亮四世侄孫。 林伯山 林伯春伯山弟。 朱孔陽 夏子悱 丘汝阜 陳喜言 黃

興詩秉德子。 洪庚 許鈞 洪茂 陳敦駿子。 吳夢得 楊治鳳 葉廷祐升孫。 楊泳之楷之兄。 王鐸

章子。 蘇振士鳳兄。 劉振宗 陳朴 張夢弼

四年癸丑 謝賜袞孫。 陳晃 趙善謐善謐弟。 趙師場 方元震碩孫。 楊士翥勛三世孫。 王冲遠

次卑弟。

特奏名 郭起 洪祚 賴銳 柯藩 陳山甫致柔侄孫。

慶元二年丙辰 楊復禮孔昭孫。 趙善嵩 王克有子。 尤宜中 尤異宜也兄。 林夢寬 徐伯嵩光實

從孫。 陳標良才孫。 趙汝倅 趙鄒夫 趙汝佞 陳搏 徐履正伯嵩弟。 傅壅伯成子。 陳模樸從弟。

特奏名 張履 吳文發 許寓 唐庚琳弟。 鄭衆 王伯修克兄。 陳昌克 施澤 陳力行 陳懷

忠 陳崧卿 林藏機 林冠英子蒙兄。

五年己未 狀元曾從龍應辰子。 趙時和 趙公貺 呂克導庭堅子。 陳孝通 程源 陳磯研從弟。

趙藝夫 楊士宏士翥弟。 呂克廣克導兄。 吳檜

特奏名 吳作霖 呂襲靖子。 楊豐董才子。 黃次曾確子。 吳與 唐範庚兄。 黃璵 石寅 蔡嘉

紹子。 陳叔董 吳士先 李三接純臣子。 董康民 吳與 辜大卿 方煥

嘉泰二年壬戌 陳用 林儒藻 趙汝梧善謐子。 趙希贊 謝居正芷侄。 陳遠 陳宗衡 趙汝恕

吳朝章 馬遇 楊儀庭 李興詩 莊士貴

特奏名 黃謙 白承休 盧迪 張宏休 戴夢申 林奕 陳炎

開禧元年乙丑 羅知古 陳翊 曾治鳳從龍弟。 王有聲 陳德新 徐挺履正從弟。 趙偕夫鄒夫從弟。  
陳亨辰 黃尹 陳亨衢 楊景陸 吳彬 趙彥桃 黃應甲 趙汝褒 趙汝音汝褒從兄。 施夢說  
蘇凱之

特奏名 鄭南一 徐浩 蔡子衡

嘉定元年戊辰 楊保中上翁子。 洪飛英 紀用可久商孫。 謝南式 趙公運 楊寅翁炳子。 林時  
中昂侄。 王世英孽孫。 世續族弟。 陳孝仁孝謙兄。 林首善杆侄孫。 陳嶼

特奏名 梁俶克家族侄。 陳慶炎 董璫 阮艮 高洙

四年辛未 鄭思誠 王伯震 蘇思恭 黃樞才 楊斗南齊維孫。 王傳烈 趙汝音汝音弟。 趙希

璠 趙汝櫟 趙與側希宰侄。 趙汝修善新子。 趙善峻善高弟。 王度 謝南 曾子厚恕從侄。 劉廣運

特奏名 陳汝堅 陳可 陳范 陳聞禮

七年甲戌 張銳 陳仁爵 趙必魁 趙希絜伯過孫。 劉崇卿 高行義倬孫。 趙希嬰希絜弟。 趙

汝熊 王節伯震從弟。 趙希柅師瑞子。 趙汝璣 郭宗履 陳祐 蘇伯承

特奏名 周郁 林德進

十年丁丑 李熙續 王仲高 吳邁 趙汝琿 曾天麟從龍弟。 李舜舉熙續從弟。 黃必昌 趙崇伯

趙善滄 趙希璋 楊華

特奏名 陳立禮第二人。 葉準 董禡 張夢龍

十三年庚辰 董洪第二人。 蔡次傳息侄孫。 林叔震伯春侄。 王襲龍節弟。 蕭蓮之 黃時中 楊

驥 陳霖 唐僧介 趙時煥 趙與才 顏若愚 趙希陽

特奏名 王叔嘉 黃申孫 蔡朋 林克定

十六年癸未 錢宏 王炎震仲高叔。鄭志果 趙必彰必魁兄。傅齊伯成侄。陳伯璋宗衡弟。柯

應明 曾純 林挺嘉猷從侄孫。蘇公永 李麗舜舉弟。趙若武改名若傳。時家子。趙師瑒 趙希驪 陳

帝臣嶼弟。鄧聖佑以童了中。陳德復 周攷夫萬四世孫。諸葛寅

特奏名 劉銳 黃作霖 許鉢 楊泰之 何植 陳起炎 陳倫

寶慶二年丙戌 趙汝育汝育弟。蔡濟夫楫侄孫。廷發侄。趙善書普濟從弟。蔡端夫 洪佐飛英侄。

洪天錫飛英子。翁日就 趙師鉤 趙師霖師瑒兄。趙與秩師鉤從侄。王烈傳烈弟。趙與譚與秩從弟。

吳洋 趙善瓚 趙必循 趙汝卞汝育兄。趙公迄 吳宜濟

特奏名 謝發 林及 周元渠

紹定二年己丑 魏國梁 趙崇鸞汝佟子。陳龍用補玄孫。莊元成 楊元龍寅翁從弟。趙崇謙汝鸞

子。趙希敬希嬰弟。趙希橙師瑒子。趙時實 葉明 趙密夫 王元震 王南一

特奏名 王日新 謝駿 黃章 陳時中國珍從侄。王朝瑞 陳用 趙石 陳趾 吳梗 范明 陳

維新 蔡輝 林應甲 朱鸞 陳振

五年壬辰 陳晉接第二人。模子。徐明叔第九人。伯嵩子。李桂高宗達子。聶德進 趙與鋼師瑒孫。

趙若憑 趙崇彪汝佟子。趙崇龜汝佟子。趙崇譜汝佟子。林禧子 趙時倅藝夫子。趙必得必循弟。

蔡澤民九秀子。卓夢卿 黃有孚 黃明甫有孚弟。黃夢烈 董振

特奏名 周源敬大侄。 盧德常 楊景侃士裔子。 彭卿月 陳孝一亨辰弟。

端平二年乙未 趙希輅 趙若忠若憑弟。 王登冲遠侄。 吳仲羽 王履信冲遠子。 趙希穰希橙從兄。

張振仲 黃瑞龍 趙希璉 趙時澹 趙瓏夫 趙時勁 林仲賢 史關

特奏名 曾功懋 謝震聲 陳岱 曾邦哲 潘宗甫 陳允

嘉熙二年戊戌 林真子 儲應祥 蔡璞元秀子。 黃春卿若時侄孫。 趙時煥 趙時涅時勁從兄。 趙

希府 陳德壬 吳克廣宜濟從兄。 趙挾夫

特奏名 洪濯天錫從兄。 柯源肱從侄。 方應辰 陳仲丙

淳祐元年辛丑 魏國佐國梁弟。 魏必大國佐從弟。 顏若春若愚弟。 梁椿選 呂惠濯 趙孟邁與側

弟。 趙崇玦汝璋從弟。 趙孟泳 趙嗣嘉若忠從侄。 趙孟模 趙時煥時煥兄。 趙時渾時實從弟。 王廷瑞

王庚履信從弟。 謝士鳳 莊與玠 陳需光曾接弟。

特奏名 江濤 陳伯良謙孫。 陳應愷 王廉舉

四年甲辰 趙泚夫 趙頡夫泚夫弟。 趙崇璫汝膏子。 魏國龜國梁從弟。 黃邁倫 趙崇璋汝下子。

趙與梁師蓮係。 趙時棧 黃龜助 王必先廷端從兄。 王履

特奏名 王嗣翁庚父。 陳震龍 陳陽甫 林應炎 王克濟

七年丁未 呂中省試第六人。 克導子。 趙若滄 蘇天民 趙時煥時煥弟。 趙與檣與梁兄。 趙時芹

夫子。 陳鉢研侄孫。 謝壽 洪大驥大錫從弟。 王卿雲 趙穗夫 趙霽夫 趙沾夫 王序庚弟。 朱時

中

特奏名 李真英 蔡士端

十年庚戌 謝夢葉 李應午

正奏 鄭桂發

寶祐四年丙辰 田真子州司馬。叛宋，同蒲壽康降元。 林應嘉 呂兵 趙與遴 趙孟鑄 蔡福嗣 郭

龍發 林聳 趙若晉

景定三年壬戌 趙時耆 謝夢符 黃克濟 趙必功 趙時瓊 趙崇道 趙若林

正奏 洪劉發

咸淳四年戊辰 施沆 林天澤 林沆

七年辛未 周鍾 石大祥 趙孟璫

十年甲戌 林介卿 趙孟濟 劉叔智

釋褐 黃思誠一作承。

以上貫籍族系，各從其類，一依宋淳祐志年月諦校。凡一作某之類，皆可勿用。喬遠識。

薦辟、人才賢者雜見列傳中。

有傳

曾會子公亮。公亮子孝寬、孝純、玄孫恬、慥、懷，從子孝廣、孝蘊、孝序，從孫誕、註，四世從孫從龍、用虎、治鳳。陳從易從

孫孝則。孝則子穎。弟知柔。知柔侄模。模弟模。知柔從孫景魏。

王言徹 段全 蔡黃裳

曾會 字宗元。舉進士第二人。廷試，日未吳，卷上奏御。時蜀人陳堯叟亦有俊譽，太宗覽二人文



藻敏給，不相差亞，釋褐並授光祿寺丞，直史館。謁告，還朝，以親老願補郡，遷殿中丞、知宣州。進士起家之榮，前後未有也。祥符末，由三司判官出爲兩浙轉運使。丁謂建錢塘捍江之役，發卒萬餘，斬木伐石，傾蕩山谷。會時已解漕職，奏列其狀，有旨中罷。歷真、仁二宗之世，出入四十五年，歷典七郡，終刑部郎中、集賢殿修撰、知明州，卒。子公亮。

公亮字明仲。少游京邸，有鄰舍客適官錢粥女商人，沆聲甚悲。公亮往問故，客道所以，曰：「女分途有日，父子之情愴難割耳。」公亮曰：「直幾何？」曰：「四十萬。」公亮曰：「商人轉徙無恒，何如粥我？」客曰：「得奉箕帚幸甚。」公亮如數與錢，約日登舟，如期往，則已解纜去。天聖中，登第，第五人。知會稽縣，鏡湖水溢，病田。公亮立陡門，泄水入曹娥江，田獲利。而父會稍鬻爲產，遂坐父事，謫監湖州酒稅。入爲國子監直講，改諸王府侍講，授集賢校理、天章閣侍講，修起居注，擢天章閣待制，特賜金紫。遂知制誥兼史館修撰，爲翰林院學士，判三班院。三班吏叢猥，非賄謝不行，貴游子弟多倚勢請謁，公亮掇前後章程視以從事。以端明殿學士知鄭州，郡多寇攘，公亮至，悉竄他境，至夜戶不閉，鄭人號爲「曾開門」。有使客亡囊中物，移文求盜，公亮曰：「必從者也。吾境無盜。」果然。復入爲翰林學士、知開封府。未幾，擢給事中、參知政事，加禮部侍郎，除樞密使。更制圖籍，以周知四方兵數多少登耗，三路屯戍衆寡，地里遠近。嘉祐六年，拜吏部侍郎、同中書門下平章事、集賢殿大學士。與韓忠獻琦力贊仁宗早建太子。仁宗一日召執政侍從策訪政事，公亮條六事以獻，皆取當時所急而便於施行者。英宗卽位，加中書侍郎兼禮部尚書。尋知戶部尚書。神宗卽位，加門下侍郎兼吏部尚書。熙寧二年，進昭文館大學士，累封魯國公。公亮歷事三朝，朝典憲章，明習通練，矜慎折獄，四方奏讞，必躬省覽，原情議法，謂「政

事以仁民爲先」。其志尤急於去民所疾苦，而補助其窮乏。年紀雖高，精力不倦。三年，以老避位，拜司空兼侍中、河陽三城節度使、集禧觀使。明年，起判水興軍。先是，慶卒叛，既伏誅，而餘黨越佚，自陝以西警備騷然，公亮鎮以簡靜，長安豪喜造飛語：「營卒怨減削，謀元夕結外兵爲亂。」邦人大恐，公亮張燈縱觀，與賓佐驪會，竟夕卒無他變。居一歲還京，旋以太保致仕。元豐元年卒，年八十。帝臨哭，輟朝三日。贈太師，令謚曰宣靖，配享英宗廟庭。及葬，御篆碑首：「（七）兩朝顧命定策亞勳之碑。」子孝寬、孝純。玄孫恬、慥、懷。從子孝廣、孝蘊、孝序。從孫誕、註。其四世從孫從龍、用虎、治鳳。

孝寬 字令綽。以蔭知桐城縣，選知咸平縣，爲民行田蠲賦。除秘閣修撰、提點開府界鎮縣。保甲法行，民相驚，言且籍爲兵，孝寬榜十七縣，揭賞告捕扇惑者。人知審官東院、判刑部。熙寧五年，遷樞密都承旨。承旨用文臣，自孝寬始。擢拜樞密直學士、簽書樞密院。尊顯矣，而公亮尚無恙。公亮卒，以端明殿學士知河陽，徙鄆。鄆有孟子廟，請於朝，得封鄒國公，配享孔子。連徙鎮，以吏部尚書召，道卒。贈右光祿大夫。

孝純 字君施。用父蔭爲殿中丞，賜同進士出身。力辭所得官以予族人之未仕者，歷二十四年不改秩。紹聖中，擢太常丞，執政沮之，遂杜門不仕。居家，子弟非冠帶不見，晝日不得居內，男女異席，閨門肅辨。家無私財別產，其子孫獨貧。

恬 字天隱。少從楊龜山、謝上蔡、陳了翁、劉元城諸賢游。紹興中，仕至太宗正丞。漠然自守，不拙於秦檜。求外祠，得主管台州崇道觀。有《上蔡語錄》二卷。

慥 字端伯。初爲尚書郎，直寶文閣，奉祠。博學能詩，閒居銀峰，集百家之說二百六十餘種，用以

資治體，助名教，供笑談，廣見聞。號至游居士。

懷 字欽道，孝寬曾孫也。建炎初爲金壇簿。高宗南幸，以攝宰面對，奏貸死罪，高宗嘉獎，令籍姓名。知真州，訓習民兵有紀，張浚督師，大奇之。乾道初，擢戶部侍郎，奏曰：「臣不敢進生財之說，傷陛下所以愛民，亦不敢進苦節之說，沮陛下所以惠下。但願量入爲出，使天下財足天下用。」進權尚書，知婺州。甫三月，召還，賜御書《松賦》。未幾，賜同進士出身，參知政事，遷左宣奉大夫，代梁克家爲右丞相。以其軀體瘦瘁，稱量賜帶。爲人宏雅，善鎮浮競，嘗言：「當事者視人以小，視小以無，天下無事矣。」淳熙初，臺官詹元宗、季棠論李杲、王宗己，因中懷，懷遂求退。以觀文殿大學士奉祠。續大理寺根究無實，貶責元宗及棠，而懷復相。未幾，以疾請罷。復以崇文觀奉祠。卒，封魯國公。

孝廣 字仲錫。元豐末爲北外都水丞，出通判保州。久之，復爲都水丞。前此，班行使臣部木戣至者，須校驗無失亡，乃得送銓，監吏領昧謝，不時遣。孝廣治籍，疏姓名，謹去留，一歲歸選者百輩。除京西轉運判官，入爲水部員外郎。河決內黃，孝廣行蘇村，鑿鉅野，導河北流，紓澶、滑、深、瀛之害。遷都水使者。洛水頻歲溢涌，深留北岸，孝廣按得渡口廢跡，濬防殺勢，水患遂絕。出提點永興路刑獄，陝西、京西轉運副使。還，爲左司郎中，擢戶部侍郎，進尚書，坐錢帛不給費，罷爲大章閣待制，知杭州。又坐前聘契丹失奉使體，奪職。尋復之，移知潭州。胡安國提舉湖北學事，舉永州布衣王繪、鄧璋文應詔，爲蔡京所陷，置獄推治，衆爲安國危言，孝廣往唁，退謂僚佐曰：「胡提舉凝然不動，賢於人遠矣。」加顯謨閣直學士，知鄆州，竟坐大觀中與胡安國、鄒浩忤時相，爲御史所論，復奪職，知饒州。踰年，徙廣州。歷成德軍、太原府，得故職。卒，贈正議大夫。孝廣所至，威嚴爲治，獲盜輒碎其手焉。

孝蘊 字處善。紹聖中管幹發運司糴糴事，建言揚之瓜洲、潤之京口、常之犇牛，易堰爲牯，以便漕通商。旣成，公私便之。提舉兩浙常平，改轉運判官，知臨江軍。召爲左司員外郎，遷起居舍人。時京邑有盜，徽宗怒，命京尹期出三日不獲，坐尹罪。孝蘊奏：「求盜急則益遁匿，小緩當自出。」從之，遂得盜。崇寧中，建殿中省，擢爲監。居數月，言者論其與張商英善。以集賢殿修撰出知襄州，徙江浙荆淮發運。泗州議開直河，以避漲溢沙石之害，孝蘊以淮、汴不相接，此易塞耳。及開河，河開，辭賞不受。已，果塞。以爲戶部侍郎，徙工部，以顯謨待制知杭州。其後坐累，連削黜，至貶安遠軍節度副使。宣和二年始復天章閣待制、知歙州。方臘起青溪，（八）孝蘊約勅郡內：「無得奔擾，分守阨塞，有避賊來歸者，護使出境。」人恃以安。會移青州，旣行，歙陷，道改杭州，賊已破杭。孝蘊單車至城下，克復之。論功，進顯閣直學士，又加龍圖閣學士。卒，贈通議大夫。

孝序 字逢原。以蔭補官，監泰州海安鹽倉。崇寧中，以顯謨閣待制察訪湖北邊事，還，見蔡京於私第，論及講議司事，曰：「天下之財，貴乎流通。取民膏血以聚京師，非太平法。」又論明堂、辟雍事曰：「相公命講筵不得進讀漢史，欲舉明主於三代之隆。今乃循王莽已行法耶？」京勃然曰：「京所行，無一毫是耶？」有意擠之。後命爲環慶路經略安撫使。孝序見徽宗曰：「臣與蔡京論事不會，今當帥事，身外孤遠，不知所稅駕矣。」徽宗曰：「無人擠卿。」後有奏報，第婉其辭，使京間者無以藉手。旣至環慶，京下結糴俵糴之法，盡括民財，孝序曰：「旣結又俵，民力殫已。」歷疏其弊。京益怒，以會師逗遛，遣御史宋聖寵詣鄜州，追逮鍛鍊其家人，無所得，第言與鍾傳不約日出師，幾誤軍期。削籍竄嶺表，量移永州。京罷相，授顯謨閣待制、知潭州，以論猺事與吳居厚不合，落職知袁州。尋復職，再知潭州。道州猺叛，孝序夜

遣驍銳率大兵破之。進顯謨閣直學士，遷龍圖閣直學士、知青州。繕城練士，儲貯金穀。金人聞有備，不敢犯。高宗卽位，遷延康殿學士，召赴行在，青州民詣南都借留，許之，除資政殿學士、山東經略安撫制置使，仍知青州。臨朐土兵趙晟等爲亂，孝序付將定捕之，定失利歸，孝序責定力戰自贖，不者按軍法，定知不免，率敗將斬關入，孝序出，瞋目大罵，遂與其子迪教郎訐皆遇害，年七十有九。贈光祿大夫，謚威愍。訐，贈承議郎。

誕 字孚文。元符初，孟皇后廢，時鄒浩爲諫官，誕三移浩書，使力請復后，浩皆不答，及浩諫立劉后，坐黜，誕作《玉山主人對》，謂：「方孟皇后廢時，人莫不知劉賢妃將立。然天子猶知清議足畏，是以四年之後，冊命未行。予時三移浩書，使力請復后，浩皆不答。其於《易》所謂知幾，其神與！夫知進退存亡而不失其正者，去之遠矣！然尚能廉頑立懦，於百世之下庶幾不失聖人之清！」世人傳焉。「玉山主人」，誕自號也。

註 通直郎，通判信德府。虜陷城，死之。後贈二秩，官其子迪功郎。

從龍 字君錫，初名一龍，舉進士第一，寧宗爲改之。授簽書奉國軍節度判官廳公事。遷兵部員外郎、左司郎中、起居舍人兼太子右諭德。使金還，轉官。疏言：「州郡累月闕守而以次官權攝，彼自知非久，何暇盡心？幸而除授，民望其至，如渴仰飲，足未履境，又復他罷矣！郡帑所入，歲有常數，而每易一守，供帳借請，少當不下萬緡。然則輕於易置，公私俱受其病。欲望明詔二三大臣：郡守有闕，即時進擬。求避憚行者，悉杜絕之。」開禧間，丐外，知信州。戍卒行掠境上，捕造郡庭，叱縛數輩，露索得婦人衣，命梟於市。召權禮部侍郎兼中書舍人，兼太子左諭德。繳還張鑑復官詞頭。尋兼太子諭德兼同修國

史實錄院同修撰，兼國子祭酒。爲吏部侍郎，仍兼職，兼太子右庶子，兼給事中，兼直學士院。進禮部侍郎，充金國生辰使，權刑部尚書。嘉定六年秋，陰雨，乞放繫囚，進對言：「修德政，畜人材，飭邊備」，寧宗善其言。七年，知貢舉。進端明殿學士、簽書樞密院、太子賓客，改參知政事。疾胡桀儉壬，排沮正論，奏陳其罪。桀嫉言者劾罷，以前職提舉洞霄宮。起知建寧府。丁內艱。除湖南安撫使。世忠峒獠讐殺，嚴兵壓境，示以威信，省地帖然。在鎮二年，樽式用之贏，却例卷之人，創平糴倉，新廟學，湘人紀之。改知隆興府。復提舉洞霄宮，改萬壽觀兼侍讀，奉朝請。端平元年，授資政殿大學士、沿江制置使兼知建康府兼行宮留守。趣過闕奏事，留拜參知政事兼同知樞密院事。時有一京之役，極論南兵輕進易退。未幾，言驗。進知樞密院事兼參知政事，以樞密院使督視江、淮、荆、襄軍馬。疏言：「邊面遼遠，聲援不接，請並建二閫。」理宗許之，專界江淮，以荆、襄屬魏了翁。既而，朝論患邊用不給，遲其行，有旨留之樞筦，命了翁併領督府。從龍始志不遂，怏怏卒。理宗震悼，輟朝，遣使臨奠，贈少師。從龍秉心忠實，當其顯時，史彌遠用事，絕不附之。其卒也，丞相鄭魏公甚嗟惜焉。

用虎 字君遇。弱冠工詞賦，累舉不第。以兄任，歷知寧海、尤溪縣，通判福州。紹定中，知興化軍，時汀郡山寇數發，前守王克恭倡議築城，亡何卒，判趙汝璣繼之，尋亦卒，民間訛言：「地不利，且罷民。」用虎曰：「城能死守耶？城而不城，將死民也。且夫民能孰與死？」築之，環七里有奇，既完且固。其明年，乃蠲夏稅之半，以樽節贏餘，代民輸納，以酬其勞。建平糴倉，出楮幣萬六十緡爲糴本，益以廢寺穀，時其出人，使價常平。又建三步泄溉田千頃，修太平廢陂。修陂丞白用虎：「松性耐水，裡松表石亦可儉。」用虎曰：「木不壽石。」陂成，民名「曾公陂」。用虎自奉清儉，人情贈送，土木游觀，悉屏不

用。害民豪右，必彈壓之，除盜竟蹊隧。招捕使建守陳韓以最聞。韓移帥江右，請自代。除府事，改江西提刑。時叛兵甫平，支黨反側，或勸用虎閭道兼程。用虎携孥徐進，待以不疑，卒帖息。承韓蕩寇之後，悉力拊摩，江右遂安。遷轉運判官，召爲吏部侍郎，再除工部。起家，以華文閣帥廣西，至鎮，數月罷。未幾卒。才略不究，當世惜之。

治鳳 字君騰 少預鄉薦，力以遜兄。登進士，知富陽縣。通判漳州，知惠州，擢廣東提刑，以將作監丞知袁州，就畀漕節，直煥章閣，帥廣東。愛惜公帑，不靡毫絲。寇發循、惠間，郡請兵追捕，治鳳諭降之。端平二年，進徽猷閣，改建寧。戊卒挺亂，薄廣城，治鳳時已解印，舍而去之，爲廣人所譏。尋引咎乞罷奉祠。

陳從易 字簡夫。進士及第，爲嵐州團練推官，再調彭州軍事推官。王均盜據成都，連陷綿、漢諸郡，彭人謀殺兵馬都監應之，從易攝州事，擒斬首謀，曉貫餘黨，屬將吏嚴城守，積薪舍後，戒家僮曰：「一守而不支，薪焚我矣。」賊聞有備，去。召爲秘書省著作佐郎、大理寺詳斷官，遷太常博士，出知邵武軍，專務德化，改監察御史，遷侍御史，改刑部員外郎，直史館、知處州。歲大饑，有持杖盜取民穀者，請一切減死論。天禧中，坐送別頭進士失實，降工部員外郎。以父老求鄉郡，自請福州。未行，遭父喪。服除，糾察在京刑獄。出湖南轉運使，徙知荆南，擢太常少卿，直昭文館、知廣州。又坐課校太清樓書字非譌誤妄判竄，降直史館。明年，復職。初，從易喪父時，諸公贈賻一無所拒，及自廣州北還，不蓄南物，獨載俸餘錢過嶺，半以償贈賻，半以班宗族之貧者。仁宗聞其清德，擢左司郎中、知制誥，飛白、清字賜之。從易知制誥，與楊太雅同官，初，景德以後文士雕靡相尚，從易與人雅守之不變。朝廷方矯文敝，稱二人好古篤

行，故並進以風天下。兼史館修撰，遷左諫議大夫。命使契丹，以老辭職。請補郡，進龍圖閣直學士，知杭州，卒。從易嗜學強記，激直少容，喜別白是非，多面折人。所著《泉山集》二十卷、《中興制稿》五卷、《西清奏議》三卷。從孫孝則。

孝則 字永仲。舉進士，調東莞尉，以薦改秩通判潮州，知英州。代還，奏罷涵口稅場。除廣南東路提點刑獄，出舶商於死獄。居家十餘年，舶商至泉中，望廬瞻拜。念祖父之風，結屋城隅，以「清」名室。守王十朋贈之詩：「我來聚星地，喜見此老成。公清不自言，藹然著鄉評。時尋訪其室，鄙吝不敢萌。如覲任棠水，似濯滄浪纓。」其沒也，復哭以詩，有「心勞撫字陽司業，獄喜平反雋不疑。頭白不忘文字示，室清宜作子孫規」之語。子穎。弟知柔。

穎 字奇之。用父蔭入官。廉謹世其家。知海陽縣。盡蠲無名賦。通判興化軍，知邕州，徙惠州。妖覘嘯徒，策日爲變，帥臣欲捕以兵，穎曰：「捕則堅其必死，不若撫定之。」竟就撫。改提舉廣東市舶，卒。

知柔 字體仁。授台州判官，辨釋海盜四十餘人。教授建、漳二州，兩奉祠，起知循州，徙賀州。知柔與秦檜子熺同榜，檜當軸，熺同榜前列十餘人，俱致通顯，知柔獨齟齬無仕進意。自號休齋居士，雅好山水，在天台奉安，遍游名山，歸至會稽，耽其巖壑，留二年乃還。罷賀州。留惠陽三年，泛豐湖，登白鶴峰，和東坡詩。還，參福建議幕，前後四奉祠。諸生從之，戶屢常滿。寓僧房，四壁蕭然。作賦讀經，忘其貧老。所著有《易本旨》十六卷、《大傳》三卷、《易圖》一卷、《春秋義》十二卷、《詩話》五卷，又有《梅青傳》，詩騷古賦雜著亡慮千百篇。《書古學並圖》二卷、《詩聲譜》二卷、《論語後傳》十卷，皆行於世。王十朋贈



詩：「我來守清源，德星識二陳。大陳如金玉，一室清無塵。歷世不肯留，至今里稱仁。儒先賀州守，正氣超等倫。胸中包古今，筆下真有神。唾手取巍科，齒髮方青春。聲名滿天下，文字驚縉紳。勞人暫州縣，平步當要津。蹉跎忽至今，此志猶未伸。真人奉香火，蕭寺含悲辛。講席延諸生，黃卷呵古人。異端斥佛老，吾道鳴孟荀。聊藉束修禮，少資囊橐貧。我忝二千石，二年牧斯民。不能助玉川，耻與韓公均。」知柔卒，朱文公祭之文：「熹少日游宦，獲從公游泉、漳間，蒙公誘掖良厚。其後別去幾三十年，去歲之冬，復見公，相與開懷，握手如平生歡。公雖老矣，意氣不衰，爲我置酒談經論義，篇什間作，亹亹不休，相與追游蓮華、九日、涼峰、鳳凰、雲臺之間，晝則聯車，夜則對榻。視公起居、食飲、叫呼、談噓，有非後生所能及者，謂公壽考未艾也。及熹之還，公復載酒餞我洛陽，則慘怛分攜，潸然不樂，久而不能平也。不謂未及兩月，公訃遽來，嗚呼痛哉！公於諸經皆有論述，許以寄我相與考評，而今而後不復遂此願矣。」

樸 字端行。知柔猶子也。爲江西運司主管文字，以薦入提轄左藏大理寺、知漳州，樽浮費五萬爲民代輸身丁。提舉湖北常平，召除倉部。以左司郎官接伴金使。舟行大江中流，風暴作，金使駭汗，樸笑傲自若曰：「此天所以限南、北者。守疆息民，則天福之。江有神，不可欺也。」使者悚然。擢太常卿，除知廣州兼廣東安撫，革弊例，帑羨溢。受代，儲錢數十萬上於朝。子並卿，知廉州；直卿，知英德府。弟模、機。

模 字中行。材氣高邁，貫穿經史，開門受徒，戶屢常滿，登進士，中教官科，以學行薦，除國子正。開禧初，召試館，時方開邊，模對策謂王恢首謀之戮，不足以贖僵屍百萬之冤。參政李壁讀之，嘉嘆。除秘書省正字、校書郎，通判鎮江府，改知梅州。多惠政，民爲立祠。改汀州，居五月卒。有《經史管窺》行

世。子晉接宗正卿。機，見韋布。

景魏 知柔從孫。以郊恩補官，歷贛州會昌令，石城寇竊發，請乘機掩捕，郡守然其計，破擒之。改知朝陽縣，歲解丁銀至郡，例增耗曰錠頭錢，景魏曰：「此小民無窮害。」亟裁去。及解，郡守謂不如例，械吏欲治之。景魏曰：「令裁之，令當罪。」守亟釋吏。尋歷提轄文思院。擢知惠州，出滯囚，罪胥魁。兵火之後，歲復荒，數痛自樽節，葺故起敝，上書乞減惠民糶米三之一。改知潮州。卒於英州。洪天錫狀其行，謂其少不佞，老不惰，病不昏，化不怛，善人也。陳知柔而下，舊人《水春志》，但知柔與孝則親兄弟，不宜分屬，故並載晉江。

王言徹 字子明。知南豐縣，有治績。擢知邵州，歷漳、鄂、滁三郡，人皆生祠之。真宗祀汾陰，郡守例遣子弟奏表，得推恩授官。言徹獨使僚屬往。所著有《邵南集》、《琅琊集》。

段全 咸平五年爲仙游尉，下車首務興學，遷學邑南，作孔子廟，據《三禮圖》作七十二賢像，扶植風教，作興士類，自是文風益臻，仙邑志至今修道焉。

蔡黃裳 字叔文。知鳳翔號縣。鳳翔守有親卒，號人也，招權納賄，黃裳至縣，先縛卒傳舍中，乃謁守，條其奸狀，置之法，一府大驚。改知建陽，秩滿，縣人遮留，許再任。凡居建八年。後爲陳州從事，致仕，因家焉，趙抃銘其墓。宰相確，黃裳子也。

〔校記〕

〔一〕「緝紳」二字，各本原脫，據本書體例補。

〔二〕「一」字，各本原脫，據本書體例補。

〔三〕「貞明」下，各本原闕「字」。「年」下，各本原闕「字」。

〔四〕「後唐同光」下，各本原闕「字」。「年」下，各本原闕「字」。

〔五〕「宋科第」，各本原作「宋進第」，據本書體例改。

〔六〕「曾公亮」，各本原作「曾光亮」，據本卷「宋科第」「曾公度」「曾公爽」「曾公定」「曾說」各條，傳記目錄中「曾會」「子公亮」，及「曾會傳」，本傳改。

〔七〕「及葬，御篆碑首」，各本原作「及御葬篆碑首」，據文義及《宋史》本傳改。

〔八〕「青溪」，各本原作「清溪」，據方臘行事改。

# 閩書卷之八十二

英舊志 縉紳

泉州府 晉江縣二

宋

有傳

胡靖 宋程 郭威 謝徽子季成。 趙誠 許當 呂璫子諒卿。 呂夏卿子科。 陳汝奭子龍輔。

蘇隨 宋直方 黃發 林黃中 王公濟 黃冠 陳詳從侄研。 蘇伯材 韓謹 儲敦叔 陳康年

徐瞻從弟光實，從孫明叔。 黃駟 王真 王保隆 劉驥子敏求。 楊宏才子麟。 楊世永子夢齡，侄炳。 炳子寅

翁。 陳豐 林彬 梁南一 林扞 蔡忌侄次傳。 柯宋英 黃逸 黃適 李起 梁克家子億。 林外

傅自得弟自修，子伯壽、伯成。 伯成子璽、康。 曾植 莊方子枏。 施實德 郭能 鍾元鼎 黃宙 趙棕 趙

庚 曾賀孫 高禾 蔡霆發 儲用 陳震 楊士豁 楊中立 陳宗道 梁克俊 羅知古 徐浩 楊

景陸 蘇思恭 莊夢說 黃必昌 董洪 陳霖 鄭至果 王沂之 洪天錫弟天驥。 魏國梁 李茂

先 魏必昌 梁椿選 呂中 丘雙薦 牟潔 王序 周鍾 林介卿 劉叔智 鄭曾子

胡靖 字立之。事繼母至孝。善屬詞。既登第，李慶孫、黃宗旦見其《弩牙》等十賦，相謂曰：「吾與汝弗如也。」

宋程 字公範。有文行，舉進士第二。宰相愛重，以爲國器。坐剛直忤權貴，終著作郎、台州通判。郭咸 字建泉。嗜學通經義，筆翰如流，尤精法律，善草書篆隸。年十九舉進士。累遷殿中侍御史，改乾州觀察推官。未幾，復除殿院，出爲閩憲，卒於官。所著有《拙庵雜詠》等集。

謝徽 爲漳州軍事推官。太守受賄舞法，徽据平無所撓，州政不敗，守亦善去。改大理丞，知龍溪縣。縣人曰：「是故州從事。」皆喜賀。至則決滯訟，剷舊蠹，民以便安。徙北流縣，就知雷州軍事，通判福州，盡購巨盜，悉誅其黨。知建州，庭無留獄，長老紀爲。尋知開封之祥符，卒。自言居官三十九年，無小過失，實自平生謹畏。子季成。

季成 字子立。以父任歷大理評事，累遷衛尉丞。熙寧初，教保甲，王安石薦於神宗，換西頭供奉官、內藏庫使、知宜州。峒蠻侵叛，悉討平之。改廉州，築城浚防，備禦之具爲一路式。移融、邕二州。邕管外寨戍兵，歲物故常千餘。季成請以峒丁代戍而教之，不失守備，且可救死亡。咸以爲便。卒官，邕人祠祀之。

趙誠 字希中。通判撫州，州有疑獄，守刻深趣上，薄暮請判，誠知翼日有赦，故延讞實，黎明赦果至，獲免者多。知歸州，州有淫祠曰巴王，歲夕殺人以祭，誠毀祠，投像於江。州東三十里有新灘，前後溺載不可計，屢疏鑿，旁灘大姓射阻險之利，輒以游言阻撓，誠條奏利害，結廬視役，既成，人號趙江，卽所廬祠焉。入爲三司戶部判官，出知明州，卒。

許當 字當時。知古山，人爲職方員外，乞通判本州以便養，後守興化，漳、建二州，並有惠政。當能詩，與歐陽永叔、梅聖俞相善。在古田，有《桃溪五詠》，陶寫風物之美。

呂璫 字季玉。爲漳浦令，留心治教，建學延師。境內多瘴霧蛇豕之毒，教民焚燎以耕。一日，有市人陳氏死於虎，璫立穿虎坑嶺，榜口：「暴吾民者人吾穿。」明日，穿有虎。邑人異之。汀、虔寇發，募民爲兵，教以攻守法。賊聞不敢犯。通判宜州，儂智高入寇，轉運使檄璫與兵會，將千人躡賊後，得首虜爲多。爲開封府司錄，鞠中人史志聰事，吏多爲地，璫窮治之。終光祿卿。惠卿、升卿、諒卿，其子也。

諒卿 元符中温州軍事推官，上書詆紹述新法之非。崇寧元年，編類元符章疏姓名，諒卿以邪等尤甚人黨籍，追官，勒停亳州編管。御書《奸黨碑》以賜惠卿，惠卿自幼求罷，奏乞令出籍，詔錄諒卿疏示之。諒卿廢錮終身。紹興二年，贈宣教郎，官其家。

呂夏卿 字縉叔。調江陵尉，館閣聯章薦爲編修《唐書》官，書成，遷直秘閣、同知禮院。仁宗時，陳時務五事，見採用。英宗時，歷史館同修起居注、知制誥。熙寧初，遷兵部員外郎、知制誥、同修實錄。初，歐、宋二公典領唐史，十七年始成，凡預載筆者並遷徙不常，惟夏卿與范鎮自發凡訖於絕筆。夏卿又纂新書紀志傳義例，摘二公繁文闕誤，目爲《唐書直筆新例》一卷、《唐兵志》二卷。又集天下碑刻爲《唐文獻信》，考歷代氏族譜志爲《古今系表》。會議修仁宗、英宗正史，朝論皆屬夏卿，乃以積勞致疾，乞閒出知潁州。得奇疾，身體日縮，卒時，纔如小兒。子科。

科 字德中。嘗撰《唐史音義》六十本以進。仕終建雄軍簽判。

陳汝奭 字公武。舉進士，調遂安令，知邵武軍。後知海州，歲饑發賑不俟報，爲監司所劾，汝奭請

以身坐，毋累僚屬，朝廷置不問。母卒，歎曰：「不及養矣。」隱居不出。子龍輔。

龍輔 字寶臣。知建昌軍，秩滿棄去。集古今忠孝德義爲子孫法。子孝友、孝恭、孝威，俱第進士，而孝恭有盛名。自汝夷徙居丹徒，孝友輩世爲丹徙人矣。

蘇隨 爲博羅令，棄官歸鄉，葆神鍊氣，不與俗接，號紫雲先生。其卒也，端坐而逝。

宋直方 字順中。知鞏縣。縣有橋，水歲敗之，直方疏橋柱以殺水怒，益伐石爲堤。役成，一邑以爲利。使者以率斂劾直方，移知王屋。直方雅好山水之勝，既至，召家人曰：「某日當爲物外游。」至期，盥洗正坐歿。

黃發 元豐初知龍泉縣，修學訓士，邑由是多聞人。

林黃中 字伯玉。父皐，爲建州理掾，雪活獄囚，不受賞格。黃中登第，調永豐尉，有張生者，貧負租，黃中出俸密代輸，未幾張擢第。遷歸善令，有僧院與豪民爭田，並持嘉祐契券，歲月皆同，先後令不能決，黃中立辯之。知彭城縣，治甫半歲，獄空盜絕。部使者以聞，朝命嘉獎。

王公濟 字經國。年十八舉進士。歷知瑞安縣，盜方臘攻浙東諸邑，直趨縣境，欲遂窺閩中，公濟募士練兵，與尉梁公範躬擐甲胄九十餘日，賊至不能動，最後悉衆來，公濟張大旗陣中曰「福建路槍杖手」。槍杖手，福建最義勇兵也，賊望見，以爲閩援至，卽引退。賊平代還，卒。有司上公濟功，官一子。瑞安聞公濟死，市哭累日，廟祀之。

黃冠 字元功。與兄允兌，允特俱有才名，試福建漕及太學皆魁選，第進士。晚任於朝，充棣華宅諸王府教授。嘗賜俸資百金，將以買田歸老，一夕盜揭篋去，笑曰：「是亦羽化耳。」歸寄僧舍，簾簾布幕，圖

史左右，詩酒自娛，與李文肅卿往來酬唱。卒，年八十七。允特奏補官。

陳詳 年十八登進士，爲劍州推官。尚書黃裳妻以女。未幾女亡，裳故挈女裝歸以觀其趣，詳殊不省視，乃盡反之，歸以其娣。終通判濠州。從侄研。

研 字叔幾。舉進士，官臨汀，言乞弛鹽禁，民免於計日鬻鹽。權貴欲引爲御史，先諷以排擊故相，研曰：「鄉議不可犯，故相不可彈。」以忤意去。提點湖南刑獄，永有富人吝於施，被乞人毆死，官吏利其賄，反抑死者家爲誣，在理十五年，研平反之。徙計度轉運使，屬州故有鐵纜錢，悉除之，曰：「鐵纜久廢，何錢也！」召爲起居郎。平生精通經學，《詩》、《書》、《易》、《禮》皆有解。

蘇伯材 字廷構。知潮陽，有富民殺其侄女，吏爲密懷黃金三十斤，求毋人狀，伯材立械治之，籍金於官。事連縣佐，衆爲請寬，伯材曰：「國法也。」悉案治。部使以聞，特詔褒異，擢知韶州。時憲吏橫甚，嘗誣執翁源民爲盜以倖賞，因賂縣官梁格就獄殺之，伯材廉得疏論，格坐黥配，吏竟伏辜。有《文集》、《周易解義》三十卷。從兄珍，珍子松，俱登進士。松與東坡唱和，有文集一編。

韓謹 字去華。調南海尉，改宣議郎、除處州教授。著《詩禮義解》，上之辟雍，長貳稱獎，援之於朝，召爲國子博士。改除廣南東路提舉學事。自巡尉未再期，擁使節一方，前未有也。既罷歸，會朝廷緝熙典章，大開禮制，復除編類御筆所編類官兼禮制檢討官。一日，抗章謝事，誥及門，家人曰：「何素不見說？」謹曰：「說，不諧矣。」同僚刻奏請留，朝廷還以舊職，未就，卒。

儲敦叔 字彥倫。丞永福、龍溪，宰寧德，皆有惠政。素性閑退，奉祠館十年。通判智州，秩滿，復請祠居里，閱內典，拉名僧，友善李文肅。歷官三十餘年，屋無增椽，田不遺畝。有《玉泉集》。



陳康年 字季昌。知海陽、潮陽二縣，損俸貸通，運私穀濟飢，當路交薦。通判潮州，攝州事，黎寇犯境，嚴備却之。歷官二紀，公廉如一日。潮人以與陳堯佐先後爲別駕，稱「二陳」焉。孫謙，興化軍教授。

徐瞻 字德望。歷理官三任，知海陽縣，以平恕治，人稱「徐佛」。通判廣州，臺閩交薦，當得郡，坐與秦檜同年進士不肯謁見，遂不得調。杜門十五年，觴詠自適。守周葵取「治獄陰德，子孫必興」之義，名其里曰興德。從弟光實、伯嵩。子明叔。(二)

光實 字德充。知海鹽縣，歲旦，放獄囚歸省，吏曰：「恐亡去。」曰：「我誠遣之，必誠應。」皆如期至。嶺表少廉吏，光實知英、連二州，一介不取焉。

明叔 字伯晦。舉進士，辟江淮制幕。秩滿，幹辦廣漕，清節益勵。除太學錄。通判漳州，以廉聞。知英德府，徭寇不敢犯。召爲國子監丞。潮寇起，命知潮州，捕戮渠魁。除直秘閣、江右憲，歲歉，發義倉賑民。遷戶部侍郎，改兵部。會元兵南下，憂憤卒。明叔學有原委，與洪天錫齊名，人稱擇齋先生。

黃駟 字公碩。居父喪，芝產靈堂前，其葉累百。調尉崇安，有鄭簿廉貧，卒官，傾囊賙之。終南劍州通判。

王真 字季達。游太學。大觀初，與同舍生陳朝老等上書論蔡京，坐遷，自訟，齋十餘年。宣和三年，以特奏名補官。嘗有詩云：「耕田博飯未爲辱，爲米折腰真可憐。高卧北窗風颯至，更於何處覓神仙？」

王保隆 宣和中知莆田縣，開永豐塘於鳳凰山下，民獲其利。

劉驥 字德稱。以父鑑蔭仕至欽州守。篤學好老氏，所著有《老子通論》。子敏求。

敏求 字好古。紹興中爲大理評事。面對，言：「比年監司郡守有以一章而舉二人甚至三四人，前所舉者未用，後來求者復舉之，名曰改舉。黷害風教，莫此爲甚。乞申嚴法禁，無故而改，重置以法。」從之。累遷刑部侍郎，明律令，刊定新書，平治大獄，皆有始末。以秘閣修撰知南劍，治行尤異。改臨漳，卒於官。

楊宏才 字稚遷。調龍溪尉，獲盜，法應改秩，不願就，用薦者陞改。累階朝奉大夫。晚奉祠居里，號懶真居士。有《覆瓿集》十卷。子楸。

楸 字楸之。知永福縣，休澣乘小車行阡陌訪疾苦。入提轄權貨務以卒。初，宏才官四十年，殖產錢僅八千，且以遺澤先廬遜弟。及楸，復以畝田遜其弟咳。鄉人義之。弟中立，字南強，知龍巖縣，捐俸築南隄，民賴利焉，終知貴州。楸子剛，字時父，峭直能文詞，朱文公稱之，終贛州理掾，有集二十卷。

楊世永 祖注，廣東提刑，載宋前志，佚其事。父偶，令長泰，有文學。世永割股愈母。尉端溪，寇略科犯郡境，世永貫楮鎧，佩兩刃，跨羸馬獨出。伍長激其徒曰：「汝輩不可負官人。」相率從。行一舍許，遇賊戰死。兵皆號哭力戰，無生還者。時官廨中無他子侍，僅僅一子夢齡，年十四耳。詔錄官，加承務郎官夢齡，而夢齡以讓兄。真文忠以義烈表其墓。

夢齡 字子壽。既讓兄官，後舉進士，調瑞安丞，攝縣事。歲疫，聚食病者千餘，捐俸資爲藥粥，日親察視，悉賴以活。開復塞河數百里，後宰藉以冒賞，終不言。調知平陽，屬河下流歸海，斗門頽壞，水溢泄俱爲患，捐錢五十萬首其事。秩滿，當路交薦，欲處以六察，遽卒於旅舍。邑人聞之，罷市舉哀，哀金入都，扶携以還。兄子炳。

炳 字若晦。父桂齡，清海軍簽判。炳少力學，精《左氏春秋》。累官左司諫。論治賊吏當自大吏始，且謂：「大臣不爲私，則小臣不敢下以私。臺諫不爲私，而後可責人之私。」累遷中書舍人、權吏部尚書。時邊釁浸開，與鄧友龍異議，遂乞外，因疏論用兵之害。開禧三年，除寶謨閣直學士、奉祠。卒，年八十一。爲文渾厚簡古，有《易說》、《禮記解》、《西掖類稿》、《諫垣存稿》、雜著。號篠溪居士。子寅翁。

寅翁 字仁仲。穎悟強記，手不釋卷。舉進士，以親老奉祠十年。爲文純麗豐贍，應博學宏詞，置高等，授宜黃令。以大臣薦召，命下而卒。弟茂元，會稽令。

陳豐 字元齡。少有場屋聲，銓闈、廣漕，俱魁選。兩試詞科，時輩稱之。子并，舉進士，登，有文名，字畫尤精，與王十朋友善。

林彬 字彬之。家世孝義。彬蚤預薦，有文名，免舉。當上春官，母年高，不忍行。時楊寅翁累請祠侍父，真西山以「溫陵二孝」目之。晚以一尉終。

梁南 字力行。居鄉講授，從游甚衆。有《六經辨疑》行世。

林扞 字廷植。舉進士，調歸善尉，獲盜鹽十餘人，白郡守寬其罪，不希賞格。轉肇慶教授。帥林孝澤，扞故人也，持節行部，不入官舍而館於肇慶之學。守貳以下謂帥親扞，具來通牘求薦。扞携牘語孝澤曰：「公宜他徙，毋重困我。」孝澤啟牘曰：「他具無論，守，汝上官，吾當薦之。」守聞，持金詣扞謝。扞驚曰：「何使君待我薄！」扞居里故人爲舶屬，求訪，見扞一室蕭然，惟案上圖書數軸，從容謂曰：「仙居海濱，豈無可委諭者？」扞曰：「此言何爲至我？」遂不復謝謁。遷南恩州簽判，卒於官。

蔡息 字誠叟，忠惠襄後也。弱冠預薦，舉進士，尉莆田。職事外篤於文學，校文三山，發策遂深，與

選多名勝，士論皆服。再調化州教授。隆興初，諸老留意人物，遐壤小官，名聞中朝，陳正獻、黃瑞明、王尚書皆以職剡薦。甫改秩而卒。侄次傳。

次傳 字崑省。寶慶中任漳州司戶參軍，雅爲危守積所器，嘗餉之私錢，不受而以建公廳。淳祐初，知仙游，興學作士，增學廩，勸農桑，以政蹟聞。累太常少卿。

柯宋英 字子飛。紹興十八年，太學初□□二萬人。(一)宋英第一。後舉進士，教授四明。除國子正，遷本監簿。出知梅州。州有程旼，南齊時隱君子也，程鄉所繇名縣矣。宋英闢齋曰景程。任滿，獄無死囚。代還，三奉祠館，挂冠納祿，杜門謝客，州縣稀識其面，鄉士無少長皆以鄉先生稱之。卒，年八十六。

黃逸 字德後。紹興二十三年知興化縣，政本至誠，尤崇學校，建議道堂，日集諸生講論刮磨。時主簿顏思魯、尉葛元樵皆知名之士，邑號得人。

黃適 字德夫。以詞賦稱。治東莞，不苟而辦。帥意縣有餘藏，會適謁府，遣掾攝其職，掾奉帥意，籍常賦爲贏以獻。它日，府責賦，適報：「掾已輸矣，府欲再斂耶？」帥服之，因薦其治狀。秩滿，擢守新州。

李起 字伯時。舉進士，家居奉親。堂對朋山，名曰並玉，守王十朋爲賦。

梁克家 字叔子。以廷試第一授平江簽判。金主亮死，衆皆言可乘機進取，克家移書陳俊卿，謂：「敵雖退遁，吾兵力未振，不量而動，且有後悔。」俊卿以白，丞相陳康伯嘆其遠慮。孝宗卽位，召爲秘書省正字，遷著作佐郎。時災異數見，克家奏宜下詔求言，孝宗從之。克家遂條六事，語甚切直。累遷起居舍

人。使金，金以中朝進士第一敬待之，卽館宴射，連數十發中的。金人來賀慶會節，克家請金使人朝由南門，百官由北門，從者毋輒至殿門外，以肅朝儀。詔定爲令。郊祀有雷震之變，克家復條六事。遷給事中，凡三年，遇事不可，執奏無隱。嘗奏：「陛下欲用實才，不喜空言，夫空言誠無益，然以之爲懲，則諫爭路絕，願有以開導之。」孝宗欣納，因命條具風俗之弊。克家復列四條，曰欺罔、苟且、循默、奔競，孝宗手筆獎諭。乾道五年，拜端明殿學士、簽書樞密院事。明年，參知政事。又明年，兼知院事。克家在政府，與虞允文可否相濟，不苟爲同。允文主恢復，朝臣多迎合者，克家數密諫，不合，力丐去。孝宗曰：「兵終不可用乎？」克家對曰：「用兵以財用爲先，用今不足，何以集事？」孝宗曰：「朕將思之。」詰朝，面諭曰：「夜思卿言，誠爲至當。」八年，詔更定僕射爲左右丞相，拜克家爲右丞相兼樞密使。允文罷相，克家獨秉政，雖近戚權倖，不少假借，而外濟以和。張說人樞府，公議不與，寢命，俄復用，說怒士夫不附己，謀中傷之，克家悉力調護，善類賴焉。議金使朝見授書儀，時欲移文對境以正其禮，克家議不合，遂求去，以觀文殿大學士知建康府。（三）陛辭，上以治效爲問，克家勸上無求奇功。既而三省、密院卒移牒泗州，敵不從，遣泛使來，舉朝震駭。後二年，湯邦彥坐使事貶，天下益服克家謀國之忠。尋丁內艱，有言其當軸除吏之戾者，落觀文殿大學士。服闋，提舉臨安府洞霄宮。久之，淳熙六年起知福州，在鎮有治績。趙雄奏，欲令再任，降旨仍知福州。召除醴泉觀使。九年，拜右丞相，封儀國公。十三年，進封鄭國公，逾月而疾，命以內祠兼侍讀，賜第在所，存問不絕。明年疾愈，人謝，御製詩賜之，有「真儒良臣」之褒。尋以其年卒，年六十一。手書遺奏，孝宗爲之垂涕，贈少師，謚文靖。克家爲文渾厚明白，自成一家，辭命溫雅，多行於世。子億。

億 字伯安。以父任補官，累遷主管西外睦宗院、通判福州。襟度夷粹，母秦國夫人剛嚴，奉事無違。博親師友，講學不倦。嘗著《論語集解》上之，進官一秩。孫均，通判信州。

林外 字豈塵。祖知，見韋布。外游太學，工詩詞，嘗題吳江垂虹亭，人以爲不食煙火語。他日，衣鶴擎衣往西湖，題詩雪中，既去，人皆驚歎，以爲仙筆。紹興末，第進士，仕至興化令。所著有《嬾窠類稿》。

傅自得 字安道。其先濟源人。以父察使金見殺，從母居泉。用父死事得補承務郎。三監潭州南嶽廟，乃爲福建路提點刑獄司幹辦公事。使者李公懋，性剛介，好面折僚吏，獨屈意待自得，委以訟牒，間相見則摘事問之，自得具條委折，至姓名里居，一無所遺。公懋自是舉一司事取決自得。漳浦有華齊賊，漳州兵捕之及其黨與以獻，安撫司以便宜指揮檄憲司悉斬之，自得爭之公懋，公懋乃命悉械繫諸縣分鞠之，誅渠首數人而已。丐閑，得主管台州崇道觀。秩滿，通判漳州事。太守劉才邵始謂自得年少，及見其處事精明，馭吏嚴整，而文詞敏妙，歎服，語人口：「吾有傅君，始知爲郡之樂。」時山獠跳踉未已，而太守與統兵陳敏不相能，餉或不繼，軍幾變，自得調護其間，且爲移書轉運判官，得錢二萬緡以贍其軍，敏及軍士皆感泣思奮，群盜竟平。臨漳公帑歲時例外致饋守貳甚厚，自得悉儲於外，以給賓客費。通判泉州，洗手奉公，不私毫髮，受代造朝，民皆遮送。差知興化軍，剖決無滯訟，暇日延禮邦人士大夫之賢者，相與追隨文酒，郡以大治。初，秦丞相檜以自得忠臣子，年少能自力學問，有文詞，通吏事，遇之甚厚，然亦疑其剛果負氣，不爲己用，故雖使之連佐兩郡，然皆銓格所當得，召試博學宏詞科，又已奏名而故黜之。及泉代歸，乃間語自得曰：「故事，三丞得通用蔭補人，而承宗正者例以玉牒奏篇得爲郎。公之文，今從臣中

名能文者所鮮，顧公太剛耳。」自得嘿喻意，以母春秋高，力請使郡歸養。丞相以是始怒，而其黨文或陰中之。（四）是時，資序已應典州，復得興化軍以歸。自得既朝辭，行有日矣，會通判衢州汪召錫者告前知泉州趙令衿誹謗，且有及丞相語。臺諫徐嘉等交章論奏，事下廷尉。秦丞相因以上旨命自得體究令衿在泉州納賄事。自得以嘗同官辭，丞相不可。念前已有少隙，今又力辭，必重得禍，貽母憂，不得已奉命行。至泉，按事卜得一二即不復窮竟，然猶慮或爲異時累，則見故樞密黃公祖舜而問焉，黃公口：「事端幸不自我，加之以恕，可也。」自得然其計，既上其事，又爲請得毋更置獄。會廷尉獄成，令衿已坐譴，奏上，不過追納所受金而已。方事作時，戶部曹泳、刑部韓仲通實主之，兩曹符檄日四五至，督趣甚峻。已，丞相死，泳被逐，仲通恐禍及己，乃以體究事劾自得。朝廷亦知非自得首事，姑下置對，而仲通章再上，遂罷自得郡事。自得在郡不半歲，罷去之口，父老邀遮涕泣，其賢士大夫有追路越境慟哭而別者。後兩年，諫官挾舊怨，復以前事爲言，遂奪官，徙融州爲民。自得念前口日本以母故不敢力辭體究事，今乃反爲母憂，聞命即却酒肉、屏賸御，獨與一浮圖人偕行。至融，杜門讀書，益大覃思文章，融人皆敬愛之，而中州人士官其土者，亦皆以文字求指教。居四年，會黃公給事東省，知自得前事首末，力言於故丞相魯國陳文恭，遂以上聞，得內徙潮州。未幾，聽自便。孝宗登極，復故官右通直郎。時魯公猶當國，欲寢用自得，乃先除主管崇道觀，以言者罷。乾道初元，始申前命。未幾，樞密林安宅又力薦於朝，且具白前枉，除知漳州，又爲言者所持，事中寢。未數月，以少傅福國陳俊卿薦，遂再除知興化軍。陛辭，論尉利捕盜之賞，妄執平民，有至論死不能自明。語未竟，孝宗遽曰：「今之儒者例以不殺爲仁，然殺人者死。」自得徐舉臯陶《皋經》之言爲對，孝宗即連稱：「不辜，不可。」時朝廷方議重盜法，以自得一言而止。自得至興化，治郡如前

時，郡復以大治。會丁母憂，辭。自得性至孝，以奉母故，仕宦未嘗出閩中。在漳，時官舍有池亭，日奉母，忽有珍禽彩羽數十容與水上，母甚愛之，一旦飛去，母不樂數日，自得與其室共禱神，明日復奉母池上，則禽亦皆復來集，比自得去乃已，竟不知其所自來，亦莫有能名之者。服闋，再除知漳州。奏事稱旨，留爲吏部郎中，力丐外，除直秘閣、福建路轉運副使。陛辭，玉旨褒諭，且云：「素知卿風力，閩中多臧吏，故命卿往，行召卿矣。」自得卽奏：「治道去泰甚，閩中去朝廷遠，吏不奉法，取其甚者一二治之，亦足厲其餘。」孝宗首肯之。既至，治大率以愛民爲主，至其保全下吏，非有民訟不獲已，亦未嘗輕有所按治，其不勝任者，奏請以祠祿，略如前奏孝宗語。然其視候極精明，風采可畏愛，吏亦不敢犯也。建寧關守，自得以郡屢易將，帑廩空乏，且歲頗不登，乞選能臣治之。孝宗素知自得，卽除知府事。事無不辦，治有累歲不決者，一經手立辦，且後無能易者。移知寧國府，以清靜治。復爲福建路轉運副使。臨安關帥，孝宗命執政選有風力者爲之，執政擬二人進，孝宗獨指自得。先是，自得嘗以事過三山，副總管曾覲先來謁曰：「聞公名久矣。」因自誦其詩數十篇，且請自得誦近作，自得辭以憂患廢忘，時其亡往報之。及爲郎，復嘗遇於客次，覲詫，數從官曰：「某人某人嘗辱來訪，公獨見鄙，何也？」自得遜謝而已，竟不往。及將使閩部，閩門官子弟有使本道而召還者，以職事來謁，自得往報之，延自得便室，則覲及從官數人皆在，時方置酒，自得飲一卮，辭腹疾退，於是翰林承旨亦以人直辭，諸人皆有赧色，覲大不樂，自得退謂諸子曰：「仕宦當自結天子，次當繇宰相，安能俯首此曹邪？」改除兩浙西路提點刑獄公事，上章乞閑，不允，得移浙東。兩浙號封畿，多有力者，部使者例不案事，自得入境，受訴牒日數千紙，一一親剖，所至決遣囚徒，臺無留事，至於糾剔愆違，繩治奸墨，或望風解印綬去。頃之，復乞祠，得主管冲祐觀。秩滿，復除知寧國，



尋罷歸。自得性高簡，不妄交人，居泉五十年，讀書奉親外，杜門而已。州太守之賢者，如宋之才、王十朋、周葵皆高仰之，而自得月不過一詣郡，每留語，談說道誼而已。識慮高遠，機警絕人，少時聞朝廷奪光世軍，更遣儒臣代將，歎曰：「必且敗事。」亟移書刑部侍郎曾開，請如唐罷馬燧、郭子儀等，擇其偏裨授以兵柄，開然之，將白宰相，未及而鄭瓊等叛書已聞矣。虜寇淮甸，自得以書抵黃樞密，論備禦方略，因策虜有十敗，且言其變必自中起。書至不數日，虜酋完顏亮果爲帳下所殺。少爲李文肅所奇，妻以女，從學爲文，得其指授。既長，益從當世先達游，灌漑刮磨，其氣骨雄健而關鍵謹嚴，波瀾浩漾而語意精切。丞相張浚及尚書左丞葉夢得、翰林汪藻、中書舍人張嶧、尚書郎新安朱公得其文皆愛重之，而汪尤歎賞。弟自修。子伯壽、伯成。

自修 字勤道。紹興中監泉州市舶務，宿弊去八九。秩滿，番商來者爲貪吏所困，商號泣岸下，或請之，曰：「昔有官人主我於思而白，今不見此矣。」繇福建機幕除提舉福建市舶，番商舉手相賀。知潮州，海寇猖獗，招降之，請於朝，籍爲水軍，賴以控扼海道。累官直寶文閣，將漕江西，卒。

伯壽 字景仁。弱冠偕弟伯成登隆興癸未第，文中教官科。乾道壬辰試博學宏詞，繇三館知道州，簡伉自負，當國者抑其進。繇吏部郎官出守漳。人爲中書舍人、直學士院，累遷禮部尚書。出守建寧。召除翰林學士，進端明殿學士、簽書樞密院事，以疾丐外，知寧國府。請祠，卒。伯壽少時自負不錄錄，嘗和泉守王龜齡詩，有曰：「名節士所重，當如護睛腦。立朝與行己，本末要可考。」居常讀書，日以寸爲程，當沉酣痛快時，至不知饑渴寒暑。初以學詞進，侍郎黃鈞稱其文猶濯錦蜀江，而相國虞允文亦比之璞玉加琢。異時研索日精，濟蓄日富，談笑戲劇輒成文章，至其爲詩有三百餘韻者。其守建寧時，真文忠以諸

生間作文之法，伯壽曰：「長袖善舞，多財善賈。子歸取古人書熟讀而精甄之，則蔚乎其春榮、薰乎其蘭馥矣。」晚登朝廷，議宗廟大典禮，援據數折，出人經史百子，袞袞數千言，雖漢儒以《禮》名家者未遠過也。子度，監建康府榷貨務，嗜學好文，有《文編史記》，真文忠公爲序之。

伯成，字景初。尉連江，疏築水利。試中教官科，授明州教授，日與諸生論質往復。慶元初，爲大府寺丞，進言呂祖儉：「不當以上書貶朱熹，不當目以偽學。」又言：「朋黨之弊，起於人主好惡之偏。」坐與權臣意不合，出知漳州。以律己愛民爲本，推文公遺意而遵行之。遷工部侍郎。時權臣方議開邊，伯成言：「天下之勢，譬如乘舟，歲月既久，罅漏寢多，苟安旦夕，猶懼覆敗，乃欲徼倖，圖古人之所難，臣則未之知也。」相府災，同列相率往唁，或謂偶然，伯成正色曰：「天意如此，官師相規時也。」遂陳三事，一曰失人心，二曰隳軍政，三曰敗邊釁，言甚痛切。進右司郎中，出爲湖廣總領。嘉定更化，召對，面諭：「前日失於戰，今日失於和，策雖主和，尤宜備戰。」除戶部侍郎、左諫議大夫，在職五十日餘，抗疏十三，皆軍國大議。史彌遠與左相不叶，或致彌遠意，謂將引以共政，伯成謝曰：「吾豈傾人爲利者？」疏奏，乞詔大臣以公減私。左遷權吏部侍郎，以集英殿修撰知建昌府，進寶謨閣直學士、通奉大夫致仕。理宗卽位，陞直學士，落致仕，予祠。伯成辭免，乃進「昭明天常，扶持人極」之說。寶慶初，以先朝元老召，尋以寶文閣學士提舉祐神觀，奉朝請。大理評事胡夢昱坐論濟王寃狀貶，伯成疏救，不報。加龍圖閣學士、提舉鴻慶宮，復辭。年八十四沒。疾革，手草遺奏，端坐而逝。贈開府儀同三司，謚忠簡。所著有《竹隱居士集》三十卷、奏議十卷、《菴志》六卷。伯成純實無妄，表裡洞達，樂稱人善，語及奸邪則詞色俱厲。早執經朱文公之門，真文忠序其兄子度文，稱其「昔倘伴盤谷竹隱間，聆大坡議論，蓋濟岱典刑之舊，伊洛源流之正，

悉萃於公。」其見推如此。子壘、康。

壘 字仲珍。知崇安縣。聽訟得情，吏不能欺。增築舊堤，以防水患。增糴均惠倉粟，以備荒歉；買田益學廩，立義塚，葬露骸。最召，累遷大理丞、知南劍州。改漳州，治如其父，邦人安之。徙撫州，乞祠。端平初，以都官郎召，未造朝卒。

康 字仲孚。少受學孟父伯壽，爲文瞻典。用父任知古田縣，猾胥匿簿書，賦入日少，康籍胥家，出所匿，按覈得實，邑計以饒。召爲司農丞，知汀州。徙南劍，創祠堂，祀周敦頤、張載、程顥、程頤、司馬光、陳瓘、楊時、羅從彥、李侗、朱熹、廖德明、黃榦諸君子，籍廢寺田入書院，以贍生徒。端平中，累遷司農少卿兼右司諫，習熟典章，理宗甚材之。督府挾重權，多難從之請，引誼拒却，朝倚爲重。晚知袁州，直徽猷閣，致仕。

曾植 字子直。太學上舍生，用孝宗登極恩釋褐，累遷勅令所刪定官、司農寺丞。輪對，言：「用人之道，不當以南北、文武二其心，又不當以腐儒之故廢棄真儒。」復言勅令所刊乾道新書三事。會大理丞闕，孝宗諭執政曰：「曾植久任勅局，深曉法意，向輪對，奏劄甚耿耿，姑以是命之。」求補外，知南劍州。陛辭，奏言二事：請擇監司，拒關節，勿用小人。孝宗大悅，出示執政。改知湖州，未赴卒。

莊方 字邦直。歷富沙鎮官，莆守擅放民租，詔漕司覈實，王佐委方往，方援汲黯矯制以對，謂減放皆實惠，守得釋。爲福建機幕、知昭州瓊管，政尚廉靖。後參議京西，卒。子枬。

枬 字子修。以父任補官，辟信陽州判官，攝守事，虜圍城，與戰破之。改羅山令，依萬弩關築山砦，虜至，扼關擊之，擒其木牌郎官。通判江陵，築海櫃八，隘口十三，又增三海，益兵守隘，以時停泄。知峽

州，終江東參議官。

施實德 官簽判。有《瑤林閑居集》。

郭能 乾道三年爲古田丞。遷承議郎，賜緋魚袋。以《論語》、《中庸》闡明奧旨，啟剔後學，戶外履常滿。

鍾元鼎 字和卿。歷知鄞縣，尚愷悌，耻操切，賦輸不時，臺府諒之。終通判福州。

黃宙 字繇仲。居鄉講授，從游多名士，有《論孟解》、詩文雜著。

趙棕 字彥忠。父思誠，爲泉州，即家焉。棕與朱文公善。爲福建運管，以鹽法病民，請恤竈戶，均敷額，歲衍鹽二百萬斤。知惠州，惠前號豐郡，後覆窘，棕曰：「必吏欺也。」覈之，得米斛七千、緡錢五萬，公人既羨，斥其餘惠民，治以最聞。歷提舉常平，卒於官。子誼，好學能文，聚書萬卷，終知富陽縣，說，守南恩州。

趙庚 字叔初。歷廣西常平幹官，久不調。嘉泰初，相臣有研席之舊，移書諸司津，遣入都，將以學官處之。時韓侂胄用事，引疾力辭，親舊交勸，不答。帥蔡戡除，次對，庚以詩賀之曰：「腰金不足爲公重，懷寶無瑕乃席珍。」戡感其言，遂乞祠。歸後，客五羊，廖槎溪爲帥，尤加敬焉。及卒，貧甚，黃以寧哀金葬之。

曾賀孫 字景卿。一曰荷孫，字彥卿。淳熙中，爲懷安簿。方弱冠，薦知崇安縣。蠲令戶錢歲二百萬。邑罹水災，募舟濟溺，爲粥哺饑，便宜發廩，自輟餐錢償之。民遮道言狀於行部使者。竟以勤勞卒。

高禾 字穎叔。知仙游縣，恤僧寺，省泛科，築下頓橋，免人病涉。知惠州，創楊梅、大巽二寨，命鄉

總聯比保伍，以禦暴客。陞提舶，改提舉常平，召著作丞，積遷兵部郎官，卒。子漑，通判汀州。

蔡霆發 字子飛。以邑最登朝，主管官告院，卒隱居白石。學行純篤，所著有《家訓集鑒》。

儲用 字行之。知建陽，有惠政，朱文公亟稱之。會黨禁起，罷去。後再道縣，縣民擁用車，大呼曰：「此儲長官，我輩共尊之，可範可模。」擢守興化，移襄陽。鄧民樊快明率衆來附，制司約日欲勦之，用爭於朝，謂：「勦之不幸不勝，則吾代虜受禍。約回陷之死地，則吾代虜受怨。他日豪傑謂吾戮降，必其以讎虜者，轉以讎我，是吾代虜受讎。」復貽書制閩力言，制閩大恚，以是罷歸。時海盜犯泉境，用與郡守真文忠叶謀，親抵海島圍捕，獲其酋首，餘黨遁去。直文華閣，知廣州，未上，卒。子耀，知雷州。

陳震 字省仲。知甌寧縣，歲旱勸分，捐俸爲倡。再令新建，適更新楮，以帑積舊券代下戶輸租。通判饒州。知韶州、攝憲節，却臺府例券數千緡。召除軍器監丞。（五）遷太府丞，奏乞減二廣丁錢，繕邊郡城壁，填諸州軍籍。乞祠歸。有《春秋解》、《史編雜著數十卷》。

楊士豁 字伯達。起家寧德丞，知長溪縣，以清簡稱。晚知連州，未赴，卒。士豁丞寧德時，寧德令媚忌之，及令劾去，民遮道戟罵，留其裝，士豁衛令出境。知長溪時，尉年少氣盛，小不慊輒捶縣吏，既而謝過，士豁曰：「長溪尉治長溪吏，何謝爲？」子保中，字和卿，爲文典贍，折理尤長，登嘉定申科。寶慶初，下詔求賢，大臣多以應詔。知長汀縣，卒，楊炳誌士豁墓：「欲知其廉，視其居。欲知其志，視其仕。欲知其法，視其子。」

楊中立 字南強。知龍巖縣，有惠政。

陳宗道 字伯可。歷潮州教、侯官令、通判肇慶府、知新州，卒。博學能詩，而疎吏道。閩帥胡桀嘗

以職事督過，因覽和詩，擊節稱賞，遂加敬焉。

梁克俊 字叔明。知循州，修城葺學。循人祠於縣治。

羅知古 字子隆。知建安縣、通判興化軍，有名鄉校，居官清廉。

徐浩 字東之。爲汀州推官。事繼母盡孝，寢<sup>口</sup>累年，<sup>口</sup>扶掖不離，中裙、廁牘，躬自浣濯，如石慶矣。

楊景陸 字伯淳。博學強識，講授經史，鈎玄提要，生徒常數百。終建寧司法。有《春秋漢唐通鑑史志解》。

蘇思恭 字欽甫。祖尊己，以學行著於鄉。思恭嘉定戊辰禮部奏名，候廷對，聞期戚，亟歸。至辛未，始賜第。常從陳淳、蔡和游，篤意朱學，踐履堅確。除興化軍教授，以禮義之實，革詞藻之華，陳必諸賢推重之。調韶州教授。有《省齋文稿》。

莊夢說 嘉定七年尉仙游，下車究心職業。年餘，吏民畏服，田里靜帖。歷官大理寺。

黃必昌 字京父。登進士，判循州。故從陳淳學，又切磋於陳必、潘柄二賢。有《中庸大學講稿》。

董洪 字穎實。爲太學正，遷博士。乞外，通判南劍，就知州事。嚴身奉法，勤撫凋弊，蠲役錢、苗米萬計，創峽陽、濟羅二倉以待歲歉，遷延平書院於遼塢以教士，設劍浦弓兵營以居軍，卒士感頌。

陳霖 字傳叟。紹定中尉瑞金，盜發江、閩，迎敵力戰，被繫以去，不屈遇害。

鄭至果 字子剛。舉進士，授福清尉。丁內艱，有芝產墳。調永福丞，連帥聞能治劇，檄攝閩、永福二邑，皆治。改建昌令，刷前令預借之數，給鈔還民，修學宮，造興梁，政教具舉。時邑有蛉患，至果到官

遂息，且產瑞麥。改知梅州。州屢易官，諸務墮闕，至果閱實修舉，百廢俱興。鯨寇出沒，郡境戒嚴，擒其兇渠，境賴以安。

王沂之，字春伯。祖幹，宣和中進士，有聲。沂之以門蔭知新州，有惠政，將去，民遮留累日。帥瓊筦，却例冊錢貸民租。臨卒，以曾祖秉嘗立義齋延師誨士，其事中廢，遺命子起震成之。起震闢齋舍南，捐田三百畝爲束修，且餽親而貧，疎而賢者。真西山守泉，善之，爲定規條，表曰王氏義塾。任南，紹定間擢兩科，以太學博士判漳州，能文章。

洪大錫，字君疇。舉進士，授廣州司法。丁內艱，免喪調潮州司理。帥方大琮辟真州判官，留幕府。改秩知古田，剖決無留，按誅倚王邸勢殺人者。調通判建寧郡，大水，擅發常平倉賑之。擢諸司糧料院，拜監察御史兼說書。理宗寶祐間，宦寺肆橫，簸弄天綱，外閭朝紳多出門下，廟堂不敢言，臺諫長其惡。天錫來自孤遠，莫知其爲何如人，乃手疏以正心格君爲說，<sup>(七)</sup>且曰：「臣職在憲府，不惟不能奉承大旨，亦不敢奉承陛下風旨。」朝端耳目一時聳動。次月，囊封言：「<sup>(八)</sup>古今爲天下患者三：宦官也，外戚也，小人也。按人內侍省東頭供奉官幹辦內東頭司董宋臣，宦官之貪黠者也，並緣坐寺，<sup>(九)</sup>豪奪民田，密召倡優，人褻清禁，搜攬番商，大開賄賂。不斥宋臣，必爲聖德之累。將作監謝堂，外戚之貪黠者也，狠愎善於凌物，攫拏旁若無人，不曰以備中殿宣索，則曰當取教旨豁除。椒德令芳，天下備頌，不去謝堂，必爲宮闈之累。集英殿修撰、知慶元府厲文翁，小人之無忌憚者也，神臯流毒，屢玷抨彈，藉衣錦威，行攫金術。今又移其剝越者剝郢矣。民怨而不敢言，以其依憑王邸耳。不去文翁，必爲王邸之累。乞將宋臣逐出，堂姑予祠，文翁罷黜，臣九隕不悔。」疏上，理宗力護文翁。天錫力言之，理宗令大臣吳燧宣諭

再三，天錫力爭，謂：「貴倖作奸犯科，根柢蟠固，乃遲回護惜，異日勢欲愈張，紀綱愈壞，雖欲治之，不可得已。」理宗出御札，俾天錫易疏，欲自戒飭之，天錫言：「自古奸人外雖憑怙，心未嘗不畏人主之知，苟知之而止戒飭，則憑怙愈張，反不若未知之爲愈。」章五上，出關待罪。於是中書牟子才、右史李昂英交章留天錫，（一〇）乞行其言。乃令堂自陳乞祠，除職與郡；宋臣自乞解罷，令首尾了日解職，文翁別與州郡差遣。仍命吳燧勉回供職。會立夏日，天雨塵土，奏乞屏絕私邪，休息土木，以弭天災。按劾少監余作賓、后戚謝奕懋。頃之，復疏都知盧允昇、門司董宋臣及內司諸吏怙勢作威，奪民田，伐墓木等事。留中，止令尚書省契勘內司爭田伐木等事，及罷諸吏職事而已。大宗丞趙崇嶠上時相謝方叔書：「今日闕寺驕婪特甚，宰執不聞正救，臺諫莫敢誰何。天錫以一孤立察官，銳意出攻，（一一）此豈易得！側目數日，寂無所聞。公議不責他人，而望光範。不然，倉卒出御筆某人除少卿，此時大丞相要不可謂非我責者。」翼日，果有御筆洪天錫除大理少卿，而天錫去國矣。太學生池元堅上書數二璫之罪，乞留天錫。既而，三學亦皆有書，左史李昂英再有封事。越數日，除天錫太常少卿，而天錫已在汶上矣。朱應元繼爲御史，首劾昂英，公論大爲不平，同舍生作書責之，時方逢辰在館閣，亦上書方叔，勸以去就力爭，而方叔不能用。公論既不能勝，二璫乃簞詣朝廷，謂：「內司爭田伐木詞訟，皆臺吏受賄以強察官之判，所以誣罔聖聽，況臺吏家資極富，若使簿錄其家，儘可上俾國計。」於是竟降宣諭指揮，令諫官丁大全追上御史臺，點檢楊升、金永隆、楊叔茂牒送臨安府根勘，籍沒家財，各行黥配，以快其憤焉。初意欲令臺胥妄供以污天錫，賴理宗察其奸而止。未幾，方叔亦坐罷相。而二璫猶未大快，復厚賂率履齋上舍生林自養，裁書投匭，以攻方叔爲名，而實力詆天錫。於是學舍鳴鼓攻之，且上書以聲自養之罪。天錫雖去，顧終宋之世，閩人不能竊弄。



主威者，皆其力也。景定辛酉，起廣東提點刑獄，五辭。明年，起知潭州，尊先賢，祛宿寇，踰年大治。直寶謨閣。遷廣轉運判官，決疑獄，劾貪吏，治財賦皆有法。召爲秘書監兼侍講，以贖辭，陞秘閣修撰、福建轉運副使，又辭。度宗卽位，以待御史兼侍讀召，累辭不許，乃疏所欲對病民五事：曰公田，曰關子，曰銀網，曰鹽鈔，曰賦役。又言：「在廷無嚴憚之士，何以寢奸謀？遇事無敢諍之臣，何以臨大節？人物稀疏，精采銷輒，隱情惜己者多，忘身徇國者少。」進工部侍郎兼直學士院，加顯文閣待制、湖南安撫使、知潭州，改漳州，皆力辭。又明年，改福建安撫使，力辭，不許。亭戶買鹽至破家隕身者，天錫首罷之，復罷荔支貢。召爲刑部尚書，詔憲守之臣趣行無虛日，不起。久之，進顯文閣直學士、提舉太平興國宮，三降御札趣之，又力辭。踰年，進華文閣直學士，仍舊官觀。尋致仕，加端明殿學士，轉一官。疾革，草遺表以規君相。度宗震悼，特贈正議大夫，謚文毅。所著奏議、經筵講義、《通禮輯略》、《味言發墨》、《陽慶文集》。宋周密撰《齊東野語》曰：「近世敢言之士，雖間有之，其終始一節，明目張膽，言人所難，絕無僅有，惟溫陵洪公一人而已。公在閩閩日，嘗書桃符云：『平生要識瓊崖而，到此當堅鐵石心。』蓋其剛毅之氣，（一〇）未嘗一日少沮也。」弟天驥。

天驥 字逸仲。少有異質，貫通經史，嘗割股愈祖母疾。初，尉建寧，折獄見稱，一言而定久隙之民，尤以文儒課士，捐俸興學，行政尚寬，裁之以義。邑多豪猾，廉其尤桀黠者麗之法，政聲爲諸邑最。上官交薦其才，擢大理寺丞、知潮州。與天錫齊名。

魏國梁 字君用。爲番禺推官。陳三鎗寇河源，國梁以帥檄挺身諭降，道斃。事聞，加贈，官其後一人。

李茂先 紹定六年教授南恩州，真文忠爲文送之，稱其爲人金玉，又言其父昉先亦教授南恩，皆爲荒服所宗。

魏必昌 字世復。初，尉懷安，年尚少，有豪家訟田，久不決，必昌折以禮法，兩豪皆服。移興化司法參軍，持廉壁立。有新貴人挾中官勢羅織仇吏，囑必昌獄斃之，且脅以危語，必昌不爲動。劉克莊贈以詩，稱其守法防身，勇比仁人而嚴於處女。

梁椿選 以省試經魁登第，有文學之譽。歷官通□正言。（一二）寓居安溪，作湖山書院，學者多從之游。

呂中 字時可。歷沂靖惠王府諸王□大小學教授。（一二）輪對，言當去小人之根，革賊吏之弊。遷國子監丞兼崇政殿說書，奏乞晚輪二員說書，夜輪講官直宿，以備顧問。又言：「進講經史，乞依正文進讀，不宜節貼避忌，不惟可察古今治亂，亦以革臣下諂諛之習。」又言：「人能正心則事不足爲，君能正心則天下不足治。」尋以兄卒無後，請假歸葬。明年，以秘書郎召。丁大全忌其直，徙汀州。在汀期年，演《易》爲卜圖。景定中，復舊官，卒。著《皇朝大事記》、《治迹要略》、《論語講義》。

丘雙薦 景定中爲古田令，公謹律己，嚴於御史。古田自留元亮置貢士莊，雙薦捐俸益之。

牟濬 字叔清。咸淳二年知潮州，除盜去奸，加意修學。

王序 字景禮。少與兄庚齊名，兄弟繼擢咸淳進士，授尤溪尉，歷知長泰縣，清修自勵，方正不阿。時郡僉幕預徵大禮銀，及打量田土，文移甚峻，序白郡力爭之，郡守文及翁愈加敬任。後攝守惠州，瀕海無城堡，海寇騷擾，人有虞心，序浚濠塹、團保伍。得代歸，宋亡矣，遂徜徉丘壑，以終其身。

周鍾 字君與。授南劍州判官，安靜愛民，卒於官。及歸葬，行道之人皆爲流涕。

林介卿 尉漳浦，調羅源令，不畏強禦，細民愛之如父母。改知龍巖縣。巨寇出沒，修西寨，募民儲穀，教以弓弩，斥塚精明。鏤朱文公諭俗榜之，旌孝門，復死事。卒於治所。

劉叔智 以字行。尉金華，獲盜不肯受賞。改廣州錄參，帥臣年壯氣盛，僚吏莫敢可否事，叔智據款正救。後知閩縣，士民頌之。通判吉州，請祠。江萬里力薦於朝，召主管官告院。輪對，言天下大勢與當時急務。有勸使謁鄭清之者，謝不往。清之再相，叔智坐萬里黨劾罷。

鄭曾子 字子可。弱冠有文聲。咸淳十年試兩浙，寓太學。景炎丙子，隨蹕三山，以迪功郎爲潮州司法，未行，泉州降元。元左丞蒲壽庚薦授梅州路治中，不受，閑居終身。平生倜儻急義，樂道人善，是非曲直，必當於理。郡縣士大夫有疑難事，必造訪焉。

## 元

至元二十二年壬寅鄉試 周文通後仕同安教諭。僅此名可考。

薦辟、人才賢者見列傳中。

## 有傳

陳信惠 趙甫瑞 諸葛泰弟晉 王應祚

陳信惠 字孚中。以才能應帥府辟。從錢帥平漳寇，累功授山魁、澎湖、蘆溪三寨巡檢。轉南安主簿，陞南豐州判官，省檄攝同安尹，轉惠安，多惠政。調順昌縣，尋以老疾謝事。自號退翁。有《中齋》等集。

趙甫瑞 字榮卿。宋宗室子也。領鄉薦，除知寧遠，廉介有守，愛民禮士，人稱政教。任滿，改新城，以母老，表辭歸侍，得旨，改福之閩清。母喪服闋，以疾辭歸。

諸葛泰 宋廷瑞之後。父元中，以人材辟舉，仕松江同知。泰，少聰敏，有學行，以父蔭授汀州路明溪巡檢。未幾告歸。居家力學經傳，奧義多所發明。今《四書大全·諸儒姓氏》列泰名。弟晉。

晉 字仲昭。以明經授中書行省檢校。省檄分治尤溪縣，鋤艾豪強，有廉能稱。首復朱文公書院之沒人豪家者。豪家利僧田有之，晉悉取還，仍以其半充書院贍士。是歲，書院池吐瑞蓮二，產瑞草五，士民爲圖、刻石記其事。明興，徵聘不仕，坐以前代故官謫居穎，遂卒於穎，子珪，見韋布。子文，見皇朝縉紳。

王應祚 字舜卿。泰定間令邵武縣，廉溫直諒，文而有材，新縣治，葺學宮，恒以陳古靈令仙居者教民。

〔校記〕

〔一〕「子明叔」上，據傳記目錄，從孫明叔，疑脫「伯嵩」二字。

〔二〕「太學初」下，各本原闕二字。

〔三〕「知建康府」，《宋史》本傳作「知建寧府」。

〔四〕「文」，疑作「又」。

〔五〕「軍器監丞」，各本原作「軍監器丞」，據宋朝官制改。

〔六〕「寢」下，各本原闕一字。

〔七〕「手疏」，周密《齊東野語》卷七《洪君疇》作「首疏」。

〔八〕「囊封」，各本原作「囊對」，據周密《齊東野語》卷七《洪君疇》改。

〔九〕「坐寺」，周密《齊東野語》卷七《洪君疇》作「造寺」。

〔一〇〕「李昂英」，下文作「李昂英」。

〔一一〕「出攻」，各本原作「出功」，據周密《齊東野語》卷七《洪君疇》改。

〔一二〕「剛毅之氣」，各本原作「剛毅之義」，據周密《齊東野語》卷七《洪君疇》改。

〔一三〕「歷官通」下，各本原闕一字。

〔一四〕「諸王」下，各本原闕一字。

閩書卷之八十三

英舊志 縉紳

泉州府 晉江縣三

皇朝科第

舉人 進士遇子、午、卯、酉屬舉人，辰、戌、丑、未屬進士。

洪武三年庚戌鄉試 陳章應府學。 何德舉 莊濟翁

四年辛亥廷試 陳章應 何德舉 按上二科，以庚戌鄉試、辛亥廷試者。洪武卽位之初，科試未定，至後十七年始有定

期。

十七年甲子 黃維清解元。 楊體初一作本初。俱府學。 周同生

十八年乙丑 楊體初 黃維清 周同生

二十年丁卯 吳安生府學。 顏閨生 魏慈生 馮亮 楊琇 郭居賢

二十一年戊辰 吳安生 馮亮

二十三年庚午 林維和 許同生並府學。 林弼 李儀鳳

二十四年辛未 林維和

二十六年癸酉 柯正中 郭文昌並府學。

二十七年甲戌 郭文昌

二十九年丙子 高顯宗 李敏學 吳遜並府學。 馬保 陳賜 何安 諸葛珙 莊謙才 鄭懋中謙

才、懋中，並應天中式。

三十年丁丑 莊謙才

建文元年己卯按建文年號，已經詔書仍舊，今改洪武三十二年仍稱建文元年。 薛用昭府學。

四年壬午倪維哲 謝敏 劉孔禮後改孔宗。 蔡惟溥 林良 趙同 陳真 丘全並府學。 林鳳 梁

嗣隆 黃應

永樂二年甲申進士舊志有洪武三十五年一榜，考是歲革除，故元年開科，前二年甲申會試。 黃應 林鳳 謝敏

倪惟哲 蔡惟溥 劉孔禮 林良

三年乙酉 楊端儀解元。 朱鐸 李斯義 柯應隆 黃敏並府學。 留震 薛克銘順天中式。

四年丙戌 楊端儀 李斯義 朱鐸

六年戊子 丘重 劉宣 李祐 王純禮並府學。 胡守宗 陳公爵

九年辛卯 林安復姓陳。 曾濟 卓貞 傅沆宋傳自得裔孫。並府學。 林廣

十年壬辰 胡守宗

十二年甲午 徐升堂復姓余。 陳有曾 楊和 林禮並府學。 林儀鳳 吳凱 陳應良 羅閏 吳

靖 蔡輝 王瓚

十三年乙未 林安 羅閏 傅沆 陳應良

十五年丁酉 王彥英 柯季 曾孟初 許一塘 張節 李英 鄭文欽 楊參並府學。 陳道曾章應

孫。 朱鑑 王立 王耀 陳滿

十六年戊戌 曾濟 陳道曾 王彥英

十八年庚子 徐陟 郭全並府學。 陳璣

十九年辛丑 余升堂 柯季

二十一年癸卯 何觀 黃貴並府學。 楊盛基

宣德四年己酉 陳智 陳永並府學。 王文

七年壬子 馮觀府學。

十年乙卯 黃凱府學。 崔惠 黃寧

正統六年辛酉 莊敏府學。

九年甲子 林璫

十年乙丑 莊敏

十二年丁卯 張寬府學。 溫良

景泰元年庚午 林同 陳亮 丘璧重子。並府學。 莊諫 陳彝

四年癸酉 楊智 黃寬並府學。 林聰 張復



七年丙子 黃恭府學 林秀

天順三年己卯 李汝嘉 陳璿並府學 崔瑞

六年壬午 包文府學 張賢

八年甲申進士先是，七年癸未春二月，會試場屋災，詔移秋八月。至是，春三月始廷對唱名。 李汝嘉 楊智

成化元年乙酉 趙珣解元 黃淵並府學 莊璿

二年丙戌 包文 趙珣

四年戊子 趙欽 莊恭並府學

五年己丑 莊恭

七年辛卯 王塤

八年壬辰 黃寬

十年甲午 李信 李聰並府學 林迪 吳禮永春學

十三年丁酉 蔡清解元 陳障安溪學 楊渤 楊澄德化學

十六年庚子 李雍汝嘉從叔 楊振並府學 黃正

十九年癸卯 徐珙 張旺並府學 留芳震族 林琚 謝洞 莊熙永春學

二十年甲辰 蔡清

二十二年丙午 林頗 石宗 鄭賢 黃銘 趙璿 鄭奎 王鏐並府學 蕭存 莊榮 田崑

弘治二年己酉 蔡仲角府學 朱濤

三年庚戌 趙瑋 李聰

五年壬子 諸葛駿貢士。隆子。 陳珪 陳腆 林仕俊 李源 黃鏐銘弟。並府學。

六年癸丑 黃銘 李雍 黃鏐 黃信留守中衛籍。 田崑 陳腆

八年乙卯 吳璽 顧珀並府學。 洪聰 莊科 李貫 田崑崑弟。 林城儒士。

九年丙辰 王鏃 林城

十一年戊午 賴鳳 張雲龍並府學。 陳寧 鄭良佐 武尚文寧子。復姓陳。 留志淑芳子。 蔡存畏

清子。 陳碩自良佐至此。並儒士。

十二年己未 鄭良佐 顧珀

十四年辛酉 王忠 林潮 董灌 林同 張元璽旺子。 粘燦 蔡祐 王栢並府學。 丁儀 黃瑗

蔡慶璜 黃泰 張顥 林輅 吳聰自顧至此。並儒士。

十五年壬戌 董灌 李貫 陳寧 洪聰 張顥

十七年甲子 王宣 汪瀚 莊晉陽並府學。 林鉞 李墀祐曾孫。 莊琦 余義 黃寬瑗兄。 陳常

道 李深 葉寬自道至此。並儒士。

十八年乙丑 李源 黃瑗 林潮 留志淑 丁儀

正德二年丁卯 張文應第二人。 楊孟洪 林廷春 趙文嘉 蔡奇 莊希纘 蔡啟 曾仲魁並府

學。 伍隆 王宗源 林祐 蔣孔煬

三年戊辰 李墀 葉寬 賴鳳 陳尚文 林鉞 陳常道

五年庚午 蘇輔 李啟 莊哲 尤復 郭楠並府學。 王翊 陳良猷 郭敦復姓。 陳矩 項忠  
陳琛儒士。

六年辛未 王宗源

八年癸酉 曾楨 陳奇 史于光 林春 徐榮並府學。 何綱 黃潤 陳佐

九年甲戌 蔣孔煬 蘇輔 郭楠

十一年丙子 丘養浩 楊萼 王宗濬宗源弟。 陳華 陳弘毅 洪開並府學。 吳希澄

十二年丁丑 陳琛 史于光 陳華 林春

十四年己卯 何時晉府學。 伍鎧 尤和 翁楨

十六年辛巳進上嘉年，武廟南巡，故改庚辰爲辛巳。 丘養浩 黃潤

嘉靖元年壬午 洪富 易時中 林性之 蔡存遠清子。並府學。 陳仲 陳廷謨 汪旦

二年癸未 曾仲魁 陳仲

四年乙酉 蔡潤宗 王慎中 黃文漢鑣從子。 蔡存微清子。 梁懷仁 柯乾敷並府學。 莊一俊

五年丙戌 王慎中 王宗濬 何時晉 蔡存遠 伍鎧

七年戊子 尤麒 溫學舜良孫。 陳蕙 莊壬春 王時儉 張志選 黃才碩鑣侄。 留子陳志淑從

侄。並府學。 莊用賓 黃光昇 謝棠 蔡克廉祐子。 何元述 李仁 王春復儒士。

八年己丑 梁懷仁 洪富 蔡克廉 莊一俊 莊用賓 林性之 莊壬春 陳蕙 張志選 黃光昇

十年辛卯 陳讓解元。 史朝賓 楊宗秩 張天叙文應子。 曾一誠 蔡纘 莊深 林大任 鄭一

鸞 鄭承家良佐子。並府學。 柯實卿 郭立介 蔡元偉 黃國龍 黃鰲

十一年壬辰 柯實卿 徐榮 陳讓 何元述

十三年甲午 趙恒瑞孫。 李奇俊 周天佐 郭立彥 王佩並府學。 史宏詢 郭良璞 陳露 莊

思寬 姚居易 張喬相

十四年乙未 周天佐 溫學舜 黃鰲 汪旦

十六年丁酉 章日闡解元。 林一新性之子。 薛天華 黃崇慶 李一德並府學。 史朝宜宏詢侄。

石華嶽 史朝富朝宜弟。 朱梧鑑孫。 楊鸞 許瑄 黃鑄 洪英明

十七年戊戌 王時儉 王春復 鄭一鸞 趙恒 莊思寬 許瑄

十九年庚子 張冕旺孫。 朱安期鑑孫。 田揚(一)崑孫。 王惟中慎中弟。 黃伯善 翁堯英 陳章

楊士中 李士絢俱府學。 何琚 項宗禮 戴鯉化 林桂

二十年辛丑 謝國寶山東平山衛籍。 王惟中

二十二年癸卯 周良英 張喬檜 鄭一鳳一鸞弟。 莊士元晉陽孫。 林宗和 蔡一槐 尤烈並府

學。 蘇宗璽 謝文南 周茂中儒士。

二十五年丙午 黃廷楫文漢子。 留元復志淑子。 王宗會 蔡陽立並府學。 李纘 林奇材 王國

相 丘有崑 許宗承 鄭良璧 黃襄 江萬仞儒士。

二十六年丁未 史朝寶 黃鑄 林一新 張冕 何琚

二十八年己酉 蘇民 楊珂 許宗鑑 黏鍾岳燦孫。 丁自申 黃尚寶 莊國禎思寬侄。 黃一棟

洪英佐

二十九年庚戌 田楊 李纘 薛天華 丁自申 尤烈 周良賓 郭立彥 朱安期繼裔孫 郭良璞

三十一年壬子 王徽猷慎中族 郭培之 史朝宗朝宜弟 張敷潛 李載贊 李繼芳汝嘉孫 丁雲會 許天琦 陳敦質並府學 龔時應 李伯遇 蔡民望 孫振宗

三十二年癸丑 莊士元 丘有崑 史朝宜 江萬仞 李伯遇 王宗會 張喬檜 史朝富 許宗鑑 三十四年乙卯 吳從憲 陳邦顏 賴統 許自新 蔡萬 郭斯德並府學 陳選 陳載熙 劉文

岳

三十五年丙辰 史朝宗 陳選 許自新

三十七年戊午 黃才敏解元 薛應鍾天華子 蘇士潤 張養直 周標 趙驚 鄭大紀 王應賓

王用汲 王師性 杜業 李澤 蔡存省 顏容舒 陳詩奇弟 王同讚慎中從侄 蕭春芳並府學 趙

白新恒子 田樅 莊望棟一俊子 柯毓奇 徐廷佐 王雲卿改名任重 劉大遺儒士 劉堯臣宋劉昌言

裔孫。儒士。 許一夔順天中式 曾宗可廣東中式

三十八年己未 蔡萬 林奇材第二 劉大遺 蔡一槐 王徽猷

四十年辛酉 李維鉉 林宅遠 梁並明改名尚明 張守為志選侄 林喬相 洪可弼 莊顏兒 王

廷稷宗源侄 蔡日宣 張宏綱並府學 黃鳳翔應曾孫 謝廷試 李熙 秦舜翰 賴廷檜 陳惟立

張國謙 李際寅 林雲程 蘇忠 李大瀾 李華春 張儒則 蕭雲鵠自華春至此並儒士

四十一年壬戌 王同讚 林喬相 陳邦顏 吳從憲 張國謙 周標 莊國禎 許天琦 孫振宗

四十三年甲子 周良賓良賓從弟。 李廷儀奇俊子。 顧應龍 陳超安曾孫。 蕭騰鳳存曾孫。 黃一龍

黃憲清伯善子。 余棟 楊道會 楊廷相 張治具 莊應裴宋莊夏裔孫。 張思可喬相子。並府學。 史朝錄

宏詢子。 李廷益廷儀弟。 李志寵 涂萬程 黃錫 田升 朱國有繼裔孫。 郭立之 王同仁永春學。

何元選元述從弟。 黃喬植光昇子。元選、喬植並順天中式。

四十四年乙丑 林雲程 楊珂 賴廷檜 黃才敏 李大瀾 蘇士潤 李澤 周良賓

隆慶元年丁卯 潘維岳 李繼華繼芳弟。 黃國彥潤孫。 莊敦義 史朝鉉宏詢子。 朱昌竹梧子。

周日甲 蔡思雍 許知新自新從弟。 林雲龍 黃士敏才敏從兄。並府學。 鄭望岳 王維翰翊孫。 黃德洋

陳道濟 陳用賓 黃履初 楊君聘 張會宗廣東中式。

二年戊辰 黃鳳翔榜眼。 李熙 王任重 李廷益 楊道會 黃一龍 蕭騰鳳 王用汲 秦舜翰

顏容舒 史朝鉉 黃德洋

四年庚午 陳振揚奇孫。 莊履豐一俊孫。 汪紹英萬里子。 楊維清 梁懷材懷仁弟。 留震臣元復

子。 黃德淵德洋弟。 陳節 趙爾憲驚子。 郭惟賢 謝吉卿 朱孔昭 李皓 林雲霄 郭繼曾楠孫。俱

府學。 楊佩訓驚子。 周良寅茂中子。 許國誠 王三陽 李忱大瀾弟。 楊日采士中侄。 張雲冲 黃金

應裔孫。 陳仕行 黃鍾會 留敬臣志淑孫。 蔡文相 陳詔安曾孫。 林繼喬 郭宗磐 林喬楠 張治

樞治具弟。 林欲厦雲程從侄。 李廷機貢士順天解元。 蘇舜臣宗璽子。 何居魯元述子。並監生。順天中式。

莊宇毅 王應湯 李任春三人俱廣西中式。

五年辛未 李際寅 陳詔 楊佩訓 周良寅 郭宗磐 李忱 張治具 陳用賓 趙日新 張宏綱  
趙鷺 李華春 張會宗

萬曆元年癸酉 蘇濬解元。 王居瓚廷稷侄。 傅道唯沈裔孫。 洪澄源富侄。 魏而煥 蔡國炳槐

侄。 張而綱 留湛然志淑侄。 黃道瞻 蕭九章 朱天應安期侄。 邢屏 謝有大俱府學。 周望斗 吳

龍徵 王萬 薛喬登天華侄。 趙存仁 蘇存軾 許宗綸宗承弟。 陳嘉策 蔡應麟克廉子。 辜志會

謝廷訓廷試弟。 翁仲益閩縣學。 周日暹天佐嗣子。恩生。順天中式。 俞咨禹都督大猷侄。應天中式。

二年甲戌 林喬楠 郭惟賢 陳嘉策 留震臣 蔡國炳 黃道瞻 楊廷相 翁仲益

四年丙子 何喬遷安玄孫。貢士。炯子。 許國瓚國誠弟。 丘應賓有嘉子。 陳紹功露子。 莊履朋履豐

弟。 莊尚稷國慎從侄。 尤拔麟孫。 黃克纘道瞻叔。 李毓秀 李夢麟纘子。俱府學。 陳鳴華安子。 溫顯

良曾孫。 鄭得書良佐孫。 諸葛表應科從侄。 朱于訓安期從侄。 諸葛應科 謝台卿吉卿弟。 林岳偉 顏魁

槐容舒族。 趙日崇恒子。 朱夢賢于訓侄。 楊道賓道會從弟。 何喬遠喬遷弟。自夢賢至此。並儒士。 張問仁

傅秀岐並貢士。順天中式。

五年丁丑 張問仁 蘇濬 許國瓚 莊履豐 史朝錄

七年己卯 龔廷賓 王明整 劉良春 韋國賢 王同休惟中子。 任才欽 傅道統 李英材 朱

士佳孔昭子。 王之詔 楊啟新 鄧鑣總兵城子。 傳賓鳳道統侄。 許應玄自新孫。 蔡彭俱府學。 王命衮

黃國鼎濟孫。 陳鳴熙鳴華從弟。 張允棻改名國棠。治具子。 金時舒 謝望儼吉卿從叔。 楊偉 許應觀 黃

國賢潤孫。 黃大賓鑄子。 蔡淮 伍鳳章 陳昇 丁日近自申子。 張志任喬檉子。日近。志任。並監生。順天中

式。

八年庚辰 溫顯 黃克纘 謝台卿 張治樞 陳紹功 謝吉卿 陳仕行 王三陽 朱天應

十年壬午 章孚獻 龔雲致時應子。 許廷嵩 郭震之補族孫。 賴克俊廷檉子。 趙世典日新子。

王純臣俱府學。 林寅賓 陳義 張憲可需相子。 蘇守一 楊岐鳳 尤應魯麟子。 蘇朝陽監生。 順天中

式。

十一年癸未 李廷機會元。 榜眼。 蔡應麟 莊履朋 龔雲致 尤應魯 許國誠 龔廷賓 吳龍徵

林寅賓 蔡彭

十三年乙酉 李光縉解元。 仁子。 李光綬光縉從弟。 莊懋華國楨子。 潘瀾維岳子。 蘇廷楠濬子。

莊懋聲懋華弟。 黏鍾崑燦從侄。 俱府學。 楊載蓴改名譽峰。 啟新子。 劉弘寶 黃朝鼎國鼎弟。 杜應楚 陳

諫 黃汝良憲清子。 陳鳴勳鳴熙弟。 史繼偕朝官子。 黃居中儒士。 許鳳賓貢士 蔣光彥監生。 鳳賓、光彥，

並順天中式。

十四年丙戌 楊道賓榜眼。 黃汝良第二人。(二) 王同休 陳鳴華 洪澄源 林欲廈 傅道統 蘇

舜臣 蔡淮 陳義 趙世典 鄭得書 朱士佳 劉弘寶 留敬臣 何喬遠

十六年戊子 潘洙解元。 維岳子。 林學會敦中子。 經魁。 林喬水 李伯元聰曾孫。 李宗熹源孫。 郭

應麟 陳亮采 余煒棟侄。 曾華國 王鏞煒孫。 張正紀 李文淵 張維樞志選族侄。 蔡立敬 丁衍

仁並府學。 陳績 陳廷詩 林喬烜 朱于讀于訓弟。 丘應和有崑子。 監生，順天中式。

十七年己丑 莊懋華 諸葛表 丁日近 鄧鑣 金時舒 陳廷詩 傅賓鳳 潘洙



十九年辛卯 黃志清解元。錫子。李仲元第三人。伯元弟。蘇宇庶第四人。守一侄。林有標第五人。

蔣光源光彥從弟。陳瑛選侄。洪鶴冲 江中楠萬仞侄。陳經正義侄。李廷檳 趙世徵日新子。張正

綱正紀弟。張翼新思可子。黃鐸鳳翔侄。李叔元仲元弟。林喬松 蘇茂相士潤侄。林學閔學曾弟。

陳种奎鳴華侄。江中樞萬仞子。林維遷學曾侄。史書官朝鉉子。

二十年壬辰 史繼借榜眼。蘇茂相 李叔元 林學曾 陳振揚 蘇宇庶 蔣光彥 蘇守一 江中

楠

二十二年甲午 王畿解元。周維京第四人。夢斗侄。林欲棟總兵武莖子。林夢琦 吳夢相 涂喬芳

李精粹改名儲精。李范廉 林國俊寅賓侄。鄭當道 蔡增譽俱府學。陳鳴烈鳴熙弟。蔡立愛立敬弟。

何夢駿喬遠從侄。蘇懋祺 吳道熙 趙世敏恒孫。李肇開

二十三年乙未 賴克俊第二人。陳瑛第四人。陳亮采 周維京 林欲棟 黃志清 李范廉 吳

夢相 趙世徵 杜應楚 涂喬芳

二十五年丁酉 蔣尚濬第四人。陳用舉 黃琰光昇孫。楊萬廉盛基孫。徐縉芳榮孫。宋國守

楊道寅 張賡 李之佳壻曾孫。許懋克宗鑑侄孫。林同懋欲棟弟。林廷雲俱府學。李廷森范廉侄。翁

華祝 張維嶢維樞從弟。陳秉正 張翼進改名翼進。林喬樞改名欲樞。雲胥子。蕭繼美 楊道同改名道

臣。道寶弟。林而廷 丘夢周有品孫。監生順天中式。

二十六年戊戌 黃國鼎 林廷雲 蔡增譽 丘應和 林夢琦 張維樞 王畿 黃琰

二十八年庚子 唐天眷 莊履萬一俊孫。林士琦 蘇懋祉懋祺弟。莊欽鄰 李夢祥熙侄。陳文

暉 許學宗 周維章夢斗侄。

丘希周有崑孫。

林奇棧絨孫。

林有科潮曾孫。

陳景奎鳴鳳侄。

二十九年辛丑

蔡立敬

李夢祥

陳經正

莊欽鄰

蔣光源

徐縉芳

二十一年癸卯

林欲楫解元。欲棟弟。

陳鳴瑜第四人。鳴熙從弟。

莊重岳用資孫。

秦鍾震舜翰子。

史延昇朝宜從侄孫。

李奕之佳兄。以上六人，並府學。

蔡邦藩

陳應春

馮時來

韋際黼孚敬侄。

陳伯英聚

族孫。

王上晉慎中族孫。

張汾會宗子。

張瑞圖喬檉侄孫。

三十二年甲辰

秦鍾震

潘瀾

張維嶢

三十四年丙午

莊奇顯敏玄孫。

莊侃復姓蔡。

林輝宸

吳淳夫從憲族孫。

李拯

黃道開潤曾侄孫。

田居莘 黃寵詔維清玄孫。

韋孚弼國賢侄。

杜魁先應楚族孫。

王際達

李廷榆俱府學。

陳昆奎鳴熙子。

郭如楚良璞子。

楊溥廷相族孫。

張翰冲

李茂清

孫若湯振宗侄孫。

侯紹華

王耀文

三十五年丁未

張瑞圖探花。

林欲楫

楊道寅

楊瞿畛

陳鳴烈

蔡侃

蘇懋祉

唐天眷

郭

如楚

三十七年己酉

蘇琰民子。

蔣德璟光彥子。

王寅揆三陽子。

林雲輝

吳祐

洪從龍

秦子炳舜翰

族子。俱府學。

洪贊宇

洪應運復姓陳。

林鍾

陳純懇

廖鵬舉

顧斌珀族孫。

洪元卿

孫元若湯弟。

留觀光志淑族孫。

黃卷

蔡易葵

楊師說佩訓侄。易葵，師說，並儒士。

史繼英朝賓子。順天中式。

三十八年庚戌

陳伯英

黃卷

吳淳夫

陳應春

李廷檳

蔡邦藩

四十年壬子

程光陽

陳位奎鳴華侄。

陳聚奎

李正培叔元子。

何應明俱府學。黃日昌國鼎侄。

何九雲喬遠子。

鄭毓麒 鄭之玄良璧孫。

郭廷禮楠侄孫。

王觀光

楊景辰儒士。

留維相湛然子。應天中

式。侯世臣順天中式。

四十一年癸丑 莊奇顯榜眼。 楊景辰第二人。 馮時來 王寅揆 蘇琰

四十三年乙卯 何燮第五人。元述侄。 王堯天 傅元初道唯孫。 劉漢溶 周廷瑛良賓侄。 陳國清

馬用錫 倪光遠 蔡殿雲 黃廷師 李用俊 蔡于聲 送子奇 王應聘同任孫。 陳士會 陳龍可伯英

族弟。俱府學。 蘇元起琰從侄。 黃景昉國彥孫。 林胤昌雲龍孫。 黃烜仲 蔡日揚清族孫。 留景星湛然

孫。 林肇開雲程從孫。 黃日昇國鼎侄。 陳大對 林華實 王士彥宗會侄孫。 薛喬相天華族孫。福州府學。

四十四年丙辰 鄭毓麒 程光陽 林肇開 陳大對 王際達 洪贊宇 張翰冲

四十六年戊午 蘇茂杓茂相弟。 曾化龍 黏洪錄燦族孫。 劉麟長弘寶孫。 李孔傳夢祥族侄。 王宗

震純臣子。 許兆馨應玄子。 楊錫璜道賓從侄。 朱紱來夢賢族侄。 世襄望 史延曄朝宜孫。 潘汶洙弟。

許魁登容舒族。復姓顏。閩縣學。 丘思周應和子。 張維機維綱弟。 黃汝爲汝良弟。以上三名，並順天中式。 龔耀

應天中式。

四十七年己未 曾化龍 李廷森 劉麟長 楊錫璜 黃廷師

薦辟貢士、監生賢者雜見列傳中。

有傳。

劉嵩 趙士亨 蔡玄 張惟康 留潛夫孫志淑。(三)震臣。 莊濟翁 陳章應孫道曾，玄孫瑛。 楊曜

宗子興，裔孫萬廉。 黃維清 郭居賢玄孫楠，族孫文煥。 張昭 史福 諸葛文族子隆。隆子駿。 應科 張

度從子惠。 鄭懋中 張寬 倪維哲(四) 蔡惟溥 劉孔宗 朱鐸 丘重 陳安孫初，曾孫紹。(五) 朱庚

劉嵩 字子中。博通經史，詩文清新奇古。元季，落魄不仕，有知其貧而餽之者，輒正色謝，其所可受，即用贖貧，或送酒家。洪武初，以賢良方正薦授賓州判官，卒於官，不能歸櫬，賓人葬之州門外。有《中齋集》。

趙士亨 字應嘉。隱居九峰，讀書教授。父喪明，母患癰，奉養周至。父母繼沒，居喪盡禮，廬墓三歲。山寇呂光甫過其居，戒勿犯也。洪武初，縣人材薦授河泊官。

蔡玄 通誦《五經》。國初召入，對策稱旨，授翰林院編修。方九歲耳，歸省，卒於家。初，玄父賣酒當爐，拾遺錦囊，盛珠大小數百顆，直百千，候其人，盡還之。其人取一最大珠為謝，曰：「願君生子有如此珠。」明年，果生玄，時夫妻並年五十矣。

張惟康 以薦教諭建寧縣。建寧志稱其得師儒之體。

留潛夫 字文明。宋忠宣裔孫也。洪武庚戌舉明經科，授揭陽知縣，剗弊蘇瘼，興學課士，餘俸以佐公費，不入私囊。丁艱歸，士民思之。曾孫志淑。

志淑 字克全。年十六，受業蔡文莊之門，一見稱其遠器。十八，領鄉薦。久之，舉進士，授溫州府推官，折疑獄，快輿論。擢刑部主事，遷員外郎郎中。以才望推守杭州，至，則厚本節浮，平物值，禁和買。府有鎮守織造市舶四太監，歲支庫給人以千計，志淑力持省之。鎮守太監畢真者，故寧庶人宸濠羽翼，擁牙士數百，肆行殘賊。志淑白臺察陰制之。真一夕構市人火其居，延燒二千餘家，意欲因而起變戕殺官吏。志淑閉門不出第，遣地方撲滅，傳報諸衙官毋往看火也。數日，濠反報聞，真將發益急。臺察監司召志淑定計，志淑曰：「請諸公人見，守提民兵門外待。」於是監司皆入見真。既出，志淑入，真怒曰：

「知府造我反耶？」志淑曰：「無之。府中役從太多，是以公心不白，公宜散遣之。」因昀左右出報監司，復人，自上堂執真手，與語諸役從在外橫恣狀。頃之，監司至，交口語真。真倉卒呼其衆出，出則民兵盡執而置之獄。俄與真人視府中，見所藏諸兵器，詰曰：「此將何爲？」真不能答。以禮羈留之。踰月，朝廷得奏狀，逮繫伏誅。此時濠變方起，武廟率師親征。車駕且道徽州，憲臣以志淑才，便宜表改知徽，使備行在供億。至郡，止候駕丁夫，罷民間諸所措備，惟令人持直前途，隨方隨時僱募策應，公私晏然。時有執封檄從府中門人，稱奉旨擒惡人某者，志淑習其人富而無惡，知其詐，令傳中醉之，潛發其封，白頭而已，論坐如法。徽俗尚氣詬訟，案滯累年，志淑剖析如流，郡爲清晏，則會諸生學宮，習禮考樂，鍾筍之聲，萬舞之容，一倣太常法。度隙地創尊經閣，皮書教士。蘇郡飛派白糧，力爲奏免。治徽再期，杭人請監司還之，奏可，復治杭。徽民奉祀之十太守祠。遷湖廣按察副使，尋轉布政司參政。銅盤嶺洞賊起，志淑先察擒土民爲藏匿若干人，凡報賊者輒弗令返，繇是聲息不通。乃令各村富民集兵以待指麾，分道直逼賊壘，而賊猶不知，月餘，外給不繼。知賊困，使人善諭之，遂降。歲大飢，巡撫欲行部賑濟，志淑自請行，諸寮疑之，志淑曰：「大府不出，所以賑也。夫大府一出，一郡供億，何啻百金？抑且有貪緣爲利者。此某所以願代大府行也。」巡撫深然之。既出，置斂散法：極貧賑米，次賑錢，次轉貸。節役蠲稅，民多賴焉。屬有腴田數百頃爲水所決，歲比不登，公私逋負，俗譌以有潛蛟之怪。志淑按其地，使人鑿錐，尺許爲泥，而下盡流沙，白臺察度舊所決勢疏導之，堤內與外植柳爲固。不二年，田成有秋，民號留公堤。歷補江西按察使，踰月，轉浙江右布政使，數日卒。子元復扶柩，江西藩臬諸司暨列郡賻奠凡四百餘金，悉辭不受。江西移文於福建督學潘潢獎之。孫震臣。

震臣 字□□。〔六〕仕常熟，年方二十九。嫻習吏事，所定徵科法，吏民不得欺隱。考較諸生童，一依科場法，依牌派立，東西魚貫，無得溷者。勵精虔事，戴星燃炬，旁午綜之。疏濬白茆，踵《周禮》荒政，役飢民而厚給其直，畚鍤雲集，甫告竣，而吳中大水，漂泊田廬亡算，賴是塘以漸泄之。時柄銓者方著任，令震臣在常熟六年所，陞刑部主事，告病，卒於蘇州。

莊濟翁 知寧都縣，勸農興學，朔望畢召小學書生講解，均徭役，浚陂堰，造浮梁，惠政甚多。秩滿，陞員外郎。去，民爲建思莊樓。

陳章應 字敏達。元信惠子也。皇朝泉人登第自章應始。官榆次、繁峙、安丘三縣丞，太祖疑其丞三縣必有賁，捕而錄其篋，無一錢，第得章應母所貽書，書言鬻田產以給官次，遂命陞禮部主事。洪武十八年，命禮部錄百官善蹟著聞者，揭於其鄉之旌善亭；刑部錄犯法明著者，揭其鄉之申明亭，示勸戒。章應特被旌榜。卒於官。孫道曾。

道曾 字端誠。旁通子史，尤邃於《易》。舉進士，改翰林庶吉士。自陳願受學職，授吳縣教諭，陞瑞州府教授。持己以正。教人多術，不爐不扇，有古人風。遷無爲州學正，教如江右。兩典文衡，公明見稱。有《吳下集》、《筠陽濡須》等稿。玄孫瑛。

瑛 字時聘。舉鄉試第十一，登會試第五人。〔七〕令崇仁，認錢塘，歷南工部郎，知順德府，調大名，遷浙副憲，又調山東學憲。蓋兩爲邑、兩爲郡、兩爲憲副，而皆以繁調。後擢常鎮參政，則以親老乞歸養。越五載後，推起參政山東，尋備兵徽、安，爲按察使，駐池陽，卒於官。池人當日祠祀之。鄉紳丁相國紹軾爲之傳，曰：「公所至地無論，予則習予郡，請言公所以治予郡：公始至，值東夷倡亂楚蜀齊魯間，在

在驛騷。齊魯，淮徐接壤也。繇廬桐至池不旬日，而桐廬一帶，奸民潛伏待應，士民岌岌矣。公曰：『此有如蘇洵所言，未亂易治，既亂易治，將亂未亂，不可以有亂急，亦不可以無亂弛者也。吾不敢以武競，且以文令。』於是條議當務者六，飭兩衛官軍者十有二，備守禦，飭江防者亦有十二，具見施行。語余曰：『吾轄徽、安兩衛，衛之軍不足衛，而更外募兵，何爲又一軍耳？令赴鬪則退縮，呼庚癸則爭先，強弱何異用也？』所轄池港二營，往月糧任役與顧役者兩分，公曰：『此太平時可，今將有事用之，可不？無事優之，況兵用頂首，安得勝兵？吾不卽爾裁足矣。』於是任役者得糧踰常時，無不願死者。歲有督漕役，屆期齊魯羽書狎至，有司及諸弁遂議留停。公曰：『事急尚圖勤王，甫動便思觀望，謂臣義何？且此議一興，是使四方信其亂也。』挺身前行，嚴飭諸郡：『逗留者罰。』後亂靖，無不服公卓識。公食不過二簋，服不厭浣洗，苞苴不至其境，筐幣不入於庭。郡鋪戶素苦賠累，概令不用。或尼之，公曰：『革弊務盡，圖有益於民，吾寧爲棘子成！』居嘗勵精，達旦不寐。去歲溽暑，督漕幾殆，屢乞休，不允。今春遂不可起。嗚呼！天不欲竟公用耶？」

楊曜宗 字世顯。教授里中，小兒以百餘人行偶不亂，邑令見而服之，薦之訓導邑庠，時年甫二十有五。教諭襄陽王敬名有學行，而曜宗與之協恭。秩滿，陞嘉魚教諭，陳情養母，高皇帝閱其疏，曰：『忠孝人也。』下吏部，於本貫銓授，仍改晉江。母沒服闋，吏部方簡賢才輔親藩，曜宗與焉，擢韓府紀善，遷左右長史。事韓獻、恭二王，匡輔忠勤。文廟登極，恭王方幼，召入試，奏對有倫，上喜曰：『王之進學，長史得人也。』特加獎賚。洪熙改元，王之國平涼，曜宗從前後府中三十年。年七十餘乞致仕，王製文賜之，有「分雖君臣，義卽師弟」之語，又出餞於郊，賦詩爲別。曜宗和易清楚，望之憭然，至其禮接後進，躬然不

及，有以問學叩者，爲傾竭中底。經史百氏，靡不博涉。文章典則溫潤，詩篇清暢麗密。學者稱思復先生。有《桐月山房稿》。子輿。

輿字士載。通涉經史百家，與徵士陳微仲輩爲友，不求聞達，門徒數百，多有學成不應舉者。郡守蔡錫雅重之，訪以民情，輿上十事，大見嘉賞，因與通判朱旭以明《春秋經》薦。授惠安邑庠訓導，是爲正統丙辰歲。亡何，丁內艱。己未，起復簡卿府伴讀。卿王卽位，是爲景帝，一時潛邸舊臣咸蒙顯用，面與僅出爲處州知事。處山賊猖獗，巡撫委輿捕治，輿定略立法，積饒選銳，連破沐溪、芳竹九賊巢。事聞，勅獎。景泰壬申考績，召見文華殿，面問民情苦樂，對曰：「無苦民事，則民不苦。」景帝善之，賜酒飯、寶鈔，特陞戶部郎中。六年考最，陞南戶部右侍郎。天順丁丑，更調景泰諸臣，出爲永州知府。永，久旱風，輿詣城隍自責，風息雨作，百姓歌之。廣西苗賊滋蔓，發策備禦，不敢入境。未幾，總兵李震率兵十餘萬往征，兵駐永郡。城中癘疫熾盛，輿詣諸病所，執桃刻逐災氛，醫藥之，給之貲財，濟其調理。不半旬，有詣見稽首者呼再生父母，問是何人，疫而藥者也。都指揮高毓告以營軍疫盛，輿往療如初。永有舜塚，樹木蔭之，整飭濂溪祠，復其家，擇裔孫二人養於學，資給之。郡有孝子、順孫、義夫、節婦，召見賞勞，敗彝亂俗者，大爲懲創。他諸祠廟、公廨、橋梁、道路，莫不一新。先後爲民娶其不能娶者七十餘人，嫁其不能嫁者五十餘人，葬其不能葬者百餘喪。野有暴露，令人埋瘞。癸未人覲，引老乞歸，燕賜甚腆，詔有司以禮相待。永民聞之，哭踊如失所生。一日，疾作，具羊酒，邀縉紳爲別，曰：「今日相看莫辭酒，明朝合眼事茫茫。」未幾卒。有《松軒集》。

萬廉 仕霸州知州，廉如水。州多中貴人，來致虔於州官，萬廉不苟，亦無所加禮。左遷通判。



州有關稅，悉不問。有祖屋，諸子孫不能守，以鬻貴人，終身不一過祖屋之門也。

黃維清 字源潔。弱寇領鄉薦第一，登進士，歷職郎署，以才諳聞。九江缺知府，特賜勅往。廉勤平恕，治績有聲。卒於官，卽家焉。

郭居賢 弱冠知名，博學有奇節。以乙榜授臨武教諭。念不得迎養父母，不攜孥之官，日夜思慕泣下，形諸詩聲，無非忠孝懇惻之詞。有《淦川遺稿》。弟宙，精楷書，選翰林吉士，有時名。玄孫楠。

楠 字世重。講《易》蔡文莊之門。登進士，授浦江令。巡阡陌，行鄉約，立社學，養孤老，建學宮，禁治中貴徒黨之擾民者。御史行部訪察奸民，名數泛濫，楠請量治一二，浦江德之。以最擢御史。奉命盤覆兩廣倉帑，參劾藩司之淆亂庫籍者。疏薦章拯、周用、汪鏐、陳祥、王大用、黃衷、劉節，復薦三河驛丞、前翰林編修王思，通衢驛丞、前刑部主事李中，烏石驛丞、前戶部主事戴冠，乞量移擢用。於時，當嘉靖更化之初，應詔陳言四事，曰納諫諍，曰任老成，曰却貢獻，曰均戶口。事竣還朝，復上《親儒臣開經筵》一疏，言：「陛下卽位數月，賢者未必親，親者未必賢，政令紛拏，駭惑衆聽，詔許諸人直言無隱，今則言官獲罪，詔裁革冗員，今則添設猶故。以一童豎之微，而阻撓巡城御史；以一內侍之訴，而輕拏管閫主事。護大臣之短，則諫官公論斥爲非是；庇奸人之雄，則師傅重臣執奏曲加貸免。」坐罰俸二月。出巡按順天等四府，太守郭九臯以清軍田忤勳舊，巡檢程景貴以盤獲私鹽忤中官，並奏原之。復巡按雲南。大禮起，大小臣多被杖，謫戍，杖有死者，楠感痛不勝，自恨不得與跪門之列，上疏乞復學士豐熙等官，優恤死諫之臣。或曰：「公巡按在外，不疏可也。」楠曰：「備員言官，雖云公出，不異在朝。朝中有此大事，可緘默耶？」疏上，世宗震怒，遣旗尉逮繫之。士民送別至金馬山，哭聲震野。旣至，杖四十，下詔獄。時夏文愍

爲掌科，與諸公疏救，而御史朱實昌因蘇州人異之變，交疏請起汪俊爲巡撫，楠爲巡按，皆不報。遂削籍爲民。六年，以天變修省，量與一官，起吉水教諭。尋陞昆山知縣。吳人苦糧長爲禍，名「折桷斧」，言其能破家也。其所以苦，皆繇富厚之家投充勢要，家人糧得概免，令不敢徵，而上役糧長當爲下役糧長代納通稅。楠一切公正行之，卽顧文康家亦無得溢免，自是富人不敷投充勢要，而糧長無所害苦。既陞廣信同知，一士人作詩送之，有「去思在在情何切，莫問朱門只問貧」之句。其後，再遷至南寧守。文康公人相，而楠遂乞歸。族子文煥。

文煥 字仲實。以貢授高安訓導，卒於官。文煥自少究心理學，《四書》、《易經》、《太極圖》、《通書》、《正蒙》俱有註釋，間或發蔡虛齋所未發。讀史別出論斷，《四書學庸口義》成於林次崖存疑未出之前，議論多有脗合者。所著有《課程切問》。漳人蔡鶴峰聘居西塾，刻而傳之。僉憲項甌東喬稱：「閩中士子，才敏學充不爲不多，獨泉州郭某是非不謬於聖人。」而王遵巖讀其文，喜曰：「義理純明，經學精到，不惟進於理，而兼於文。」讀之忘食，至於家人報食數四不覺也。

張昭 洪武中以監生知遂溪縣，修學校，築堤塘，庶務畢張，教養並行。

史福 字德有。繇鄉貢歷事刑部，有能名。洪武二十二年，遣諭天下武臣，比還，奏對稱旨，遂授兵科給事中。奉勅視鳳陽山陵，竣事入朝，復有言，太祖嘉納之。擢四川按察使，方覲，遇疾，連歲乃瘳。及入京師，吏部欲置之法，太祖知其才，降授松陽令。松陽民暴而好爭，福至，痛繩以法，召見父老，問政所急，有所罷行，民咸安之。政滿，最封，懇歸養。永樂甲申，復起授河池令。未上官時，縣幕長凌暴其民，民相踵竄匿山谷間。幕長懼，以「民叛」白府，聞於藩閫韓公觀，觀卽發兵捕之。兵入境，福適至，民知其

爲新令也，奔走來訴。福馳告觀曰：「民實不反，官急租賦，聊走避耳。」觀驚愕曰：「不得君言，生靈幾禍！」遂命返兵。未幾，丁艱。服除，赴京，時車駕方北巡，福以才能被選扈行在。頃，補滄之慶雲令。尋，卒於京師。子鍵，雷州府同知。

諸葛文 字孟文。洪武二十二年，以稅戶人材舉補太學生。累汾西、泗水、靖安、安福四縣典史，勤恤民隱，蒞政廉平。居安福八年，秩滿，民遮留數千。事聞，擢御史。以老疾，力辭歸，杜門不出，凡二十年而終。族子隆。

隆 字思懋。正統十三年，賓興太學。天順間，授寧海縣。蒞政清謹，勞心撫字，凡百徵發，循至公，民稱慈父。數十年逋逃聞之，皆相率復業。以母老乞休，邑士民遮留數千，涕泣而別。子麟、駿。麟，見閭巷。

駿 字文敏。究心經史，爲文傳經義，以理勝，泉士宗之，陳琛、李源、詹源、顧珀諸公皆出其門。以乙榜授永嘉訓導，教人以德行爲體，舉業爲用，朝夕程課，鑄冶不懈，永嘉學祠之名宦。駿居家孝友，周窮恤匱，冠婚喪祭，一依古禮。所著有《易經集說》、《家訓彙編》。

應科 字弼父。爲諸生，赤貧，常自得，間有束脯之人，輒以供友朋。久困鄉舉，就教趙州。遷湖口令，日坐堂皇作利民事。湖口飢，所以賑救不遺餘力。每退，則告其妻子曰：「吾今日出其政，行其事如是如是，吾不能取民間一錢肥潤妻子，顧吾所貽豐矣。」以不善事上官，遷益王府審理。益王愛之，請於朝，以爲長史。久之，罷歸。應科爲人敦行孝弟。其先世自宋及今多有顯人，顧門祚寡瘠，墳墓失遺，應科跋履險僻，按譜尋求，家譜一字一事，皆心記手書，遇父母忌辰，闔門垂涕。好飲酒吟詩。所居書籍遍

其戶下，壁上錄古人雅語佳話殆遍。讀古人詩皆誦，散舉自首至尾不遺其一字。爲人樂善諱短，有懷必吐，胸次開豁，笑歡終日。時以比之醉吟居士。

張度 字孟欽。洪武中以秀才薦讀書國學，授錦衣都事。永樂初，陞監察御史，巡歷江左、交南，有聲。初名佛保，及自交南復命，成祖嘉獎，爲改今名。超陞江西按察使，未任卒。從子惠。

惠 字克仁。宣德間貢士。正統間爲龍游令，平易爲政，興學育才。景泰初，處州寇逼境甚急，一時鎮守望風避去，惠曰：「寇至則去，退則返，吾死不爲也！」士論高之。從子桐，歲貢。

鄭懋中 名醇，以字行。建文中知程鄉，寬恕廉慎。縣有豪猾吏爲民害，懋中首按之。有爭訟者，委曲開諭，其或未悟，令退思維。縣民故鮮知學，懋中作新規條，親爲講解，自是有登第者。嶺南一時縣令，以懋中爲巨擘，至與瓊州知府王伯貞齊名。一日，感疾，戒其子及吏章華曰：「凡此吾民，爾等善視之。」言畢，正衣冠，瞑目逝。邑民哀慕，昇喪歸葬，與漢令曾芳合祀焉。

張寬 永樂中以貢士授上高典史，愛民切至，廉潔自誓，日惟蔬食布衣。嘗董營造之役，雖百千夫，無一敢後。邑人懷之。

倪惟哲 文學才諳見稱，選庶吉士。授刑部主事，以讞獄詳明稱旨賜幣。尋陞郎中。卒，朝廷遣錦衣官旗送其柩歸，仍命諸司祭之。

蔡惟溥 舉進士，擢知香山，性沉重，喜怒不形，撫集流民，捕誅豪惡。擢知欽州，興教鋤強，勤於撫字，一州稱治。

劉孔宗 字于海。少當補伍，守胡器試其文，奇之，送充郡庠。既舉進士，成祖命學士解縉選進士二

十八人讀書文淵閣，以應二十八宿，孔宗在選中。歷官戶、刑二部郎，茂有聲績。成祖嘉之，賜以「爲善陰鷲孝順事實」及先聖賢墨刻。宣德初，提督營建木植於荊州，奏止丁徭夫貧難下戶，民甚德之。遷湖廣參議。山西有警，以尚書蹇義薦改山西，轉輸調度得宜。群小憚其威明，搆以贓罪，少保于謙疏言：「孔宗律已過嚴，流輩寡合，坐此生謗。」事得釋。正統五年，力乞致仕。居鄉謝事不出門者二十餘年，以壽終。朱鐸字允學。七歲時，卽爲奇童子。弱寇登第，授戶部主事。性簡亢寡合，退而家居，經史自娛，請文踵至，郡中石刻多出其手。卒，年九十。有集藏家。

丘重 字德厚。有文學，以禮部主事與修《永樂大典》。仕終南刑部郎中。

陳安 字克成。宋正獻後卿之裔。舉進士，授工部主事。以才行聞，陞衡州知府。屬歲飢，不待報開倉賑恤。衡有虎食人，移檄城隍驅群虎至，其食人者俛首安前，安命杖殺之，而放逐其餘。丁內艱，服闋，改重慶。久之，患足求歸，民苦留之，扶曳而治者幾二載，竟以老疾辭。年八十卒。泉人稱，一時士大夫，朱鐸長於文章，而安長於政事。孫初。

初 有學行，任清江、海豐教諭，學者稱古直先生。曾孫詔。(五)

詔 字宣卿。隆慶中舉進士，授工部虞衡主事。轉屯田員外郎、都水郎中，出爲浙江按察僉事，轉布政參議，雲南按察副使，以病歸，卒。詔起家工曹，董領工治，遂以名其職。其始領虞衡，有盔甲廠之役。廠中財物，故爲中官乾沒，所造盔甲悉薄惡。詔至，一意精核，絕不與中官交懽，既成，堅摯無齡，撞攢不可毀。去之萬曆甲戌，而有兩水河橋之役，功成受賞賚。去之萬曆乙亥，詔領屯田而有修昭陵之役。昭陵者，穆宗皇帝陵也。會坍塌，上及兩宮震動，詔奉命往修。顧正殿殊完，而中官議撤之，詔言部尚書，請

止撤，三月告成，省帑金以三十萬。上命陞俸一級，賞白金十兩，兩宮金亦十。繼而有朝宗橋之役。朝宗橋者，上所往陵道也。聖駕旦暮謁陵，詔倉卒受事，平土固基，累石爲墩，鑿連竅，鉗鐵錠，煮糯爲埴，調灰錮鄰，不踰時橋成。陞俸一級，賞白金十兩。去之萬曆丙子，詔領都水，則有高郵湖堤之役。高郵湖，漕津也。先朝平江伯陳瑄創築老堤，侍郎白昂繼開康濟越河。後人狙安越河，忘老堤外禦之力，坐致其壞，水入圈田，更成一湖。淮揚歲歲坐患水，而漕運爲艱。督漕兵侍吳桂芳請修築之，仍倣先目王恕議，挨老堤數十丈之東，取土以成越河，修補兩頭舊閘，通舟楫。朝議當遣詔。詔至，則汪洋汗漫，莫可措手，曰：「吾讀《禹貢》矣，欲安上流，須濬下源。」於是放儀真、通州等閘洩湖水，注之海，濬草灣等口以消黃漲，水落見基，堤工興焉。所以督之，如京城造橋法。五月而工成，延袤四十餘里。詔曰：「未也。舊堤尚卑，當高之三尺。」衆曰：「可矣。」亡何，水漫堤如詔言。高之，於是水莫所得漫，而淮揚一帶爲安流。將報工矣，而僉事之命下，而有治海塘之役。海塘者，浙以西瀕海爲郡，而嘉興之鹽官據抱三面，無崇山淤渚砥柱其間，海水高與城並，南自白塔，北自乍陳，諸山相望夾峙，每遇潮，輒倒流衝激捍禦，稍疏，卽湧入內地，非特一邑受害，而三吳皆巨浸，蓋自建邑以來，邑治三徙矣，沿海故十有八岡，盡沒入海，直倚塘爲捍。萬曆乙亥五月之晦，颶風大作，海潮洶湧，石、土二塘衝圯殆盡，平地水高三尺，男婦死無算，日二潮直抵城下。詔受事三日，往視塘，禱海神，採衆議，條上撫院，言：「今石塘之石，小大異狀，雖錯如犬牙，終有縫罅，潮水淫激，石不樸屬，無以爲完久。宜鉗之以鐵錠，小大之石，極使平方，騎縫頓疊，各極妥帖，乃用石灰灌縫，調之以糯米，久之，灰石加潤，水不得入，石更以壽。」督撫是之。至則稍基淨泥，直入地防，始下椿橛。椿橛之心，實之以石礫，使其上如平地，深固可以任。仍倣二塘樣式，品字疊砌，網而陀

之，雖陡不立，以順潮勢。凡用舊石一十三萬三千有餘，新石一十五萬餘。舊石者，舊崩之石也。新石則採之嘉湖諸山，不專之洞庭，慮罪緩也。砌石之法，詔身指示，有不平方，責匠換砌，晝行夕課，無寒暑風露。凡築石塘三千五百五十丈，土塘二千六百一十六丈。塘外置盪浪椿檣二千六百丈。椿檣之外，鑄鐵牛十二鎮之。內開激浦、白羊、新河六千餘丈，一以行舟載石，用省輦輦，一以備吳潮漫塘，有所蓄洩，一以開河，取土築內土塘，使吳潮蓄洩，白羊河者又得土塘爲障。塘河之上，酌量里數，爲木橋五，以便往來，兩岸植桃李，禁樵採，令其植根護上，又用夯築土爲陴坡以固之。新舊石塘綴連之處，不見痕端。乃建海神廟，築先朝楊瑄祠，請朝賜額，廟曰南海神廟，祠曰報功。楊瑄者，故浙江按察使，治海塘有功者也。是塘也，自洪武迄今，修築屢興，迄無成功。正統間，費至三十九萬。其始役也，議者謂當費一十九萬餘，後省之至十六萬三千有奇，期以十餘年就。自詔爲之，費十一萬而已，經始萬曆丙子之春，明年丁丑九月而告竣。而杭郡海寧縣塘以乙亥夏月圯二千餘丈，督撫復檄詔修築。詔用公帑千九百餘，三月而成事。於是兩臺藩臬交薦詔任事忠勤、經理周至。既遷布政參議，巡撫徐杭又奏請開激浦河道以通蘇松，復以委詔，詔謂大功方畢，浙西勞懃，議先賑民貧，徐調夫役。復兩月而成功。既遷雲南按察副使，而海塘功聞，上復賞金十五。居一年，以病歸。癸未春，朝命撫按科道薦天下致仕官可用者，皆以詔名聞，而詔卒矣。始，詔上公車時，濟河於徐州，舟人先夕夢神人語曰：「明有登而舟者，他日治水而有成功。」及築塘時，楊瑄白晝現形示築法。而浙人特爲祠祀詔於鹽官，時時見與楊公並馬出入，行塘上也。

朱庚 永樂初貢士，歷官戶部員外郎，居官清謹。

〔校記〕

〔一〕「田揚」，本卷「皇朝科第」嘉靖二十九年庚戌作「田揚」。

〔二〕「第二人」，據朱保炯、謝沛霖《明清進士題名碑錄索引》，當作「第十九人」。

〔三〕「孫志淑」，《留潛夫傳》作「曾孫志淑」。

〔四〕「倪維哲」，本卷「皇朝科第」及本傳作「倪惟哲」。

〔五〕陳詒，此注爲陳安曾孫，《陳初傳》記爲陳初曾孫。

〔六〕「字」下，各本原闕二字。

〔七〕「第五人」，本卷「皇朝科第」作「第四人」。



# 閩書卷之八十四

英舊志 縉紳

泉州府 晉江縣四

皇朝

有傳

朱鑑玄孫栢、安期。 于訓 王彥英 陳雅 何觀 張寬 莊琛敏、科。 應禎 用賓 士元 思寬 國禎 履

豐(一) 懋華 趙應 崔惠 溫良玄孫顯。 王昶(二) 楊智 趙珪 莊恭 蔡清 郭濬 莊概 莊榮

趙瑞孫恒、恒子日新、日榮、日崇。 李聰孫逢期。 李雍從侄汝嘉。汝嘉孫繼芳、繼華。 (三) 黃鏐 田崑弟崑。崑孫

揚。 顧珀 林同 張元璽侄冕。 粘燦侄鍾島。 蔡祐子克廉、孫應麟。 陳寧 黃寬弟瑗。瑗從侄孫憲清、志

清。 李源 陳永敦質。會安。 張文應子天叙。 葉寬 林鉞 陳奇 蔣孔煬從子廷堅。 洪聰 吳希

澄兄子從憲。

朱鑑 字用明。父，則文，見閭巷。鑑成童割股愈父，父竟不愈，哀毀踰常。力貧奉母。永樂中以舉人授蒲圻教諭。宣德初，擢監察御史，巡按湖廣。時副使、僉事不行分巡，屬吏殃民無憚，鑑請如故事周

巡所屬，以安民察吏，具得施行。梅花峒賊蕭啟寧等，久勦無功，鑑詣諭，皆解散。湖湘風俗務外貨殖，男女過三十尚無室家。鑑申明洪武禮法，旬月之間，結親者動萬計。考滿當代，右都御史顧佐等奏留。久之，正統初復命巡按廣東，多所建明。欽州叛民黃金廣等嘯聚爲毒，鑑指示諄切，亦遂向化。代還。朝命成國公朱勇檢都指揮等官三百餘員習《孫吳兵略》、《歷代臣鑑》等書，擇御史有文武材者董其事。右都御史陳智推鑑。鑑乞開設武學以典武科，奏可，遂爲定制。七年，陞山東布政司左參議，請恤軍民凡數十條，多見嘉納。北虜也先犯順，英宗車駕親征，遂有土木之變。其時景皇帝以郕王監國，陞鑑右布政使，尋進右副都御史，巡撫山西以備邊。鑑上言：「臣聞聖駕被留虜庭，傾血刺心，籲天天高，叩地地厚。夫千金之子，坐不垂堂，況皇上生長深宮，遠行不過天壽山，近行不過海子裡，何至蹈懷、愍、徽、欽之覆轍，輕爲孤注，親屈萬策？是何奸邪竊弄，坐使蹈此危機？臣節據，也先剽掠殺虜動數十萬，却以請和結親爲名。夫結親不已，必索幣帛，索幣不已，必請分疆土，切恐其奸詭出沒，去而復來，取而復索。若不整兵報復，殆見生靈不安。夫兵法有云：『千里趨利者，蹶上將。』百里，軍半至。『今彼寇數千里趨利，兵將不蹶，我軍以佚待勞，反蹶上將軍，豈無故哉？彼以賞罰得專其權，號令得行其志，父子相救，兄弟相援，所掠之物，皆歸私室。我以賞罰必聞朝廷，號令皆制監軍，將佐不和，士卒無恩，有所得物，必解公家，其勢異也。今以結親爲繇，遣使來京，一則覘我虛實，以報彼酋，一則通我軍，以圖內應。既假送駕爲名，姑得開關迎接，我欲出兵拒抗，彼則指駕爲辭。彼謀既深，我慮宜遠。宜急擇將練兵，暫停中貴監軍，假以生殺賞罰，重整散漫之兵，復募壯勇之士，罄奸邪之積，發太倉之陳，重懸賞格，厚酬爵祿，惟圖功成，勿惜國費。給賞我軍，勝饋外寇。再徵勤王之兵，名爲復仇之舉，指日刻期，夾攻並進。也先如果送駕結好，

實未可喜，虛愈當防。宜使收歸胡黨，招回游騎，省去人馬，斂止甲兵，單人單騎以來，仍令驍將擁兵居庸。謹慎防守，暫且苟安於今日，再行整計於來年。臣又切見太監王振毒亂天下，震驚神器，自江南草寇生發，皆以誅振爲名。自侍講劉球之死，中外以殺諫官爲諱。古云：『事歸朝廷則治，歸宦官則亡。』史冊所載，理必不誣，爲厲之階，莫甚於此。經曰：『開國承家，小人勿用。』傳曰：『小人之使，爲國家災害。』並至誠哉！是言可不慎歟？高皇帝與群臣議事，必屏去左右，恐泄事機，有妨國政。《書》曰：『監於先王成憲，其永無愆。』《詩》曰：『儀式刑文王之典，日靖四方。』伏望聖母陛下、廊王殿下念祖宗開創之艱，將相披卧之苦，急立儲君，選智勇，託忠義，開直言，杜權勢，早革內侍之權，再造中興之業，庶雪前耻，以圖後功。」疏入，太后讀之至於泣下。景帝卽位，遙尊英宗爲太上皇。此時奉勅專一鎮守雁門。太上皇還，景帝勅邊將出精兵掩擊虜寇。鑑謂未可，上疏曰：『臣聞帝王不計小忿以安民，不尚輕敵以全軍。漢高不報平城，非力不能，休息天下也。李牧收保，非兵不足，欲養銳也。也先慕義請和，送還太上。彼以誠來，我以誠報，邊境稍靜，道路初通。爲今之計，莫若慰賑邊民，委將守備，犒兵招捕，勸農資稅，募人粟，廣屯田，孳馬政，休養軍民，固安邦本。虜果桀驁不悛，我乃屯田要地，小人則一衛掩擊，大人則諸衛夾攻。若彼盟未叛，我兵先出，彼類規知，不謂搜剔別類，必疑迫逐他黨。我旣失信，彼益不靖。掩擊之計，臣深謂未便。』詔亦嘉納焉，因命兼往來巡撫山西地方。景帝旣廢太上皇子，自立其子爲東宮。鑑貽內閣陳循書責之，言：『前者至尊蒙塵，宗社安危，非得長君，人心未定。姬周輔成，故不得已。今鑾輿旣歸，曆數有在，委裘而治，亦無不可。太子仁孝，天下共知。在廷文武群臣共立，不能夾輔，烏可易置？抑僕復有言，陛下於太上皇，論骨肉則當避位以全手足，論尊卑則當固讓以盡君臣，乃藉口防微，反爲幽閉，

珍羞節其日膳，雉堞增於官墻，是可忍也，孰不可忍！」循省書，怒甚。鑑亡何乞致仕歸。鑑按廣東，激揚風裁，平反冤獄。粵人春秋祀之。所爲《出巡錄》、《條教禁約》、《排偶撮切》、《里師長老挈訓》、《童蒙北法》、《家言》。歷官中外凡三十年，諫疏至數十上。年八十八卒，賜祭葬。玄孫梧、安期。

梧 字子琴。長文學，好爲詩。自序其詩曰：「梧也，少好詩。既領薦，三走南官，不售，思脫去筆墨蹊徑，就職爲博士。猖狂恣肆，喜怒愉快，一於是詩，雖有瑕累，不屑彌縫。稍遷楚令，遽罹廢黜。嗚呼！梧之不達，詩窮之矣。雖然，梧之不窮，詩達之也。梧見今人見棄於時，輒憤愠怨尤，<sup>（五）</sup>下者娛財作荒。梧之廢也，無飢寒俛仰之憂、人事奔趨之擾，謝絕過從，杜門却掃。每遭時或林泉魚鳥之適、田夫野父之儔，出數言紀之，長篇短章，惟所欲爲。又性不喜俗人，堆積蠹編於東軒北窗之下，日與數千載間騷人文士爲伍，光景滿前，應接不暇。追念隸博士時，好而不能專，爲造士司政教時，專焉未能人。今則專而且人，死生不足奪，況窮達乎？梧所畏王遵巖氏，見梧，贈詩十篇，復梧曰：『奧意險語，殆搜神賦而破鬼膽，何但仰參黃、陳，直將上闚韓、孟，眼中何意見此奇特？』嗚呼！搜神破鬼未也，奇特然哉。遵巖於文章少許可。彼其視一世能言之士，直若瓦礫蛙蟬，而許梧若此，偽也，非真也。據以爲信，梧其顧長康哉！然有觀梧出處憂樂之際者，則詩果窮梧者邪？果窮梧也，寧詩窮梧，毋梧窮詩。」

安期 字子和。令清江，寬和平易，通融一縣丁米以定糧長，而解戶因之，不論貧富，致起鬻爭。時旁縣新喻均徭，屢派莫定，縣令偶乏，上官以委安期。安期以行之，令出無譁者。訟至，片詞得情，不事呵扶，亦無贖鍰。訓厲諸士，邑中多有取科第至達官者。陞工部主事，歷郎中。出爲四川僉事，開鎮安綿，治兵繕糧，具有成籍，使可稽守。轉貴州參議。調廣西僉事，道過清江蕭灘，民遮留信宿。人以方何武。

竟罷。安期嘗與其族子天應論學，以爲居官作人之法，盡於「君子、尊德、性道、問學」四語，輒自媿悔，以爲不能實用其力，以故齟齬當世，而世之人亦鮮有能全之者。

于訓 字國彝。署教許昌。擢浦江令，自己便事，靡所掣肘。上官如衛如張，頗操束濕，獨於浦江一切寬假。直指彭行部至婺，謂監司曰：「吾廉朱令大德民，勉之哉，勿以資格自限。」屬台州丞缺，將徙浦江爲之，疏未上，直指坐事歸。擢守崖州，過家，行期屢徙，尊人怪之，乃知其橐裝不備。抵州，念夷雜處，羣生市易，亟下令：「太守所以來，固將安之。爾詐我虞，三尺是徵。」自是夷守黃龍之約，晏如也。後爲柳、廣二州同知，皆有聲。卒官。

王彥英 舉進士，授行人，陞吏部員外郎，遷山西布政參議，卒於官。持己端慎，能聲著聞。

陳雅 永樂間貢，任宣城丞，愛民潔己。縣大旱，引罪責躬，枷項自署曰：「皇天不降雨，陳雅不開枷。」靈樹尋應，縣界蒙澤。

何觀 字□□。〔六〕能詩善書。景泰中以書選爲文淵閣中書舍人。疏言：「吏部尚書王直，當正統之時，與二三大臣阿附權奸，比周中貴人王振、錦衣帥馬順。土木之變，振、順皆死，今直等居職如故，是皆欺君誤國老猾，不宜置左右。」又言：「諸來朝北虜，宜盡驅置之南方沿海地，絕其往來，毋使爲虜謀耳目。」疏奏忤旨，下六科十三道看議。直與諸大臣唧觀甚，嗾都給事中毛玉劾之。玉疏觀誣罔大臣、擅開邊釁，宜明正罪。其時葉文莊公盛、林莊敏公聰亦官給事中，二公同至玉所救解，請出劾疏閱之。玉曰：「上趣急，閱恐後。」二公固索，乃出示之。文莊讀畢，謂玉曰：「何舍人安置北虜之說誠然疎也，顧實繇指斥王公至此，且其辭連權奸，以故益激怒中貴人耳。劾疏草當更。」玉曰：「上怒甚，不可更也。」文莊

再請，玉因附耳語曰：「何舍人滿考不遷，憾吏部爲此。此王公意，十三道諸公亦此意。業屬草矣，玉固不屬耳。」文莊曰：「近主上大開言路，未嘗罪一言臣。何君雖忤旨，尚令我曹看議，此甚盛德。且夫王振、馬順，小人也。劉球之死，天下尚爲口實。萬一雷霆之下稍有不測，則主上受不能盡言之名，而實吾儕導之。且吾儕方居言路，寧不自爲謀邪？」固取筆，稍抹去其首尾參劾語。奏人，上令錦衣衛杖觀百。視杖者門，謝二鎮撫亦頗護，觀得不死，謫九溪衛經歷。稍遷象山知縣，辭歸。觀爲縣有惠政，既歸，象山人數百送至閩界上。隱占玄山，作書自娛。嫁女無以充奩，草書一篋付之。觀沒，子孫單窶，郡人莫知觀者，萬曆戊戌，守寶子偶白學使送祀鄉賢祠。檄下，有遠孫一人隨主人學，則習司馬季主之業者也。

張寬 四擁皋比，以醇誠博雅爲名博士，所至與諸生講《易》，娓娓皆性體心宗。臺使輒署上考，而甘隱乞休。嘗自題曰：「質不美，皆困學而知，貌不莊，唯正道自持。不敢虛天之賦予，而尚敢較位之崇卑？」有司爲立坊，表曰狝宵。

莊琛 字廷璽。宋莊夏之後也。研精經傳子史，尤工四體書。永樂甲辰，入貢成均。祭酒爲陳公敬宗，以琛筆法遒勁，乘傳檢進中書繕寫誥勅。正統己未，授官大理寺右評事。（七）奉命賑邊，道經武邑，邑令長、博士乞書夫子廟額，以綵縑、白金致謝，琛却不受。廷臣及翰林學士長洲劉鉉諸先正聞之，皆嘆曰：「莊大理當受不受，所不當受寧受之耶！」擢廣西按察僉事，矜恕廉謹，上下咸宜。景泰癸酉，詣闕行慶賀禮，事竣乞歸，卒。琛生平篤孝，遇二親諱泊己生辰，悲泣終日；或有珍味，潛然不御，曰：「昔者吾親未嘗享此。」

敏 字□□。（八）威儀嚴重，喜怒不形。舉進士，任吏科給事中，骨鯁持大體。景泰初，出守雷州，當

官靜辦無爲而事理。

科 字由矩。教長沙、平湖二學。擢知開建縣，崇學教，闢田野，興利除害，民懷政教。峒徭嘯聚攻城，科整衆登陴，露刃持滿，賊趑趄不敢前。賊退，人以多科功。科曰：「禦寇之道，安民爲本。令民心完固，何賊足虞？」於是詢民所甚利害，爲之因革，民告便而徭亦伏。以才改任順德，處劇以暇，尤見其長。歷南京刑部郎中，終高州府知府。諸侄應禎。

應禎 隆慶中貢士。爲諸生時，好學執方，燕私無怠惰之色，貧罄絕寒乞之聲。晚就貢途，守官闕下。上書勸學，留中不報。兩宦東粵，爲博羅教諭，却貧上贄，諄諄善誘。罷官赤貧，仍開館教授如諸生時。以壽終。

用賓 字君采。亦敏族也。舉進士，授行人，轉司副，遷刑部員外郎，出爲浙江僉事。爲人慧直，見不善人，發憤叱呵之。坐忤俗早廢，其罷官時，年三十一耳。當用賓之爲郎也，冢宰某貽藉屬官。屬官者，賓族人。賓走詣相張文忠前，陳其倨枉，意既憤懣，又操南音，格格不可辨，而冢宰從背至不知也。至浙，餘姚令顧存仁以亢直得謗，力爲湔雪，其後存仁竟擢給事中，用諫顯。上虞丞倚嵯使私人，貪恣不法，亟暴狀黜之。學宮壞，言於御史，議修葺。御史謂疏動帑金非便，用賓曰：「院移某道，餽某鄉士夫金若干，果皆疏動耶？」御史大恨。試諸生，得袁文榮煒，首拔之。文榮間一候謁，用賓曰：「吾取若文，若奔競耶？」令隸擁擊其出。慧直忤俗，多此類矣。御史報命，論調用賓，而太宰某從中覆罷之。既廢居家，爲里中言利病於郡。邑大夫有敵以下所不能受，而用賓發舒娓娓，間用以得禍，亦竟解。其所居里在青陽山下，一鄉之人皆信且畏。其訐治鼠狗盜甚嚴，鄉中絕盜。嘉靖之季，島夷內訌，直薄郡城下。城門

閉，被寇者擁不得入，哭聲振野。用賓與諸公分門守，請開門直納之，而身與弟用晦募鄉兵三百，後先殺賊。賊大恨，剗用賓父塚，剖屍去。用賓、用晦徑走賊壘，奪父屍出。用晦竟死賊中。撫臣以聞，久不報，而用賓亦卒矣。萬曆二十二年，倭寇朝鮮，去用賓殺倭之年四十餘矣。子鳳章詣闕言狀。上方欲錄當年擊倭者以風勵材勇，詔贈用賓太僕寺少卿，官用晦子百戶，予世襲春秋祠。當鳳章詣闕言父狀時，留滯數年，資斧盡罄，扣訴不已。人謂：「一介書生，奈何言父四十餘年功，覬天子恩？」盡迂笑之。而鳳章竟得請，人亦稱鳳章孝子云。孫際昌，萬曆己未會試，殿試皆第一，人謂陰德之報。諸弟士元、思寬、國禎，諸侄履豐、（九）俱見下，際昌，見永春。

士元 字君聘。童年端重，閉戶下帷，言動具有繩式，人謂莊家顏回。會試第二人，成進士，授廣德知州。輕徭省訟，勸禮興學，農隙料丁壯繕城堡。時師尚詔寇中州，渡河而南，州恃無恐。其仁愛清約，與前守歐陽德並稱。轉刑部員外郎。值己未會試，檄入簾，得邑中士林奇材亦列名第二，而王世懋敬美入其彀中。給事吳時來論劾分宜相，逮詔獄。士元爲理，欲全貸之。吳曰：「非德愛也，免死幸矣。」乃擬戍。相怒甚，持奏四日不下，畏公議，不敢格。轉郎中，慮囚東廣，道卒。無子。

思寬 字君栗。左目重瞳，每讀書片晷，輒默記數千言。登第後，益聚讀古今書，忘寢食，傾橐資鬻不足，至解帶易之。授鄱陽令。重風化，時訓飭，平斗衡，均徭賦，寬積逋，禁溺女，建廟學，與士類，時時以安分知幾教其民。每出，民繞車前後，若依慈父母。縣亭傍植竹百餘竿，其筠幹上書有「壁崖竹」三字。池荷忽挺雙頭花，結實並蒂。士民以方之虞城漁陽。壁崖，思寬號也。遷南戶部，已，遷刑部郎。出守建昌，書柳子《棄駝傳》於壁以示僚屬，僚屬相率爲清靜。卒於官，百姓痛惜之。後三十餘年，南城人丘



潮來守泉，顧其諸子甚厚，曰：「非私莊公孫子，爲建昌報遺愛也。」思寬能文工書，兼善寫竹。

國禎 字君祉。年十三就行省試，爲分闈者所賞，格額不獲選。直指愛之甚，召與鹿鳴之宴。二十三領鄉書，二十六而成進士，舉於南宮，列名第九云。初授會稽知縣。此時分宜相在事，墨風大熾，當上賦行省，賦長以例金數百進，國禎叱曰：「胡爲者耶！有復，我扶殺矣！」皆相顧咋舌：「乃有此人。」國禎爲縣，不費民間一蔬一茗，歲時修禮上官，通諸賓客，不廢敬而已。民有訟至，召其鄉三老與俱來，不攝之，臨讞，出數語立剖，剖竟，立傳爰書手示之，不終訟者聽。有趙日新者，諸暨人也，年二十爲邑諸生。其族有以掾得冠帶者，故饒貲，子姓又衆，族人皆逡巡事掾。而日新之父從其子爲諸生後，所以事之不如昔，掾大恨。會其鄉人有以久病死者，夙於日新有睚眦，掾嗾使訟日新格殺之，而身率族人爲証。更數官無能白。國禎始見日新，心驚：「是孱然也，而能手殺人！」既攬獄，詞文致甚，未有決也。既就讞，令：「言日新不殺人者，左；言其殺人者，右。」衆皆趨右，中有衣紵一人曳履過，大言曰：「日新信殺人，明府亡疑也。」國禎念族有一諸生也，卽不幸扞法，猶當隱之，而何証之強？衣曳履者，掾也。遂趣大杖杖掾，曰：「汝實証日新。」掾爭之強，而國禎杖之痛。諸趨右者皆竊竊相語咎掾。國禎微聞之，乃再問曰：「汝曹今尚右耶？抑走而之左？」皆匍匐進：「微明府，我曹乃不敢言。」因備言掾所以，而日新得無罪。國禎舉進士，所主會試者袁文榮煒。文榮，慈谿人，家距會稽不數舍。其內戚管夫人弟將之京，挾舍人子，俱假符傳所在，要索過當，徑東關，憾其丞所以奉之不如意，持馬箠箠丞，破額流血，郵人被重創以十數。國禎曰：「是尚有三尺哉？」亟發健卒捕之，笞而繫之獄。諸上官聞之，人人頓足曰：「莊令，書生也，不解事乃爾！」直指使者張爲檄郡中徑山繫者。繼張爲直指者龐尚鵬，銳意行賦役條鞭法，長吏無有任，國禎

獨推而行之，邑大稱便，而龐緣以推之全浙，此時龐知國禎矣。方國禎之繫治袁舍人子也，文榮聞，大恨：「令也，而又我門生，一至此！乙丑當大計，佹罷矣。」其時故冢宰陸光祖爲考功郎，力持之，曰：「是令也，寓內少雙，必罷令，郎請解印綬。」而御史大夫王廷亦力薦之，乃得免。明年，文榮沒，召人爲戶科給事中。轉工科右給事中，出爲浙江按察僉事，轉江西布政參議、廣西按察副使，鎮永寧。永寧，故古田縣也，自韋銀豹等平後，進爲州。國禎至，銀豹之族韋狼要者，復糾永福、陽朔徭以叛。國禎設購，生得之。洛容、永寧、永福、柳城諸徭峒不靖，悉歸平撫。改督學江西，累遷右副都御史。巡撫江西，會水，請准改折南北漕糧二歲。其明年，復旱，又爲江西人請全折，通計可百餘萬石，俱報可。擢南刑部右侍郎，召人爲戶部右侍郎。以母艱歸，遂不出。國禎坦夷樂易，寬然爲長者，守官力職，循級而登，不借交養譽。與人語，好稱引國家典制、前輩長者節概行誼，旁及今昔人情風俗、善敗汙隆之變，聽者悚然，有所感動。子懋華。

懋華 字仲璋。仕終湖廣布政使。有文學，儒雅厚重，不動聲色。

履豐 字中熙。祖一俊，浙江參政，善爲長句，以李青蓮、白樂天自詡，黃克晦頌之，其詩「花前八斗二三醉，燭下千言頃刻成」者也。履豐承其祖父家學，兼之才情濬發，詞藻英麗，有所結撰，和墨伸紙，筆數行，至於問遺尺牘，率爾成章，輒盈楮札。舉進士，讀書中秘，一時推重。其孝親友弟，敦切懇至，雖僕夫下走，無不歎羨。出交上大夫間，掄揚推挽，不遺餘力，或聞有過，蓋覆周旋，如其自計，惟恐失名而喪位。仕終修撰。卒。弟履朋，豪邁自喜，孝廉時，與予及予兄齊孝、宗伯楊惟彥、貳車李世禎文字相砥，泉人以「五子」目之。

趙應 字孟敷。弱冠人邑庠。以註誤謫爲吏。宣德間，授南昌呂一作安典史。以薦擢知浮梁縣，拊教士民，創懲狡猾。縣有青峰渡，灘水悍急，歲患覆舟，應具牲醴，爲文祭之，其患遂息。滿九載，民相率乞留。陞六品秩，仍知縣事。再滿秩。丁內艱除，疏乞致仕。年八十四卒。

崔惠 字迪吉，宋崔琪之後。正統末教諭石城。叛賊陳椿陷縣，執惠逼之降，惠罵不絕口，驅行里許，賊燬草營，遂自投於火中。

溫良 字元善，通《易》、《詩》、《禮》、《春秋》四經，酷嗜六書，兼精畫筆。舉鄉試，讀書國子監，祭酒蕭鑑奇其才。車駕陷土木，朝中有南遷之議。良疏言宜守北京，並陳饒運通州糧草人實京師等五事。戶部尚書金濂薦於朝，不報。尋取戶部奏。良書法既工，復性行和粹。景泰五年，大學士商輅薦入國史館，預修《宋元綱鑑》。英宗復辟，大學士徐有貞等同薦入內閣，典誥勅，授中書舍人。復以薦入直文淵閣，典制誥，預修《大明統志》。聖烈慈壽皇太后、英宗睿皇帝先後附廟，並良填主，賜寶鈔、白金、紵絲。憲宗卽位，以充經筵官，預纂《英宗實錄》。奔母喪歸，尋沒。學士柯潛稱良書朝廷制誥，雖慌速之祭，神閑意舒。學士李東陽美良書法有李北海、趙文敏之風。玄孫顯。

顯 字公宣。九歲登清源山，見人有延本州上山者，輒大書洞門曰：「州有清源，世無清官。」人殊奇之。登進士，授戶部主事。凡有關門之役可脂膏白潤者，悉辭堂委。嘗一解餉密雲，必求足額乃行，以散軍士，懽聲如雷。後復有同官領解餉者四人至邊，軍士相語曰：「何不撥吾曹溫公處也？」轉員外郎，卒。顯有文學，善字書，下及弈棋蹴鞠之戲，亦皆精妙。

王昶 天順四年任程鄉知縣，時寇羅寧等相繼作亂，昶密計領兵勦殺之，民賴以安。昶，郡志無名。

潮州作泉州人，必監生也。姑附此。

楊智 字思明。成化四年，客星變彗，智時御史南都，言：「妖彗示變，災異迭至，自非君臣恐懼，旁求直言，改革弊政，進君子，退小人，不足盡應天之實。」官闕事，臣不敢齒斥，省察裁處，是在陛下。若在廷大臣，則有可言。如南京守備成國公朱儀、參贊機務兵部尚書李賓，俱以瑣劣濫寄根本，設有警急，曷能支持？吏部尚書章綸從事先朝，貞忠自許，掌銓以來，功名損舊，如以子玄應冒貫京衛軍餘，僥倖薦書，欲求事君，可先欺君？刑部右侍郎王恕生平砥礪，到任本月，即託本部郎中黃紱娶故劉指揮妻，旻爲繼室，名爲大臣，可偶孀婦？工部侍郎范理外似純朴，內實奸貪。大理寺少卿金紳背公營私，詳駁失當。應天府府尹畢亨善政未聞，緣資陞用。衍聖公孔弘緒驕恣恃恩，無度荒淫。此皆妨國病民，法所難道。望陛下奮乾斷，嚴黜責，庶可答天戒，安人心。」下刑部覆奏，命禮部右侍郎葉盛、刑科都給事中毛成往按，事皆不行。成國公儀卿之，日偵伺智，冀中以他事。會當郊祀，智赴內府光祿寺點齋，日尚未晨，儀令人鑰禁門，使不得出。智囚宿內臣舍。旦，門官發其事，守備官以奏，有旨械京問擬，降三級，爲廣西布政司照磨。久之，轉化知州，卒於官。黃仲昭稱智「醇厚恭謹，平居春風襲人。義激於中，則如秋露烈日，凜不可犯。歐陽子所謂氣剛色仁，思明有之」。

趙瑤 字德用，宋宗懿王德昭後也。成化初，領鄉薦第一。明年，第進士，授官刑曹。同考會試，擢廣東提學僉事，卒於官。瑤幼孤力學，妙契疾書，身體力行，造詣淵邃。爲人重名教，尚氣節。其擢廣東時，便道過家，羅文毅公倫謫官泉中，造瑤談學，豆肉孟養，終日乃去。至廣東，訪陳文恭公獻章之廬，質以學問，往來詰難，不苟爲同。獻章論：「學禮文，雖不可不講，然非所急。」瑤貽獻章書：「浙人正以胡餘

干不教人習四禮爲疑，何得輒開斯路？」獻章更號海雲，珪書止之，謂其流於禪號。獻章曰：「羅一峰死，僕哭之慟，以爲自今而後不復如一峰者，今乃有執事也。」嘗登厓山，見張弘範勒石紀滅宋年月，題詩其後曰：「忍奪中華與外夷，乾坤回首不勝悲。鑄功勒石張弘範，不是胡兒是漢兒。」時人稱之。珪既尚氣節，又名知文，其同考會試，得謝文正公遷卷，薦置選首，以郎故，爲翰林諸公所壓。而珪批謝卷曰：「狀元、拜相，必此人也。」試文瓊州，取應試士前列，顧時時語人曰：「應試士雖在前列，將來受用乃不及下等者。」應試士竟以渡海失舟，而不應試者無恙。人服其鑒。

莊恭 字儀甫。爲諸生時，從蕭吳仲珠學，而與黃仲昭友。既登第，授刑部主事。給事中韓文等以陷論兩官事被拷訊，恭首疏廷救之。陞員外郎，出爲江西按察僉事，風采颯發，雷擊斧斷。行部南安，上猶令望風解去。入，與試士，得豐城楊廉於落卷，拔擢之。成化丁未，贛寇大哄，禍延閩、楚、粵三省，朝議知恭負文武才，陞爲本司兵備副使。踰月，巨魁授首建昌。瑞州寇復作，間有長鬚善妖術者，能騰空陷陳，勢張甚。恭用厭穰法，出奇殲之。前後俘馘無算，餘悉平定安輯。捷聞，璽書嘉勞，賜金幣、寶鈔凡三。南城張昇、廣昌何高新爲鄉邦計，咸請即本土超擢爲藩使或觀察使。會丁祖母憂，歸卒。恭孝友無間，待人情禮備至，善物色後進，識蔡文莊於童年，期以大儒。見李文祥，指爲年家錚錚。所交游來往，惟周翠渠瑛、張東海弼、雍康僖泰數人。當憲廟時，聞汪直、幻術李孜省最用事，而孜省，江右人也，屢欲得恭爲重，恭絕不與通。年位不滿，世人惜之。孫如愚，新興令，啟愚，肇慶府教授，並有聲。

蔡清 字介夫。成化十三年舉福建解元，晉江之山鳴如玉磬者三日。自幼好學，急求道，略仕進，既舉進士，病告者久之。講學水陸僧寺，江南之士多來從游。他日，爲其母寫容，母愀然曰：「吾聞母以子

貴，今汝舉進士有年矣，吾猶故巾幘。」清聞言大哭，促赴選，得禮部主事，是爲弘治初元。吏部尚書王恕稔其學行，奏改爲吏部稽勳主事，時與談論諮訪，清因（一）見（二）劉於恕，言：「今朝廷之患，在紀綱廢弛，以至十風日弊，民力日屈，當大有以振作之，乃可銷境內之憂，靜疆場之警。」又薦引名士劉大夏等三十餘人，恕皆納用。（八）庶吉士鄒智論事下獄，罪且不測。刑部尚書何喬新方在告，清詣喬新，強之出，喬新卽疏救，智得謫官嶺南。居久之，丁內艱，服除，吏部有不悅者，以補禮部祠祭司員外郎。乞便養，陞南吏部文選郎中。一日心動，乞終養，至家兩月而其父沒，人謂孝感。清每遇親忌，痛哭流涕，終日不御酒肉。

宗族内外有貧乏者，恒賜恤之，死而殯葬之，撫其孤。門人貧者，亦常衣食之。嘗曰：「天地間物，當與天地間人共。一介不取，士當然也。一介不與，故未易耳，蓋仕宦之人屢空而不暇自計。」正德改元，卽家起江西提學副使。時宸濠方圖不軌，凡朔望藩臬官皆先朝宸濠，次日乃謁孔子廟。清至，力請其僚同日行禮，先謁廟後朝王。宸濠生日，令藩臬官著朝服賀。清曰：「臣子見君則朝服，無見王者。」去轍而入，宸濠大怒。一日，與藩臬官侍宴，宸濠嘲清：「公乃不能作詩。」清對曰：「臣平生於人無私。」蓋「私」與「詩」音相近。宸濠益啣之。其後，奏求護衛，同官有傾清者，謂清獨有後言。宸濠聞之，欲誣以非議詔旨之罪。清正色對，遂疏乞致仕。宸濠尚陽善挽留之，且欲以女妻其子。清力辭歸。時劉瑾方專權，駕引名士以掩人心，不數月，復起爲南京國子監祭酒，朝命未至而清已卒。清素羸弱而色清氣和，外閒內辨，與論天下古今，一以禮義折斷，其言剴切而精深。其淵軌貞風，使人妄消躁息。其學初主於靜，後主於虛，謂天下之理，以虛而人，亦以虛而應，因以「虛」名齋。嘗爲密箴，不以示人，積久至五十條，皆自砥自鍼之詞，兢兢然惟恐慚負天地君親，得罪師友。其言曰：「學宜養正性，持正行。」虛心、涵泳、切己、體

察」八字，要訣也。」又曰：「宋儒之道，至朱子始集大成。朱子之學不明，則聖賢之道不著。」故與其徒著《四書蒙引》、《易蒙引》諸書，皆推原朱子之意。常置燈卧榻之傍，或夜分與諸生講論，寢後思惟有得，皆亟記疾書。友善甯永貞、林俊、孫交、楊廉、丁璣、江朝東，而師事何喬新。其言《易》，則師三山林珙。傳其《易》者，則同邑陳琛。至今天下言《易》者，皆推慕晉江。弘治間，士大夫理學中輟，永貞、廉、璣、朝東與清皆崛起稀曠之後，而清與廉尤爲獨得云。萬曆中，僉都御史詹仰庇請易名，賜謚文莊。大學士李廷機復爲請贈，贈禮部侍郎。

郭濬 成化間貢士，任遂安訓導，有士行。

莊概 成化間貢士，知信豐縣，有風概。

莊榮 字本深。正德中任吉水訓導。與諸生講經，多從之者。陞贛縣教諭。

趙璫 字惟德。少通《春秋》，不務俗學而能得聖人之意，著《管見》若干卷。既登第，以戶部郎出監薊州太倉、黃土諸倉，壩上御馬諸廄、臨清鈔關，皆秉正執法，常祿外不入一錢。返泉中，囊僅二十金，至洛陽橋，命兒子納之韉中，曰：「倘有開篋者，毋謂吾贓物乎？」其廉潔謹畏如此。初，璫出監倉時，其家中蒼頭戲射矢，矢中皇城旗杆，錦衣捕治之，連及璫。璫不敢辯，而孝宗皇帝置不問，璫遂乞歸。人謂璫有天道，而稱孝宗仁聖云。

恒 字志貞。舉進士，乞教職，得袁州府教授。遷國子監丞，改南都。遷南戶部主事，進爲郎。出同知浙江鹽運，再姚安知府。恒少有幽憂之疾，如許丞、杜微，故雖以博學名德知名當世，終出守孤遠郡，亦竟棄去。恒去姚安，與其郡縉紳曹黃門書曰：「某海濱賤士，少而疎狂，長有幽憂之疾，其不足以用世，不

待人知之，雖某自知久矣。然所以歷宦中外竊祿十五六年未去者，非但以老母在堂因循升斗間也。某少八九歲時，父母貧，教之干祿，使授書於塾師。師謂：『是兒後利，當有以折伏之。』一日，跪之庭，授之千餘言，成誦，命之起。又復授千餘言，又復成誦，頃而所誦者數千言，師爲一笑罷。既年十五六，自謂此非所以爲學，則又間取書中一二，窮日夜思之，至忘寢食不輟。人曰：『是子病矣。』掩耳勿聽也。人曰：『是子惜矣。』某不爲輟。則又日求當世兵、刑、漕運、錢穀之書，而妄析以古人之意，謂必如是而後可以見之於用，人相指笑曰：『將以何爲！』不顧也。然自某在官也，吏人抱牘滿前，積之盈尺，俯而讀之，能四五行俱下；仰而思之，次第對人，不中肯綮者鮮矣。嗟乎！此所以病也，而亦所以不病也。某教江西時，屬今總制舜澤蘇公評其文，謂人曰：『才乎！才乎！固自別乎！』其愛某也，視其子。爲丞南太學三年，而當今吏部松溪公之爲祭酒，指諸生謂曰：『當觀繩愆君之經濟。』爲主事而司倉場之出納，存乎留都士卒之日者，不敢自蔽也。視司篆歲餘，則嘗申部運之規。而來十餘年，不至之方面，磨算於部庭，却咸寧挖運寄囤之折色，一日而爲空虛內帑留萬數之儲，穀米不足，濟以金，金不足，通以穀米。司徒公陳芹山旦夕立之於傍，筆而與語，前後章疏數十上，必出某手而後定，他人不與也。謂軍士不宜俾輕易得後湖之版籍，以詐害於非其鄉其族之村民，駁回參贊之堂咨，因而大詆某於六卿之前，進退自如也。已而，自後湖來者，盡得軍人之情，以復於參贊，公而後嘆曰：『吾固聞趙正郎，今不復訝矣。』某又欲疏，爲江浙復布絹折色之規，以蠲內侍之誅求。一時寮友爲之動色。疏具，未上而得運同之報。芹山再作而嘆曰：『奇才難得。』某爲出涕。翁在邊陲，則某仗劍來矣；翁在台司，當爲翁及門而獻策，翁不以爲狂也。某聞天之生人，有所限，亦必有所縱，君子之用人，有所用，亦必有所棄。如某者，若棄其短而用之，則亦何遽出



人下哉？今得滇南六七里之郡，遠在萬里外，鳥獸犬羊之與居，尋常自好者薄不爲也。乃不自愛重，屈膝於諸公之前，中心耿耿，亦以宇宙內百年此身，思竊自見分毫於後世耳。今未察其志氣施爲之如何，而其視之也，譬猶鼓策播精以食於人，如莊生所稱支離流者。此某所以燈下自憐，撫劍而歌，恨蚤不焚告於逆旅之庭，掛冠金馬之垣而去者也。」又與張中丞論封閉大理府巖書，曰：「昔諸葛忠武之鎮蜀也，指揮十萬之兵，手持三尺之權。杜微者，蓬蒿枯槁士耳，一聞其賢，禮而致之，知其材，勸之以仕，因其有耳之疾，索筆問答焉。微之功名未著於當世，行誼不見知於士大夫，陳壽因之爲微立傳，不著微之所以爲賢，而獨詳忠武之禮微，以爲大臣盛節。夫忠武治以大德不以小惠，豈有所假借區區微哉？小子某者，七仕而名不稱，萬里而見逐，一日不釋驕履，伐薪於野中，寄食逆旅之館，其爲道至窮而分日卑也。仰惟閣下憐其所繇，非得罪於清議，察其平日，若可與論於治者，辱改容之禮，無以異於採薇之臣。出疆之使，遠及於千餘里之外，旬餘日之間，未論小子某之足以當微之賢，而閣下之心真不異於忠武也。竊謂閣下以此心而加諸賢士大夫，誰不樂爲盡心？以此心而加諸夷漢之人，誰不樂爲盡力者哉？某行矣，敢輒有言。雲、貴二省爲軍士害者，莫扛擡爲甚；扛擡之害，莫如貴州之害之甚也。一軍之給，月不過四斗耳，四斗之直，爲銀不過二錢耳，一軍一家衣布之費與日用薪鹽之費，勢非自致不可也。一人之傭，日可得銀七八分，即一軍之役於官者，月不過四五日，於我猶不爲無負，況乃至於十日與二十日哉！雲南以一省之軍供一省之役，猶云弗堪，而貴州乃以一省之軍供二省之役，即雲南之官其爲行李、衣裝一無以異於貴州之官，猶不免重累貴州之人，況乃又數倍貴州而不趨者乎！原其所繇，一官之尊而貴者，其爲行李、衣裝，多不過十餘擡而已耳，即使節行不修之士，其爲金銀寶貨之擡，不過倍之而已耳，而乃至於倍之而七八十，甚而至

於一二百。何哉？大理之山所產細石，狀如山水，或爲人物，大者鑿爲琴瑟床桌，小者可爲杯盤甌鍾。楚雄、雲南諸郡產銅最多，用官價買之，斤不過一分耳，及其造爲爐瓶器物，則工人之資不過再加一二分耳。此二物者，其爲價廉而易致，而其爲重則至難負也。郡縣之餽遺爲未足，而採辦之人日下於諸郡；一時之搬運爲未足，而僮僕之先後、鄉友之搭附不絕於道；一方之遞送爲未足，而問道之出於某衛某驛者相望也。蓋一站之軍不過五六十名，以五六十名之軍既不足以供七八十擡之用，則五六十名之外，皆典賣兒女以應之者也。噫！亦何忍至此哉！聞先年虞山陳先生巡察時，議封山石，不許採取，事下中輟，至今恨之。而今造作之功愈巧，則採辦之人愈多。若封閉之議與官署鑄銅之禁俱行，則爐錘之聲寂於藩臬，和買之令息於市井，一人之行，可省數十擡，則一站之夫可省數十名，將川、湖、吳、楚諸道之民，莫不鼓舞稱慶，不但二省之軍略有息肩之日也。恒之留意當世，此又其一斑云。恒習《春秋》，所著有《春秋錄疑》，習《春秋》者宗之。爲古文詞，淵源司馬而條理於歐陽文忠。年七十餘尚秉燭讀書。年九十四卒。子日新、日榮、日崇。

日新 舉進士，知分宜縣。下車，會檄賣嚴相籍沒產，牘版繁錯，黠胥乘日新初任，計於中漁利，新受簡，一日無遺，寸田尺宅，莫敢眩舞。徵賦聽民自署多寡投匭中，毫無溢羨。革押班役，最便宜民。鞠訟發摘若神。某甲子愚鄙，奉母不能得懽，母驟病卒，里人以懟逆誣之，吮削殆盡，而實非情也。日新從郡城歸，過其里，假寐輿中，若見婦人爲子訴，首末甚悉，亟呼訊之，爲昭雪。它奇政多類此。後竟爲奸民造蜚語，左遷旌德諭。後稍遷至工部員外郎。

日榮 尚氣誼，以貢爲沛簿。

日崇 字因甫。任南康令，治民如家，閭閻疾苦，纖細皆爲區理。立文會，創學田以興士類。擢應天府推官，積年滯牘，剖決無餘。請託不行，忌者中之，遷南刑部郎。復謫新城令，其治一如南康。未幾，以親老投檄歸。

李聰 字敏德。自其秀才時，則器高意遠，精華燁燁，摩盪雲霄，讀《易》之外，《詩》、《書》、《大小戴》、《胡傳》、《綱目》、《性理》諸書，甚習。微醺境靜，琅然《楚騷》數章，時步其體，跌宕淒切。聞言官抗疏不屈，輒中宵起舞，凌寒賦詩。所著有《易經外義發凡別要鑑斷》若干篇。蔡文莊手標之曰：「大眼目也。」領鄉薦，讀書國子。丘文莊濬爲大司成，口：「可秀才。」《世史正綱》初落稿，遂手授之。登弘治進士，賜禮部宴，主司楊守陟特名而賀曰：「場屋中，如公是有數文章。」賜歸省，授翰林檢討，備雍王府書堂。尋出府，拜長史。丁外艱，畢，改吉府。前後啟王以講學、法祖、進賢、遠佞，章凡數十。既以母老乞歸。正德初，劉瑾搜尋家居遠限，率罷之，聰亦在罷中。尋有詔起用，竟不起。鄉人稱曰古李先生。侄孫逢期。

逢期 字維微。學以不欺爲標領，孝弟爲粟帛，整齊嚴肅爲步趨。繇貢士授瀧水訓導，擢九江德化教諭，寧波府教授，以禮讓風士，士胥化。轉鎮海衛學，寧波人奔送百餘里，數日不絕。終官潘紀善。祀四明名宦。

李雍 字欽讓。舉進士，未滿選，請告歸養。親終出仕，廷議以雍篤孝清苦，特薦吏部，授驗封主事。時人謂之赤脚吏部。轉文選郎，門無私謁。正德初，逆瑾煽禍，時時欲樹置其私人，雍介然抑之，爲附瑾者所忌，出爲南寧太守，時在吏部已九年矣。臨行，塞驢敝笥而已。至南寧，因俗爲政，不立赫赫名。值歲艱，請於朝，減民租十之四。瑾誅，清聲暢蔚，擢廣東參政。會梟鼓起，巡撫、都御史林廷選下書

致之，雍躬履戎行，不遑啟居，遭疾於電白官舍。南寧人祠雍名宦，載之郡志。從侄汝嘉。

汝嘉 字士美。舉進士，授戶部主事。有貴幸侵民上者，朝命覆之，得實，奪以歸民。權湖、湘商舟，清兩廣財賦，搜剔奸蠹，無敢私於。陞員外郎。尋陞金華知府，道聞母喪歸。服闋，改衢州，修建郡、邑二學，均徭役，賑貧乏，葺武備，雪冤滯，建橋梁。衢人頌之。後陞浙江參政，致仕。汝嘉博學能文，氣象巖巖，初見若不可親，久則見其誠，盡不能舍去。家居時，丘文莊濬當國，獨知之，每見泉人，問居起，自惜當事之遲，不及命以大其用。孫繼芳、繼華。

繼芳 字克奕。以乙榜授六安州學正。時唐順之巡撫兩淮，召之講學，間談時事，大致鑒賞，擢乳源令。嘉靖甲子，粵中大羅山賊流劫至縣，時大動官軍征勦，繼芳牛酒犒師，激以忠義，百計捍衛，將士感奮，所向克捷。陞刑部主事，轉員外。尋陞貴州僉事，備兵思石。水西土酋安國亨爭立構變，繼芳力主撫議，安氏懷畏，終繼芳任無敢譁。後以貴州參議致仕。壽八十餘。繼芳醇深有度，簡靜自守，老與親友款款，竟日酒中，繾綣出所記憶，與處者皆得意忘歸。

繼華 萬曆丁卯鄉薦，知始興縣，腹畝融賦，以從輕減。朔望對諸生講解。所著有《四書日講》。更賜其貧乏，完聘其無室家者。始興人載之名宦。

黃鏐 字于宣。舉進士，授南戶部主事，轉禮部郎中。擢守思恩軍民府。思恩故土官岑氏世治，初改爲流，民夷雜處，餘孽時跳梁。鏐至，悉擒捕之，仍團結保伍，令民緩急相救。增設縣治，定稅均徭，建學置驛，治如內郡。移守桂林。丁艱，卒。兄銘，同榜，官戶部員外，清謹。

田崑 字景瞻。授南戶部主事，擢南吏部驗封郎中，尋陞寶慶知府。顧璘華玉以詩贈行，有「默默長

埋采，寥寥獨守玄。知音空四顧，立德眇孤鶩」之句。崑守寶慶，戢岷藩校卒以法，楚地開曠，教之樹藝，發金鄰郡糴麥種千斛與民，歲大饑，發廩施粥。以親老，乞歸，行至渡頭，見一老人偕妻子挽車泣曰：「公去，吾民失望矣。」詰其姓名，罷役老人也。少頃，袖出青柑，跪獻道左，且泣且送，固辭方歸。崑因嘆曰：「我罪者猶不我怨，方知直道不遠，高子羔則者之事不誣也。」家居，築室城北，息機頤氣，終日如禪定。泉守王士俊以崑與司徒顧珀、尚寶少卿李源、郡守黃偉立「善俗坊」四達之衢以表之。弟崑。

崑字景玉。居常以豪傑自負。初授均州知州，值凶歲軍興，多方撫賑。武當山鎮守中貴貪虐甚，崑力制之，爲中貴所啣。故事，州官朔望謁山，道士當出迎。他日，中貴故令道士不爲禮，以激怒崑，崑果怒咎道士。中貴遂毀醮壇萬歲牌，誣奏崑，逮繫至京，逆瑾用事，構成重獄。大理卿燕忠疏雪其誣，得削籍歸。均人謠曰：「太守憂民抗猛虎，直道難容棄如土。」晚隱龍溪之上，有志神仙之術，或連日辟穀，或一月蓬頭，時舟持杖，時背黃犢，時群白鷗，庶幾旦暮遇焉。孫楊。

楊字廷叟。舉進士，殿試進御，已置及第矣，世宗閱其名，曰：「田中不得有木。」移置二甲第一。授禮部郎，終廣東參議。奉命採珠，同事者分貢上餘珠，可十六觔，楊取而投之井。

顧珀字載祥。少而忠信好義。弘治中舉進士，除知虹縣。丁父憂，民曰：「虹人無福，顧公去矣。」服除，補旌德。察疾苦，擇行便利，訟獄立剖，必以情，鄰邑淹繫，咸來質。勤於積貯，寧國一郡歲饑，獨旌不害。擢守和州。復罹大饑，不俟申詳，倒倉庫賑恤。巡按奉部檄督通甚亟，珀計民貧無措，召富商諭以大義，悉來輸貨，秋成還之，商民兩無所累。州有蘆課，故屬諸大姓，課官莫誰何，部使者日督過，欲自經死。珀曰：「毋恐。」立召大姓諭之，皆諾，乃爲嚴立限，比而濟以寬，皆無敢後。以治行旌，坐嘗忤劉

瑾，僅擢南吏部考功郎。丁母憂，服闋，除兵部武庫司。諸司薪隸，舊以衙門大小有所軒輊，珀一例分給，收倉廩俸米，除斛面，杜侵盜，納戶便之。京衛勾解，積猾影射爲奸，珀取戶部月支冊按對，無所得弄手。軍士有功陞職官，原籍多解丁補伍，珀請查黃印綬監實者，將戶丁發回原籍當差，免其重役。蓋珀爲郎當正德頽綱之日，執法秉正，獨冠一時。陞湖廣布政參議，督儲起運錢糧，及王府祿米、衛糧餉。節年負額幾倍，珀設法綜會，賦以不虧。潞江屯田緣岸圯，損額，珀數累年拖欠軍士月糧，每石折銀三錢，令軍士砌築。丈者給銀六錢，岸堤悉壯。行部至蘄，有妖僧詐稱奉勅往名山掛幡，所在恣橫。密發其奸，置之法。寧庶人兵起，珀扼黃梅，爲池皖援。會武廟親征，民爭逃竄，榜諭安輯之。事平乞休，四上不允。世宗入承大統，以護送聖母勞，有金幣之賜。復上疏乞休，遂陞湖廣按察副使，予致仕。都御史秦金、吳廷舉、席書、御史何鰲、唐符、馬紀前後薦聞，而桂文襄公萼爲縣時爲珀所知，文襄當國，欲大用之，嘉靖五年起四川按察副使，整飭威、茂二州。既至，修理城堡、墩臺、關口，召募武勇，彈壓羌夷。歷年賞番虛糜，歲五萬餘兩，一核實，餘銀幾萬兩。廣募民鑿石炭、開衢路，以便商旅。土番來貢，率挾利器，珀創會館郊外，使人守之，令釋刀易馬人，遂爲定規。踰年，陞河南右參政。方乞致仕，又以薦陞江西左布政使。入庫省藏，見三巨桶封識朽敝，簿籍不載，發之，金也。時朝廷有龍虎山之役，方議派民，遂告撫按以署工程，餘作歲例解部。尋擢南京太僕寺卿，檢舊牘，舉馬政。近郊有腴田荒蕪，問之，屯田也，以官徵宿逋故，不敢耕。珀令軍開墾，成田之後，依畝徵糧，取足額而已。陞南京太常寺卿。尋陞南戶部右侍郎，署篆，疏上便宜十二事，留心度支，京廩充溢。攝憲部、攝都臺兼督江防，精嚴仁恕，不動聲色而事治民安。與屯田御史疏請除豁久荒屯田浮糧畝數，立追徵則例，至今遵守。珀抱深憂於根本之地，振古誼於形勢

之塗，在部五年，入化毛公之儉，而畏楊綰之清矣。履行乞休，乃許致仕。年八十六卒。撫按表聞，賜祭葬，贈都察院右都御史。珀清夷簡諒，恬澹寡慾，歷官未嘗以家累自隨，室中絕媵侍之奉、聲樂之娛。童僕出入皆短衣芒鞋，毋敢履襪。平居燕處如齋，端坐如塑。遇二親諱辰，素食悲悼，老如一日。令節、聖旦，躬率子孫拜祝。朔望率合族謁祠堂。教子侄以守法循義。窮民有喪葬不能舉者，輸罄周恤，不責其償。居常絕意於謁，至一方利病則不憚臲切，上說下教，力可爲者卽自任之。其於息爭論善，常以懿言代鐵鉞，和色當醴醪。不義者忌珀之知，而衣冠後進望以爲楷。陳琛稱珀：「歷任中外，如凝冰出壑，素月懸秋，火輔衆美，不守孤節。王慎中稱：「有宋名臣，或有恬澹著稱，而晚有溺色之非，或以剛忠持世，而生有使酒之病，或名敏達，而未嘗不止貽譏，或號敦龐，而臨治無能見少。惟珀始終克免瑕瑜，爲耆碩完德。」

林同 字直正。受學李鴈山雍，既隸鄉校，從蔡虛齋學，益知原本，既成而鄉後進皆師之。弘治辛酉，領鄉薦。正德戊辰，授樂陵教諭。丁外艱，補丹徒。丁內艱，補萬載。擢金華教授。所至以平生傳習與諸生講明，早晚有常，寒暑不倦。其於文廟致潔祭祀盡誠，又諸學上官所不能精詳者。其在樂陵時，令則許忠節遠，在丹徒時，令則桂文襄尊，在萬載時，巡按御史則唐龍，學使則邵銳，皆一時名公，並加器重。邵出視學，同率諸生迎見，長揖不跪，邵甚喜之。既入學，見廟廡潔清，意外觀而已，行至兩廡窮處，手循桮案，莫不淨明，益自號舍，行人私廨，悉見整飭。召諸生進講，則文義敷暢，知其勤於訓諭，大加嘆賞。既遷教授，臨別，嘆曰：「公德浮於位，勝位浮德也。」兩典湖廣、陝西試，所得悉知名士。陞兩浙運判。先是，判鹺者率巽輿乾沒，禮不匹於堂官，威不行於巨賈，法不加於豪胥，恩不究於弱竈。同勘虛弊，

循憲條，清公自守，不刻不濫，商竈皆悅。內閣張公孚敬家處海上，亦竈籍也。海上士大夫懼海賊時至，共言張公，議卽瀕海一帶垣之，約二十里，名爲沙城，駕言竈丁沙地摧崩，宜築城爲壯者。張以告浙省，當事諸公莫不唯唯。運使問同，同曰：「築沙城，士大夫欲之。若竈丁者，未嘗欲也。費且不貲，既不聞上，奈何專之？」運使言御史，御史不善也，願以委同。同念張公勢盛，士大夫倚張作威，竈丁卽不願欲，無敢明言者，立案堂下，案具一紙，或願或否，令各畫紙。已，無一畫願者。遂報罷於御史。會張亦罷相，御史如同言。居兩月，張復召入，御史頓足曰：「沮沙城者，君也。張公嘗面斥太宰，太宰俛首不敢聲，況乃我耶？大誤！大誤！」遂劾落同官，乃張竟不行御史言，而同乞歸矣。後御史留同曰：「我則知公，不似前御史，公何故辭？」同決棄歸。同弱不勝衣，而內養充完，呐不出口，而講論道德性命，根極中肯綮。里居，與村中叟老談民風農事，雅俗相忘，古人之風也。所著有《正學蒙引》、《龍峰遺集》。

張元璽 字國信。父旺，成化中舉人，孝養二母，推財弟昂，未授官，卒。璽少從蔡文莊學，深造自得，淡於世味，與陳紫峰琛、李筠溪輝、王一臞宣號稱四傑。弘治中領鄉書，除滄州學正。端軌興文，士習顧化。流賊陷滄州城，閉齋自守，賊相戒勿犯，學傍居民藉以安堵。遷國子監學正。擢建昌同知，未任，卒。

冕 字莊甫。旺孫也。爲諸生時，讀張襄惠公所作《羅一峰書院記》「推本不欲不爲，謂得其本心」，嘆曰：「此正學也。」既領鄉薦，念父老，得所給坊金，悉以治具，不就會試。已，登丁未進士，授烏程知縣。躬履清素，平均賦役。江南中倭，高築城垣，分習技擊，立隊伍，密偵哨、訓練，兵氣大作。歲乙卯，倭犯太湖，抵蘇之洞庭，冕陳兵湖中，遣之隨賊，射斃百，倭走之。倭犯北新關，冕計其必取道新市雙林以



歸，伏弩桑柯林中邀擊之，擒斬甚衆，又躡戰於鶯脰湖，敗走之。丙辰夏，倭繇烏鎮入，將掠湖郡。烏鎮，冕所轄地也。賊衆號萬，我兵僅千五百人，冕分布迫賊地，身往來督視，賊徘徊不敢進。時議者慮城中單弱，備兵使者數檄冕還城守，冕曰：「戰卽守也。」益治兵，仍令分地督捕其出掠者，時時殺賊級，奪賊戰具。賊留四日遁去，湖人盡稱冕功。坐爲權貴忌嫉，遷桂林府通判。劇賊張璉焚劫廣東，朝廷以冕在烏程故有偉略，擢廣東兵備僉事。至不三月，連縛潮陽、惠來二酋，平其巢。總督張臬檄冕兼二哨攻璉。冕首破其丁坑營，璉竟以敗。乃論功不及。癸亥，倭圍潮陽，冕引兵入城，倭營城西，冕背西城督戰，衆稍却，冕獲先却者梟之，整隊向賊，賊遂遁。越數日，復寇城南，冕復督兵戰。兵又却，冕又梟先却者，麾而進。再却，再梟一人，提二人頭以令，皆倍勇擊賊，賊盡却走。其他設機應變，百守百禦，蓋圍五十餘日乃解。擢湖廣參政。當倭圍潮陽急時，冕城守至嚴，無舉人、秀才，悉授兵登陴，舉人登陴而惰，冕扶責之。至是，中忌者口，復追論其擅殺戰却事，遂落職知化州。廣西賊寇化，冕修城練士，堅不可入，寇遁去。尋兩廣寇起，復自化州薦用廣西撫夷僉事，駐節桂林。至則立營堡，分信地，明賞罰，什伍衛軍，領以武職之良，編甲授藝，令關自爲守。終冕任，桂林不復有賊警矣。遷本省參議，分巡右江，安民弭盜，施爲方有成法，而忽報罷。冕筮仕二十餘年，名節自砥，視權門若浼，視污吏若仇。木鐸、鄉飲酒禮、養老、存孤，古人教民之具，而今所謂迂者，悉實意推行之。考功注冕考：「一介不取，百折不回。」司空劉公麟遺冕書每稱孝廉，期以鐵漢，且云：「知先生者，必衡雲鱸魚。」徐文貞公語人曰：「張某執法稜稜，民畏而愛之，士大夫畏而惡之，盜賊畏而避之。」家居，尋常不涉公門，災警祈禱所司，如身痒痛。先時泉府苦倭，田荒米貴，冕在廣東，勸諭粟商方船而來，里人得全命，碑之，莊廬而記之。孫穰，登河南鄉試。

粘燦 字中美。仕南御史，有才望，所居潯溪鹽場。潯溪鹽課獨重於他場，燦上書奏減，潯溪人春秋祀之。任鍾崑。

鍾崑 字子瞻。爲眉州學正，卻人學費儀。署丹稜縣。前官取帑金百餘去，吏自當發，鍾崑補以餘俸。更署眉州。追徵例有糧戶分頭二千餘金，鍾崑故遲之。俟徵過而後署任。擢知安定，陝西邊邑也，民逃亡過半，鍾崑極意招徠，三年成聚。每書勅兒口：「善自治生，我不敢以百姓脂膏爲若等資斧也。」卒於官。

蔡祐 字體順。三歲而孤，其母梁艱貞守之。梁，見閩閩志。祐數歲，哀不見父，掩泣發憤。稍長讀書，敏記深研，抽心繹腑，如絲有緒，循而緝之，丈引尋續，出與人說，証喻參伍，窮極條貫，卒有要倫。從田南山受蔡虛齋《易》學，既盡得田氏《易》，復以新得疑義往質，虛齋曰：「我學如是。」最好《朱文公家禮》，講肆行之，其於作堂、寢具、器服、物品，貧不能如志，而意常合，其造次必於禮度。舉鄉貢，赴禮部不第，就銓養母，得新寧教諭。母艱服除，改海寧，遷湖州學教授，致仕。祐所至教士，皆悅附動變。其諭新寧時，上官檄視邑篆，省文書，所宜施行，上聞下施，且行且請。不取邑中一物，會其母病思簞，有持餽者，遂受之，邑人以爲特事。其自海寧徙湖，士爭畫像，乞留衣帶。去湖亦如之。子克廉。

克廉 字道卿。年十九舉嘉靖己丑進士，除戶部主事，乞改南。尋調北部主事，陞員外郎中。先是，大同軍謀叛，總督劉源清逮下獄，久不決。及克廉治源清獄，論邊鎮大臣論死以快叛卒，非國體，且源清先有助破寧庶人功，請宥之。劉得毋死。張延齡者，孝康皇后弟，坐罪下詔獄，先後提牢主事恐傷母后心，寬之。肅皇帝廉知，怒責尚書，罪諸先後提牢者。克廉坐謫廣德州同知。久之，量移廬州同知。累遷

江西提學僉事、廣東提學副使，兩省士先後成進士者，多爲名臣。陞浙江右參政、江西按察使、右布政使。尋擢僉都御史，被劾，得白，以原官起撫江西。陞副都御史，總督漕運，條漕政八事，請城寶應以防倭，平通泰賊。入爲戶部右侍郎，俄轉左，晉南京戶部尚書，時年四十有九耳。會外病邸中，而振武營兵變，以減餉故射殺侍郎，克廉以是罷歸，尋卒。克廉在泉，與梁懷仁、王慎中並少年高第，以文行相砥，出與唐順之、羅洪先、鄒守益諸公往復討論，卓然有志於道至爲。人純明溫粹，當官穎識敏裁，處繁應卒如揮游刃，對賓客談語，拓舊爲新，惟小至大，闡微極著，更出互生，世人莫不推其才具。子應麟。

應麟 字子瑞。自兵部郎改吏部。時萬曆之季，正官多懸缺不補，應麟以文選副郎掌文選者久之，方正確覈，雖親故不私。被誣，逮繫詔獄，年餘乃出。天啟初，起田間，數歷太常少卿，卒。應麟雖以謫起家，所治官方正確覈，一如其平時。

陳寧 字士泰。登進士，知東莞。束書數篋赴治。至，則以吳隱之《飲食泉節詩》爲佩符，曰：「不如是，則氣餒畏人，何能排天幹地？」東莞舊有堅訟，寧訊立洞，大批數語，兩造各甘，一境皆驚。有作《神君詩》頌之者，寧曰：「吾非能神，吾得其意於《春秋》焉。樽節人情天理而輕重吾權衡，於常律時例之外不能吾制焉耳矣。」繇此，閭左之老猾豪右皆惕警蹇縮，不敢出繩墨，東莞大治。政暇，左經右史，俯讀仰思，有一得，即人邑庠召進諸生課試之，以所得發其疑，使各自思，而因以授之鄉社，窮鄉遐里皆知向學。年三十四卒。臨沒，嘆曰：「天其不喜人爲善耶！」

黃寬 字經裕。正德間知陽春縣，士民稱寬之政無媿其爲名。既陞任矣，群謂地方多故，詣闕乞留，遂以通判再任，數年乃去。弟瑗。

瑗 字純玉。知長山縣，值東土旱蝗，多方賑濟，鄰境饑民悉來就食。有老嫗，子商販戕於盜，瑗計獲真盜，置之法。青齊有疑獄，藩臬檄瑗鞠，無不得者。陞戶部郎，出守肇慶。修隄防，輯戎事。恩平賊首蘇宴、唐國欽相繼作亂，集民兵勦滅之，論功進三品秩。既廣西盜起，復統肇慶兵會捕之。政暇，與士大夫雅論浩歌，雍雍如也。卒於官。從侄孫憲清。

憲清 字以憲。父伯善，仕衢州同知，有詩名，詩學杜子美。憲清領鄉薦，授陽春令。陽春獷悍多盜，憲清省訟輕贖，禁絕追呼，摘一二大猾，置之理。邑賦歲故不滿萬，後以兵燹裁□，然飛詭相仍。憲清歷陂陀，入崖瘴，自攜草具藁席，芟止田舍，按畝清丈。丈後多羨，取足故額而止。已，又通融邑賦，歲減田租十二三。陽春人德之。遷廉州同知。珠海，其所掌也。珠海故守以戈船兵校，墨者縱兵校人海竊珠，詭云游徼而陰與爲市。憲清諭兵校：「盜珠者至，乃出捕之。無盜輒出，與盜至不亟捕者同罪。」廉與雷陽缺守，憲清兩視其守事，悉以節省惠利見稱。奔其父喪歸，而尋卒。從弟志清。

志清 字以度。父錫，仕知州。志清年十四則已見知於督學胡定。萬曆辛卯，鄉薦第一。乙未，成進士，選翰林庶吉士，授編修。空一切苞苴，寤不渝志，時時寄家書，輒有「毋陵鄉里，干有司」之語。無年卒官，遺書數篋而已。

李源 字士達。除戶部主事，差監福清倉儲。倉故置中貴人十人董視之，中貴人數治酒饌爲好會，源每會舉杯濡脣而已。中貴人恚不得恣所欲，則搆兵備趙副使侵撓倉事，擾吏徒。源疏以聞，并劾中貴人罪狀。事下戶部，尚書孫九峰交歎爲得職，每舉源官氏稱於曹中，數爲冢宰馬端毅文升言之。時逆瑾

爲逆瑾憾沮，而源亦乞歸養矣。其後言者屢薦於朝，就家起南京文選司郎中。久之，遷尚寶司少卿，竟不起。源爲文法左氏，其所獨到，斷破規矩亦自爲方員。宅燬於火，久不能興，郡守王士俊曰：「以吾爲守於斯，君子無以處！」捐貲助之，又爲立「善俗坊」，表於四達之衢。

陳永 弘治間訓導，終養，睦族好禮。

敦質 仕惠來、安東二令，三剖其俸資，公諸兄弟。泉人稱孝友先生。

會 嘉靖間貢，萬安訓導，有學行。

安 字叔敏。父曾，以國子生仕涪州州判，善經尺書。安，萬曆初應歲貢，仕終國子典籍。爲人孝友廉朴，筠簪布袍，冠履棄落，賓坐如隅，主迎若趨。居庭惡聲不及犬馬，而訓飭子弟嚴於朝堂。子鳴華，參政。

張文應 字廷鳳。治《春秋》學，義據通深，讀《三傳》者多師之。舉鄉試第二人，乞瑞安教諭。鄰邑諸生聞其文質競爽，皆來就學。遷樂平知縣。縣當姚源寇甫定之後，民疲兵燹，文應撫摩綏輯，以寬徭恩衆爲務。宸濠稱亂，執戈從勤王師，王文成奏功之日，獎賞有加。去官，士民書石紀政。去之七年，復裹糧赴闕陳保。子天衢、天叙。天衢，仕訓導，有學行。

天叙 以鄉薦領教官，分考浙江內簾。其時取士皆外簾用事，內簾具員而已。天叙閱卷得顏鯨，必欲御史登額，御史不許，天叙曰：「謂朝制何？」出聘幣還御史，辭御史去。御史不得已從之。後鯨竟至大官。知遂溪縣，政尚廉平，遂溪人祀之名宦。

葉寬 字栗夫。正德中知蒙城縣。蒙故無城，流賊劉六、劉七突入縣。寬方趨謁鳳陽府，獨其妻陳在縣廨，衣丈夫衣，繫印肘後，馳馬入鳳陽，解印予寬。人皆曰：「葉令婦何必減令！」遷工部主事，監通州磚廠。中貴人賂寬寶玩，寬峻拒之，皆不敢橫藉爲奸利。嘉靖初年，爲營繕郎中。時賜陳皇后父都督同知萬言第於西安門外，寬與員外郎翟璘董役。部尚書言其地迫宸居，高廣踰制，宜半裁之。旨未下，萬言佯疏辭，且言丈量規畫皆寬、璘主之。世廟怒，逮寬與璘下詔獄拷訊。尋得釋，出爲浙江參政。置贓令於法，上官不見容，被擠歸。

林鉞 字宏用。授崇仁知縣，改增城。遷南戶部郎中，出守太平，卒。鉞令崇仁時，爲崇人奏免南北二運，雖未施行，崇人德之。時才名有聞，而年方少，寧庶人欲勒致之，鉞曰：「令可屬鏤，不可易肝膽也。」其守太平，奏免水旱災傷，沒豪右匿田入學贍士，築楊家壩，栽采石諸驛供應夫，革馬政群長，召種荒田，歲省浮費金數千，增穀至十餘萬石。及卒，士民祀之名宦。鉞與關西呂柟相友。善詩能書，尚寶李源稱鉞詩「挾江其委，挾岷其奇」。

陳奇 字士特。銓新泰教諭，庠中有老聃像，以孔子侍，奇申毀之。兩典鄉試，遷南京國子助教。轉河間府印馬通判，盡革馬戶詞訟贖罰，令納紙數集備案牘而已。河間爲京輔郡，有印馬、巡按、巡鹽三御史，印馬御史却抵人罪，奇以直上，御史駁却者數，竟不改。御史曰：「判何拗也？」尋怒以他事，會得巡鹽御史解乃止。已，巡鹽御史語奇，奇復不拜謝。巡鹽御史亦不悅，於是交劾落職。貧無行資，有堂吏白奇：「御史劾公，未得處分，有秋季馬尚可往巡，亦資斧一助。」奇曰：「棄婦則不可復事事，娶婦則不可復改守。吾娶且棄矣。」鄉縉紳在都下者憐其操，爲言於新巡鹽御史，資給之，始得携孥歸。民曰：「菩薩去

我。」

洪聰 字謀甫。正德末知南安郡，性有執持。甫蒞任，值大駕南巡，藩司諭預處上供費。聰上牘，以地僻民寡，不及它郡一縣力，請減損。議至再。駕旋，郡無錙銖之擾。民甚德之。屬邑佐有怙當道震民者，執之，民稱快，反被誣誤。後事白。卒於家。

蔣孔燭 字君和。〔一〕知通州，有聲，擢南戶部員外郎，遷郎中。督賦浙江、江西，蒐故牘，得乾沒鉅贓，株本窮節目，技尋條剥，所得積逋溢新賦，謂藩臬諸司曰：「上念財計弛敝，某得與斯役也，急則擾民，緩則病國。今所得賦，皆已出於民未入於國者，財集而不擾傷，庶裨國哉！」比反命，世宗嘉勞，特賜褒美。改授刑部郎中。坐以才取忌，四十而失官。既廢，事母至孝，時時行廚宴，與竈養漿婦分役，寒暑衣服振領循祛，非潔新溫軟不使近親體。買宅及田，與弟共之，不使己子豐於弟。泉人稱其孝友。從子廷堅。

廷堅 字國紳。精治《春秋》。萬曆初應恩貢，授壽昌訓導。轉山陰教諭、漳州教授。為人坦夷忠厚，而翫直自將。語僚儕曰：「吾自作人，非善業官也。」第人與官有以異乎？

吳希澄 字克靜。授廣東長樂知縣，勸農桑，廣積儲，雖旱不害。民以情訴者，進見無時，虛心曉譬，曲直咸平。會有老監司貪黷無厭，希澄耻為阿徇，大拂其意，久之，復與爭獄，竟為所中。歸隱靈源山下。王慎中贈之詩曰：「家在深山非避秦，相尋正及桃花春。近看道氣眉間異，暗接心期語下親。」兄子從憲。

從憲 字維時。授行人，擢監察御史，巡鹽浙江，按山東。人為河南道掌計事，再出按浙江，竟出為江西副使、浙江參政。尋以副使量移，卒。方從憲巡鹽浙江時，新鄭相修鄰於華亭，相語從憲曰：「華亭

家私鹽盛行，國法甚嚴，可輕貸乎？」從憲歎曰：「相授我指矣。媚新相害故相，吾不能也。」時海忠介瑞中丞南都，亦不能無奉相意竊華亭，從憲至，獨寬處之，不唯不問私鹽事，且勸海公無失禮於華亭，使聖天子有薄待舊臣意。小吏有承風旨齟齬者，輒痛絕之。其巡按浙江時，浙人有爲大冢宰者，方望從憲舉其子鄉薦，周旋慰勸，從憲蔑不應，竟失大冢宰權，遂從外轉。從憲寬洪有雅量，爲御史，不作氣矜張，人第見其草野夷易，無驚擊名，而不知中懷耿介也。

〔校記〕

〔一〕〔九〕「履豐」，本傳作「履豐」。

〔二〕「王昶」二字，各本原脫，據本傳補。

〔三〕「汝嘉」二字，各本原脫，據本書卷八十三「皇朝科第」和「李汝嘉傳」補。

〔四〕「式」字，各本原脫，據「十三經注疏·詩·周頌·我將」補。

〔五〕「輒」上，各本原衍「則」字，據文義刪。

〔六〕〔七〕「字」下，各本原闕二字。

〔七〕「授官大理」下，各本原衍「右」字，據「明史·職官志」刪。

〔八〕「恕皆」下，各本原衍「恕」字，據文義刪。

〔一〇〕「後以兵變裁」下，各本原闕一字。

〔一一〕「蔣孔燭」，各本原作「蔣孔陽」，據本卷傳記目錄及卷八十三「皇朝科第」改。



## 閩書卷之八十五

英舊志〔二〕 縉紳

泉州府 晉江縣五

皇朝

有傳

陳琛族弟讓。

史于光

丘養浩

黃潤孫國賢、國彥。

王煊

易時中

曾仲魁

蔡潤宗

王慎中

王宗濬係廷後，廷檢。

李仁

伍鎧

梁懷仁

洪富孫澄源，族子猷。〔二〕

林性之了一新。

黃光昇子喬棟。

莊深 蔡元偉 徐榮子用實。

何元述

吳銓

陳露

楊景辰〔三〕

陳琛 字思獻，別號紫峰，學者稱紫峰先生。自蔡文莊以理學教人，繇場屋之業引而入於聖人之道。

琛去文莊稍後，自以其意爲朱文公之學。一日，文莊得其文於故長史李聰所，嗟異久之，李長史曰：

「此吾徒也。」文莊瞿然曰：「吾不敢爲之師，得此人爲友，足矣。」琛乃介長史稟學於文莊。文莊曰：「吾

所爲發憤沉潛而僅得者，以語人，常不解，不意子已自得之。」延禮之，如朱文公所以禮李通者。督學江

右，請與偕行。歸而設科學宮之傍，與郡城之月臺寺，四方從學甚衆。琛之言曰：「道，一也，無高深、大

小、微顯、遠近、精粗、常變、同異。自吾人所見，則有高深、大小、微顯、遠近、精粗、常變之殊，此所以有難知，有易知，有可以語，有不可以語。苟能一旦豁然，則剛風上轉不爲高，南極下入不爲深，茫茫載地不爲大，涓涓穿石不爲小，鬼神屈伸往來不爲微，草木榮悴開落不爲顯，經濟乎四海九州不爲遠，致慎乎閨門衽席不爲近，聖賢制禮作樂之本不爲精，童子灑掃應對之節不爲粗，周公誅兄不爲不悌，石碣殺子不爲不慈，大禹之家傳不爲德衰於堯舜，湯武之放伐不爲得罪於夷齊，陸象山之主靜不爲枯寂，朱晦翁之分析不爲破碎，周濂溪專授太極於二程不爲私學，二程不授太極於諸子不爲各教。蓋太極渾然，事事物物無不各具，吾人耳目所見有常有不常，心思所測有得有不得，此高深、大小、微顯、遠近、精粗、常變、異同所繇分。而學者之進入不容無難易，教者之指引不容無差等也。」其所記述以授弟子，則有四書、易經淺說二書。其族弟御史讓謂：「文莊《蒙引》得聖學精深，間有意到而言或未到。及其所獨到，則可以發文公未發。紫峰《淺說》得聖學之光，意到則言無不到，及其獨到，又可發文莊未發。」而琛猶自謂「此訓詁之屬」。更欲於門徒之中得夫勵進退大節、破名利兩關、言峻行古，與之游塵埃之外而細論，夫顏子所謂彌高彌堅者。是以一時從學之士，多有洞視今古、傲睨宇宙之懷。以儒士舉鄉試。正德丁丑會試，考官尹編修襄得其文，以語總考官靳文僖貴曰：「造詣精深，此必陳白沙門人，不則蔡虛齋也。」釋褐，授刑部主事，乞南，得戶部，調吏部考功。以母老乞歸養。嘉靖七年，大臣有薦琛有用之學，不宜在散地，下詔徵用，辭。又一年，卽家起貴州按察司僉事、提督學校，俄改江西，皆力辭家居。掃却一室，偃仰其中，靜觀天地萬物消息之變，古今興衰治亂之跡，與夫世俗炎涼向背之態，或悠然孤笑，或喟然獨歎。時或縱步阡陌，與農叟談俗叙故爲樂。發爲詩歌，灑脫質任，超然物表。爲文，層層嶄嶄，發性露光，如危峰矗石，枯條潤

葉。文莊沒，道德行誼無愧師門者，琛一人而已。生而雙眸煜煜，玉色金聲，美髯蒼骨，皮肉細膩，手紋如亂絲，胸有紅痣三四寸。其卒也，所居後浦潮汐不至。士大夫聞之，相與歎息。有司爲祀之學宮。張襄惠岳祭琛文曰：「嗚呼！紫峰一世人豪，有蟠屈萬古之心胸，有瀉落長江之辯論，有避世之深心而非玩世，無道學之門戶而有實學。」而予先子請祀學宮之祠曰：「望風標似神仙怪物，聽議論如濂洛真人。」世論以爲平當。

讓 字子禮。琛族弟也。舉嘉靖辛卯鄉試第一，聯舉進士，授紹興府推官，徵入爲御史。劉東山者，長安中陰賊市人也，以事繫獄，而提牢主事羅虞臣笞之，怏怏無所洩，則挾奏建昌侯延齡求自脫。建昌侯者，孝宗皇帝張皇后弟也。孝宗皇帝無他寵遇，皇后獨專宮，而建昌侯與其兄壽寧侯鶴齡並倚椒房恩恣橫都內外。世宗在藩邸時久聞之，既人繼大統，母張皇后，已則母本生睿太后，而稱張太后爲皇伯母。上嘗朝，皇伯母待上倨，上心不悅。會建昌侯怨家發其在武宗朝殺人事，且誣侯謀逆，上怒，下刑部按侯罪，繫侯獄，并逮壽寧侯。壽寧死，建昌侯獨久繫獄中，則時時撫探傳志賞罰無章之事，書其端曰「君道不明」。東山伺侯書時，輒竊取而藏之。他日，牢吏弛侯鉗繫自便，繫東山，東山不受繫而虞臣笞之，東山遂挾侯手書上奏，并及虞臣云。此時上怒侯，加等，侯死罪，以虞臣與先後提牢官弛侯繫者皆杖謫之，而赦出東山。東山出，益僞張疏草，持喝侯家，日鮮衣怒馬恣行長安市。一日，諸御史謁貴溪相言，言謂諸御史：「誰能治此？」讓曰：「讓能。」東山所居東城下，是時讓方巡東城，會東山怨其父，關弓射之，不中，父走訟東山於讓。讓曰：「東山死矣。」窮捕之。東山急，反奏讓與侯通賄，復追奏侯謀逆事。上益怒，逮讓與侯，移繫詔獄中，而東山亦繫獄置對。東山益株引所不快定國、京山諸公侯。皇伯母至衣敝襦，席藁爲

侯請。上並不許。讓從獄中上書：「劉東山，市井小人耳。結構奸黨，陰毀聖躬，妄連宮禁。陛下有帝堯既陸之德，而東山敢對陛下言漢武巫蠱之禍。陛下有帝舜底豫之孝，而東山敢對陛下言暴秦遷母之事。若復赦不誅，則將睚眦殺人如郭解矣，離間骨肉如江充矣，忍於弑父而邾定公瞿然失席矣！」書奏，上悟，會按詔獄者指揮王佐謬爲私東山者，次第詰得其情，具奏，反坐。上乃繫死東山，赦出讓，復其官。而讓一時名大噪都下。初，讓蓋嘗買民家杜氏女爲妾云。方東山之奏讓也，謂讓所買妾實侯姻家，讓妾與讓坐並逮，錦衣以鐵縶縶妾指，指爲落，並不承，至是赦出。長安中爲語曰：「非獨陳御史烈丈夫，其妾亦烈女也。」上父睿皇帝興獻王葬承天之顯陵久矣，睿皇后崩，上相陵天壽山大峪之陽，將起迎睿皇帝梓宮合葬焉。下廷臣集議，皆極言不可，上不聽，迎梓宮有日，讓復奏曰：「日者上天降割，聖母不延。臣伏見陛下仁孝悽惻，躡踊號慟，天地爲哀，臣民若喪。陛下遂定大禮，擬合葬睿皇帝於大峪，遂駕素車乘金相水穴土印木。臣以言官得隨扈從，伏見車駕凌風衝露陟崗履石，皇皇如有求而弗得，無非求厝慈親一席之安而已。斯時斯際，皇天后土亦効精靈以啟孝思，何況臣子？夫大峪山必建睿陵以葬聖母，論分則以配祖宗七陵之尊，論情則以申慈闈同穴之議。前事則可共祖宗以爲敬，後事則可依壽陵以爲安，至矣，盡矣。臣特不忍遂虛獻廟已安之宅，敢獻蕝蕝兩端，以備採擇萬一。陛下御極十有七年，百姓謳歌，華夏寧謐。是雖聖德神功，上帝歆佑之錫，然臣得諸傳聞，皆謂獻廟幽宮龍穴極美，且以皇考積德敦仁，下襲水土，玉質爲精，地復爲母，臣意其中生氣元功絪縕會結，必有紫茜點血、玉液垂珠之祥，故祐啟陛下，以協在宥。坤后靈庇，不可誣也。《禮》曰：『葬者，藏也，欲人不得見也。』今出聖考玉魄於母孕之地，如取之於其胎也。雖梓槨重封、錦囊百襲，能無疑哉？古人事死之禮，先廟後墳。是以黃帝成道登天，群臣葬

其衣冠橋陵，舜死蒼梧之野，葬九疑之山，蓋二妃未之從也。臣妄謂陛下可奉睿宗皇帝遺衣，納之梓宮，飾以袞冕，與皇太后合葬大峪，碑題睿宗皇帝陵。再以皇太后之遺冠帔，納之梓宮，奉以合葬顯陵，碑題睿宗獻皇帝陵。此臣之一見也。若陛下必遷顯陵以遂孝思，則顯陵之在承天者，當爲一聖衣冠几杖之藏，以當荆襄旺氣。此臣又一見也。竊取黃帝衣冠之藏之義，兼取大舜九疑獨葬之禮，以神爲配，兩美具存。睿宗章聖精神之在天者，既以神而會魄，玉魄之在地者，又以魄而留神。北陵以配七陵之重也，而近又以慰陛下霜露之思，南陵以收一方之勝也，而遠又以留陛下龍潛之跡。在陛下擇之耳。」奏入，上是之，然猶詰問衣冠合葬之說於經無據，奪讓官，黜爲民。既，上思惟遲疑不能自決，自幸承天觀之道次行宮災，士卒陷澤中多死，而上亦念欲返葬矣，顧問賁溪言：「昔日諫止北遷者是何御史？何姓名？其疏安在？」相佯失之。方讓諫止北遷時，相謂讓曰：「東山之事，僕知公矣，上意已決，可無言也。」而讓竟上奏，坐黜，相所以不以御史名聞上也。讓罷家居，每對客談時事輒曰：「是一三豎子，能宰天下哉？」嘉靖末以壽終。隆慶改元，贈光祿少卿。子欲潤，見韋布。

史于光 字中裕。生有異光，故名于光。父貧且老，于光歡承之，致喪如古。好讀書，癯疾不廢，清厲成儒。正德癸酉舉於鄉，不就計偕，曰：「仕不及親，奚棘爲？」丁丑登第，改翰林庶吉士，未幾疏歸。歸五年，起授吏科給事中。大禮議沸，于光據張文忠乎敬疏條折而款辨之。尋又病歸，歸四年復起。時諸臣以議禮得罪者未蒙召復，于光疏言：「臣聞聖人之喜如春，其怒如秋，天道在我也。喜以天，故天下共仰春生之仁；怒以天，故天下共範秋成之化。往歲先後言禮，諸臣伏闕躁妄，陛下怒而罪之，凜秋肅物，天道也。中外臣民皆知陛下一時玉成之意，使之動心忍性，所謂益之以凶事，非固欲絕之。近御史張

袞疏乞聖宥，果蒙勅該部看詳。邸報一出，不但舉朝臣工加額忻仰，凡都下廝役賤吏皆歡喜告語，以爲聖天子將還前日得罪之臣，天道春生不是過矣！既吏部詳覆，上請聖裁，命下報罷。又有以仰見聖意玉成之深，欲其磨礪之久，然後用而全之也。夫天地之春有不動，動則必舒；聖人之仁有不行，行則必貫。況諸臣皆陛下所親拔擢，欲與共圖治理以茂中興者，而廢謫已閱兩歲，大臣未遂其先憂後樂之忠，小臣未遂其幼學壯行之志，家居者或年垂晚暮，謫竄者或身處風瘴，一旦有如劉安世之齋志以歿，如范祖禹之梅州不返，以陛下愛惜人才之心，必有宥過後時之悔。雖人才消息代不終乏，然沮德明求粟之奸，寢淮南叛逆之謀者，皆譽望素著之臣也。伏望早實春生之仁，卽起諸臣。懲艾之後，必有感恩圖報、大補聖治無疆之休者。」不報。于光嘗同考會試，多獲雋異，當官叢委，悉身親之。以疾卒京師，朝士縉紳莫不悲悼。計其入仕十年，家食者九，居諫垣二年而已，囊甚，受徒自給。有求居間者，因其妻以請，于光佯諾之曰：「阿堵安在？」妻出視之，于光向空跪咒：「儻受此，子係絕種矣。」所著《易解》、《正蒙解》、《四書解》若干卷。

丘養浩 字以義。父瓊，受《易》蔡文莊，著《易說》、《皇極管鑰》諸書，學者稱省庵先生。養浩年十三爲諸生，十四應省試，二十一舉於鄉。二十四成進士，是爲正德辛巳歲，授餘姚令。餘姚於浙西南爲最劇，養浩爲之，績業奮起，賢名四出。疆聞壤望，或愧恚不及，或傳講相師勵。大江以南，部使者、撫臣相語炙口以倡激其部邑。他令森立踴企，皆掩於養浩。嘉靖乙酉，召入爲御史。大獄起，永嘉相乎敬來視臺事。相，養浩同年也，語養浩：「得君與我閱稿，獄事濟矣。」養浩遜謝不能。嘗以言事一謫推官，旋蒙召復，一下詔獄，未幾釋出。提督南畿學校，董視山陵大工。陞南大理寺丞，轉大理少卿。擢巡撫四川石龔都御史，貽友人書曰：「此行不俎豆張忠定公側，非夫也。」單車御兩蒼頭往。至利路，一蒼頭取前軍

壯士所披綺裘服之，養浩覺，立撲殺一蒼頭。前行，道逢一從事奉藩省檄監貢方物，轉運郵置俱黃封大櫝，怪其充斥，停車按其一二，則皆非尚方裝，廉之，某郡倖物也。養浩曰：「此何論？黷貨以私財混供御，臣子耶？」逮從事，付之理，即日倖免官去。既至，臺積案充棟，日命吏持牛腰大數十束，睨立批駁之，官吏軍伍之利害，民情土俗之隱伏，竇穴之翕張，鰥鰥之鴟縮，狐藏兔狡，神狙鬼伏，皆滅影刮跡，電掃霆擊，無可遺類。三川之外江、瀘、嶓、夔、碕、寶竹之民疾病苦樂，皆在鏡中；笠豕攘鴿之盜，捋鬚弄筋之戲，皆得其地所、姓名記之。間與大吏議獄事，舉其初辭末帖、中証旁縱之跡，縷縷如親爲，於是直指奪氣提刑避影。改巡撫江西。有論其薦廢將何卿爲私卿者，抗章求退居。頃之，御史言：「卿實賢，養浩非私。」事白，而養浩卒矣。其後卿與沈希儀並爲嘉靖中名將，天下以此知養浩之言當也。養浩恢廣宏達如無所擇，而簡別精審細人曲折。雅意本朝以當世善類消長爲計，其口誦心存未嘗一日不在於海內排擯放廢之名流，惟恐其老死不叙收，甚於己之失位，而昨舌決齒於怙權妨賢之夫，如不欲與並立。每一縱言，目光橫射，意氣捷出，傍聽激竦，頗以此取嫉。其在蜀未久，功名迅發，精采先諸路，正以權當其力，欲變一時偷晏之風，震動恐聳之，警其視聽而新其氣，以作起功庸，然後與爲寬碩，以樂其成。而蜀人已害其不可動，然而蜀中士大夫之賢者，無不稱丘公尚氣誼，閱風烈，偉男子也。子維棧，爲諸生，有士行。

黃潤 字以誠。正德末舉進士，授武進知縣。之官，會邑大饑，賑粥有法，定賦有經。爲都御史吳清惠廷舉所知，擢南刑主事。又見知其部尚書李康惠承勛，承勛召人爲本兵，薦潤於吏部。連調北刑部、兵部主事，歷車駕郎中。朝命李真人往齊雲山設醮祈嗣，傳宣本兵及郎接勅文華門下，予驛給廩，然第及真人一人，而真人遂下部，爲道官、道士多索應付至以百餘人，本兵曰：「與之。」潤不從。邵真人者，方有

寵，使道官來爲李真人趣索再四，潤語道官曰：「應付道官道士，勅不載。」上方寵李真人，李真人胡不自請？且吾爲若請，何如？」道官色動，因詰之，曰：「朝廷宣兵部接勅時，隨宣邵真人至乾清宮，出內帑金爲李真人隨行費，曰：『毋擾傳。』以故不敢請。」潤曰：「聖見若此，尚趣索耶？」人告本兵，量子十人而已。初，吏部欲改諸曹郎爲科道官，冢宰且以吏科處潤，使驗封郎道意，郎建安李肅愍默也。潤固辭，肅愍默曰：「有吏部郎登門送官與人而不受者耶？」潤曰：「有吏部郎登門送人官者耶？」因大笑別。張文忠孚敬者，潤同年，當其用事，不一見，及三去國，三送之。文忠謂潤長者，復欲借之文選，使其甥道意，潤謝如之。出爲松江知府，丁艱去。松人舉前後賢太守作三清堂祀之，潤與焉。服闋，除東昌知府，選郎王與齡，不次用天下才。至官不三月，首擢爲河南副使，備兵信陽。平舞陽盜魏進朝、李小尼、李思雄等之盤伏章華臺者，捕斬以三百餘，願不以聞撫按官，曰：「聞則機泄，不可爲也。吾心平賊而不希功。」撫按官亦不爲奏。北虜猖獗，後巡撫咨潤兵事，潤爲畫立團營，下諸郡團操之。其冬，虜大寇邊，兵部徵兵諸鎮，河南兵即日啓行。以邊才擢山西薊南道左參政，而以母老乞歸矣。張襄惠岳語人：「黃以誠辭吏科，吏部可能也。其守松江，貧不可家，當於古人中求之。」而其時，同邑陳憲爲御史，亦有清節，陳御史故號西廓，潤號東石，人因改稱陳御史曰西涯，而稱潤爲東涯。涯者，呆之別音，言其癡也。弟深，見閭巷。子伯度，爲諸生，有文名。孫國彥、國賢。

國賢 字士尊。舉鄉薦，司訓漳平有聲，人爲國子，擢工部司務。司務故總署簿書會計之成，後輒與同官更掌關市錢庫，稍稍取自潤。國賢獨辭避。擢戶部員外郎，轉郎中，筦太倉庫，節齎獨甚。時有征播之役，軍興徵發，國賢所司當輸金十萬，往數皆盈，貴州督撫郭子章勾其額，贏他輸六百餘金，大驚：「安



得郎清若此！」移咨大司農重褒異之。既卒，堂官令同舍郎核其出人簿文書，纖毫無染手，嗚咽歎服，捐俸厚賻之。

國彥 字士美。以鄉舉知新寧，豁田賦，均徭役。陞知泗州。州刑故嚴於他州，國彥悉輕弛之，拳桎委地。歲苦澇，預爲修賑。改判全州，倅紹興，終崇府左長史。嘗自贈駢語曰：「於崇吾得見王，深慚左史倚相；人門室交謫我，有似北山大夫。」風操可見也。孫景昉，進士。

王熺 少孤，母矢守之。父墓患水，熺哀哭幾絕，改葬焉，追服斬衰，蔬粥廬墓。母死，毀瘠治葬，復廬墓者三年。正德十三年，以貢授瀧水訓導。瀧人尚鬼信機，熺刪定《家禮》教之。自免歸。恒言稱母訓。母好施，熺雖貧，每新穀升，必播精遺四鄰。忌日必哀，其生辰，雖年七十不敢受子弟上壽禮，如忌日。

易時中 字嘉會。從蔡文莊學，文莊呼爲小友。年四十舉鄉試，已蔚然爲碩儒，授東流縣教諭，隨材導接，爲諸生開說諄悉。邑人御史宗邦輔強直廢居，條「十二美」贈之，自謂無愧詞。陞夏津知縣。邑故寡訟，時中曰：「至吾將多。」日坐堂上，屏隸偃僕，民有事具來吐實，還以曲直，鞭贖都弛，重者撻遺而已，皆爭來言，訟遂多矣。齊東故習，州縣吏事中丞、御史、監司，奔伏如輿臺，時中雍容跪起，用下上事大夫禮。有御史作威輒忿詬曰：「易某侮我！」或以謂時中，時中曰：「以禮事上爲恭，非禮，侮也。史自倒其恭侮，吾不誤也。」吏部召試臺諫，以年自實不就。除順天府推官。都御史胡守中不法下獄，有旨推勘，時中窮竟之。有爲胡釋憾者謀中以他事，時中方念母，遂乞終養。時中去夏津時，夏津人繪像祠之，林比部瓊實書其石，以宋仙居令陳襄爲比。既終養，道出山東，夏津人聞舊邑公還，牽携數舍，迎舟曳挽，

群持棗栗修脯以獻，歡聲載兩溪，至別，有哭失聲者。時金陵王公以旂以中丞赴留臺，聯舟河中，爲之嗟嘆，賦詩有「斯民信是同三代，循吏元非拂衆情」之句。至家，築室奉母，母年九十一而終，時中七十矣，毀不勝喪，宗黨孝焉。時中之師曰文莊，而其徒曰王慎中道思。

曾仲魁 字思達。舉進士，授順德令，廉靖不擾，其於治政，他邑雖如其所爲，莫及也。擢禮科給事中，刑科右給事中，出知嘉興府，以母老乞終養。母喪畢，補知池州，歸。仲魁知順德，繼之者袁鉞，政亦相類，順德人思之，以比召、杜。

蔡潤宗 字克昌。好古力學，作止起居，終日儼肅。受蔡文莊《易》，轉授生徒，學者師之。領鄉薦，除餘杭令，節約里甲，勸民務孝悌力田，刻《四書講章》、《易學正言》以教士。左遷寧國教，擢南國子博士。以父憂歸。服除，補北，出爲建昌府通判，尋乞歸。家無擔石，充然自得，監司守令往往造廬作禮，間一出接，終不報謝。身沒而子孫食於黔敖矣。

王慎中 字道思，初號南江，後改遵巖，名盛而兩號並稱，海內盡知爲王仲子也。仲子年十七八以嘉靖乙酉、丙戌連舉科第，選戶部主事。官暇讀書作爲古文詞，與荆川唐順之、后岡陳東輩號八才子。改官禮曹，更與大司馬李克齋遂、給諫曾前川鈞、提學江午坡以達、學士華鴻山察、屠漸山峻切磋琢磨，益成其學。世廟方重祭興文，制禮作樂，四郊改建，百役奔馳，仲子所受司當祠祭，督工考典，副尚書期。上親郊，仲子製《大祀詩》八章，漢詞選體，文聲騰布諸公間。辛卯，命京朝官主各省鄉試，而仲子得廣東，張文忠忌諸翰林，出之，別選部屬改充，衆望無如仲子，文忠欲仲子一見，仲子不往，遂罷。改吏部員外，陞驗封郎，而同列有短於文忠者，因覆張真人衍慶請封疏，坐謫判常州。陞戶部主事，再陞禮部員外，而皆在

南，則從王龍溪畿講主文成之學，而遂有得於聖賢之道，乃盡發宋儒書讀之，有味乎曾南豐、王荊公、歐陽文忠之爲文也。始，仲子起家子大夫，操觚學古，非先秦、兩漢不道，其所爲廣東辛卯錄文，宛然賈誼、鼂錯之詞章，至是則盡棄之，色相蹊隧出人曾、王間。寄示荊川，荊川駭怪之，曰：「此頭巾語，仲子言此大難事，君後當自知。」亡何，荊川亦變而隨之矣。陞山東提學僉事，曰：「此鄒魯之鄉，所教士無非欲具敦習重行。」年餘，轉江西參議，則文成政教所及之地，仲子尋陳跡，講新知，往來白鹿、鵝湖間，更與雙江、龜司馬豹、東廓鄒司成守益、念庵羅殿撰洪先、南野歐陽大宗伯德講學交游，公事不廢，而士子聞所未聞。遷河南參政，督率有司以安民爲務。章聖皇太后梓宮過河南，僚屬畏供帳不辦，而下吏有欲亡去者，仲子獨任之，調度有方，奉迎以無失。歲饑，王侍郎奉旨出賑，檄仲子將事爲之，親歷郡邑，開倉發粟，關領有期，里胥不得冒報，債負之家不得假以侵抵。侍郎大善之，方薦於朝，尋以大計罷。仲子之罷，蓋中旨也。仲子爲禮曹郎時，貴溪夏文愍爲尚書，其時仲子不能善事之，至是，以屬銓部考黜，銓部從中調書考不及，而文愍取中旨罷仲子。乃仲子則自如，涉於淇，倘佯於百泉、蘇門間，走之安陽，訪學上崔後渠銑，與談數日乃返。其爲文也，恒以意定爲主，有歷旬經月求得一意，意得而下筆隨之，詳贍豐緜，委複曲折，按之分部，呼之應聲，援古以譽今，推小而至大。荊川稱爲「二百年中興之文」。迨其後也，濟南李攀龍、弇州王世貞諸子者出，立意修詞，見謂毗陵、晉江學宋而傷之理，而仲子之文行海內，卒不掩阻。濟南早世，弇州晚歲亦不能出遵巖之徑，而沉深切至，反爲讓之矣。泉自虛齋先生倡明理學，及門之上守其師說，表見於世，日久而其緒將絕，至仲子復振門牆，請業幾不能容。其觀人文字以占平生，不失尺寸，至夫禪和之相，亦不廢談說，曰：「非以彼爲可學，其苦心練性，要自有實地，毫釐千里，則吾徒當自辨也。」仲

子攝生，至經歲不洒肉，但覺不快，謝客閣書，室兌却聽，啜水納吐，以洗中垢，曰：「吾以一付腸胃，自翻出一部《本草》，亡慮疾矣。」竟年五十一卒。仲子十八而登第，三十三而罷官，五十一而歿。所著《遵巖集》行世。

王宗濬 字志達。郎戶部，廉介，明出納。徽王府奏乞自徵地賦，并請勅示。後宗濬言於尚書梁材：「藩府以擅征困民，非祖宗制。」疏爭之，事得寢。徽府復奏，部司抗違成命，世廟左遷梁侍郎，令致仕，命逮宗濬詔獄。謫廣東提舉，署大埔，署廉州，有惠政。遷太平同知，決久繫株連之獄，郡稱神明。遷湖廣江防僉事，飭武備，新饗序，清賑貸，捐俸助士，貧。以疾卒，吏民哀悼。王慎中哭以詩：「世情方忌直，天道亦妨才。」又云：「處室無長物，附身惟故衣。」其生平可概見云。侄廷稷、廷掄。

廷稷 字民育。授萬載教諭，陞營山知縣。營多僧寺，僧人久窩奸不法，廷稷廉得，罪之。僧數百擁人，出不遜語，若有所脇，廷稷直擒之，索得其凶器，廢寺爲書院以聚生徒。作告佛之文曰：「佛有五戒，淫居其首，其不與此僧居此寺也必矣！」徵爲南御史，所彈奏具得窺。會爲湖廣按察僉事，分鎮蘄州。蘄有巨姓以窩盜致萬金，廷稷訊得處治，一州稱快。有制科署邑篆貪酷過當，立參劾之。擢雲南布政右參議。雲南撫慰諸司並受緬夷約束，獨木邦罕進忠不肯服，逃入永昌城。議者咸欲驅之去，廷稷謂：「人以窮來歸，棄之不仁。折而歸緬則木邦失，木邦失則滇之藩籬撤矣。」厥後罕虔受誅，岳鳳獲擒，則進忠爲耳目，人服廷稷遠識。轉四川左參議，罷。廷稷沉重簡確，年八十餘以壽終。

廷掄 萬歷中貢士。任連城教諭，《連城志》稱其造士以禮，綽有古風。

伍鎧 字文衛。知潮陽縣，力阻貪官督徵，驅逐鯨鱷。邑子陳洸居鄉不法，峻絕之，爲所陷，械治京

師。潮陽人厚金幣遺官尉，俾善視鑑，已，爲立廉正之碑。事白，改高淳，惠政在民。有兒殤廨中，鑑去，邑民祠鑑併及其殤兒。改戶部郎，爲尚書許進、梁材所知，改郎工部，陞南光祿少卿。落職知隨州，再陞雲南僉事、貴州參議。先後按史以其無分寸私薦，抑所察吏一準所裁。年八十餘卒。

李仁 仕惠州府推官，悉捐家業與兄弟無所問，邑人孝友之。子光縉，有文名，久淹，解首，遁跡不仕。

梁懷仁 字宅之。宋文靖之裔。生而慧絕，週歲識字，三歲誦書，四歲善草書、吟詩，子史經傳無不能讀。九歲而孤，十六而貢禮部，二十登進士，奉命賜歸娶。初授南吏部驗封主事，居三月，死，年二十三，無子。其家亦無同堂伯叔之親。方懷仁之少也，則有神童之稱，登名禮部，則有才子之譽。其生也，人愛其文翰如璵璠、結緣，其死也，自先達、同儕以及遠方大夫上莫不嗟咨痛悼，謂天無意於斯文也。

洪富 字國昌，以刑部郎出守雷州，陞兩浙轉運使。丁艱，服除，補兩淮，陞四川布政參政，以老乞歸。富寬凝簡重默守，稱長者。初筮仕刑曹，人謂法律非其任，乃執法求情，侃然不徇阿。有某巡按劾某憲副，憲副爲時相私人，時相撫巡按一事欲抵以重法者。富言於尚書聞淵，如法而止，相不能奪。以次受提牢役，冬月囚多凍死，日製薑湯分給之，囚群號爲彌陀佛。其守雷州，興學訓士，築海捍潮。有憲司牙卒四人以賭殺人，富廉知，悉置法，憲司以情請，不聽。憲司怒，易他官治之。富以獄成否爲去留，竟論卒抵罪。浙淮鹽課，利藪也。富在浙時，按史不無有所望，而富絕不應。按史欲陷以墨，無所得。適商人餉邊，未給鹽而死，事幾二十年，商人子來訴甚哀，富核給之。按史喜，以爲得間，鞠商人子無完膚，商人子曰：「死則死耳，敢污清吏！」居淮半載而參政四川。蜀人樂其寬恕廉靜，又呼爲洪佛爺也。張襄惠岳以

總督大臣受朝命出師湖廣，徵餉於諸省，蜀巡撫李香以疆場彼此爲辭，富曰：「王事也，莫非王土。況督撫名統四省，豈不關涉者？」襄惠又欲調土兵萬人應役，蜀巡撫香又欲以先年調征之兵應之，富曰：「年遷人易，奈何以紙上虛名應軍前實用？」巡撫香又欲以意論丁解戶吏遣戍之，富曰：「充軍，下死罪一等，難便輕擬。尊嚴之下，恐小民之難盡也。」既屢與巡撫違忤，遂乞歸。歸十餘年卒，年七十餘。富爲諸生時，受學蔡文莊之門人若吳銓、林同二公，苦心《易》學，因以所得著爲《淺說》，與文莊《蒙引》並行於世，而泉中學士多尊事之。既登鄉薦，讀書國子，時嚴相嵩方爲祭酒，知其深於《易》，延爲其子世蕃師。及嵩爲相，絕不與通，而世蕃時時致師弟之愛，富第勉之忠孝而已。當官早作夜罷，候期不爽，案牘無滯。人或告之曰：「吾謂爲官樂耳，乃公自苦如此。」富曰：「官以爲民也。稽一日而民多一日費，可以己一日費病百千人之一日乎？」其爲人忠實恭讓，以此事上官，亦以此馭下吏，以此接士大夫，亦以此待鄉人。沒，而經生、學士、田夫、野叟、兜童、走卒莫不咨歎。孫澄源，從子猷。

澄源 字子定。授戶部主事，歷郎中，出爲桂林知府，廉仁著聞。擢貴州按察副使，備兵畢節。畢節爲宣慰安疆臣所轄部，地廣兵強，冠帶而羈縻之爾。澄源外制以法，內推心置之，疆臣以是畏服。播酋楊應龍爲變，朝廷出師征之，命疆臣出兵助戰。中丞郭子章委澄源監疆臣軍。疆臣與應龍實唇齒交，內懷觀望，數張皇，撼澄源不動。疆臣知不可恐喝，遂進兵，大勝播兵於大水田，斬首萬餘級，復燒之於桃溪街。應龍敗，亡入海固。於是疆臣獻計請鑿山開後路以進，濘泥險阻，墜馬蹴脇，踰月至其處，應龍授首。賜金帛。先是，征應龍時懸賞格，許平賊即以地償安，既賊平，地未及償，而安氏有叛目輪安情於總督，謂其侵播州沙溪，渭河之地。總督責安，議正疆界，安執《會典》、《通志》、家譜爲據，謂沙溪、渭河本水

西故地，且謂許地未償併削故部以益播，忿不受命。諸道絡繹親臨安境，莫解倔僵，總督曰：「非洪君不可。」星夜馳檄曰：「安氏畏服門下一人而已。」澄源單騎往諭，令其地屬黔者歸安，屬播者歸蜀，其屬播地而爲安近地要害者輸納糧賦。安遂俛首奉命。擢貴州按察使。踰年，轉雲南右布政。尋轉左，而澄源已卒。澄源溫質無機，不能陰陽鬪捷，官雖至方伯，第徘徊邊徼間，至其中誠著於人人，強酋阻夷莫不歸命矣。

猷 字文振。家貧力學，授徒，取陳布衣《心圖》、蔡虛齋《密箴》爲士誦之。解《咸》、《艮》二卦謂：「艮者，止也。君子思不出其位，則靜而非虛矣。咸者，感也。君子虛以受人，則動而非實矣。」萬曆十七年應貢，授南安府訓導，教諸士曰：「周濂、二程授圖處也。」時於講藝中指點身心性學，間遇名勝，携二三子吟咏偕樂，有沂雩氣象。居一年卒。子啟哲，鄉薦。

林性之 字帥吾。父嶢，見韋布。性之，知麗水縣，不立聲威，務在安全，民以事至庭，開懷與語。山谷老樛稚苦樂皆得相告，性之一語不忍傷之。卽掾史有過，亦輒爲撿覆，俟其自悔，終已不發。遷南京戶部主事，丁外艱服除，改北。尚書梁公材器之，適密雲分司告代，遂命之行。時輸邊金者例加什之一，性之至，中額而已。法於商人不便者，輒申白之。巡行堡壘，拊御戍卒，邊人感悅。事竣還京，委督十一草場。會邊事急，諸道調發咸聚京師，資芟藁，性之所督場人已盈數萬。遷員外郎，出治天津倉。值倉粟空，又寒凍，餉道阻，軍無所食，性之請發旁近德州倉粟給天津軍三月食。或謂於法不得相借，性之不爲止，已，朝廷從性之議。當是時，微性之，一軍幾詢詢。以病乞改南，遂遷南京戶部郎中，過家，卒。性之少而精思篤學，要於自得，細謹慎事，至其當官，越法有所移用，而曲法有所寬貸。仕宦十餘年，家無多貲，割

田十畝以給族人不能婚葬者。其爲主事，家居，里正來索賦，譴呶悖慢，而時輸期未也，性之徐攝衣冠，出見甚恭，謝曰：「煩公遠來，卽爲公輸。」里正羞蹙走出。葬其父嶢，值里中士亦以其日葬母，治葬具，車兩甚盛，盡致郡中賓客、貴人，郡縣長吏以下交走訃弔，性之布車蔬粥，窆周於棺，哭泣悲哀，非親故亡在者。人並傳其事而獨孝性之。子一新。

一新 字震起。樂易好談謔而意氣中介。舉進士，授戶部主事，筦通州天津倉。咸寧侯鸞提大兵拒虜，恃寵自尊重，諸部郎督餉稍不如期，多危中之。一新戒諸分屬，爲期會，走間道，身趣之，餉悉如期至，竟不見咸寧返，咸寧反亟稱之。轉員外郎，旋陞江西僉事。分宜相當事，家僮作犯，一新直杖繫之。及入賀，見相府中，相飯一新，且謝曰：「微公，孰爲我家正法者？」轉雲南參議。東川土官爲梗，開府兵征之，與直指相左，一新獨右開府，直指怒糾開府，誣及一新，事竟白，坐降級。久之，起湖廣僉事，累轉江西副使，復以忤度撫論調。後調雲南，晉至右轄，皆滇蜀邊徼地。以艱歸，竟罷。家居蕭然，守先世田廬，餽粥幾不具。人謂林氏世清吏白。

黃光昇 字明舉。祖永，見關柝。父綬，受《易》蔡文莊，剛方遵古，仕萬載教諭。光昇年二十四登進士，爲吏部選人，卽明習法律書數，考論國家掌故。授長興知縣，下令民自實田畝，戶揭其輸之凡示之，人人知所宜輸，詞訟至，立決，寬其贖鍰。一縣之人伏令少年而敏政。召入爲刑科給事中。長興，劇邑也，賦繁積蠹，令率以劇敗，其有擢召，自光昇始。以艱歸，補徙兵科。凡給事中有建白，奉旨處分，卽造闕謝，光昇念旨意出朝廷，奈何閤謝者？時夏文愍言爲相，啣之，出爲浙江僉事，進布政參議。文愍旣罷相，會復召還，道出衢州，人爭伏謁，光昇遣一材官齎刺以上而已。文愍益啣之，會當大計，以屬銓曹罷之。



而是時徐文貞階爲少宰，獨知光昇，持不聽。歷遷廣東按察副使、四川布政參政，復爲廣東按察使，復徙四川右布政，尋轉左。光昇在浙，修築海塘，改浚諸暨泌湖，蓄洩山、會、蕭、諸四邑水。其在粵，粵民多挾峨舸入海與夷市，間或起爲掠，輒爲嚴干扼，置稽驗籍，下令：「捕海寇者，予所獲財物。」民遂不爲患。海外夷以市來者，向故有緝算，主進吏侵獵，其人纔什一。光昇更爲徵令，秋毫不染，夷稅十減六而課人反倍，軍興從此饒。安南夷莫正中者，與莫泐翼爭立，敗而來歸。其酋范氏、潘氏以兵攻欽州，索正中殊急，遂尋師。是時俞大猷爲帥，光昇集餘皇、檄東莞、新會二邑兵，密授大猷方略，伏兵海島，連戰大挫之，二酋奔，泐翼斬以獻轅門，尋率其黨款聽命。乃與泐翼襲安南以安。已，復有討定猺黎、俘新會賊陳文伯功。遷右副都御史，巡撫四川，疏止採辦丹砂、熬金及勾停水陸郵傳費，歲省民財數十萬。會上建三殿，需巨材夥且亟，其時山無見材，帑無見鏹，光昇計郡邑大小、道里遠近爲程量，責監司董諸長吏入市之土夷，身與按臣共監之，轉借灌輸，不加賦而官給，工是用成。世廟獎其勞，擢兵部侍郎，總制四川、湖廣、貴州三省。討叛苗，撫降二十八寨，俘馘甚多，錫白金、文綺。召人工部，尋擢南京戶部尚書，召入刑部尚書。光昇在刑部，讞三獄其大者：其一爲楊選，其一爲嚴世蕃，其一爲海瑞。楊選者，薊遼總督侍郎也。先是，三衛夷酋曰通罕者，虜辛愛之義妻父也。三衛夷人故嘗撲我謀卒四，副總兵胡鎮計執通罕以求四卒。通罕之子懼，擁撲我卒者至，請以易其父。選計欲牽制辛愛使無寇邊，繫通罕獄，使與其子，更送質，犯則殺之。通罕人恨，遂道虜從墻子嶺入，長驅至潞河，河水未合，不得渡，始去。世廟聞，大怒，逮選等獄，而選坐「接引奸細律」誅，妻子流二千里。世蕃者，嚴相嵩子。嵩免相，世蕃坐罪謫戍雷陽，與其客羅龍文者遁歸。御史發其窩主江盜、受伊庶入金，具有反狀，二奸並逮繫論死。西市海瑞者，戶部主事，嘉

靖末上疏直攻上身。上怒甚，讀之至乎顫，已，感其忠，留中月餘，尋疾甚，逮繫之，下旨內閣，罵瑞畜物，詈君不絕口。光昇擬「子罵父律」以進，留中未下，會上崩得釋。瑞後以此至大官。此光昇所讞三獄云。當光昇之讞世蕃獄也，上令錦衣同三法司鞫訊。兩法司欲坐世蕃磔，并連罪相嵩，光昇曰：「世蕃伏法可矣。幸毋連其父故相也。」世蕃竟坐誅而相嵩免於罪。至其論選獄，《世廟實錄》載：「上當時第欲殺選爾，初無意流其妻子，如所以處兵部尚書丁汝夔者。妻子坐流，光昇之失職也。」乃光昇謂當上選獄時，具失城守罪，坐死而已，上不報，改置詔獄，下札徐文貞，詰責光昇，語甚峻，必當以勾虜逆情。乃傳以「接引奸細律」而流妻子二千里，則上特旨也。上所以責光昇，旨在內閣，人不知。海瑞，則上天也，而又聖躬疾甚，當其怒時，至不可忍，孰謂先臣而後君，不擬重律進者？上怒瑞，瑞立死矣，寧少安上意，俾就長繫，寬解或有日。蓋其用心之微如此。蓋當光昇之爲刑部也，世廟在位久，雄斷淵衷，郡臣無能測嬰鱗之慘，其時三尺未易直伸，而衆喙復難盡置。光昇委曲平停，求生法外，寓生法中，良亦有獨苦者。隆慶初，請老。居四年，召爲南京刑部尚書，尋罷免。光昇起家縣令，歷仕司寇，所至徭賦有準，獄訟得平，引大體，達事情，蓋得其爲選人時究心掌故、用力律書算法之効。居鄉嚴重謙退，先世田廬之外少所增拓，郡國守相時造謁，與言國家大計及其平日歷官厝履以爲常。晚與縉紳耆舊爲洛社之游，劇飲危坐，稱道而不亂。年八十一卒，贈太子少保，謚恭肅。所著有《四書紀聞》、《讀易私記》、《讀書愚管》、《讀詩蠡測》、《春秋采義》、《歷代紀要》、《昭代典則》、《陶集杜律註解》數百十卷藏於家，而《讀易私記》，學者又尚之。子喬棟。

喬棟 字以藩。事恭肅至孝，恭肅怒，喬棟終夜跪寢榻之門外，不命起不敢起。以諸生受恭肅蔭，歷

雲南臨安知府，持廉特甚。念恭肅老，辭官歸養，歸未數月，袍帶物用已之典家矣。其侍奉恭肅未嘗離跬頃。恭肅沒，廬墓覆船山下，著作無晨暮。恭肅有《諸經註解》，獨《詩》、《禮》未就，喬棟足成之。他所撰著，有《十二經傳習錄》、《讀書管見》、《老子解》。末年，患瘡疥，不能久坐，至長立而濡毫。子暉，事喬棟亦至孝。

莊深 字靜源。登鄉薦，卒業成均。遇世廟行籍田禮，深作《聖駕躬籍田賦》，祭酒王教上其文，遂蒙欽賞。其賦曰：「帝在位廿有一載兮，大業朗以遐宣。闢兩儀以作宇兮，掩六極以爲鄺。四時肇其順序，八政飭而同愆。惟東南兮薄海，暨西北兮窮邊，莫不櫛耒而襲弁帶，服鉉耒而止戈鋌。猶且溯王業之本，念民事之難，憲古昔以示勸，躬往耕乎籍田。時則有大宗伯捧策而進曰：『臣聞民天在食，國本惟民。伊籍田之大禮，實累代之攸遵。善乎號公之言，上帝粢盛於是乎出，民之蕃庶於是乎生，事之供給於是乎在，和協輯睦於是乎興，財用蕃殖於是乎始，敦龐純用於是乎成者也。彼千畝不籍，固取誚於麟經，而三推親率，亦徒羨乎虛名。陛下應農祥而發令，順陽氣以時行，舉百王之令典，循列聖之法程，籍大畝於畿甸，勸萬乘以躬耕，勸三農以崇教本，播四海而揚頌聲，想餘糧之棲畝，將腐粟之如京。載在國章，旣以示勤民之政，藏諸御廩，抑以薦明德之馨。大矣哉！此之爲禮，蓋將邁前休而建極，啟來哲而休稱者矣，豈止於奉遺典而遵修，慕前文而觀榮者哉！』於是宰臣再拜稽首，奉萬歲之觴，上之人之壽，鐫玉冊於金縢，勒鴻猷以垂後。遂作頌曰：於惟上聖轄化權兮，洪澤滂唐溢八埏兮。百祀咸秩禮則虔兮，乃籍天畝國之原兮，朱紘蒼佩造彼壇兮。帝旣至止三推先兮，三千雜遝扶轄還兮。農用震動庶殖蕃兮，粢盛恪共盛所燭兮。穰穰其瑞應罔愆兮，百穀騰騰大有年兮。耒耜萬里息戈鋌兮，如陵如岡萬福駢兮。登藝越

軒古無前兮，天子萬壽配彼天兮。臣拜稽首領斯言兮，匪臣則文盛則傳兮。」久之，授四會令，劑量貧富以定徭役，修聖廟，建尊經閣，限程課士，捐俸以賑貧士之婚喪。處徭夷寬嚴有經，徭夷亦祠祀之。爲忌者所擠，遂罷歸。歸十年，士民論定，送之名宦。嘉靖季，泉中倭，深先登北門守陴飯卒，寇不敢攻，竟退。御史樊獻科致金帛、羊酒其門，曰：「爲泉人謝公守城德也。」深善四體書，尤長於徑尺。

蔡元偉 字伯瞻。宋忠惠襄後。襄兩守泉州，其三世孫楠再蒞是邦，四世懸因移家焉。元偉總角受學，則已有孝弟稱。既爲諸生，憲副方豪延致家塾，爲其子師，夙興夜寐，已自嚴矣。久之，見程端禮家塾日程皆宗晦翁教人之法，嘆曰：「學當如是。」即手抄服行，慨然有求道之志。領嘉靖辛卯鄉薦，不干有司，舌耕爲養。既十年，就授羅田學，所以教士，即舉業之中默誘之聖賢之域。擢德安令。邑衝役繁，糧多逋負，令自國初以來無遷者。元偉至，一以節愛爲本，才之所施常先其要，而事之所集常急其大。每退食，取小學、《近思錄》、《伊洛淵源錄》、本朝薛、胡二子粹言揭觀成誦，即升堂亦袖以出，曰：「非曰忘之，誠慮心官少放，行事過差，以此當嚴師良友。」一時政事真有得於學道愛人之遺，士大夫交口稱贊。遷杭州府通判，以覲行，事竣，乞終養。冢宰李默知元偉，命考功懇留，歸署錢塘印一月，民甚稱平。擢撫州同知。下車數日，巡按御史委督樂安逋糧。樂安素稱刁邑，元偉寬命令、鞭笞，皆相繼輸納。復還府治，耆民送者盈路，謂自髫髻至今，目見徵糧官莫如蔡公。無何，樂安復有劫庫之變，再被委往。忽流賊數千焚掠南豐等鄰邑，縣故無城，元偉召御民精銳者，設險扼隘，自著戎衣，演武教場，賊聞不敢近。先時縣獄久壞，風寒莫蔽，囚遇雨荷蓋立，被繫者復不以時間遣，至滿不能容。時蒸癘疫，元偉欲作新獄居之，縱囚歸，命獄成乃至，獄成，囚並如期至。復委署崇仁。崇亦無城，不數日報賊突至，東西二耆，衣帶隔耳，元

偉督兵渡河，率戰數合，殺賊數十餘，既五日皆遁散。丁外艱，喪葬畢，以泉中倭棘，募建寧有考亭遺風，遂移居之。元偉學尚程、朱而重躬行，其所置力惟在飲食、衣服、男女、起居、動靜、語默、辭受、取予之際。其自治之勤，或至提繯少懈，過失復生，輒撫膺泣下，長跪自罰。作日曆自識平生，名《考德錄》，而自序曰：「松莊子少不自揣量，非聖賢書不觀，非孝弟之志不存，非天地古今之運化、英雄豪傑之作用，無以人吾思也。氣拘物蔽，鞭策不前，悠悠作輟，出入是懼，於是是有是書之作。所云考德有二：一則時常省克而時識之，以自稽其理欲分數之多少。一則隨其學之有得、心之有開，即便劄記，以驗器識之高下淺深，以爲進德之助。居常服膺晦翁之言，以爲世間事須臾變滅，皆不足置胸懷，惟有窮理修身爲究竟法。賴天之靈幸有所知，好學性生，至老彌篤，歷官雖久，此心淡然。中屢遭家難，備嘗變故，每自歎所遭之窮，而此志終顛撲不破。晚年閒靜之中咀嚼，益旨行以不息之功，加以未死之年，不有得於今，必有得於古，不有合於人，必有合於天，則所謂不知不愠之地，或可幾萬一焉。」又有《四書折衷》、《易經聚正》各若干卷。其云松莊者，其先祖墓，家郡城外十里許，遠宅皆松，王梅溪守泉時題爲萬松莊，元偉取自號也。

徐榮 字仁卿。幼篤孝。父娶於吳，梗不宜家，又生子蕩，父出吳返舍，別娶生榮。稍長，告以吳母狀，榮即泣訴，請迎吳歸，父不從也。而吳子蕩益甚，父一日召之，飲而將酖之，榮急趨爭飲，父乃捨去。密之母、兄，涕泣而道，母、兄懼悟。榮喜告父，涕泣勸救，父遂召吳與其子歸。年二十登鄉書，而吳母沒，號哭服喪三年如制，人咸稱其有道。登進士，授嘉善令。丁內艱，服闋，補東明，遷南戶部主事。故爲夏文愍所知，及分宜爲相，遂左遷趙府長史，卒。爲人恢弘肅給，磊落開敏，以《春秋》起家，三山王應鍾、郡中王慎中皆事焉。子用寶。

用賓 字子尚。席先人之遺而好行德。嘉靖丙申、丁酉歲，邑中久荒疫，用賓夜衣短後衣，從一蒼頭肩銅錢十餘肩行施，日則搜屍骸給埋葬，如此者六十晝夜，去之。甲辰、乙巳歲，旱疫尤甚，用賓家已落，假貸賑捨如故，去之。辛酉、壬戌歲，倭寇兵燹，官私俱困，用賓斥賣田宅，支撐公役，而恤饑孀、仁枯骨又復如故。計其二度賑捨，每費以千金，故諸生高等也。萬曆中，以貲郎累無錫丞。丁亥、戊子歲，吳中旱魃赤野，死骸填江，甚於鄉郡，仍自舍中展轉得千金往賑，竟勞瘁以歿。吳人哀思祠祀之。

何元述 字元孝。登進士，出高叔嗣之門。乞教惠州。甲午，分校浙闈，得陳善、茅坤、潘季馴諸公，皆爲浙中聞人。擢國子監博士，歷監丞，遷南京戶部主事，出爲廣東按察僉事，擢湖廣布政參議。世廟修顯陵承天，以分守賢勞受金幣賞。中貴人使楚，諸大吏莫敢不爲恭，元述亢然行敵禮鎮守。中貴人廖斌者，傾御史包節，至被逮謫戍，斌部曲席斌勢，騎而逆二司不引避，元述直執問之。京山有兄弟殺三人，匿其屍，瘞山巔石匣中，靡覺者。元述一夕見夢，密訪得屍，殺人者遂輸服。遷廣東按察副使，治海道事。署中積牘累千，其所株連多以數百、少不下數十，歲近亦數歲矣。元述搜閱，可問問之，久遠不可問，請中丞御史臺除罷之。瓊州大海之外，御史行部不一至，故以臬司代行，當行莫應者。元述獨請往，至化州，黎寇猝襲化，驛遇之，與人望見狂奔走，元述獨身行，寇知爲何海道也，皆散去。有兩勢家子弟暴豪，元述請責之，遂見中，罷歸。元述孝友甚至，官俸之餘敬上二親，撫諸弟無同異母。身長八尺餘，折節爲恭，老少一致。家居，遇慶賀節，宵興望拜，里社有雩禱，赤日行通衢，數十武一叩首。臘節歲旦，自昕至夕，揖讓酬酢，矯然無倦怠。探望鄉父老，徒步過里門。接續紳士流，倒履恐後。隸卒佃僕，亦必整衣冠乃見。雖八十餘不衰，卒，年且九十，去其登第之歲六十一年矣。子居魯，任承天知府。

吳銓 字秉衡。嘉靖初貢士，授博羅訓導、陽春教諭。平居嗜學而持身以禮，無惰容，無僞言，無私謁妄求取。爲學官，集士有美質者，親爲講授，夜則挈供具行視，皆翕然勸興。以疾歸，咸思慕之。蔡元偉稱溫陵人物，謂朱簡庵鑑、李木齋聰、蔡虛齋清、陳紫峰琛、張淨峰岳、黃逸所孟偉、林龍峰同、顧新山珀、林六川性之與銓數公，雖名位不同，皆無愧鄉先生也。

陳露 字□□。(五)以舉人授武城教諭，陞國子博士、肇慶同知。肇慶，占端州，包孝肅嘗宦其地。露至，名堂曰仰包，平反大辟，不顧回異。檄署德慶。州賊有黃海龍、張快馬等倚猺蠻爲聲援，剽掠南鄉、富祿、儒林。露廉知大姓主名結賊好以自保者數人，不繩，以理，因以爲作使，而州學生李文瑞其一也。露令文瑞款賊其家，與酣飲，候其醉，出伏兵擒之，皆就縛，餘黨盡平。以不能取容，罷歸。子紹功，舉進士，仕潯州同知，有文學。

楊景辰 字載父。以南宮第二人讀書中秘，以禮部侍郎教習詞林，日程月課，諄諄以考證朝常，諳練典故，爲經世實用。轉吏部侍郎。今上登極，以禮部尚書兼東閣大學士，召對，上示景辰營伍虛冒一疏。景辰奏：「今天下兵餉空虚，在情面不破。卽如京營十餘萬，領餉有兵，操練、防守無兵，積弊已久，雖特整頓不來，然當責成提督及巡視衙門漸漸清查振刷，勿仍宿弊。至九邊冒破，多緣貪賄將領，以致三軍枵腹。今後將官有不稱者，宜責成督撫大臣據法參究。」上又問近日插酋聲息，景辰奏：「年來邊事之壞，皆繇無事偷安，有事倉皇。」上動容，喜曰：「卿言甚是。今日之患，正是有事而倉皇。」景辰復奏：「今插酋雖暫退，然情形叵測，宜一面講款，一面料理，戰守之備，切不可偷廢。」上首肯久之。亡何乞歸，遣官護送，賜蟒，馳驛，晉少保，官子一人。又亡何卒。

〔校記〕

〔一〕「志」字，各本原脫，據本書體例補。

〔二〕「族子猷」，《洪富傳》作「從子猷」。

〔三〕「備景辰」三字，各本原脫，據本傳補。

〔四〕「《禮》曰：『葬者，藏也，欲人不得見也。』」句，《十三經注疏·禮記·檀弓上》作「葬也者，藏也。藏也者，欲人之弗得見也」。

〔五〕「字」下，各本原闕二字。



# 閩書卷之八十六

英舊志 縉紳

泉州府 晉江縣六

皇朝

有傳

周天佐 王春復 徐孟 郭智 張文炤 黃潛孫國鼎 王國相 史朝賓從弟朝宜、朝富。(一) 鄭良璧 蘇民 李纘 薛天華 丁自申 尤烈 郭立彥 江萬仞 王宗會 許宗鑑 蔡黃卷族子思雍。(二) 劉大遺 蔡存省 蔡一槐 林大楨 林喬相 陳邦顏 張國謙 周標 孫振宗 沈亨 林雲程從侄 欲廈、肇開。 賴廷檜 黃才敏 蘇士潤 潘維岳侄洙、漢 許知新

周天佐 字宇弼。幼警敏沉潛，每群兒嬉戲，獨端坐默視。既補弟子員，益勵學，事父母未嘗少傷其意，與兄弟讓，遇小大親疎恂恂然。年二十五，舉嘉靖乙未進士，猶未授室，乞旨歸娶。戊戌，授戶部主事，分督草場，防範嚴密。繼署司篆，護駕承天，軀體戍削似不勝衣，而敬謹有終始。己，又督儲德州，精密如草場。世宗在位，好言瑞應。辛丑春正月戊子，大學士夏言率廷臣賀雪，御史楊爵感憤上疏，論言安

危利災，無忠亮體國之心，不宜居相位，併及甥國公勛阿意擅權，及崇道教，興土木，有足失人心、致危亂者數事。世宗覽之怒，下之詔獄；時一再讀，怒益甚，輒擲棄之，遣內官伺無恙，復下錦衣再行痛杖，加桎械。爵，富平人，爲御史，請急家居，身輓糞車，妻饁之，以清節聞天下；既起用，上是疏。先是，太僕卿楊最以諫死，中外杜口者一歲餘。及爵疏人，人稱中興第一。顧其杖繫，無敢訟言者。四月辛酉，九廟災，成祖、仁宗二主燬。上告南北二郊，下詔停大工，許大臣自陳、各衙門各言時政。諸公第以支詞撐拄而已，獨給事中戚賢等及戶部主事李時春頗著剴切，上覽之怒而留中矣。五月戊子，天佐上言：「臣伏讀聖諭：『宗廟災變，朕心震驚，所宜痛加修省。時政闕失，許該衙門條奏，務切國體民瘼，不得虛應。』故事，汎濫彌文，有以仰見。皇上畏天之誠，求言之切，誠治道更新之會、轉災爲祥之機也。大小臣工，誰不感惕，思効其愚？乃今闕政尚在，忠言未聞，則是何故？聖明采納之度未宣，臣下畏望之心未免也。蓋求言之道，示人以言，未若示人以政。明旨所許條奏闕失，特示人言耳。楊爵在獄，未示政也。爵所言是非莫逃聖鑑，惟以過直犯怒，誠可憫察。古帝王立毀謗之木以求諫。夫毀謗，非人臣事君之義矣，而立木以求，誠恐天下之言有不直不盡，居民上者不幸不聞耳。漢至文帝，屢屢治安，賈誼方痛哭流涕，太息以長，豈好爲不祥哉？忠愛之心不能已也。承平之久，天子之尊，威福之重，不少唯諾稱頌之，滿朝正乏憂治危明之一士。在廷之臣不負此義，獨一楊爵，而逮獄已經數月，且聖怒之下，一曰小人，一曰囚犯。夫以盡言極諫爲小人，則爲逢迎君子不難；以奉職納忠爲囚犯，則容悅寡過之臣易矣。言行，君子所以動天地也。人君一喜一怒，上帝臨之。陛下誠思所以怒爵而罪之者果上合帝心與否耶？雷霆摧折，萬鈞覆壓，爵既遭之矣，身非木石，命且不測，萬一先朝露，卽爵不足惜，而使諍臣結舌，直士寒心，關繫聖德非淺。

細臣願察爵之疏，原爵之心，勅下鎮撫，早賜寬釋。仍乞明旨嘉納采行，旌爵忠諫以來天下。如是而宗廟不安、天意不回，未之有也。」疏入，上覽怒甚，留中不出，傳旨錦衣切實杖六十，牢固梏囚。方天佐上疏時，其妻問之，不告，對客談笑，絕不言及。疏入，收整書卷，青衣小帽待罪。旗尉至，綁縛之，痛人骨，天佐曰：「上疏時分此矣。」壬辰，東廠內臣出監杖，五棍一換，比御前不減。天佐辭色不亂，第呼曰：「皇天！祖宗！天佐何罪？」旁觀者皆爲隕涕。旗尉私相語：「此人身小心雄。」諸內臣合歎曰：「六科十三道無一人開口救楊爵，一戶部主事能之，名曰天佐，真其人也。」既入獄，手瘦骨寬，守者以鐵練貫梏自中，食飲俱斷。癸巳，卒。臨絕，遙呼父母妻子曰：「行矣！」既絕，手尚在梏，足尚在櫬。楊爵私視之，出涕曰：「悲乎哉！子生極南，我生極北，而以救我隕命。」甲午，奏聞。丙申，命驗瘞之。丁酉，出屍於詔獄水門。惠人李愷、邑人鄭一鸞作蓆蓬於錦衣衛後衢，共收殮之。始，天佐入獄時，風霾大作，出屍，雷震，日色黃白無光。知與不知皆爲流涕。京師民有張弼者，設祭哭之。人曰：「子於周公故乎？」曰：「否。吾傷其直也。」天佐少赤貧，其父熏煙導氣以辟寒饑。既舉進士，粗糲不改被蓆。監榷率，易利染，乃如置玉涅中。平居溫恂無戟級，挾冊吟誦，孜孜當世之務若不及至。所口講神注，率皆當世正士賢人君子。其仕不久，其年不永，其學顓銳而勤修，進而未見其止，勉而不及於成，獨其忠耿繇天，動定從容，皎然可見也。隆慶改元，贈光祿寺少卿，蔭一子。天啟中，賜諡忠愍。天佐故無子，嗣其兄子曰暹。暹後亦領鄉薦，仕封川知縣。暹子一驄，以蔭爲南雄府判。

王春復 字學樂。初令泰和，有惠政。歷南工、戶二部郎中。出守贛州。會有大木之役，贛當上游，春復條上數事，視他府費爲省。閩流賊覘督木官積貲，鼓行出石城，越會昌，寢迫雩都，執二指揮以逞。

春復出郭去四十里，民皆來集。賊聞春復出，不敢前，釋二指揮遁去，贛下流諸郡率保無事。擢雲南按察副使，駐劄永昌，慎固關梁，禁民無私人於崖、隴川、南甸三夷地牟利激怨，民夷並安。擢廣西布政參政，駐劄賓州，出繫囚，編保甲，立墾市期。民方賴爲安，春復遽寢疾，迨貴州按察使報至，則不起矣。春復令泰和時，質學於羅整菴、歐陽南野二公。所著有《四書周易疑略》，序曰：「儒者誦法孔門，質聖道爲依歸，而言人人殊，莫得一也。夫子之門，聰明莫若子貢，篤實莫若子夏。子貢則以多聞見爲高，子夏則以篤志力行爲實，而皆不若顏、曾獨得其宗。夫其親受業於聖人，所見若斯殊也。道者著於所感，學者止於所知，故雖多聞篤行，而莫見其多聞篤行之跡焉。此顏之所謂愚，曾之所謂魯也。至一之機見乎感，故不待於牽合，戒懼之要止於內，故未嘗見其在外也。」

徐孟 字希孔。自其爲諸生，則斤斤爲廉，曰非壘上所耘、辟廬所易，食之弗味。嘉靖中，以貢上任袁州府學訓導，遷曲陽教諭，最後教授黃州。端方正直，課上嚴而接人恭。黃自國初以來，學官得祀名宦者兩人，其一曹賢，其一爲孟。子廷佐，鄉薦，知縣。

郭智 器度深沉，文學優贍。嘉靖甲午，以貢士教諭餘干，及門諸士多所造就。陞徽州府教授，王府紀善。

張文炤 仕衢州教授。故精《易》義，既爲教官，出其所學，真切訓士，莊敬和樂。衛人誦之。

黃潛 字昭卿。父泰，官武康令。潛爲諸生時，以學廩讓兄。當起貢，辭同廩者貼貢資，同學已高其誼矣。讀書太學。授嵩明州同知。會州守缺，潛署州篆。易土城爲石，可捍卻夷酋，徙學宮，以興文事。壩普沙河於家山，管穀蓄洩，潤溉田疇。州東北接東川、武定，尋甸諸夷界，扼要害，練士嚴戍，寇賊

屏息。自免歸，州人相與祠之。潛刻厲書史，題讀書處曰：「靜養。心之神，動觀萬物之變。」又有《四難四要箴》以自警。《四難》曰：「急躁之心難攝，粗浮之心難馭，誇大之言難收，匆遽之事難理。」其《四要》曰：「心要寬綽，氣要和平，言要簡寡，事要尋思。」孫國鼎見下，朝鼎，同知。

國鼎字敦柱，登第，選翰林庶吉士爲第一。授編修，歷右春坊、右庶子兼翰林侍讀。侍郎呂圖南爲銘其墓曰：「公有太丘之廣，而無其難周；有林宗之高，而兼其品鑑。當公在朝，屬通國欲有所倚重者二人，公皆策其難與難成事，迄今並可覆。其於避就出處之際尤嚴。四明相，師也，每謁見，人有婉規，出不令人知。福唐相，年友也，會閣中稍同異，公力爲護持，令不見跡。李文節相，鄉先程也，不得親，不得疏，獨其被言求去，僻身荒廟，則慰見無時，情非周旋，言皆澹靜。文節退，而目攝者以餘忌及公，第連章乞身而已。」國鼎學務克己，戶牖駢對，類多格言，有言：「煉心性，煉自己心性。暴戾加人，增自乖張；砥廉節，砥自己廉節，表暴形人，昭白矯飾；積陰德，積自己陰德；權謀勝人，叢自惡業；崇退讓，崇自己退讓；盈滿傲人，露白淺薄。」又言：「處世不可有德色，想善使人知，終非善；不可有鬱伊，想忍不能忍，忍乃大。不可有窮奇，想以不盡還天地，天地乃同流。」臨終，手書數語：「參合於太和，委運於適然。默還造化，再度乾坤。不憂不懼，順受其正。」其所養如此。

王國相 善書工詩。嘉靖間任慶元教諭，考課嚴勤，士氣振作。擢瓊山知縣。

史朝賓 字應之。少遲重，強力苦識。學成，爲文章演漾汪洋。踰冠，舉鄉試第二人。己，登進士第七，廷試二甲第四人。授刑部主事。久之，以員外郎署司篆。兵部郎楊繼盛疏論相嵩納賄蠹國十大罪，五奸，中有援裕、景二王語。肅皇怒其援二王，杖繼盛百，下之獄，嘉靖二十二年也。方是時，上怒甚，而

繼盛所論相嵩，大司寇以下惴惴不知所出。朝賓擬獄，則傳「奏事不實」律以進。部尚書何鰲謂曰：「更有一比，盍思之？」翼日，復尚書曰：「有之，則有減於此。」尚書乃自比其律，且云：「傳此，庶得當。」朝賓持不可，獄數日未上。事益急，尚書曰：「急矣！雷霆不測，如君所執誠是，大固爲俱靡耳，盍以待後解？」而侍郎王學益直曰：「司官徇名，余老矣。」於是當以「詐傳令旨，罪絞」，自爲稿授朝賓。朝賓既爭不得，請署奏末云：「楊繼盛語雖誣誤，心實無他。惟復陛下憫其狂愚，謫發遠戍，庶以全好生之仁。」奏人，繼盛竟坐大辟，尚書、侍郎奪俸，而朝賓降三級，外調泰州判矣。方繼盛下獄時，薦紳相見脅息不敢語及。繼盛杖瘡甚，同年提獄，束不許關通獄之上。朝賓自分重譴，與繼盛俱死耳。諸公有人獄勞問繼盛者，繼盛都閉目不言，及朝賓至，瞪視曰：「史應之耶？費心多矣！」朝賓當往泰州，別繼盛書：「遇公之事，當以死爭，賓不死者，尚冀公不死也。」而楊復書謂：「一批奸人腸，恨不卽死。公何苦哉？公其珍重。」於是薦紳大夫私相噴噴。李相本亦嘆曰：「真男兒也。」判泰州三年，量移揚州。久之，遷南戶部。以艱歸，服闋補工部郎，分署張秋鎮，通商惠民，矚不緇。久之，相嵩敗，徐文貞階當事，乃以河南僉事擢尚寶少卿，尋丞南大理。居亡何，復徙應天府丞。久之，竟徙鴻臚卿以沒。莊皇帝詔賜諭祭。朝賓嘗稱：「民生利害之端，非有惻怛忠誠之心，不能體察。吾身利害之端，非有正直剛毅之守，不能鎮定。」故其所至，卓有樹立。從弟朝宜。

朝宜 字直之。舉進士，授山陽令。山陽，南畿劇邑，漕臺總戎坐鎮其土，諸監稅、刑部使者，一相聯弭節境上，千旄舟車日夕繡錯。朝宜所以取辦供億，量市價，程物力，要使民不困而上足，吏不得緣爲奸，而民實受一錢之惠。有趙侍郎出視師，祭海浙、直，間道過淮，山陽所以供帳如常禮。其時侍郎御命

出，威勢甚盛，令無所以侈奉之，視令若不聞，任其送過界不訾省。朝宜走白辭之，曰：「山陽耶？返。」返，邑人爲之語曰：「雖有大猛虎，不啖小山羊。」蓋借「羊」言「陽」也。邑田多荒，賦額復廣，朝宜於秋冬間借官帑遣羅江南、湖北，不以聞上官，蓋一石之費代輸民二石，歲減賦以數萬。他日，撫臺陳儒問歲，朝宜曰：「歉。」儒曰：「斗米直四分，云胡歉耶？」朝宜曰：「此商米也。農則不登，無金易米，歉莫甚焉。」儒薦朝宜第一。秩滿，僅擢南戶部主事。丁艱，改北，轉員外郎中。隆慶初，出知瓊州。先是，守瓊者連以賄去，至朝宜，一洗之。其所以教民正俗，振官箴，作儒風，一發於至誠，如網紀家事，不倦不沮，遂有「史沙井」之稱。沙井者，瓊最冽井也。轉按察副使，即治兵其地。是時浙倭突人瓊，朝宜以吞賊爲己任，寇至，迎擊之，大創去，乃巡行澳嶼，創白沙諸寨以遏奔突，聲勢聯絡，倭不敢犯。擢浙江布政參政，復擢廣東按察使，威信在民，不嚴而治。其懲貪去暴，不少假借，遂有「閩羅」之號。入覲，首舉卓異。轉湖廣右布政使。會楚爲江陵相之鄉，不能與時俯仰，未數月引疾歸。朝宜所至，正己率人爲務，而在粵最久，粵人亦知之最深。自號方齋，粵人相語：「史公不媿其號也。」弟朝富。子繼偕，大學士，繼任及孫延華，俱舉人。

朝富 字節之。與其兄朝宜同年舉科第，仕永康、六合令，樂與民爲安靜。人爲南兵部郎，出爲永州太守。朝宜方直爲廉，而朝富亦自棘棘。永郡有仕吏部者方貴燄，朝富尋常遇之。吏部之父人府拜太守，車當門，朝富扶其輿人，吏部恚甚。有裁衣者久供事太守府，乘間語曰：「永民則德公矣，貴人不釋憾也。願公厚金帛存貴人父。」朝富曰：「吾寧以金帛投擲江水中，不與貴人父也！」竟自免歸。歸而論學歌詩。其論學則有《考正大學古本》之作，所爲詩，則於榮期之歌索、兩疏之召隣、陶公之賦歸，有餘慕。

焉。

鄭良璧 字世崑。嘉靖中署教會昌，月三課上，身與對壘。賑其貧不自存者。中丞陸重其文學，檄至郡，鳩二十餘庠才士，委良璧課督，又數咨良璧時事，輒中丞指。以是得超遷潮州推官，委署潮陽。潮陽人像祀之。繼署揭陽。潮方苦兵，長吏數易，會閩兵逐寇至揭，揭無見糧，良璧皇遽備儲，稍立辦，約束帥出境無譁者。被中，歸。良璧天性孝友，家居，朔望入宗祠鞭朴子弟之無良者，而不藏不宿，未嘗有所修於家難之怨。孫之玄，進士。

蘇民 字利見。以《春秋》舉鄉魁，領教順德。丁內艱，服除，補高明，遷長樂令。廣中賊久煽發惠、潮間，盤據山谷中數歲。前令率閉門不給，不敢問城外事，城外民委與賊，任其自守鬪。民至，曰：「吾先教而後從事法與武。」則盡召城內外民，與言：「敬老慈幼，各務本業，毋舍穡事，入我縣門。健於訟者，吾治之。」既爲民聽訟，率旦夕與解，一縣自清，胥掾皆叩頭求去。居久之，督府欲興兵除賊，下問：「賊所據壘皆安在？我欲人賊壘，道何從？」令具行視之，即以對：「先時督府嘗遣別駕偵賊，被賊留。」至是，民單騎往視。彼中民築壘守賊，賊亦壘自守，犬牙錯也。民晝夜穿行其中，民以壺漿簋脯請民入壘，倒闔而陳食，民悉哺餼拊循之，皆大喜，因一籍記其姓名，老稚壯，誰陷其壘，孰久孰近。而所行覘賊窟穴凡壘三百有奇，盡得其要領。乃徐叩別駕所留壘求之，賊出別駕，即亦有投書縣中者：「我等皆好民，爲無良有司至此。公父母我，我等不敢復違播。」民悉召赦之，而以所得賊要領具上督撫。督撫使帥往勦。帥如民所指畫，盡平之，俘獲以二千餘。帥與監司矜張動色，即上功督撫曰俘二千。督撫下民驗實。帥贈民良劍、寶鞍及他諸玩貨以好民。民麾不受，出其故行民壘籍記所陷賊姓名，老稚壯，孰久孰近者，俘能對如



籍記，則悉釋之，不待上記。及日中，釋者數百人，盡歡散去。監司聞大駭，中事召民曰：「吾已上功督撫曰俘二千，安得使我食言？公知讀書耳，何知爲令！」民沉思良久，曰：「當有以實。」大人驗得者，令請分繫之，繫再月日，卽亦謬報曰先後庾死。」監司曰：「善。」然卒心怒民，第不能中以墨，卽曰「拙催科而傲其上」。民遂亦自免。子琰，進士，有學行文詞，與予善。

李纘 字存孝。嘉靖庚戌，舉會試魁選，成進士，授戶部主事。丁艱，服除，補禮部精膳主事，歷祠祭郎中。時肅皇居西齋宮，受釐撰，直四方言瑞應踵至，上常夜半下禮官趣具儀章上謝玄天之貺。禮部輒表賀，具儀不稱者蒙呵問，賀表或誤觸謬常，手又而抹之。太宗伯凜凜受事，旨下輒問纘，纘被不勝襟，所上奏輒稱。時爲大宗伯者，吳文端山，時時稱纘於吏部曰：「郎无如李祠祭。」會有都御史某卒，其家人來請恤典，其事在祠祭。都御史故有名士大夫問，顧其初以言被斥。倭事起，都御史自詡知兵，遂從田間驟貴，時論少之。都御史方治兵攻倭，卒軍中，至是來請恤。故事，四品京堂未滿考卒者，非日講軍功，不得予恤。分宜相以都御史卒軍中爲言文端，文端不許，纘從文端力持之。他日，上有事齋宮，禮官當人受事，見相於直房。相出上所賜珍醢，坐禮官飲，且退，命巨觥立酌，曰：「天寒，公等皆多。」又已而曰：「觥，昨某中丞家人子所致也。」既辭退，僚有與纘善者，問纘曰：「相君巨觥我，言觥所繇，何也？相君有謂，公宜審思。」纘曰：「郎所守國家典章，豈相君能以意軒輊耶！」竟不與。相人怒曰：「郎好不解事！」會景王之國，肅皇欲擇郎官習禮與刑者二人往相。時京山高岱爲分宜相所不喜，遂以纘與高並出爲長史，相景王行。景王薨，召人爲鴻臚寺左少卿。隆慶初罷歸。子夢麟，瓊州府同知，能詩，與予善。

薛天華 字君恪。以南刑部郎考滿入京，會楊忠愍繼盛論死西市，招同志楊豫孫、董傳策與漳浦朱

天球往哭甚哀，治具如禮，一時有「四君子」之稱。出爲重慶守，擢雲南提學副使，晉浙江參政、廣東按察使。隆慶戊辰，舉卓異，晉本省右布政使，卒。有《居鄉左戒》、《守官右箴》二篇。其《左戒》之詞曰：「毋通要路書以務養節，則俯仰不瀆。毋預塵紛事以務養寂，則外內不擾。毋循末俗態以務養高，則志行不羞。毋受非禮餽以務養廉，則彼己不失。毋妄結賓從以務養交，則戚常不棄而善彙集。毋苟出言語以務養德，則靜躁不爽而口過息。毋逐戀嗜好以務養神，則天倪不伐而和氣全。毋厭薄遲鈍以務養量，則機心不熾而真性得。無譏訕世短以務養福，則不忤人以見直而鬼責消。毋虛邀時譽以務養誠，則不恕己以見賢而潛德進。毋妬嫉僞能以務養才，則不設阱以誣善而有獎藉之功。毋歆羨汰靡以務養資，則不競侈以蠹俗而有由禮之漸。」其《右箴》之詞曰：「遇暴上，思以禮臨之，則不可犯。臨頑民，思以仁悟之，則不爲仇。御群小，思以嚴遠之，則不起侮。統列屬，思以正率之，則不傷威。寮友有過，思隱規而公掩之，則忠不失厚。庶民有議，思修靜而密弭之，則微不悛惡。受纖介之私，思以欺君爲懼，而勤公愈至。叨一分之祿，思以報主爲心，則舉職益謹。怨者，人所易恤，思精白以任之，則廷有分謗之士。難者，人所易避，思委質以殉之，則朝有仗義之臣。卽有偏喜，思畏天以奉之，則無佚實之賞。如有暴怒，思觀理以忘之，則無淫法之罰。」子應鍾，令桂平，有惠政。

丁自申 字朋嶽。以南工部郎出守順慶，修南充學，梁嘉陵江，卽紀村建漢將軍紀信祠。譙周墓故當南充縣治，後縣久徙之他所，縣民相誑惑，謂譙公英靈當憑墟墓咄咄苗禍，人頗有伯有爲厲之說。自申曰：「譙公，自先賢，豈肯爲此？顧杜氏之葬，在季武子西墻下，復之何不可？」遂復之，而爲別立祠，曰：「祀墓則野，祀祠則禮。」復以「惜笑」名其自公之堂，曰：「孔聖教人，蒞民曰莊，使人曰承祭，使人望曰儼。」

然。予懼持守不至，左右之人曲意重諾，中吾一笑而探吾私也。」調守梧州。梧爲督撫開鎮之所，關決蜩集，自申泛應曲當。會大勦徭寇，將領掠平民爲功。俘至，自申令妻孥自識別，驗實縱還。以不諧世罷。自申好讀書，聚書數萬卷，名其藏書之堂曰希鄰。而自記之曰：「予少也，父師課以小學、《孝經》及《四書》、《周易》，弗喜也，喜觀雜書，無繇得，時竊家大人笥中錢，從故宦家易亂書數種，篝燈夜密觀，睡則以代枕。一日，家大人檢笥錢不得，得亂書枕下，詰予狀，跪鞭之。予以購書受鞭，冤不止。予母恚而勸曰：『往吾劬此兒也，自膝下移置之地上，呱呱然，試取故紙敗帙玩之，若琅然能爲誦聲者，而遂忘其啼。吾以兒讀何等書，竟墮故紙敗帙，癖也。』家大人怒霽，曰：『吾謂妨日課耳。雖然所易者書，姑任汝，壯竊一第。』游宦金陵，官暇事簡，得盡發南廬書庫，取紙輕價廉者具本焉。吳中客以貨書至，俸寡不能售，然不能割，捐綈繒償之，客亦數受去。同志聞予好者，又稍稍益予無，蓋積數車以歸。會故園燬於寇，家大人他無所保，驅數僕浮海負入城中。母佯爲戲曰：『兒何貧。兒富書，書半屋，特貧無棲書處耳。』予乃籍篋數并筦鑰以寄姻有力之家。予茲老矣，僦屋選堂，編類而藏之，而名堂希鄰。因思謝顯道讀史多識，程子尚有玩物之譏，予乃徒取以充卷耳。顧念吾母幼以此玩予，使長而墮是癖，嘗一受鞭，猶莫懲也。而家大人出諸尼中以護予之所好，予則何敢忘！予子孫無貿易之費，負重之繁，得醒心寓目，豈不幸歟？如其不能，以待後之有如予癖，取其故紙敝帙以止啼聲，猶賢於敗子嗜書而犯其一蠹也。」予日近，令高淳，爲高淳人建天生橋、築圩田有功。

尤烈 字子偉。嘉靖庚戌會試第六人。授祁門知縣，剷觚稜，破常調，視民如家人，政暇召諸生與飲酒，各極其意。擢南都察院，經歷戶部員外、禮部郎中，出爲江西僉事。景王之國，出境上，中官索傳急，

手批烈，烈遂投袂歸。起雲南參議，不出。借隱於靈山道院東禪僧舍，累塊皮木以爲床，縛繩護几以爲凳，樹萱花以爲蔕，烹練芽以爲茗。當道郡縣守令高其風，枉驢過之，脫粟留款而已。既久棄官，後來郡守令皆晚進，莫知烈平生，不來爲恭敬。烈亦益困，借宿田家藁秸倉，枕藉芻中，臭蟲蚤蟲縱橫床褥間，顧亦卧起自如。予少時會試，與祁門醢豬客並僱驢行，問予：「貴處尤公烈尚在乎？」崇禎二年，邑丞祁門人爲予道，彼土有縣間不應祠者，去輒遭毀，惟尤公祠至今廟貌如新也。八十年矣。

郭立彥 字如選。自中書擢工科給事中，轉刑科左給事。坐累，降浙江按察知事，量移南昌府推官，累遷南尚寶卿。嘉靖之季，閩中倭興，化城陷。莆人林潤爲南御史，上疏爲興化乞免田租三年。立彥聞之，過潤所，請爲并蠲泉賦。於是潤并爲泉請，得免三年之半。嘗過家，與人洛橋道，里中二三父老攔訴輿前，謂邑令急征輸，杖繫甚苦。立彥歸見邑令，力言之。二三父老率里中兒數百人詣謝，塞其所居之衢。其長者如此。

江萬仞 字若度。授貴溪縣，擢南戶部郎，出爲江西按察僉事。性挺直，不能脂韋媒通顯，浮湛仕路。終陝西行太僕少卿。一爲潯州知府。劉御史臺以彈糾楚相戍粵西，多方存遺，歿，爲經紀其喪弗怵。家庭篤倫誼。伯父嘗捐貲佐之學，萬仞所以事伯父如其父，析箸諸弟，各豐田地畀之。諸父、諸從，皆周旋有差。子中樞，福寧州學正，以清慎稱。

王宗會 字賓之。起家人理評事，轉寺副、寺正。明恕詳讞，每多平反。自其未遇，受知於郡守程秀民。及入仕，秀民身後爲里豪所齟齬，宗會爲直枉。衢有柑橘之饒，宗會捐百金買柑園一區，供程祀。程人名曰王氏柑。有權相欲羅致門下，宗會不就，還回冷署者十餘載，始轉廣東僉憲，尋卒官。

許宗鑑 字應衡。授浦江令，調仁和。仁和當嘉靖季倭寇充斥時，將驕卒悍，主帥催督，至於叱斥州縣，凌迫胥吏，獨至仁和，帖帖不敢動。遷南工部主事，權蕪湖稅，祛冗役，剔苛網。改戶部郎，出知夔州。夔城病江汲，火爲患。宗鑑濬留潤、武功二井，濬水越山來注，民汲以省。鑿六池以蓄以制而火患絕。民聽理者朝至暮歸，至於獄吏退閒、府市罷店。擢廣東按察副使，備兵南韶。大、小羅山峒寇出沒爲害，增屯戍，謹關隘，通鹽利撫結之。大廟山寇黃顯祖據山爲巢，出剽江艇。宗鑑請閩、贛二省兵會征。功垂成，廣巡撫檄移其兵以攻他寇。宗鑑請待其功成，留兵不遣，坐爲所論，遷死馬卿矣，竟謫貴州布政參議。遷雲南按察副使，備兵臨安。至官之初，適夷普崇正勾引儂兵爲亂，崇正被囚繫，儂兵無所歸，扼險相煽。主議欲盡殲之，兵敗，儂兵益猖獗。宗鑑解散之。而主魯寨者，崇正之所轄，亦倚儂兵爲禍，時議并誅焉，魯寨與衆數千逃入交江，宗鑑復撫而賑之。獫狁、猓鷄二夷剽劫爲俗，舊制有十哨兵屯種守禦，歲久皆廢。宗鑑盡復之。鑿玄湖之竅，達瀘江之流，修嵒峨之河，爲民灌田防水，教民種蕎、菽諸穀，而滇民有所仰食。擢浙江參政，以方介寡諧歸。宗鑑歷宦，始終廉靖一節。其以夔守入覲，令驢之二葛，曰：「不敢傷太守廉。葛者，老母所手治，故敢獻。」宗鑑不忍却其意，候其出，送還之。宇下吏悉遵條教，寧他日有徙官貧不能就道，不敢有所易守見得罪。門人四明趙司寇參魯稱宗鑑「蒞官職有所專而意無不通，位有所拘而才無不宜，非獨爲吏廉也，廉而爲循，爲能者也」。

蔡黃卷 字于省。故名黃圖，生時胎衣之色黃，故父以命之。後學使爲改曰黃卷。黃卷精《易》學，善以雋旨妙義教誘後進。嘉靖二十年，以貢授睢州訓導，用孝親、敬長、忠信、篤敬訓迪士。督學使者置優、劣二籍別諸生。黃卷持不署，掌教迫之，曰：「所名劣士非劣也，貧也。某不願吾黨有此名，抑平原獨

無，何害？」開封倅選軍睢陽，而諸生進者，指揮誤以充伍，進詣指揮辯之力，指揮怒白倅，倅謂進撓軍，送至學宮，學官曰：「宜責進爲謝。」黃卷持不可。既用德行表士，其卯翼士無不至，士益歸之。轉汝陽教諭。識趙賢、孔惟德於諸生中，其後賢至大官，而惟德來爲郡太守，黃卷不賀也。惟德率同官往拜黃卷門，乃見。其後率以朔望率同官省候，至則一破竹胡床而已，守請黃卷同坐竹胡床，而丞、判、推官並列坐破小竹凳。惟德或時請曰：「吾師有以示之。」蓋望其爲邑子請者。黃卷曰：「願公愛民如子。」永寧城陷，有指揮當連坐重辟，惟德來問，黃卷曰：「計逼莫支耳，無法可貸，於情哂矣。」指揮竟得生，既聞，齎百金爲壽。愕然曰：「吾非爲公。」指揮感涕，叩頭求納至出血，竟不受。仕終唐府教授。睢、汝兩地並祀之學宮。族孫思雍。

思雍 字主恒。少爲黃卷所奇。仕龍泉知縣，弛邑人以便民，不可弛者爲申請留貯，不染毫分。邑有勢家恃端當路，謀奪民山利，浼上官爲言。思雍唯唯，取牘視之，嘆曰：「此民利也，奪民利以博官，我則不能。」竟斷歸民。雲和礦盜起，調鄉兵，備糧餉，密令義勇擒數巨魁上之軍門，餘黨破散。居一年，被劾，改爲教官。士民老稚惶駭，踵門曰：「黑冤！黑冤！」而思雍已倦游矣。所居四壁之廬，風雨不蔽，餽粥不贍。年八十三卒。

劉大遺 舉進士，仕戶部郎，改吏部，出爲浙江按察副使。以清謹聞。

蔡存省 字宣楸。授安鄉教諭，遷永明知縣，再爲杭州府教授，遷國子助教，出爲臨江通判。存省軀不滿七尺，孱然儒生，外溫內栗，其仕宦不可干以貴勢。其不得志而浮沅州縣間並坐此，故嘗曰：「寧鴻而冥，毋蠅而營。寧鸞而枳集，毋鷺而鳳期。」

蔡一槐 字景明。中懷耿介，外若不訾省，飄瓦虛舟，獨怡其道。年十四，則已試中選，主司稚之，俾與鹿鳴宴以期之。年十七舉於鄉，三十三成進士，除戶部郎。出僉楚臬，稍遷東粵參議，罷歸。一槐臬楚時，御史希新鄭相意，欲以法巧中耿公定向，授指一槐，一槐不應。萬曆癸酉，總裁楚閩，江陵相子試卷分房已進閱矣，有同事者私語一槐，一槐故落之，同事者乃亟索還內轂中。黃有蘇長公祠，鄉貴人請以爲宅，一槐不許，貴人他請得之，一槐過黃，則宅已成，必毀之而重建乃已。所坐失官，以江陵相故。性愛法書名畫，善小楷行草，作墨蘭石竹具有意態。琴弈寄意，對客弈至忘日夜。拳石片硯、古董小物，玩弄移時，不知饑飽。一草一花，靜觀獨會。老而遨游江湖間十餘年，敝履布衣，莫識誰何。嘗人一玩肆，止而觀，良久不行。肆主方少年，以爲非人也，予一錢使去。槐受之，觀玩如故。少年怒，擠傷之。面無忤色，返旅舍卧病良久，終不言少年事。戒殺却肉，食不二器。湫隘容膝，俛仰語，自謂不殊彫樑畫棟。其風尚如此。年八十餘卒。

林大楨 字及甫。初名宅遠。少岐嶷，人物俊整。爲平陽學博，庠士識吳公寶秀於貧窶中，厚遇之。其後吳登第，知南康，有廉名，特稅璫，逮詔獄。人服大楨知人。令廣西宣化，養廉之外一無所入。坐失上官意，左遷襄藩審理，曳裾十餘年。晉左史秩以歸，蕭然矣。郡故有「辛酉三林」：太守雲程、中丞喬相與大楨，而二皆同年，早舉，紆金緋有年壽，詩弈過從驩甚也。大楨書蒼勁，有黃山谷之效。喜爲人書，日貯墨汁滿碗，以應人求。

林喬相 字廷翰。年二十二連成進士，奉旨畢婚。授戶部主事，差管德州倉，痛掃前弊，不手一錢，德人思之。數四出人都門，其紳弁士卒率踴躍迎送數舍間，或減驛從過德，德人偵及，亦必伏謁以爲

快。以郎中陞南寧知府。南寧，古邕州地，雜夷而居，潔己御下，簡節疎目，甚愜民心。邕上子椎魯少文，立課程，爲之論說品題，秋奏賢書者八人。請建立新寧州治，規創經始，爲邕保障。調順慶，一如邕治。陞山東按察副使，備兵青州。聞母訃，次日卽行。服闋除江西副使，所部治郵。江陵相方厲郵禁，喬相獨奮廚傳，約舟車，去兵甚者而已。歷轉雲南左布政使。滇鎮臣驕橫，且徵征緬之旨，索餉逾急。喬相覈其行伍，時其出內滇幣以給。先是，藩臬謁鎮臣一如謁撫臣禮，及沐昌祚父祖構怨，駢首就藩司對簿，禮因而殺，具賓主耳。昌祚欲復其舊，諷之百方，堅持不爲動。驕鎮益肆鴟張，路遇楊憲副，立碎其輿蓋，扑其騎從。喬相髮上指，曰：「何物跋扈乃爾！吾爲藩臬，長嘿然已乎？」奏記撫按，暴其狀，遂轉聞於朝，逮其牙校赴法曹。驕鎮繇是始戢。人覲。撫按以清廉卓異交薦。久之，晉右副都御史，巡撫貴州兼督湖北川東軍務。當廷推時，石本兵頗致推轂，乃絕無所報謝。會楊酋煽亂，殘破五司，喬相疏謂：「黔剝膚，應龍法無可貸。」既經略受指大兵以撫了局，而直指某者受應龍重賂爲遮解，與喬相相左。屬言者論列，本兵乘夙嫌從中交構，遂罷歸。初，黔宣慰安疆臣父國貞與其叔國亨素格鬪。國貞歿，疆臣方稚齒，國亨視孺子眈眈几上肉。喬相檄諭之：「往事一付之司聽。敢發難者，移兵殲若矣。」立具疏題授疆臣官。疆臣母子感次骨。比候代鎮遠，疆臣具橐，中裝黃白金數千，它珍寶稱是，屬一里人子之爲衛幕者轉致之。喬相正色叱出，因馳諭疆臣：「而能不侵不叛，不患苦黔中人，爲國家効一臂以誅叛臣，其報乃公者大矣！」其後應龍戕三省，糜縣官金錢數百萬，疆臣出死力自効，世亦無有知喬相者。林居二十八載，著《日省錄》，宵旦計過，匡坐一室，繙書詠詩。將屬續，惟言「無愧於心」者數四而已。

陳邦顏 字獻祉。舉進士則有意繼王道思之後，牙籤、卷軸皆楷明鮮整，若手未觸。授華亭知縣。



丁內艱，改魏縣。隆慶初，入爲兵科給事中。二年，遣太監趙玠於南京供應機房織造，邦顏上疏曰：「近者禮部累奏災異，地震天鳴，山裂水湧，隕星雨雹，白晝晦暝。被震地方，人民傷壓，孤兒寡婦，悲號路哭，此離無所。陛下痛加修省，命百官青衣朝參，共圖消弭，應天以實，端在今日。伏見修省之命方始於月二十七日，而織造之遣遽聞於月二十八日。工部繫職掌，言之不聽，工科司封駁，諍之不回。竊念陛下欲遣織造，夫豈無時，乃當衣素之日而切衣錦之命？卽修省彌文尚未克圖，況警惕實心安望有終？臣聞祖宗於南京原設織染局，水泉清勝，該局官監、機張、工匠種種畢具，並無別設供應機房。且逆藩舊址，氣觸不祥，豈宜在內杼軸御衣？又匠役皆順時僱募，料價皆額外坐派。臣向爲縣南方，切見民貧到骨，每迫增派錢糧，必須鞭楚，血流滿地，不忍舉視。比徵解該局染造，各各侵扣，計自民間而達御前，一衣之費，不啻十衣，勿曰女紅，實民膏血。臣伏覩元年登極一詔停免織造，百姓懽若更生。今蘇杭織造既遣去冬，而南京機房復蹈前事。臣竊謂陛下仁聖恭儉，斷不悖明詔誤差遣。伏望收回成命，將降下花樣付之南京織局，太監監造進御，特罷玠遣。仍乞念小民之艱，儉而又儉，監上天之戒，敬而又敬。日親輔導以講求治理，召還諫臣以廣開言路，則民生可安，天休可迓。」疏入，上罪邦顏抗奏，奪俸二月。亡何，卒官。

張國謙 字爾光。繇戶部郎擢守溫州，明達嚴敏，加意民瘼。卒於官。士民哀慕之。

周標 字時升。嘉靖中進士高第。以廣州推官入爲戶部郎。出守長沙，長沙人志之名宦。丁艱，補兗州，招集流移，課墾疆畝，歲春發廩賑貧，勅秋自襁輸，不責其息。政聲倬起，爲東諸侯冠。復丁艱，補揚州，途擢備兵徽寧、江西按察副使。歲旱，率寮吏徒步虔禱三日，澍雨大應。擢江西參政，卒。標清襟雅度，潔修辦治，嘗曰：「福戒於過享，財戒於侈用，氣戒於壅溢。」終其身，食無兼肉，衣無重綵，居無華

宇。間里間忘其爲宦閩也。

孫振宗 仕行人，卒。深於《易》，有《易學說約》行世。

沈亨 字體敬。潛心聖道，闇嘿修持。其於義利、公私之際，幾微嚴謹。常云：「心術上要致其光明，氣質上要矯其邪偏，一切墜情溺志。」攻愆責善，省己望人，不遺餘力。嘉靖乙卯，以貢授新會訓導。作《庠諷》以訓士，作《勛勞歌》以興孝，作《卦畫圖》、《論孟辨》、《太極解》、《啟蒙疏》以發先賢之蘊。士尊尚之。擢宜山教諭，教如新會。未幾致仕。有孫二人，無可接餒，寄養於女家。

林雲程 字登卿。登第在嘉靖之季。時王弼州方與李歷下諸公握三尺管馳驅中原，海內翕然景附，閩中寂無人。雲程自其少年則留意詞賦之業，既紆組綬，交游諸公間，所從游詞客，則吳中張伯起、勾章沈明臣、里中黃克晦及諸名流勝選，率以風雅推讓之。好蓄法書名畫，書具窮其源委，而筆翰大有名於人間。世人但見其登高作賦，臨池洗墨。雲程一片真誠，自將尤善，蒞政以便民，自以爲無瑕釁於人。坐是浮沉州郡，郎署間，登第二十餘年，不得入使。然而詞林嘉譽，世卒不可得而掩也。家居厚德載物，古意宅心，爲鄉邦模楷者五十餘年。壽九十六而終，人人尚歎：「天之不憖焉！」雲程所歷官，兩爲通、宿州，兩爲南北曹郎，兩爲九江、汝寧郡太守。從侄欲廈、肇開。

欲廈 字從矣。以鄉薦教睢州。成進士，繇戶部知饒州。饒介湖多盜，得其魁首於荏苒中。淮藩嬖優怙寵觸法，欲廈謂優罪不赦，然獄不可竟也，令殮之而事息。擢備兵江州，累廣西左布政使。當饒時，觀察襄陽鄭繼之介人也，其子徒步人廨。欲廈方勵官自好，治事畢，不退食而具炊於堂左。繼之偵得之，大稱畏友。至是爲大宰，遂舉欲廈於人中，卽拜巡撫廣西副都御史。武靖州其地，故大藤峽。峽平，置州

官以土酋岑鐸。岑暴其民，世世三繼三絕，而田州、泗城各垂涎其地。欲厦言：「岑先非款附，功靡捍藩，天殄之矣。」改州爲鎮，隸之桂平，移潯州通判使鎮之，官俸不加增，而可以拯水火、塞瑕罅，莫此爲便。交、黎、莫二酋，其黨與掠犯上、下思石，攻殺長吏，勦撫莫適定。欲厦檄諭二酋各先後擒逆黨以獻。乃更疏言：「款不可恃，請留兵餉爲後計。南寧、太平苦交屢矣，上、下石二州，賊衝也，請壘之，當用額兵五百人，招募土漢人五百人，合千餘往來戍守。梧，督撫開府地也，故有土司諸兵更迭戍，今歲久安瀾，乞量移諸兵屯要害。左江距省會遠，省會主將坐制之，雖鞭之長矣。請冬春移駐南寧，如邊防、秋海防汛故事。」多得施行。凡撫粵三年，如請蠲礦稅、減黔木價，爲西人計不遺力。以協勦苗蠻，有銀幣之賜。秩滿，五疏乞老。加工部侍郎秩，予歸。欲厦少矜名行，刻苦宦譽，乃其和平誠懇，邊徼夷酋信奉要束焉。

肇開 恬雅端介，爲戶部樞稅，清白不緇。守黃州，卒官。

賴庭檜 字而舟。歷戶部郎，出守建昌，艱歸。服除，補歸德。河堤歲噬爲民患，庭檜行河按流，壅疏之。有夫失其婦，行異縣遇之，告縣，令坐婦奸。庭檜閱牘心疑，廉知婦被盜掠賣，立捕之，得盜窟穴，窖地爲室，獲其所藏器械及他諸繫累人，所從來三世矣。其黨與三十人，法皆當論死，庭檜曰：「亦吾有司教化之不先，武健之不至。」按辟首惡三四人，餘悉論出之。衆叩頭出血：「敢不自新！」深溝樹垣扼蒿矢，盜令不得颺突。清郡獄，出冤滯。繫者歲時予米肉，寬其桎械，第令毋得踈失。商賈行貨算繼，有舊例上之府，悉停罷之。以時延見諸令長，問風俗人情，爲除去所不便。遷兵備副使，所治在天津。約將校，日閱月試行之，居踰年，皆勁武。會虜犯鴈門，徵諸道會兵，則天津兵獨可用。當事者數薦其才，竟不爲權相所喜，循資歷四川參政、按察使。卒，年四十餘。

黃才敏 字爾懋。人試場屋，宗子相臣大器其文，拔置選首。舉進士，爲會魁。授戶部主事，監德州倉。每納戶至，夕上朝遣，却除凡例，卽出人間零星升合，悉分畀隸役，曰：「毋擾納戶，吾聊足望爾。」復選人爲禮科給事中，論列數上。侍經筵勤慎，有衣饌之賜。居常束修自將，不輕謁相臣門。坐左遷邑丞，量移縣令，尋卒，年三十餘耳。

蘇士潤 字惟德。爲吉水令，悶悶無奇而實心爲政。隆慶初，以卓異薦，召人爲御史。有旨取光祿銀三十萬備內供，抗疏諫阻。巡鹽長蘆，疏積引之弊，行小票法，通商利民，至今爲令。巡按順天，首劾州牧之恃奧援乾沒官帑者。巡視京營，營臣有言：「京軍驕懦不足恃，欲召募客兵以衛根本。」士潤謂：「北人性勁，使思威素布，訓練以時，自可易爲精悍。若棄土著募烏合，徒靡費無益。」議遂寢。見擢江陵相，出爲湖廣按察副使，尋謫全州倅，量移湖州推官、夔州同知，卒。

潘維岳 字□□。〔四〕舉鄉魁，久不第，銓揭陽知縣，刻意治官。擢人爲御史，終黃州太守。任洙、藻。

洙 字士鼎。舉萬曆戊子鄉試第一。明年，成進士。既擢上第，以學未優，俛就廬州學教授。其教上，如家塾師弟子。以國子陞工部都水主事，權杭州南關稅。足額外羨金八千有奇，悉貯藩庫，亦不以報部。管臺基廠，每收放，商人至不費一文也。擢吏部郎。是神廟求多，吏部臣在任在籍者悉奉旨逐去，留者僅四人，洙與焉。以父病乞假。既丁父艱。服除，補吏部，掌考功。以思母請急。久之，起江西參政兼理驛傳。復以內艱。〔五〕服除，浙江參政，〔六〕備兵嘉湖，爲德於浙西人甚厚。歷遷廣西按察使、江西右布政、廣東左布政，卒於官。洙蒞官所至，不携本土一物，不妄取民間一錢。久居家，日見窘迫。及出山，又

復如是無改悔。爲人一直如筆，所至與諸公相處，始初猜訝，之後乃盡親厚。當官事事理會，嘗謂人曰：「令吾子弟作文如我爲官者，何所不得高第耶？」臨卒時，遼虜蠢動，日夜拊几慨歎，積有三千金，欲以助遼，及沒，當事者以賻其喪。一片愛國之誠，竟不得達，惜也。

藻 字士雅。以明經仕寧德訓導，處諸生如朋友，切蹉共之，士皆樂從。遷廣東長樂知縣，視民疾苦如其自身，不取民一錢也。以其兄瀾仕廣憲，迴避改官，歸卒。藻錚錚志古人，臨沒，猶與予談：「曾氏之學，請與必有正，是托孤寄命之根。」其卓見如此。

許知新 仕徐州知州，無以爲家，清節人也。

#### 〔校記〕

〔一〕「從」字，各本原脫，據史朝賓、史朝宜、史朝富本傳補。

〔二〕「族子思維」，（蔡黃卷傳）作「族孫思維」。

〔三〕「刑部使者」上，各本原衍「平」字，據明朝官制刪。

〔四〕「字」下，各本原闕二字。

〔五〕「復以內艱」下，當脫「歸」、「去」之類字。

〔六〕「浙江參政」上，當脫「起」之類字。

# 閩書卷之八十七

英舊志 縉紳

泉州府 晉江縣七

皇朝

有傳

黃鳳翔 李熙 王任重 王用汲 楊道會弟道賓 李道南 陳節 楊日采 林繼喬 陳用賓

張治具 周良寅 張會宗 謝有大 林喬楠 郭惟賢 楊廷相 黃道瞻 蘇濬族人朝陽 顏魁槐

謝吉卿弟台卿，侄望儼 陳士行 張憲可 李廷機 龔廷賓 許國誠弟國瓚 劉弘寶 鄭得書 鄧鏞

林敦忠 蔣光彥 蘇宇庶 陳亮采 杜應楚 李范廉侄廷森 蘇懋祉 林廷雲 莊奇顯 張翰冲

黃鳳翔 字鳴周。隆慶戊辰及第第一人。泉中科第不乏，而皇朝及第自鳳翔始。授翰林編修，奉命

教內書堂。內書堂者，授小內使讀書之堂也，故事，皆翰林資深者充之，至是以委新授翰林。鳳翔與狀元修撰羅萬化、探花編修趙志皋採古內侍之可爲法者，積成卷帙授之，俾讀誦。萬曆初，與修《世宗實錄》。

《實錄》成，進修撰，纂修《會典》，管理誥勅，充經筵官。五年丁丑，同考會試。江陵相奪情起復，朝論不

滿，吉水鄒元標起家進士，卽上疏彈劾之。相恚甚，取中旨杖之，意在斃鄒。鳳翔言於朝曰：「鄒公新進，烈烈如是，胡可死之？」囑其門生之爲鄒鄉人者調護多方，鄒竟無恙。久之，庚辰春復當會試，相欲鳳翔再與同考，使次相授鳳翔意，蓋望鳳翔收錄其子。鳳翔知意，固辭，使同官代，而江陵子遂中選。江陵子二人及第，一舉進士。自是，權要貴人皆爲其子營圖中選，司文者亦視爲固然。及壬午南畿秋試，少宰篆亦欲如相所居，度次當及鳳翔，求鄉貴人爲先請。貴人方發口，鳳翔左右視酬應以它辭，亦遂罷，復使同官往，而少宰子亦中選矣。陞中允，管司業事。癸未，陞右諭德，掌南京翰林院事。甲申，陞南國子監祭酒。念母，歸養。戊子，起國子監祭酒。己丑，陞禮部右侍郎兼翰林院侍讀學士，充經筵講官。疏論時政，以用人理財之說進。其疏曰：「頃者狡虜陸梁，盤桓內地，損軍覆將，遠邇震驚。皇上側席宵衣，勅諭屢下，臨朝召到，聖慮周詳。在廷諸臣咸色喜曰：『精神折衝，威伸萬里矣。』萬壽聖節，傳免朝賀，諸臣復相謂曰：『邊境靡寧，聖衷軫念，嵩祝盛典，不獲展敬，主憂臣辱，此非其時。』逮十九之朝，則諸臣又竊竊言：『得無內廷留連宴樂？』逮二十一日，傳免經筵，則又竊竊議：『今諸司四夷鱗集闕下，復值天驕內訌，羽檄交馳之會，明明天子猶然安晏。豈有出則外患，人廢拂士？』臣蒙陛下恩，列在班行，衣繡肉食，私自耻詬，謂陛下誠宜惕厲憂勤，屏游宴，御朝講，圖修攘，振內外，順治威嚴，萬世一時也。天下承平久矣，一旦醜虜犯順，而行伍空虛，帑藏匱乏，顧視文武，罕足備應猝，臣謂用人理財最急耳。宋臣有言：『平居無極言敢諫之臣，則臨難無敵愾敢死之士。』故軍中韓、范，西賊膽寒，彼其當初皆極言敢諫者也。吏部員外郎鄒元標，與其他建言謫外諸臣如潘士藻、孫如法，皆其人也。元標直聲勁節，業受上知，頃銓司業，擬召用，而聖意頓改於前。士藻、如法諸臣亦擬量移，而章疏中寢。夫以諸臣狂戇薄斥，猶且不被

收錄，復奚望夫盧洪春、李沂諸臣之獲譴獨重，跼伏田畝者也？平居靡爵祿，臨難不全軀保妻子乎？陛下方與輔臣面商邊事，庶幾趙充國、諸葛亮其人而何可不預蓄之也？臣之爲陛下言用人也，願陛下不以爲迂。昔宋藝祖欲積練帛二百萬匹易胡人首，（一）宋太宗移內藏上供物爲用兵贍給之資，二君非堯舜而猶若是。天子不言有無，諸侯不言多寡。今戶部二十萬之歲進，既非舊額，積爲常供，屢經執奏，未蒙俞允。額外之輸，貯諸內藏，而經費資予，外庭莫知，如之何保無濫也？臣見都城內外宮廟寺觀或建或修，金碧堂宇，壯麗煒煌，詢諸道路，皆曰內帑所捐。而遠方梵刹之供奉，歲時燕醮之翳釀，亦復絡繹頻仍。與其厚費冥漠之鬼神，孰若蠲輸子遺之民命？今東南財力已竭，西北邊務方殷，真國民交病之日、反裘負薪之景。宋之藝祖、太宗有何難逮？出內帑之蓄，以富軍市之資，則養士募兵充然而有餘。惟在需發德音、特賜停止，則中外之懽聲雷動，主計之常格大破。臣之爲陛下言理財也，願陛下不以爲狂。臣起家詞林，濫躋卿貳，靡有尺寸上答崇高，偶觸時艱，謬陳膚見，皆陛下之耳熟而諸臣之口贊。願謂臺省言之不聽則大臣言之，一人言之不聽則人人言之，亦謂天下大計無出此也。」疏人，報聞。時皇太子未立，中外屬望最切，而上意又欲國本之定出自君父，宣諭閣臣：「冊立之典且以明歲舉，第毋使外庭知也，彼且藉以爲盡力。」時相王文端家屏出以語禮部，禮部尚書于慎行、侍郎李長春及鳳翔遂上明春冊立之儀。上怒曰：「朕密諭也，而又宣之！」鳳翔與慎行、長春並奪俸三月。諸公不敢有言，而鳳翔復疏諍之。疏人不報，遂上疏乞休。壬辰，起禮部左侍郎。癸巳，改吏部，俱兼官如故。己，陞南禮部尚書，復疏辭。上以鳳翔素有清望，不許。再請，許之。甲午，復起尚書，復疏辭，上復以鳳翔清望，不許。再上，准，以新銜在籍調用。鳳翔事母至孝，其膺命屢辭，並以養母故。最後母以壽終，而鳳翔年且六十矣，執喪哀毀，不異少



壯。四十二年甲寅，鳳翔卒。訃聞，上未及覽，復有旨起爲南禮部尚書。已，知鳳翔歿，有旨如例予祭二壇，仍加一壇，造墳安葬。鳳翔舉進士四十餘年，在官十三年耳，爲人平易忠厚而狷介謹嚴，不設道學之名而體其實。溺於學問，毋論在官在家，以至衰老，子史詩書靡不涉閱，要必終其卷帙，審其條貫，鉤其贗謬，搜其重複，每讀一書輒有論著。粗飯量腹，革輅納足，蒼衫稱身，自盥自櫛，一二蒼頭侍立而已。治屋宇，取足庇孫子，門絕鬻髻，柱削開桷。爲文爾雅深醇，所著有《田亭草》若干卷，所編輯《嘉靖大政記》、《嘉靖大政編年錄》、《泉州府志》。天啟初，賜謚文簡。

李熙 字穆之。父文濩，兄勳，並以貢仕學諭，有文行。熙登隆慶戊辰進士，選翰林庶吉士。除兵科給事中，乞疏錄世廟時言事諸臣，請蔡虛齋清從祀孔廟，糾中官馮奸當斥，旁及戎政、互市、振恤、阜財，殊有建白。世廟升遐，新鄭相欲令臺省掎擊諸閹，盡逐先朝舊時左右。同列有受新鄭指者以語熙，熙不可。已，新鄭竟去相，幾陷不測，同列始服。新鄭去，則江陵居正代之，偵熙與新鄭忤，諷爲排不附己者，熙復不應。久之，疏論譚司馬、沐黔國、劉都護、宋主事不法事，坐爲司馬所擠，謫南豐丞。量移寧國令。擢南刑部主事，出守高州，擢廣西備兵副使。引疾致仕，道卒。熙孝友道義，有古人風，一落清華，棲遲海服，所至以恩信蒞人，精勤任事，每言：「士大夫立身行己爲要，至於窮通得喪，蓋有命焉。」

王任重 字尹卿。爲廣州推官，其守與舶司交構，連任重，任重不自明，竟陞柳州同知。久之事白，擢守其府。持法方嚴，豪家忌之。調貴陽，以馳傳左遷揚州同知。遷雲南曲靖守，擢其省按察副使。移陝西，行太僕寺卿。復遷布政參政、山東按察使，專董漕儲。事竣，擢雲南右布政使。以疾乞歸，予太僕寺卿致仕。任重愨淳質任，浮沉邊徼，悉心官理。滇中先後削平逆酋，任重勛勩爲多。爲諸生時，慨然紹

濂、洛、關、閩之學，常粘《太極圖》、《西銘》於壁。及守曲靖，值江右李中丞材分憲金騰，遂以學相質，往復衍繹而踐履益真。至其虚心受善，擊節詠歎，不啻己出。每夜就枕，必誦《孝經》、《小學》章，曰：「陶情頤性，淺而實深，近而實遠。」雖耆耄不廢也。

王用汲 字明受。爲郡諸生時，郡困倭賊，所召募客兵橫肆市中，徒飽餽餉。會御史按泉，用汲入爲御史言狀。郡守恚之，曰：「何與諸生？」用汲曰：「范希文自做秀才時，便以天下已任，矧鄉井事諸生無涉耶？」舉進士，授淮安推官。陞常德同知。萬曆丁丑，入爲戶部員外郎。江陵相奪情柄國，假歸治葬，督撫、藩臬不遠數千里往會，獨巡按御史趙應元稱疾不赴，馳疏乞休。御史大夫陳爌言：「御史出巡，歸而受考覈，令也。應元飾疾規避，當論罷。」報可。用汲上疏言：「臣竊見大學士張居正准假歸葬，上奏陳謝，巡撫、藩臬畢來會葬，奏皆叙及，獨不言巡按御史趙應元者。居數日而應元患病乞休之疏至。臣始疑之，豈居正未能無介然於中，應元遂爲退避計耶？旨下吏部題覆，去留屬吏部矣。乃都御史陳爌遂劾應元托病乞休，大肆欺罔。夫疾病，人所時有，獨內臣得以病告者，蓋爲其無地方之責，非出於推位避事故。凡京秩諸臣，或患病果真，欲就醫於故里，或進用太驟，恐超躐乎前人，或家有期功之喪，情難遽釋，或朝有忤害之黨，勢難並立，皆暫引疾退處。此其義未必盡合於匪躬，而心要非盡出於爲邪。故自祖宗朝至陛下今日，概不絕其向用之途，亦所以恤臣下委曲之私，示聖朝寬大之政也。今在朝大小臣經告病者何限？若以舛言推之，則諸臣皆懷欺之甚，不容一日立其位矣。無論遠者，即應元疏入先後數日間，工部司務呂潛以病告矣，序班郭英稷、署丞李舜臣又告矣，南京刑部主事孫一星、劉玉成又告矣，事下吏部題覆，皆奉旨俞允，何獨無一人爲托者？且此謂非有差委，在考覈之之例也。如近日巡按廣西御史陸

萬鍾則告矣，巡按陝西御史劉光國則告矣，巡按山西御史陳用賓則告矣，是皆差委已竣，未受考覈，與應元一體也，並聽吏部題覆，舛殊不論其托疾，豈以鍾等皆不可遽療之疴，而獨應元爲強健無病之人乎？且無論諸臣，卽舛在先朝亦養病家居十年，後稍資緣攀附以出矣。己則行之，而以責人。孟子曰：『長君之惡其罪小，逢君之惡其罪大。』臣謂逢君之惡其罪小，逢相之惡其罪大。今之大臣皆逢相者耳，若舛則其尤者。今天下事事私矣，人人私矣，獨陛下一人公耳。大臣益成其私而無所顧忌，小臣益苦於私而無所控告，其勢不得不奔走夫私門矣。以陛下之聖智，胡不躬勤庶政、親覽章疏，孰公孰私，孰便孰不便，先以中意可否，然後宣付輔臣，俾再商榷，使幾微隱伏無逃聖鑒，將如舛之罔上行私，不惟不敢形諸牘，且不敢萌諸念矣。臣非不知應元之斥已奉明旨，非一介賤臣所能回天，但見群情洶洶，率與臣同，懼輔臣之威，無敢懷忠入告者，故不避斧鉞，特爲是言，將使權臣聞之，謂天下猶有不可盡威劫之士，或稍斂戢於將來。是臣所以忠陛下之心也。」疏入，黜爲民。用汲所居石龜之里，布衣徒步入郡城講授，資束修自給而已。江陵沒，起爲刑部員外郎，未上，遷廣東按察僉事。入爲尚寶卿，遷大理寺右少卿，尋轉左。晉順天府尹、南京都察院右副都御史、總督操江、南京兵部侍郎。改吏部，晉南京刑部尚書，以病乞歸。用汲起家淮司理，躬自節約，廉平惠愛，淮邳水地，民困昭蘇。以不能俛仰淹頓外服，積積十一年。一人爲郎，鯁直著聲，遂至大官。所至一意孤行，豎有勞績，而建白一疏則其大者。卒，賜祭葬，贈太子少保，謚恭質。

楊道會 字惟宗。登第之文，鬱起菁華，大變常格。就銓黃巖令，息訟緩征，設誠行之。擢南戶部，以省母歸。起補原官，聞母喪，妻方就館三日，束裝奔訃。服闋，補工部，尋權木南關。將之關，別張江陵相，相獎借甚，因授意令伺南方人情向背以告。道會全關，第報視事日期而已。旣權木，木商大感寬政，

而稅額縮。道會第如額報，不慮縮額違相，一時督責指。久之，相病，部尚書如他部尚書出金爲相禱，道會請自削名，相竟不起，時論高之。出守安慶，尋丁父艱。服闋赴補，台州民與安慶人爭守，竟知台州。台州者，所治黃巖，民具知其爲令時也，將至，巖民襁負迎道，三日不絕。居久之，歲荒，奸民以告糴爲辭，空其大家困廩，道會擒亂首置法，黨立散。他日，有突報倭寇至者，民奔擁入城，道會曰：「倭來必登崖，未登崖，胡急也？」台人請授兵登陴，道會曰：「我民盡於守陴，卽亂民立內訌，可奈何？」坐鎮之，海竟無倭耗。遷廣西按察副使，粵撫幾微見顏色，投檄歸。居二年，起爲其省提學使者。時臬僚多缺，悉委道會篆。道會視學政之外，一平府江徭，一討岑溪徭，有成功，而時時仰屋歎曰：「夷雖平乎，難言之矣。吏墨而刻，豪蠹而侵，夷未控告，張其猜噬，此亂本也。芟夷不得，加以招。招不來，生其玩。玩莫制，陷以利。陷無厭，肆其驕。至於攻城據邑，劫帑戕吏，而大征舉矣。夫始直炎炎也，縱其燎，土漢並集，玉石俱焚，夷可哀也，吏與豪孰問之？」遷湖廣參政、提督太和山，兼撫民，及分守下荆南道，治郢、襄。太和山故有香璫，士夫人與璫爲難其故習，道會好之。他日，稅璫陳奉奉旨來。陳奉者，惡璫也，滯郢旬日，泰和璫遣謂之曰：「楊公菩薩，位人玄神，殛公矣。」奉怫怫去，之襄、樊，日爲暴。襄、樊不善爲周旋，天子逮襄通守、司理、棗陽令各一人。道會馳襄、樊慰藉之，三人復無恙。奉去，之楚，楚民大變，毆擊其人，沉之江。天子召奉還，使趙司馬可懷出鎮，陞道會按察使，分守武昌，尋攝其使篆。趙司馬窮治璫黨，下訟牒道會，牒三百，道會人見司馬：「奉黨多不過百十人，其爲世指名者大抵已長繫，其餘或殛或溺，不則首鼠竄。似訟牒如許，率騎斂有力批引夙讐者也。」司馬收還牒。亡何，部運人淮，乞歸休，不許。時朝旨已轉布政右使矣，而楚宗獄起，趙司馬死焉，天子卽家趣道會倍道之官。道會走人楚，諸宗已就檻，諸司尚日夜治

楚獄不休，道會語左使：「楚宗始起事者已坐罪，若株連及人人，恐生他變。」左使乃列上罪狀爲數等，得旨施行。又語楚撫：「誅戮之後，宜停楚刑一年，以示寬。」楚撫奏上，報可。道會復時時歎曰：「楚氛之起，國戚幾頓，牽纏斯長，亦因諸公操之太甚。令某在事，當不其然。」亡何轉左。自親王而下具禮待之，曰：「大家巨族且厚本支，況天潢乎？」庚戌人覲，乞歸，許之，需後用。道會貞而不諂，和而不流，平生不齒榮利，未嘗一失足權貴人門。論爲官，則曰：「官非身有，行則爲妬，妬遇也；止則爲復，復故也。」論馭吏曰：「不受餽。」論待民曰：「無擾之。」論治官曰：「與革弊，莫若興利；與嚴下僚，莫若詳自治。」論學則曰：「古人學問，隨地精察，大德不踰，據德也；小德出人，游藝也。」取性理精言，採人《程朱全書》、《近思錄》，爲《性理抄》。依《春秋》、《綱目》例，纂成《歷代史》，自作論贊，發前人未發，可謂好學不倦君子矣。從弟道賓，見下。弟道恒，見韋布。

道賓 字惟彥。萬曆丙戌廷試，擢及第第二人，授翰林院編修。累官禮部侍郎。尚書缺，攝篆者久之。充經筵日講，記注起居，累疏乞歸，不許。奉命有事齋宮，禮未成以疾擁還，遂沒。道賓爲國子祭酒時，疏請東宮行齒胄禮，表進《三國志》、《五代史》論斥閹豎、公貨財，以古爲鑑，詞切而直。與諸國子按古射儀行之射圃，懸省日之賞以誘勸之，以推明高皇帝建立射圃學官之意。其攝尚書禮部，疏陳五事：曰葆清明平旦之氣，以澄聖衷。曰召閣部大臣人對，以決壅鬱。曰復章奏批發之規，以尊主權。曰慎內批中發之旨，以杜群疑。曰去形跡體面之套，以振事功。上萬壽節，道賓緣華封三祝之意，推而衍之，請上勵精圖治，所以爲受天之壽祝；命東宮諸王出就傅，所以爲受天之多男子祝；捐爵出祿，修廢官、補大僚，所以爲受天子富祝。每遇進講，盥頰焚香，端坐待旦。人視部務，退邸舍，作《春秋》、《通鑑》講章，隨

事發明，借古爲喻。講讀久輟，道賓言：「太子，天下本，培養宜厚，諭教宜勤。宋臣程顥有言：『與近習處久，熟便生褻慢，與士大夫處久，熟便生敬愛。』此確論也。宜亟渙玉音，卜期開講。」蒙恤諸大臣謚典久闕，道賓言：「國初大臣議祭、議葬，卽與議謚。後因請乞紛紜，乃令會議類奏。今萬曆三十一年以至今日閱五年矣，物故大臣其人非一，不及此時，爲分別，將來耆舊不存，事跡湮廢，揣摩任意，毀譽失真，豈國家慎重勳世褒賢之大典哉？宜下臣部，以三年或五年爲期，博採公論，酌據奏聞，著爲成規。」從之。道賓起家翰林，以至掌部，分試禮部，兩主鄉試，一主會試，所得皆知名賢士大夫。居家孝友盡誠，與人煦溫，引己反躬，靡有繫吝。至平義所不可，事所當爲，不肯苟爲徇異。作箴自警，大旨謂貴常可賤，富常可貧，須立定根脚，我不必是，人不必非，須剖破藩籬，性命爲輕，名節爲重，須審度權度。名位非求可得，禍患非避可免，當勘破機關。箴成，遂爲絕筆，時年五十八耳。而絞衾衿帽之屬，不制而備。當朝士大夫，皆曰：「楊公達生若是。」立爲請贈謚。得贈禮部尚書，謚文恪，遣使營葬護喪。飭終之典，恩數獨溢。

李道南 字君載。隆慶初貢士。性耿介，安貧嗜學。授台州訓導。會台缺令，當道知道南，使攝之。初至，叱去供億饋餽，一夫之辦，鷄黍之餽，皆出俸膳之餘。出十八年冤獄，開釋丞簿、尉之設，寘寘民者。每按一事，輒於審單後署「不科紙」三字。遷於潛學諭。天台人立碑識去思。當道悉其廉，又委署昌化，如其署天台時。終汀州府教授。道南內行修，官俸之餘，不一私人室，輒公諸昆弟。

陳節 萬曆初仕瓊山知縣。凡仕海外者，率以遠地越軼。節洗手自將，暇則召弟子員課試經義，誨之。瓊俗用錢，而節居官清儉，其賞弟子員錢數十文而已。有時趨府歸，老穉迎謁如家人、父子，然節無子。其居官美政莫有知者。久之，瓊人來仕於泉與泉人自瓊來者，具言瓊令數十年無如節也。

楊日采 字原白。授羅源學諭。遷安東令，築堤障河，招流移，墾荒土，改折漕糧，勞來商旅，疲邑改觀。擢南刑部主事，卒。

林繼喬 領鄉薦，署新安教諭。遷海陽知縣，大著廉名。儕輩見其所爲，笑之曰：「是其家有逐錢鬼，不然，何苦如是？」擢均州守。有泰和山，中貴人奉祠事，客使絡繹，繼喬節煩費，調供億，治不擾而法平恕。民間爲之語曰：「逢某官則死，逢林守則生。」陞南京刑部郎。出爲思州知府。播賊煽亂，朝命督諸方面甚急，繼喬亟趨命，至沅州卒。

陳用賓 字道亨。授長洲令，潔己惠民。召入爲御史，巡鹽河東。鹽池苦久雨，積課虧盡。用賓竭誠往禱，雨卽立霽，池鹽遂生。既生，苦無南風，用賓復禱，薰風連作，鹽積如山。督學江北，考較薦劾一出至公。以忤江陵相意，出爲四川參政、浙江按察使、湖廣布政使。以都御史巡撫雲南。緬猛爲患，用賓招木邦，以夷攻夷，誅丙測以絕勾引，建關堡，開屯田，三宣遂寧。順寧府土舍猛廷瑞者，孟獲後也，土官奉赦世守大侯州，其族奉學分管雲夢十二寨，謀奪州印，通於廷瑞，與興兵攻奉赦，焚州治及所賜勅書，燬瀾滄、雲龍二橋。用賓上疏，欲令廷瑞執學贖罪，不從則以兵臨之。朝議許便宜行事。乃先遣人諭瑞，瑞不聽。決策用兵，瑞計窮，斬奉學首獻於監軍李先著。先著命撤兵，而廷瑞遂奔據觀音山。張直指行部永昌，上疏劾先著受賄縱賊。用賓難於異同，以疏繼之，然詞多委曲。有旨：撫、鎮官協力共勦。於是分遣四路兵攻廷瑞，瑞走洛黨，獲之。順寧平，改土爲流，設知府，而改大侯爲雲州，仍以奉赦爲之。無何，十三寨復叛，計平之。時先著奉旨逮至京，病卒詔獄。而用賓就晉右都御史兼兵部右侍郎，蔭一子錦衣百戶，世襲。側目者遂恨用賓矣。用賓撫滇已十餘年，念母老，屢疏乞歸，不允。而阿克之難作。阿克

者，武定土官鳳朝文孽孫也，嘉隆間屢叛，討平，改武定府流官。其屬州人鄭舉者恨知州黃榜，欲死之，謀阿克起兵復故地。知府陳典知其謀，携印避入省城，武定遂陷。克長驅至省城，大焚掠民舍，索武定印甚急。用寶倉卒徵調未至，權宜出印與之，計給賊去。尋徵兵分道進攻，擒其渠魁十二人。朝議不論其勦賊之功，而單科棄印之罪，論逮下獄。朝廷方有意出之，顧素不能通長安筐篚，竟莫爲營救，在獄中九年卒。

張治具 字明遇。知廣西永淳縣，徵入爲御史，歷轉四川按察使，致仕。永淳有賈人子賂當道請鑿礦，治具爭之不得，爲設重稅困之，立見報罷。在四川，播州民苦楊酋殘暴，避入內地，時議驅出之，治具曰：「播人，吾人，方離窳而復納之，非情。」爲設法安戢。葉向高銘其墓，稱二事爲蚤見。

周良寅 字以衷。仕至都給事中，外轉，左遷爲縣。能爲詩。山人黃克晦故有詩名，推重之曰：「周公，後來之雋。」良寅能詩，復以書重。放浪江湖間，其家蕭然，不問也。

張會宗 字于震。少流落人粵，寓籍潮之澄海。舉粵闈第二人。居三年，第進士。以兵部郎守台州，調岳州。所至仁心爲質，與談民情物故，至可矜悼之事，輒愀惻改容。遷雲南按察副使，致仕。

謝有大 終偃師知縣。所居深山之中，有太上之風。入仕，惠利爲心，初不知有自肥自營事。年九十餘卒。跡其爲人，可方陶令。

林喬楠 以戶部郎出守梧州，當官廉謹，裁罷夙蠹，兩以覲行，不受餽遺。郡志先被回祿，捐俸修刻。陞本省按察副使。退而居鄉，名長者。

郭惟賢 字哲卿。登進士，授清江令，一意冰蘖，五載，吏民懷畏。選授南御史。始至，屬有掣鹽之



役。故事，掣鹽御史取贖緩不貲矣，商船多者坐以夾帶，少卽坐以盜賣，用此觸禁無恒，而御史所取贖緩，十一濟邊，餘私橐也。惟賢疏言：「御史，職糾察而已，官以『察』爲名，奈何親緩金？卽如工部龍江廠竹木，主事一人掌之，而御史監督而已。臣謂戶部，職錢穀，御史，職糾察，各有司存，請亦令主事掣鹽，而御史按季督如工部龍江竹木例。」於是惟賢清節著聞。江陵相柄國，言事諸臣多得罪。相死，得罪諸臣未復。會皇太子生，下恩詔中外。惟賢言：「今恩詔雖下，而建言諸臣如翰林編修吳中行、檢討趙用賢、刑部員外艾穆、主事沈思孝、刑部辦事進士鄒元標，及御史傅應禎、朱鴻謨、給事中余懋學諸臣多在戍籍，乞行赦宥。」是時相雖死，與相比者大璫保尚在。疏入，謫爲江山丞。三月，保敗，召復官。先後論劾浙江巡撫之庸懦而激兵變者，南國子監祭酒之便肆而招物議者，都御史之軟媚不職裁抑，御史以逢迎故相者。特薦海內耆碩之士，如故禮部侍郎王錫爵、光祿卿賈三近、孫鑣、太常少卿何源、尚寶卿汪文輝、巡撫孫丕揚、耿定向、曾同亨、吏部郎中王鑑、廣東按察使胡直、副使蔡國珍、劉應峰、參議詹仰庇，推賢斥佞，一時名動天下。頃之，刑部主事董基以諫止內庭操練，被旨降調。惟賢申救甚力，疏入，上怒，念初見召復，薄換南大理評事，旋移南戶部主事。人謂以風紀之官移主錢穀，坐畫而已，而惟賢辰人西出，簸揚概量必躬必親，眯目甘己，選粟與士，士以大驩。俄轉南吏部稽勳郎中。尋改考功，值丁亥歲當典計。是時南冢宰爲李肅敏公世達，南都御史爲海忠介公瑞，惟賢上書二公，請絕請託，斥巨奸、屏私瞞。計成，中外咸服。改丞尚寶，晉南通政司參議，應天府丞，改順天。尋以右僉都御史巡撫湖廣。楚故有景王國。景王者，肅皇帝愛子，其分封之日，所予湖陂、田土、房屋之賦異等諸王。景絕國除，賦額在也，顧其時數爲奸民投獻，妄張虛名耳。及上弟潞王之國，上悉以景賦予潞。潞必得景額，以聞上。上鑄司、道、府、縣官

俸，責撫按報聞甚急。惟賢疏言：「景額有之，顧多虛名，楚中父老至今能言其狀。臣今者體皇上愛弟之意，爲潞王計畝而加增，新淤浮生者履畝度之，或攤派以分平民之累，或曲處以蘇疲邑之供，所增賦計二萬五千有餘金，非如景額虛名矣。然臣有二請：潞去景遠矣，所徵賦率遣其府中人逼迫誅求，民實不堪，而王安得而知之？三楚剽悍，其天性，加以旱乾水溢之後，疾苦萬狀，而王安得而聞之？臣所請者則請徵之有司，送至潞府便。此臣一請。臣伏覩《大明會典》，皇莊及皇親、公侯、駙馬、伯等官莊田，如遇災傷，其徵收分數一準諸民田。夫曰皇莊、官莊，而藩租可例已。且各省直之民一遇災傷，皇上蠲恤恐後。王獨不可仰體楚民之災，猶曰民也，臣見襄漢水溢，景陵、漢川諸縣廬井漂溺，王府佃民流移過半，然田里之民已稍復業，佃民未也，謂夫蠲恤之恩，里民猶可得之皇上，而佃民不能得之王也。倘蒙上恩，令如皇莊、官莊災傷蠲免，天下且以頌皇上者頌王，以頌王者歸皇上也。此臣二請。」復言：「楚中長沙、寶慶、衡州三衛軍士率移戍武崗，而寶慶、永州、寧遠諸衛復遠戍廣西柳州。夫長沙、寶慶、衡州之戍武崗也，是以腹裏移守要害也。寶慶、永州、寧遠諸衛之戍廣西也，是以鄰省調戍遠地也。武崗之戍，蓋因正統間諸苗侵掠而設，而柳州之戍，因弘治間借兵勦苗而留，是皆起一時權宜，後沿爲例也。貧軍窮伍，終歲不得休息，動輒怨咨，不肖武弁，巧立名色，視爲奇貨。而寶慶去粵西千餘里而遙，瘴癘交侵，生還有幾？是以邵陵軍士目爲死戍。臣請分三衛之戍武崗者爲上下一班，更迭輪戍。其戍廣西者許之撤回，庶幾執戟之夫得蒙更生。」許之。居久之，守備承天。中貴人政催徵興邸舊賦，參奏佃戶世林及潛江令珩。有旨令撫按官勾攝人犯就中貴人按問。惟賢上言：「陛下命臣撫楚，臣無所不得問，今中貴人問矣。」（二）命臣等爲之勾攝，此二百年來明憲未有。臣知守法而已，固不敢使災禍遺黎羅於刀鋸餘人之網。」上爲之罷。楚宗

庶出城淫賭爲非，江夏令傑笞之。宗庶不言，笞已乃言楚宗，大閱寤令，辱之。惟賢言：「伏讀祖訓，宗人犯罪，但明賞罰，不加刑責，而禮部見行宗藩事例，則有無名宗人，『一體究治』之文。法固並行，律傑祖訓，傑誠辜矣，律以見例，亦未失也。且律嚴故勘故人，而不知不坐，傑笞宗庶，坐不知耳。然臣請爲陛下竟言：嬰兒常病傷於飽也，貴臣常禍傷於寵也，宗室亦然。臣謂陛下平時宜有以教之，教之則莫若嚴宗正之官而行家約之訓。」楚中貴人進貢茶鮮，濫索夫役，呼淘四逞，鍾祥令來命執不與，中貴人大撓令，令自結束爲郵長，送卒輦致茶鮮於境上。守承天者大璫，上言令，上奪令職。惟賢復申救之。其他若城黃梅、城通城，請祀周元公父於啓聖祠，刻元公及二程之文爲《三儒集》，屈大夫、諸葛武侯、岳武穆之文爲《三忠集》，貽楚人安利之業而風之教化之原，則其大者也。召入爲左僉都御史，協理院事。秩六年滿，晉左副都御史，協理如故。屢條上大禮、大政、用人、理財諸事。戊戌、己亥兩預計典，佐臺長，佑善黜奸無所嫌避，如其南考功時。以丁內艱歸。服闋，召起爲戶部左侍郎，尋卒。賜祭葬，贈官，予子夢詹蔭。惟賢朴誠亢厲，朗豁精密，心在舌端，思窮人表。其念繫乎天下、國家之大，而最注意者人才用舍之間。其神過於器物服用之微，而最慎守者辭受取予之際。服官三十餘載，宦轍所至，綱挈目張，風清弊絕。蹟而復起，壹意獨行，世局久遷，我守常定。是以生而海內士大夫無所問，然沒而讀歎思仰之。夢詹，仕戶部主事，遼事起，上疏欲領兵平遼難，無知者。

楊廷相 字君贊。令丹徒，以清勤得譽。擢兵科給事中，吏科右給事中，尋轉左，進爲都。嘗偕刑部錦衣籍江陵故相家，見尋常刺牘悉火之。吏垣先後九年，建白多大體，不毛舉驚擊溪刻求名。遷太僕寺少卿、太常寺少卿、南京太僕寺卿、應天府府尹、南京通政司通政使。乞骸歸。卒之日，敝廬一區、薄田數

十畝。鄉邦以爲清畏，人知焉。

黃道瞻 字臨汝。舉進士，授遂昌令。先是，遂昌歲大饑，民流離東西食，乘間爲盜，長史捕殺，莫能禁。道瞻至，歎曰：「民視死盜與死饑等，故有盜。令無饑，卽無盜耳。」奏記當事者，請賑。當事不可，道瞻徑賑之。（三）其秋大熟，民牛車擔負，立實所賑倉。時時一羸馬行阡陌間，問疾苦，勸課勞來。兩造至，立折之。興學造士，士多有名。以母喪歸。服除補宜興。部多貴人大猾，扞網犯科，率厚招亡命爲奸宄，吏捕急則抵湖中，緩則橫剽人。道瞻念曰：「此非如嚮遂昌民饑可使飽者也。」爲畫策，誘誅其渠率，而立散其黨。奉詔書均田，足漕泥而冠被壩，望莫知爲令。其所罷弛歲會權算與灌輸河渠費，莫計其多少。召入兵科給事中。疏薦孫丕揚、曾同亨、李世達、邵光先、耿定向、屠羲英、何源、詹仰庇八公可大用，論糾南北兩大司馬、數大帥宜罷去，又以戚少保繼光宜用之長城北邊，不宜處東粵散地。忤旨，謫丞永豐。治丞職如素爲丞。歲餘，遷河間府推官。尋遷刑部主事，會有詔矜恤臨江民，李臣、王民祉爲其故守錢某訟冤。錢某者，以酷治臨江，上記憶之，遂謫戍臣、民祉二人。道瞻請輕之，復忤旨，謫兩淮鹽運判官。父病，棄官歸，不出。卽家起爲兵部主事，尋進吏部，之官兩月沒。道瞻慷慨有氣節，蒞官爲廉，居家貧甚。或曰：「君令宜興矣，他人令宜興不貧，君何獨貧也？」曰：「貧人取爲貧令。」《宜興志》載其當暑月留一故人邸中，以其寢榻寢故人，自卧別榻於故人榻傍，榻無別繡帳，蚊薨薨嚙膚，終夕拍搔，與故人語達旦。其廉如此。

蘇濬 字君禹。宋忠勇緘之後。萬曆癸酉鄉試時，大司馬郭子章爲建州司理，興試事，夢蔡虛齋出其門，旣得濬卷，大奇之，薦爲第一。是時士所爲文皆勦拾帖括，意氣卑爾，濬獨抒心得，雄深雅健，出史

入經，蓋未及登第而名滿天下矣。丁丑成進士，哀然魁選，授南刑部主事。丁外艱，服除，補工部。董慈寧宮，先簿正材，中貴人不得撓掇爲奸利。江陵相有疾，九列爲祝釐，部尚書以青詞命濬，濬不屬也。癸未，分南宮試，舉多名人，會元李閣學其最著。尋改禮部，出爲浙江提學僉事。開門試士，士卷未竟，濬閱已遍，鑑賞收拔，剗破常調，士大駭怪，而久之淹者旋以通，下者旋以上，益久而人益服之。遷陝西參議，領商洛道。捐俸葺庠，與秦士談經講藝。時屏騶從，一騎行邨落，下馬人民舍，粗糲桔槔，前後相錯，父老出長跪，左持斗酒，右具園蔬進，濬酌而嚼之，若親父兄。秦中苦役，白兩臺，用條鞭法。商洛有礦盜數百，列柵旅拒，移檄諭之，皆解去。遷廣西按察副使，備兵蒼梧，尋轉參政，領桂平道。政尚簡易，興文化俗。岑溪猺變，起廢將陳遴，以吳廣爲先鋒，身自督戰，旋討平之。擢貴州按察使，以病疏歸，有強留者，曰：「用世如虛舟，存而不繫，過而不留，不以天下爲己有。出世如游魚，游乎江湖，忘乎江湖，不以己爲天下有。」亡何卒。濬不設道學之名而深造有得。居家以孝弟爲宗，當官以義利爲防，廉不買聲，介不絕俗，仕無擇官，官無闕捷。治商洛時，衙齋無事，浮白而酣，據梧而吟，仰思俯視，充然有得，涉筆記之，作《四書解醒》、《易冥冥編要》，以補考亭之未盡而發虛齋、紫峰所未及。在粵，修《廣西通志》，足備故實。又有《鷄鳴偶記》，則躬行心得之言。讀者謂其可與虛齋《密箴》相表裡。其胸懷廓落，洞極無際。時登山臨流，觀化自適，滿引醉歌，田夫野老更邀互答。若《酒經得得篇》，其曠志娛心之文也。

朝陽 亦緘裔。授濟寧州學正，陞柳州懷遠縣。縣故蠻地，成化以來諸蠻生聚蕃庶，漸不用命。馴及正、嘉，負公租，占民田，攻劫當路寨，屢討不克，自是官懷遠者寄空名而已。隆慶初，王師平古田，右江大震。令馬希武憑威風諭，稍警竦，因爲城居之。希武成城甚厲，時扶其不免，至有斃者。諸蠻復變。朝

命征之，獲首虜萬計，餘孽竄伏林菁中。遂議遷縣於坂江，役復興。蠻怨未解，復殺主簿以叛。自是莫敢問者。朝陽至，單騎裹糧歷諸峒，面召與語，遣辨武吏習蠻事者啖以解仇開江之利，諸蠻稍稍喜。益崎嶇山谷間，撫摩霑接，約束省禁，蠻人益屬心。其最悍者曰標口、楊溪、小喜、敲頭等村，故倚長棘毒弩，負險自封。朝陽遣尉鄭良慤往諭。良慤入，諸蠻趨居群立，徐徐聽語，亦開心，皆願輸賦如舊。於是白撫按，請成城，遂卽其地之丹陽鎮成焉。坐卧小舟，戴星出人，蠻人不見其爲令也，皆以爲親已。居一年，廨舍、壇宇、樓櫓、營柵煥然一新。儀門左右楹有二鶴來巢，可俯而闕，人咸異之。朝陽所與爲拊循，其始與之爲長揖，好語煦濡之，嗣後有當扶者，拂雲根梢地足而已，漸次教以跪起之法，授以句讀之學，然後禮讓漸生、文教聿起，百餘年靡檐耒耨之俗，易爲桑麻衣冠之地。撫按連章交薦，加慶遠同知，署縣如故。尋陞柳州知府。政教流聞，有朱提之賜。祀柳州名宦。

顏魁槐 字奇黃。知廣昌縣，一誠自將，幅尺不踰。邑有爲吏部者有事至縣，魁槐以理處之，無所徇。丹陽姜志禮，時爲建昌推官，雅重其人，及來守泉，或問焉。

謝吉卿 字修之。舉高第。仕清江知縣，以慈惠撫民。先是，令清江者爲郭恭定惟賢，邑人嚴之，清江有「郭父謝母」之稱。偃蹇三縣，竟以淪廢，惟是吟詩作書，率本古法而按度之，具得其旨趣。年八十餘卒。弟台卿，侄望儼。

台卿 字登之。累仕陝西苑馬寺卿。爲人口吃而於物無忤，無大小鉅細一以和平處之。歷官所至，人咸宜焉。亦八十餘卒。

望儼 字可容。知滁州，有愛民禮士聲。每兩造具，裁決如神。州民治外設爨，其近者自携壺飧，遠

僅備宿糗。廷無薰胥，贖緩多從免。翕然爭推仁明，環它郡無不質成者。卒而歸櫬，民哭送之。

陳士行 字道亨。授太平令，擢爲幕僚。遷雷州司理，未任卒。士行古貌古心。筮仕之初，江陵柄國，方用一切爲治，而士行見爲汶汶，坐是宦蹟，年又不永，乃王恭質用汲逢人說項，謂陳君之品當於古人求之。

張憲可 知青田縣，公編審，省坊里，惠商除害。縣有群奸構黨，依憑肆虐，悉取置法。以不畏強禦爲當道所推，擢處州同知。蒙惠商人請刻石關頭以垂永利。

李廷機 字爾張。舉鄉試，會試第一，及第二人，授翰林編修，累官官坊，侍光宗東宮。歷少詹事、南吏部右侍郎，改禮部左侍郎兼侍讀學士。以禮部尚書兼東閣大學士，在事九月，被人言，乞致仕，不許，久之乃許，加太子太保，予銀幣、馳傳，遣官護行。居五年卒，是爲萬曆丙辰。上命恤錄有加。廷機沉靜斂飭，彊立有守。其爲舉人時，則讀書山中，人吳中教授糊口，不肯向有司干謁。既取高第，束身如諸生。當官勤事，無一日不朝參，不敢効世套請告養病。交游餽餉一切辭却，第以節約當治生，曰：「《羔羊》之詩，誦大夫節儉正直，夫惟節儉，正直出焉。」平生議論，動稱古人，出處之際，自謀於心，隨時據理，行其所是。其以官坊侍皇太子講學，每四鼓呼長安門人，寒暑風雨不輟。爲祭酒，以整齊嚴肅約士，曰：「此高皇帝之訓。今人不守高皇帝訓，輒遠引『敷教在寬』之文。夫所謂寬者，乃多方勞來輔翼，欲其自得之謂，豈以縱弛哉？」其吏部南京兼攝戶、工二部，節縮奇羨，度置無用之資，葺外羅城一百三十里、孝陵周垣三十里，歲歲省水衡萬餘金，他如皇城、直房、公署、廟祠、牌坊、橋梁、飯堂，一一修治。或謂廷機：「公翰林官，顧肯親俗事？」廷機曰：「有俗人，無俗事。天下國家事，何言『俗』也？」在禮部時，妖書事

起，捕治甚嚴。時歸德、四明二相不協，會有言楚王假王者，江夏郭正域爲禮部右侍郎，所見復與四明相左，江夏訐四明，遂成郅。江夏引疾去，四明之人因借江夏以傾歸德。上謂妖書實出江夏手，逮訊江夏從人、乳媪，下多官，廷訊五日不決。上怒甚，有詔責會問官，有「朋友情深，君臣義薄」之語。多官計無所出，江夏危甚。廷機獨以身保任江夏，爲之翼護。會緹騎緝得繳生光者，即以坐之，衆在疑信間，猶豫未決。御史沈裕言於廠璫曰：「事不決，縉紳荼毒矣。」廷機是御史言，生光亦慨然承伏，獄上，其事後乃決，而江夏保無恙。署部四年，立簡易之條以便宗室，減貢夷人京人數以省邊傳，飭殿試之規以閑進士，定殿試之期以便歲貢，創屋以居官，施衲以活凍。宗藩有所訴請，立爲明白，遂不至賄求胥史、請託中官，諸宗德之，爲立生祠四區。自念一介窮儒，巍科華貫，當思所以砥礪樹立報答國恩，無使死之日有餘粟餘帛以累君父。上亦知其清，甲辰歲朝覲之期，於禁中謂左右曰：「此時京官不忙，惟趙世卿、李廷機兩人。」不與外吏相接也。卽人相，四辭而後拜命，謝恩疏言：「人臣惟知有主，苟可自致於主者無不盡，有益於主者無不爲。不知有身，不知有家，不知有交游往來，不知有毀譽得喪，必無一念不可與主知，必無事不可對主言。自是而外，有『不可則止』之訓焉。」居九月，言者蜂涌，遂決意求退。上不許，留之首尾五年，然後得命。臨行，尚責中璫不邀挽者，乃厚恩數而歸之。廷機雅慕清淨畫一之理，欲朝列之間遵令甲、守職掌、省議論，以奉法循理爲先。此時士大夫重氣誼，尚建白，時時軼越所守官，而廷機不喜之，以此攻之者衆且急，卒之清節皦然不可得而誣也。自言曰：「予在政府九閱月，惟主張四川撤兵，全活黔蜀生靈，省餽運，俾安疆臣兄弟不至爲播州之續。此一事差足報國耳。」沒，謚文節。

襲廷賓 字可賢。自縣令爲郎，出知廬州。時開採方輿，奸人獻議採且及廬，廷賓上記大府：「開礦



難止，方內諸臣且不能得，何況渺爾郡太守？顧此地祖陵過脉，臣子神孫於萬斯年可不慎也？」朝命遂寢。君子以爲讜。

許國誠 字鼎臣。授西安令。西安地劇且四輪，故難治。國誠蒞以寬和，事存大體，冠蓋往來，厨傳迎送，皆有定式。長年聽役於官者，差次先後著爲絜令。累以戶部郎出守鎮江。郡故工机杼，羅紈繒綺衣被四方，國誠未嘗以寸絲入橐。滿考，銓部奏擢臬憲矣二十餘疏，皆不報。掛冠歸。弟國瓚。

國瓚 字鼎卿。授南京禮部主事。丁外艱，服除，改戶部主事，轉廣東僉事、貴州參議。以罪累，左遷郴州守，復遷南戶部員外，三載，出守西粵之桂林。銓曹以國瓚習其地，兩遷憲副、參知，皆不出西粵。既以人賀行，銓曹益知國瓚，晉山東按察使，更晉江西布政。命方下，遽卒於山東官舍。國瓚精采敏贖，克勤小物，與人交坦夷重然諾，慈惠煦沫及於輿隸。其僉憲粵東，駐北海，處置珠賊得宜，全活甚衆，殄定李茂等叛黨，兵不血刃。時有被虜脇從者已在刃下，察冤狀，立出之。其在粵西，分臬右江，駐賓州。州故八寨，盜藪也，異時邀功者輒議兵勦。國瓚撫綏之，賓州民哺啜安居，無干戈賦役之擾。所至，惠政在人，而賓人祠之尤盛。居家偉人公諸，待內外姻戚悉有恩意。

劉弘寶 字公可。選翰林院庶吉士。授戶科給事中，疏言中貴某恣橫狀，不宜置左右，抗章忤旨，得罪諸臣，宜亟叙錄，以振士大夫敢言之氣。進工科都給事中。察視水衡錢，括故貯不能逾百萬，而一歲中所出贏十六萬有奇，私歎曰：「是不數歲，糜盡矣。」諸令甲所不亟，一意樽省，卽中貴人時齟齬，執誼力爭之。江以西困陶型，三吳困機杼，徐淮上下瀕河地困懷襄，弘寶請陶型無徵奇巧，三吳盡少舒其期，河堤潰亟宜復，而瀕河間墊溺蕩析，不得已驅之版築，盡厚議僱直，斂諸罷民佐之。至陶型之徵，一歲中至

五六下，弘寶五六執奏。河所宜疏闢，言人人殊，弘寶請即治河大臣折厥衷，諸請復故道若請浚七百餘里陸地別通漕，皆譴甚，宜一切報罷。他所引繩墨、持大體，率類是。科臣遷轉，一內一外，弘寶應得內，以遜同官，自請外補，遂出爲浙江參政，分憲台州。會有言河水被淮泗祖陵者，上切責治河大臣，部覆波及，坐謫潮陽典史，竟以謫籍卒於家。弘寶清介仁厚出於自然，粗糲蔬布，終身一日，所居不蔽風雨。其端渠正範，雖夜、盛暑，必衣冠與人交，毋問少長，惻怛至到，望之知爲有德君子也。手抄薛文清《讀書錄》，躬行一稟之。所著有《諫垣遺稿》。

鄭得書 字子讀。授大名令，賑恤孤寡，輕賦慎獄，禱雨雨至，拜火火滅，邑稱神君。當道屢欲調繁，謝曰：「三輔無弱邑，武城雖小，絃歌難耳。臣子鞠躬，何地敢擇？」郡守尹公曰：「長者也。」擢戶部主事，卒官。得書恂然謹讓，軌律孝友。爲孝廉時，里中先後回祿，出粟、授衣三賑之。不子不年，士論惜焉。

鄧鑣 字道馭，將家子也。父城，見武軍。鑣少豪伉，治諸生業，久不遇。讀書清源山之半嶺巖，丙夜不休，故治《毛詩》，夢以《禮經》奪魁，遂改習《禮》，凡治《禮》書三十九日而得科。久之，登進士，授青浦令。爲折糧法以均田賦，濬河渠，勤課學。徵入爲戶部郎。坐爲令時失旁邑貴人驢，調歸善令。爲歸善人改建學宮以振士。擢南戶部郎，出守南陽。郡連水旱，民流徙不支，請損帑金三萬賑之。卒官。鑣爲孝廉時，江陵相大毀天下書院，郡故有羅一峰書院，令欲毀之，鑣與令書萬餘言，請勿毀，令曰：「君他日可知。」〔四〕

林敦忠 字恕甫。幼有至性，八歲母沒，權厝叢祠，每朔旦輒省視，哀哭如成人。長爲諸生，步趨舉

止，折矩步繩，同業生望見，輒目爲有道先生，至呼爲林孔子。應歲貢，授南陵訓。已，遷諭海澄，教授興化。所至，諸生翕然敬信。歿後，三庠並祀名宦。子學曾，學閔，孫維遲，俱見科目。

蔣光彥 字有崇。授江山知縣，作邑之九清橋，橋成，有二鸛巢其上，邑人祥之。歷温州守、廣西副使。粵東有征黎之役，屬光彥督師，光彥一以不殺爲主，存活無數。

蘇宇庶 字士譜。起家知縣，歷廣東副使、山東參政。憲副廣東，駐劄高涼，爲粵商大開行鹽之利。粵商祠祀之。

陳亮采 字惠甫。繇郎署出知湖州，爲湖人均田，不使匿賦，富室不便，有謗言，久乃服。歷山東參政。亮采歷官所至，剛果敢爲，亦留意鄉邦之故。方以邊才推用而遽卒，士論惜之。

杜應楚 初授孟令。下車卽廉狂狴，出無辜，賦稅準條鞭，罷絕一切火耗。額外取籽粒不領於司會者，俱編入起運額中。清馬營民田匿軍屯二百頃，歸正賦。開豐稔支河以灌民田，築小金堤千四百丈以禦水患，捐貲造郭渚梁以濟往來。調繁丹陽，爲丹陽人築壩濬河，具有法度，費省而功多。丹陽人私爲過客往來人語曰：「吾邑令開敏有施爲，不徒仁慈發於心。」陞戶部郎，出爲南昌太守，卒。應楚爲政，孟縣人志之獨詳。至其澹泊節儉、與民休息、不苟而理、不肅而威、吏胥斂手、奸猾斂跡，則所至皆然。

李范廉 字猥卿。授南太常博士，改南吏部。丁外艱，補禮部祠祭員外郎。不年卒。范廉官暇閉戶讀書，恬介自守。居邸，厨爨索鮭蔬缺絕，僮僕時以儉刻愠見，慰藉之曰：「不愈婪侈邪？」任廷森

廷森 字維燦。授刑部山東司主事。時遼左新創虜，邊關多故，凡叛卒敗將罪璫逃宦悉受讞決。廷森取其中法者置之辟，餘盡爲平反，無冤抑聲，人呼李青天，事非山東司咸求爲隸焉。出榷河西，值白蓮

教倡亂，多方布置，募丁壯防徼踐更，暴客不害，舟楫始通。又奏蠲其稅之煩重者，著爲令。己，丁艱歸，以毀卒。廷森渾厚博太，孝友深摯，嘗曰：「治國難，齊家不易，惟修身自我耳。」性嗜古文辭，所自爲文辭，陶經鎔史。與同安許獬相投契。

蘇懋祉 字子介。其父存淑，學諸生，古君子也。懋祉事之至孝。兄懋祺，鄉薦。二難雙璧，泉人推羨。初授寧陵令，繼移南召。丁內艱，服除，補歙縣卒。懋祉清才遠器，卓然有立。爲令以卒，士紳方痛其無年。會其令寧陵時，安慶鄭三俊爲歸德守，來督學閩中，遂檄祀之學宮。其檄文曰：「公先令寧陵，與當職有一日知。其縣河決後鞠爲茂草，小民流徙且盡，當事者特疏公移自南召。公蠲煩去苛，均地均役，築城築堤，誅闢榛莽，彈壓豪強，凡可利民，膚髮靡受，卽古循良無加也。艱歸垂橐，邑鄉賢紳爲貸廿金資之，主僕三四人，行李一二擡而已。及公補歙，墮地也，俗用貲雄，無堅不破。公移書知己曰：『蘇子始終，決非兩截人者。』半載風行，闔郡如歸。使公永世，所就可量哉？聞公居鄉，易米而食，人知公之鄉論也，其官評則，當職知之，名位未顯，功業未著，當職不言，後誰知公耶？」

林廷雲 字子騰。自其爲諸生，受知太倉王敬美，以進之其兄元美，而文日益進。所歷官刑部郎、兩淮運判，有《獄志》，有《鹺志》，具見其綜截。爲南戶部筦倉正，嚴收必速，不至病解，慎放必足，不至病軍。朽蠹餘粒輒攤爲守支者代輸，先本倉而後及其他，先最老且久者而後及其次倉，攢得脫守支者凡數十人。其後復議行水兌改折，諸倉歲可多出米十四萬石，後來得脫守支者又歲歲可十餘人。諸守支得脫告去者咸感廷雲，廷雲曰：「盡吾心而已矣。」

莊奇顯 字允元。年十九登薦書，二十六舉進士及第第二人，官至南國子司業，三十五而卒。奇顯

居恒恂飭，選口而出。至其與人言，開胸見膽，人人恨不登其交籍。在京師時，遼左剝膚，奇顯方在病中，拊床扼腕。友人問奇顯：「使公當是時，以雙手控危疆，賊刃在前，國法在後，莫得辭死。」奇顯曰：「固有志也。政不得裹屍爲殉而空斃牖下，是以恨恨耳。」其意氣如此。其卒也，同年榜首周公延儒哭慟，以爲世安有此人也。

張翰冲 爲金壇令。朔望之期，輒以所行事焚香告天。救蝗，蝗絕；禱雨，雨應。治績大新。有親友見其居用儉詘，曰：「君政已成，君名已著矣，盍自爲謀？」翰冲曰：「咄！咄！張生豈前清後濁者耶？」竟其年卒。

〔校記〕

〔一〕「宋藝祖」，各本原作「宋二祖」，據《明史》本傳改。

〔二〕「今」，各本原作「令」，據《明史》本傳改。

〔三〕「道贖」，各本原作「道賑」，據文義改。

〔四〕「今曰」：「君他日可知。」下，疑有脫文。

# 閩書卷之八十八

英舊志 縉紳(二)

泉州府 南安縣

唐選舉

會昌六年丙寅 傅荀

大順元年庚戌 王虬

薦辟、人才賢者雜見列傳中。

有傳

王虬 黃曄

王虬 字希龍。爲文新奇。舉進士，時方克復長安，一榜號爲得人。有集十卷行世。

黃曄 有文聲，所交皆當世名賢。郡牧烏重儒妻以女，爲築十里沙堤直抵其廬，夾植刺桐，間里榮之，號「秀才堤」。累舉不第，後就辟天德軍從事。尋中飛語，黜湘陰令，舍人劉三復、狄兼善、封敖俱以詩送之。未幾卒。

宋科第

太平興國八年癸未 劉昌言

雍熙二年乙酉 錢熙

端拱一年己丑 劉昌齡昌言弟。

景德二年乙巳 錢蒙吉熙子。

祥符八年乙卯 錢貞吉蒙吉弟。

天聖二年甲子 柯慶文

五年丁卯 林杞

景祐元年甲戌 林植杞兄。

皇祐五年癸巳 錢効蒙吉子。

嘉祐二年丁酉 柯世程改名述，慶文子。

四年己亥 林序植侄。 柯述述弟。 柯迪述弟。

治平二年乙巳 林世規植子。

熙寧三年庚戌 傅嶽改名霖。

元祐三年戊辰特奏名 劉勃昌言曾孫。

紹聖四年丁丑 傅惟肖嶽侄。 林駢 王炳

元符三年庚辰 林元定杞孫。 張過

崇寧二年癸未 林景淵杞侄。

宣和三年癸卯 錢大榮

建炎二年特奏名 林文卿序侄。

紹興五年乙卯特奏名 傅惟康惟肖弟。

八年戊午特奏名 傅惟深惟肖弟。

二十七年丁丑 諸葛廷瑞

三十年庚辰 柯知彰述曾孫。

隆興元年癸未特奏名 傅佑惟康子。

張承祖過姪。

淳熙三年乙未特奏名 傅伸佑弟。

八年辛丑 傅思謙佑子。

十四年丁未 王克恭 柯應辰知彰從侄。

慶元二年丙辰 錢德謙熙從孫。

五年己未 傅烈思謙從侄。

特奏名 林鼎植曾孫。

嘉泰二年壬戌 錢祖成

嘉定元年戊辰 劉用行昌言七世孫。

四年辛未 傅天驥烈從弟。



七年甲戌 陳洪 柯汪知彰子。

特奏名 傅思義仲子。

十三年庚辰 陳浩洪弟。

十六年癸未 錢景良德謙子。

寶慶二年 劉復昌言五世孫。

紹定五年壬辰 傅蓮天驥侄。

端平二年乙未 傅應子蓮從叔。

特奏名 傅光蓮父。

嘉熙二年戊戌 傅直方應子從弟。

淳熙七年丁未 呂大圭

寶祐四年丙辰 陳龍復 吳有定

咸淳七年辛未 傅定保

薦辟、人才賢者雜見列傳中。

有傳

劉昌言七世孫用行。

錢熙子褒，從孫德謙。

李沂

林杞從子景淵。

柯述從孫知彰。

傅惟肖子倚。

王炳孫侃。侃子顯世。

黃騶 諸葛廷瑞子直清。直清子琰。

王克恭 傅烈從弟天驥。

陳洪 呂大圭 陳

龍復

劉昌言 字禹謨。七歲能屬文，詞藻靡麗。陳洪進辟功曹參軍。洪進遣子文顯入貢，令昌言偕行，宋太祖親勞之。太宗時，洪進歸朝，召謂曰：「覽洪進表，委命盡心，非卿潤色耶？」洪進改鎮徐州，又辟昌言推官。五年，舉進士人格，時方惜科第，止授歸德軍掌書記。八年，復舉第二人。太祖遣中使引登便殿，曰：「卿又來應舉。」昌言曰：「陛下以文明治天下，臣千載之遇，故載獻薄技。」因獻《紀聖德詩》五十韻。遷保信、武信二鎮判官。趙普鎮南陽，重昌言有吏幹。錢俶帥鄧，表薦之。移泰寧軍節度判官。人為左司諫、廣南安撫使。淳化初，趙普留守西京，表為通判，委以府政。普疾，屬昌言後事。普卒，昌言紀綱甚悉。太宗以為忠於所舉，拜起居郎，賜金紫、錢五十萬。召對，三日連至日昃，無不稱旨。太宗謂宰相曰：「昌言質狀非偉，若以貌取，失子羽矣。」顧昌言曰：「卿忠孝兩全，東南奇士。」遷工部郎中，踰月，守本官，充樞密直學士，與錢若水同知審官院。二十八日，遷右諫議大夫、同知樞密院事。昌言驟用，不為時望所服，或短其閩音，太宗曰：「朕能曉之。」又短其委母、妻鄉里十餘年不迎侍，別取旁妻。詔令迎歸京師，本州給錢辦裝，縣次續食。時又有果州人光祿丞何亮、莆人書丞陳靖不迎其親，下詔：「文武官父母在劍南、峽路、漳、泉、福、建、嶺南者，皆即迎侍。」以給事中罷，出知襄州。至道二年，徙知荆南府。真宗即位，就拜工部侍郎。咸平二年卒，贈工部尚書。有文集三十卷。子有方，比部員外郎，有政，虞部員外郎。孫濤，見韋布。七世孫用行。

用行 字聖與。令零陵，有最聲。後知巴陵。崔清獻與之召歸，用行上謁，與之迎問曰：「昔令零陵，非公耶？」因諧以出處，用行貽以詩，遂決意南還。魏鶴山貶渠陽，守戒僚吏勿謁，用行扁舟詣之，與語通夕。通判道州，蠻人省地，單車戒諭，皆感泣去。除知桂陽軍。以真、魏二公交薦，召為太常寺簿。

出知潮州。詳刑使者貪暴，盛夏馳卒逮平民，用行掩卒，得其贓，釋民械卒，引章自劾，使者削秩，用行亦坐黜。晚知贛州，振刷前臺，聲華燁然。用行質貌修偉，遇事有執，詩文典麗，有《北山漫遊》十卷，雜稿二十卷。

錢熙 字大雅。父居讓，陳洪進署清溪令。洪進奇熙文，以弟之子妻之。將署之府職，辭不就，著《楚雁賦》見志。尋辟掌牋奏。洪進歸朝，熙應進士舉。雍熙初，以文贊宰相李昉，昉深加賞重。明年，登甲科，補度州觀察推官。代還，寇萊公掌吏部，薦熙及錢若水、陳充、王扶，得試中書，遷殿中丞，賜緋魚。獻《四夷來王賦》萬餘言，太宗奇之，即以本官直史館。淳化中，參知政事。他日，對楊徽之言張洎、錢若水將被用，又以語同里劉昌言。昌言轉以語洎，洎疑熙交構，訴之。坐削職，通判朗州，俄徙衡州。詔書褒其勤公廉幹，就改太常博士。真宗即位，遷右司諫。尋通判杭州，政多專達，爲轉運使所奏，徙通判越州。熙好學善談，精筆札，第負氣狷躁。罷職後，憤恚卒。嘗撰《三酌酸文》，世稱精絕，略曰：「渭川凝碧，早拋釣月之流；高嶺排青，不逐眠雲之客。」又曰：「年年落第，春風徒泣於遷鶯；處處羈游，夜雨空悲於斷雁。」其卒也，鄉人李慶孫哭之曰：「《四夷》妙賦無人誦，《三酌酸文》舉世傳。」子蒙古。進士及第，曰褒，其後也。

褒 性純孝，母喪，負土成墓，結廬而居，葷腥不邇，形容毀瘁，終制乃還。爲州學正，士類推重。治平、熙寧中，郡守徇州人之請，兩聞於朝，乞召試擢用，以勸風俗。嘗著《志孝》六篇，州繳以進。從孫德謙。〔二〕

德謙 字牧仲。知無錫縣，以法裁豪右，號「強項令」，竟罷。復知華亭，益有聲。擢諸司料院，仇者

讒之，復罷。召爲秘書郎，遷丞崇政殿說書。內艱去。晚除秘書監兼侍講，除知建寧府。卒贈朝議大夫。

李沂 字從聖。唐太宗後也。以《六經》、《太玄》講授閭里，號寶鼎先生。太宗時，與孫何、丁謂齊名。試大廷，有謗，斥不第。真宗卽位，試禮部，又以細故斥。遂歸，閉門著書，起自伏羲甲寅迄太平興國己卯，其間分別正閏，傳以政治興壞，名曰《帝王紀年通錄》。晚以唐子孫受試校郎。蘇紳薦其得前史廣記法，詔官繕寫上進。改國子監丞致仕，遷大理寺丞。卒，書藏秘府。又有文集十卷、《太玄義訣》、《五運圖》。

林杞 字卿材。歷知康、雅、秦、淄四州。在秦修築海埭，復良田數千頃。使者上課最淮南。淄州圭田歲入之外例輸縑六百。杞曰：「田植五穀，寧產縑耶？」却不受。以光祿寺卿乞致仕。卒，年九十。兄植，亦有文名，終著作佐郎。從子景淵。

景淵 字深父。歷知惠州，招捕土寇劉德隆，降詔獎諭。未幾，請老。夢神人贈之詩曰：「生平萬事皆安分，須信靈臺一點清。歸去分明無障礙，蓬萊兜率是前程。」一日，命家人具袍笏，曰：「吾將朝真矣。」李文肅與景淵鄰居，聞之，折簡來言：「釋老之道，不殊孔子，但會曾子易簣、子路結纓，無餘事矣。」景淵啟視之，整衣冠而卒。

柯述 字仲常。父慶文，屯田員外郎。述與兄弟述、迪嘗贊文蔡襄，襄奇之，未幾相繼登第。初尉贛縣，損劫盜賊以就次賞。知歸安，修水田蓄洩之利。移知襄邑，盜悉奔他境。神宗聞之，召對便殿。盜意述代去，復竊發。下吏治得所以乘間之狀，神宗嘉嘆，書姓名屏間，擢知懷州。元祐、元符中，兩知福州。

州學自景德中建，試士無所，卽學中爲試院，生員逡巡，邸宿於外，先聖釋奠亦至他移。述擇州治東南公廨及廢地爲院，構室百二十區，士人便之。歷福建提刑、湖南轉運使，奉祠，終朝議大夫、直龍圖閣。述嘗倅漳，賑饑有惠政，有二異鵲來巢廳棟。秩滿移居，鵲亦隨之。暨歸，飛翔數十里，喧噪彷徨。蘇軾以詩紀焉，其詩曰：「昔我先君子，仁孝行於家。家有五畝園，么鳳集桐花。是時鳥與鵲，巢穀可俯拏。憶我與諸兒，飼食觀群呀。里人驚異瑞，野夫笑而嗟。云此方乳哺，甚畏鵲與蛇。手足之所及，一物不敢加。主人若可信，衆鳥不我遐。故知中孚化，可及魚與蝦。柯侯古循吏，惻惻真無華。臨漳所全活，數等江干沙。仁心格異族，雙鳥棲其衙。但恨不能言，相對空楂楂。善惡以類應，古語良非誇。君看彼酷吏，所至號鬼車。」述於百家詩史，莫不通貫，尤粹於《易》，著《否》、《泰》十有八卦，以明君子、小人之義。晚徇邦人之志，還州庠於舊址，土祠之學宮。子暘，福建漕使。從孫知彰。

知彰 字仲晦。祖昉，有德行，大觀初，郡以不求聞達薦，召赴闕，命下而卒。知彰擢進士，爲海豐令，浚靈溪陂，溉田三千餘頃，民懷之。終通判福州。子汪、洪，皆登第。洪，嘗以詞賦首鄉薦，文行爲後進表，惜仕不遂。

傅惟肖 字應求。知清江縣，歲歉發賑，饑民攘糴，尉希賞，欲以強盜論，惟肖保全之。終徽州通判。子倘。

倘 爲潮州錄事參軍，蠲上供貨銀。知肇慶府，南山有紫石可硯，屬縣以石工占胥，倘悉斥去之。

王炳 字景文。娶呂惠卿猶子，避呂，十年不調。後爲沐陽令。秩滿人都，時蔡京當國，以炳與惠卿連姻，囑使往見。復不往。左授海陵丞。歸，呂、蔡敗，炳獨得全。通判潮州，改知汀州，未上，提舉洞霄。

官，卒。孫侃。

侃字仲和。歷官肇慶糾曹。倖王衣俘商人數百名，以盜分圖鍛之，將以爲功。侃持不可。倖適攝郡，督獄愈急，侃不爲動。會移獄五羊，帥親鞠得實，破械釋之。知漳浦。後倖三山，未拜命，卒。子顯世。

顯世字子亦。以蔭補興化錄事參軍。有徒官起家守泉，與鄉士爭田，囑使爲地，顯世奪田歸士，一郡稱快。受輸斛面，却不取，同列爲寄倉。將更，吏以數上，顯世給云：「歸當取之。」吏白：「歸後不得矣。」笑曰：「吾子孫不得耶？」平生未嘗干薦，真西山目以德行之士。改秩，去寧都縣，卒。顯世有詩名，大篇尤婉麗奇古，與里中趙彥慧、韓雲瑞、翁定、僧宗達、太初爲王樓風月社，有《容安摘稿》十卷。

黃騄字公碩。居父喪，芝產於靈堂前，其葉累百。調崇安尉。有鄭主簿者貧，不妄取，卒於官，騄傾囊以賙其行。終南劍州通判。

諸葛廷瑞字麟之，漢丞相亮之後也，至宋有安節者，自南陽任福建判，卒官，因家焉。父季文，家貧授徒，嘗著《六經諸子解》，有益後學。廷瑞穎悟博覽，擢紹興進士。調龍溪尉，邑多盜，廷瑞待下有恩，輒獲以賞。改崇安縣。時朱文公家食，廷瑞每造詣。以趙清獻嘗爲崇安宰，而胡文定邑人也，訪求遺像，因新學立祠焉，請文公爲記。歲歉，屬書文公，請於郡倖，得粟賑饑。守王文定淮與轉運使者具以政績聞。有旨堂審，差主管官告院官省。改通判明州，未赴，丁外艱。服除，通判池州。秩滿，知惠州。言：「國朝以經術、詩賦取士，比年在前列者率經生。乞遴選主文官兼用經義、詩賦。」孝宗甚悅。未幾，宰執因擬郎官，孝宗曰：「如諸葛廷瑞亦可耶。」宰相以守郡不久對，孝宗曰：「朕前見其人物，議論可嘉。」遂除工部

員外郎，陞郎中。金人遣使賀正，已差館伴使，孝宗特改命。竣事人對，言數事，孝宗俱可其奏。時孝宗欲授禪光宗，瞻察廷臣，求可侍從，見廷瑞容止詳整，敷奏明暢，顧謂曰：「卿人才磊落，議論正直，當爲國家立事。」卽日擢起居舍人。光宗嗣位，首援《中庸》「知、仁、勇」，與司馬溫公「仁、明、武」之說以進。光宗英明果斷，近習斂手，獨潛邸舊僚有因干政黜外者，廷瑞懼其復人，復援李絳、吐突承璀事以進，人以爲難。金人有喪，命廷瑞使弔祭。與其副偕辭，廷瑞奏：「前者高宗升遐，虜來弔喪，純用吉禮，非可效比。堂帖下云『備紅鞵、黑帶過界，審度而用』，萬一虜恃其強，欲以其國之禮加我，當預討論，使臣可以死守。」光宗曰：「天下事惟理所在。卿過界，但存紅鞵致虜闕，足矣。」越境，虜使果以三節人紅鞵爲言。廷瑞云：「皇帝新卽位，聞北朝有大喪，不待報，哀使至，先遣弔祭，禮意良厚，一事一物皆討論乃行。凡弔喪，弔者更衣，從人寧亦更衣耶？」方爭時，虜使聲色俱厲，廷瑞徐折之。及抵汴至涿，爭如初，廷瑞不爲動，泊入燕闕，則三節人悉易黑帶以人，虜始服中國有人。既致命，虜以例勸燕，廷瑞語以弔哀而來，勸侑非禮也，不受，虜加愧焉。使回入見，光宗獎諭。臺中久缺侍御史，宰相取旨除人，光宗曰：「如諸葛廷瑞端正靖重，可居此官。」時留正爲相，廷瑞妻聶，故相陳俊卿女弟，而正子亦娶聶，因以親嫌對，命寢。未幾兼權吏部侍郎。進起居郎。適詔左右史帶修新舊起居注，廷瑞以記述繁浩，遂懇辭侍右兼職。紹熙元年，兼權中書舍人。未幾，宰執進擬權侍郎者二人，御札付三省，併命廷瑞爲真。廷瑞在後省不久，時事雖微涉於放倖門者，皆請罷之。爲誥，典實溫厚，人謂得王言之體。竟以與正有連，累章求避。正亦乞徙之。上曰：「諸葛廷瑞老成端重，不必改易，似此親戚，人孰無耶？」再辭，光宗手批特免迴避。辭不已，改除權兵部侍郎。疏言：「陛下登大寶至今，宵衣旰食，日與大臣圖事，天下固已知聖德之高明，而所謂

聖功之光大，則猶未有所興起。先正司馬光在仁宗朝獻五規，其二曰惜時。臣亦願以『愛日』爲獻。」又言：「貴戚用事，未有不害家凶國，漢唐以來，歷歷可鑒。真宗時，如駙馬都尉李遵育閨門之怨，雖有才望，未免貶竄。仁宗時，後宮之親如張堯佐寵任或過，群臣亦交論之。陛下臨御，肺腑之戚未嘗假以事權，行事或冒典憲，必加竄責，除授或違公論，隨即寢罷。臣願推廣之，俾各保其爵祿，無高危滿溢之虞。」廷瑞列侍從僅歲餘，所上章奏皆見嘉納。紹熙改元，以疾謝事，遂以朝請大夫、守權兵部侍郎致仕。卒，贈大中大夫，官其子二人。喪歸，道崇安，父老挽輜車而哭以千數。廷瑞端莊樂易，寬博沈確，正不矯俗，和不詭隨，聲色玩好，澹然無營，平居簡默，言不出口，至商榷古今是非，矚然不可移奪，耽嗜書史，文章法度森嚴，壹稟於正，稱人之善，惟恐不及，所薦引多有聞於後。歷事兩朝，無指其瑕者。子直清。

直清 字子嚴。以父任。歷海口鎮、主管南外睦宗院、知海陽縣、通判廣州。海陽多水患，直清堤之以捍田，民名其田曰諸葛田。祠官凡十二任，仕終奉直大夫、知臨安府事，封開國男，食南安縣三百戶。子珏、琰。珏，知南安軍。

琰 以任子累官邵武軍光澤尉。閩寇弄兵山谷，州郡騷動，琰提步兵轉鬪，不旬日授首。真德秀上其事於朝，進階儒林郎。終信州簽書判官。琰聰邁豪放，居官清貧，家居與白玉蟾相善。蟾贈之詩，有「指點篇書說向誰？武侯之後獨公奇。許飄却大堯天小，嚴瀨應高漢座卑」之句。

王克恭 字彥禮。教授循州，以禮義迪後進。改知寧德，用最聞。通判廣州。海寇掠境，盛夏暑泄，力疾督師，擒其酋。辟知新州。奏裁減丁米以寬民力。累遷度支郎官。以祠歸。起知興化。汀、邵寇



作，克恭議築城，捐不濟院錢數萬緡相其役，在郡六月卒。子道翁，以國子生知海陽縣。

傅烈 字承仲。淹貫經史，以《易》學名家授徒，戶履常滿。歷南劍、惠州教授，矩矱整飭，講經必終篇帙。改秩知保昌縣。通判循州，憫鹽鈔抑配屬邑之擾，招誘商筏，平直售之，不取贏潤。差知梅州，未上，卒。烈事親孝，恬於榮利，當世稱之。從弟天驥。

天驥 字君遇。儀狀秀整，博涉書傳。教授建寧，白郡守爲朱文公立祠，俾諸生誦伊雒諸書。改秩知龍溪縣，通判福州，卒。所著有《桮齋集》。兄天騏，文行爲邑士模楷，以韋布終。

陳洪 字禹範。教授新州，轉致中州書數千卷誨學者。知莆田縣，有惠政。通判建寧，攝府事，樽節兵燹之後，縣計不訕。晚年閒居，自號淡軒。弟浩，連城令，有文行。

呂大圭 字圭叔。少嗜學，師事王昭復。昭復之學得之陳淳，陳淳之學得之朱文公，世號溫陵截派。登進士，授潮州教授，改贛州提舉司幹官。秩滿，連調袁州、福州通判。陞朝散大夫、行尚書吏部員外郎兼國子編修、實錄檢討官兼崇政說書。以操南音，出知興化軍，以俸錢代輸中戶以下賦，著《莆陽拙政錄》。德祐初元，轉知漳州軍，節制左翼屯戍軍馬。未行，屬蒲壽庚率知州田子真降元，捕大圭至，令署降表。大圭不署。將殺之，適門弟子有爲管軍總管者，扶出之。泥封平生所著書一室中，變服逃入海。壽庚遣兵追之，將授以官。追者及，問其姓名，不答，怒而殺之，年四十九。其泥封室盡燬，獨其門人所傳《易經集解》、《春秋或問》、《論語孟子》、《學易管見》行於世。所居樸鄉，人稱樸鄉先生。元孔公俊建大同書院祀朱文公，以大圭配。丘葵贊曰：「泉南名賢，紫陽高弟。造詣既深，踐履復至。致身事君，舍生取義。所學所守，於公奚愧？」

陳龍復 字本叔。與文天祥同舉進士。歷仕州縣，以清儉著聞。德祐初家居。天祥軍南劍時，辟爲督府參議兼行太府少卿、福建提刑。以持重老成見推，如漳潮計事，再會天祥循梅。尋分司潮陽，號召諸路，四方豪傑翕然響應。天祥繇是得人潮爲討賊之舉，至則糧糗畢具，水戰練習。未幾，移屯海豐，從至五坡，爲虜騎追及遇害，時年七十有三。

元

傅定保 字季謨。宋咸淳中，禮部奏賦第四，時相沮抑新進，未令赴廷試，定保歸，力學不仕。大德初，提學吳濤薦授漳州路學正。首以《太極圖》、《西銘》合講，聽者悅服。改三山書院山長，閱三月辭歸，授徒養母。至治中，以平江路儒學教授致仕。爲文溫潤典裁，有《四書講稿》及詩文若干卷。

皇朝科第

舉人 進士子、午、卯、酉屬舉人，辰、戌、丑、未屬進士。

洪武二十六年癸酉 徐鯉俊

三十五年壬午 辜敏道 葉賢生

永樂二年甲申進士 辜敏道舊志洪武三十五年一榜，考是歲革除，故元年癸未開科，甲申會試。

三年乙酉 蔣疇 陳季良 李仲良

六年戊子 陳毅

十年壬辰 蔣疇

十二年甲午 吳應宗府學。

十三年乙未 吳應宗

十五年丁酉 莊蒞 何惠生

十八年庚子 彭壽 趙庚

二十一年癸卯 王智

宣德元年丙午 洪顯 李宗孟

四年己酉 吳爵

十年乙卯 陳時敏

正統三年戊午 薛滿

景泰元年庚午 彭麟

天順三年己卯 傅凱

成化元年乙酉 蔣鏞

十四年戊戌 傅凱

十六年庚子 胡詢

十九年癸卯 蔣原道府學。

二十年甲辰 胡詢

弘治二年己酉 傅智凱弟。

五年壬子 傅浚凱子。 武寧

八年乙卯 黃璣 黃河清璣侄。

十一年戊午 陳宇昌 黃天賜 黃天爵並河清族。

十二年己未 傅浚 黃天爵河清族。

十五年壬戌 黃河清

十七年甲子 柯信應天中式。

正德二年丁卯 黃鉞 張鸞 傅櫟浚子。

五年庚午 黃瓚

六年辛未 傅櫟

八年癸酉 黃源澄璣侄。 黃澄河清族叔。 蘇麒 洪熊

九年甲戌 蘇麒

十一年丙子 韋尚賢

十六年辛巳 韋尚賢是年以武廟南巡，故改庚辰爲辛巳。

嘉靖元年壬午 蘇民望儒士。麒子。

二年癸未 黃瓚 黃澄

四年乙酉 王良柱 洪廷實

七年戊子 許鳳 黃濂清河清弟。

十年辛卯 陳儲秀府學。 鄭普 傅夏器櫟族。

十一年壬辰 鄭普 王良柱 陳儲秀

十三年甲午 黃養蒙澄子。 洪庭桂廷實兄。

十七年戊戌 洪庭桂

十九年庚子 王承箕

二十年辛丑 黃養蒙第二人。

二十二年癸卯 柯元應府學。 黃大節順天中式。

二十五年丙午 傅陽明夏器族。 順天中式。

二十九年庚戌 傅夏器會元。 黃大節天賜侄。

三十一年壬子 黃思近璵子。

三十四年乙卯 黃一桂養蒙族侄。 洪有容庭桂族侄。 黃中本養蒙族弟。

三十七年戊午 歐陽模 沈維龍 洪有第廷實子。 黃南金天爵孫。

三十八年己未 歐陽模 洪有第 黃襄

四十年辛酉 洪有復庭桂侄。 余日望 李文績 陳學伊 呂沛 林大柱

四十一年壬戌 陳學伊 黃思近

四十三年甲子 趙秉孜府學。

隆慶元年丁卯 戴元佐廣西中式。

四年庚午 黃滄溟改名一植。一桂族。 傅履階陽明子。 林仕甲 黃師顏天爵孫。 黃思諧河清侄。 傅

履重陽明子。

蘇希栻 洪有聲庭桂姪。

黃思新府學。瓊子。

五年辛未 趙秉孜

萬曆元年癸酉 王以節承箕子。

傅履禮陽明子。 史書言朝錄子。

二年甲戌 蘇希栻 洪有聲 黃師顏

四年丙子 洪啟采 洪有助有復族弟。 傅慶貽夏器族侄。

鄭維嶽儒士第二人。

七年己卯 洪宗嶢 張宇薦 洪邦政 徐博卿

八年庚辰 洪有復 傅履禮

十年壬午 柯有斐 陳應堂 黃培祺襄子。 鄭啟芳

十三年乙酉 洪啟睿有第子。 黃鼎象師顏族侄。 李應先 陳榜 戴廷詔 王孟遴承箕孫。□榜以下並

儒士中式。(四)

十四年丙戌 傅履階 傅慶貽

十六年戊子 黃之瑞改名華。瑞銳孫。 黃華秀華瑞弟。 傅樂履禮族。

洪啟聰有復侄。

十七年己丑 黃華秀

十九年辛卯 黃一良河清侄孫。 黃岑府學。襄子。

二十年壬辰 洪啟睿 洪有助

二十二年甲午 柯岳瑞 黃魁榜 吳從周 呂圖南

二十三年乙未 戴廷詔

學。  
二十五年丁酉 洪承選解元。啟春侄。 許國杼 黃日耀良侄。 黃翼登日耀族。 王繼曾良柱孫。 府

二十六戊戌 陳應堂 黃一良 呂圖南  
二十八庚子 黃毓鎮師顏子。 莊時講 洪啟初有聲子。 監生。 天中式。 傅國俊府學。 夏器侄孫。 洪  
啟進有聲侄。

三十一年癸卯 張士旂 吳日懋府學。

三十二年甲辰 洪啟聰

三十四年丙午 李佺臺應先子。 蔣爾第原道曾孫。 黃夢松 張鼎瀚 李邁種儼侄。

三十五年丁未 李佺臺

三十七年己酉 蘇兆先 張鼎溶鼎瀚從弟。 王振熙承箕族侄。 王銓遴承箕孫。 李夔龍 周恩兼

洪啟胤晉江學。

三十八年庚戌 李夔龍 王振熙 王繼曾

四十年壬子 韋綬尚賢孫。 王璧方 洪啟綬邦政子。 河南中式。 黃拱垣瓊孫。 應天中式。 吳天策晉江

學。

四十一年癸丑 洪啟初 洪承選未廷試卒。

四十三年乙卯 林應燧 王萬金 黃鍾胤 洪承疇 陳烜奎府學。 王之驥繼曾侄。 晉江學。

四十四年丙辰 洪承疇 周恩兼

四十六年戊午 楊榮 王廷選 蘇世祿 陳標 洪啟烜有助子。順天中式。

四十七年己未 蘇兆先 陳烜奎

薦辟、監、貢賢者雜見列傳中。

有傳

傅仁孚 族子凱。凱子浚。浚子樞、夏器、陽明。明子履階。 蔣疇 徐貴 洪顯 陳敏〔五〕 彭麟 李珙

洪璽 洪昌 黃河清 族天賜、澄。澄子養蒙。自勉、中久、一桂。 吳申 吳復清 王疇 蘇民望 黃璣子思

近。 鄭普 沈維龍 黃襄 歐陽模 李文績 陳學伊 趙秉孜 洪有復 族弟有助、侄啟采、啟聰。〔六〕

鄭維嶽 黃華秀

傅仁孚 幼聰敏，通經史。永樂間，以懷才抱德薦辟，授本縣學訓導，陞大興學教諭。族子凱。

凱 字時舉。少年材器拔萃，究心《易》學。舉進士，授戶部主事，提督天津等八衛。督催南畿、浙、

北福財賦以賑西北饑旱，事集而民不擾。謝政歸，日與諸士講習，四方求文者踵至。子浚。

浚 字汝源。授戶部主事。丁父憂，遭逆瑾密法除名。瑾敗，起工部虞衡員外郎，進郎中。理薊州

鐵冶，釐革宿弊，損鐵竈費三之一，遂爲定制。改都水，慎出納，不徇私請。卿長屢索餘羨，將以賂遺中貴

人，浚不應，爲所排，出爲山東轉運同知，暴卒官舍。子樞。

樞 字廷濟。年十六舉於鄉。二十登進士，授官行人，方歸娶，其祖凱尚在，郡守諸公來賀，凱治席

延諸公，樞奉肴酒束身傍侍謹甚。浚郎工部時，樞以行人有事於德府，事未竣，聞母病在京師，請入京視

母，方再往德竣事，禮部尚書劉春曰：「無害於公而可教孝，何成案之拘耶？」覆奏許之，人稱樞孝。母



沒，居喪遵禮。其後，浚娶後妻從官邸，私其二蒼頭奴，浚稍稍聞之，欲行處分，以此遂暴卒。櫟聞奔邸，且慟且疑，密得狀。二蒼頭奴驚覺，遽亡去。及扶櫟歸，密求二奴者。久之，知其一亡之德化縣，傭深山巨姓家，櫟微行至巨姓家，告之曰：「聞有一奴力作君所，是僕奴也，欲得見之，君幸無匿。」巨姓出奴。櫟告巨姓曰：「是僕有罪，不可面數。君幸入內。」出袖中錘破奴顙，立殺之，謝巨姓去。而其一不可得矣。喪葬畢，慟而誓曰：「父讎尚一，可爲人耶？」裂衣冠，屏妻子，蓬頭垢面，憔悴郊墟間，風雨饑寒不知避就。時時書懷感憤，撰詩若文，走帖市頭坊門，大率庾詞隱語，然讀而翫之，知其深於道德而出於仁孝也。此時親戚朋友即亦不能知櫟，目櫟狂易而已。乃櫟每遇迅雷燂電，雖中夜，必起正衣冠拱立。武宗皇帝哀詔至，具衰杖，朝夕臨，終期然後釋服。至其子蕤卒，不哭也，或詰之曰：「古有喪，明公何忍耶？」櫟泣下曰：「不能爲子，而敢爲父傳之？」諸父不忍櫟瘁，數請歸舍，卒不肯。久之，其繼母卒，會倭奴人寇，充斥郭外，櫟乃歸舍，爲文告祖，蓋自廢自棄自罪自罰者三十九年。歸而居屋頹敗，風雨不蔽，子勳請稍葺治之，櫟歔歔曰：「吾父居於斯而不得考終於斯，敢圖安耶？」又十有五年而櫟卒。

夏器 字廷璜。年二十三登嘉靖辛卯亞魁。不第久之，發憤爲舉業之文，歲置甕几下，每作文撚而納之，歲終展視，甕爲滿矣。嘉靖庚戌會試，擢名第一，場屋之文，海內傳誦，久而不變。授禮部郎，徙光祿丞，改吏部員外郎。公爲人真樸渾古，仕不諧世，歸而無以爲家，故居邑之錦田，廣鬻荒畝，闢園開畝，種離支、龍目、青李，來禽其中，鋤鎡犁箕，與童僕均勞，一時美果以錦田爲最。人謂傅公精心制舉以名其文，精心種樹以名其果，誠一之致，殆莊周所謂「疴癯丈人」者歟？

陽明 字際熙。爲從化教諭，修文廟，治祭器，恤貧憐才，作《葩經通解》以教士。遷南陵令，蒞官七

月告歸。老而思親不替，事兄益篤，鄉人化之。子履禮、履重、履階。

履階 字則及。以民部郎出爲楚雄知府，以辟辭官。爲人骯髒不媿，見重鄉評。

蔣疇 字嗣昭。早喪父，家貧力學。舉進士，任監察御史，風采著聞，所按部，貪墨吏先拔家去。丁母憂，卒。

徐貴 永樂間貢。正統中，知亳縣，公廉得民心。秩滿，亳民奏留，復知縣事。

洪顯 字懷德。任合州學正，操行端慤，善誨生徒。陞蜀府教授。王喜其學問該博，輔導有方，表爲長史。

陳敏 字思懋。彭澤教諭。工真、草書，文詞敏贍，時輩推重。

彭麟 字廷瑞。任龍川教諭，善屬文。

李珙 字廷璧。正統初以監生知蕭山縣，廉潔公勤，興學均賦，重法禁溺女。景泰初，丁外艱，縣人泣送，立生祠。服闋，改廣西懷集。時值寇亂，盡心保障。任滿去，民多挈舟送過縣界。

洪璽 字朝寶。家故貧，伯父諸昆尤貧，璽既以邑士高等食餼，卽分餼於伯父諸昆。及伯父沒，璽哭盡哀，喪葬皆力任。士大夫唯之。後官建昌府訓導。子嗣繁衍。

洪昌 字汝言。以貢授州府學訓導。經學純正，議論雅古，長詩文，善草書。

黃河清 字應期。舉進士，授吏部文選司主事，歷郎中，慨然以進退人才自任，凡所舉措，甚稱冢宰楊文襄公一清意。首薦劉大夏、韓文、林瀚、熊繡、王宗彝、朱欽、艾璞、陳壽、王質、萬鏜、程文、程溫、艾洪、徐昂、葛嵩、張良弼、呂种、潘鏗、劉演、蕭乾元、黃昭道、張瑋、邢珣、樊禹、朱廷聲等二十五人。又薦恬

退之士四人，曰潘府、盧格、張詡、祝萃，以風天下。又若董玘、萬鏞、楊果、聞淵、姚繼嵩、夏良勝、章拯、唐龍、周廣、顧珀，皆其所舉。士論翕然歸之。典選得人者，前有黃天台，後有黃清源。天台者，黃孔昭。清源，則河清也。擢太常少卿，提督四夷館。一日，群立於朝，有一巨璫來，群揖中惟不識河清，或以姓名示之，璫駭曰：「是彼！是彼！」明日，持雙幣詣謁，河清瞰其亡返焉。丁父艱歸。嘉靖初年，遷南京通政，卒於官。所著有《蓮峰稿》。河清好讀書，遍交當世士，與蔡虛齋、王陽明、湛甘泉、董中峰、何大復、鄭少谷諸公相善，而於三衢棠陵方豪尤契。豪稱其嗜學如炙，悅士如妹，其氣充充，其心休休，動必稱古人則先王。族天暘、澄。

天暘 知英德縣，剛正嚴明，不畏權勢。時中官遣取英石，暘曰：「此石何益？徒勞民耳。倘羨其瑰璋，請詣九疑觀之，更爲奇特。」及調去，民攀號車軛。

澄 字廷肅。釋褐仕行人。國家制，科道官員缺，皆自行人選授，人以得不得爲憂喜，澄獨不就選，遂以司副遷刑部郎。出爲廣東按察僉事，飭兵嶺西。會徭劫高州，朝議勦之。督府以澄將中軍，繇灤水進屯羅銀，破賊徒十有三，斬首千一百餘級，歸被虜生口八百餘人，獲牛馬器械無算。督府上狀，詔賜金幣。高、肇二府民居與生熟徭相半。徭所藉者魚、鹽，往時並不許其出入爲市，澄令賈人得持魚、鹽入峒，獨不許其出耳。熟徭或時至庭下，獻茶、蜜爲壽，澄輒以魚、鹽厚償之，諸徭咸出望外，終澄任無爲患者。竟以峭直忤世，歸隱竹溪之上，與其族子河清相倡和。其詩清明直達，有王岑之致。子養蒙。

養蒙 字存一。舉進士第二人。令遂昌，愛民興士，時以事下鄉，優禮耆老，使訓飭子弟，變化風俗。雖造次無疾言遽色，人服其量，比於劉寬。以最擢銓部，歷考功郎，秉公持正。二年，遷南太常少

卿。轉光祿卿，以外艱歸。久之，陞南京戶部右侍郎，言官論其太驟，而朝旨被留。轉北京戶部侍郎，引疾歸。邑故無城，嘉靖戊午倭寇大掠，燬廬舍。令夏汝礪主議建城，養蒙力贊之。卒之日，泉士大夫稱其純厚追古人之風，簡重得大臣之體。族子自勉、中久、一桂。

自勉 萬曆甲戌以貢士司訓將樂。待上有恩，捐俸恤貧。去之日，士爲碑識去思。

中久 萬曆中以貢士授上杭訓導。擢廣東感恩令。廣設餘糧備珠盜，徵及感恩，中久言臺使：「感恩不能當瓊三州十縣之一鄉，奈何從諸縣？」請爲計丁米均役。歲侵，設法賑濟。縣樸以鄙，中久倡冠婚、喪、祭禮，時進諸生教之。以病乞歸，民百餘人走四十里詣撫按請留。兩廣巡撫戴公嘆曰：「此真感恩矣。」然竟歸。

一桂 字馨甫。初授雲和令，一心冰蘖，削借差，汰馬役。邑中水道久涸，民病遠汲，一桂捐俸募工，疏水源而導焉。近郊多虎，漸及邑中，或食豕官舍，一桂牒城隍神，請去苛政而後大戒攻虎，旬日有田夫手搏虎而斃之，厥後遂息。左遷寧波學博。攝慈谿篆，邑有魚課三百金，吏請受，曰：「例也。」一桂曰：「課諸公而登諸私，何例乎？」萬曆丙子，南京兆聘分考，舉顧憲成等十四人，其後多爲名賢顯仕。擢濟南通判，主岱宗香稅，稅多羨，毫無私焉。一桂古貌古心，言話步趨端慤不苟，篤行君子也。

吳申 正德中以貢丞諸暨，攝篆者兩年。仁和邵銳、紹興王華咸推重之。《諸暨志》稱其佐政公勤。

吳復清 嘉靖間爲萬州學正，薄聲利，崇節概，遵行古道，文學德行，無媿師表。

王疇 以貢授常寧訓導，棄官不仕，與陳琛友契。

蘇民望 嘉靖間宣平教諭，才思清越，敷教不倦。委攝縉雲邑事。縉雲人稱其有剴煩之才，有挺立

之操。忤權貴，非其罪去。士民惜之。

黃瓊 字宗獻。舉進士，歷守贛、瓊二郡，俱有聲。年未五十致仕，優游林壑四十餘載，以壽終。陳琛、王慎中，同年社友，羨其詩唐字晉。子思近、思新。

思近 字與仁。授分宜知縣。秩滿，擢戶部郎。郎當奉委者，多以地自占，次至思近，即自請尚書不取善地，於是得權武林。武林潛有稅樣例金，思近不欲明謫，第以屬役，曰：「今而後輸稅樣必明委於庭。」於是越人遂以思近與故少宰廣信楊公時喬爲兩水部。戶部云「水」，贊其清也。出守襄陽。襄陽有權稅，往時在事者歲數權，思近守襄陽垂二載，一至耳。以內艱歸。釋服，守饒州，擢贛州兵備副使，雲南參政。丁外艱服闋，改廣東參政、雲南按察使。左遷雲南參政。仕雲南者多言緬夷爲功，思近務安靜而已。而尋自免歸。始，思近令分宜。分宜，嚴相里也。是時相廢矣，顧其銖尚在，士大夫朝論尚未釋忿，欲有所深求，思近不以故相餘銖曲法於其舍人子，亦不以朝論深求於相故引繩而批根。其時爲郡推者某子甲，思近同年也，探華亭相指齟齬嚴氏子，勸思近同之，思近曰：「此撫按事，非令得爲。」某子甲曰：「相君意也。」思近曰：「君自爲之。」某子甲尋陰揭嚴氏子於朝，卒罹大辟，而某子甲得擢爲銓司。及華亭相去位，江西人惡某子甲，必去之。涇陽李肅敏世達爲考功郎，來問思近某子甲之爲人，思近曰：「某子甲誠過當，顧當是時也，嚴氏子爲橫於里，孰敢撓其鋒？而某子甲先之，其意氣有足尚者。」於是肅敏嘆服曰：「君，長者也。」思新，知彌勒州，致仕。

鄭普 字汝德。舉進士，授無錫知縣。無錫，大邑也。普初銓時，倉皇周章，若無措置，日惟自檢，不敢有毫髮詭僞。其後民與官相信，縣門恒虛，遂不覺作縣之苦。秩滿，遷南戶部主事，權舟維揚，用度以

節，待商以寬。擢雲南府知府，未赴，以父喪歸。免喪，侍母不忍去。居歲餘，母病卒，服除赴銓，卒於都下。無錫人聞之，皆相弔。普嘗與林希元論《易》：「蓋君子體《易》只取其意，不必執定卦義何如。如『常德行，習教事』，何與於《坎》，只取一『重』字意？獨立不懼，遯世無悶，何與於《大過》，只取一『過』字意？『哀多益寡，稱物平施』，分明是均平。天下之道，只取高而當損，有《謙》之意耳。」又言：「人之爲學，隨其所見，皆足適道。如象山、晦翁二氏，學本不同，自今觀之，孰是孰非，而二先生亦未嘗明目相擊如今人也。孔門諸子，有侃侃者，有誾誾者，有行行者，有狂者，有狷者，有文學者，有政事者，隨所長而各造其成。今人無諸子毫末，輒昂昂然聖賢自任，擇古之有名於世者極力攻排，謂是足以驚人而峻己。就使立論皆是，於性分有何干涉？此今世講學者所以重得罪於世教，而自身取禍往往不少。說來說去，只是成得箇『惟口起羞』四字耳。大抵君子立身，只尋箇正經道理，循循做去，成得一善便成一善之人，成得十善便成十善之人。彼聖賢道理，典籍所載已備已詳，不必日講是非也。」其持論如此。

沈維龍 字震卿。爲翁源縣，值盜賊猖獗數十載，死傷橫道，維龍單車入壘，擒獲賊首關徂政、梁忠等，繇是悉平。翁源井泉遇旱多涸，富豪設烟塘以賣水，貧者待斃，維龍捐俸買塘公之。遷雷州通判，棄歸養親。維龍愉愉爲恭讓，分俸均諸弟，以祖貲遺叔，鄉論重焉。

黃襄 字國著。舉進士，授行人，選御史。奉命按遼東爲嘉靖四十二年，是時北邊歲苦虜。虜闌入順義、三河，世宗震怒，誅大臣楊公選。諸巡按御史往往坐失邊有逮繫者。當事諸臣則旦夕三四虛張捷級爲功勞，冀以免罪戾。襄獨具實對。撫臣某侵浚軍饟，襄直彈劾之。疏言：「本兵大臣與邊臣交蒙冒誣受賞。」總兵楊某死虜，襄則推獎上其功，請贈官、蔭男、祠祀之。虜入海州、西寧，襄則論劾指揮鳳者，

請坐誅。虜人廣寧、義州，襄則論劾副總兵登、參將印等，請奪其官。凡所請褒誅舉黜具見施行。居二年，復奉命按真定，裁罷中貴人榷木稅。漕河不通，當事請開新河自南河至留城，久無効。襄上疏請督責之，當事憊然告成功。某甲氏以貴人子豪暴州里，吏莫敢問，襄收笞之，下獄數日死，而襄赫然有聲三輔間。時與襄同爲御史者，有嶺南龐尚鵬，號爲不避權橫，而襄與齊名。又居二年，爲隆慶元年，襄向所疏論本兵方爲大冢宰，出襄守黃州。襄至，黜去其故風，力與民爲拊循。又二年，遷陝西苑馬少卿，則襄時大冢宰尚在，而某甲氏者爲故大宗伯某子，其家人詣闕誣襄，坐解職待勘。久之得白，補山西行太僕寺卿。是秉政者江陵相。襄守黃時，相爲翰林，襄不能好結之。亡何，大計吏銓曹無所注考，相直取中旨罷襄。相敗，有追數相罪而訟襄者曰：「曩行太僕少卿臣襄，疎逐之臣也，不野吏議，陛下知人善任，即在左右股肱者耳，何必諦此遠臣不足任？使中旨罷之哉？相作威福，此可見矣。」夫亦可以見襄。子巍、岑，並有文學，領鄉薦。巍，唐縣知縣。

歐陽模 字宏甫。父深，以擒倭陣亡，贈昭毅將軍，見武軍志。模舉進士，授霍丘令，調上津。丁深艱服除，肥鄉。〔七〕擢都察院都事，調戶部郎，出爲寶慶知府，陞廣西按察副使。爲人寬裕溫好，中身懸車，百感如遺，傾貲賑窮，座客恒滿，親友之不能自存者多歸之。郡人誦慷慨行德，以模爲首稱。始，模父深故慷慨行德矣，及模爲官，賜祿之人未足充父之所出，而賑捨之惠不敢後父之所爲。傳曰「如其道，終身無改，可也」，模實以之。

李文繼 領鄉薦，銓易州知州，陞常德府同知，轉岷府長史。林居餘三十載，壽八十餘。稽古博文，期以羽翼經傳，下至星卜律曆亦所窮究，篝燈讀誦，伏枕思維，至老不衰。所著有《易解》、《禮記庭說》、

《書經大旨》、《四書口授》，旁及子史、算法、律曆，凡若干卷。又嘗定冠婚喪祭諸禮，而鄉飲儀節參考尤詳。邑人士多就之學。

陳學伊 字爾聘。授南戶部郎，轉禮曹郎，出守揚州，左遷郴州。郴俗近夷，親死開喪，男子未笄娶，舉女棄之，夫病篤，妻行嫁，納其聘資，名曰佐殯。學伊一切禁除之。轉撫州同知。撫多盜，嚴治之，撫盜絕。復人爲禮曹郎，出僉江西臬憲，歸。學伊爲人骯髒，發舒不能爲兩端，竟不逢世。歸隱梅山之麓，讀書著文，時寓感慨之懷、公正發憤之意。梅山民質平決疑，得其一言，嚴於公庭，一聚之中，強不弱食，巧不愚詐，隸卒不能螫蜚，開戶安耕，無所患苦，相與立生祠祀之。學伊沒，載主迎神，旗旂紛紜，不啻有道之碑、羅池之廟。

趙秉孜 字恒守。自戶部主事左遷靖州同知，稍遷嚴州倅。量移池州同知，念母棄官歸養。秉孜在官，有涉利溷者一切辭避。居鄉二十餘年，足跡不入城府，薄嗜寡慾，慕神仙輕舉之術。子喬、弘景庶幾見之，邦君令尹接軫款門，攝衣式廬，並不得一識其面。籩豆有踐，老更虛席伏匿遜避。人以比段干。

洪有復 字懋純。初銓武陵知縣。時江陵秉國，楚人席氣餒，多以意作使縣官，暴橫邑里。有復三尺裁之。席氣餒者議徙有復他去，會相敗，反以得聲，擢工科給事中。中貴人殺人不法，有復疏論抵罪，中貴人走匿，至偕其黨環上泣也。有旨屬刑部。有復再疏論，竟抵罪。歷禮科左給事中。進士武進人薛敷教疏論大中丞不法，詞連冢宰。部院領之，授有復意彈薛。有復曰：「吾有去耳。」因自求外轉。亡何，補廣東按察副使、備兵肇慶。擢羅定參政。時州邑初建，所撫猺獞與諸民分籍而處，恃衆喜亂。有復布以威德，久之皆請隸民籍。粵西岑溪猺叛，攻城屠士卒。有復從總督陳璘授便宜，部署東三道進剿，人山



大破之。上功，賜錙陞俸。遷浙江按察使、湖廣右布政使，尋轉左。礦稅不逞，湘澤震動，同官馮應京觸稅璫被逮繫，有復悉力調停，爲民請命。上爲易中使，以礦稅屬郡邑吏，而更置巡撫，有復有勞焉。卒於官。族弟有助，係啟聰，從侄啟采。

有助 字懋遜。授南安府推官，高潔明敏，鄰郡皆以訟質。嘗攝大庾、南康二邑，清洗宿弊，立收徵串票之法，無重追虛納增減之害。復擅文學，郡邑士人多師之。入爲工部郎，守廣州，以艱歸。服除補徽州。廣、徽名爲大郡，地廣人稠，財力所絀，易動難調。有助安靜撫之。治徽三年，口碑載道。郡人方伯范涑以清節聞，稱有助不置口。遷廣東副使，方有徽州卓異之旌，而有助卒矣。有助篤倫常，厚故人，當官守法持節，而遇親舊不失恩意，物論歸焉。

啟采 字爾載。初教諭泰寧，擢國子。出守許州，按故籍，行田里，謂：「此漢棗祗所稱膏腴可屯田處也。今斥爲澤鹵，化爲芟牧，寧能歲無饑？」於是發廩粟，按貧施賑，乃復引民浚陂池、穿潁水，渠行數十里溉田中斥鹵，盡得水可令畝上石。招揀流民，給之墾藝。又爲民建義倉二十餘所，令富者輸粟其中，自出醵金買粟儲之，但取積穀而止。擢永州，乞歸，卒。

啟聰 字爾達。內行醇備，魁南宮高第，乞授順天府教授。歷南京兵部武庫司郎中，在留樞三四年，凡戈甲朽鈍，一爲修繕，諸如鎧鎡、盾櫓之屬，無不簡閱精好。左除池州推官，卒。

鄭維嶽 博學，久不第，銓遂昌教。轉五河知縣，立方田法，濬淮河，督役平均。以曲靖府同知致仕。維嶽究心聖學，兼通禪理，每講經，論辯無窮，恒借禪理以發聖學。又於天文、樂律無不究心。有《知新錄》、《四書正脉》、《禮記解》諸書。

黃華秀 字居約。授韶州府推官，逮下仁明，事上端執。召爲南御史，開口論事。時東方有遼左之慮，中原有礦稅之興，楚藩有小人之構，華秀並極言之。官暇，從德興祝世祿、寧國張應泰、潛江歐陽東鳳及郡人李范廉，駱日升爲讀書之會，相酬相勵如諸生。卒於官，不名一錢，諸公經紀之。

〔校記〕

- 〔一〕「錫紳」二字，各本原脫，據本書體例補。
- 〔二〕「從孫德謙」，本卷「宋科第」慶元二年丙辰「錢德謙」下夾注作「熙從孫」，傳記目錄「錢熙」下夾注作「從孫德謙」。
- 〔三〕「《論語孟子》」，當有脫誤。
- 〔四〕「榜以下並儒士中式」上，各本原闕一字。
- 〔五〕「陳敏」二字，各本原脫，據本傳補。
- 〔六〕「侄啟采、啟聰」，（洪有復傳）作「侄啟聰，從侄啟采」。
- 〔七〕「肥鄉」上，當脫「除」字。

# 閩書卷之八十九

英舊志 縉紳

泉州府 惠安縣

五代梁選舉

開平二年戊辰 鄭希閔

宋科第

端拱二年己丑 崔拱

咸平元年戊戌 黃宗旦第二人。

鄭褒希閔孫。

李慶孫

三年庚子 吳謂

景德二年乙巳 黃宗望宗旦兄。

天禧二年戊午 崔正則拱子。

天聖二年甲子 崔麗則正則弟。

八年庚午 鄭方褒子。

景祐五年戊寅 崔黃臣罷則子。

慶曆六年丙戌 胡昱

嘉祐二年丁酉 謝履 陳沼 黃庠奕 崔宋臣罷則子。

四年己亥 莊公岳第六人。

八年癸卯 鄭前方子。

熙寧三年庚戌特奏名 王獻臣

元豐八年乙丑特奏名 郭肱

元祐三年戊辰特奏名 黃允升

紹聖元年甲戌 胡惕昱子。

崇寧二年癸未 王昭獻臣子。

特奏名 郭郊肱從弟。

五年丙戌 江常 黃翰宗旦孫。

大觀三年己丑 黃騰翰再從侄。

特奏名 胡靖恭惕從弟。

政和五年乙未 溫豫毗與偽齊豫同名，改名革。

特奏名 胡溫恭靖恭從弟。 黃彥中翰父。

重和元年戊戌特奏名 黃與靡騰從兄。

吳天經謂從侄。宣和間詔不得以「天」字爲名，改名達老。

建炎二年戊申 李會文

紹興五年乙卯 黃表騰從侄。

特奏名 蔡可義

八年戊午 吳岡

十二年壬戌 黃願言

特奏名 吳逢謂侄孫。

十五年乙丑 吳慶宗謂三世侄孫。

十八年戊辰特奏名 江致堯

二十七年丁丑 吳驥逢子。

隆興元年癸未 許亞環

乾道二年丙戌 王庚昭從侄。

五年己丑 方烜 黃時亨宋志無。

八年壬辰 謝汝爲履孫。

特奏名 陳世德 盧應時八行瞻之孫。瞻，見方域。

淳熙二年乙未特奏名 吳旦岡從侄。

八年辛丑特奏名 謝齊石汝爲兄。

十一年甲辰特奏名 郭洙肱孫。

紹熙元年庚戌 吳豐達元侄。

特奏名 江沂常侄。 吳憲岡再從侄。 吳甄岡從侄。

慶元二年丙辰 謝宜中履從侄。 吳困達老侄孫。

開禧元年乙丑特奏名 吳寅岡子。

嘉定元年戊辰 莊壬 黃學行顧言侄孫。

淳祐七年丁未 江奎常曾孫。

寶祐元年癸丑 許登龍

正奏名 黃福老

四年丙辰 黃巖孫宗旦侄孫。 謝次魯履玄孫。

開慶元年己未 黃瑞龍

景定三年壬戌 薛作霖 吳玉潤府志作特奏名。

薦辟、人才賢者雜見列傳中。

有傳

黃禹錫子觀、敷附。孫宗旦。宗旦孫翰。族巖孫。 崔拱 鄭褒 李慶孫 吳謂侄孫達老。 謝履 陳沼

莊公岳 王獻臣 郭拙 胡惕 江常 溫革 蔡義可 吳岡 黃顧言子學行。 江致堯 方烜 陳

世德 莊壬

黃禹錫 字仲元。偽閩時，爲校書郎，留從効以名聞於南唐，授檢校尚書兵部員外郎，悉委以機密

事。周顯德中，齋從効表間道赴大梁，奏對稱旨，賜賚甚厚。宋初，以陳洪進爲平海節度使，遷禹錫檢校尚書水部郎中，攝蒲陽令。洪進納土時，林居裔聚衆游洋洞作亂，諷禹錫爲主，禹錫曰：「頭可斷，賊不可爲。」密遣長子觀與陳靖乞兵於漕使楊克讓。賊聞之，怒，以計昇禹錫與其次子敷置帳下，詰以乞兵之故，欲縱之。父子自若，不爲屈。既觀、靖以兵至，賊泥首降。太宗嘉之，賜袍笏。尋請老。而觀代父知縣事，歷知榮、閬二州，終兵部員外郎。觀，乞兵時言詞甚壯。敷與錢熙、曾會友善，獻《皇帝受命賦》萬餘言，知貢舉蘇易簡大奇之，召試崇政殿，未就卒。觀子宗望、宗旦，俱登進士。

宗旦 字叔才。赴闕，以文贊寇萊公、王元之、錢若水，咸見器重。咸平初，中甲科第二人，與其縣人李慶孫齊名。人爲語曰：「國朝才子黃宗旦，天下文章李慶孫。」嘗知蘇州。後以刑部郎中出知襄州，卒。有集十卷。子堯允，歷尚書司勳郎中、三司省判，亦知襄州。父子繼牧一郡，鄉人榮之。孫翰。

翰 知柳州，爲文祭柳子厚，其詞曰：「世傳不朽，文學辭章。惟公之文，駕翰蹴張。雄深雅健，實比子長。民思無斁，政事循良。惟公之政，祖龔述黃。深仁遺愛，實比甘棠。孔門四科，達者升堂。公兼得之，光於有唐。天材俊偉，議論慨慷。交口薦譽，名聲益彰。要路立登，臺省翱翔。擢列御史，拜尚書郎。時將大用，器博難量。譬如八駿，奔逸康莊。追風掣電，萬里騰驤。亦如利器，鑢錙、干將，直視無前，其鋒孰當？不慎交友，玷於韋、王。群飛刺天，讒言如簧。一斥不復，困於三湘。譬如鸞鳳，不巢高岡，棲之枳棘，六翮摧傷。亦如巧匠，睥睨觀傍，縮手袖間，善刀以藏。一麾出守，惠此南方。龍城雖遠，毋敢怠荒。勤以禮法，率繇典常。公無負租，私有積倉。居處有屋，濟川有航。黃柑綠柳，至今滿鄉。修夫子廟，次治城隍。農歌於野，士歌於庠。孝弟怡怡，絃誦洋洋。生能澤民，死且不亡。春秋享祀，早潦祈

襁。四百餘年，血食不忘。翰幼學公文，久服餘芳。遺風善政，凜若冰霜。目想英靈，如在其傍。桂酒清旨，肴蔬雜香。拜獻蕪詞，公其來饗。」其文可觀也。

巖孫 字景傳。登第，授仙溪尉。先是，尉仙溪者有段全凌、景陽二公，巖孫作思賢堂以仰之，爲堂記曰：「事俗而不自爲俗者，學充於事也。官庫而不自爲庫者，人大其官也。」在官，一以義理之學爲政。咸淳間，令尤溪，新南溪書院，建四齋及講堂以棲學者，復作夫子燕居堂。疏朱文公所解《太極通書》、《西銘》二篇，及所與門人問答書語，及諸儒之說有發揮者，間申以己意，會萃成篇，倫類通貫，名曰《輯解》，刊於書院。後通守福州。

崔拱 字賓王。居官廉謹，不爲表襮以峙聲譽。歷著作郎，至太常丞。子正則、麗則，俱登進士，亦有辭藻。

鄭褒 字成之。宋初之文，尚沿五代，褒力脫浮華，追古作者。舉進士，至都，會詔罷，徒步走徐州，謁王元之，贊所爲文，元之亟稱之。是歲閏在孟秋前，一日，煩暑特甚，元之留褒涉秋而行，褒曰：「褒有老母，今詔下，將及閩，鄉人必以告母，母氏計程而待，後一日至，必貽倚門之憂。」元之爲褒泣賦曰：「褒也甌閩士，文高行益修。干名逢詔罷，歸計解親憂。」咸平初，登第，未命，卒，年三十七。同年爲槩葬京城南。時元之掌制誥，復作詩哀之。有集十卷行世。張景爲序，謂「宗尚韓吏部而體勢近之」。蔡襄論閩中文章，自歐陽詹後，惟推褒。褒之自處，亦不讓於詹云。子方，南劍州推官。

李慶孫 仕江州推官，有文名，與宗旦並稱。

吳謂 字浩然。文詞俊邁，負氣寡偶。丁晉公當國，不肯避其名，遂斥外。終屯田員外郎。侄孫達



老。

達老 字信遇。承建昌，爭更鹺法，毋使鹺商重困，俄朝廷聞其不便，罷之。知惠州，大興學校，令僉判陳鶴掌其教事，執經者至數百人。承節郎謝革者，遣徒劫仇家，殺其主，焚所居室。獄具，達老慮賊或奪囚，先處決之，然後自劾待罪。有子七人，兩遇郊恩，以子弟迪老、述老。弟以兄多子爲辭，達老曰：「吾豈能以官榮弟？欲慰母心爾。」母年八十餘，三乞祠終養。後知潮州，卒於官。子延賞者二人。孫困，宰邑有聲，第其知泰州時，提舉鹽事，鈎稽過密，歲課增羨，被言者論罷。

謝履 字履道。唐御史遜之裔。調南安簿，歷清溪令，視泉州爲本貫，規防尤嚴。熙寧中，丞都水監，塞曹州靈平決河有功。以秘書丞兩知興化軍。歷婺州，前此爲守者，圭廩之人皆易物帛，履罷任，獨載緡錢北還。尋乞致仕。善行隸。有《雙峰集》行世。子宗參，承事郎。孫齊石，通直郎。從弟文龍，見韋布。

陳沼 與弟泚篤志力學，少爲蔡忠惠所奇，後兄弟同舉鄉薦。鄉人榜所居曰聯桂。泚，有《竹溪詩集》行世。

莊公岳 父復，銀青光祿大夫。公岳舉進士，歷秘書丞、河東轉運判官、成都提刑。久任刺舉，所至稱治。終吏部侍郎。元祐初，拜疏極陳時事，輒書褒答，有「顧惟忠藎，深所歎嘉」之語。

王獻臣 字賓虞。仕秘書郎，有詩號《卧龍翁集》。陳恭公執中嘗過其廬，有「王公杜陵老，草堂枕碧溪」之句。葉廷珪知泉州，爲後序，謂其間佳句「置唐人集中，無辨也」。

郭拙 字景初。學問諳貫，仕止秘書丞。所著有《汾陽集》。

胡惕 字時甫。刻志力學。知開封縣，歷倉部郎，出知漳州，公清得民。

江常 字少明。第進士，擢侍御史，起居郎、中書舍人、給事中。知福州，建賊承流逼州城，常登陴呼酋，諭以禍福，許爲騰奏，賊羅拜城下，一夕遁去。靖康以來，軍政弛壞，州兵橫甚，小拂意，輒聚謀牙門，常跡知其尤黠者，以名付保伍，因事去之，紀律始嚴。尋奉祠歸。歲饑，倒廩全活。居父喪，廬墓側。有《外制集》十卷、文集二十卷。

溫革 字叔皮。唐尚書仁儼之孫。紹興初，以秘書郎被命副莆陽方良實使河南修陵寢，歸奏以實，辭甚憤激，高宗爲泣下，秦檜聞而惡之。出守延平，後守漳州，以治最稱。終福建轉運使。

蔡義可 能暗誦唐詩，不遺一字。任邕州判官，年七十四，至八十四而歸，時人異之。

吳岡 字稚山。潛心經學。既擢第，教授峽、邵。二州僻陋，岡治學舍，指授諸生。卒官，州人廟祀焉。自號耐閒翁，有詩集六卷。子寅，莆田令，工詩。

黃顧言 字宋臣。少有場屋聲，仕止德慶推官。侄孫學行。

學行 字上甫。教授全州，嘗疏歷代褒崇先聖故實、冠服奠饗儀注，爲《尊師始末》上之，詔頒太學。通判建寧。知循州，贛寇據松梓山作亂，招捕使令兵破之，奔逸嶺外，學行激厲吏卒，追擒其酋。遷秩，乞增州兵，從州節制。有《史說》、《坦齋類稿》。

江致堯 字聖俞。五世祖仲荀，宋初說陳洪進納土，賜進士出身，官至大理司直。致堯好學力經，以特奏任法曹。雖處官冗，不廢丹鉛，有《周禮解》。其詩與晉江處士丘崇齊名。

方烜 字成章。治《周易》，兼長詞賦，兩薦鄉書。登第，分教臨賀，撤新學舍，立規約，月書季考，一

如閩中。鄰寇發，將及境，守、倖以下無策，亟召烜，烜部健卒出城南，登高望寇示武，旌旗蔽天，賊爲宵遁。秩滿，歸。

陳世德 字景申。少穎悟，惻內，刻苦爲學，以辭賦名鄉貢第二，舉特奏。主莆田簿，郡守林黃中深知之，兩檄攝縣。莆人號爲佛子。再調惠州錄事。有詩號《殖軒集》。

莊壬 字子中。工詩。尉永嘉，鹽寇掠境，憲司符夜至，壬亟發卒，偕巡檢率寨兵俘盜數輩，不待白守。守楊簡怪迂，恚壬不先白己，會僚屬，建轟，立壬與巡檢轟下，欲行軍法。巡檢拜叩祈免，壬山立不動。通守以下皆爲請曰：「尉權以濟事，可旌也。」簡意解，同僚抑令拜且謝，竟不屈，拂衣去。諸臺壯其節，交薦之。終海豐令。

### 元選舉

至正元年辛巳浙江行省鄉試 盧琦

至正二年壬午進士 盧琦

薦辟、人才賢者雜見列傳中。  
有傳

### 盧琦 謝子龍

盧琦 字希韓。少從學於三山余子賢。子賢語其友陳忠曰：「希韓經學該貫，爲人簡重，在吾門十餘年，不見情容，真畏友也。」從子賢試浙省，子賢道卒，琦不顧試期，與其友陳彥博經紀以歸。琦僅少忠一歲，每別去，必納拜曰：「吾師，行也。」舉進士，授延平知事。轉永春縣尹，賑饑饉，止橫斂，均賦役，減

口鹽百餘引，蠲包銀、權鐵之無徵者。時行鄉亭，省田野，見良禾嘉麥，煦煦笑語，召勞其人；籬落不整、溝洫不治者，責情罰之。兩造在庭，則詰曰：「胡棄農？」而卽公立爲剖遣，各得其愧服去。乃作新學宮，延師儒，課子弟，月書季考，皆自臨較。鄰邑仙游盜發逼境，琦方行界上，賊衆望拜曰：「永春大夫也。」爲大夫百姓者，何幸之大乎！我邑長暴我，故我至此。」琦立馬喻以禍福，皆投去棘槩，一日得九百八十三人。琦使其執兇首自新，自是威惠著於境外。至正十三年，泉郡大饑，老幼扶携，皆就永春食。琦分食諸浮屠若大家，幼稚棄道者，舟載養之。明年，安溪寇數萬來襲永春。琦出邑外，諭民曰：「縣無城，令當與存亡，願須我民共之，我民能戰與戰，不然令死之。」衆感憤歎曰：「使君，我父母也，忍以父母畀賊？」琦率與戰，大破之。明日，賊分道大至，民無老少皆以鋤鋌瓦礫助擊，大小三十餘戰，捕賊衆千二百餘人，而邑民無損傷。鄰邑德化民相率拜馬前：「微公，吾邑亦及矣。」居二年，調寧德尹，父老走留，帥府不可，立廟生祠之。先是，寧德盜屢驚，民走匿山谷，聞琦至復歸，盜亦逸去。時興、泉方用師，帥府以琦著望永春，檄參謀軍事，往來二郡間。卽以年勞擢行省照磨。鹽課司提舉番鉅商以貨得參省政，威勢大振，有拂意立箠楚，脅戶部令奪下四場引鹽自爲市，琦曰：「是上棄國課，下毒亭戶及食鹽民，斷吾腕不署牒也！」作《海口鹽場祈晴文》，有「乞賜兩月之晴，甘捐十年之算」之語，場人誦之。晚以近臣薦，除守平陽，命下，琦歿矣。琦與陳旅、林以順、林泉生皆以文學爲閩中名士。元末，以事赴京，中道返曰：「不可爲矣。」因大息不已。歿後六年，元運終。琦以《詩經》起家，終元世，泉人登第獨琦一人。惠人至今傳其《詩》學。其守永春之功，人比余闕之在安慶云。子杲，皇朝以人才授鉅鹿知縣，杲亦以人材授廣平府通判。

謝子龍 字雲從。力學無顧家，文章典實有意趣，詩亦溫潤，兼工隸書。至正中，辟分教郡庠。守僎

玉立重之，撰述多出其手。有集數卷。

### 皇朝科第

舉人 進上子、午、卯、酉屬舉人；辰、戌、丑、未屬進士。

洪武二十年丁卯 鄭正 吳賢孫

二十三年庚午 莊宗

二十六年癸酉 陳勃

二十九年丙子 陳遂

三十五年壬午 朱雅

永樂三年乙酉 余福

四年丙戌 余福

十二年甲午 陳除 陳濬

十五年丁酉 蔡恭 蘇觀 涂完作元。 葉禎

十九年戊戌 蔡恭

二十一年癸卯 陳榮

宣德十年乙卯 張曄

正統六年辛酉 吳勗

景泰元年庚午 莊琦 柳盛

七年丙子 吳琛

天順三年己卯 謝寧

成化元年乙酉 莊政

二年丙戌 謝寧

十年甲午 陳睿

十一年乙未 陳睿

二十二年丙戌 張經 莊鵬 陳昇

弘治五年壬子 張綸

十四年辛酉 黃春 謝平寧子。

十七年甲子 張慎倫子。

正德二年丁卯 王奇橙 陳煒睿孫。 陳煌煒弟。

八年癸酉 解元張岳慎子。 郭克一

十一年丙子 陳理

十二年丁丑 張岳

嘉靖四年乙酉 張悌慎再從弟。

七年戊子 李愷第二人。 洪輔隆 王以寧奇橙子。

十年辛卯 莊朝賓 康朗

十一年壬辰 李愷

十三年甲午 陳增嘗曾孫。 莊一貞 張瑞貢士。順天中式。

十四年乙未 康朗

十六年丁酉 陳彬 莊應禎 康惟心

十七年戊戌 張瑞

十九年庚子 李慎愷弟。 鄭一龍復姓朱。 黃森 駱惟儼

二十二年癸卯 曾承芳 康朔朗弟。 陳光前嘗從侄孫。 施宏璉 丘瓚

二十五年丙午 林富春 江梅

二十六年丁未 丘瓚 莊朝賓 莊應禎 曾承芳

二十八年己酉 張峰岳弟。 陳子佐

二十九年庚戌 李慎 鄭一龍復姓朱。 張峰

三十一年壬子 戴一俊 林會春富春從弟。 王以匡以寧弟。 薛廷寵儒士。

三十二年癸丑 戴一俊 黃森 林富春

三十四年乙卯 鄭一信第二人。 鄭一濂一信從弟。 郭良 汪萬里晉江旦子。順天中式。

三十五年丙辰 陳子佐

三十七年戊午 鄭道興

四十一年壬戌 郭良

四十三年甲子 康士晉朗子。 張寯岳子。 順天中式。

四十四年乙丑 鄭一信

隆慶元年丁卯 孫有敷 王約奇燈孫。

四年庚午 陳雅樂彬子。 陳力 劉會

萬曆四年丙子 張遴峰孫。 陳鏐煒孫。 順天中式。

五年丁丑 王約

七年己卯 陳文選解元。 盧居安 陳鍾瑁煌孫。

十年壬午 陳舉賢 陳濂鐸子。

十一年癸未 劉會

十三年乙酉 林機 江化鯉 林焯改名夢鼎。

十四年丙戌 陳濂

十六年戊子 曾偉芳承芳從弟。

十七年己丑 曾偉芳

十九年辛卯 駱日升 潘一諤 陳鏗 洪煥

二十二年甲午 郭長發 張迎齋子。 劉春

二十三年乙未 駱日升第三人。 張迎 林機

二十五年丁酉 劉廷科晉江弘寶從侄。 莊毓傑應禎侄孫。 莊毓慶應禎子。 陳揚明



二十八年庚子 陳玉輝齊七世孫。

二十九年辛丑 莊毓慶 陳玉輝

三十一年癸卯 駱志賓第二。 歐從雲 張鏘峰孫遵子。 戴亮機一俊子。

三十四年丙午 莊日廷 楊夢震

三十五年丁未 劉春 莊毓傑

三十七年己酉 蔡一熊 張鏘鏘弟。 盧上魁居安子。

三十八年庚戌 歐從雲

四十年壬子 陳保泰第四。 潘士望 林徽龍 張兆璋慎曾侄孫。 黃文惠 李啟明 許成楚

四十一年癸丑 陳保泰

四十二年乙卯 吳忠朱第二。 孫幼孜 周梅卜

四十四年丙辰 張鏘 蔡一熊 張鏘

四十六年戊午 黃學元

薦辟、貢監賢者雜見列傳中。

有傳

黃存中 洪鍾玄孫進隆。 余福 張曄 陳濬 蘇觀 葉楨 鄭滿 林玉 張茂子綸。 綸子慎。 慎子

岳、峰。岳子密。 孫迎。 慎孫宇。 謝寧子平附。 陳睿孫煒。 玄孫濂。 鍾瑄。 莊鵬 黃春 王奇橙孫約。

郭克一 鄭琛二。 李愷 康朗弟朔。 陳彬子雅樂。 莊朝賓 莊應楨 張瑞 曾承芳 朱一龍 戴

一俊 林富春從弟會春。 鄭道興 孫有敷 劉詢英 劉會弟春。 江化鯉(三) 郭長發 駱日升 陳文進

黃存中 以人材選。建文中，仕至禮部尚書，死靖難。按：舟山堂別記載：「黃魁，革除二年任侍郎，死靖難。」七修類稿載：「成祖奸臣榜」有黃魁，福建人，仕禮部右侍郎。而惠中故老道：「小岞有禮部尚書黃中，舊府志載其永樂初年得罪，死於靖難。」張襄惠惠安邑載：「四」黃存中，二十五都田邊人，以人材初授中書舍人，至禮部尚書。」今按魁本籍既無考，而中又載鄉人之口，存中又見志書，合見於此。

洪鍾 字希聲。謙恭孝友，善楷書。洪武中以明經薦授安溪訓導，有興學作人功。九載致仕。子沂，洪武中以貢歷德慶、和州二學。曾孫炬，縣縣從事至太僕寺丞。炬子安，安侄謨，謨從侄孔陽，俱應貢。安，新興丞。謨，寧鄉訓導。孔陽，興寧訓導。孔陽子輔隆，領嘉靖鄉薦。孔陽侄進隆。

進隆 字子崇。為諸生時，有志聖賢之學。邑令葉春及毀淫祠、開土館以教子弟，延進隆為師，牒文曰：「竊覩執事學明行修，令帥子弟，聽命焉。」萬曆壬子，以貢選德興訓導、海豐教諭，並以文行課士而躬為之式。子邦臯，歲貢，任閩縣訓導。

余福 字萬祥。登進士，仕至二千石，歷撫州、平陽、九江三劇郡，左遷同知，復歷任寧波、太平致同知事。以其職二千石最久最著，鄉人稱之曰余太守。太守早孤，年十四入邑庠，郡大夫謁學宮，見而奇之，訝其衣服襤褸，眾以繼母對，曰：「家貧耳。」郡大夫益奇之。既舉進士，成祖見福氣誼耿介，以盡忠國家，許之。奉勅還鄉讀書。起為行人，奉命使交。交人餽以金銀寶貨，悉却不受，夷情大服。使還人對，具述使事，上曰：「餽贐，禮也，爾何却之？」頓首曰：「臣受命出疆，繫國榮辱，以貨易守，恐死無以解外夷侮。」

笑。」成祖深嘉之。自是凡有四夷之事，必以命福，或正或分，皆能稱旨。車駕幸北京，仁廟監國，福適巡南都，以權要朱主事不法事具啟，法司謫福戎籍，福令家人懇行在。上覽奏曰：「非使交行人耶？朕方用之，何得爾？」召旨親鞫，遂命復職，反坐朱所司，置重辟，福爲叩頭死請，乃從輕典，而福仇自此立。其後，仇人稍復用於宣德末，連結部院方相與伺隙擠福，福恃其方鯁忠誠，結知明主之舊，更與異己者爲敵，以故歷五郡積二十餘年不遷，竟中飛語坐貶。子琛，應貢入太學，未命卒。

張曄 字文煥。教諭滋川、沛二縣，曉天文兵律之學。

陳濬 字潛哲。以乙榜授山陰訓導。丁外艱，復除麗水。用薦者擢監察御史，糾劾不避，恒與權貴人爲難。出按廣西，去貪污，釋冤獄，九載考滿，廉聲大著。以母老請病南歸。母高年失明，常在床褥，躬自扶掖，久而不息。母卒，祭葬遵家禮。爲人宏偉詳雅，閉門養重。

蘇觀 令遂溪九年，勸農興學，節儉安靜。陞南昌通判，致仕。

葉禎 字履祥。訓導高州。秩滿，以母老乞就養，改泉州九年。陞順義教諭。有才思，能文。

鄭滿 永樂貢士。宣德中知五河縣，修舉廢墜，善撫其民。

林玉 字廷珪。少失怙，事母至孝。應正統十年貢，入太學。乞歸，侍養二十餘年。母沒，乃復入太學。成化三年，授廣信推官。致仕歸，授徒自給。邑令欲周之，謝絕不受。豫章王侍郎一夔稱爲仁人君子。

張茂 天順間以貢入太學，矜莊端謹，用氣節自砥。授桐廬丞，專以恤孤弱、釋冤濫爲心。民有繼母告子不養己者，茂問繼母：「自有子乎？」曰：「有。」然則何不安受其養而告前子？」曰：「官均養。」茂

問前子，亦既養之矣，但泣言母弟害之。茂廉得實，給母曰：「子不孝，殺之。」母叩頭謝，茂命痛杖之，母色喜，即召杖其少子，曰：「子不孝，弟不恭，皆不可容。」母奔號請代。茂怒曰：「杖前子則喜，杖己子則號，不慈孰甚焉！」並治母，遣之。其後，母欲虐前子，輒爲少子勸止，一邑稱平。有中使人閩，陵轢沿道州縣將至邑，令避不見，茂曰：「丞自當之。」及人，不爲禮，茂瞠目責之曰：「七品郎官，自朝廷外無不爲禮者，中使坐自如朝廷耶？」徑趣出。頃之，中使盛有取索，茂曰：「舟則有之。」竟不能加。有友人沒京師，子火骨以歸，過縣，茂迎骨入廨，設酒餞哭奠，家人謂不祥，茂曰：「設吾友生而過，我不延款之乎？」子綸。

綸 字仁伯。事父孝謹，每得其父書，必拱手正讀，珍藏寶重，數年後出之，如新啟緘。有弟六人，出自三母，綸撫愛如子，諸弟終身父事之。授萍鄉令，未上卒。子慎。

慎 字公謹。知英德縣。英德富民好詭田匿賦，慎好諭之，令各以多寡自實。民間小訟，亦爲悉心聽察，曰：「小民見利必爭，不爲結斷，爭無已也。」宋唐介謫英州別駕，慎得縣北龍山書院遺基，（五）建祠祀之，前開講堂，旁列齋舍以居諸生，政暇爲講論經旨及古人行誼。卒於官。上司議祀之名宦，縣人即龍山書院祠之，曰：「張公遺教在是。」子岳、峰。

岳 字維喬。好讀書，尤究程、朱學。正德癸酉，選閩第一，人見鎮守太監，長揖而已。太監曰：「福建今年解元豈琉球生耶？」明年，成進士，與同郡陳琛、林希元寓居佛寺，閉戶講《易》，共賃一驢，三人迭騎，有時聯袂走市中，市傍竊指曰：「此泉州三狂士也。」居一年，授行人。武宗寢疾豹房，獨宦者侍，岳疏言：「自古未有人主寢疾，大臣不預，獨與內使共之者。乞大臣、經筵、科道官輪直起居，藥餌先嘗，太醫

院藥方日呈內閣，庶關節通透，可備意外之虞，迓和平之福。」不報。車駕南巡，與同官諫止，下獄罰跪，廷杖。時杖者七人，上曰：「其不死者予一秀才官。」遂得南國子學正。世宗登極，得復職。吏部欲選爲科道官，不應。丁父艱服闋，吏部欲取選如前，又不應。陞右司副。念母老，乞南。陞武選員外，復陞南祠祭郎。俄承重祖母及母憂居家，結草堂，益讀書其中。而羣豹來爲巡按御史。故事，御史行部，未視事不會客。豹至惠安，先來見岳，曰：「如公者，一日十見，何嫌也？」時王文成倡良知新學，士翕然從之。岳渡江見文成，持程、朱遺言當之。文成摘駁朱氏語數十，岳言：「朱何可毀也？間縱小異，奈何並其大而疑之？」既別去，文成曰：「子亦一時豪傑，可畏也，亡奈舊聞纏繞耳。」歸，與文蔚諸君商之。文蔚，豹字也。豹從學於文成，岳與豹講，復不協，因自立存養四條、威儀動作之節十七條，以爲學則，懸草堂之北壁，曰：「吾自爲學。居敬窮理，聖賢所指以教人者爾。」岳晝夜讀書，皆有課程，至天文兵法、稗官野史，亦輒旁涉手校。服闋，補主客郎。時世宗方定大禘禮，將禘始祖所自出，相張永嘉孚敬欲實以某人，禮官心知非是也，強從之。奏已具，侍郎李時故才岳，舉質之。岳曰：「國姓，德祖而上，高皇帝所不能詳也。今欲實以人，上明聖，首舉大祭，肯恬然祭非其祖哉？」時曰：「子言，吾意也。然則何以復上？」岳曰：「請言上，設神位，御題曰皇初祖。堂堂天子之祭，穆穆而蒞之，誠吾祖也，千百世以上可假也。」時躍然喜。明日，會孚敬，頗微言以觀其俯仰。孚敬曰：「何變吾說？」時曰：「部有郎言云云。」孚敬曰：「後進何知！」居一日，如孚敬議。上內批：「設皇初祖位。」與岳合。奏下，孚敬大駭，問：「郎議禘者，誰也？」既知岳，與王祭酒言之。祭酒雅善岳，薦引之。孚敬亟欲致岳，略以館職，岳謝不應。出爲廣西提學僉事。時行選貢法，孚敬主其議，欲廩生中選其才美者，無寧缺。岳第如舊而已，曰：「一以存祖宗網羅英

俊之意，一以使遐陬僻壤之士覩衣冠文物之盛。」視學至柳州，軍五百餘人號跳城外者五日，太守不以告。岳聞，召太守曰：「謂不關當職耶？」召五百人，諭之，則知太守不予糧，枵腹且一歲矣。岳曰：「爲太守出糧。」徐廉之中有十八人者驚而鼓亂，詭曰送軍門，曰：「軍門將用爾。」於是十八人皆置法。壬辰，人賀萬壽。其冬，改提學江西。是時江西人正尊尚王氏學，更約諸生第於程、朱著蔡守之。居一年，卒用廣西貢士不如式，落職廣東鹽課司提舉。岳爲相孚敬所忌，故出提學廣西，旣以選貢不如相指，又人賀萬壽不見相還，相授意巡按御史屬岳也。御史行部潮州，會岳病足，不任庭參。治書守、巡道故，且請爲好謝御史，御史笑曰：「是嘗兩爲提學，豈願絀體哉？」御史還省，岳上謁稱屬吏，顧終不得懽。朔日院揖，御史怒一典史，若將笞者，又故睥睨久立。郡太守臆解，諸屬無不以太守故爲典史臆者，岳獨傍立。御史顧曰：「提舉無一言，謂吾笞典史非耶？」岳曰：「典史短長，太守知之，提舉不知也，敢以所不知嘗試明府哉？」御史不懌。明日，檄署南海篆。以病辭，不可。固辭，御史遣一防夫持牌往口：「遲一刻，死矣。」防夫急見岳，出不遜語。岳還防夫牌，防夫突起上堂，岳怒杖之，防夫毀牌復御史。御史劾奏岳也，同官馳解不得，請岳往謝，岳曰：「某無罪，何謝也！」曰：「杖御史防夫，非罪耶？」曰：「提舉杖一防夫便稱罪，御史重矣，天子提舉，防夫侵之，天子重耶？」御史聞，追還劾疏。會報守廉州，岳往，御史乃言相意云。廉邊交南，吏治皆窳。岳至，省禁令，減徭役，民情不田，時巡郊野督種植，棄地有廣衍者，教之耕，民不知取水法，教以車戽。居四年，不問珠池珠。家中人言：「從乃公官廉，乃不識珠。」岳曰：「識珠易耳。」示之庫珠八顆，立還之。無事，讀書堂上，削等威與諸生相師友，廉士皆知學。上欲征安南，遣使勘狀。岳言：「安南之黎氏，窮窳不能君，莫登庸弑之自立，其名曰賊。今將以黎爲辭，加兵登庸。」

乎？萬里興師，爲夷討賊，非急也。若以不人貢而已，登庸揚言於邊求貢請封矣。黎未卽亡而接納其賊臣，又非義，得爲不定黎氏、不許登庸乘危而取之？遐方絕域，亡益中國而內徒自耗，且又未可以必得。」告撫、按兩司請棄之，令自爲聲教。撫、按莫敢聞。而朝廷遣至梧州，議人交矣，岳謂：「上初使勘，未曉其國中事也。莫氏篡黎，今固無勘而已具。使往，苟受謾詞以歸，其辱在我。義不受欺，必將究黎氏之存亡，登庸且懼而爲亂。岳愚謂宜請留使者毋前進。」因條六不可征狀，疏於朝，爲時宰所格。督府蔡經曰：「〔六〕空言罷兵，亡以塞明詔。子能保毋用兵降登庸乎？」岳曰：「降登庸，非義也。國體不可褻，當令納地，令貶號，令首啣璧，匍匐詣闕，獻其國中圖籍，勾上處分可耳。」曰：「如此，能令登庸聽乎？」岳曰：「岳能檄之。」會兵部尚書毛伯溫出視師，岳言於經曰：「大將至矣，前議未可用。」經曰：「兵事調度屬公。」伯溫至，岳以前語告伯溫，繼進賊情、地形，連語數日。伯溫曰：「交事付子矣。」於是許降登庸如前議。先，莫登庸密使請輸情，岳以無國命不與通語，辭不納。顧登庸聞岳持毋征，請愈力。岳命土人文通頗用前言於督府者要之，往還三四，登庸惟命。其諸酋顧畏詣闕恐見欺，登庸曰：「有張太守，何恐？」會遷浙江提學副使，尋轉參政，登庸復兩端。伯溫奏乞還岳廣東，專統奇兵守欽、廉。登庸密覘，口：「向廉州張太守尚在否也？」岳至，登庸孫福海來叩關獻地。伯溫以聞，授福海世襲都統使。岳陞俸一級，賜銀幣。尋又以征瓊叛黎功，陞、賜如之。嘉靖辛丑、壬寅間也，會北虜人邊，南北科道交薦岳，而伯溫言於朝曰：「吾於廣右新得一督撫，張岳可南，翁萬達可北也。」於是吏部陞岳右僉都御史，撫治鄖陽。中塗，報以原官巡撫江西。岳直躬任職，耻爲攀緣。撫江西，嚴相嵩其治子也，方當權用事。上命有司治嵩第，名閣曰延恩。所司請供費，岳曰千金，皆相顧請益，予五百，又請益，不益也。貽相書：「閣侈

上恩，亦訓恭儉。流俗不察，猥將侈其輪奐。而岳仰體德意，妄裁之。」嵩即亦謝曰：「出自足下，伯夷之築也。」會有行人使者，嵩附金五百來曰：「佐閩費賜金也。」嵩子世蕃私諸行人：「毋發封金。」當返，岳付主者，曰：「豈有沒父善美，從子惡念！」嵩守家奴將人京，以意自求傳，叱走之。世蕃此時在京師，出絮語，同里都御史丘養浩故善岳，密以聞。岳曰：「自分定矣，寒骨稜稜，止少馬革一張而已。」自是嵩嫌岳，時時裁抑之矣。嘉靖甲辰，陞副都御史、提督兩廣。兩廣故饒供億，岳殊不取用，又不持一縷於權門，且檄諭州縣吏，無召不得至轅門；召至，不得手一持入門內也。其自爲太守參政，於蠻夷溪峒聚落、兵馬、錢糧、將吏才否，久刺取籍記，至是調度有經，竅係就理。乙巳春，討平封川賊之僭號稱王者，斬首二千五百餘級。陞兵部右侍郎兼左僉都御史，賜銀幣。尋征馬平蠻。馬平蠻者，柳州蠻也，正德間嘗執柳太守，剖腹實芻，焚其尸，官討不勝，賊悍肆四十年，馬平田土蠶食幾盡，窠列拾數，柳、慶咽喉據不通。岳其年八月分兵三哨，進攻雷巖，同銀、北岸、平田、北冊、落滿、都博，克之，遂圍魚窩、馬鞍、高挽諸窠。魚窩四周壁削，拔地數千丈，國初距今四攻莫克。岳移鎮柳州，困之五月餘，使副總兵程璽以勇士七十人先登，夜劫之，魚窩遂破。俄而馬鞍、高挽、同銀諸窠皆先後破。毀窠夷險，分兵守之。人曰：「張公之功，韓襄毅斷藤峽後再見者也。」嵩方在事，捷聞，加鑒太保，岳陞俸一級而已。明年丁未，召爲刑部侍郎。廣西巡按徐南金言：「岳忠純果毅，久任廣中，悉知廣中事。岳去，代者未必如岳。」遂復留廣一年。其冬，召人兵部左侍郎。明年戊申，征賀連，克之。七月，受代過家。捷聞，兵部叙賀連功，獎岳忠勤，已遷不懈，功賞宜優。嵩方當事，命下，總兵蔭子官錦衣，岳陞右都御史，掌院事而已。越二日，兵部馬上報岳出總督湖、川、貴軍，仍原官。總督湖廣、湖、川、貴軍者，將征湖、貴苗也。其魁首龍許保、吳黑苗，二苗久界兩



省，蟠據爲變。嘉靖來，兩省守臣往往坐失事。最後，從臺臣言，請設總督。會推才望大臣往任，諸大臣莫利往，岳被推，蓋相子世蕃以難岳。岳單車入楚，熟計勦撫，守二者孰便，或言撫，或言撫且守，岳謂：「前嘗撫矣。」一石布政臨窺撫賊，而後出之賊六百口，犒以花紅、牛酒，計口給鹽米，苗魁龍許保給冠帶，幼苗以充生員，所以處苗至仁，而糧一縮不繼，反愈甚。撫可恃乎？向年戍兵萬餘，糧乏不供，近且裁半，兵少不足分布，而賊出劫日橫，則守亦難。」奏上勦之。詔從岳議。諸守臣故畏言勦，而朝中大臣萬鏜、王學益二公雅善嚴氏父子間，皆故爲總督撫處苗者，復以喉諸撫院使撓岳，異同前卻，兵不時進。庚戌二月，貴苗出破印江，破石阡。上命易撫貴都御史李義壯，璽書讓岳。岳上表謝罪，召厲諸將，令三省夾攻，圖上用兵十數事，與巡撫湖廣都御史林雲同議處餉。餉具足，知廢將石邦憲者急功輕財，奏以爲鎮軍參將，駐兵銅仁，銅仁事悉屬之，更張將吏。遂以庚戌九月進兵，身督軍銅仁，先後擒斬，俘獲二千餘，賊酋五十二人，獨龍許保、吳黑苗遁走。復責邦憲計擒之。奏捷，未下。而田應朝者，鎮溪土指揮也，善巧譎，頗威苗而役之。從叔田勉爲之佐。於是煽苗爲叛，交鬪土司。而酉陽宣慰使冉玄與應朝深相結，令勉糾苗助戰，且謀苗攻邑梅，又謀保靖。事發，諸上司扼腕歎曰：「吾屬命懸於應朝、勉矣。」岳先後計擒應朝、勉，杖斃之。諸苗以平。而玄懼誅，密使其黨嚇許保、黑苗曰：「張總兵一日在，吾與若不帖席也。乘今兵撤，謀人一城，總督受罪去矣。」許保、黑苗曰：「甚謝冉使君。然吾苗衰不任戰矣，願假使君力。」思州者，城庫人少無備。賊合冉玄土兵至，稱羅塘戍兵來換班，城中人不譙呵，遂突入，一宿去，而思州太守死。石邦憲發兵邀於道，擒斬數十，苗遂遁。岳益督兵搜捕之。奏聞，世蕃輒言嵩：「張總督失城，當逮治。」徐相階持不可，而左都屠僑、尚書趙錦、張經、歐陽必進、侍郎張時徹人謁嵩，爲岳解。乃擬

旨奪一官，以兵部侍郎戴罪總督。方岳之報思州也，上方齋禁，未得命。相嵩議逮語先傳，人謂岳真逮也。諸公皆顧岳，周旋嚴氏父子間。張經寄岳書：「公生死懸嚴氏手中，旦夕耳。」岳曰：「有立脚如張維喬，坐不予宰相錢死乎？」既知故書沓至，岳曰：「死即死耳！自古刀鋸鼎鑊皆士君子致命遂志之地，豈聞迂徑求免也！」亡何，邦憲搜賊於貓兒園，敗斬之。苗愈大震，其月擒獻許保以自贖。岳乃督捕黑苗，且奏以聞。相嵩召問肅奏人曰：「龍許保固擒乎？」曰：「是也，生擒之。」相嵩默頃之，曰：「許保擒固善，然須絕苗黨。」俄得旨如相言，且令三省巡按御史具數奏報。人曰：「苗黨安可絕乎？嚴氏父子在，張公不還朝，明矣。且三巡按口語，卒何可得調也？」冉玄思州事露，岳條上其罪狀，請逮治玄。玄先使挾萬金入世蕃，請輕降旨。岳又具詰其事，請下錦衣捕玄使。或曰：「公不爲嚴氏諱乎？」岳曰：「言之，正以破其庇玄之謀，何諱也！」疏入，世蕃愈仇恨。先是，李肅愍默爲吏部侍郎，掌部事，嘗兩推岳爲尚書，相嵩票擬旨再推矣。至是，默爲吏部尚書，又推岳南掌院，相嵩曰：「三巡按未疏報，何急者？」有旨會推九卿衙門，論罰俸。後而亡敢有請召岳者矣。或語岳：「何不稍自貶？」岳指其髮曰：「種種矣。吾昔也少，張永嘉屢招致，我不一見，今顧人錢買官乎？吾知殺賊應詔而已。」是時兵久解甲，邊事帖然戢矣。捕黑苗，懸賞以購之。黑苗方懲許保，崎嶇山谷，挺匿四竄，懸之半年，購不得。其冬，萬鍾爲太宰，雅欲就苗功，貽岳書曰：「黑苗可無捕而罷也。麻陽，僕並州，公能念僕劬，則徧告三省諸守臣與巡按之當其地者，使善爲奏。」既又因徐相以請。岳曰：「人固有見得失自我，獨使岳以撫爲功，則欺矣。」書謝徐相：「萬公方居大位，以天下人材事上，區區一隅之業，數十年既往陳跡，何足芥胸中？岳愚，無以復命也。」岳幾危於相嵩，而鍾令言功又不應，獨捕黑苗日夜急。貴守臣頗思用鍾指，岳先後所下軍書謾應岳矣。遲

之踰年，岳急督之如故。貴諸大夫說岳曰：「公，天子重臣，以黑苗一夫坐自困，非計也。且諸將吏從公亦望休洗沐矣。」於是會牘列功狀，請岳上聞，不及黑苗事。岳曰：「是欺也，吾敢乎？諸公自洗沐，吾以專責石邦憲。」邦憲亦尋擒黑苗，歲之壬子八月也。湖巡按當勘報，授意湖藩司齎羨金三千上督府備軍市租，意欲岳因以遺嚴。岳以金付辰州府曰：「好貯之，毋動也。我死，則取其中三十金治木，與斂黑苗。」疏報，嚴氏父子頗塞口。旨下兵部覆議。而是時聶豹爲兵部侍郎，亟言相嵩宜召還內，不則當復還右都御史職。徐相階言尤力，顧終不能得。階報岳曰：「力請公內不得，亡奈公古執何。」豹亦言：「公於元相太疏簡也。」岳卒不少貶。其年四月，大星隕西南。岳曰：「我當應之。」其冬卒於沅州督府。明年，三巡按覈疏先後至，稱岳功，輒稱萬太宰先撫苗功亦宜追叙。然相嵩擬旨第復岳官，予恤典，而鏜更陰子矣。命下，予祭治葬，贈太子少保，謚襄惠。最後乃用征苗功蔭子必人監云。徐相謂必曰：「嚴氏擅政二十年，邊督帥不入一錢而身名俱全者，獨尊公耳。」岳沈默寡言笑，禮法自將，其行事磊磊落落，居官不計危阻，一意爲國家。爲文體尚廬陵，晚頗出入長、蘇。自負正，嘉二朝文第一，第不以文士自命也。定著有《聖學正傳》、《載道集》、《更定禮記》、《恭敬大訓》、《兵鑑》諸書。「大訓」名書，則取責難陳善之意，皆古聖賢所以告君稱《詩》、《書》中者，秦漢而下僅收漢董氏三策及諸宋儒封事而已，曰：「九廟有靈，吾訓當見用。」其自任若此。弟峰。子必、寯。寯，見韋布。孫迎。侄宇。

峰 字維育。初授吉安推官。有先朝諫臣黃子忠子坐誣，當辟，爲白冤狀，釋之。轉戶部主事，管太倉，繼主易州邊餉，皆肅清無染。會廷遣給事行邊，當路授旨中之。給事至，無得瑕疵，勸謝當路，峰曰：「人錢買官，非伯氏訓。」尋調兵部主事，轉員外郎，陞四川僉事，備兵川北。保寧綾名天下，機戶苦徵索，

峰嚴禁之。遷海州同知，改紹興通判，解組歸。

宓字仲初。以岳任授前軍都事，轉右軍經歷，復調宗正府。隆慶中，知慶遠府。府隸三土州，守往往受其酋貨物，與爲市。宓謝絕之。三土州有所侵我都亮諸里，下檄索之如故籍，酋度不能嘗宓所欲，竟以侵地歸。一酋貪緣進服色，業得上官諭矣，第借郡牘取成事，宓覈無當，特報罷。三年間，徭夷襲威信，而獨土酋怨刺骨。已謁臺使，道潯，一昔卒。喪歸自粵，發敝篋，獨有故時衣。慶人思而祠之。

迎字禮卿。九歲而孤。舉進士，寓京邸，杜門自守。時首輔趙志臯襄惠督浙學時所首拔士也，迎旅見外，不投一刺。念母歸省。及謁選，乞南便養，授兵部車駕司主事。晉武庫郎中，督武學，教勳臣胄子及衛所諸弁子弟，一年四試，五年一會舉，皆司中爲政，迎不徇私請託。所舉鷹揚士揭榜日，例開筵宴，費數百金，宴物倚辦於市，都人病之。迎請於大司馬，裁其席，僅杯酌，取成禮而已。至今南樞守爲定式。吏白庫中兵仗歲久朽鈍，請修造之。迎謂時方承平，當俟數年，然後議之。於是吏不能乾沒冒破。商人托名部操，多市硝黃爲奸利。迎執置之法。有欲爲關說者，三見竟不敢出一言。居官甘旨不具，時時急足回家，收田園人息資養母。李文節方爲南少宰，對人嘆曰：「維桑後輩如張君，當於古人中求之。」改南京文選郎中。諸曹吏役滿，試律第其名次，以爲受職高下、遲速及國子生。分署歷事，較文應舉，一秉至公，不以私意低昂一人。會遇冊立，父母得恩，遂乞終養。歸家，杜門謝客，監司、守、令初抵任，一謁而已。暇取襄惠所刪述撰著，沉潛玩味，怡然有得，曰：「吾乃知聖賢可學而能也。」里中後進有請登師席者，迎謝不敏，但告之曰：「『涇涇』二字，不可一毫退轉。」或曰：「『涇涇』病在『必』字。」迎曰：「『必』者，病痛在此，得力亦在此。」中丞御史每疏境內人才，皆以迎篤孝純德入告。歲壬子，神宗起迎南京考功郎

中，辭不赴。甲寅，起尚寶司司丞，辭益懇。奉旨有「一意戀親，甘辭榮寵，足徵至性」語。光廟初，起尚寶司少卿，竟以終養辭。初，迎未子，奉母命娶一妾，尋沒，遂終身不近婦人。或問故，曰：「吾稟賦衰弱，圖生之不暇，吾祖孫曾皆可子也。」卒，縣人巷哭，望弔門外，廬庶爲縞素三日。令繆伯昇特請祀之學宮。

宇 字仲矩。博學好修，慷慨有奇節，爲襄惠所器。隆慶初，以選貢授英德知縣，治行不愧其大父慎。英德人以與慎並祀。所著有《鳳崗存稿》。

謝寧 字安世。授揭陽知縣，廉慈公幹，盡職利民，折獄如流，兩造盡悉，雖豪宗不假借。丁外艱，改江陰。邑稱富饒，財賦充羨，寧不私毫髮。篤意蒙養，建舍立師，爰布條化。早澇病民，躬禱山川，大發倉賑之。興利便民，不鉤距苛刻，久而人信愛。陞刑部主事，卒於官。江陰人廟祀之。子平，樂昌知縣，有才氣，詩翰傑秀可觀。

陳睿 字邦獻。授揭陽知縣，老成詳密，持法難干撓。人爲戶部主事，督糧太倉，監兌兩浙，舊弊鉤稽，軍民咸便。轉員外郎，歷郎中，冢宰王三原稱爲長者。陞四川參議。丁內艱服除，除湖廣〔七〕提督太和宮兼分守下荆南道。先是，太和宮提督專於考覈道流，會計香錢，其兼分守自睿始。睿在荆南最久，清白著聞。時調兵征勦劇賊號「剗平王」者，饋餉足軍。賊平論功，陞俸。轉貴州參政，罷。子廷，應貢，未試卒。孫煒、煌、燁。五世孫濂。

煒 字孟昭。銓常山知縣，以卓異賜宴。遷温州府通判，繼陞上石西州守。拂衣歸，囊橐蕭然。非公事不入城府，無親疎老少，至誠處之。弟煌，曲靖知府；燁，翁源知縣，併煒爲知州，時稱「陳氏三牧」。

濂 字道源。除易州知州。至官，出文諭民：「當職寧無強幹之號，而不敢察淵束薪，寧安迂拙之

習，而不敢姘娼洪認，寧乏赫赫之稱，而不敢獵聲賈譽。」則省災傷，革冗役，平獄訟，禁礦洞，置學田，裁里甲，行條鞭，置囚糧，處社穀，革社夫，一意爲民。遷刑部郎，復補戶部。倭寇朝鮮，我發東征軍助之，推廉主餉。濂當軍與飛輓提衿見肘之日，借筯握算，寸心幾嘔。疏乞罷開礦，罷採珠。復疏專委任重老成以裕財用。東征事竣，乞早撤師省餽餉。並蒙嘉納。擢肇慶知府、廣東副使、參政、按察使，兼掌數印，日夜治文書，敏練不怠，晷刻之間，八而杳來，謦然中理。竟以勞瘁乞歸，尋卒。

鍾瑄 字峙卿。亦睿玄孫。〔八〕仕至思恩同知。仁心爲質，惠義播聞。歸而蕭然，無以爲家。

莊鵬 字萬里。以乙榜授新寧教諭。議經術，考古製器，端文字程式，以變易學者習尚。安福劉御史遜以言事出知武岡州，復爲藩府所擠，人多斂跡，鵬獨與往來。會有中以飛謗者，解職歸。鵬廓落勇氣，獨居一室，圖書靚雅，整襟端坐，點勘書史，雖分註小字，亦備精細。作爲詩文，閱麗可喜，縱橫穿貫，莫窮其辯。聞善與義，咨嗟稱嘆，若惟恐人不及知。自邑長、貳以及鄉里後出之士，莫不加敬，稱爲先生，而劉御史遜久之復故官，來爲福建按察使，通問求見，不答也。

黃春 字伯熙。少穎就書，力追古作。仕惠州通判，三除劇賊，以勤職卒官，孩子甫周，行橐如洗。博羅、歸善感其捕賊功，世祀之。

王奇橙 字良實。授石首教諭，嚴條教，勤講解。擢知益陽縣，出格招捕劇盜，盜率徒黨數百伏庭下，願爲良民。未幾卒，囊橐蕭然，巡撫檄厚資之。子以佐，廣文先生，朴古君子也。孫約。

約 字伯一。仕行人，有廉聲。此時張江陵爲相，喜強忍猛厲才能可任用，又善占風望氣而順事之者。約一木強人耳，任滿，僅改戶部郎。出守瓊州，瓊有牛稅，稅人一年可二千金，約除罷之，曰：「太守，

牛僧耶？」先是，郡司理視瓊篆，庫藏不潔清。約至，執問主藏吏。坐爲司理所中，調平樂。擢備兵左江，兼轄右江。交南夷爭主其國事，求啟關奉貢。舌人私語約：「公但受其貢物，主國事者定矣。」約曰：「天朝所重者名義。」杜關力却之。楚中皮林夷告急，三省會勦，當事者檄約督餉。餉三月，行間無私焉。遷參政，掛冠歸。

郭克一 字約之。少從莆陳茂烈學。嘉靖中，署歸善教諭，捐俸新學舍，復分齋肄業之規，申飭條教，講說經旨，士心竦異。

鄭琛 字必獻，宋鄭褒之後。嘉靖丙戌，以貢授嵎縣訓導。開襲勝會，率士學，教之先求放心，復表王烈婦刲股之廬以勵風化。嵎水暴漲，半夜扣縣令門，爲民請命，承委視水，埋胥瘞殍，賑業流亡。陞三水教諭，期會，課程如嶮。以邑庠新建，萃旁縣之材，爲更番講學之法。乞休歸。粵志稱琛「學有淵源，甘澹忘物」。孫一濂、一信。一信，守金華，類張敞，尹翁歸之爲人，終廣西按察副使。一濂，思恩同知，居鄉有惠德。

李愷 字克諧。宋文肅郅之後。舉進士，授番禺令。東莞故：番舶所輳，縣掣稅羈縻而已，焚者乾沒其間。當道察愷廉，以委之。愷令夷人自占，要以如額止，夷西驩呼。召爲吏部稽勳主事。愷平生嶽嶽，負意氣，喜功名，慕汲長孺之爲人。既得吏部，咄然曰：「惜也，不得從汲公游。」已以次爲郎，得顓臾，更欲於調外大有施爲。會言者言文選，語稍涉稽勳，遂坐調武部。既以車駕郎出爲湖廣按察副使，備兵湖北，時苗寇橫發，全調三省兵，久不能誅。愷抵任三月，擒斬三百餘人，餘悉招諭之。不踰月而龍科、吳角馬等皆來降。鴉溪山有猛虎二，噬死人。愷爲文祭告山帝祠，期以三日得虎。越日，一虎跳而斃，二虎

中毒死。愷醢之，啖湖以北人。苗人聞，相誡曰：「李公乃能殺虎，何難我輩？」相率降者復三十五寨。愷方議卽蜡爾山中設宣慰司，刑白馬，聳銅柱，使人我衣冠，永絕苗患，亡何以內艱歸。尋有言其跣跣不羈者，遂罷。里中故有介山，蕪穢不治。愷曰：「是可種藝。」開隴鋤施，耕隱其處。悲歌慷慨，放意爲樂，其偉心銳氣，踴躍錯出，時時揣論國家大計如平生。始惠故無城，嘉靖壬子島夷犯吳越間，都御史王忬議城之。衆譁中撼，愷獨決王公策，首捐負郭腴地，縱城所域。僉事汪洎、邑令俞文進請愷董役。愷旦夕行視，出私財豐犒。惠遂有城。越戊午，島夷陷福清，直走城下。惠雖城矣，尚濠淺而障低，賊氣吞城，大姓遁去，民男女號呼，集鳳池水次，待死而已。邑令林威方有違言，卧閣不出。署邑者縋庫獄送郡。愷喟然曰：「如此，則不若始無城。」集父老人哭城隍廟，出排縣閣，泣請令強之爲城守。令感愷義，登陴歃血，指揮防禦如愷畫。日未中，寇至，攻城西北偏。愷力戰却之，散財給士，立賞購功，弗力者劍殉之，凡立矢石所七晝夜。最後，賊以布梯衝車瞰城。暴雨至，雉堞崩，城中矢石立盡。愷且葺且拒，益厲死守。會郡中援兵至，挹酒跪勞，與里人張宇饗飯搏丸，身舖守者。賊望識愷狀，伏銃擊之，誤中其從人。愷益隨機隨應，行金間賊黨。郡中援兵愈合。勢蹙，賊遂拔營遁。時賊破福清，郡邑震動，惠拒而走之，旁邑益壯。愷之偉心銳氣不見官理，見之乎所以禦捍鄉邦矣。有《介山集》若干卷。弟慎，苑馬寺少卿。子呈春，廣西按察知事，有尚義名。

康朗 字用晦。舉進士，授刑部主事。武定侯郭勛怙寵專恣，得罪下獄。獄屬陝西司，郎錢德洪治勛獄，論勛死。肅皇震怒，謂不蔽勛罪，下德洪鎮撫司拷訊，黜爲民，責刑部覆按。此時朗初調陝西司員外，獄屬朗，論勛罪加等：斬，妻子給付功臣家爲奴，追奪勛封爵。命雖寢不下，勛竟坐長繫，死獄中。方



勦獄覆按時，當肅皇震怒之後，尚書以下惴惴不得當上意。朗精心法比，具爰書詳明，上爲霽威，縉紳皆服其通敏。遷郎中，出爲浙江按察僉事。有民王金箔，犯大辟當死。金箔者，大富人。貴溪相全爲言於其鄉人之爲按察使者。朗竟與按察使論金箔死。相啣，欲中之。以平時爲徐文貞階所知，得免。浙人稱朗爲鐵漢。陞廣西布政參議，分守柳、慶。嘗出巡一屬邑，蠻寇猝至，從人欲散走，朗曰：「走則虜矣。」取數炮發之。蠻人聞炮聲，皆鳥獸散。一以征蠻功受白金、文綺之賜。丁父艱，服除，補山西。陞山東按察副使，備兵曹、濮。曹、濮多盜，朗以計捕其劇者傅伯玉、沈現，王千斤若而人。一日，流賊至曹縣，離城二十里而舍。漏下報至，朗策馬勒兵出，將吏叩馬前止朗，朗曰：「吾不親行，誰用命者？」卽前進。吏士皆爲朗奮擊賊，盡殲之。時報至京師，本兵移檄巡撫討捕，檄至，賊平三日矣。事聞，復有白金、文綺之賜。陞江西左參政按察使。居三載，士民有「康夫子」、「石聖人」之謠。石聖人者，石方伯水也。晉浙江右布政使。丁母喪服除，補河南。亡何，擢都察院右僉都御史，撫治鄖陽。漢中有獠民，歸附數世矣，適與民鬪，訟於令，令罪獠民，擅發兵捕之。獠民忿怨，逃入山中。縣言於陝巡撫，謂其作反。陝巡撫使兵備征之。漢中守言狀於朗，朗曰：「獠民歸附數世，安得反者？」檄兵備：「不返兵，疏論矣。」兵備窘，請陝巡撫求解朗。朗所以應陝巡撫執前說。陝巡撫不反計，人言本兵。本兵信之，授意出師。征輒不利，朗復使人招諭獠民。獠民曰：「康公耶？公知我冤，我且面縛。若陝撫公，吾有死耳。」陝巡撫征獠不利，撫獠不從，貽朗書曰：「聽公之所爲。」朗竟撫之。陝巡撫竟內不自得，本兵亦怪朗爲異，會有附和本兵中朗者，遂被劾論罷。家居，薦起者數，竟卒。朗忠實嚴正，當官洗冤澤物，注吏之語，成獄之辭，精審確切，不可移動。善以文章鑑士，知其平生。長於爲文，詩枕籍唐人而髣髴之。郡中一時縉紳有三峰之譽：其一

張襄惠，號淨峰；其一黃恭肅，號葵峰；其一朗，號磐峰也。三山林應鍾稱朗文瑰奇雄偉。而泉中但知有王遵巖，不知有公。方知公之不自粥也。弟朔。子士晉，領鄉薦，隱居不仕。〔九〕

朔 字用復。自銘座右曰：「《中庸》五弗措之訓，可以爲學。曾子三省之旨，可以立身。孟氏三自反之論，可以居鄉。」既領鄉舉，布衣藿食，絕意仕進。以例遙授都察院都事致仕。朔居喪不入內舍。遇祖父母、父母諱辰，齋素三日，哭泣哀慕。婚冠儀式，一衣一冠，必依《家禮》。年七十七卒。病篤時，聞冢侄婦沒，曰：「豈可以不任廢服？」加衣冠身首乃絕。子士迪，鄉貢，爲無錫丞，合浦，有士行。

陳彬 字子斐。隆慶間知荔波縣。不事邊幅，澹若儒生。薄賦輕刑，荔民愛之。時廖炯種、黎朝馬等自相仇殺，武弁邀功，以叛聞，制撫議勦之。彬力爭，謂首事有主名，不當玉石無分。議不合，掛冠去。征勦事亦寢。家居躬耕，食貧。一日，方帶笠鋤，而先子訪之，不覺也，問：「主人翁安在？」彬解笠釋鋤，衣冠飭賓位。子雅樂。

雅樂 爲湖口知縣。居家菲貧。當其以諸生人試場屋，監試軍把持之，雅樂大憤，口：「吾且晉汝。」軍曰：「晉我何辭？」曰：「爾禽獸也。」老而家貧，爲鄉人所窘辱，借衣冠於親故，服之以人告令，冠絮衣毀裂，令不審何人，既去，乃大驚曰：「公，廉吏也。」加等禮之。

莊朝賓 字于觀。授南京工部主事，督龍江水木場及蘆洲稅監，提舉造船，監收內庫軍器。所至剔奸蠹，嚴課程，廉明敏幹，卓然有聲。以郎中出知瑞州府，蒞事精明而決獄仁恕，徵科有法，積逋日完，當道稱其一塵不染，百廢具興。《江西志》紀之《循良傳》。陞廣西按察副使，分部右江，駐劄賓州。去州一舍爲賊巢，加以淥里諸賊遠爲聲援，時出擄掠。朝賓戍守具有次第，又以八寨賊鴟張已久，有備無患，則

可。大創之。料諸州兵，惟東蘭爲強，而上官草起雲者，沈勇可任，卽屬以兵，復以思恩九司巡檢分鎮焉。八寨聽令惟謹。廣賊張璉平，以督發有功，受銀幣賜。在鎮二年，夷人呼爲莊菩薩。陞貴州左參政。以事忤巡撫，調改廣西。廣西自古田劇酋韋銀豹劫庫之後，地方靡寧。朝賓臨戡戍守如右江，所部晏然。乞致仕歸。其卒也，妻與訣，取筆力書曰：「囊無一文，知我惟天。經紀我喪，恭人簪珥足矣。但恭人之後，不知何以處之！」所著有《筠陽》、《巾笥》二集。丁自申稱其：「以意爲古文，而不以辭爲古文。自西京而上，其屬詞不必同。自眉山而下，其命意不能到。」

莊應禎 字希周。授袁州府推官，陞刑部主事，轉尚寶司丞。時世廟雅好詞章，一日，偕人西苑，閣臣屬進《大德得天頌》，稱旨，名動一時。出爲廣西參議。陞湖廣副使，備兵漢、黃。俘捕江賊，漢表以清。斬世子橫，用法痛繩其下，世子祈免不可。歷廣右布政使，當山海弗靖之會，循而撫之，民不知兵。堂吏進庫羨，籍貯焉。

張瑞 字應時。質直傲古。爲學全病羸困。著有《毛詩說》。初任廣東知縣，改錢塘，轉贛州判、南雄同知，入爲戶部郎，終知永州。瑞一意爲民，所至無赫赫聲，當事者常見齟齬，故仕宦不遂。永有皇木之役，積餘至十萬，封識題還。歸家，掃軌讀書而已。

曾承芳 字英遇。嘉靖末授鄞令，時倭蹂江南，承芳急繕城堡，俄海上黃巖諸旁邑皆被倭蹂，鄞獨完。以最擢監察御史。烙馬順天，行裝三夾，時呼「夾板御史」。竟以疾歸。諸弟偉芳，萬曆中郎刑部，時有倭警，數上章言邊事，調兵部郎，奮然自砥。上怒武選，郎空署逐之，偉芳在逐中，謫州判官，卒。

朱龍 字子田。唐古田令璣之後。其先有隨母嫁鄭者，遂以「鄭」姓。一龍亦以「鄭」應舉。初

授溧陽令，遷南刑部郎。出爲廣西僉事，遷廣東左參議、按察副使。丁艱歸。隆慶初，復除廣西，轉陝西苑馬卿。丁內艱服除，遼東。〔一〇〕遷江西左參政，被劾歸。年七十餘卒。臨盡，囑其子復故姓，今爲「朱」矣。〔一〕爲令也，原本經術，牧以古循良，累薦治行第一矣。其時嚴相子當路，一龍人覲，徒手謁嚴氏子。嚴氏子察諸計有賄物者，召致之飲餞，獨單刺訪一龍，刺上所畫「拜」，沒其偏手以諷之。竟遷南也。其僉事廣西時，值古田不靖，報謀紛拏，一龍搜掌故、考沿革，作《撫夷志》，經畫東西四鄉及古田、全灌諸哨。靡不悉心。作《撫夷通論》，曰嚴緝事，曰別夷情，曰禁招子，曰誅賊脚，曰謹巡哨，曰明賞罰，曰防寇有時，曰勦賊有引，仍爲挈令守之。其參議廣東，柘林兵脫巾擁至會城下，諸公閉城門守之，一龍守小南門，大開門納避兵民。始，兵之擁也，一龍謂諸公：「皆吾人，可撫也。」諸公不聽。兵徘徊久莫撫，遂掠沿河數千家。諸公集城內外軍與戰，不克，既令湯總兵水戰，亦潰，最後陷香山夷人擊勝之，費累鉅萬矣。其爲廣西按察副使、備兵右江。右江自張襄惠破馬鞍、搗魚窩之後，蠻帖帖服，去之久，益繁聚橫行流劫。一龍言制府張公瀚：「遷江之東歐，來賓之北三、北四、北五，柳城之上油，宜山之清潭、都亮，賓州之淥里，非草薶禽獮之，不足弭盜而靖民。」制府如一龍言，悉委之。一龍復言制府：「來賓北三、北四、北五地方，國初開設遷江七十七戶所地也。其時以田土給與百戶、土舍等官，統兵耕食屯堡，以准官俸，令其守把隘峒，以故地方寧謐。其後屯兵反叛，殺千戶官軍，越劫擄掠，以致遷、來間殘破梗塞。且其村巢散漫，西通八寨，北抵東歐，約二千餘徒，每一出劫，則健馬數百，山谷馳突。今欲草薶禽獮，唯有大征、勦二策。大征，正師也。勦，疾師也。凡賊十村二十村以上，則須大征；三村五村以下，則須勦。大征兵多而費多，勦兵少而費少。今須勦矣。策有二：一曰捨堅而攻瑕。利其黨類少而形勢易也，而

衆且强者孤矣。曰：「遠交而近攻，先其近者，毋使爲嚮導也，亦令深勦出劫者無所資食。」制府復善之。一龍密召將領，分兵四出，因巢爲食，以獲充賞。不齎斗糧，不靡官帑，得首級八百有奇。制府大喜。居久之，古田賊發，後督府、巡撫並以委一龍。一龍復與左方伯郭應聘等分兵七哨入。一龍領二哨，擒斬三千五百有餘，功當七哨半。是二役也，具有詔資金、陞俸矣。然而竟以苑馬轉。顧一龍西粵功，前制府張公瀚所明。既服闋，則張爲冢宰，於是覓補遼東。亡幾何時而遂以參政江西。一龍居江西，復以直與巡撫許，巡撫論劾之。一龍少受學張襄惠，當官寡交接，慎取予，遠權勢，未嘗不服膺襄惠之言。林下著書考義無少休廢。惠人言先正者皆歸焉。

戴一俊 字惟宅。弱冠登第，以南刑曹出守溫州，年方二十餘。雖煩劇中，但流睇卽洞幽隱，督聞卽悉顛末；一意儉約，予民休息。郡方備倭，調度糧餉有方，倭藉以平。遷廣東按察副使。溫人生祠之。

林富春 字景嚴。授諸暨令。履畝定稅，以蘇賠累。爲諸暨人成城，倭至無害。邑有權要欲乞湖爲田，貽富春書曰：「公以全湖畀我，我以全湖畀公。」公以半湖畀我，我以半湖畀公。」富春不應。陞蘇州府同知，棄歸。從弟會春。

會春 字景仁。隆慶初令新會，舉卓異，與宴賞。擢戶部郎，乞歸。會春之知新會也，有島夷人崖求市，賂漢人買良家子以歸，邑用騷動。顧課其物可以佐縣官急，議者欲如廣香山澳以處之。會春曰：「香山已誤，可再乎？」驅出之。邑枕山控海，橫目之民出沒擄掠，倚人豪爲穴。豪又遣其子給事上官左右，持吏短長。會春倣《沈命法》曰：「匿盜不聞，與盜同罪。」自是盡得諸豪穴、賊狀，置之法。諸豪股弁，顧見會春公嚴不得有所爲。行鄉約，嚴保甲，瘞積屍，賑乏軍，表崖山，錄陳文恭世裔。造新城，城未就，遷

去，濱行猶繫心。民祠祀之。

鄭道興 萬曆中任南安府推官，廉慎明決，事有執持。官終知府。

孫有敷 字時達。授長清教諭，歷刑部郎，陞廣西參議、四川按察副使。調雲南副使，協勦皮林苗有功。有敷善書工詩，精曉律例，在刑部，大司寇有事必諮之。

劉詢英 字汝元。隆慶中，以貢宰分水，苦蘄爲官，分有三蠹：赭山者，眩篋者，圖賴者，一行屏跡。歲蝗魃，取蝗吞之，因而齋禱，夕果大雨，蝗從中去。竟以介鯁忤當道，徒步抵家，行囊惟圖書數卷，盜無斗儲，戶無升糧。分人祀之名宦。

劉會 令蕭山，一意節儉，名冠兩浙。入爲御史，出按粵東、雲南，以安靜寧民。出爲參政。家居，有不便事，力言當道。里人德之，立碑於登科之山。弟春。

春 任戶部郎，出守衡州。遷江西按察副使，未之官，卒於家。卒日，檢其囊，七金而已。

江化鯉 仕龍門知縣。棄官歸，四壁蕭然，讀書自喜。

郭長發 萬曆中署教龍溪，龍士德之，爲立碑頌。天啟初，累遷戶部員外郎。遼事，上書相國，爲恢復之計。出管徐州倉。妖賊起山東，勢且及徐。長發親詣荆山口，激厲材官輦米傳飭，併力堵截。賊從固臺堡暗渡，人心須亂。長發登城周巡，傾私橐邀援遼武弁二人之過徐者，二弁皆爲盡力。又以陰陽遁甲預決破賊之期，賊竟敗走，徐城以完。徐人德之，請當道，求以爲本道兵備。竟以大計被中。後論守徐功，復原官，而長發卒矣。

駱日升 字啟新。談道該貫，有不窮之材。仕至四川按察副使。天啟初，遼左失地，嘗援兵於奢

酋。奢兵請戎索無厭。日升言於巡撫：「姑與之，以慰其意。」而巡撫苛且吝，酋大恨，挾衆殺巡撫，而日升及於難。事聞，贈官，子蔭。

陳文進 字國傳。以選貢令如皋。辨冤獄，平江盜，恤鹽竈，濬鹽河，皆前史所不能辦者。通判永州，上官材之，移攝道州及祁陽、酃縣。酃田壞於蛟，崩陷以五千餘畝。文進躬履畝，無所出，繙故牒，偶見荊州昔以浮糧寄酃糧凡二千石，歎曰：「荊昔寄酃，今可還荆矣。」白所司返之。酃人曰：「此吾邑百世利也。」文進冰操既厲，斤運復饒，上官倚如左右手。而王官報至，臨行，觀察下承憲爲治百金裝餉，以資廉吏。文進坦直無機，肺腑若可睹，輸心於人，有始終。無貴賤賢愚信愛之。

#### 〔校記〕

〔一〕「玄孫濂」，各本原作「玄孫燦」，據本卷「皇朝科第」及本傳改。

〔二〕「鄭琛」二字，各本原脫，據本傳補。

〔三〕「江化鯉」三字，各本原脫，據本傳補。

〔四〕「張襄惠惠安邑」載，據張岳《惠安縣志》，當作「張襄惠《惠安縣志》載」。

〔五〕「慎」，各本原作「綸」，據文義改。

〔六〕「蔡經」，《明史·張岳傳》作「張經」。

〔七〕「除」字，各本原脫，據文義補。

〔八〕「亦資玄孫」，各本原作「亦資孫」，據本卷「皇朝科第」及傳記目錄改。

〔九〕「隱居不仕」下，各本原衍「弟朔」二字，據文義刪。

〔一〇〕「遼東」上，當脫一字。



## 閩書卷之九十

英舊志 縉紳

泉州府 德化縣 安溪縣 同安縣——(二)

德化縣(一)

五代

有傳

顏仁郁

顏仁郁 爲歸德場長。時政荒民散，仁郁撫之，一年襁負至，二年田萊闢，三年民用足。有詩百篇，宛轉回曲，歷道人情，邑人途歌巷唱之，號「顏長官詩」。其《諭農詩》曰：「夜半呼兒趁曉耕，羸牛無力漸艱行。時人不識農家苦，將謂田中穀自生。」

宋科第

政和二年壬辰特奏名 蘇祥

八年戊戌 林天休改名揚休。

宣和六年甲辰 蘇欽

紹興十一年壬戌特奏名 郭體 林格

二十七年丁丑釋褐 吳異

三十年庚辰特奏名 章竑

三十二年癸未釋褐 蘇總龜欽從侄。

淳熙二年乙未特奏名 吳欽若宋志無。

五年戊戌 陳廷傑

八年辛丑特奏名 蔣勵

十一年甲辰 蘇權欽之孫。

十四年丁未 林洽揚休孫。

慶元二年丙辰 林瀛洽之弟。

特奏名 楊要

五年己未特奏名 黃圭第人。

七年辛酉童子科 張可封

嘉泰二年壬戌 黃龜朋圭侄。 鄭輪

嘉定元年戊辰特奏名 林鸞

四年辛未童子科〔三〕 蔣明紀

七年甲戌 黃廷發

寶慶二年丙戌 徐雷開 蘇國蘭欽孫。

特奏名 陳震

紹定二年己丑 陳霆震

特奏名 陳雷煥

端平二年乙未特奏名 吳桂

嘉熙二年戊戌特奏名 林棐

淳祐二年甲辰特奏名 鄭軫

七年丁未 林汝作

薦辟、人材賢者雜見列傳中。

有傳

蘇欽從侄總龜。

林洽弟瀛。

黃龜朋

鄭輪

蘇欽 字伯承。爲惠州錄參，時盜賊充斥，郡將擒至輒置法，欽白少須之，郡將怒，謂縱賊，會審者至，果平民。丁外艱，廬墓六年。調知閩清。帥張浚嘉其廉退，薦知新建縣。辟廣州機幕，攝倅事。改江西帥屬。值贛卒叛，帥、憲爭致之，寇平論功居首。擢守巴州，陞辭，高宗諭之曰：「巴去朝廷遠甚，卿務鎮靜，存撫百姓。」欽對曰：「臣當宣布朝廷寬大之恩。」高宗首肯之。舊例有脚家錢三千緡，欽悉封還，代

民輸賦。改知閩州。首陳州利病六事，復却例外互送錢。以最再任。未幾，除利州路轉運判官。時吳璘屯重兵於興元，深加敬愛，每行部至，輒隆禮迎犒，留館於第，宴饗之外，饋遺甚厚，欽無所納。尋以疾卒。欽廉儉出於天性，政事基於文學。嘗過福州嘉福院，有鐘樓爲鯨卒所穢，鐘久不鳴，寺僧日祈不應，欽至，復鳴如初。所著有《兩漢提要》十卷。子洸，以欽蔭補官，以欽移居仙游，見《仙游志》。從侄總龜。

總龜 字待問。授衡州教授，累遷參淮東議幕。歸，再奉祠。有《論語解》、《大學儒行篇》、詩文雜著。

林洽 字濟叔。性至孝，有文名。知閩縣，政尚廉勤。通判鎮江府，未上卒。弟瀛。

瀛 字廣叔。知東莞，政最諸縣。以薦召，除監左藏庫，遷國子監簿，知汀州。

黃龜朋 字益甫。除潮陽簿，歷梧州推官、廉州教授。所著有《周易解》。

鄭輪 字景行。尉保昌，獲強盜不論賞，曰：「人命可易官乎？」爲龍南令，邑上鄉鄰山峒民舊不輸租，一日，數十輩以長鎗挈錢而至，吏驚怪詰之，口：「聞有好長官，願爲王民。」知南城縣，盜發江、閩，盱江諸邑擾動，輪悉意摩撫，無一附賊者。歷廣東運司主管文字，知循州卒。

### 皇朝科第

舉人 進士了、午、卯、酉屬舉人，辰、戌、丑、未屬進士。

永樂三年乙酉 凌輝

十年壬辰 凌輝

十二年甲午 蔣應

十八年庚子 曾灝

宣德四年己酉 余英

成化十三年丁酉 楊澄

十九年癸卯 林潤府志無載。

弘治五年壬子 林真

嘉靖四十三年甲子 鄒絢

萬曆十年壬午 紀廷譽

十六年戊子 丁啟濬

十九年辛卯 林際春

二十年壬辰 丁啟濬

二十二年甲午 鄭沛

二十五年丁酉 洪啟哲 李雲階以貢，順天中式。

二十六年戊戌 鄭沛

二十八年庚子 郭維翰

三十四年丙午 張鵬翹府學。

薦辟、貢監賢者雜見列傳中。

有傳

林茂 陳仁山 鄭庸 凌輝玄孫高 楊登玉 陳廷表 單輔 林際春 張士賓 鄭沛 王雍(四)

林茂 字盛之。洪武間貢士。正統中授儋州知州。民爲語：「茂林無虎豹，儋海有鸞鳳。」丁艱服闋，補吉州知州。己巳之變，蒙難輸邊，死於王事。

陳仁山 洪武中繇薦舉任湖州、岳州府魚課提舉司。尋致仕。恬淡有逸興，喜詠歌，有《湖山野牧集》。

鄭庸 永樂間以監生知鉛山縣，廉介嚴明，奸豪凜畏，民心信服，有事以手札召，無後期者。

凌輝 字邦輝。爲御史，以風采著。出爲江西按察副使，儆官邪，明憲度，安民正俗，振飭風紀。玄孫高。

高 萬曆中以國子生官太倉州鎮海衛經歷，時州饑饉，出俸恤伍。署州篆，多方潤涸，不受民詞例。當積穀，取家貲補之。告歸，軍民老穉挽車乞留，立碑頌德。

楊登玉 以貢授訓南安府，陞宜黃諭。宜黃人祀之。

陳廷表 隆慶初貢士，仕安慶訓導，有文學。

單輔 隆慶初恩貢，爲合浦知縣，潔守好修。陞平樂通判，不就歸隱。餬口無資，爲人佃種，妻自執炊。客至，其子捧飯飯客。蓋長貧沒齒矣。

林際春 崇義知縣。能詩，好與長者游。

張士賓 字公仕。人貲爲國子生，就銓涿州同知，遷大寧都司斷事，擢組徑歸。涿州，畿輔重地，冠

蓋絡繹，貂璫據其中，最易斂法。士賓不吐不茹，罪有不麗，雖勢如山，不爲動。州大水，漂沒民田，士賓乘舩親行水，州民數百人腰大瓢從士賓，慮其不虞。士賓視有災傷者，力請當道蠲其稅之半。士賓能詩，與予善。

鄭沛 字□□。〔五〕仕戶部主事，清謹自樹立，無年以卒。

王雍 字肅卿。受學李文節。以貢授雲和令。竭蹶當官，歸而貧甚，親友慰念之，曰：「吾而不貧，媿文節矣。」

#### 安溪縣〔六〕

##### 宋科第

紹聖四年丁丑 張讀

紹興二十四年甲戌特奏名 楊景申

淳熙二年乙未特奏名 楊震景申從弟

十四年丁未 連之瑞

紹熙二年庚戌 薛純儒

慶元二年丙辰 連三益

五年己未 余誠之 余克濟誠之從兄

嘉泰二年壬戌 丘迪嘉

十六年癸未 林魁辰

嘉定七年甲戌 陳子木

十三年庚辰特奏名 黃申孫

十五年壬午上舍釋褐 陳椿嘉

寶慶二年丙戌 胡淡

紹定二年己丑 胡元袞淡從弟。

特奏名 陳雷免 黃始振

五年壬辰特奏名 黃商楫申孫弟。

淳祐十年庚戌 陳應雷 胡似翁

寶祐四年丙辰特奏名 吳仲

開慶元年己未 黃廷瑞

景定三年壬戌特奏名 趙震龍 陳舉龍

咸淳元年乙丑 黃榮甫 趙繇燦

四年戊辰 陳應鰲 趙繇燁 陳雨潤 薛夢傳

特奏名 董巨川

七年辛未釋褐 趙次劉

薦辟、人才賢者雜見列傳中。



有傳

張讀 楊景申 連三益 余克濟 丘迪嘉 鄭思忱 陳椿壽 黃商楫 陳應雷

張讀 字聖行。以上舍生擢第，調潁昌府法曹參軍。除編修《國朝會要》。以父年逾九十，求便親，判本州。後除王府直講。未幾請郡，知興化軍。時靖康初，士卒驕恣，一日，譴趨庭下，乞額外給賜。讀正色叱之。諸卒感服，反告其渠魁，即梟於市，一郡肅然。建炎初被召，以疾辭，奉祠。性至孝，居喪廬墓，蔬食終制，杜門掃却。所交皆天下士，與陳瑩中友善。既仕，爲趙清獻、范純禮所獎重。後與李方叔、端叔爲蘇、黃門客。子繇作《東坡墓銘》以示讀，讀曰：「斯文妙盡東坡平生，恐仇人復藉此媒孽，不若刮磨之爲愈。使東坡無此銘，萬世之下其不知有東坡乎？」晚年徙晉江，與李文肅尤厚。善屬文，閩中碑碣多出其手。賢人，卽分親故之貧者。壽八十卒。文肅哭以詩，有「累日塵生甑，經年肘見衿」之語。

楊景申 字夢符。仕湖北帥幕。工詩文，有《鳳山集》。

連三益 字叔友。傅伯成奇之，妻以女。登進士，知沙縣，爲政明簡，庭無留訟，及去，民遮留千數。倅廣州，將行，伯成告以佐理之法，三益一循其言，盡却餽例，人服清節。再倅紹興，未上，卒。子端慤，知建寧縣。

余克濟 字叔濟。尉侯官，有貴官治第，求尉廨地及教場益其居，帥諾之，克濟神敏力爭，世傳誦之。爲浙西常平幹官，幕畫明辦，諸使交薦。知梅州，將上，有傳其境盜發，或勸之徐行，克濟單車就道，曰：「乘其未集，可亟圖也。」克濟肫肫儒者，而勇於爲義，所至績寬平可紀。卒年八十。其學邃於《春秋》，著《通解》十五卷。

丘迪嘉 仕大理卿。邑人立祠講堂東，與余克濟並祀。

鄭思忱 字景千。授《尚書》於西溪李季辨，解析精詣，生徒常百數。嘉定三年，詞賦首鄉薦。中第，爲新興令，除遺利錢三百萬。知崇安縣，以譖左遷浦城丞。謁真文忠公，與語，知其賢，言於太守，得復任。知南恩州。浙東參議官<sup>(七)</sup>雷變，上封事，言：「土湖苞苴，習久難化，民坐困且盜，宜去貪恤人，節用蓄力。」除監登聞檢院，卒。思忱少年豪爽，晚而和粹，凝然有守，君子也。著《詩書釋》。

陳椿壽 字子植。與邑人陳子木並邃《禮》學。

黃商楫 字築翁。明《周禮》，爲經學師。終順昌簿。

陳應雷 以省試第一人登第，仕循州教授。有文學。

### 皇朝科第

舉人 進士<sup>(下、卯、酉屬舉人，辰、戌、丑、未屬進士)</sup>。洪武十七年始著爲例。

洪武十七年甲子 劉安生 沈正嗣府志載三十二年。

十八年乙丑 劉安生

三十二年己卯 謝仙舉

永樂三年乙酉 楊賢德

十八年庚子 馮穀 林信

宣德七年壬子 羅裕

正統六年辛酉 詹靖

景泰元年庚午 李煜

成化十三年丁酉 陳璋

弘治五年壬子 陳興仁

十一年戊午 劉春

十四年辛酉 詹源靖孫。

十八年乙丑 詹源

正德十四年己卯 高鳳山

嘉靖二十二年癸卯 詹彬靖曾孫。

二十五年丙午 李瀾煌侄。

三十八年己未 詹彬

四十三年甲子 李道先 詹仰庇源子。應天中式。

四十四年乙丑 詹仰庇

隆慶元年丁卯 詹啟東仰庇族侄。

萬曆二年甲戌 詹啟東

四年丙子 李懋檜淵從侄。 李禎懋檜從兄。 李宗潤禎族侄。

唐時興

七年己卯 林雨化 李仕觀懋檜族。 林應漢

十六年戊子 林懷國應漢族弟。順天中式。 李樾

十七年己丑 李櫟

十九年辛卯 唐廷一時興族弟。

二十八年庚子 李栻瀾子。

三十七年己酉 李光陸植孫。

四十年壬子 唐城時興從侄。 林廷蒼懷國從侄。

四十一年癸丑 李栻

四十三年乙卯 林鳴盛

四十六年戊午 李仕亨 李鳳鳴俱懋檜族。

薦辟、貢監賢者雜見列傳中。

有傳

詹靖 孫源、曾孫仰庇。源弟消。族彬。(九) 謝藹 李亮 李漢 李瀾族弟慎、懋檜 高鳳山 唐堯衷子時

興。 黃大本

詹靖 字邦寧。令敦仁之後也。景泰中知廣昌縣。縣有揭姓者，素豪黠，前令不能制。靖至，置諸

法，一境肅然。嘗曰：「居家如是，居官如是。若爲富貴謀，非所學矣。」陞開州同知，卒於官。孫源。曾

孫仰庇、彬。

源 字士潔。遺腹子也。十餘歲則慨然丈夫自期，所以事母至孝。舉進士，授戶部主事。改監察御

史。方逆瑾用事，凡拜官者必私謁謝，諸御史奉差遣非千金賂瑾不得，源皆謝絕之，竟乞養母還。久之，

就家轉貴州按察僉事。之官未一年，御史阿當權意劾源，朝議源任末年，尼御史，劾不行。乾清宮災，大工興，貴陽、川、湖當採木，源精心領其役。香爐山苗叛，督將卒勦平之。擢雲南按察副使，兵備臨安。既至，執貪官某置之法，御史私之，源執益固，乃直達於朝，竟罷其官，御史叩源，源亦竟坐罷。源預作墓誌，自謂：「不能紆轡違己干謁競勢，不能是非兩可以取好人之名，不能足恭無禮以要上下之譽，不能厚貌深情以假道學之模。剛直而不能容人過，高負而不能受人犯。」子仰庇。弟洧。

仰庇 字汝欽。初爲南海令，年方二十六，精敏治辨，直躬力持。擢監察御史，爲隆慶二年，居臺兩月餘，數上疏。穆宗下戶部購求寶石珍珠諸物，期三日，大司農、戶科都給事中請寢不得，仰庇疏言：「人君一心，攻之者衆，非至聖明，鮮有不惑。臣聞珍珠寶石，中貴之家固多藏之，尚方索急，卽高直益持。今南北多事，國家用財之際，兩廣軍興乏餉，疏請再四，當事者存根本之慮，尚不敢多與，而購一寶石，坐費萬金，何貴視珠玉而賤視土地人民？請今買進者已，未買進者悉停罷之。」明年春，內宮監辦製煙火進奉，元夕火藥突發，延燒內房以十餘間，仰庇復疏言：「人主損德之大，莫過逸欲，逸欲之漸，恒起近習。宮禁闕嚴，研治火藥，突及房屋，燎若不止，勢將奈何？近習縱恣，一至於此！儻不究治，府奸抵隙，損德大矣。臣見每歲上元，京師東角頭自十一以至十五，五日之間，張設燈市，每燈一架，直金數百，中官富家，誇財競買，游觀喧雜，男女參廁，淫侈莫甚。請并勅廠衛禁革，以端表正之地，成節儉之風。」皆寢不報。居數日，外廷聞陳皇后遷居別宮，寢疾危困，近侍稀少，皆以爲憂，而莫敢言，仰庇復言：「臣聞天子有后，猶天有地。恭惟皇后殿下，先帝所賜以配陛下，以正位中宮者也。陛下宜遵先帝之命，篤宮闈之好，以爲宗廟社稷之主，四方家人之則。竊聞皇后殿下舉動端莊，久拂聖心，而去歲聖駕謁陵，皇后隨行，朝野懼

慶，群疑盡釋。近乃聞出居坤寧，置之別宮寢食，夙夜嬪御稀闊，以致抑鬱成疾。中外紛紛，聞者莫不垂涕。萬一不諱，謂聖德何？小大之臣，聞言憂悸，事屬宮禁，不敢直指。臣謂知而不言者欺，輒瀝心血。」上故不手批章奏，是日手仰庇牘下，旨曰：「后侍朕多年無子，近且病，移居別宮，或可暢意樂心，以冀疾退。爾不知內事，妄多言，姑不爾究。」居亡何，被旨巡視監局庫藏。異時省直輸糧，中貴人監收之，率沒其羨於地者，仰庇謂：「奈何盡民膏血！」滿斛則已。外官吏輸帛內監，內監率取其額外鋪墊，不厭其意，即經年蠹朽無所得人，仰庇廉所困阨，必入乃罷。而監局盜冒租稅，其費不貲，概難訾省，仰庇搜剔欺匿，指主名具奏。即復疏言：「理財，經國要務也。今天下財用日竭，倉庫空虛。臣奉命巡視監局庫藏，見內官監錢糧浩大，竊租稅猥多，收納開支莫可勾較。委行大使可華點核，得其歲籍，臣仍使之詳勘地租、畦租、房租歲人若何，從何支用，而內官監不肯條析，徒以揭報。臣謂先帝時，凡傳製緊急細巧御覽器物，顧覓工匠攢造，及四時買辦進供南方茉莉、瑞香、蘭草、松桂等花木，俱是御前請出銀兩，本監量爲增添。今新政以來，前件器物益見精美，而四時進供花草果品之類，俱本監委曲治辦。宮中傳造不敢外宣，自非諸費，曷濟經度。今所謂地租者，或云楊村、寶坻二處，則其地窪下，先朝許御馬監放牧，而本監以備採打蘆葦、苦蓋、皇木之用，亦復有明旨。或云山西臺基等廠畦租者，則先朝許年老內臣出居其處，種植空間之地，本監量取其租，輸之公堂，以備修繕。房廠所謂房租者，或云細瓦廠圍房，則先任太監芳建議增置，取其房資以供傳造圓鰲山、添顧工匠役、買辦物料。或如修理宮後花藥欄、欽安殿、觀花殿、清望閣、玉芳軒等亭，慈寧花園、乾清宮擺設各樣南花、松竹、桂株及四時供進時鮮蔬菜果品，并修理南城河東金海亭軒、龍鳳船隻、鞦韆等項，及傳造寶雕、渾貼金雲龍櫥櫃、龍箱、擎臺、香几等件，及成造白玉石等盆，其費皆出

本監，而於戶、工二部並無干涉者也。臣因而品按細瓦廠東西樓房若而間、南北平房若而間、廂內房若而間，歲計可得千八百餘金，灰廠一處內分三小廠，歲可得金若而干，糞廠一處，歲可得金若而干，此其一二耳。至如在外楊村、寶坻等處抽分，清河豬房、土城豬房、獐鹿房、馬鞍山大石窩、周口慈家屋、琉璃局、大石廠、小石廠、藍靛廠、皇木廠、在京神木廠、山西廠、鑄鍾廠、臺基廠、淨車廠、稻田廠、楸棍廠、通廟宅、隆福寺、琉璃窑、墨窑、北果園、柳花園、洗馬房、河西花園、外油漆作、蜂窩、東給廠凡三十餘處，具有房、地二租，其他備用廠、金殿外冰窑、廣通寺、張鉞房、西安門北小石廠、海眼寺、蘆溝橋、狼岱地，亦有貲課，本監率用賣漏，不聽列糾。臣竊惟尚方實作費雖殷繁，然各庫關領工部，辦納則有歲額。細瓦廠店房係內府木石，用在官匠作，則皆官錢。楊村、寶坻等處抽分，神木、山西等廠，則皆官地。本監貪緣漁獵，竿緡充牣，懼露虛昧，動名供進，利填溪壑，過歸朝廷，當何罪耶？乞勅下戶、工二部，會同司禮監巡視科道官，逐處稽查。在外者以委順天府行之。毋滋國蠹，毋重民咨。臣又伏見人君奢儉，四方係安危，朝廷嗜好，左右爲趨向。該監所揭報前件多屬浮冗，取翫耳目，無益經費。伏望陛下念邊餉之艱難，嚴群小之欺冒，身親節儉，爲官闡先，裨內監諸臣凜然畏肅。有以逢迎玩好進者，屏斥而深罪之。」上怒，責仰庇悖逆狂妄，屢次不悛，命錦衣逮至午門，杖一百，爲民，各監局科道官、大使俱行革去。仰庇爲御史八閱月耳，而四上疏，疏指斥中貴人爲多。其始，穆廟書仰庇名屏間，每聞外廷疏至，則口：「此又詹某來耶？」及其末疏所以洗刷近倖至令無藩可噉，中貴人從中中仰庇，指摘疏中一二字以爲不恭，而仰庇及於罪矣。始，仰庇之上慰問陳皇后疏也，其時方以試御史巡視皇城，遇醫官從禁中出，爲言皇后起居狀，內心憂，既遇王文肅，時方編修，則亦同所睹切，而歎曰：「臺省諸公，誰復言者？」仰庇默然，心念謂：「真無

敢言邪？」既具疏入，而文肅甚喜，曰：「臺中今有公矣！」既廷杖削籍，天下嘖嘖詹公名御史也。歸而閉戶讀書，時時結社吟詩開尊，倚杖溪山之間，條然不有人世。神廟登極，起廣東參議。後乞歸，家居十有三年。撫按交章奏薦，復起江西參議，轉山東副使、南京太僕寺少卿。晉左僉都御史。爲蔡虛齋請謚，而虛齋得謚曰文莊也。他如申飭御史出巡事宜，及定擬章奏體式，具見施行。晉左副都御史、刑部右侍郎，壹以正紀綱、崇體統爲意，向爲後進所不喜。亡何，移疾乞歸家居，復與耆舊、契密譚古道今，留連溪山間如故。行部使者、郡國守相圖顏色，一切謝絕之，顧諸公時時伺仰庇言爲是非。民之困征稅、苦牽誣者，得其居常慨歎之聲、焦蒿之色，而田里間脉脉蒙蒙覆露矣。仰庇居鄉，使人有所慕而爲善，有所畏而不敢爲不義。友人潘洙言：「使詹公立朝，有虎豹在山之勢。」蘇茂相言：「詹公居鄉，所謂不用之用、無功之功。」卒，賜祭葬，贈尚書。

洙字仕潤。仕高要縣丞。與王慎中講學，晚歲造詣，有得於天機流動，無人不自得之趣。嘗爲予先子作《洗心精舍詩》：「高人已把塵心洗，精舍乾坤儘廓開。唯有真含宇泰，更無二念擾靈臺。碧空雲散青天淨，銀漢夜深寶月來。浩浩淵淵神莫測，冰清玉潔絕纖埃。」讀其詩，知其有得於道也。

彬字汝宜。授戶部主事，權臨清鈔關。關，故征商榷會，檣轂鱗湊，繕算憧憧。彬寬平泣之，估販之衆日占算庭下，目授衡較額人，其輸並準恒紀。駟僮吏隸故嘗附益私求者，（二〇）令無參其中。輸者咸無假比，莫不泉赴壑受。署所屬役，至不得自衣食買區、幸靡所，漁獵皆驩然列肆中。歲算視常額羨以萬計，彬悉以上之朝，前後權關之人交口唾罵，大司農竟持古進羨之說罪之，坐謫爲鳳陽府通判。彬亦邑邑卒。卒之日，葛衣爲斂而已。君子歎曰：「若彬在今世，廉矣，勇矣。」



謝藹 字仲藹。任臨淮訓導，陞雷州府教授。篤學勤教。祀淮安名宦。

李亮 字文誠。家貧嗜學，事親盡孝。仕淮府紀善。致仕，進階長史。淮王賜之詩云：「論道經邦得老成，年華驚見鬢絲盈。丘園思切三章疏，魚水難禁十載情。酒熟山中應索醉，鷗閒海上可無盟。明朝遣問須徑對，莫使江都獨擅名。」居家，絕跡公門，士論高之。祀名宦。

李漢 號東甲。仕桐鄉訓導。王慎中贈漢詩：「東甲先生愛靜便，辭官正及未衰年。忘機不睹圍棋墅，好飲多開種木田。每誇妙得閑中坐，更詫無如醉後眠。子夜絃歌娛客處，一夜春風雨養花天。」（二）紅英漸委蒼苔上，白雪來侵綠鬢邊。世態無端爭夢里，人生何事勝樽前？」品可知矣。

李瀾 字子觀。事父母至孝，居喪號擗如不欲生。兄歿，諸子未長，瀾子之。平生所爲，在倡義舉、恤貧乏，割私田以充公祀，時時捐囊金佐其族衆婚嫁死喪之不贍給者。郡人饑，出粟數百斛賑救。仕衢州別駕，搔除乾沒，里胥不得營窟穴錢穀中相緇染。一爲假守，三爲假令，獄訟衰息，政教流行。第不能爲容當事，當事者媒孽之。瀾方送織造留都，聞其萌芽，卽拂衣歸里，斂檐帷，偃蓬帆，從衢城外過，衢父老日携壺漿江干待李使君，莫踪跡也。瀾去衢既久，晉江黃宗伯鳳翔宿衢郵邸，問郵卒：「異時李使君治衢何如？」卒曰：「清甚。」宗伯曰：「使君故有家，無藉衢爲肥也？」卒曰：「公見肥人不喫酒炙乎？恨不兼人噉耳。」宗伯笑領之，而歎曰：「李公李公，當於古人中求之。」

禎 字克輔。授安化知縣，省詞訟，絕贖遺，興學慎獄。自誓堂左，有「國計如家計，民身如己身」之語。鎮闖陳鳳妄指縣有硃砂礦，刻期興役。鳳鎮楚樞甚，上官莫敢議，禎曲奉而陰阻之，自寢，邑賴以安。陞茶陵州知州，先變易風俗爲務，鋤奸剔蠹，視安化有加，民有「筆貴耳勁」之謠。以不能結奉上官，

再調臨高縣。臨高地瘠民貧，禎安靜理之。鎮闖開礦在縣界內，禎因地震請恤，從中緩礦稅。稅外又有賠礦銀，以供開礦工費，並亦從中罷之。通府州縣皆席其庇。既朝命罷礦，礦商慮失利益，募亡命夤夜開鑿。禎遏其外人者，漸遣內出，礦徒立散。陞王府審理。嘗作《狷介篇》以自志，言：「中行難造，狂者不可得。不屑不潔，不爲鄉愿，唯狷者耳。」平生淡約簡樸，矢志不欺。或可自附焉。

懋檜 字克蒼。初授六安州，以愷悌得名。入爲刑部員外郎。給事中邵庶論誠意伯劉世延條陳，而波及建言諸臣，懋檜言：「我國家之制，凡諸司百執事皆許直言無隱。祖宗之意，蓋將以明目達聰，照臨萬國，慮至深遠。諸人言可用則用之，不可用則置之。諸人無得以言博名高，廟堂亦無務以法令箝天下口。」（一）斯上世極隆景象也。不謂給事中邵庶因劉世延之條陳而波及於言者，欲求聖諭堂上官禁止司屬，毋得出位妄言。一時士類莫不扼腕嗤歎。夫世延之言誠爲無當，且朝奏疏而夕乞恩，亦足羞者。陛下猶念及元勳苗裔而容納之，且不欲以一世延阻言路。該科謂宜矜其愚，略其短，不則看詳章奏就事參駁，誰曰不可？何乃因噎廢食乘機排擠，至并他衙門而概禁之？夫防人之口甚於防川，庶豈不聞斯語哉？今天下民窮財盡，所在饑饉，山、陝、雲南等處，百姓流離，僵尸載道。疾苦危急之狀，蓋有鄭俠所不能圖者，陛下不得聞且見也。邇者雷擊朝日壇，星隳如斗，天變示儆於上，加之風俗薄惡，士庶驕橫，輦轂之下，子殺父、僕殺主，旬日決罪，囚者以數計，人情乖離於下，庶以爲海內盡無可言，群臣可遂依違泐、默默固位已乎？夫在廷之臣，其爲言官者十之二三，而不爲言官者十之六七。言官不必皆智，而不爲言官者不必皆愚也。無論往事，卽如近年馮、張交通權奸專恣，其連章保留頌賢稱美如科臣陳三謨、臺臣曾士楚者比比而是。乃請劍折檻杖謫以去者，果皆出於言官乎？果從庶言，有如言官持祿養交，巽慊觀

望，當言不言矣，其他庶職又必以言爲禁。天下幸然無事也則可，脫有不虞之變，皇上又何從而聞乎？庶復求聖諭堂上官禁止司屬爲計之得。此又歷代以來所未有，而我朝律令所不載也。臣，刑官也，律令其職掌，伏覩《大明律》，一款：『凡國家政令得失、軍民利害，並從五軍都督府、六部官面奏區處。』又一款：『若百工技藝之人，應有可言之事，亦許直至御前奏聞，各衙門但有阻當者，鞠問明白，擬斬。』《大明律》、《會典》及《皇祖卧碑》亦屢言之不置。夫百工技藝之人有言尚不敢阻，況諸司百執事乎？儻爲堂官，醇醇然以此禁諭所屬，所屬亦且不服。我朝興賢使能，欲其願忠，而未嘗欲其不忠。堂官以身率屬，教其報主，而不敢教其負主。此古今通誼也。庶言一出，遠近猥以庶爲口實，將使志士解體，善言日壅，主上不得聞其過，群下無所畢其慮，禍天下必自庶始矣。以皇上必欲重百官越職之禁，不若嚴言官失職之罰。伏乞天語特諭部庶免究外，以後但有越職妄言及當言不言者，坐以負君誤國之罪，輕則紀過，重則劣處。勅下吏部，凡遇年例陞遷科道之期，一視其章疏有無、多寡，事體大小、難易，以爲殿最，而皇上又燭觀而坐照之，則言官無不直言，庶官無事可言，出位之禁可省，太平之効自臻矣。」書奏，朝廷責其狂瀆，降一級調用。次日，科道公救，復調外任。吏部題降開州同知。奉旨著推遠方，再降湖廣按察司添註經歷。不調久之，萬曆末年，始起南部郎。天啟中，終太僕寺少卿。

高鳳山 爲攸縣教諭，勤課後學，振起上風，攸縣人志之。後爲信豐令，清廉著聲。友人蘇琰遺予書曰：『高公鳳山，琰不知其詳。琰丁酉歲夜宿古樓舖，嚮楮金人家，主人出蔬飯相對，年可四十餘，貌甚朴，門外人呼曰高大舍。琰就詢之，具對曰：『先父名某，爲令九年，歸無以家，來此買甫田十畝，身訓村童，而予作小生活。先父死，不能具斂殯，有門生黃一棟料理之。』問今日有幾兄弟、幾孫，曰：『隻身也。』

一老母，一妻，一妾，三人造楮金家中，而予出鬻。『時同宿友人着一絹袍，主人問曰：『布何細耶？』琰曰：『絹也。』主人曰：『吾未嘗見先人著此。』辛亥冬，琰再過其地，訪之，則其鄰曰：『田鬻，屋他徙，母死，無子矣。』琰更恨前日不問高公之詳也。』

唐堯衷 字垣卿。繇府學應貢，授進賢訓導，從來賓教諭。堯衷在進賢邑，有達官沒而其子孫爲求祀鄉賢。達官之生，故嘗垣學地以爲舍。堯衷不拒達官家請，而時時語人曰：『吾邑有蔡文莊送學傍地爲射圃，渠公不能也，沒而求祀之鄉賢。』其家聞之，不言自阻。始至，市乘馬，馬老矣，鬻者多其直。有勸更其駒者不獨不疲蹙也，後來且得償故直。曰：『更之，此馬斃鞭策矣。』既徙官，又不以轉市，以遺諸生之居郊外者，曰：『齒益長矣，以子郊外之居便於水草，庶得盡其天年以終。敝帷之賜，且子可以騎而人城市，子受我馬宜。』堯衷早孤，育於庶母彭。彭產子堯文，育之如同母。既念彭老，棄官歸。夫人歎曰：『世有棄官養母者矣，養庶母未之前聞也。』子時興。

時興 字叔賢。篤學好修，持身如處女。教諭上杭，杭士愛之。陞樂平知縣，以仁德化悍民。遷淮安同知。榷廟灣稅。廟灣，墮地也，時興一毫不染。有督撫大吏多受所屬賄，人或勸其從衆，時興曰：『薦而謝也，則有名。無名而賄之，何居？』督撫無以加也。遷蜀長史，若名屈官，然而銓部授劄極其推獎。

黃大本 字端叔。少補弟子員。受學於詹洧，因詹洧以師王慎中。既又與晉江參議尤烈、知縣朱梧、山人江一鯉講學譚詩，皆其父行而名爲長者者也。既入莆中，師事林兆恩，稱高弟，深會修身繕性之旨。兆恩欲詣闕陳疏，意在婚娶二氏，使各行其教。時朝廷方好方術之士，方術之士上書言事輒得旨。

大本卽移書止兆恩，謂：「言卽得行，甚善。顧此時詣闕上書者，皆黃緇符篆者流，吾師欲以婚娶二氏易天下，不惟不足以明三教之道，適使人疑夫子。」兆恩因此中輟，而其道益尊。凡郡中學兆恩者多師大本，稱爲極齋先生。平生與人言，必推本孝弟，或時有所叩，不終言之，第曰「力行何如」耳。仕鴻臚寺，序班終靖江丞、趙府典寶正。所著有《紫雲詩集》。

### 同安縣一（二三）

#### 唐進士

文德元年戊申（二四） 謝脩

尚有盧鄒，光啟中爲侍御史，舊志不載科年。

有傳

#### 謝脩

謝脩 字升之。詞藻超邁，時輩推許。自廣明西幸，人多忍耻事虜，獨脩遁跡，必俟光啟迴鑾乃出，遂登文德初進士。

#### 宋科第

淳化三年壬辰 陳綱

大中祥符五年壬子 陳統綱弟。

天禧二年戊午 蘇慶民改名紳。

天聖二年甲子特奏名 蘇仲昌紳父。

五年丁卯特奏名 劉半千

八年庚午 宋宜

景祐元年甲戌特奏名 石選

寶元元年戊寅 蘇緘紳從弟。 蘇紘紳兄。

慶曆二年壬午 蘇頌紳子。 石仲甫選再從弟。

六年丙戌 蘇袞頌弟。 曾軫

皇祐元年己丑 陳昌侯統子。 蘇結緘弟。 石遵選弟。

嘉祐八年癸卯 石亘選子。

治平二年乙巳 許權

熙寧六年癸丑 曾諤 蘇遇紳孫。

元豐二年己未 蘇駟頌子。

五年壬戌 吳檜

特奏名 許良肱權從兄。

八年乙丑 劉達第二人。 林棐

特奏名 許楫權兄。

元祐三年戊辰特奏名 宋密宜從弟。

六年辛未 蘇象先領孫。

政和二年壬辰特奏名 石銳之仲甫再從侄。

五年乙未 石倪銳之子。

重和元年戊戌 石鄰廣侄。

紹興二年壬子 石憶耳侄。 陳敦仁

二十四年甲戌特奏名 石侁倪弟。

二十七年丁丑 黃萬頃

乾道五年己丑 石起宗憶侄。第二人。 曾秘

八年壬辰 許衍

淳熙十一年甲辰 石大昌起宗侄。 石應孫大昌子。

紹熙元年庚戌 薛舜俞

四年癸丑 薛舜庸舜俞弟。 劉孟虎

慶元二年丙辰 林孟肅 蘇漢頌四世孫。 陳洽

嘉泰二年壬戌 吳子斌

開禧元年乙丑 陳翊洽族兄。

嘉定四年辛未特奏名 曾壽軫裔孫。秘從弟。

七年甲戌 許巨川

紹定二年己丑 吳燧

五年壬辰 薛夢純舜庸子。

端平二年乙未 許廷煒權孫。

咸淳七年辛未上舍釋褐 劉志學 劉璧志學兄。

尚有進士蘇□，(一五)宋志係紳孫。(一六)徐應中，朱文公請爲學賓。又陳珪，陳□從侄，(一七)徽宗朝

爲提舉徽州使。謝圖南，嘉熙間爲瓊州安撫使。洪九郎，紹興間知南安縣。洪敦仁，爲館閣校勘，童子

科。洪直惠，爲邑庠直學。俱科年無考。

薦辟、人材賢者雜見列傳中。

有傳

陳綱 蘇紳子領，從弟臧。臧子元附。(一八)宋宜 石賡從弟旦，侄孫起宗。許權 劉達 林棐 徐應

中 曾秘 許衍子伯訓 薛舜俞弟舜庸 劉孟虎 陳治 吳子斌 許巨川 吳燧 劉志學

陳綱 字舉正。父元愷，善屬文，終龔丘令。綱累淮南、江浙、荆湖制置發運使。其初，爲建州觀察

推官。故事，歲春夏役丁夫數萬採茶。綱請北苑茶園供御外，餘悉賦民，收其租，在民者，官償以直。詔

如請。建民德焉。

蘇紳 字儀父，初名慶民。曾祖益，隨王潮入閩，其後與陳洪進等從留從効殺黃紹頗，從効表爲漳州

刺史。及洪進據漳、泉、湄益，計召之至同安，留不遣，密使奪漳任，遂爲同安人。洪進歸宋後，益子光誨

殲游洋之盜魁，送首泉州將，宋太宗召赴闕，以功遷左衛將軍。光誨子仲昌，歷官荆湖南北路提點刑獄，



知宜、邵、復三州，終左屯將軍。仲昌有二子，曰紘，曰紳，先後舉進士。（二九）紳歷宜、復、安州推官，改大理寺丞，再遷太常博士，舉賢良方正科，擢尚書祠部員外郎，通判洪州，徙揚州。歸，上十議，進直史館，爲開封府推官、三司鹽鐵判官。時衆星西流，并代地大震，方春而雷，詔求直言，紳上疏極言時事。安化蠻蒙光月率衆寇宜州，敗官軍，殺鈐轄張懷志等六人，紳上言：「國家比以西北二邊爲意，鮮復留意南方，坐有今患。臣嘗從事宜州，粗知本末。安化地幅員數百里，持兵之衆不過三四千人，然而敢肆侵擾，非特恃其險絕，亦繇往者守將失計，而國家姑息。向聞宜州吏民言，祥符中，蠻人騷動，朝命討伐，是時惟按撫都監馬玉勒兵深入，殺獲爲多，知桂州曹克明伎害其功，移文累止，玉志不遂，然蠻人至今畏服其名。使當時人皆如玉，亦當無今日之憂矣。彼六臣者，雖不善爲馭，自致喪敗，然銜冤負耻，當有剷除。朝廷儻不以此時加兵，則無以創艾將來，震疊荒裔。臣觀蠻情，所恃者地形險阨，據高臨下，然其壤土磽确，資蓄虛乏，刀耕火種，以爲餼糧，可以緩圖，不可以速取，可以計覆，不可力爭。今廣東西教閱忠敢澄海、湖南北雄武等軍，皆慣涉險阻，又所習兵器與蠻人略同，請速發詣宜州策應，而以他兵代之。仍命轉運使備數年軍食，秋冬之交，嵐氣消薄，據其出路，轉粟補卒，以計持久。何得便利，卽圖深入，可以傾蕩巢穴，杜絕蹊逕。縱使奔迸林莽，亦且壞其室廬，焚其積聚，使進無鈔略之獲，退無攻守之備。然後諭以國恩，許以送款，徙之內郡，而收其土地，募民耕種。仍詔旁近諸蠻，諭以朝廷討叛之意，毋得相爲聲援，如獲首級，卽行優賞。計若出此，不越一年，寇必就殄。廣西溪峒、荆湖、川峽蠻落甚多，大抵好爲騷動，因此一役，必皆震懼，可保數十年無俶擾之虞。」朝廷施用其策，遣馮伸已守桂州經制之，蠻遂平。又陳便宜八事：一口重爵賞，二口慎選擇，三口明薦舉，四口異服章，五口適才宜，六口擇將帥，七口辨忠邪，八口修預備。

書奏，仁宗嘉納之。進史館修撰，擢知制誥，人翰林爲學士。再遷尚書禮部郎。坐舉御史馬端非其人。改龍圖閣學士，知揚州。復爲翰林學士，史館修撰，權判尚書省。坐陰中王德用，以吏部郎中改侍讀學士，集賢殿修撰，知河陽。徙河中，未行，卒，葬潤州之丹陽。紳博學多知，喜言事。嘗請罷連日視朝，復唐制，朔望喚仗入閣，開便殿，廷對輔臣，寬制舉科格，以收才傑，選命諫員，勿侵御史職事。趙元昊反，請詔邊帥爲人討之計，稍移兵備，鄜延與原州，（二〇）鎮戎軍留戍永興，以壯關中形勢，使緩急便調發。復請增郡縣尉員，弓手以備盜。其論利害甚多。子頌。

頌 字子容。父葬丹陽，因家焉。舉進士，歷宿州觀察推官、知江寧縣。建業承李氏後，稅賦無藝，發斂高下悉出吏手。頌因治訊他事，互問民鄰里丁產，識其詳。及定戶籍，民或自占不悉，頌曰：「汝有某丁某產，何不自言？」皆駭懼，不敢隱。遂剗剔成賦，簡而易行。諸令法之，至領其縣民拜謝庭下。民有忿爭，頌喻以睦鄰之誼，往往謝去，或思其言中道止。調南京留守推官，留守歐陽修委以政，曰：「子容處事精審，一經閱覽，則修不復省矣。」時杜衍老居睢陽，見頌，深器之，曰：「如君，真所謂不得而親疎者。」（二二）遂自舉其自爲小官以至侍從、宰相所以施設出處，爲頌道之，曰：「非自矜也。吾平生用心，人罕識者。以子相知，且知子異日必爲此官，故舉語子。」皇祐五年，召試館閣校勘、同知太常禮院。至和中，文彥博爲相，請建家廟，嘉祐中，詔禮院議立故郭皇后神御殿於景靈宮，皆因頌議以決。遷集賢校理，編定書籍。在館下九年，奉祖母及母，養姑姊妹與外族數十人，甘旨融怡，婚嫁以時。妻子衣食常不給，而處之晏如。富弼稱爲古君子。及與韓琦爲相，同表其廉退，以知潁州。通判趙至忠本邊徼降者，所至與守競，與頌處，久之感泣曰：「身雖夷人，然見義則服。忠平生誠服，惟公與韓魏公耳。」仁宗崩，建山

陵，有司以不時難得之物屬郡，頌曰：「遺詔務從儉約，豈有土不產可強賦乎？量其有無，事亦隨集。」英宗卽位，召提點開封府界諸縣鎮公事，頌言：「同制六軍，出於六鄉，在三畿四郊之地，唐設十二衛，亦散布畿內郡縣，又以關內諸府分隸之，皆所以臨制四方，爲國藩衛。國朝禁兵，多屯京師及畿內東南諸縣，雖饋運爲便，而西邊武備殊闕。今中牟、長垣，都門要衝，一鄙驛置皆繇此，而舊不屯兵，闕無防守，請置營益兵以備非常。明年，饑民果乘虛犯長垣，戕官吏，如頌慮。頌又請以獲盜多寡爲縣令殿最法，以謂：「巡檢、縣尉，但能捕盜，而不能使人不爲盜。能使其不爲盜者，縣令也。」遷度支判官。送契丹使宿恩州，驛舍火，左右請出避，頌不動。州兵欲入救，閉門不納，徐使防卒撲滅之。初火時，郡人洶洶，唱使者有變，救兵亦欲因而生事，賴頌安靜止。遂聞京師，神宗疑焉，使還，入奏，稱善久之。命爲淮南轉運使。召起居注，擢知制誥、知通進銀臺司、知審刑院。時知金州張仲宣坐枉法，贓罪至死，法官援李希輔例杖脊黥配海島，頌奏曰：「希輔、仲宣，均爲枉法，情有輕重。希輔知台，受賕數百千，額外度僧。仲宣所部金坑，發檄巡檢體究，其利甚微，上人憚興作，以金八兩屬仲宣，不差官比較，止係違令，可比恐喝條，視希輔有間矣。」神宗曰：「免杖而黥，可乎？」頌曰：「古者刑不上大夫，仲宣官五品，貸死而黥，使伍徒隸，雖人無可矜，所重者，污辱衣冠耳。」遂免杖黥，流海外，著爲定法。大臣薦秀州判官李定，召見，擢太子中允，除監察御史裏行。宋敏求知制誥，封還詞頭。復下，頌當制，頌奏：「祖宗朝，天下初定，故有起孤遠而登顯要者。真宗以來，雖有幽人異行，亦不至超越資品。今定不繇銓考，擢授朝列，不緣御史，薦置憲臺。雖朝廷急於用才，度越常格，然隳紊法制，未敢具草。」次至李大臨，亦封還。神宗曰：「去年詔，臺官有闕，委御史臺奏舉，不拘官職高下。」頌與李大臨對曰：「從前臺官，於太常博士以上、中行員外郎以

下舉充。後爲難得資叙相當，故朝廷開此制。止是不限博士、員郎，非謂選人亦許奏舉。若不拘官職高下，並選人在其間，則是秀州判官亦可爲裏行，不必更改中允也。今定改京官，已是優恩，更處之憲臺，先朝以來未有此。比倖門一啟，奔競之人希望不次，名器有限，焉得人人滿意哉？」執奏不已，於是並落知制誥，歸工部郎中班。天下謂頌及敏求、大臨爲「三舍人」。歲餘，知婺州，方朔桐廬，江水暴迅，舟橫欲覆。頌母在舟中，哀號赴水，舟忽自正。母甫及岸，而舟遂覆，人謂純孝所感。徙亳州，有豪婦罪當杖而病，每旬診之，未愈，譙簿鄧元孚謂頌子曰：「尊公高明，豈可爲一婦所給？但諭醫診，自不誣矣。」頌曰：「萬事付公議，何容心焉？若言語輕重，則人有觀望。」既而婦死，元孚慚曰：「我輩狹小，豈可測蘇公用心也。」加集賢院學士、知應天府。呂惠卿語人曰：「子容，吾鄉里先進，苟一詣我，執政可得。」頌聞，笑而不答。凡更三赦，大臨還侍從，頌纔授秘書監、知通進銀臺司。吳越饑，選知杭州。一日，出，遇百餘人，哀訴曰：「某以轉運司責逋市易緡錢，夜囚晝繫，雖死莫償。」頌曰：「吾釋汝，使汝營生，衣食之餘，悉以償官，歲月爲期，可乎？」皆謝不敢負，如期果足。頌宴客有美堂，或告將兵欲亂，密使捕渠領十輩，荷校付獄中，迨夕會散，坐客不知也。修兩朝正史，轉右諫議大夫。使契丹，遇冬至，虜先一日，趣使者人賀。虜精天文，曆實爲正而勢不可從。頌乃爲泛論曆學，援據：「此亦無足深較，但積刻差一刻爾，如以半夜子時論之，多一刻卽爲今日，少一刻卽爲明日，此蓋失之多爾。」虜不能遽折，遂從之。歸奏，神宗大喜，卽問二曆竟孰是，乃以實對。因問其山川人情向背，頌具對，因言「外國叛服不常，不繫中國盛衰」，以寄諷焉。元豐初，權知開封府。謂京師浩穰，非卧治之地，須彈壓，以柱後惠文，乃頗嚴鞭朴。有僧犯法，事連祥符令李純，頌置不治。御史舒亶糾其故縱，貶秘書監、知濠州。初，頌在開封，國子博士陳世儒妻李惡

世儒庶母，欲其死，語群婢曰：「博士一日持喪，當厚餉汝輩。」既而母爲婢所殺，開封治獄，法吏謂李不言使殺姑，法不至死。或謂頌欲寬世儒夫婦，帝召頌曰：「此人倫大惡。當窮竟。」對曰：「事在有司，臣固不敢言寬，亦不敢諭之使重。」獄久不決。至是，移之大理。意頌前次請求，移御史臺逮頌對。頌曰：「誣人死，不可爲已；若自誣以獲罪，何傷乎？」卽手書數百言伏其咎。帝覽奏牘，以爲疑，反覆究實，乃大理丞賈種民增減其文傳致也，繇是得白。同列猶以嘗因人語及世儒帷薄事，（三）頌應曰：「然。」以是爲泄獄情，罢郡。未幾，知河陽，改知滄州。人辭，帝曰：「朕知卿久，然每欲用，輒爲事奪，命也。夫卿直道，久而自明。」頌頓首謝。召判尚書吏部兼詳定官制。因陞對，神宗謂頌曰：「契丹通好八十餘年，盟誓、聘使、禮幣、儀式，皆無考據，欲修一書，但患其遷延。此非卿不可，卿度此書何時可就？」頌曰：「須一二年。」書成，帝讀序引，喜曰：「正類序卦之文。」賜名《魯衛信錄》。除吏部侍郎。遷光祿大夫。遭母喪，帝遣中貴人唁勞，賜白金千兩。元祐初，拜刑部尚書，遷吏部兼侍讀。奏：「國朝典章，沿襲唐舊。乞詔史官采新、舊《唐書》中君臣所行，日進數事，以備聖覽。」遂詔經筵官，遇非講讀日，進漢唐故事二條。頌每進可爲規戒、有補時事者，必述己意，反復言之。又謂：「人主聰明不可有所嚮。有則偏，偏則爲患大矣。今守成之際，應以無心，則無不治。」每進讀至弭兵息民，必援引古今，以動人主之意。既又請別製渾儀，因命頌提舉。頌既邃律曆，以吏部令史韓公廉曉算術，有巧思，奏用之。授以古法，爲臺三層，上設渾儀，中設渾象，下設司辰，貫以一機，激水轉輪，時至刻臨，則司辰出告。星辰躔度所次，占候測驗，不差晷刻，晝夜晦明，皆可推見，前此未有也。頌前後掌四選五年，每選人改官，吏求垢瑕，故爲稽滯。頌勅吏曰：「某官緣某事當會某處，仍引合用條格，具委無漏落狀同上。」自是吏不得逞。每訴者至，必取按牘使

自省閱，訴者服，乃退。其不服，頌必往復詰難，度可行行之。苟有疑，卽爲奏請，或建白都堂。故選官感德，其不得所欲者，亦心服而去。遷翰林學士承旨。五年，擢尚書左丞。嘗行樞密事。邊帥遣种朴人奏：「得諜言，阿里骨已死，國人未知所立。契丹官趙純忠者，謹信可任，願乘其未定，以勁兵數千，擁入其國立之。」衆議如請。頌曰：「事未可知，越境立君，使彼拒而不納，無損威重耶？徐觀其變，俟其定撫輯之，未晚也。」已，阿里骨果無恙。七年，拜右僕射兼中書門下侍郎。頌爲相，務在奉行故事，使百官守法遵職，量能授任，杜絕倖僥之原，深戒疆場之臣邀功生事，議論有未安者，毅然力爭之。賈易除知蘇州，頌言：「易在御史名敢言，既爲監司矣，今因赦令，反下遷爲州，不可。」爭論未決。諫官楊畏、來之邵謂稽留詔命，頌遂上章辭位，罷爲觀文殿大學士、集禧觀使，繼出知揚州。徙河南，辭不行，告老，以中太一宮使居京口。紹聖四年，拜太子太師，致仕。方頌執政時，見哲宗年幼，諸臣太紛紜，常曰：「陛下長大，誰任其咎？」每大臣奏事，但取決於宣仁后，哲宗有言，或無對者。惟頌奏宣仁后，必再稟哲宗。有宣諭，必告諸臣以德聖語。及貶元祐故臣，御史周秩劾頌，哲宗曰：「此老知君臣之義，無輕議之。」徽宗立，進太子太保，爵累趙郡公。建中靖國元年夏至，自草遺表，明日卒，年八十二。詔輟視朝二日，贈司空。理宗朝，賜謚正簡。頌器局闊遠，禮法自持。雖貴，奉養如寒士。自書契以來，靡不通貫。尤明典故，朝廷有制作，必就正焉。蘇轍曰：「子容博學強識，予獲與周旋，聽其講說放失舊聞，多得詳實。其於天下事，古今得失，折衷典據甚多。」

緘 字宣甫。舉進士，調廣州南海主簿。州領番舶，每商至，則擇官閱實其貲，商皆豪大姓，率以客禮見。緘往，其商曰樊氏，輒升階就席，緘詰而杖之。樊訴於州，州召責緘。緘曰：「主簿雖卑，邑官也，

商雖富，部民也。邑官杖部民，有何不可？」再調陽武尉。劇盜李囊橐於民，賊曹莫能捕。緘訪得其處，萃衆大索，火旁舍以迫之。李從中逸出，緘馳馬追，斬其首送府。累遷秘書丞，知英州。儂智高圍廣，緘曰：「廣，吾都府也。」募士數千，夜行赴難。廣人黃師宓陷賊中，爲之謀主，緘擒斬其父。復捕殺群不逞，資緣爲盜者六十餘人，招其誑誤者六千八百人。賊勢沮，將解去，緘分兵扼其歸路，布槎木亘四十里，賊至不得前，乃遶出數舍渡江，縣連、賀而西。緘與戰，大破之。事聞，仁宗語執政曰：「南事淹時，戰將未聞成効。蘇緘儒生，奮勇乃爾！」擢爲供備庫副使、廣東都監，管押兩路兵甲，遣中使賜朝衣、金帶、牙笏以寵之。賊至邕，大將陳曙以失律誅，緘亦貶房州司馬。英宗卽位，以薦復舊官。出知廉州，用清白勵吏，戍卒禧醉焚營，延燒民廬，乘以爲竊。緘戮禧於市。坐謫潭州都監。未幾，知鼎州。熙寧初，進如京使，（二）廣東鈐轄。四年，交趾謀人寇，以緘爲中使，知邕州。緘伺得實，以書抵知桂州沈起，起不以爲意。及劉彝代起，緘致書於彝，請罷所行事。彝不聽，反移文責緘沮議。八年，蠻遂人寇。衆號八萬，陷欽、廉，破邕四砦。緘閱州兵得二千八百，召僚吏與郡人之材者，授以方略，勒部隊，使分地自守。民驚震四出，緘悉出帑及私藏示之，曰：「吾兵械既具，畜聚不乏。今賊已薄城，宜固守以遲外援。若一人舉足，群心搖矣。幸聽吾言，敢越佚則孥戮汝。」有大校翟績潛出，斬以徇，繇是上下脅息。緘子子元爲桂州司戶，因公事携妻子來省，欲還而寇至。緘念州人見謂郡守眷屬出城，且心疑搖動，乃獨遣子元赴任，留其妻子廨中。選勇士拏舟遞戰，斬蠻酋二。蠻圍邕城，緘晝夜勞士，發神臂弓射之，所殪甚衆。初求救，劉彝遣將張守節，逗遛不進。又以蠟丸告急於提點刑獄宋球，球得書驚泣，督守節前。守節惶恐，遽移屯大夾嶺，回保崑崙關，猝遇賊，不及陣，舉軍皆覆。蠻獲北軍，知其善攻城，啗以利，使爲雲梯，又爲攻濠

洞，蒙以華布，緘悉焚之。蠻計窮，將引去，而知外援不至，囊土傅城，蟻附以登，城遂陷。猶領傷卒馳戰，而力不敵，乃曰：「五義不死賊手。」（二四）亟還廨，殺其家三十六人，藏於坎，縱火自焚。蠻至，（二五）求尸不得，屠郡民五萬餘人，率百人爲一積，凡五百八十餘積，隴三州城以填江。邕被圍四十二日，糧盡泉涸，人吸漚麻水濟渴，多枕籍死，訖無一叛者。神宗聞之，嗟悼至晡時方進膳，曰：「可惜蘇緘，近世忠義，罕見其比。」贈奉國軍節度使，謚曰忠勇，賜都城甲第五，鄉里上田十頃，聽其家自擇。以子元爲西頭供奉官，閤門祇候，台謂曰：「邕管賴卿父守禦。儻如欽、廉，則賊乘勝奔突，桂、象皆不得保矣。昔張巡、許遠以睢陽蔽江淮，較之卿父，不能過也。」改授殿中丞，通判邕州。次子子明、子正、孫廣淵、直溫，與緘同死，皆褒贈焉。始，城陷時，緘憤沈起，劉彝致寇，又不救患，欲疏論之，屬道梗不通，乃榜起，葬罪於市，冀朝廷得聞。至是，起彝皆坐謫官。緘沒後，交人謀寇桂州，行數舍，其衆見大兵從北下，呼曰：「蘇皇城領兵來報怨。」（二六）懼而引歸。邕人爲緘立祠。元祐中，賜額懷忠。按《緘傳》出《宋史》。又按《江西志》載，緘嘗令崇仁、南城二縣。其令崇仁，民喜爭田，有數十年不決者，緘一斷以法，未半歲，庭無留訟。治實唐堤，治鐵爲鑊，以作梁。其令南城，歲凶，民藏粟者固閉待價。緘籍得其數，先發常平穀，定中價糶於民，揭榜於道曰：「某家有粟幾何，今民用官價糶，有勸不出及出不如數者，逮於市。」以是民無艱食。子元，嘗知橫州，以恩信得民。

宋宜 舉進士，以便親簽判本州。治平中，除太常少卿。熙寧初，知漳州。宜有文行，爲州里所推。及卒，朝廷遣人禮葬。

石廣 字聲叔。父瑀，仕唐爲司勳員外。廣舉進士，累大理丞。王安石奇其文，薦之。以議新法不合，遷審官院。旋外補，歷湖南提點刑獄、廣四轉運判官。廣子元教，爲泉州長史，悉貲市書，其後六子皆



入仕，爲甲族。從弟亘。再從侄孫起宗。（二七）

亘 字彥名。累司農寺幹當公事。熙寧中，淮、浙、江東饑，從司農卿張諤出賑，所至，發庫置場給散，募人收遺養棄兒，所全活以口計：淮、浙七十餘萬，江東三十萬餘。有司劾其不循常法，與諤俱罷。亘曰：「使事有指以惠民也。若法繩之，敢逃罪耶？」終陝西運屬。嘗編《漢唐名臣奏議》五十卷、文集十卷。

起宗 字似之。繇勅局刪定官召試館職，條對時務，辭義卓然。孝宗覽之稱善，除秘書正字。再遷權倉部郎官。會當輪對，力言君子小人之情狀與天下安危治亂之機。添差通判漳州，寬蠲鹽禁，令民輸米，自操斛概。禁卒刃齊民於市，守欲末減，力諍之，置於法，州人繪像祀焉。知徽州，除提舉浙西常平。人爲尚書吏部員外郎，引對，奏言：「願勅大臣盡公任責，以破群臣徇私媮惰之習。」又奏：「乞取仁宗《洪範政覽》與《敬天圖》，列置座右。」孝宗嘉歎久之，命秘書省繕錄以進。起宗善書畫，備數家體。俸餘悉市書，嘗言：「藏書數千卷，勝買萬頃良田。」

許權 舉進士，有文名，平生所爲碑文最多。

劉達 字公達。舉進士，調越州觀察推官，累同知樞密院事、中書侍郎。崇寧五年正月，徽宗以星變，避殿減膳，達請碎元祐黨人碑，寬上書邪籍禁。帝從之，夜半遣黃門至廟堂毀石刻。翌日，蔡京見之，厲聲曰：「石可毀，名不可滅也！」二月，京免相。達與趙挺之同心輔政，盡更張京所行事，進用元祐黨人子弟。後京令其黨復申紹述之說，鄭居中言：「陛下所建立及厚下裕民，何致天譴，輒更張耶？」帝遂疑達。於是京黨論達專恣反覆，引用邪類。出知亳州。京復相，再責鎮江節度副使，安州居住。京復罷，起

知杭州。後召至都，卒。贈光祿大夫。呂大圭贊曰：「崇寧之初，耿耿孤忠，政尚元祐，弊革熙豐。國事一新，公集其彌縫。千載垂休，斯文有功。」然《宋史》稱遠附京，躡進。

林棐 字彥忱。嘗判沂州，以行河勞賞，驟遷郡守、部使者。擢太常少卿。有詩文行世。

徐應中 舉進士。朱文公爲簿時，請充學賓以教生徒，稱其留意講學，議論純正。

曾秘 字泰之。與朱文公友善。薦授國子監丞。知惠州，繕亭驛，增冷泉、叱馭、秀麓等庵，以濟行者。後知漳州，卒。

許衍 字平子。慷慨喜論事。隆興二年，以太學生伏闕上書。乾道八年，上舍登第。嘗進《本論》二十篇，言四民利害。朱文公與書，謂其「仁人之心，未嘗忘天下之憂，固如此也」。通判建寧府，未赴卒。

子伯詡。

伯詡 字子揚。以蔭入官。知仙游縣，政多惠愛，有《便民錄》數十條。終福州通判。

薛舜俞 字欽父。教授南劍州，未上，三府交薦，差江西漕同幹官堂審。除吏部架閣，以言者罷。復起江東常平幹官，與其長李道傳賑荒，多全活。改知金華縣，守督宿逋苛峻，引誼力爭，寬期示信，民悉樂輸。罷歸，卒。舜俞問學淹貫，議論挾負才氣，仕數齟齬。里居教授，門人多通顯者。有文集及《易抄》、《詩書指》三百餘卷。弟舜庸。

舜庸 字惠父。繼舜俞登第，調龍溪尉。以賞改分寧丞。知古田縣，農民牛死，輸錢於官，舜庸嘆曰：「民不幸失牛，又責其財，是重困也。」立除之。增邑庠廩，建閣藏書，以惠生徒。通判興化軍，未上卒。

劉孟虎 歷廣東運司主管文字。從臣交薦，人爲太學。終判興化軍。

陳洽 字澤南。歷僉判昭州、知懷安、漳浦、溧水縣。通判廣州，崔與之行部，服其公廉。寶慶初，真文忠公薦以應詔，謂：「文章根乎理致，政事出於慈祥。」時賢交推輓之。洽表、啟，典裁偶儷精切，他作皆清麗可愛，有遺稿數十卷。

吳子斌 字伯全。少游上庠。以文名知南豐縣，有惠政。秩滿，民詣臺借留者千計。通判肇慶府，卒於官。

許巨川 字東甫，一作揚甫。學得伊洛之傳。董廣州教事，篤意訓誘，上祠之學。改秩，知東莞，作新學宮，給沒官田貽士。邑務雖繁，常與諸生講解，至其拊摩軫切。催科數負，劉克莊爲計使，閱其斷訟，謂其仁至義盡。主管治司，辟守象州，卒。

吳燧 字茂新。教授福州，改知漳州。賊寇竊發，設方略，扼要害，屬縣以安。遷太學博士，除監察御史，上疏以正紀綱、通言路爲第一義。冬雷，復論：「鄭清之初相，人以小元祐目之，比再登庸，內降頻出，大計未定。雷發非時，不聞辭位。是君臣皆以天變不足畏矣。宜俾奉冊就第，而用宦官、宮妾不知名者代之。」疏入，除大理少卿，不拜而去。給事中董槐封止之，亦去。踰再歲，召爲秘書少監。人對，願絕內降、裁私恩、聚忠賢、抑嬖倖，節不急之費，去不良之牧。擢殿中侍御史兼侍講。時盛夏猶寒，燧言：「宜崇陽抑陰。」洪天錫論董宋臣等甚力，燧乞行其言。改禮部侍郎，未幾奉祠。度宗立，除兵部侍郎。燧彈劾數十奏，皆通達國體，義形於色。薦書數十人，盡知名士。

劉志學 字師孔。少與兄璧齊名。釋褐，教授台州。以親老，白郡歸省。未幾，元兵南下，杜門娛

親，下帷講誦，四方學者從之如雲。暮年，與同輩論談，淋漓翰墨，種菊數十本，號秋圃，以陶潛、韓偓自方。

〔校記〕

〔一〕「安溪縣同安縣」七字，各本原脫，據本書體例補。

〔二〕「德化縣」三字，各本原脫，據本書體例補。

〔三〕「四年辛未」，各本原作「四年甲子」，據方詩銘《中國歷史紀年表》改。

〔四〕「王雍」二字，各本原脫，據本傳補。

〔五〕「字」下，各本原闕二字。

〔六〕「安溪縣」上，各本原衍「泉州府」三字，據本書體例刪。

〔七〕「浙東參議官」，原文如此。

〔八〕「聞」，各本原作「門」，據《宋史·職官志》改。

〔九〕「彬」，本卷《皇朝科第》「詹彬」下夾注作「續曾孫」，《詹靖傳》作「曾孫仰庇、彬」。

〔一〇〕「駟僧」，各本原作「駟僧」，據文義改。

〔一一〕「天下」，下，各本原闕一字。

〔一二〕「夜」字，據本聯對仗及平仄，當衍。

〔一三〕「同安縣」上，各本原衍「泉州府」三字，據本書體例刪。

【二四】「文德元年戊申」，各本原作「文德五年戊申」，據《謝脠傳》及方詩銘《中國歷史紀年表》改。

【二五】「尚有進士蘇」下，各本原闕一字。

【二六】「宋志係紳孫」五字，原闕，據福建省圖書館六十五冊本補，並改作夾注。

【二七】「陳□從侄」四字，原闕，據福建省圖書館六十五冊本補，並改作夾注。

【二八】「附」字，各本原脫，據《蘇軾傳》補。

【二九】「後」，各本原作「復」，據文義改。

【三〇】「鄆」，各本原作「麟」，據《宋史》本傳（中華書局一九七七年點校本）改。

【三一】「謂」，各本原作「請」，據《宋史》本傳改。

【三二】「薄」，各本原作「簿」，據《宋史》本傳改。

【三三】「如」，民國《同安縣志》本傳作「加」。

【三四】「五義」，民國《同安縣志》本傳作「吾義」。

【三五】「蠻」，各本原作「變」，據《宋史》本傳改。

【三六】「蘇皇城」，各本原作「蘇城隍」，據上文及《宋史》本傳（中華書局一九七七年點校本）改。

【三七】「再從侄孫起宗」，傳記目錄作「侄孫起宗」。

# 閩書卷之九十一

英舊志 縉紳

泉州府 同安縣二 永春縣二

同安縣二

## 皇朝科第

舉人 進士子、午、卯、酉屬舉人、辰、戌、丑、未屬進士。

洪武初科 陳顯 沈章 林剛中舊志不載科年。

二十年庚午 李容

二十四年辛未 李容

二十六年癸酉 陳隆 王中 陳福山

二十七年甲戌 王中 陳福山

二十九年丙子 黃昇 白興 洪宗正

建文元年己卯 甄貫

四年壬子 謝隆 康賢 歐陽隆祖

永樂三年乙酉 黃同 陳文驥

六年戊子 林挺 陳顯宗 劉時道 張孝綱 葉暘應天中式。

九年辛卯 葉暘

十二年甲午 張守庸 白尚德 張衡

十三年乙未 張守庸

十五年丁酉 徐榮 蔡昭 薛陽生

十六年戊戌 白尚德

十八年庚子 李賢祐 李讓

二十一年癸卯 李玔

二十二年甲辰 李賢祐

宣德十年乙卯 陳性同

正統六年辛酉 葉普亮

十二年丁卯 呂大宜經魁。應天中式。

十三年戊辰 葉普亮

景泰元年庚午 黃觀

四年癸酉 林玘 陳琳

天順元年丁丑 黃觀

成化十年甲午 周源

十四年戊戌 周源

十九年癸卯 洪敏 張定順天中式。

二十二年丙午 林啓解元。

弘治三年庚戌 張定

五年壬子 葉蕩 陳興仁

八年乙卯 呂川 林馥順天中式。

十一年戊午 陳華玖

十四年辛酉 張宜定從弟。順天中式。

十七年甲子 李煌

正德二年丁卯 王綱 吳蘊

五年庚午 黃泰 蕭冠王 黃偉泰從弟。儒士。

八年癸酉 陳回 周英 黃良弼儒士。

九年甲戌 黃偉 林馥

十一年丙子 謝崑 林希元儒士。



十二年丁丑 林希元

十四年己卯 陳健

嘉靖元年壬午 王佐

四年乙酉 楊逢春

五年丙戌 陳健

七年戊子 劉汝楠解元。

許福 傅鎮桐清學。

蘇瀾宋魏公紳裔孫。

吳德範 張明 張文錄宜族。

陳溫健族。

八年己丑 謝崑 楊逢春

十年辛卯 許大來福族。

蔡宗德 王臣 黃源偉族。 許以明大來族。

呂文緯 許贊大來族。

十一年壬辰 傅鎮 劉汝楠

十三年甲午 林可棟

十四年乙未 許福

十六年丁酉 洪朝選 蔡上達 林大樑 劉存德 謝復春 盧天祐

十七年戊戌 劉存德

十九年庚子 王庭槐 楊師顏 李春芳 王時拱儒士。

許廷用大來族。以許州舉正，河南中式。

二十年辛丑 洪朝選 許廷用

二十二年癸卯 王三接 洪桐 蔡煥宗德族。以崑山訓導，應天中式。

二十五年丙午 莊獻

二十八年己酉 陳道基 陳思誠 楊汝藩 林叢槐 李惠賓

二十九年庚戌 李春芳 王三接 陳道基

三十一年壬子 李一陽

三十二年癸丑 李一陽

三十五年丙辰 林叢槐

三十七年戊午 洪邦光 李文簡 郭夢得

四十年辛酉 蕭復陽 陳應鑾 洪鳴陽 張鳳徵宜從侄孫

四十一年壬戌 郭夢得 莊有臨 陳榮祖健孫 蔡貴易宗德子

四十三年甲子 池浴德 莊有臨 池浴德

四十四年乙丑 張鳳徵 蕭復陽 池浴德

隆慶元年丁卯 李獻可 林難改名材 李明忠 葉明元備子

二年戊辰 洪邦光 李文簡 葉明元 莊有臨 蔡貴易

四年庚午 林奇石解元 郭傳芳改名喬登 葉日炳 莊量 柯蘭改名日孫 蔡倫魁

五年辛未 林一材

萬曆元年癸酉 黃文炳府學 郭日烜 杜方偉

四年丙子 薛應辰 陳榮選健孫 順天中式。

五年丁丑 黃文炳

七年己卯 蔡用明 張錫 張廷相 王道顯三接後。

十年壬午 張日益鳳微從弟。 胡明佐府學。 楊裔椿 陳經長泰學。

十一年癸未 李獻可 王道顯

十三年乙酉 蔡守愚貴易族。 李璣 陳廷樑漳州學。 蔡懋賢

十四年丙戌 蔡守愚 李璣

十六年戊子 蔡獻臣貴易子。第二名。 柯鳳翔第四名。 趙應藩龍溪學。 張繼桂鳳微子。龍溪學。 呂

大楠 陳基虞健族孫。 蔣孟育龍溪學。 劉夢松存德子。 鄭階陞改名階。

十七年己丑 蔡懋賢 蔡獻臣 郭日烜 柯鳳翔 蔣孟育 陳基虞

十九年辛卯 陳士蘭第二名。 陳則采 洪日觀 趙仕隆 王紹曾

二十年壬辰 胡明佐

二十一年甲午 張懋華改名懋。第四名。龍溪學。 蔡復用明子。 劉聘亮 蔡洪暉原名洪。 蔡有麟守

愚族。龍溪學。 許光卿大來孫。 李時輝 林應翔選日。順天中式。

二十三年乙未 蔡復會試第七名。 劉夢松 林應翔 張繼桂

二十五年丁酉 張廷拱 柯恬日森子。 呂震夏 許解 陳台衡 邵應禎長泰學。 洪觀改名觀光。順

天中式。制選佐。

二十六年戊戌 邵應禎

二十八年庚子 梁日暉 林憲卿 陳沃心 李懋觀 陳士銓健會孫 周爾發 劉行義涼浦學

洪纖若

二十九年辛丑 許解會試第一 陳七蘭 張廷拱

三十一年癸卯 蔡鍾有 李雍明忠係 林道推 吳必達 池顯充浴德係 許晏

三十二年甲辰 洪纖若 鄭陞

三十四年丙午 蘇國翰宋魏公裔 張朝綱繼桂族 蔣芳鏞 周家椿英孫 林一柱 陳士英 歐

燁平海學

三十五年丁未 蔣芳鏞

三十七年己酉 林謨言改宗載 王廷蓋福州府學 康汝韞 池顯京浴德子 順天中式 黃鏞順天中

式 曾忠

三十八年庚戌 周家椿 林一柱 周爾發 劉行義 洪觀光

四十年壬子 劉夢潮存德子 第二名 府學 陳大廷 林鈺 張煒 蘇寅賓 葉成章 莊誥 呂天

昇 陳如松順天中式

四十一年癸丑 陳沃心

四十三年乙卯 王彥顯 徐錦 黃仲曄 劉顯閣 陳昌文 林煥材子 漳州府學

四十四年丙辰 林鈺及第三子 張朝綱 張煒 林宗載 林道推

四十六年戊午 陳以煥府學 陳瑞 陳文瑞 李光斗 董文衡 林志遠 張若綱 陳士心

四十七年己未 葉成章 劉夢潮 康爾韞 蘇寅賓

有傳

彭用乾 陳福山 黃廣 林賢生 周源 林啓 丁華 葉蕩 黃偉 林希元 王佐 張俊 陳

健孫榮選。

吳德范 謝崐

楊逢春

蔡宗德子貴易，族子守愚，煥。

傅鎮

黃傑

盧天祐

洪朝選

陳

道基

王三接

張應星子日益。

洪受

洪邦光

李文簡

池浴德

葉明元

黃文炳

蔡用明子復

一。

楊喬椿

李獻可

劉夢松

蔣孟育

林應翔

張繼桂

許解

蔡鍾有

彭用乾 會心正學，耕讀教授。洪武十四年，用孝弟力田薦，授臨朐丞。復除光息。調徐聞，有惠

政，擢知其縣。清苦，不以家累自隨。卒官，其甥火化歸葬焉。

陳福山

洪武中令零陵，奏蠲無徵稅千石餘。

永樂丙戌，校文東廣。

丁亥，徵入纂修《大典》。

後改

江山縣訓導。陞瀧水教諭。

黃廣

字文溥。

建文壬午以貢入太學。

知德慶州，興學校，均徭賦，招逃亡，減鹽鈔。雖強梗徭人，

亦來聽撫。家居，爲本邑奏除荒田歲賦五百餘石，鄉人德焉。

林賢生

字朝垣。

永樂十八年舉賢良方正，授程鄉。

知野縣，謠曰：

「林公如虎，軍民安堵。」歸，結

廬斗仰巖，與友人葉文勘窮孔，釋，號隱松叟。

周源

字子源。

家貧立節。

知石埭縣，有大龟出鎮楚，過其縣，舍人子人縣，有所求索，源執杖，欲奏

之。龟更爲杖舍人子，乃解。人爲兵部車駕司主事。中官汪直被密旨襲搜朝紳篋，至源，錢數十而已，縣

是名震京師。陞本司員外郎，尋轉郎中，調武選，一月三遷，蓋獎廉也。以病卒，櫬歸，不能葬。憲副邵莊

行部，爲之葬，哭以詩，有「有身全白璧，無地坎黃腸」之句。

林啓 字仰之。魁梧軒奕，不欲一事居人後，介而容，方而不腐。與蔡文莊相次發解，而並以《易》學倡鄉人。爲安陸州學正，遂以《易》教安陸人，尊卑、遐邇聞有仰之名。遷國子監博士，及門如趨。遷南國子監丞。吏部侍郎楊守陞攝祭酒，當詣京，或請他攝，楊曰：「仰之在，毋須。」六舍生群請之，吏部爲宜，遂攝祭酒。卒於官，倉卒無一金，六館師生爭致槨，僉都御史林俊以所自預深衣方履殮之。嘉靖中，有孫曰天德者，以貢歷廉州推官、路南知州，廉人祀之名宦。

丁華 成化丙戌貢士，授封川知縣。剛毅果斷，省節浮冗。九年考滿，民請當道，再任三年乃去。

葉蕩 字仕堯。父錄，以貢仕感恩知縣。蕩令餘十，不數月，令行禁止，無敢壅惠澤者。有監司倨視諸令，至蕩，改容禮之。以艱歸，服除新興令。

黃偉 字孟偉。少貧，嘗就府小吏爲小史。一日，曰：「非丈夫也。」題解壁棄去。習《經》書，年二十領正德庚午鄉薦。自歎未學，不赴春官，更受業陳紫峰琛之門。甲戌成進士，授南刑部主事。所治獄，情法既得，執不可奪。暇則讀道南四先生書以自勵。嘉靖初，應詔陳九事，論「敬德必親賢儒、遠近習」，論「輔弼必任老成，去軟熟」，論「節用必自裁減貢獻始」，論「剝民巨蠹，必革鎮守」。他如選臺諫，重守令，養人材，明職掌，正體統，皆切中治體。出守南雄，明禮教，去淫祠，罷不給之徵，禁晝游之女。見上司，長揖而已。南雄，商賈之湊，郡有橋稅，毫無取。按察使檄民夫爲昇蘇木，署其牌還之。巡撫欲丈田加稅，屢執不從。甫三月，疏歸，老稚遮留不得。以薦起，改知松江府。時張文忠孚敬當國，霍文敏輅，偉同年也，造謂曰：「兄向者應詔疏語，嘗及張公。某私爲解，張公亦自知兄矣。宜一竭之。」偉曰：「昨出墮馬，

今方病足，未能也。」即投牒歸。家居食貧，日惟養親講學，正家化鄉。丁艱三載，足絕卧內。晨興，率諸子晨拜家廟，諸子或晏起，斥跪庭中，須拜畢乃去。冠、婚、喪、祭，盡革僭俗。鄉人顧化，不敢爲不義。時與山父野老班荆隴畝間，過者莫知爲貴人也。臺察李元陽行部，謂諸生曰：「諸生莫道誦法孔子，且但學黃先生。」丁酉、戊戌歲大饑，元陽請偉戶賑事。偉巨暮區畫，必欲無一人遺，無一刻滯，無斗釜濫，及竟以劇瘁卒。

林希元 字茂貞。登進士，授南大理評事。世廟登極，上新政八要，有君道急務六：曰務正學，曰親正人，曰用舊臣，曰清言路，曰急交修，曰持久大；有朝廷大政二：曰息內臣機務，曰罷內臣鎮守。時周祐以進士辦事通政司，言：「臣近接送題奏，章疏紛紜，無如希元所陳，乞留神省覽。」上嘉納之。其後十三省鎮守、內臣悉罷。世廟中興美政，希元啟之也。遷寺正，與其堂官陳琳執議刑獄，降泗州判。泗大饑，朝廷發內帑賑濟，希元悉心推行。有嘯聚九百人，單車往諭，皆解散。適巡按御史醉而待希元稍偃，希元即棄官歸。故嘗是張桂大禮議，而不以騰章奏，歸後方獻夫霍韜。尋薦起爲寺副。陞廣東按察僉事，掌鹽屯政。條奏最切近者，列爲四款。復以所行泗州荒政爲《荒政叢書》上之。上可其奏，以通行天下。未幾，改提督學校，申明勅諭，卧碑、學政三編以教士。劇寇王畿作亂，剽掠廣、惠二府。時巡撫守巡並缺，希元署按察篆，督率府衛兵，指授方略，即時討平，蒙白金之賜。陪推南大理寺丞，世廟特簡用之。上《王政疏》，爲目二十有：曰守令，曰農桑，曰賦役，曰蓄積，曰場稅，曰恤窮，曰教化，曰選舉，曰學校，曰師儒，曰闢邪，曰止淫，曰平刑，曰詳讞，曰兵政，曰將才，曰邊患，曰財用，曰屯田，曰藩祿，曰用人。滿三載，改北。嘉靖十二年，大同軍叛，殺主帥，閉城門。希元上疏請誅之以正國法，而廟議竟從撫

定。居一年，遼東兵又告變，寤辱都御史呂經。希元言：「往者大同之變，朝廷過爲姑息，以故悍卒咸生輕侮，一有觸發，攘臂而動。夫都御史，天子重臣，庸隸下卒敢施囚縛，是無朝廷也。近聞差去旗尉，亦復被繫，狂悖視大同尤甚。本兵大臣因循不振，致其益驕，而朝廷威令益削，此不忠之大者。」疏入，上責希元妄言奏擾，且以「旗尉被繫，守臣何隱不言」者，詰錦衣驗狀，錦衣衛指揮王佐支吾對。上怒希元狂妄欺罔，令降外任，遂謫知欽州。欽接壤安南，地荒民寡，民俗雜夷，城廓官舍，半鞠墟莽。希元悉心經畫，至忘食寢。會有征安南之命，希元熟究其國中虛實強弱、人情向背，慨然以興復祖宗已棄疆土爲己責，前後六上疏。而奉命大臣爲國家圖安靖，第受其納款請罪，而希元說不行。然斯凜、古森、了葛、金勒四峒，地故屬欽州，久爲夷據，竟以希元故納還。陞廣東按察僉事，分巡海北，兼管兵備珠池。海北，天涯地，軍民疲困，珠盜橫行。希元立條教，嚴法禁，甫及一年，疲困頓蘇，珠盜屏跡。竟坐安南用兵事，以拾遺罷官。希元讀書遲鈍，而苦刻殊至，研理釋文，極其精專。束髮以來，慨然志當世。一入仕途，執其所學，用之經濟，直以唐虞三代爲必可追，太祖開天治國之謨爲必可循。其書疏縷縷，真爲上愛其君，下念其民，而不知君相一時有未易以舊章泥者。其欲恢復安南，張襄惠岳絕與相知，至以李恢、趙括擬之。而希元退居之後，猶上書世廟，以曩遭知遇，追訟無罪。至其平居，好占信道，讀書沉篤，晚參訂諸儒所定「大學格物致知」之說，附以己見，曰《更正大學經傳定本》，并所著《四書易經二存疑》，復上之朝，且乞勅改正頒行，學官以是造士，科舉以是命題。尋奉旨削籍爲民。然至今《存疑》二書，學者尊尚不廢。而希元迂直相半，正旁未兼，亦論世而知其人焉。

王佐 字子才。初知睢州，值河決，竭力捍禦。擢高州同知、南戶部員外郎中，以持議忤大司農，出



爲兩淮運同。爲人剛介，家甚清白。屏居，年八十三矣，雖人請於督學，祀之名宦，不知其尚在。適移文至，令徐待贈之詩，曰：「白頭如越世，赤子未忘慈。百畝家無羨，千秋食有餘。」亦竟以其年卒。

張俊 正德年以歲貢授徐州訓導，持守清潔，誨人有方，徐士頌之。

陳健 字時乾。知南安府，政務寬簡，與民休息。修《南安志》，南安人稱其總挈綿邈，持議弘遠。後再知南寧。孫榮選。

榮選 字克舉。祖健，南寧知府。兄榮祖，永安知縣、德慶州知州，永安人祀之名宦。榮選歷知劍、儋二州，陞廣州府同知。家世故饒，重義喜施。其居官，益喜爲廉。以礦稅事起，棄官歸。有《四書旨義》、《禮經集註》、《道德南華經注釋》。

吳德范 初名潛。與父蘊，俱以《毛詩》起家，兩同計偕。後罷公車歸，父已卽世，柩中忽有污水流出，德范慟哭舐食之。授西安知縣。家人有憂貧者，報書惓惓，道作吏之難，不欲乘之以貪污，而勸其謝絕外事，杜跡縣庭。竟以骯髒得調歸。

謝崑 字鐘璞。正德丙子舉於鄉，以親老乞學職，得金華訓導。嘉靖己丑，成進士，歷知溧陽、成安二縣。擢南戶部主事，監鈔北新關。轉南兵部職方員外郎，未任卒。崑溫厚質實，財利不入於心。所仕二邑，咸著惠愛。北關監稅，錙銖不染。歷官十餘年，未脫寒酸，遇匱乏弗恤，惟賦詩讀書。其卒也，當道助賻，始克蓋棺。同人稱廉頑君子也。

楊逢春 字仁甫。授仁和令。丁外艱，服除，除崑山。崑山，稱富縣，令不自潤則已，其於獻遺權力，不敢裁罷，每諸大户領京運行，則令寄書起居諸京貴，其儀物皆大户爲辦治，兼金純縑，惟令之所命。

逢春裁罷，不顧。擢南御史。崑山人以與前令楊子器並稱。在南臺，諸郡邑餽候盡絕，口：「是故令崑山罷獻遺者也。」出爲廣東按察僉事、備兵嶺南。獠獠作賊者發輒得，野聚荒村至開戶睡。丁內艱，服除，除四川都掌。〔四〕蠻叛，爲撫按議守禦策，撫按曰：「非公莫辦。」以委之。逢春分兵進剿，復計：「蠻素以撫狙我，莫若因而誘之。」陽撫其四鄉，第以勦二鄉爲名，其所用耳目最廣，遂得四鄉魁傑四十人以來，盡殲之。兵人有功，俘斬以下計。擢河南布政參議、雲南按察副使。卒於參議之官舍。逢春侃侃負意氣，治官直，前任職巧者目爲愚。在崑山，邑有相當國子弟僮奴暴里中，輒逮治之，相欲祀其父鄉賢，邑論有異同，力持焉。爲御史，值東宮備官僚，時相引置私人，物論大譁，逢春首彈之，世宗爲易置所引用，時相氣大沮。以此出爲僉事。在嶺南，韶守倚相爲奸利，總制、撫臣不敢問。逢春白發之，撫臣搖手，逢春口：「坐視民患，某心不安也。」撫臣內惡其言，而奪於逢春之法，守竟不免。其任職爲愚，多此類矣。

蔡宗德 字懋修。通判廣州，活漳泉之通番舶者百餘人。有甲盜葬乙地，乙遷其棺他所，甲以棄棺訟。宗德佯不聽，第約日令乙還，而棺果遷故處。又有弟亡，僅一遺腹兒，兄利其產，謀一夫婦冒爲己子，復謀一人證之。宗德訊，佯怒，令棄兒於水，弟婦哀慟求免，冒子者略不動，乃責諭其兄薄分以弟業。丁艱，復除台州，調梧州，卒。子貴易。

貴易 字通通，又字道生。授江都令。丁內艱，服除，補崇德。復包角堰以捍海潮，計擒含山巨盜楊雷、潘榜，解散其餘黨。以南禮部郎出知寧波，遷貴州按察副使，歷布政參政。管浙江按察使，浙上民喜故寧波守也。吳興董學士、范司成被邑人群訟起獄，貴易曰：「是其居鄉不靖，固也。夫乃朝廷文學之臣，一切安靜鎮之。」時撫按方以搏擊爲風裁，知貴易不爲動，則徑下之道若府。已，董學士家盡破，范

司成授縲死。事聞，上震怒，當事者咸獲重譴，人始服貴易持重。

守愚 起家南曹郎，仕至四川左布政使。調建昌道，以安靜治建昌，蠻夷帖服。致仕歸，而無以爲家。工詩，其詩爽而有致。

煥 以選貢歷臨安知府。居官清恬，處鄉和睦。

傅鎮 字國鼎。舉進士，授南御史。鎮守中官潘真奸賊不法，彈治之。以省母歸。出，補北御史。歲辛丑，虜大掠三晉以西，總督樊繼祖第與諸將帥堅壁自衛，而後先報首功至五百餘級。鎮疏言：「繼祖日不見虜，妄稱戰功。」繼祖坐褫職。武定侯郭勛獄事，下錦衣係綱推問。綱受侯賂，跡絀何英等以脫侯罪。有旨御史覆治。鎮獨坐助及綱，助交私當就吏，餘皆分別寬貸之。出按雲南，會母卒。服闋補職，命巡真定，又巡山東。妖人謝漢、商人常作亂，擒獲黨與甚衆。鎮論殺首惡，餘三十人悉放免之。人署河南道，掌計事。分宜相嵩欲黜按察使一人，鎮不從，憾之，出爲雲南按察副使。轉廣西布政參政、浙江布政使、湖廣左布政使、南右副都御史、提督操江。尋病卒。鎮美風神，嚴舉止，望之如圖刻。其爲南御史，時人目爲「傅虎」。及憲副河南，有治河羨金二千餘，悉封識之，庫中指其金口傅真金，從鎮名，亦廉鎮也。鎮卒萬曆中，賜祭葬。

黃傑 字貞。嘉靖乙未貢士，歷西安麻城訓導、海康教諭、伊府濟源主教授，致仕。所至多有可紀，而在麻城尤著。其始至，謂諸生曰：「吾初授官，不寢竟夕，念官名『訓導』，豈漫也哉？『訓』字從『言』，從『川』，朝廷欲吾與諸生言善相勸也。『導』字從『首』，從『之』，從『寸』，欲吾首躬行示所之，尺寸莫踰越也。」諸生聞之，知傑欲舉其官矣。傑多聞善談論，對諸生竟日，無庸俗語。時以鄉先哲蔡文莊清、

張襄惠岳、林大理希元諸長者爲諸生誦之。凡其行事，不自點污，亦不爲崖異，外不急促，而內默喻人於道。既轉海康，諸生相送塞路，傑留衣一襲爲代者別，以示傳之意。其後代者亦勉効傑，麻士賢之。歸，居澄山之麓，自號忍江。學者稱忍江先生。

盧天祐 字以順。令永豐。當嘉靖之季，時分宜當國，賄賂熾行。直指行部，率多訪惡人，罰金賂。索永豐，天祐第應曰：「無有。」縣故無城，賊寇雲擾。廣兵袁彬等千餘人應召殺賊，反搶掠爲亂，縱橫閩浙間。天祐刊木欄石，塞蹊隧，蔽關隘，分兵防守，有捕得通賊者，立斬之。廣兵至，聞其清德，竟不爲害。會當人覲，直指以邑遭殘破，奏請丞代。丞居下考，中道遁去，銓部以此連天祐，坐失官，爲令七月耳。永豐人祠祀之。

洪朝選 字舜臣。一作汝升。舉進士，除戶部主事，權稅杭州北關。抽貨算緡，歲課之額盈，便開通津梁，恣往來，不復問。事竣，督放倉儲，諸有規畫，皆爲後式。念仕學未優，上疏引疾，就唐荆川順之、王遵嚴慎中學。起爲南吏部郎，出督學四川，以公嚴校士，不爲分宜相所喜，而徐文貞階深與之。分宜敗，遂以山西參政召入爲太僕少卿，尋進僉都御史、提督操江，旋加副都御史，巡撫山東。上言：「臣少讀書，見孔子富庶之論、孟子樹藝稼穡之言，未嘗不諄諄也。其在成周，則田官之於農民，至嘗其饋食之旨否。溯而及於上古，則幽公於民，至導以耕穫之時月，而田畯之官，實昉於此。西漢以來此風未替，勸課農桑，勸農勞農之吏班班不絕。至於教民種幾本菲，幾本葱，幾本榆，亦登之傳中，以徵循吏之政。此無他，人道惟在衣食，衣食足則禮義生，不足則閭閻踰越。此民生切要之務也。臣觀山東地方，北鞏京畿，南引江淮，東控遼左，西連宋鄭，中原一要地也。而舉目盈望，寥寥斷煙，黃茅白草，焦崖赤岸。車轍所過，十邑

而九，問其人，逃亡也；問其地，不耕也；問其俗，則緣南畝者無幾，而鑄山煮海、打洞採礦、馳馬試劍、充牣東西也。夫親民有郡，郡有守；郡以下有縣，縣有令，從而問以富庶之職，茫然也。朝而視事，夕而課功，月而視成，歲而徵會，不過急賦斂、聽獄訟、治文書、謹期會而已，有招流亡墾荒地者乎？有巡阡陌教樹藝者乎？宜乎東民流而不復，東地棄而不耕也？欲庶民，必求庶之本；欲富民，必求富之方。山東之驅民而逃者，里甲也，均徭也，驛傳也，是三者，人視之如湯火也。使守令克知其職，設誠加意，里甲節也，均徭平也，驛傳輕省也，則雖驅民使逃，亦不肯也，民不逃而地耕矣。夫守令皆莫不知，而皆莫之肯爲也。彼見凡爲守令者，但能急賦斂、明聽斷、治文書、謹期會，職盡矣。臣愚欲乞勅下該部，申明職事，令其專一，加意養民，流亡逃移，必責之招徠；荒蕪污萊，必責之開墾。而所以招徠開墾，必責之節里甲、平徭役、輕驛傳以爲之本。聽臣別爲三等，以定舉劾：能庶民富民而又有吏才幹局者，爲上。雖無吏才幹局而能招徠民開墾荒蕪者，次之。雖有少才偏能，而不能招徠流民開墾荒蕪者，爲下。庶乎守令克知其職，黽勉從事，而古循吏之風亦見今日。」其他議驛遞、防河患，具爲東人久賴計。人爲刑部侍郎，尋轉左。一篆部署，伸直臣沈鍊、儒臣閻樸冤，而正巡撫楊順於理。遼王憲爝者，居國中荒淫亡度，其摧折七類無纓綬貴顯。江陵相者，其祖父故爲遼府警戶，相父嘗被土杖，相心恨之。相揀政，官楚中諸公逢相意，上王諸不法事，甚之曰：「謀爲叛，國可除也。」相借朝議欲除王國，以勘事委朝選。朝選還報命：「王貪暴淫虐，事事有之，顧實未嘗叛。凡名王爲叛者，皆王與其梨園子弟戲，令其作王侯狀，而輒命封之曰某侯、某侯，而府中人時嘗亦侯名之，此寧真叛耶？」相意大拂，嗾言者劾朝選歸，錮王高牆，竟除遼國。朝選出都門，忿忿見言面。相聞，已啣之。抵家，愈猖獗自持，不能俯仰有司，里閭不平事，輒張目諍，遂

與甲中子爲難。甲中子者，宦家子也，以訟之朝，又時時摸捏朝選手板，刺守令短長，言之當道諸公，朝選不知也。會有勞堪者，起家蜀校文，與朝選不相投，來爲閩左轄，以支餉搭新鑄錢，失軍上心。督撫耿公定向慮有脫巾呼，移檄止之，語微侵堪。朝選特以講學赴耿招，堪疑朝選實中之。耿憂去，堪遂代耿，奏記謝相，頗及被中朝選狀。相報書：「閩人驕悍，非公霹靂手不足治之。」堪得相書，謂相心不忘朝選，索里中子所與爲朝選構難狀，以疏聞。朝選坐落職待訊。堪復入語，謂朝選精遁甲，且亡入海，走外夷，秘部檄不以聞所司。令一守戍以請文爲辭，謁朝選舍，朝選延之坐，邑令遣健足偕戍卒圍舍三匝，朝選送守戍出，守戍呼群卒抱朝選，露縛肩輿上飛擁行，夜抵泉郡，置警舖中。郡守尚禮以縉紳，比見堪密檄，遂囚首械赴省。未抵省城二十里爲南臺，南臺去海而近，堪尚慮其逸入海，列卒道傍護之。既入，至禁臬司獄中。臬副使譚啟者，朝選校蜀士也，鎖之壺殮，令驛卒供寢具。堪聞，杖宰，戒吏毋輒納譚副使。譚曰：「吾師乎！吾師乎！」拂衣行。堪遂以擅離官守劾譚，譚爲坐褫職。朝選在獄中，寢食俱廢，僮僕親屬，莫得跡。獄卒囊沙壓之，朝選死，尚謂其向在蜀中得有回生藥，停屍三日。管江上趙日榮排獄門而入，撫屍大慟，收殮之，萬曆壬午春也。堪下興化守某，偕諸司理鍛煉獄，誣以通夷接濟諸事。報上，相大喜，擢堪左副都御史、協理院事。朝選子兢，訟冤於朝，相矯旨杖之八十，仍奪蔭。其夏，相暴卒，朝紳稍稍誦朝選冤，都諫李廷儀更條上冤狀，部議堪回籍奪職。繼之，甲中歲，兢再訟父冤及堪諸酷虐狀，南安人黃御史顏從中、從臾，方有旨下堪部獄，僅謫戍定海，而甲中子亦戍邊矣。未幾，詔復朝選官致仕，兢補蔭如故。一時阿堪意鍛獄相繼竄逐。上論稍伸，猶以堪戍未盡辜，宜正之典刑，以謝朝選，奈時宰置不問也。

陳道基 字以中。嘉靖中舉進士，授嘉善令，潔約治辦。選人爲御史，巡按廣西，復按廣東。柘林兵

叛流劫，會省城門盡閉，商民數千萬委堞下，道基嚴兵陳郊，坐城郭，納人之。擢太僕少卿，尋移南鴻臚卿，有陰中之政府者，出爲四川副使，遷廣西參政、浙江按察使。久之，超拜南京都察院右僉都御史、提督操江。卽歲改應天巡撫。先是，巡撫應天者爲海忠介瑞，忠介以直節名天下，顧其爲政闡大體，裁抑豪右，驕稚小民。吳中大姓被小民持長短無寧枕席，道基下令諸告密株連者悉置勿問，於是吳中大姓翕然欣附。新鄭相故修怨於徐文貞，道基曩爲鴻臚卿，被陰中，得外謫，實文貞在政府，意此時道基當快意於文貞，而已亦因以釋憾。道基乃事文貞益恭。御史吳某觀望詆道基，候勘歸。萬曆丁丑，復巡撫順天，閱部伍，除戎器。江陵相以歸葬故，往返長安道，諸督撫悉至境迓勞，道基獨臨邊自如。一年，遷南大理卿。進南戶部侍郎，總督糧儲。尋以工部左侍郎召入，督永、昭二陵。竣工，遷南刑部尚書。有孝廉與序班關都市前，司寇奏當，得旨矣，吳、歙二相力爲地，道基持之不爲動。言官復摘道基短，再疏乞歸。道基廉直長厚，所至著名跡而不爲詭辭激論。旣爲列卿，謁鄉先達逡巡隅坐，及接後進，必引與爲敵知交，通門餽贈精腴，要令必受，而報謝則不敢當。布衿縑帷，蕭然寒素。時時談祿命堪輿，得奇中以爲快。卒年七十五。賜祭葬。

王三接 字允康。未冠，領鄉薦。登進士，授南戶部主事。簿書稍暇，輒與同志講學。分司鳳陽，調度軍食，力剔乾沒積蠹，羨緡千計，悉封送郡帑。復權北新關，征緡求足額而已。建安李肅愍家孥過關，擅開關門，三接追而窘其奚奴，肅愍因此益重之。會倭寇軼三江，留都戒嚴，改職方協司郎中。擢守韶州，洗留獄，雪無辜，閱宿牘，察下情。旋病卒，年三十二。漬甚，歎曰：「某生平不敢爲不善，有志天下事，今已矣！」

張應星 字子翼。兄瑱，以貢仕平陰教諭。應星自幼開敏喜讀書，從晉江史公于光，邑先輩林希元學，盡契所蘊蓄。嘉靖戊午，以貢授會昌訓導。揭白鹿洞規教士。督學使者徐以德行求士，諸廣文人試，分授片紙，令書無德行之尤者。應星獨不書。學使怪問之。曰：「諸生性質不齊，然皆可自改。苛求之，恐累終身。」學使大喜，因試以世變江河詩。應星賦末章口：「厥行伊何，行已有耻。有耻云何，不殖不邇。」顏生四勿，聖門要旨。學使曰：「張廣文自謂耳。」轉清江教諭，道卒。子日益。

日益 令靈璧，始至，下寬恤之令，興利除弊，務殫其猷。時河工興作，動派里夫，民苦額外之征，十室九竄。日益申文臺司，第用帑金招募，或願赴役者，如數復其身。上司急催役，日益具靈璧饑窮狀，請寬之。以賦不及格，轉王官。老幼泣送之，為立去思碑。歸而貧甚。所論著充然而有文詞。

洪受 潛心力學，於經傳多所發明。在庠教授，稱大師。所著有《易經從正錄》、《滄海紀》十卷。嘉靖乙丑，以貢歷國子助教、夔州通判。卒於官。

洪邦光 字世龍。父居正，有學行，以貢士司訓武進。邦光沉靜簡默，竭蹶為民開便利。初，守無為，州民因賦役流移者數，邦光履畝均田，作《平賦書》，又作《小學》以訓愚蒙。擢同知雲南府。時太宰嚴公清里居，熟其治狀，遂奏為其郡守。秩滿，憲副貴州。經略都清諸苗，宣示威信，於是樂平、者牙、九股等叛苗各奉約束。久之，擢參藩政。尋擢按察使、備兵川東。有土司跋扈，督府將兵之，邦光至其境，與勘處，皆感泣聽命。棄官歸養，未幾卒。

李文簡 字志可。知滁州，擢貳肇慶，人為南戶部郎，卒官。文簡退然不勝，而冲和恬雅。臺使薦牘有「貌古如僧，署清若寺」之語。



池浴德 字□□。(五)令遂昌，聽斷明決，民號「一升池」。其追徵，詳揭人戶賦役額類，帖於縣旁四壁，如期比追，有遲久不完者，詰問里正曰：「欠者何戶？」即召之來，使完納。有宦家，則持刺好語之，桁楊不試，賦額完足。其他爲德於民，豐蔀周遍。召人爲吏部，遂昌人更迭昇送之衢界，曳挽之，遂立亭其下，曰曳舟亭。太常少卿終官。

葉明元 字可明。孝友喜讀書。舉進士，授石埭令。時政尚嚴，明元獨寬易爲理。遷南刑部郎。有百戶者，江陵相鄉人，道殺人，主者欲庇之，明元竟抵法。出守南安，設約要束，巡行勸課，嚴禁溺女敝俗。郡有道源書院，爲江陵相所廢，奏復之。遷貴州按察副使。諸苗恬亂，潛畫方略，逆酋相次受縛。因爲改衛建、浚河徙民，諸綱繆甚具。遷廣西參政，卒。

黃文炳 字懋新。善書能詩。任東陽知縣，爲民履畝，以免賠累。擢南戶部，權淮陽關。關，陳紫峰琛舊所權處也。文炳至，署其堂曰仰止其行。政皆師之。擢守平樂，開賓興修郡志。猺獞子弟，擇其通文字者，束以青衿，皆瞿然向化。擢雲南副使，署督學事。礦使鄭某虐焰，殃及諸生，意欲主司詰治以謝之，文炳不可，遂矯誣論劾，先後列三狀，獨蒙溫旨，且詔礦使無生事。時稍忤中使者輒被逮繫，恩宥自文炳始。遷陝西參政，卒。

蔡用明 字晦仲。性篤孝，母蚤卒，事父甚謹，兄弟五人，推衣食無間。乞恩大田教諭。丁父艱服除，得長秦，斂土人豪舉之氣，範諸禮法。陞樂至知縣，縣有採木之役，大木所產，皆邊夷焚道，岡壑簞崖，絕人跡，去治所數千里。故事，給官鑼募民役。先是，多相冒規免，展轉株累，又民苦先出募錢，事竣竟不得官給，往往破家。用明下車，見耆老，人給小方，令疏注鄉之巨戶，各以所臆疾書，毋得交語。既上，爲

參稽糧冊，閱其丁賦之上下，比證甲牌，覆其廬居之多寡，然後榜示占役者姓名於縣門。丁弱賦強，則賦其金募人，不任者許自訴，而蠲其實者，而扶其誣服與妄求免者。乃更爲立補助之條，定番休之規，信給領之令，往役者官護其家，禁奸民毋乘出造獄擾之。木分三運，以十之六爲及格，用明最後乃滿十。採木已，邑中旱疫相繼，用明藉其勤撫，紓歲之虞。遷淮府審理，未行，又有征播之役，大發民夫餽餉。用明猶精心爲之，部署行伍，相補取戒，以援急相扞，如其初至調度採木時。督木使者過縣，民言令治狀，涕泣祈留，輒不得發。子復一。

復一 字敬夫。弱冠聯登甲科，筮仕刑部郎。連丁艱，謁補武庫主司。出爲湖廣參政，分道荆岳。湖北兵變，移按察使，首惡就縛，疆事大定。時方有事貴州，黔撫議勦之，復一獨言撫，黔撫不聽，坐罷免。久之，起鎮易州。值東虜奴酋發難，慨然杖劍，誓以首賀。及黔中安酋爲亂，攻城屠衆，殺一都御史，死一進士，朝廷用復一爲兵部侍郎，賜劍尚方，節制五省。復一入黔，未幾上首虜八千餘級，酋畏不敢渡河。其後搗巢之役，施兵先逃，不克成功，復罷免。移境上候代，尚日夜治軍書，調兵食，精神耗廢，鄰於死者，猶事事理會不休輟，坐卒軍中。卒後，按臣先後言復一忠勤勞瘁之功，朝廷不待禮部覆請，賜謚清憲。復一學博才高，下筆千言，兼工四六。他諸著作，皆崇論宏議，涵古茹今。至書牘奏議之文，慷慨談天下事，切劘豪貴，披吐肝膽。而詩則出入漢魏唐宋間，居然一代名作。無子不年，人皆惜之。憶天啟初，予在京師，自易州貽予書曰：「官事則客乳媪與魏闔相表裏，朝事則牛、李構鬪，疆事則經撫矛盾而戰守無穩着，此不肖之憂也。淮南憚汲黯，江左有夷吾，將誰望之？」後皆如其言矣。

楊喬椿 孝友謹厚。令東流，擢守平度州，潔白清淨，卒官蕭然。予嘗經海上過喬椿之里，人指其下

曰：「是里有君子焉。」

李獻可 字堯俞。授武昌府推官，疏滯釋紛，雪抑塗穴。臬掾有犯法者，臬長爲緩頰，不得也。故江陵相獄起，當事者爭刺死虎爲名。獻可念故相自取戾，其老母弱稚奚辜，應坐者籍之，而曲宥二三罪孥。相姻黨曾尚書坐受寄沒贓累鉅萬。先是，追贓者窮搜之，益肆株連。臺以屬獻可，獻可婉諭曾曰：「此應籍，尚方物也，度終能免哉？緩之則累有司，急之且累公也。請寬爲期，而公自急之。」曾如言，婉轉畢輸。事竣，率其子若僕詣謝曰：「非公，悉迸首鞭笞矣。」徵人爲戶科給事中。值上弟潞王之國，疏論：「謨訓宜遵，左右宜選，疆理宜正，僕御宜戢。在途無以擾困民，在國無以縱敗禮。」疏入，皇太后大怒，言上速譴之。上心知其論議，越日，上譙官中，疏自袖墜，囑近侍曰：「此戶科李某疏，勿失也。」南兵部侍郎王世貞疏請先師廟復用天子禮樂，而於哲廡之祀有所訂定。獻可言：「祭，用生者之爵。國學，天子釋奠及遣官行禮，宜侑八簋豆十二。至郡國主祭者，人臣也，仍若侯禮便。十哲之祀，則有若南宮适可進，而冉求、宰予不必降，兩廡之祀，則范仲淹可登，而歐陽修不必黜。」世貞亦心服其言。他諸上疏，皆鑿鑿中窾。轉吏科右給事中、刑科左給事中。主山西試，時王文端家屏爲閣臣，山西人也，閱賢書，抵掌爲桑梓得人。轉禮科都給事中，拜官甫三日，疏請皇長子出閣講學。時皇太子之立，上意已定，而特厭諸臣之請，若必意自上出者。獻可言：「冊立猶或可需，講學不可不亟。我朝列聖最稱宣、孝二廟。二聖講學，皆以九歲。皇上聖德神功遠邁前古，亦惟冲年踐祚，講學最勤。今皇長子年十有一歲矣，去古人始學已踰其三，而聖心眷愛，輒以氣體尚弱爲解。臣謂不慮其弱而養之難，正當及其弱而教之易。宮掖之中，宦寺之輩，非無知書直道如先朝覃吉之儔，可以託之保護，終不如講幄之臣爲重而保傅之責尤專。尤望陛

下妙選孝悌、博聞、道術之士，以充輔導之選。」疏入，上曰：「是以諭教嘗我者。」特旨謫外，文端力申，封還內降，至於再三。上怒甚，並怒文端無人臣禮，遂削獻可籍，同時科臣鍾羽正、張棟等十人皆坐罷，而文端亦去位。居家十餘年卒。當獻可拜官禮科時，適與予並馬長安市，語予曰：「尸素多矣，何可報上恩？」居三日而疏上而觸上怒，罷爲民。

劉夢松 字□□。〔六〕父存德，仕廣東副使，善大書，工古文詞，病革，作《自輓詩》，有「易簣從教華且皖，布衿止□□和斜」之句。〔七〕夢松趣尚恬潔，歷官知台州、江西按察副使致仕。

蔣孟育 舉進士，入館補庶吉士。以終養歸。親終，補官，歷南吏部侍郎。孟育古心謙德，無貴態。爲吏部時，其子履決不能補，相視笑曰：「吾父子何貧也。」

林應翔 知永嘉縣。歲苦疫，春夏尤甚，骨肉周親相棄也，應翔爲申收恤之誼。以南戶部郎出守汝寧。汝、黃之交，有逋逃主，號自在王，應翔殲其魁而縶其宮。調廣州，決積牘千六百卷，平反死獄以八十餘。一日，棄官歸。再起觀察衢州。開化有程五龍等盜戕殺官兵，使者發兵捕治，近村民惶惑鼓譟逐之，兵歸告使者：「村之千餘家盡勝、廣也。」應翔曰：「無恐。」獨入巢，繫其戎首，烏合悉散。遷湖廣參政，未之官，卒。應翔好道術，兼通釋人，是以遺外紱冕，不嬰世念。

張繼桂 字□□。〔八〕篤親信友，意氣倜儻。授華亭知縣，裁罷常例。調松陽，卒官，妻孥織作自贍而已。

許解 字子遜。會試第一，改翰林院庶吉士，授編修，卒。解喜讀書，善爲舉子業，矢口縱筆，精義躍如，海內傳誦，至以比之王、唐、瞿、薛。爲人趣操高潔，惛急多怒，竟以無年。

蔡鐘有令興國，能其官，古心直道，不容於時，左遷徐州倅。守於呂梁，爲河堤上牛馬走。河漫決無時，奔漲疾風，鐘有乘舫行波中，幾葬魚腹者屢。山東妖寇發，去徐三十里，鐘有以河夫爲卒，畚鍤爲兵，擬賊河上，賊竟北潰。轉分水令，卒官。

### 永春縣〔九〕

#### 唐進士

大中十一年□□〔二〇〕 盛均有傳。

盛均 字之才。聰穎超邁，文名一時。舍人皇甫煥辯博自雄，每賓客及門，置酒延坐，廣引發難辭，曰爲證事，屈者多不終席自引去，惟均酬答如響，時謂勍敵。嘗廣《白氏六帖》爲《盛氏十二帖》，貫穿囊括，頗資時賢所好。仕終昭州刺史令。其文見《唐文粹》者，有《真龍對》、《孔子不歷聘解》、《人早解》等篇。其《人早》篇：「涸澮歲，越垠曠旱，塞諸陽遷市不雨，祈山川庶神不雨，觴土龍舞巫覡，愈又不雨。或言：『邦有術人，能補退龍而譟之，昔歲尚然，農剩其澤。』及召術人至，而旱色如故。太守怒亟，命擒之，術人遁去矣。其遺囊有書一幅，目曰《人早》：『早有二，曰天旱、國旱、人旱。曷爲天旱？蹇陽肆凶，下土祗愼，雖六七歲，黎人不饑。曷爲國旱？君道熾災，德涸仁枯，貪風暴氣，蒸爲時厲。曷爲人旱？邦燬其政，吏賊其行，千里人心，燥不爲陰。夫天旱求諸仁，仁洽而時豐。國旱求諸德，德潤而澤流。人旱求諸政，政清而俗阜。今貨游於上，刑黷於下，百姓焦愁，結成狼暑，所謂人旱者也。邦守不清其政而逮龍貨雨，是猶乘輦適海，豢羊望翼，於何可異乎？』太守得書增怒。是歲，自正月不雨至於五月。明年，殍死數

下人，而太守亦以財禍。」均爲此文，用以譏切時事云。

五代唐進士

天歲三年戊子 陳保極

陳保極 仕南唐爲大理評事，充武義軍節度掌書記，尚書左司員外郎。誥詞美其「含華葆光，握蛇吐鳳」。有弟元亮，仕江南，亦以才學名。李氏後主稱爲「二英」。陳元愷作《永春建縣記》，有「詩人賦客，則陳職方名捷梁園，陳行軍聲騰江左」。蓋美保極兄弟。

宋科第

淳化三年壬辰 陳庶尹

天聖五年丁卯特奏名 盛奇

景祐元年甲戌 黃豫 鄭慈

慶曆六年丙戌 陳規 林允中

皇祐五年特奏名 劉敏

嘉祐四年己亥 顏孝初

熙寧二年庚戌 卓天宜

元豐二年□□特奏名（一） 陳臧

紹聖元年□□特奏名（二） 吳堯封

四年丁丑 陳彥聖

元符三年庚辰 劉允迪

大觀二年己丑 姚師禮 莊積中

特奏名 蘇謐 丘世京

政和二年□□特奏名(三) 陳基求

建炎二年戊申 黃豐

紹興十二年壬戌 蔡茲 陳古彥聖從侄。

十八年戊辰 陳光 蘇升謐侄。

特奏名 鄭公坦慈侄孫。

二十一年辛未特奏名 莊竑積中侄。 鄭若虛

二十七年丁丑 黃中立 黃偉更名維之。

三十年庚辰 留正(一四)

乾道五年己丑 顏應時

八年壬辰特奏名 鄭凌

淳熙二年乙未特奏名 蔡彥茲弟。

五年戊戌 鄭岳

特奏名 陳飛英

八年辛丑 莊夏

十一年癸卯特奏名 陳宗

十二年上舍兩優釋褐 顏楫

紹熙元年庚戌 陳一新

特奏名 張夢弼 王子新

四年癸丑特奏名 顏迴

慶元元年乙卯上舍釋褐 黃以寧維之子。

二年丙辰 陳易 姚選

五年己未 林萬省試第二。 鄭宋臣

特奏名 留文瑞正族係。

嘉泰二年壬戌 蘇泰升係。

開禧元年乙丑 顏櫛楫族弟。 鄭煬宋臣族弟。

特奏名 鄭子春

博學宏辭科 留元剛正係。 留大用正係係。

嘉定元年戊辰 留良正族係係。

特奏名 林端行

四年辛未 留瑞正從係。

特奏名 陳克俊



十年丁丑 留元英正孫。

特奏名 孫瑞 林伸

十三年庚辰 莊序夏子。

十六年癸未 王胄

寶慶二年□□特奏名（一五） 陳夢得

紹定二年己丑 林時傑萬從弟。

五年壬辰特奏名 陳楷

淳祐元年辛丑特奏名 陳握宗孫。

七年丁未 莊彌明夏孫。

特奏名 溫德一

十年庚戌 蔡義和

特奏名 吳華夫

寶祐元年癸丑 鄭帝俞

特奏名 曾子正

四年丙辰 林時遇 王唐

景定三年壬戌 陳雷震

咸淳元年乙丑 陳德高

四年戊辰 陳遇龍 蔡方

九年癸酉鄉舉 留東正玄孫

薦辟、蔭補賢者雜見列傳中。

有傳

留從諱族孫正。正子恭、丙、鑑、（一六）碩。恭子元剛。鑑子元英、（一七）元圭、元忠。碩子元長、元亮。正玄孫東。正從侄

瑞。黃豫 顏孝初族人補。黃豐 蔡茲 陳光 蘇升 黃偉子以寧。顏應時 莊夏係彌邵。陳一

新 陳易 林萬 王胄

留從諱 從効再從弟也。淳化中爲泗州長史，有清節，官卑俸薄，雖藜藿不充，未嘗妄干人。太宗聞之，召赴闕，特遷揚州觀察支使。

正 字仲至，從効六世孫。少游惠州，歸善徐敦寔妻以女，因應惠州舉，紹興十二年進士，授南恩州陽江尉、清海軍節度判官。龔茂良守番禺，海寇竊發，正言：「在法：劫盜賊滿五貫死，海盜加等。小民餌利，率身陷重辟。請鑿梓海上，使戶知之。」用茂良薦，赴都堂審察，宰相虞允文奇之，薦孝宗，得對：「祖宗以天下全力用於西夏，承平日久，邊不爲備，至敵人長驅而不能支。今當改轍，使文武並用。」孝宗嘉歎，書劄中要語下三省施行。知循州，陛辭，言：「士大夫名節不立，國家緩急莫仗。欲圖恢復，當尚名節。」孝宗益喜，明日，諭輔臣：「留正議論耿耿，可與職事官。」除軍器監簿，歷官考功郎官。擢起居舍人，尋權中書舍人。光宗自東宮朝，顧見，謂左右曰：「修整如此，其人可知。」請於孝宗，兼太子左論德。爲中書舍人兼侍講，兼權兵部侍郎。除給事中，兼權吏部尚書。言：「用人先論相。陛下志在恢復，而輔贊

不任。望精選人材，與圖大計。」時相益不樂，以顯謨閣直學士出知紹興府。侍御史范仲邑劾前帥贓六十萬，有詔覈責。正明其非辜，御史怒，並劾正，降顯謨閣待制，提舉玉隆萬壽宮。尋復職。知贛州，奏減上供米，不報。知龍興府。進龍圖閣直學士、四川制置使，兼知成都府，以簡素化民。乾道初，羌酋奴兒結越大渡河，據安靜砦，侵漢地幾百里。正密授諸將方略，擒奴兒以歸，盡俘其黨。進敷文閣學士，尋詔赴行在，歸裝書數簾而已。除端明殿學士、簽書樞密院事、參知政事，同知樞密院事。孝宗密諭內禪，意拜右丞相。一日奏事，皇太子參決侍立，孝宗顧謂太子曰：「留正純誠可託。」光宗受禪，主管左右春坊。姜特立以隨龍恩擢知閣門事，聲勢浸盛。正列其招權預政狀，乞斥逐。光宗意猶未決。會副參闕，特立謁正曰：「上以丞相在位久，欲遷左相，葉翥、張豹當擇一人執政，（一八）未知孰先？」正奏之，光宗大怒，詔特立提舉興國宮。孝宗聞之曰：「真宰相也。」紹熙元年，進左丞相。謹法度，惜名器，引趙汝愚首從班，卒與共政。用黃裳爲皇子嘉王翊善，號爲得人。嘉王感疾，正言：「陛下只有一子，隔宮牆外非便，宜令蚤正元良人居東宮。」又奏：「太子，天下本，《傳》曰：『豫建太子，所以重宗廟社稷。』本朝皇子居家嫡，出閤已久，宜早正儲位，以定天下本。」再月不報。檢《漢·文帝紀》及本朝真宗立仁宗典故，並呂誨、張方平兩奏，節其要語繳奏。光宗不豫，外議洶洶，正與同列間至福寧殿奏事，處分得宜，人情以安。進封中國公。光宗疾寢平，乞歸政，不許。《壽皇聖政》成，進少保，封衛國公。李端友以椒房親，手詔除郎，正繳還，光宗不納，復執奏曰：「昔管陶公主爲子求郎，明帝不許。今端友依憑內援，恐累聖德。」姜特立除浙東副總管，尋召赴行在，引唐憲宗召吐突承璀事，乞罷相。光宗批：「成命已行，朕無反汗，卿宜自處。」正待罪六和塔，奏言：「陛下近年，不知何人獻把定之說，遂至每事堅執，斷不可回。天下至大，機務至煩，

事出於是，則人無異詞，事出於非，則衆論紛起，必須惟是之從。臣恐自此以往，陛下事無是非，壹持把定之說，言路塞矣。」因繳進前後錫賚及告勅，待罪范村，乞歸田里，不許。壽聖太后將以冬至上尊號冊寶，以正爲禮儀使，攝太傅。於是光宗遣左司徐誼諭旨，正復人都堂視事。是行也，待罪凡一百四十日。冊寶禮成，拜少傅，封魯國公，力辭。五年正月，孝宗疾革，正數請車駕過宮。一日，光宗拂衣起，正引裾泣諫，隨至福寧殿門。退上疏，言極激切。孝宗崩，光宗以疾未能執喪，正率同列屢奏乞早正嘉王儲位，又擬指揮付學士院降詔。尋有手詔：「朕歷事歲久，念欲退閑。」正得之始懼，請對，復不報。卽出國門，上表請老，末曰：「願陛下速回淵鑒，追悟前非，漸收人心，庶保國祚。」正始議以光宗疾未克主喪，宜立皇太子監國，若終喪未倦勤，當復辟。議內禪，太子可卽位。時從臣鄭湜奏與正同。既而趙汝愚以內禪請於憲聖，正謂：「建儲詔未下，遽及此，他日必難處。」論既達，以肩輿逃去。及嘉王卽位，是爲寧宗，尊光宗爲太上皇帝，以正爲大行攢宮總護使。正人謝寧宗，復出。憲聖命速宣押，時汝愚亦以爲請，寧宗親札，遣使召正還。侍御史張叔椿請議正棄國之罰，乃徙叔椿吏部侍郎，而正復相。入賀，且請車駕一出，慰安都人心，及定壽康宮南向，撤去新增禁旅。詔悉從之。進少傅，屢辭不拜，奏言：「陛下勉徇群情，以登大寶，當遇事從簡，示天下以不得已之意，實非頒爵之時。」韓侂胄浸謀預政，數詣都堂，正使省吏諭之曰：「此非知閣日往來之地。」侂胄怒而退。會經筵晚講賜坐，正執奏以爲非，寧宗不懌。侍御史黃度論馬大同罪，正擬度補外，寧宗知其情，除度右正言。正請推恩隨龍人，寧宗曰：「朕未見父母，可恩及下人耶？」積數事失上意，侂胄從而間之。八月，手詔以少師、觀文殿大學士判建康府。尋又以諫議大夫張叔椿言，落職。慶元元年六月，詔正以上皇付正手詔八字進入，宣付史館。復觀文殿大學士。初，劉德秀自

重慶入朝，未爲正所知，謁正客范仲黼請爲言，正曰：「此人若留之班行，朝廷必不許。」乃除大理簿，德秀憾之。至是爲諫議大夫，論正四大罪，褫職，自是彈劾無虛歲。以張釜言，責授中大夫、光祿卿，分司西京，邵州居住。明年，令自便。給事中謝源明封還錄黃，量移南劍州，再許自便。復光祿大夫、提舉洞霄宮。上章乞納祿，詔復元官職致仕。又以御史林采言，依舊官光祿大夫致仕。俄復觀文殿學士、金紫光祿大夫。嘉泰元年，進封魏國公，復少師、觀文殿大學士。開禧二年薨，年七十八。（二九）贈太師。寶慶三年，謚忠宣。有詩文、奏議、外制二十卷。子恭、丙、鑑、（三〇）碩。

恭 字伯禮。通判廣州，秩滿，民疏其惠愛二十事，請留，部使者薦知南康軍。其政，以朱文公爲法。提舉浙西常平，境內大饑，悉力賑恤，全活三十六萬六千餘人。知紹興府，蠲租省役，罷游宴，絕餽遺，杜請謁，時稱循吏。知廣東，猺寇竊發，捕降其豪酋，四十四峒悉平。以直徽猷閣奉祠。起知建寧府。卒，贈秘閣修撰。子元剛。

丙 字南仲。歷知宜、梅、潮三州，乞禁海賈，勿通閩婆，以防洩鑿。入監登聞檢院，遷司農寺丞、倉部郎中。知常德府、撫州，卒。子元治，主管南外睦宗院，元均，通判惠州。

鑑（二一） 字端父。歷知邵州，奏蠲和糴。入爲司農寺丞。使金，察其勢必亡，歸陳備邊五策。除度支郎、提點湖南江西刑獄。移知廣州，請鑿小鈔以弭鹽寇。端平中，除直龍圖閣奉祠，卒。鑑端厚有度，（二二）在正諸子中尤賢。子元英、元圭、元崇。

碩 字季膺。歷全廣、南劍州通判，知南恩州，言：「廣南州郡兵弱，乞刺填軍額以備不虞。理官縣尉，乞覈官簿，不授註耄繆者。」知岳州，講荒政，闢租稅，民便之。爲大理寺丞，請立武舉解額，試於諸路

帥府，中則試兵部。事雖不行，論者是之。知建昌軍，卒。子元長、元亮。

元剛 字茂潛。博文彊記，爲文奇峭。開禧三年，試博學宏詞科，與真西山同選。有司書西山卷曰「宏而不博」；書元剛卷曰「博而不宏」。寧宗善其文，並置異等，除國子錄。嘉定初，遷秘閣校理。累遷直學士院。嘗言：「今日有貧國貧民，而無貧士夫。」遷軍器少監，權起居舍人，言：「國朝左右史立御座後，今乃在殿東。乞復侍立，修明舊法。」嘉定更化以後，大臣寢謀固位，元剛概然有振刷斯世之志，會以內艱去。起知溫州，勤恤民隱，百廢皆修，發奸摘伏，人服精敏。移知贛州，罷。元剛早負盛名，自擬大用，已乃鬱鬱不適，築圃北山，號雲麓，吟嘯其間。有《雲麓集》。

元英 理宗朝爲監察御史，疏論：「試邑兩經罷黜，毋得再補縣、攝州郡。又言：諸州軍僚屬私役禁軍，及閩廣州縣於常賦外敷鹽擾民，乞申嚴法禁。皆從之。遷權工部侍郎，出知潮州，終寶章閣待制、知漳州，卒。

元圭 字粹中。以門蔭授承奉郎。父鑑使金，（二）元圭時典牋奏，禮文悉所裁定。主管南外睦宗院。知建安縣，獄有重辟久不決，閱卽得其情。均徭省訟，治績爲諸縣最。卒於官。

元崇 字積翁。有俊才，工詩。通判興化軍，年三十餘卒。

元長 爲人謹重，歷會新、建、全三州。在全，請於督府，免徵費旁郡。擢大府丞。知撫州。改汀州，卒。

元亮 淳祐間令古田，有仁政，嘗祀先賢，創義塚，置貢士莊。

東 字純仁。登鄉舉，入國學。景炎丙子，以兩登極，恩賜同進士出身。授肇慶司法參軍，廉勤有

聲，陞從事郎、清海軍節度推官。未幾，改帶行國子編校、平海軍節度推官。宋亡，杜門不仕。至元辛卯，錄宋故臣，授桂陽縣丞及乳源縣尹，俱辭不就。子伯惠，授將仕郎。孫天錫，授泉州路儒學教授，亦不赴。國初，進士何德舉贊東像，有「身元心宋，爲古逸民」之語。

瑞 字玉卿。精《春秋》，爲經學師。同時，精《春秋》者有顏桂叔芳，精《周禮》者有鄭華君實。

黃豫 字伯奮。少穎悟，蜚聲場屋。景祐五年，試房《心爲明堂賦》，登第。官秘書省校書郎。有詩名。

顏孝初 力學起家，兩對南宮，以文名世，尤長於詩。官至秘書郎。孫褒，見韋布。族人械、櫛。械有文名，仕權工部尚書，兼吏部尚書。

櫛 字養正。歷藤州教授、會昌、南海、南康令、通判循州、知梅州。櫛知南海，因威濟惠，盜寇斂跡。知梅州，贛寇陳三搶率萬衆，逼梅城四十二日，櫛激勵將士，分隅拒守，又合蛋船，布水陣攢矢射之，賊遁。帥垣上櫛功，會病卒。

黃豐 字元式。靖康中，虜犯京闕，搜括中朝名士，焚燒太學，首問：「學錄黃豐安在？」因趨井避之。豐與同邑陳謐俱有令譽，豐爲太學錄，謐爲武學錄。御史黃瑀見二公同時同邑，意人才所鍾之地，欣然求宰永春，其爲時所重如此。豐仕終編修，知興化軍。侄東老，寶慶中任武平令，盜發江閩，與尉鍾百福率民兵拒敵，死之。事聞，贈官其後一人。

蔡茲 字光烈。問學有聲，從游甚衆。蚤以明經領鄉薦。紹興二年，爲建州貢院考官，朱文公實出其門，讀其三策，知其非常人。復以詞賦第十二年進上。仕至南恩守。秩滿，雅有林泉之想，梁克家當

軸，除茲廣德憲控，辭甚力，遂掛冠歸。築室燕堂，日與賓朋觴詠。

陳光 字世德。妙齡力學，工古文詞，歲首裹糧從師，寒暑方歸侍親。陳知柔與友，而梁克家受業焉。官封州僉判，權知贛州。嘗進《六經講解》。

蘇升 字時仲。宰吉永豐，興學教士。仕至知瓊州。能詩，有《頤齋集》行世，前輩評其類陶靖節。

黃偉 字維之，後即爲名，更號叔張。弱冠從兄巽之入太學，屢試占首，與黃槐同時，人稱二黃。第進士，除太學錄，遷國子監簿。轉對，進所撰《太祖政要》，論愛名器、厲廉耻，因及銓試冒名代筆。其後，任子覆試，議自維發之。時孝宗銳意恢復，方講武事，獻議者乞立武賢良科，下館學集議，維之謂：「賢良，求文武全才，不宜復立科。」事遂寢。除大理丞，時少卿欲奏獄空，維之以所隸有獄未竟，不敢書名。寺削去維之名，銜以聞。維之白執政：「有官守者，不得其職則去。」力求外補。差知邵武軍。陛辭，賜對，論選用大臣，當如王素對仁宗，宦官、宮妾不識名者，可充其選。又論《乾道新書》不當刪減，內侍不得干預朝政等事。孝宗面加褒諭，翌日，出劄子付勅局，復舊法。後歷官江西提學，維之爲小官，耻於求舉，及更麾節，所薦引多寒士，其挾貴而來者未嘗舉一人。敷歷中外，直道而行。居閑十年，手不釋卷。嘗與朱子論學，後進以鄉先生事之，維之亦喜接引，傳內翰伯壽、顧郎中咸出其門。自號竹坡居士。年七十九。卒之日，夕猶與諸子講論至夜分。子以寧、以簡、以大。猶子以翼，見韋布。

以寧 字宗一。分教惠陽，指授有法。擢太學錄，差淮西漕司幹官，幕畫明辨，漕使憚之。會淮甸太歉，部使者檄以寧循行賑貸，區畫有方。通判建寧，守史彌堅，彌遠介弟，喜事尚威，關決有不可，引誼力爭，守積不能平，嗾臺臣劾罷之，父老遮留數千。歸家，杜門食祠，延接後進，講論忘倦，或有不善，面加譙



責。郡守樂咨以政，毫無私答。端平親政，忤權臣者皆召，人惜其先卒。弟以簡，知永福縣，以大，知循州。

顏應時 精《易》，爲經學師。

莊夏 字子禮。幼時，父母避賊，棄之草間，虎乳之。長，目有夜光。早孤，從兄晦學。弱冠，習《禮經》。郡博士張叔椿奇其文，勉人上庠。母鄭氏春粟種，出浴兒錢以資裹糧。登淳熙進士，授興國縣。慶元六年大旱，詔求言。夏上封事，曰：「君者，陽也。臣者，君之陰也。今威福下移，此陰勝也。積陰之極，陽氣散亂而不收，其弊爲火災，爲旱蝗。願陛下體陽剛之德，使後宮戚里、內省黃門思不出位，此抑陰助陽之術也。」召爲太常博士。言：「比年分藩持節，詔墨未乾而改除，坐席未溫而易地，一人而歲三易節，一歲而郡四易守，民力何由而裕？」開禧二年，遷國子博士。輪對，首陳邊釁不可妄開。議者難之。嘉定更化，歲薦饑，以著作佐郎擢提舉江東常平倉，「三四」發廩賑流民，多所全活。除轉運判官，益講荒政。踰年，入爲尚書郎，遷軍器監、太府少卿。出知漳州，請屯兵大池故寨，增小溪、南嶺二寨，控抑汀、潮。造橋柳洋江，以救覆舟之險。尋以宗正少卿召，兼國史東官官，直學士院兼太子侍讀。時流民來歸，復言：「荆襄、兩淮不耕之田，計口授地，貸以廬屋牛具。吾乘其始至，可以得其欲。彼乘其不死，可以忘其勞。兵民可合，屯田可成，萬世一時也。」試中書舍人兼太子庶子、左諭德，訓詞華潤，論奏明切，封還尤多。又言：「戰守不成，規模不定，則和好之說得乘間入。今日之患，莫大兵冗。乞行下將帥，令老弱自陳，得以子若弟侄若婿強壯及等者收刺之，代其名糧。」孝宗是之。除兵部侍郎。時宰諱言邊事，廟謨秘密，人莫敢聞。夏言：「西蜀潰卒宜討宜招，江淮制閫宜分宜合，山東忠義宜刺宜汰，比年集議寢少，乞詔

侍從兩省臺諫自爲議狀，二三大臣類聚以聞。」忤時宰意，累疏乞閑，以資謨閣待制奉祠。進煥章閣待制。自號藻齋老人。十二年，詔封永春縣開國男，食邑三百戶，賜紫金魚袋。卒，贈少師。光宗贊其像，有「堅冰志操，忠言逆耳」之稱。所著有《禮記解》，又有遺文二十卷、《國史大事記》十帙、《典故備志》五帙。子夢閣，新城宰；夢序，大理正。孫七人：彌邵，見下；彌堅，登進士，爲編修官，彌大，刑部郎中，彌明，進士。

彌邵 字德修。以父序蔭補承務郎，監福州水口鎮。擢臨安府通判，討平天目山寇，以功權知安吉州，有惠愛。除軍器監丞，輪對，首以進德修業爲言，且謂：「大廷之對，禮貌親而情意疎，細旃之講，誦說多而推行少。」進軍器監。宋亡，蒲壽庚以彌邵、彌堅、彌大同薦於元，俱不之官。

陳一新 字又之。少受學陳知柔。舉進士，教授汀州。慶元四年，校藝漕闌，時韓侂冑用事，一新發策，以「谷永攻君而黨王氏，劉蕡言直而有司不取」爲問，同列請易之，一新不可，果激其怒，賴侍臣力教免。累遷國子博士。輪對，深論權倖，以劾免。通判婺州，知邵武軍，却互送，簡供餽，用廉平稱，卒於官。初，言者請下漕官，索官不習偽學狀，一新曰：「吾寧不爲考官，決不書也。」

陳易 字後之。幼孤力學，授業朱文公。文公稱其持守識見，講論可師。或問：「文公延平驗中，於未發之前，是何氣象？」易曰：「持守良久亦自可見。」仕終懷安丞。居喪，參酌古禮，鄉閭化之。所著有《語孟解》。

林萬 字仲至。任惠州教授，歷官三省掌故。恬於榮進，以謁光範爲耻，未幾劾罷。復爲沿海制司幹官。改秩，知宣城縣，卒。

王胄 字希武。教授惠州，秩滿，人爲太學正。遷博士、禮闈校藝諫官。同典舉欲私所厚，以險怪之作冠多士，胄識其文，曰：「必某人也。」典舉色阻，易置次列而心啣之。揭曉，被劾罷。通判惠州，羅浮山水之勝題詠殆遍。歲餘卒官。

### 皇朝科第

舉人 進士 午、卯、酉屬舉人，辰、戌、丑、未屬進士。

永樂十八年庚子 翁進

宣德元年丙午 黃昶

成化十年甲午 吳禮

十九年癸卯 莊熙

嘉靖七年戊子 陳漢章

十三年甲午 鄭莊彥應天中式。

隆慶元年丁卯 劉應望

二年戊辰 劉應望

四年庚午 王天策

萬曆元年癸酉 李開芳府學。 蔡如川清曾孫。晉江人。

七年己卯 黃烺

十年壬午 李開藻開芳弟。

十一年癸未 李開芳 李開藻

十三年乙酉 李開芬開芳弟。

十六年戊子 黃燿 李燿

二十六年戊戌 李燿

三十八年己酉 翁爲樞

三十九年庚戌 翁爲樞

四十三年乙卯 莊際昌

四十六年戊午 周鳴鹿 陳喬材

四十七年己未 莊際昌會元。狀元。

貢士、監生賢者雜見列傳中。

有傳

顏隆曾任孫廷渠。

鄭莊彥

陳嘉謀

翁有恒

王天策弟天範。

李開芳弟開藻。

莊際昌

顏隆 字文盛。五季顏仁郁裔、宋孝初之後也。應貢入太學。正統元年，授吉安府推官。楊文貞士

奇子犯法，執而罪之。當道交薦，擢河南按察僉事。嘗帥兵禦虜有功。景泰初，致仕，年八十二。曾孫廷

渠。

廷渠 字範卿。父溥，判連州，用廉平擢曲周令，不赴。廷渠應嘉靖戊午歲貢，授九江府通判。公暇

賦詩，攜客時時探討匡廬、潯陽諸勝，人以「白司馬」呼之。所承檄視郡邑篆十餘事，無所不舉，第不屑以

簿書雷同，坐忤上官，得調，補秦寧都司斷事。挾一蒼頭，居閒局五載，一意翰墨，在事諸公咸加敬禮。遷珉府長史，輔導匡正，王甚重之。久之，棄歸。年七十餘，縱游海內名山，所過洞天福地，留詩紀勝。其詩律既工，復字書適美，求者踵至。年九十三卒。廷桀重孝弟，篤倫紀，既與同母弟中分券，其父晚復舉子，殊寂寂，廷桀察父意，跪致已券，請再割。已，再舉弟，再致券，請割復如之。母李，食梅病酸，終身不忍復見梅。其爲諸生時，師莆人吳石渠。吳後客死桃源他舍，廷桀昇尸入門，沐椁爲位，哭數日，厚賻以歸。有女適人無子，而又貧也。女歸依廷桀。一日，女婿以其生子之妾之訃聞，廷桀當食，廢箸哭，人告女，命女卽家爲位哭之。出見道傍旅人死，爲具殯，其子趨謝，不受。拾遺金，俟三日其處還之，遺金之人歲歲來壽廷桀也。自稱陋巷生，又曰贅翁，又曰桃源洞口漁人。所著有《匡廬倡和集》、《楚游草》、《燕南寓稿》、《叢桂山堂存稿》、《杜律意箋》。

鄭莊彥 字肅夫。授昌化教諭，訓迪嚴勤。林司寇雲同爲學使，延致五羊書院，聚教郡邑秀士。遷蘇州教授，疏請特祀韓雍。轉國子助教，卒。莊彥恂恂謹守，盡出其生業分與諸弟，有友客死，家貧典兒女，爲贖歸，撫存之。

陳嘉謀 嘉靖十三年貢士，試內廷，試目爲《孔子先正禮樂論》，嘉謀引經摭傳，輒書二三千言。霍韜讀之，擊節歎賞，遂授道州學正，蓋異數也。丁艱，補均州。陞國子學錄，不赴。嘉謀讓產伯氏，有孝友聲。掌教二州，時捐俸賑饑。居鄉，以長者聞。

翁有恒 字以貞。萬曆初授長泰訓導。遷河源教諭。家有母也，皆奉之就養。其爲教，以身率物，不煩言語。諸生馬叔康者，廬墓三年，疏請督學獎借之。河源令以私憾擠其簿，監司行縣，問有恒，有恒

曰：「大人問諸生肄業，當舉以對。問簿，非所知也。」監司曰：「謂監司無法耶？」有恒曰：「學官無罪，不當爲簿受法。惟母老不去，爲耻耳。」遂自劾去。監司尋悔之，而轉薦之兩臺。兩臺使攝長樂，攝長寧，一無所持將。既訖事，懇乞致仕養母。兩臺交留，請益切，代疏予歸，甚嘉與之。嘗謂：「學在躬行，徒言無益。」按其所養，真有道者也。

王天策 字國獻。授鄭州學正。知都昌縣。邑苦虛糧，東西鄉訟於闕廷，天策履畝清豁之，有豪匿鄱陽田數千畝，以法繩治。所豁賠米三千餘石，清宗室詭糧九百餘石，除賊丁四千餘口。至其決獄出冤，不避嫌怨。坐左遷，遂掛冠，游燕薊間，爲大都受。天策樸而不斷，直而不倨。李文節信其平生，與爲友。弟天範。

天範 自其餽於庠時，卽捐廩立義出。以貢授潮陽訓導，提躬以敬，敷教以寬。舉文會，却贊儀。致政歸，潮七碑之。

李開芳 字伯東。父應元，見韋布。開芳以戶部郎出爲廣東副使、江西參政按察使、右布政使，乞歸養。父沒，再起江西右布政、廣西左布政，南太僕寺卿終官。開芳警敏強直，開口論天下事，發舒極底裡，所至風裁著稱。凡古人能事，必求與爲追逐，而精力亦足勝之。年八十，尚爲人作詩、作書、作篆、作墨竹，世人殊寶重之。有《天風子集》。弟開藻。

開藻 字叔玄。少學於開芳，弱冠聯登甲第。穎敏好學，遂以文雅直諒著於世。以戶部郎權關濟壑，每歲冬，十日閑開，恣出人，民商便之。調禮部，出爲山西提學僉事，署其堂曰：「天下事，私難而公易，曲難而直易，吾爲其易者而已矣。」有御史，其父仕山西，欲求祀名宦，開藻批其牘曰：「雖有褒逝之

舉，豈無談生之嫌？」與御史大忤，拂衣歸。再起山西提學，陞山東參議、浙江副使、江西提學副使。開藻涉足仕途，清聲在人，然屢起屢歸，越起不樂進，實以奉父之故。既父沒，哀毀不勝，感動親舊。再起江西提學，再告病。再起南尚寶司卿，痛父沒，俱不屑往。再起太常少卿，方撰日就道，而遽逝矣。世人服其清操亮質。

莊際昌 字景說。祖用賓，見晉江英舊。用賓夢張襄惠投刺相謁而際昌生，因名夢岳。以試更今名。舉進士，會試、廷試皆第一，爲泉人破荒。其制策，一字偶誤，爲忤者所齟齬，遂乞假歸。天啟初，授翰林院修撰、經筵展書、起居注，編葺六曹章奏。乙丑，分校禮闈。尋管理誥勅。往，詞林多藉是爲潤筆資，時魏璫煽虐，際昌未數日即棄去，乞差歸。丙寅秋，當復命，會修《三朝要典》，蹙然曰：「是固欲以國史爲刑書者。」丁卯，天下大比士，際昌以首資當衡文兩京矣，親友勸駕，長安中有促之者曰：「公速來，可步武三事也。」夷猶不赴。亡何，爲魏璫所褫奪。璫誅，起原官，歷陞春坊庶子，授記注官。上數召對，當秉筆記言，五漏入侍，率一鼓方罷。際昌赴召時，途中得末疾，用是困憊，竟卒。贈詹事。際昌爲人坦直夷易，孝友切至。傷其弟重岳孝廉早卒，撫遺孤如己子。終身茹素，午惟一葷而已。自以起家高第，家居肅飭自將，蒼頭戢戢不敢問戶外事。獨好爲德於鄉人。溜石故有陡門，南鄉數都之水賴以蓄洩，又新溪一岸障鹹引淡，潮汐乘之，歲久圯塞。際昌以其受水頗狹，爲廣設三閘，鳩農父，荷鍤伐石，捐費二百餘金。歲方苦旱，四十二鄉咸藉播殖焉。雅善談謔，風發泉流，四座厭心。兼通祿命、醫藥、形家之書，人服其多才。尤曠達，自築生壙，題曰：「美玄真息」，鐫詩其傍曰：「百年忙半逝，四大本歸虛。」竟年五十二，亦詩識也。

〔校記〕

〔一〕「永春縣」三字，各本原脫，據本書體例補。

〔二〕「同安縣」四字，各本原脫，據本書體例補。

〔三〕〔四〕「除」字，各本原脫，據文義補。

〔五〕〔六〕〔八〕「字」下，各本原闕二字。

〔七〕「布衿止」下，各本原闕二字。

〔九〕「永春縣」上，各本原衍「泉州府」三字，據本書體例刪。

〔一〇〕「大中十一年」下，各本原闕二字，據方詩銘《中國歷史紀年表》，當作「丁丑」。

〔一一〕「元豐二年」下，各本原闕二字，據方詩銘《中國歷史紀年表》，當作「己未」。

〔一二〕「紹聖元年」，各本原作「紹聖九年」，據上下文及方詩銘《中國歷史紀年表》改。又「紹聖元年」下，各本原闕二字，據方詩

銘《中國歷史紀年表》，當作「乙亥」。

〔一三〕「政和二年」下，各本原闕二字，據方詩銘《中國歷史紀年表》，當作「壬辰」。

〔一四〕「紹興三十年庚辰 留正」，本傳作「紹興十二年進士」，《宋史》本傳作「紹興十三年進士」。

〔一五〕「寶慶二年」下，各本原闕二字，據方詩銘《中國歷史紀年表》，當作「丙戌」。

〔一六〕〔一七〕〔二〇〕〔二一〕〔二二〕〔二三〕「端」，《宋史》本傳作「端」。

〔一八〕「張豹」，《宋史》本傳作「張杓」。



〔二九〕「年」字，各本原脫，據文義補。

〔三四〕「以著作佐郎擢提舉江東常平倉」，各本原作「以著作佐郎提舉擢江東常平倉」，據文義及宋朝官制改。

閩書卷之九十二

英舊志 縉紳

建寧府 建安縣一

唐進士

咸通二年辛巳 葉京

葉京 字垂係。詞賦有名。州人登第自京始。終《大學》博士。是時，士大夫深疾宦官，事有小相涉，則衆共棄之。京嘗預宣武軍宴，識監軍之面。既而及第，在長安中，與同年出游，遇之於塗，馬上相揖。因之，謗議喧然，遂沈廢終身。

五代

游簡言 孟貫

游簡言 字敏中。父恭，唐末進士，仕楊行密爲駕部員外郎、知制誥。簡言少孤力學，徐知誥鎮金陵，辟掌文翰，遷觀察巡官。及南唐國建，歷虞部員外郎、知制誥、中書舍人。保大中，爲翰林學士、禮部侍郎。守職恭恪，貞介不阿，元宗重之。後主卽位，自吏部尚書遷左僕射，委以南省之事。簡言躬親簿

領，督責稽緩，勵以威嚴，寮吏畏之，於是六職辦集。及拜相而卒。

孟貫 字一之。少好學，游廬山，以禮義文章節儉，當時師範，人稱孟夫子。仕於周，爲大夫。

### 宋科第

太平興國二年癸未 李虛己 陳應期建陽縣載李、陳二人作本縣人。

雍熙三年乙酉 李寅虛己父。 吳拱辰

端拱元年戊子 李晏如

二年己丑 楊自牧 張篆籍貫無考。

淳化三年壬辰 張正符

咸平元年戊戌 楊子禎

二年己亥 章楷一作偕。

三年庚子 章得一 魏幽求 黃禹昌 章琛 黃務本

景德二年乙巳 章鐸 陳知言 黃翼

大中祥符元年戊申 曹修古 黃補 黃霖 章佑

二年己酉 王希

五年壬子 王并 張演 曹修睦修古弟。 章徙上四名，一作浦城人。

八年乙卯 黃珪 章慘

天禧二年戊午 程適 黃援一作拔。 張式

天聖二年甲子 章孝基 黃可 黃昱 黃帖 黃凝

五年丁卯 楊儀 章維 黃稷 黃補之 黃晉

八年庚午 黃孝恭 丘荷 柳垂象 黃展

景祐元年甲戌 連舜元 黃孝立 張洞 張謨

寶元元年戊寅 章佺 楊緯 阮適 阮邈

慶曆二年壬午 楊緬 阮遵 何辟非 吳簡 阮陶 林術

六年丙戌 夏噩 張誼 呂百能 吳絳 葉惴 魏式 黃子華 陳倩

皇祐元年己丑 游景先 楊仲孺 劉洵 陳潛 陳冽 黃儼展子 黃默 陳郭 陳瀚 陳與京

連希元

五年癸巳 章辟强 葉式 章穎 張傳 徐伯璠 葉康直 翁績 陳傳 虞舉元

嘉祐二年丁酉 劉涇 黃任 魏洙 黃先一作元 陳戩 李弼

四年己亥 董威 周權 吳子選

六年辛丑 吳賁 葉斐 魏諤 徐師冉 阮師德

八年癸卯 楊懷寶 吳應 吳道 黃潔 張粵 張括

治平二年乙巳 楊凝 曹極 何甫 賈思 彭璟

四年丁未 吳師龍 楊國寶 阮述 黃遠 張翥

熙寧三年庚戌 張中 范子淵 章傳 王昕 翁貺 葉表 呂俱 陳節 潘立方

六年癸丑 張元方 楊遷 張益 周彦中 林式 施聞 江與機 劉川 黃叙 江彦適

九年丙辰 丁湜 陳寮 張元素 魏默 丁褒 施遵 張岷 練儀甫 劉常 葉豫 張幾 呂黃

元豐二年己未 徐常 祖通 黃結 黃致一作致 江昂 孫夙 江時籍貫無考

五年壬戌 呂杭 葉默 魏敷 葉示 丘傳 黃君輔 吳仁凱一作致 王藻 魏閔 黃奕 翁

援 黃董 呂察 曹震 黃覺 葉木 葉世隆

八年乙丑 呂祝 張元仲一作仲元 陳民先 楊觀 姚易 龔起 江旗 周恭先 黃從周 劉通

章繹 謝冲 楊悅

元祐三年戊辰 章援 黃一正 張徽言 陳南夫 傅列 黃概 徐建常 丁秩籍貫無考

六年辛未 葉特材 黃從簡 葉搢 李適 徐載中

紹聖元年甲戌 徐當常弟 詹尚 袁閩孺一作閩儒 吳著 謝烈 黃軒 張得臣 劉穀 謝燾

吳獻可 呂貴 張粵 雷覺民

四年丁丑 章特 章佃 范致君一作致冲 翁慶奕 丁淳 王褒 黃鞏 章思永 黃遂中 張卿

才 黃公述 呂深 游暉 楊傑 丁稠 呂杭

元符三年庚辰 范致明 陳暉一作暉 謝孚 魏貢一作貢 陳輝 林迪 張公厚 徐端行

崇寧二年癸未 陳洛書 曹欽承 練幹譽 翁珪 江去惑 黃陞 黃勝 楊桂 曹襄

四年乙酉上舍釋褐 葉翹

五年丙戌 張翔 呂著 黃齊儼子 廖邦傑 陳昭度 潘建中 龔寬 張龜齡 葉裕 張章

黃寬 係量 練表 董管

大觀三年己丑 張臨 徐曄 游傳 丘之立 應時發 王山 謝仲逸 劉廓作廊。 魏汝賢

張昭 李弼 黃子服 呂賓 范致厚 徐昉 葉傳 葉彥隆

政和二年壬辰 劉疇 陳沃 熊天啟 熊迪迪縣志作五年。二熊，建陽縣亦載是人。 丘程 黃卓 陳師

尹 張黻 陳舜隣 李驥 梁義從一作從義。 陳天助 葉逸 翁谷府志載崇安人。

三年釋褐 張公綽

五年乙未 黃褒 黃鎮 江文中 周莊仲 范舜舉 虞少英 郭擇仁 黃俊卿 黃天助

重和元年戊戌 熊適建陽志亦載是名。 鄭穀 吳斌 徐文虎 吳岑 羅鞏 鄭穀穀弟。 陳殘 徐

端臣 林達卿 黃與權

宣和元年己亥釋褐 江還

二年釋褐 吳舜卿

三年辛丑 張穀 翁起予 王康佐 魏延世 程端緬 魏公晉 陳績一作績。 陳延賞 魏孝係一

作甌寧人。

六年甲辰 葛宏 章傑惇之孫。 陳與縻 陳師孟一作陳思。 周棐 龔潯 謝元禮 范振 王以詠

府志作甌寧人。

建炎二年戊申 葉棻 陳瑤 葉觀 鄭鏐 楊璟一作景。 章籍 黃仲選 張震 葉薦 黃延年

葉宗武 葉衡 范如圭舜舉子。

紹興二年壬子 范寅賓 楊柅 陳琦 黃子魯 周廣譽 丘欽若 陳佃 龔汲  
五年乙卯 楊秀穎

八年戊午 江鵬 葉山 王大治 李師中 黃友德 范愉

十二年壬戌 劉希傑一作希保 劉中

十五年乙丑 謝達 陳庭筠 倪必強 黃恬 龔冲

十八年戊辰 練概一作榮 張商卿

二十一年辛未 黃汝舟 盧寬一作覺 蔡瑀 劉信 魏介卿 劉采

二十四年甲戌 黃敷忠 楊椿年 丘疇

二十七年丁丑 范大用 周之才 謝灝 賈祺

三十年庚辰 魏鈞 葉延壽

隆興元年癸未 李宗思 徐栢 陳之方 葉元翼 王畿 邵謨 李拓 周焯 虞寅 張庚 潘赫

周焯 徐閱 袁樞

特奏名 翁德興第一人。崇安志亦載是名。

乾道二年丙戌 葉有秩 范汝礪 林光 葉鎬 楊延年 張籍

五年己丑 吳三省 梁光

八年壬辰 危崧高 雷霆 賀次章 陳光祖 江泰

淳熙二年乙未 馬子嚴 范斗南

特奏名 陳應行第一人。

五年戊戌 江珣 范應辰 劉策

八年辛丑 劉特 楊偁 王齊翼 徐愿

十一年甲辰 梁待聘 陸子忠 張文弼 葉文炳

十四年丁未 張應之 虞仁仲 魏復 魏光 葉建中

紹熙元年庚戌 馬任仲 張彥清 李冲 謝子蜚

四年癸丑 李改正 黃張 江疇 袁聘儒 黃志寧 楊與立 游覲 邵元齡籍貫無考。

慶元二年丙辰 李桂 梁鑄 張槐 葉祐甫 虞由 張杰

五年己未 葉麟之 吳旂 游澤 李勳 陳如 劉必端 甄大中

嘉泰二年壬戌 謝汲古第二人。 黃應酉 李栗

開禧元年乙丑 鄭友直 卓田 李機 朱復之

嘉定元年戊辰 華堯封 黃宋興一作崇安人。 劉松 林韶作甌寧人。

四年辛未 沈敏 劉灼 周清 鄭杜 田傳震 劉衍 張毅然

七年甲戌 馮振祖 葉同 范榮

十年丁丑 黃延 虞應龍 陳壬 楊宗元 雷復

十三年庚辰 吳權 章子仁 丘發

十六年癸未 王九萬 黃洪 陳正夫



寶慶二年丙戌 游谿 周申 祖吳 李炎之 張申子中一作中。  
特奏名 魏壬良

紹定二年己丑 張權 陳埜 鄭永 袁申儒 詹夢龍 謝一龍 翁文鳳 陳應之 黃應翁

五年壬辰 廖仲光 鄭振甫 朱沂 王仲賢

端平二年乙未 潘希夔 何茂才 楊仁吉 黃叔度

嘉熙二年戊戌 虞德望 葉夢材 劉子實 廖舉

淳祐元年辛丑 張助 翁以孫 吳勢卿 葉應雷 楊鰲 汪子木一作本。 李申 王榮

四年甲辰 雷紹 陳子和 趙宗楹一作曉 葉留大一作夫 吳夢龍 鄭祥老 周清父 雷子發

七年丁未 丘富國

寶祐四年丙辰(一) 李鑰 練夢華練一作陳 夙武伯 夏詵仲詵一作銑 黃夢履

開慶元年己未 夙師清 張必先 陳元善 黃德父尚有宏詞科 黃彥 章傑八行科 范達知 游

安世此四名，舊志不載年貫。

薦辟、蔭補賢者雜見列傳中。

有傳

李寅子虛己、虛舟 曹修古子觀，弟修睦 張式 章岵 何辟非 葉康直 黃晞 張伯玉 郭周孚

楊蟠 徐常 葉默 姚易 徐壽 雷覺民 謝燾 練幹譽 黃齊 丘之立 翁谷 范舜舉子如圭，如

圭子念德，弟如璋 熊適 鄭穀弟穀 吳械 王以詠 朱懷英 葉薦 李之邵 江安止 袁樞 謝天

民 林光 黃由庚 李大正 葉文炳 楊與立 李勳 王洪之 吳勢卿 丘富國 張諒 姜明 程

夢桂 艾淑

李寅 有清節，入廬山修學，仕江南李氏，至諸司使。雍熙初，舉進士，爲衢州司理參軍。出倅南昌，以母老棄官歸。子虛己、虛舟。

虛己 字公受。少從父寅修學廬山，先寅登第。調沈丘尉，遷殿中丞、提舉淮南茶場官，知遂州。遂一作榮。時太宗勵精政事，命選中外能吏，給錢賜之。與賜二十餘人，虛己爲首。因獻詩自陳父子遭遇，榮及祖母。太宗悅，賜五品服，更賜其祖母錢五十萬。本「賜錢五十緡」耳，遂誤作「萬」。論者爲虛己篤行家貧，殆天貺也。會遣使察川陝吏，復與薛顏、邵晔、查道等數人以能稱。遷屯田員外郎，通判洪州。召爲侍御史，出提點荆湖南路刑獄。徙淮南運副。累遷兵部郎中。以龍圖閣待制判大理寺，與查道等同備勸講。久之，乞外。真宗稱其儒雅循謹，特遷右諫議大夫，出知河中府。召權御史中丞。進給事中，知洪州。遷工部侍郎。徙池州，求分司南京，卒。虛己性夷曠，事親孝，喜爲詩。晏殊，其婿，相與唱酬。有《雅正集》二十卷行於世。

虛舟 字公濟。以兄虛己蔭，爲郊社齋郎。調閩清、靖安尉，俱有能名。遷餘干令，毀淫祠，建夫子廟，坐事免。後授校書郎，知德安縣，不就。晏殊爲請於朝，乃除太子洗馬，致仕。終尚書虞部郎中。與虛己皆孝友清慎，克世其家。子寬，尚書，金部郎中，史司農少卿，有能名。

曹修古 字述之。舉進士，累遷監察御史。上言四事，辭甚切至。又奏：「唐貞觀中，嘗下詔，令致仕官班本品見任上，欲其知耻而勇退也。比有年餘八十，尚仕班行，心力既衰，官事何補？請下有司，勅

文武官年及七十，上書自言，特與遷官致仕，仍從貞觀舊制。卽宿德勳賢，自如故事。」因著爲令。一日，偕三院御史十二人晨朝，將至朝堂，黃門二人，行馬不避，呵者止之，反爲所詬。修古奏：「御史尊，則天子尊。今黃門侮慢若此，請付所司劾治。」帝聞，命立答之。晏殊以笏擊人折齒，修古奏其忿躁，亡大臣體。司天監主簿苗舜臣等嘗言：「土宿留參，太白晝見。」詔日官同考定，（二）及奏，皆謂土宿留參，順不相犯，太白晝見，日未過午。舜臣等遂以妄言災變被罰。修古奏言：「日官所定，（三）希旨悅上，未足爲信。今罰舜臣等，其事甚小，然恐人人自此畏避取容，以災爲福，所損至大。」禁中以翡翠爲服玩，詔市於南越，修古請罷之。時頗崇建塔廟，議營金闕，修古極陳其不可。久之，出知歙州。徙南劍州，始建學館，市田餼士爲諸郡倡。政平訟理，吏民畏服。復爲開封府判官。歷殿中侍御史、刑部員外郎、知雜司事、同判吏部流內銓。未踰月，會太后兄子劉從德死，錄其姻戚，至於廝役，幾八十人，修古與楊偕、郭勸、段少連交章論列。太后怒，皆削一官，以修古爲工部員外郎、通判杭州。未行，改知興化軍。澹泊、簡易、循良，爲閩中最。會赦，復官，遽卒於莆。修古博學而文，善議論，內和外剛。當太后臨朝，權倖用事，人人顧望畏忌，而修古獨遇事敢言。既歿，上論惜之。太后崩，帝思修古，特贈右諫議大夫，賜其家錢二十萬，錄婿劉勳爲試將作監主簿。修古無子，以兄子覲爲後。弟修睦。

覲，字仲賓。以後修古授建州司戶參軍。皇祐中以太子中舍知封州。儂智高叛，攻封。封城中，士卒纔百人，又無城隍可守，或勸覲遁去，覲正色叱之，麾都監陳曄引兵迎擊，封川令率鄉丁、弓手繼進。賊數百倍，曄兵敗走，鄉丁亦潰。覲率從卒決戰，不勝，被執。賊戒勿殺，粹使拜，且誘之曰：「從我，付汝兵柄，妻汝女。」覲不拜，且大罵。賊猶惜之，徙置舟中。覲不食者兩日，探懷中印授從卒，使求問道，以印

上官。賊知覲無降意，遂加害。至死詬不絕。投屍江中。年三十五。事聞，贈太常少卿，錄其四子。妻劉，避賊死於林峒，追封彭城郡君，加賜冠帔。又贈修古尚書工部侍郎，修古妻，潁川郡君。

修睦 字公臣。累知邵武縣，遷殿中丞，知鬱林州。聞母疾，委州印於其佐，北走歸，道未至，被喪，哀瘡過禮。服除，判泉、越二州，知邵武軍。景祐中，用薦爲御史，改司封，出知壽州，移泉州。鑿湮塞渠田以復通租。坐舉者，奪司封，去官。後起知吉州，上書休官，不聽，分司南京。旣而歎曰：「不事事而受祿，不可謂廉。」復申前請，許之。章得象表其高節，詔還所奪官。居數年，聲聞益達。朝廷以紫衣金魚就第褒之，用聳動天下士大夫，以重進爲高。修睦休官時，年五十餘，第舍園池，疏列泉石，置書冊琴棋其中。賓親過從，或道時事，輒謝曰：「吾方與紙上聖賢語，差樂，勿溷吾聽。」范仲淹嘗贈以詩：「泉南曹使君，詩源萬里長。復我百餘言，疑登孔子堂。聞之金石音，純純自宮商。」

張式 字景則。先，浦城人，徙建安。主閩縣簿，又主將樂。有銀冶坐歲課不足，繫者常數百人。式籍其人，使富貧財力相兼，課遂羨。除祥符尉。趙稹將并州，辟軍事判官，稹所爲有不可，徐啟諭，弗忤，稹以故聽，而式亦以此稱長者。遭喪，服除，改著作佐郎，知古田縣。遷太常博士，知咸平。呂許公罷相，以許州觀察判官辟之。又通判饒州，一言而決十數年不決之獄。會擇河北吏，御史中丞舉式，得洺州，賜緋魚。又選知虔州，三司市紬絹十餘萬，非經數，式拒弗市。再知濠、壽二州。人縊其妻，以自殺告，獄旣具，詰之，立服。召爲開封府推官。時宮中以私財爲佛寺置田，疏罷止之。趙元昊反時，誘人出私財助軍，誘多者得賞。於是吏或劫富人出財，式並疏罷，坐拷掠囚死。知岳州。卒，終尚書祠部郎中。式廉靜好書，所居官舉，旣去人思。見時事有不便，往往能極言。老不治田宅，所得祿，置書遺子孫。

章岵 知蘇州，湖海暴風，民多漂溺。請蠲租賑恤，鉏治奸吏，豪右懾畏，詔書褒美。

何辟非 皇祐中宰遂昌，興學立教，大得政體。

葉康直 字景溫。知光化縣，與穀城令豐稷同時，人歌之曰：「葉光化，豐穀城。清如水，平如衡。」曾布行新法，以爲司農屬。歷永興、秦鳳轉運判官，徙陝西，進提點刑獄，轉運副使。五路兵西征，康直領涇原糧道，承受內侍梁同以餉惡妄奏，神宗怒，械至，將誅之，王安禮力救，得歸故官。元祐初，加直龍圖閣，知秦州。改知河中府。復爲秦州，夏人侵甘谷，戒諸將設伏待，殲其二酋。進寶文閣待制，陝西都運使。以疾請知亳州，通濬積潦，民獲田數十萬畝。〔五〕召爲兵部侍郎，卒。

黃晞 字景微。年少時，以有道稱閩中。泉守陳靖、福守陳絳爭延請之，躬率諸生試聽講席。晞學無不通，尤潛心《春秋》、《周易》。其說以《左氏》凡例得聖人之微，鄭康成象數極天地之蘊，學者校量攻擊，莫能窮奧突也。嘗做《論語》、《法言》著書十篇，發明聖賢道義之隱微，與古今治理得失，自題曰《聲隅》。歛歛瑣微論。其解曰：「聲隅者，併物之名。歛歛者，兼歛之聲。瑣微者，迷之之謂也。」又著《楊庭新論》十篇，指陳當世之務。景祐中，年四十矣，始隨鄉貢至禮部，又上五十策，求應直言詔科。俱以後時，不得與試。嘆曰：「老大不偶，豈能復從諸少年場屋間乎？然欲閱天下義理，觀未見書，當居京師。」遂僦舍僻處，而士子競造其門。一時公卿大夫交章論薦，朝廷用丞相韓魏公言，將以爲國子監直講。晞自謝於富丞相曰：「某豈任仕宦者邪？必不可辭，願得七品閑官還南方足矣。」特詔授太學助教，致仕。嘉祐二年，無疾卒於僦舍，囊無餘貲，惟著書數萬卷。閩人蘇頌方仕於朝，門人范遷、張粵議請頌主其喪，而韓魏公亦遣使爲幹殯，且奠以文，以爲晞之道德不用於朝，引爲己過。已，晞子挈櫬載遺書返，不能歸槨，殯

於江都縣楊子寺後圃，晞交游故人，因共爲復土，就葬其地。其未葬也，川陸之經繇者，識與不識，皆過其下，咨嗟留連，或爲歌詩京辭，或書名屋壁，至於木膚竹箨，題記殆遍。其無位而得民，至誠而感物如此！江都宰羅適爲作聲隅先生祠堂，而請蘇頌記之。

張伯玉 第進士，舉書判拔萃科。嘉祐中，爲御史，嘗攻宰相文彥博，彥博不自安而去。後出知太平府，時曾鞏爲司戶，伯玉一日語之曰：「吾方作六經閣，子爲我記之。」鞏數呈稿，終不合意，乃自爲之。其首云：「六經閣者，諸子百家皆在焉，不書尊經也。」鞏歎服，從此益勵。終司封郎官。有《蓬萊詩》二卷。

郭周孚 字仲先。嘗游蘇軾之門。熙寧間，調德清簿。遷閩縣令，聲譽籍甚。周孚事母至孝，居喪致毀廬墓。郡守欲以八行薦，力辭。以朝散郎通判興國軍。子擇仁，登第。

楊蟠 字公濟。爲密和二州推官。以詩知名。歐陽修贈詩有「卧讀楊蟠一千首，乞渠秋月與春光」之句。元祐中，蘇軾知杭州，蟠爲通判，與軾唱酬居多。後知溫、壽二州，卒。有集二十卷。

徐常 字彥和。父融，文學該貫，與陳襄爲友。常，登第，歟歷州縣，所至有聲。紹聖間，除廣南西路提舉常平，移福州轉運判官，繼知吉州。奸民猾胥，畏如神明。每慕二宋爲人，而與蘇氏兄弟游從甚久。嘗有詩云：「事業要須師二宋，文章端是學三蘇。」長蘇嘗稱其爲天下奇男子。

葉默 字彥思。徽宗時知泗州。會詔改宣梵院爲神霄宮，默極論漢唐之主崇信方士，廣建真館，困民力於興作，費財用於土木，非闡教明道之意。疏入，謫郴州。已，復官。卒贈通議大夫。

姚易 字夢錫。兩任教官。崇寧初以薦者召對，除諸王宮教授。踰年，授開封推官。滿秩，除通判。里人何述時爲府尹，每遇休沐，輒相與觴詠通夕，而與葉常、何去非相締尤厚，唱酬甚多。有《佔畢

集十卷。

徐壽 字君朋。知泰寧縣。會改鹽法，州縣令民間計口買鹽，民苦之。壽不肯從，願納袍笏。邑人會祀之。元祐中，按察使張汝賢以狀聞，特改京秩。

雷覺民 字將道。其父將得官而卒，祖悲念不已，覺民乃杜門十餘年，必繼父志。第進士，調漳浦尉，有聲。改湖州司錄。太守給軍糧不時，諸軍庭喧，覺民造喻之曰：「郡實空乏，吾今以經制錢代給。設府公不吾聽，吾當積月俸償之。」諸軍感謝退。知南華縣。丁母憂，廬墓三年。嘗倅鄉郡。未老，乞祠。年九十五卒。覺民嘗欲於官所嫁女，買婢隨嫁，既知爲宦家女，父死，買以歸喪，惻然爲擇賢士，輟女奩嫁之。盜毀其妻墓上亭，召盜來，與之米曰：「君饑餓故。」子光遠，興化理掾，光胄，通判廣州。

謝燾 字志遠。少穎邁，通貫經史，授邵武推官。岳飛、趙康聞其政美，同日薦之。改知光澤縣，累知衡州。

練幹譽 字克家。舉進士，調邵武尉，再任福州戶曹。尚書黃裳帥福，無鉅細，事悉委之。薦爲考城令，時督辦軍賦甚急，而民力匱竭，幹譽力爲請命。中官有私囑者，必置法。除知濠州。初，與王黼有庠序之舊，及黼當國，未嘗一造其門，遂奉祠。靖康初，嚴陵有警，經制翁彥國檄幹譽收捕。幹譽帥將上備禦，城賴以全。子竊，補通直郎，以廉稱。仲子末，見韋布。

黃齊 字思賢。祖展，父儼，並登第，而展尤有聞於慶曆、皇祐間。齊，歷起居舍人，進中書兵部侍郎。少有文藝名，後累官臺省。每進對徽宗，屢見稱獎。二蔡柄用，非時不見於私第。以顯謨閣待制知通州。

丘之立 字斯行。紹興初知順昌，廉明仁惠。縣遭兵後，力撫摩之。政先農業，田荒者借種與牛，寬其租限。訟息刑簡，民日阜安。

翁谷 字子靜。宣和三年，權知崇安。廉介善幹。浙寇邇閩境甚熾，團結鄉兵，立二寨控扼之。時與黃琮、陳麟，號「閩部三循吏」。提刑俞向，惡其不附己，誣以他罪，奏貶循州，道死。人咸冤之。靖康初，臺評論列，始獲昭雪。

范舜舉 字濟美。調河南新安縣尉，就除宿州教授。爲人夷易，事親無違，交友有信，遇人無賢愚，一待以誠。博聞強記，歉然常不足。子如圭。

如圭 字伯達。少從舅氏胡安國受《春秋》學。鄉舉、類試皆第一。廷對策，極論人主正心立志之方，力詆和議宴安之失，言甚壯切，爲考官抑置乙科，授左從事郎、武安節慶推官。始至，帥將斬人，如圭白誤，帥曰：「已署。」如圭正色曰：「節下奈何重易一字，輕數命耶？」帥矍然從之。居數月，以憂去。時虜騎已陷長沙，湘中大亂。如圭崎嶇避地，艱苦百罹，而志業益修，開口論議，皆切當世之務。辟江東安撫司書寫機宜文字。近臣交薦，召試，除秘書省正字，改宣義郎，遷校書郎，兼史館校勘。會秦檜力建和議，虜使鼎來，其詞悻傲，不可聽從。如圭與同省十餘人合議，并疏爭之，既具草，駭遽引却者衆，如圭獨手書詆檜，責其曲學倍師、忘讎辱國。檜怒，如圭卒與史官六人，上所議草。未幾，虜歸河南以嘗我，檜方自以爲功。如圭曰：「是亦安能久有？顧今日之義，則有不可不爲者。」乃因輪對，言：「兩京版圖既入，則九廟、八陵，瞻望咫尺，今朝修之使未遑，何以迎慰神靈，下萃民志？」高宗泫然曰：「非卿不聞此言。」立命遣使。檜以如圭不先白己，益怒之。如圭亦以先墓久寄荆門，中更變亂，乃謁告奉柩歸葬故鄉。既，



卽以病告，差主管台州崇道觀。前後三請。杜門讀書，不與人事者十餘年。尋起通判邵州，又通判荆南府事。荆南戶口舊數十萬，寇亂荒餘，無復人跡，朝廷爲蠲口賦以安集之，百未還一二，而議者希檜意，遽謂流庸浸復，可作稍輸什二而歲增之。吏不能供，顧無敢言，至是積逋二十餘萬緡，他負亦數十萬。戶部日下書責償甚急曰：「不，且有譴。」時檜晚節悖亂，喜怒不可測。爲戶部者又其姻黨，凶焰赫然。帥孫汝翼懼，欲賦民以塞責，如圭獨持之。無何，孫去。言於後帥，卽奏蠲焉。檜死，被命人對，高宗猶記前議，勞問久之。如圭因進言：「爲治，以知人爲先；知人，以清心寡欲爲本。」語甚切至。又論：「東南不舉子之俗，傷絕人理，請舉漢《胎養令》以全活之，抑亦勾踐生聚報吳之意也。」高宗善其言。時陳文恭公知政事，亦欲留如圭朝著，而同列有以檜黨暴起秉事者，忌如圭前輩，不媚事己，乃以直秘閣提舉江西常平茶鹽公事出之。辭行，奏請舉籍荆淮曠土，畫爲丘井，以修屯田，放古助法，酌今之宜。章下，任事者笑爲迂，寢不奏。至江西，論奏數事則皆一方久遠利。改利州提點刑獄公事，復請祠。時宗藩並建，儲位未立，道路竊竊有異言，如圭雖在遠外，獨深憂之，故嘗掇至和、嘉祐間名臣章奏合爲一書，至是囊封以獻。高宗感其言，語輔臣而歎之曰：「如圭可謂愛君矣。」遂留陳公決定大計。卽日，下詔進孝宗爲建王。因復起如圭知泉州。旣至，舉大體，盡下情，擇任丞史，蠲屬縣負課，度其力，而寬與爲期。南外宗官，寄治郡中，挾勢爲暴，至奪賈胡浮海巨艦。其人訴於州，於市舶司，三年不得直。占役禁兵以百數，復盜煮海利，亂產鹽法，爲民病苦。如圭皆以法義正之。則大沮恨，密爲浸潤以去。遂以中旨罷，領祠如故。僦居邵武，門巷蕭然。士大夫益高仰之，遠近學者多從質問。如圭亦孜孜朝夕爲引接。卒，年五十有九。後兩年，孝宗受內禪，而如圭已不及見。世亦莫知如圭之嘗有言也。久之，士大夫頗有見《紹興日曆》及陳

公手記者，然後乃知如圭之忠。子念德，弟如璋。

念德 字伯崇。受學朱門。初簿廬陵，不小其官，遇事亡所苟，遂以幹敏聞。就辟吉州從事。廬陵民素囂訟，念德致忠求情，廉勤捷於下，惻惻伸於上，於是小冤必白，奸無幸免。因葺其問事之堂，榜曰盡心。大書《噬嗑卦》受學於屏上。闢堂後爲方丈，以會文講學，而朱文公爲之記。他日，侍文公訪張南軒於長沙，同登衡嶽，多所倡和。文公疾革，囑其子在與念德、黃榦修正禮書，拳拳勉學。遷朝奉郎、江東帥機宜。仕終宜黃令。

如璋 字仲達。令萬載，行保伍甚整肅。任滿，絕盜。後朱文公託袁守張定搜求其法，深嘆其不可及也。

熊通 字述之。紹興初丞順昌。與丘之立同時，事事與協濟。縣當兵後，政無不舉，調建寧令。歷台州、臨江通判。爲人明敏而寬裕，渾粹有長老之德。未老掛冠，胡寅深器之。

鄭穀 字致遠。父鎮，任登仕郎，以詞學振鄉評。穀初就學，晝夜誦《中庸》不怠，父戲之曰：「此篇句讀易讀邪？」穀拱對曰：「竊意聖人之道在此書也。」旣冠，入國學，累舉未第，嘆曰：「昔之求道者尚友古人，未及大賢之門而可已乎？」遂走河南。值二程已逝，乃游謝良佐之門而學焉。重和元年，以八行舉。尋第進士，調御史臺主簿、秘書郎，出守臨江軍，乞祠歸。自號九思。穀執父喪，火延喪室，抱棺叩頭慟哭不去。已而，火焚柱至半止，人名止火柱。弟穀。

穀 字致剛，授安陸府教授，〔六〕權信陽縣尉，監南京酒稅，召爲御史臺主簿。張邦昌僭號，穀挺身見高宗濟州。旣卽位，擢監察御史，再遷諫議大夫。高宗至杭州，穀請察舉吳越賢俊之士，簡任拔舉以濟時。

艱。苗傅、劉正彥等逆亂，擁兵行宮門外，梟王淵首，悉捕斬諸內侍，逼尊高宗爲睿聖皇帝，請隆祐太后垂簾聽政，而立皇太子。高宗縉宰臣朱勝非下樓諭之，二凶猖獗不伏。穀廷立面折，且謂逆賊凶焰熾甚，非請外援無可爲者。乃上章待罪求去，且欲見呂頤浩議興復計。太后降詔不允。尋拜御史中丞。時二凶竊威福，肆殺戮，日至都堂侵紊機政。穀言：「黃門宦者之設，供掃除而已。與政事，則貪暴無厭。假兵權，則慘毒無已。故宦官用事，則生人受禍。匹夫力不能勝，則群起而攻之。是以靖康之初，群起而攻之者，庶民也。睿聖皇帝南渡，駐蹕未安，群起而攻者，衆兵也。今當痛革前弊，選擇其人。曾經事任招權納寵者，屏之遠方，俾無浸淫以激衆怒。仍諭軍法：便宜止行於所轄軍伍，其餘當聞之朝廷，付之有司，明正典刑，所以昭尊君之禮，全臣子忠義之節也。」疏留中不出。穀請付外行之，以爲少戢。又論黃潛善、錢伯言、呂源之罪。詔竄削有差。及聞召呂頤浩簽書樞密院事，又以禮部尚書召張浚，且分其兵，浚不受命，因謫浚郴州。穀知出二凶奸謀，具章乞留頤浩知金陵，浚不當貶。不報。穀遂遣所親變姓名，徒步如平江見浚等，且言城中事，以爲嚴設兵備，大張聲勢，持重緩進，使賊自遁，無驚動三宮，此爲上策。因賦《杜鵑詩》，令密示諸同署。浚等聞之，皆感激奮勵，爲赴難計。詔睿聖皇帝爲皇太弟，天下兵馬大元帥，幼主爲皇太侄。穀與御史王庭秀上疏力爭。太后召對，諭口：「今欲令睿聖皇帝總領兵馬爾。」穀奏口：「臣不知其他，但人君位號豈容降改？聞之天下，孰不懷疑？雖前世衰亂分裂之時，固未有旬日之間易兩君，一朝降兩朝位號者也。」太后遂令穀赴都堂商議。穀至，責問二凶，且曰：「太尉若要做官家，須是先殺了穀。」言甚激烈。劉正彥起曰：「某等荷中丞教誨，豈敢負國恩？中丞誤見疑。」遂不降詔。太后乃以穀與李邴並爲端明殿學士，同簽書樞密院事，力謀復辟。三日，高宗反正。張浚等率勤王之師將至

城下，然城中兵柄皆在二凶之手，穀恐變生不測，因說之曰：「今日主上復辟，皆出二公獨奮忠義，功蓋一時，但勤王諸公未嘗委曲。恐衆怒未息，兩兵相向，妄有殺戮。今欲暫除二太尉大使，領重兵出外少避，諸公入城，具言二太尉復辟之功，使三軍曉然無疑，然後大用未晚也。」二凶許諾。即日除苗、傅江南制置大使，正彥副使，領兵出城。纔閉關，張浚等兵已交鋒，苗、劉敗走。高宗卽除穀簽樞，特封建安縣開國男，食邑四百戶。穀自難作，夙夜盡瘁，至忘寢食，凡輔政百日而卒。高宗嘆悼久之，顧謂大臣曰：「朕喪元子，猶能排遣，於穀殆不能釋也。」謚忠穆。

吳棫 字才老。舉進士，召試館職，不就，除太常丞。忤時宰，出通判泉州。剛直有謀，明恕能斷。悍卒謀亂，一郡洶洶。才老命戮數人，談笑定之。所著有《書裨傳》、《詩補音》、《論語指掌考異續解》、《楚辭釋音韻補》，又作《字學補韻》。朱文公謂近代訓釋之學，惟才老及洪慶善爲優，遂據以叶《三百篇》之韻。其所作《韻補》，武夷徐藏爲之序曰：「才老長鬚豐頰，危冠大帶，進止閑暇。中和溫厚之氣，晬然見於色；仁義道德之音，藹然形於言。」藏從所從造官識之，退而嘆曰：「古所謂君子儒者，非斯人耶？」才老從容爲藏言：「擢第後，數年不求官，築室三間，中設夫子像，占書陳前，謝事凝神，以味古訓，常若游洙、泗間，而稱遜聖賢前後也。」才老評論古人前後賢否優劣，率能探其蘊奧，如與並時。平生著書皆淵源精確，自《補音》書成，然後《三百篇》始得爲詩，從而考古銘箴、誦歌、謠諺之類，莫不字順音協。其書，初引證甚博，懼其繁重，稍削去，獨於最古者、中古者、近古者各存三二行。復有稍增損，而才老沒矣。

王以詠 字永言。調江陵府刑曹，知含山縣。方逆虜猖獗，鄺瓊輩相繼叛逆，兩淮蹂踐，所至蕭條。以詠拊摩安靜，爲兵帥劉錡所知。大將岳飛、尚書趙康直聞其政美，同日論薦，改知光澤縣。疏剔滯訟，

剖決如流。累遷知衡州。嘗誦昔人語曰：「治公家當如私家，惜官物當如己物。」終任未嘗妄費妄獻羨餘。仕終朝散大夫。

朱懷英 字魯老。建炎初，詔求文武才略出倫之士，有司以懷英列上，詔從幸揚州，坐後至，罷歸。懷英上書，其略云：「楚懷王以五千里之地，帶甲百萬，不能報父兄之辱，臣嘗憤此，願爲朝廷啣命折虜，責之以義，然後大兵繼進。臣雖不免酈生之烹，亦足仰成陛下孝弟之志。」時方議和，不果用。呂頤浩贈以詩曰：「建安之山高倚天，建溪之水直如絃。建安人材更豪氣，名與山水爭流傳。往年國步偶欹側，上書欲得君王識。更欲携書見虜人，但知議論忘誅斥。滔滔天下皆如此，葉人解作朱君語。有語不用君何傷？留與人間作題史。」

葉薦 字宋穎。舉進士，調侯官丞。紹興中爲福建帥幕。汀寇作，被檄招懷，直造巢穴，諭以禍福，寇悉聽命。調羅源令，築白柯塘以捍田。所部寨官獲強盜二十餘人，（七）在法當賞，（八）悉從輕釋之。

李之邵 建炎初爲新喻武尉。隆祐太后幸虔州，扈從軍所過燔掠，遂爲叛。之邵拒之萬全里，兵敗不屈，賊蹙殺之。賊酋聞其將死之言，誅其害之邵者。邑人立祠萬全。慶元四年，邑令孫洵表其墓。

江安止 字元靜。靖康、建炎間知麗水。奸賊獄空，案無積牘。盜發鄰郡，預爲備，皆遁去。秩滿，民詣闕請留。六年去。後以其餽贍不受者，造摩剌支天象於廣福院，以報善政。

袁樞 字機仲。祖勝之，以信義聞。建炎間，張、范二寇欲屠其鄉，勝之挺身往說，遂引去。樞幼力學，嘗以《修身爲弓賦》試國子監，周必大、劉珙皆期以遠器。試禮部，詞賦第一人。調温州判官，教授興化軍。乾道七年，爲禮部試官，就除太學錄。輪對三疏，一論開言路以養忠孝之氣，二論規恢復當圖萬

全，三論士大夫多虛誕、僥榮利。張說自閣門以節鉞簽樞密，樞方與學省同僚共論之，上雖容納而色不怡。樞退詣宰相虞允文，示以奏疏，且曰：「公不耻與噲等伍邪？」即求外補，出爲嚴州教授。常喜誦司馬光《資治通鑑》，苦其浩博，乃區別而貫通之，號《通鑑紀事本末》。參知政事龔茂良得其書以奏，孝宗讀之嘉嘆，以賜東宮，及分賜江上諸帥，令熟讀之。他日，孝宗問袁樞何官，命與以寺監簿，於是以大宗正簿召。登對，即因史書以言曰：「臣竊聞陛下嘗讀《通鑑》，屢有訓詞，見諸葛亮論兩漢所以興衰，有『小人不可不去』之戒，大哉聖言，垂法萬世。」遂歷陳往事，自漢武而下至唐文宗，偏聽奸佞，致於禍亂。且曰：「固有詐偽似誠實，儉佞似忠鯁者，苟陛下日與圖事帷幄中，進退天下士，臣恐必爲朝廷累。」孝宗顧謂曰：「朕不至與此。」樞謝曰：「陛下及此，天下福也。」遷太府丞。時士大夫頗有爲黨與者，樞奏：「人主有偏黨之心，則臣下有朋黨之患。比年或謂陛下寵任武士，有厭薄儒生之心，猜疑大臣，親信左右，內庭行廟堂之事，近侍參軍國之謀。今雖總權綱，專聽覽，而或壅蔽聰明，潛移威福。願可否惟聽於國人，毀譽不私於左右。」孝宗方銳意北伐，示天下以所向。樞奏：「古之謀人國者，必示之以弱，苟陛下志復金讎，臣願蓄威養銳，勿示其形。」復陳用宰執、臺諫之術。時議者欲制宗室應舉鎖試之額，限添差嶽祠，減臣僚薦舉，定文武任子，嚴特奏之等，展郊禋之歲，緩科舉之期。樞謂：「此皆近來從窄之論，人君惟天是則，不可行也。」遂抗疏勸孝宗推廣大以存國體。兼國史院編修官，分修國史。章惇家以其同里，宛轉請文飾其傳，樞曰：「子厚爲相負國欺君，吾爲史官，寧負鄉人，不可負天下後世。」時相趙雄總史事，見之嘆曰：「無愧古良史。」權工部郎官。累遷兼吏部郎官。兩淮旱，命兼視真、揚、廬、和四郡。歸陳兩淮形勢，謂：「兩淮堅固，則長江可守。」遷軍器少監，除提舉江東常平茶鹽，改知處州，赴闕奏事。樞之使淮人對

也，嘗言：「朋黨相附，則大臣之權重，言路壅塞，則人主之勢孤。」時宰不悅。至是又言：「威權在下，則主勢弱。故大臣結臺諫，以遏天下之公議。今朋黨之舊尚在，臺諫之官未正紀綱，言路將復荆棘矣。」除吏部員外郎，遷大理少卿。通州民高氏，以產業事，下大理，殿中侍御史冷世光納厚賂曲庇之，樞直其事以聞，人爲危之。孝宗怒，立罷世光，以朝臣劾御史，實自樞始。手詔權工部侍郎，仍兼國子監祭酒。因論大理獄案請，<sup>(九)</sup>有予郡之命。既而貶兩秩，寢前旨。光宗受禪，叙復元官，提舉太平興國宮，知常德府。寧宗卽位，擢右文殿修撰，知江陵府。江陵瀕大江，歲壞於巨浸，楚故城、楚觀在焉。爲室廬，徙民居之，以備不虞。種木數萬爲捍蔽，民德之。尋爲臺臣劾罷，提舉太平興國宮，自是三奉祠。力上請制，人比之疏傅、陶令。開禧元年，卒。樞臨民以治辦聞，立朝則敢沃忠諫，克盡乃職，爲世師表。所著有《易傳解義辯異》、《童子問》等書。

謝天民 字彥先。紹興十年知仙游縣，有興學起廢之功。又置田積歲收，爲異時修葺計。天民雅有文藻，所著《學田記》，樸贍有體。

林光 字子輝。敏悟有文名。歷韶、循二州教授，累知信豐縣。部使者上其政績。卒於承議郎。嘗著《建安志》十卷，考究精確。又著《兵論》、《迂論》數十卷。

黃山庚 字道卿。乾道中知南康。猾胥奸民表裏夤緣，由庚正其詭俠，破其囊橐，田里晏然。

李大正 字正之。乾道中尉遂昌。去，爲會稽令。念遂民不忘，求知其邑事。既至，判滯案，均賦稅。淳熙中，縣提點知南安軍，理賦稅，計利害，皆窮源剔末。所蒞事，判決如流，毫髮快人心。

葉文炳 字晦叔。舉進士，調晉江簿。遲次家居，致書請益於朱文公。及至官，文公告以居官臨民

之法。時顏師魯爲守，事多咨之決。汀州境上豪民相讎敵，帥張忠定選官撫諭，衆皆憚行，文炳獨請往，既至，折之以理，諸豪皆伏。再攝獄、攝舶，拒絕苞苴，不遷就公卿貴人請。師魯以與徐誼、陳傳良並舉於朝。秩滿，調劍浦令，改閩縣丞，未上，服母喪。既闋，調筠州錄參。前後兩太守寬嚴不同，文炳砥其所偏資助之。嘗言：「獄事至重，當顧理是非，不敢徇喜怒。」獄有巨援，文炳爭守入之。守有所欲人，文炳故緩其事，待其自覺露。既前後守多媿以服。邊事作，調兵於州，營卒憚行，頗洶洶，文炳諭以國家豢養厚恩，使奮前戮力，復白州優賞之，皆聽命。改秩，知仙游。決累年滯訟，出死獄，增廩養士，像故相葉正簡公於學。富室有不便民者，累政不能奪，聞部使者窮治之。差役久爲平民害，勸立義役，均產通差。故例，建工役責之僧刹，文炳私毫無所專配。每與同官語曰：「貪污自多欲尚侈始，小官俸廩幾何百爾，皆欲如意，不受賂安從得？清心寡欲，正本澄源，乃吾儒功用。」秩滿造朝，會有旨許曾作縣人言事，文炳條便宜三事以獻。通判和州，將之官，服父喪，尋卒。

楊與立 字子權。受業朱文公之門。知遂昌縣。因家蘭谿，學者宗之，稱船山先生。所輯有《朱子語略》二十卷。

李宗思 字伯諫。教授蘄州，專以古人爲己之學教人。

李勳 知漳州，建小學以教民。真西山稱其著文章之錄，長政事之科。

王洪之 嘉定間知沙縣。廉明不苛，時稱能吏。召拜大理評事。

吳勢卿 字安道。寶祐中知處州。大旱，行義倉法，計口勸分。松陽盜起，糾率義民勦除，（一〇）悉平。尤留心學政，口講《四書》、《西銘》，以淑後生。



丘富國 字行可。受學朱氏之門人。爲端陽簽判。宋亡，不仕。著《周易輯解》十卷、《經世補遺》三卷、《易學說約》五篇，發明朱氏宗旨。

張諒 字子京。與弟貢學《易》於丘富國。著《經史事類》並《書澤》三十卷。後賜秩翰林應奉文字。

姜明 知安福州，安集逃移，建理庶務，人安政平，稱聲一時。

程夢桂 知建寧縣，愛民重儒雅，捐俸二十餘緡增新邑學。又爲祠以祀先賢。

艾淑 字景孟。早游太學，善畫龍。與陳所翁同舍，時稱「二妙」。仕海寧軍節度判官。

### 元科第

延祐五年戊午進士 雷機德潤子。

泰定元年甲子進士 張復

至順三年壬申浙江行省鄉試 雷杭機弟。第一人。

元統元年癸酉進士 雷杭

至正元年辛巳浙江行省鄉試 雷燦機子。

二年壬午鄉科 雷拱（一）機弟。

七年丁亥鄉科 雷燧

十年庚寅鄉科 雷枋 雷燦再舉。

十五年乙未科 李仲容 雷櫟

十九年己亥科 雷烜

二十二年壬寅鄉科 雷燉 江敏德

二十三年癸卯進士 雷燧

二十六年丙午進士 雷埏

二十七年丁未浙江行省鄉試 楊恭叔第一。傳見皇朝。蘇境 雷櫟 楊文叔恭叔弟。第三人。黃普

保 宰獻 盧清 余哲 張伯仁 陳孟隆 鄒文慧中浙江鄉闈科試。無考。

薦辟、人才賢者雜見列傳中。

有傳

張復 雷德潤子機、拱、(一三)杭。機子燦。鄒天瑞 鄒文慧

張復 字伯陽。仕建寧路知事。師事鄭儀孫，學《易》，得丘氏之傳。嘗輯諸儒論議，編《性理遺書》。

雷德潤 字志澤，一名逢辰。父龍濟，見韋布。德潤學邃於《易》，旁通諸子及律曆術數。舉明經，除福州路教授，積學庾之餘，買田三百餘畝，以給貧士婚喪老疾者，號義士莊，人爲建祠學宮。調長樂簿，卒。子機、拱、(一三)杭。

機 字子樞。元詔行科目，閩中擢第自機始。授古田丞，遷延平總管府知事。沙縣民，豐於財，身沒子幼，族有強暴，欲據其業，賄於上下，訟久弗定。機下廉吏鞠之，竟白。改邵武總管經歷。邵長官，西域人，恃與憲部有連，與守議稍不合，遽引杖擊守，守俛首遁，機曰：「苟如此，天子法安在？」獄有不平，與庭辯，不爲屈。調興化尹，察豪大姓數家，置之法。其臨事，燭見秋毫，邑稱雷神。已，察知邑中賦役不

均，率吏民焚香祝天，出矢言。祝已，令各實田，隨高下爲定。每一鄉畢，具揭姓名，皆驩悅。莆、仙二縣與錄事司之民並來訴郡，願得雷侯爲我定賦。已，則又驩悅。丁內艱，服闋，轉湖廣儒學副提舉，月書、季考，具有成法。擢延平總管府推官。順昌、尤溪、沙、南平數縣疑獄，株連累歲，悉得解釋。建義學，延鄉貢進士陳竑願教之。羅天麟反，汀界上，立堡柵，集丁壯，盜不敢犯。陞惠安尹，究心學政，以興禮讓之俗，三歲最諸邑。代還，民立祠樹碑，鄉井幾遍。除汀州總管府推官，築城開濠，以實保障。申屠嗣僉事閩部，行郡至汀，稔知機賢，悉委訟牒。已，不俟引年，遽上休致。朝廷嘉其廉退，陞翰林院待制，陪朝散大夫。機驅幹魁梧，方面美髯。居官，尤盡心獄事，夜參半，孤燈熒熒，繙閱成案不休，曰：「人命至重。」爲人嚴而不苟，和而不流。所著文辭，森嚴演迤，有《龍津》、《龍山》、《鄞川》、《環中》、《黃鶴磯梅》、《易齋》、《碧卡環》七稿。子燧，見皇朝；燦，見下。

拱（一四）字君實。興化縣尉。以公廉正直稱。壬辰歲，因羅天麟亂，委守海口，卒於官。

杭字彥舟。與兄機、拱，以《易》鳴於時。嘗著《周易註解》行世，時稱《雷氏易》。授儒學提舉，遷武平縣尹，調潮陽。以死事贈奉化州知州，官其子煜爲同知。

燦字景星。仕泉州路塗嶺巡檢。閩中亂，起兵助王師。死，贈上杭縣主簿，祀學宮，官其子壻。

鄒天瑞字文祥。任建寧路教授。元季風化陵夷，天瑞首唱文學，諄諄以忠孝廉節開士，士爲振起。

鄒文慧字季和。任司訓。元末謝職，服柴桑巾服，講程、朱學。本郡理學，推文慧爲首。

〔校記〕

- 〔一〕「寶祐四年丙辰」，各本原作「寶祐四年甲寅」，據方詩銘《中國歷史紀年表》改。
- 〔二〕「詔百官同考定」，各本原作「詔百官同考定」，據《宋史》本傳改。
- 〔三〕「百官所定」，各本原作「百官所定」，據《宋史》本傳改。
- 〔四〕「進寶文閣待制」，各本原作「寶進文閣待制」，據文義及宋朝官制改。
- 〔五〕「通濟積潦，民獲田數十萬畝」，各本原作「通濟積民潦，民獲田數十萬畝」，據文義改。
- 〔六〕「安陸府」，各本原作「陸安府」，據《宋史·地理志》改。
- 〔七〕「二十餘人」，各本原作「餘十人」，據文義改。
- 〔八〕「賞」，疑作「刑」。
- 〔九〕「因論大理獄案請」下，當脫「字」，《宋史》本傳作「外」。
- 〔一〇〕「糾率義民」，各本原作「糾率民義」，據文義改。
- 〔一一〕〔一二〕〔一三〕〔一四〕「拱」，疑作「拱」。

# 閩書卷之九十三

英舊志 縉紳

建寧府 建安縣二

## 皇朝科第

舉人 進士子、午、卯、酉是舉人，辰、戌、丑、未是進士。

洪武四年辛亥按以上三科，〔一〕以庚戌鄉試，辛亥廷試者。洪武卽位之初，科試未定，至後十七年，始有定期。黃仁

十七年甲子 李增 劉伯 謝瑤 鄭賜俱府學。 葉規 葉復 葉耀

十八年乙丑 葉復 葉耀 葉規 李增 鄭賜

二十年丁卯 張炯 王進 吳僧 陳閩 范益俱府學。 林鑰

二十六年癸酉 黃勝黃一作葉。 劉賢 葉文暉俱府學。 劉復

二十七年甲戌 劉復

二十九年丙子 程賜 謝悌 趙維文俱府學。 李文保 徐因

三十年丁丑 程賜

建文元年己卯按建文年號，(二)已經詔書仍舊。今改洪武三十一年仍稱建文元年。楊子榮解元。雷填

二年庚辰 楊子榮更名榮。雷填繼子。

四年壬午 江鐵 江貞 田忠 雷埒

永樂二年甲申進士舊志有洪武三十五年一榜。考是歲革除，故元年開科，而二年甲申會試。江貞 江鐵 田忠

三年乙酉 鄭洙 謝泚 吳春 魏春俱府學。張珂 連智 葉溶 雷鐸 閔富 江濟

四年丙戌 吳春 謝泚 葉溶 張珂

六年戊子 雷吉生第二人。鄒恒俱府學。謝泌 張琦

七年己丑 雷吉生

九年辛卯 陳原祐 葉璫俱府學。楊禮應天中式。黃燧

十年壬辰 陳原祐

十二年甲午 朱泗 連均

十三年乙未 連均 連智

十五年丁酉 雷鏐府學。吳仕

十六年戊戌 雷鏐

十八年庚子 張疇 雷壇府學。魏琮 趙震 葉鉉

二十一年癸卯 陳昇

宣德元年丙午 龔錡

四年己酉 李蒲解元。 朱櫻

五年庚戌 龔錡第二人。

七年壬子 朱奎府學。 雷潛 楊文燁

十年乙卯 陳順德

正統三年戊午 劉福 楊琦

六年辛酉 范光

七年壬戌 劉福

九年甲子 徐慶

十二年丁卯 張敏 吳鑑

景泰元年庚午 楊璋 謝挺 吳琮 連銳 謝濂

四年癸酉 龔沆錡子。 謝文瑤 楊仕倬

七年丙子 楊瑛解元。 雷溫 鄒員 袁朗

天順元年丁丑 楊仕倬榮孫。

三年己卯 楊仕倬榮孫。 楊仕偉榮孫。

四年庚辰 楊瑛

六年壬午 陳琦 雷鴻 吳真

成化元年乙酉 江沂貞子。 趙欽

二年丙戌 江沂

五年己丑 龔沅

七年辛卯 黃輔

十年甲午 雷仕旂府學。〔三〕

十一年乙未 楊仕偉 雷仕旂〔四〕 陳祥

十三年丁酉 楊晃更名旦。榮曾孫。 葉忠俱府學。

十六年庚子 黃奎

十九年癸卯 楊旦榮曾孫。

弘治三年庚戌 楊旦

五年壬子 朱陞

八年乙卯 楊易榮曾孫。 滕霄

十一年戊子 魏浚 楊昉榮曾孫。 楊宗榮玄孫。

十四年辛酉 楊邁榮玄孫。

十五年壬戌 滕霄

十七年甲子 滕遠

十八年乙丑 滕遠

正德二年丁卯 雷士檀

倪域舊志不載縣貢。



三年戊辰 楊易

十四年己卯 朱鉉

楊京

嘉靖元年壬午 黃封

十年辛卯 楊應詔

十三年甲午 楊珪應天中式。

十九年庚子 楊承祚 楊肇榮六世孫。

二十二年癸卯 楊世臣 雷金科

二十八年己酉 謝丰 張存義 楊巖 林命

三十一年壬子 楊棐崇孫。

三十二年癸丑 楊棐 雷金科 張存義 林命

三十四年乙卯 李仕 楊成名 陳烈 朱江 楊廷表

三十七年戊午 謝璿 朱洛

四十年辛酉 楊東第四人。

四十一年壬戌 楊成名 陳烈

四十三年甲子 雷用龍

隆慶元年丁卯 楊可學 楊譽

萬曆四年丙子 龔釜 潘樞 楊廷猷棐子。

七年己卯 張應詔

十年壬午 童敦吉 陳熠

十三年乙酉 鄒希賢 吳夢斗

二十年壬辰 鄒希賢

二十二年甲午 方守正 楊百朋承檳子。

二十五年丁酉 陳圭

二十八年庚子 龔上遴

三十一年癸卯 楊穩

三十四年丙午 謝天性第二人。 李正芳 張素養

三十七年己酉 陳策 鄭朝彥

四十年壬子 林邦棟 葛士謙 江士英 徐天倪第二人。

四十一年癸丑 張素養

四十三年乙卯 黎應時

四十四年丙辰 江士英

四十六年戊午 林聞馨第二人。

薦辟、人才、貢士、監生賢者見列傳中。

有傳

黃仁 劉伯 雷燧子瑱，孫鴻。鴻子仕權。仕權從弟仕廣。（五） 張昌齡 蘇伯厚弟仲簡。 鄭賜 楊榮孫

仕徽、仕偉，曾孫昂、旦、昉、易。昂子崇。六世孫鑒。七世孫集。族人成名、徵、珪。 楊壽夫 江貞子沂。 張崇 王

銘 江鐵 田忠 吳春 張珂 鄒熙從弟烜。 雷吉生 謝善 楊禮 陳原祐 朱泗 朱挺子燦。燦子

隆，孫法。 連均 連智 雷燧 葉彬 方直 王英從子銳附。 龔錡子沅。 朱奎 雷潛 楊琦 劉福

楊瑛 黃潭 雷譚 白住 楊鏹 楊崧 吳昇 陳鈞子漢。 雷樂 倪文烜 魏浚 滕霄 謝丰

張存義 雷金科 林命 朱江 楊承禎子百朋。 林德卿 謝瑤 葉廷溥 楊組 陳楠子烈。 雷用

龍 楊致 雷成烈 朱東光 謝大經 林大豐

黃仁 字淵靜。其曾祖定，宋末居六合，爲兵馬副都監，與元戰，敗走，居處之龍泉。唆都攻處，復隨州兵戰，亦敗，唆都擒定，將殺之，定女叩唆都馬求解。唆都義之，釋其縛。使從掠地閩中，權授忠武校尉、建寧路下千戶，命領兵擊沙縣。定曰：「吾宋臣也，不能死，賴泚矣。奈何加兵向之？」引疾固辭。居甌越，將終老焉。仁，溫純能詞章。少時，朝出受《易》於部使陳孟然，暮抵舍質疑其仲父居德，內外皆得師，學日進，如雲集水湧。洪武辛亥，有司以仁名上福建行中書省試藝。棘闈主文衡者，爲前進士林以順，吳尚志、江唯志、郭麟，取捨甚嚴。及出榜，選中三十人，仁居第四，年始弱齡耳。明年會試南宮，銓曹急用材，不俟再試，擢奉常贊禮郎。仁，初名文仁，有司以犯周西伯諱，加水其左，曰汶仁。及解名中書，右丞相汪廣洋曰：「仁，義甚弘，可冠以汶乎？」第爲名仁。仁受學朱文憲，廉甚愛之，爲作《黃淵靜字辭》。而仁仲父居德者，亦奇男子，年十六時，中程試高等。諸老生不中，譁於庭。居德請面試，譁者持筆不能下，面頸發赤出。後改名保元，爲鄞都丞。

劉伯 字孟清。少有意氣，識趣超邁。爲萬州學正，甚有才名。而於人事應接之間，多剛毅弗屈，遂以事免官。

雷燧 字景賜。父機，見元縉紳。燧，洪武中授翰林院編修兼起居注。屢被顧問。奉命修舜陵，歿於官。子瑱。

瑱 字原中。舉進士，授工科給事中，糾劾無避。永樂二年，奉命鎮守蘇、松、常三府。撫綏兵民，一歲中，章四十上。繼奉命巡撫廣西，搏擊豪強。卒官，漣衣半篋，詩文、奏稿數帙而已。子鴻。

鴻 字景儀。歷瑞安、海陽二學訓導。莊謹繩潔。教人無大小，咸有法度，繇其道者，率成端士。

仕檀 字季芳。知安順州。安順，貴羈縻地，仕檀稍以漢法誘治之。上酋韋公沙者，素桀黠難馴，皆俯首襲冠帶，受約束，遣子弟入學。有指揮縱奴殺人匿屍，獄莫能決。仕檀求得，置法。有盜官錢，事敗，輒反噬制吏，仕檀引例坐之。擢河南府同知，賑饑捕蝗如不及，以餘力斂才訓兵。遷吉府長史。從弟仕梅。

仕梅 字元芳。自戶部郎出爲浙江僉事，陞廣西副使、浙江右參政，致仕。尚書楊旦謂仕梅大節有三：歷官中外，囊橐蕭然，自處裕如也；閉門掃却，養高林下，自守凜如也；方不入時，正不諧俗，自信確如也。

張昌齡 字有年。博學善吟，嘗從杜本、蔣易游，甚有時名。洪武十一年，薦至京，陛見之日，太史奏卿雲見，太祖大悅，是日同舉者十有三人，特旨俱除僉事，不避籍貫。昌齡得福建按察司，未幾致仕卒。

有詩集一卷，《飯牛庵漫錄》一卷。

蘇伯厚 名埈，以字行。父照，見元韋布。伯厚孝行見重，累薦不起。洪武乙丑，以明經授建寧訓導，後學多所造就。陞晉府伴讀，未赴。永樂初，預修《太祖實錄》，遷翰林侍書，復預修《永樂大典》，陞檢討，兩典春闈文衡，進講東宮，卒。伯厚學本誠實，議論皆有根據，有《素履集》。子鑑，永樂間以明經授中書舍人，官至稽勳郎中。弟仲簡。

仲簡 名境，以字行。善文辭，與兄伯厚、弟叔敬、季雅，自相講授。洪武初，以明經薦授崇安學訓導。

鄭賜 字彥嘉。舉進士，授監察御史。時天下初定，法令嚴肅，郡邑吏坐罪逮繫者多。既解戍命，賜就龍江編次其行伍，時暑甚，賜諭以上恩，慰撫之，脫其鉗械，俾各就居止，旦一詣視，有疾病羸弱者，捐祿米饘粥之，皆感悅。湖廣布政司奏缺官，賜秩滿，遂與檢討吳文，並出爲參議。二人同德協力，剷弊去蠹，清簡寬直，最爲知名。丁內艱，服除，改北平布政司左參議。成祖在藩，賜服事甚謹，被眷愛，而謀國者疑之，謫置安東屯。未幾，召爲工部尚書。既命，督軍務河南，拒靖難師。成祖卽位，李景隆言賜罪亞齊、黃。逮至，上問：「吾何如待汝，遂相背耶？」賜曰：「亦盡臣職耳。」上笑釋之，改刑部尚書，復轉禮部，寵遇日隆。後稍衰病，不任官冗，爲侍郎趙鼎所間，益惶悸周章。上心輕之。頃之，卒。上問翰林臣曰：「賜不病遽死，自盡耶？」楊士奇對曰：「病矣，惶悸不敢就醫藥。昨在右順城門外立而仆，臣命其屬掖出之。」語未竟，上曰：「賜，故君子，才不贍耳。其撰文遣祭使，工部與之棺。」翰林諸臣退，上獨召士奇曰：「微汝言，吾幾疑之。」遂贈太子少師，謚文安。賜小心恭慎，易直和厚。學士解縉嘗於上前稱其足爲君子。

楊榮 本名子榮，字勉仁。任翰林編修。成祖入金川門，與群臣迎見馬首，曰：「殿下先謁陵乎？先即位乎？」成祖啞然。曰：「固當先謁陵。」已，與解縉、楊士奇、胡廣、黃淮、胡儼、金幼孜被選入文淵閣，付之密務，兩制悉歸焉。內閣典機務，自子榮始也。時靖難之初，朝政鞅掌，百官奏事，自旦及午，閣臣造宸前，呈文起草，承顧問，商機密，率漏下十數刻始退。子榮年最少，而最警敏通練。一日，寧夏虜報至，上召七臣，獨子榮在。小子榮奏，而曰：「爾後進也，寧解此？何以禦之？」子榮對曰：「聞寧夏城堅，士卒習戰，度虜今退，勅守臣隄備可耳。」上顏色頓回。夜半報圍解。旦召曰：「何善料也。」因獨名榮。上時至閣中閱七臣所治，咸稱皆轉官，榮陞修撰。仁宗立爲皇太子，以侍講進右春坊右諭德，兼侍講如故。其秋，召對左順門，喜榮敬慎，賜象笏、幘頭、公服、三品金織紵絲衣。疾，命中官、御醫通夕守視，時報病狀。既愈，入謝，上喜，命更休息旬餘。五年，命視邊甘肅。還奏稱旨，上手剖瓜賜之。自是以榮習邊，凡三奉使。值父母喪，並奪情。上三巡北京，三征虜，獨榮與學士胡廣、諭德金幼孜扈從。八年，從征虜，使掌護衛勇士三百，不隸於諸將，賜駕前先鋒銀牌。還京，請終制。賜金幣、馳驛，勅中官護行趣歸。既至，復榮家。自是，兼命輔導皇太孫。是時中外祥瑞數見，侍臣數進詩歌賦頌。每端午、重九，擊毬登高，賦詩應制，上親第高下，賜黃封寶楮。榮數在左右，賜賚尤多。十八年，進文淵閣大學士兼翰林院學士，階奉政大夫。北京營建，規制多出榮。至磚石灰礫之尤，悉志埋示後。亡何，三殿災，直入麾衛士遷御書圖籍。翌日，上喜，賜銀、酒鍾、古銅器、鈔幣諸物。始上簡七臣爲親臣，其後多坐輔監國得罪，獨榮與廣、幼孜，上內嚮之。榮尤警敏見親，稱學士不名。榮於政體人情，靡不諳練。邊徼險易，將帥勇懦，盡周知之。付度事會，動中機括。衆論異同，徐以片語折衷。其待人，廓然無所疑碍，推挽薦進，及於遠方，下士

有餽謝，亦不之却。人譏榮濫，不知向人意。盡不忍絕也。（六）上晏駕榆木川，榮密議秘不發喪，液錫爲裨其含斂，益嚴軍，若上生。訃於皇太子，衆疑所報，或謂假他事作勅寶書，榮曰：「皇太子前，孰敢稱勅，莫若具啓。」人皆聽之。仁宗卽位，進嘉議大夫、太常寺卿，兼前職。有間，進太子少傅，兼謹身殿大學士，階資善大夫。尋勅賜「繩愆糾謬」之章。始，大行訃至，仁宗哀亂，不及詳問當時事。痛定，乃知勅，曰：「先帝崩殂，六軍在外，卿盡忠謀，鎮定果斷。曩際荒悼，報卿甚微。加賜白金五十兩，綵幣十表裏，寶鈔二萬貫，白米二十石，特陞工部尚書，前官如故，三俸俱支，卿當領服。」其冬，勅護葬山陵。元年，懇辭尚書俸，仁宗曰：「先帝賓天，朕違膝下。卿盡力綱維，瞻奉几筵。念之弗諼，特予三俸，夫豈越踰？」遂進資善大夫、太子少傅，兼謹身殿大學士，贈及其祖考。勅修《太宗實錄》，命其總裁。仁宗崩，宣宗卽位，復命總裁《仁宗實錄》，益推心委任。榮與楊士奇、楊溥協恭輔政，天下稱爲「三楊」。士奇曰：西楊，溥曰南楊，榮曰東楊。而果斷之才，卒歸榮也。宣宗親征漢庶人，棄交趾之議，皆自榮發之。二年，賜勅曰：「古君臣同心同德，兩無嫌猜，所以明良相遇，千載一時。卿祇事我皇祖考，忠誠一致。今事朕，知無不言，言無不當。特賜卿鍍金銀刻圖書五顆，曰『力直剛正』，曰『忠孝流芳』，著卿實也；曰『關西後裔』，曰『建安楊榮』，曰『楊氏勉仁』，著卿族系名字，表而敬之也。卿體朕意，永永無斁。」上數賜榮圖書、珍玩、酒肴。遇節序游幸賞翫，君臣賡唱，或宴凱瑞應，頻有撰述。中外嘆一時同心同德之盛。上食鯽魚，賜榮勅曰：「南京進鯽魚，朕獻宗廟，薦母后，尚食方進，股肱賢臣，念同饗之，特賚賜卿，侑以醇酒。思古者君臣宴樂，有『嘉魚』之詠，複製一詩見意。」食枸杞酒，勅賜曰：「服此可延年益壽。」食石榴，復賜之，而副之詩，曰：「文詞淺近，卿無吝改正。」五年，進少傅，仍兼二職，階榮祿大夫，三俸俱支。榮辭大學士俸，允

之。有頃，誥贈三代。滿三載，賜勅獎諭。宣宗崩，英宗卽位。復護葬山陵，復總裁實錄，進少師。正統初，天下休息，榮有力焉。五年，請告展省，命馳歸，中官護行。趣還京北上，卒武林驛。上輟朝一日，誥贈特進、光祿大夫、左柱國、太師。謚文敏。勅中官護喪。榮不令其子仕進，亦不爲乞恩。既卒，特授子恭尚寶司丞。仲子讓、三子錫，俱見韋布。孫仕儼、仕偉。曾孫昂、旦、昉、易。玄孫崇。六世孫肇。七世孫棐。

仕儼 字敬甫。舉鄉貢，授中書舍人。俄坐從子都指揮暉所累，調惠州衛經歷。軍吏振肅，戒無犯法。郡守以下有事，皆就咨訪。士子多執經從學。擢桂陽州同知。仕儼性無他好，獨嗜書，見奇書輒重購之，雖目眚，手一卷不釋，或從人假借，下至僮僕。亦善贖寫。所與交，皆當世名人。

仕偉 字景奇。成化中任兵部主事。坐佐都指揮暉爲中官汪直掣縛考掠，竟不能有加。左遷台州府判，未上，卒，年四十一。仕偉雖世宦，不事驕奢，刻苦力學，年位未稱，人咸惜之。

昂 字孔顯。弘治中以蔭知香山縣，蒞政愷悌，馳譽廉能。薦調順德，致仕。後，子崇以粵僉憲至香山，順德民曰：「舊父母胤也。」爭先迎之。

旦 故名晃，字恒叔。有詩才。任順天通判，陞治中。正德中，引疾歸。闢陶園居之，以淵明白況。鄭吏部善夫，每淹留唱和。尋起南戶部郎中，再疏乞休，進南太僕寺少卿，致仕。

旦 字晉叔。舉進士二甲第一，授吏部驗封主事。歷考功郎中，兩司觀察，黜陟允當。倪文僖岳、馬端肅文升甚重之。端肅峻急難近，旦時持正議。嘗考察京職，有被黜而資緣奏辯，奉旨再覈。端肅倉卒欲改擬，旦曰：「祖宗來未有此例。倖門一開，後將謂何？」都御史戴恭簡珊啗是之。端肅亦悟，竟覆



罷。陞太僕少卿，改太常。乞恩歸省，卽還朝，中官劉瑾欲要見不得，遂以違限例，出知温州。時瑾偵邏旁午，州郡吏凜凜苦誅求，旦獨鎮以靜，大書「上帝臨汝，毋貳爾心」於座右。居二年，陞浙江副使，提督學政，拔寧波余本於久屈之中。本，廷試及第，竟爲名卿。瑾誅，陞應天府丞，進尹。順天巨寇劉六等流劫近畿，流民殍食京師，道殣相望，作叢塚收葬之。陞南禮部右侍郎，攝國子監事。武宗在位十餘年，皇儲未建。與九卿具疏，請擇宗室之賢者，育於宮中。尋轉左，兼太常寺事。改戶侍，奉勅總督京、通等倉。西羌回賊犯順，甘肅驛騷，廷議推文武大臣總制三邊。奉勅督理糧餉、開中鹽課，以其餘均給三邊，及賞齎哈密有功人，哈密人推戴上恩，誓不敢負。尋陞都察院右都御史，總督兩廣軍務，兼巡撫。時枉道禁嚴，念母老，疏請便展省，允之，且賜蟒衣、羊酒、寶鏤。既至，肅紀綱，飭武備，省刑獄，汰苛濫。番禺、清遠、河源等縣蘇崗十八山、滴水巖、青龍岡、帽子峰等寨，猺獠負固稔惡，所過大肆焚掠。旦調集官軍土兵，命僉事王宗源、都指揮董禎等分道並擊，斬級萬一千有奇，俘獲四千一百有奇，奪回擄掠男女二百三十有奇，牛馬輜重不可勝紀。璽書褒獎，兼有錫賚。宸濠之變，南贛撫治都御史王文成守仁移咨援兵，旦卽委兵備僉事王大用、朱昂、都指揮歐儒、于大經整旅以行。仍會總督、總兵，檄副使汪鉉、都指揮董禎、達官都指揮馬英率驍勇五千繼之。而鉉意不欲前，遂專委大用統領，直薄南昌。前後九咨文成，又咨巡撫湖廣都御史秦金，選漢達兵三萬餘，將親率以往，而宸濠已就擒矣。田州府土官岑猛，知府岑濬族黨也。弘治間，濬亂，猛降級指揮僉事，因功陞指揮同知，夤緣奏辯，覬復舊官。會龍州知府趙源亡嗣，襲以侄相。猛因黨其妹所立假子韋璋者，賂京還驛使，詐傳詔旨起兵，遂襲破龍州逐相。猛、璋並請託於旦。猛圖以功贖罪，璋圖奪龍州。旦並執不可。當國者，廣人也，子弟素與叛人通。而巡撫於本兵，歲當有厚

餽。且並拒杜之。內外交怒，乃嗾巡按廣御史誣劾旦，吏部駁白不行。未幾，聞母訃，奔歸。嘉靖初，起掌南院。尋陞南戶部尚書。尋改南吏部尚書，復改北，具疏力辭，不允。會桂文襄等、張文忠孚敬以中旨陞學士，旦率部院疏論切至，用是忤旨，遂爲給事中陳洸所誣劾，下吏部議。時左侍郎何孟春覆題，亟辯其誣，竟有旨令致仕。科道交章辯雪，家居先後論薦，俱不報。旦祇事三朝，敬歷中外，精心受事，介節持官。早孤，奉母至孝，雖顯貴不衰。月朔，具衣冠，率子姓拜文敏公祠，退立諸堂下，訓以忠孝大義。年七十一，危坐而逝。

昉 正德間知宣平縣。恬靜明敏，振興士類。擢吉安府判，士民思之。

易 字乾叔。舉進士，歸養嫡母。嫡母卒，起授戶部主事，歷員外、郎中。嘉靖初，與同官諍大禮，廷杖。陞湖廣右參議、雲南按察副使。博雅好古，有《嘉會詩稿》、《石雲困學集》。

崇 字遜夫。任刑部司務，與同官諫武廟南巡，廷杖。改吏部，陞祠祭員外，出爲廣東按察僉事。珠池內臣解某憚崇嚴明，餽遺甚腆，崇峻却之，略無假借。倉大使夏某誤人大辟，廉情與釋免。改官滇南，以伯父年高不欲遠去，乞休歸。

肇 字彥初。博學工文。初爲吏部司務，上弭災四疏，會有厄之者，出補教職。旣任浙運判，尋判潮陽，擢臨江同知。所著有《雲松谷稿纂集》、《文敏公年譜》。

棐 字賓周。父敦，見韋布。棐起家峽江令，不能善事貴人，浮沉中外。久之，乃爲肇慶守。會廣中有羅旁之役，督府令高要市馬百，令任之矣，棐曰：「高州乃有善馬，馬必三四十金，高要安得金三四千，而令市馬百乎？」卒減十之九。縣人轉饒，口至山而罷，棐曰：「至山，萬一無護，而以爲誠，必此輩也。」

戒至河返，令士自負之。力裁浮冗，郡中乃省八千。（七）裴節用愛人，尚畫十餘條，未行而卒，士民如喪考妣，瞽者亦望府門而哭，哀詞至千餘章。喪歸，奔送爲罷市。子廷猷，袁州知府，世其家。

成名 字志完。授武進令，爲政廉決，以忤時解歸。門閥雖高，無豪華態。嘯咏南野，有《少虛山房詩集》。

徵 以歲貢任九江推官，陞德慶知州。毀淫祠，建學，撫綏猛獍，以廉靜得其心。

垚 字守謙。授清浦知縣，乞乞以風力聞。戢奸盜，徵逋租，不畏強禦。尋被構，降調承天教授。陞荊州府判。遼王以午節命駕出郭，垚陳阻之，王怒，拘責跪殿三日，夜會雷火擊殿，得釋。調韶州判，致仕。孝友睦族，結社賦詩。年八十三。子延秀，以例貢授南昌府知事，遷寧國丞，居官有清尚，事父母至孝。母死，廬墓三年。

楊壽夫 父文叔，元末與兄恭叔舉浙江鄉試。恭叔，洪武年薦甌寧訓導，改建安。壽夫名松，以字行。通《春秋》。孝友篤摯。建文辛巳，郡守芮麟薦授縣學訓導。秩滿，諸生請留，陞本學教諭。歷二十餘年，多所造就。典考鄉試者五，會試者二。宣德中，楊文貞輩交薦之，陞翰林院編修，預修《宣廟實錄》。陞修撰。正統中，致仕。

江貞 字彥清。永樂初授禮科給事中。特立不附。一日奏對，成祖見其頰面，以爲被酒，謫充吏。踰年，上悟，特除龍游知縣。政務大體，惠愛在民。卒於官。子沂。

沂 字本達。少豪邁不羈。以監察御史出按外藩，綽著能譽。陞四川副使，守備松藩。乞歸。號虛舟老人。有《虛舟集》。

張崇 字存高。永樂中以太學生授蕭山知縣。時京師營建宮殿，崇隨宜酬務，上不失事，下不勞民。擢通判撫州，轉處州。所至仁恕愷悌，清節著名。

王銘 知德安縣。邑有虎患，人禱城隍，一夕雷擊虎於縣西之箬山囒。重建文廟，不費於民，豈弟樂易，士民感德。

江鐵 字志堅。舉進士，預修《永樂大典》，擢監察御史，累官廣東布政參議、浙江按察副使。爲人小心恭謹，而立朝則糾懸繩愆，凜然正色。至其家居，復見恂恂。

田忠 字伯邑。選翰林庶吉士，預修《永樂大典》，慎密專勤。書成，拜繒楮之賜，陞南兵部郎中。

吳春 知婺源縣。摧豪猾，清獄訟，均徭役。始至時，民有逋租數年未輸，從容勸率，無幾悉辦。事隙，輒至學舍與諸生講說。飛蝗入境，引咎籲禱，蝗悉赴水死。卒，民思之。

張珂 字鳴玉。初授行人，薦陞贛州知府。人覲稱職，受名馬、楮幣之賜。坐累充吏。薦除宗人府經歷，改稽勳郎中。練達老成，陞浙江參政，致仕。

鄒熙 字孟輝。沉默醇厚，博極群書。繇歲貢任德慶同知。寬綏莊蒞，民安其政。從弟烜。

烜 字允輝。以舉人授御史。時有奏江陰侯不法者，奉命訊鞠，盡得其情。竟坐脚，左遷衛經歷。終沔陽知州，致仕。

雷吉生 字祐之。爲御史，正色不阿。累按江西、湖廣、山東，所至風裁。漢庶人將爲不軌，具以上聞，不報。後漢庶人誅，以先言反狀得免連坐。尚書李慶，八用才幹得上意，恣睢公卿間，吉生露章劾之。出爲交趾宣化知縣，時蠻夷初附，人心頑獷，且畏吉生嚴明，遂醢之。後李慶敗，方擬召用，而吉生死

矣。

謝善 任監察御史。以清苦聞。

楊禮 字尚文。任稽勳主事，陞南京文選郎中。居官清苦。

陳原祐 嘉興通判。治稱嚴辨。

朱泗 字文魯，文公八世孫。除壽州判官。改徐州，值歲饑，白督運，留京運以賑民。民有被誣殺人者，廉得真殺人者，釋之。言當道以黃榦、蔡沈、劉燾、真德秀配文公祠爲請於朝，得行。

朱挺（九） 字孟齡，文公九世嫡孫。醇朴謙謹，動遵繩墨。景泰壬申，錄文公後，得世襲翰林院五經博士。子燉。

燉 字孔暉。補翰林院博士，直質好義。謁選北上，遇盜橐罄。家人拾得遺金，燉廉知爲同舟胡智物，畀還之。胡後丞甌寧，時時舉以告人。同邑有喪於省城無所歸者，燉爲殯還焉。子陞。孫法。

陞 字元階。爲大理司務，每舉「殺不辜，寧失不經」二語，爲同列勸守正。時忤堂官，轉戶部郎，權北新關。洗手奉公，人莫能污。乞休歸，服食儉約，如未仕時。

法 字兆祖。補翰林院五經博士。孝事繼母，友愛諸弟。醇謹謙和，介然有守。

連均 字士平。登進士，授監察御史。遷江西布政參議，轉四川左參政，陞江西右布政使。所至有能聲。歷仕垂四十年，產業如舊。

連智 字景賢。篤學謹行。選翰林庶吉士，除修撰。預修《永樂大典》及《五經四書》。子鏞，見章布。

雷鏐 字有融。初，選翰林庶吉士，預修國史、改監察御史、巡按雲南，考察藩臬以下官員，無少假貸，奏戮內臣採辦害政者十九人。時守帥頗驕蹇不法，每以厚利啗巡歷者，鏐分毫無所取，守帥懼，預遣人構之京師，及鏐復命，以「操南音」出知蕪湖縣。都御史顧佐特薦於朝，陞浙江按察僉事。處州草寇葉宗留竊發，設計勦滅之。勅巡視浙江、福建海道，許便宜行事。未幾卒。鏐居官，所至清謹。既卒，浙人作詩哀之，有「除却數函書籍外，別無一物載歸舟」之句。

葉彬 字允均。父溶，知鄱陽縣。一日公出，暴水壞廨垣，彬祖母令人權撤板榜爲蔽，讎家發其事，彬母聞法當論死，欲以身代。彬時年十歲，卽詣官首實，祖母得收贖。獄上都察院，逮問拷掠，一詞得旨宥免。未幾，父卒，祖母亦故，彬從母扶柩還家。母躬紡織，以給彬學。彬學有成。歷六安、虞城二學教諭。

方直 永樂十六年繇國子生選知海寧縣。忠信敏練，治聲翕然。擢御史。

王英 知崇明縣，徙建城郭，創縣治，百方經畫，犁然就理。從子銳，亦以新城令補是邑，審驗人戶，分九等，定賦役法，選秀敏庠上，講經課業。天旱蠲生，爲文祭八蜡神，卽雨三日，年爲大有。葉文莊公盛立石刻文記之。

龔錡 字台鼎，一字良器。博學善詩，字書遒勁，授翰林編修。坐累失官。正統戊辰，沙、尤盜起。應募爲大軍鄉導，至高陽里爲賊所害。所著有《蒙齋集》。子沅。

沅 字孔殷，一字志澄。弱冠知名，與進士，授工部屯田司主事。督稅兩浙，有清聲。

朱奎 景泰初教諭安遠。作新學舍，以學問迪士。

雷潛 字孔昭。正統初授武選主事。遷屯田郎中。扈從北征，死於土木。

楊琦 字建玉。初任陽春訓導，改温州。坐落職。所著有《四書辨疑》。

劉福 字崇善。除監察御史，歷四川按察僉事、陝西按察副使、河南按察使。所至持憲嚴明。陞浙江布政使。朝議擬陞都御史，以歲造不稱，左遷陝西按察使。卒官。處家厚倫，常篤恩義。

楊瑛 字希玉。本浙江山人，父嗽，任建安丞，遂家焉。資性明敏，文氣英發。舉進士，選爲庶吉士。曹欽之變，入朝遇害。贈翰林編修。

黃潭 字孟廣。繇歲貢任永新知縣。居官廉慎。劉文安定之贈之《種蔬圖詩》，以美其廉。

雷譚 字彥器。繇貢士授工部營繕司主事，改戶部陝西司。以勤敏稱。

白住 爲人孝友，繇貢任漢中府判。

楊鏞 字文銳。繇貢士授靈武知縣。事兄銑，友愛情切。自少至老，手不釋卷。建安人士，多出其

門。

楊崧 字夢岳。繇貢士授廣州府學訓導。改香山，爲人謹厚，士樂與之。

吳昇 繇歲貢任楚府審理正，進階，賜五品服。博學能文。

陳鈞 字熙載。以歲貢爲曲江訓導，加意訓士，捐俸資貧。居二年，謝歸。居家孝事二親，因母疾，精醫。留心濟人，貧病來者，施以藥餌，兼資米粥。有以急告，輒脫身上衣賙之。出見筍魚籠鳥，市而縱

焉。除夕立門首，有索負者，代之償。收田租必小其量。人稱德善。子漢。

漢 字章甫。父年八十餘，定省不懈。父行，執杖隨之。父好施，樂助濟人。後以歲貢授建德訓導，

縣尹欲創鼓樓，諸生慮妨學宮，漢力引諸生止之，尹不從，慨然曰：「吾父老矣！」遂棄歸。

雷樂 字韶可。廣州府學訓導。雅好古禮，士遵其教。

倪文烜 字顯道。弘治間以監生任蘇州通判。陞本府同知。居官廉勤，六年考績，稱最。

魏浚 字啓源。授寧國同知，有治才。嘗平反南陵生員張真抵死獄，真後登顯仕。

滕霄 字子冲。選翰林庶吉士，授編修。轉修撰，預修國史。進講經筵。陞司經局洗馬。清慎敦

厚，爲文純正典雅。一時，翰學咸推重之。

謝丰 字文度。任信宜令。有詩名，與王世貞、吳國倫諸公游。

張存義 字宜甫。授番禺令，有聲。以刑部郎出知惠州，時盜賊充斥，水旱不時，道殣相望，捐俸及

罰鍰市棺置亭中，令亭長視之，戒口：「有求卽施，毋得留難。」月課諸生，親評文義。庫失金，忽有神降，

索而得盜，人謂誠感。擢鹽運使。以疾乞歸。囊金不滿百，悉出以買祭田，周族黨。

雷金科 字公憲。歷禮部郎中，不附分宜相，左遷鹽官。尋擢寧波知府，繕城堡，習技擊，稽伍符。

暇，課藝膠序。士民尸祝於慈湖書院。

林命 字子順。令溧陽，金壇，有聲。擢諫垣。首疏議革冗官，復條閩中致寇六事，得借留都積帑及

閩中屯鹽之賦肆拾萬餘，以充軍餉。出參楚藩。晉廣東廉訪。尋有忌者，左遷金華推官。星移南部，遂

解組歸命。提身高潔，居常撮集古人嘉言懿行爲《正氣傳》自警。歷官十餘年，一稟清白而憂國公忠。議

論封駁，不以詞色假人。遇公正，輒發憤。所著有《正氣錄》十卷、《春秋訂疑》十二卷、《陽溪堂集》十六

卷。



朱江 字兆民。授石城令。軫恤流移，大著清節。

楊承禎 字世興。博學，善古文詞。以貢上司訓興化，加意造士。擢北流縣。縣故有小河稅，瑋欲增之，力爭不可，且阻其委官之擾。有狼狽，常以調用爲苦。承禎靜鎮之，得其歡心。竟以不能脂韋，拂衣歸。承禎四歲喪父，事母至孝，加意祖廟墳墓。賙窮睦族，友誼甚篤。有子服官，每遺書戒之，曰：「貧不能自存，便是好消息。」真義訓也。子百朋。

百朋 字元重。孝友醇厚，令合浦。中貴人權採開珠，視守令蔑如，百朋據禮不爲屈。以卓異擢戶部郎，管理淮閘，裁罷日供，羨輸縣官。守吉安，益勵清操。丁外艱，服未除，卒。

林德卿 字懋官。父釗，見閭巷。德卿繇歲貢訓導登州。擢令博興。奉父戒，以親民爲主。邵陵王索賦急，德卿條陳不可狀，王怒，繫逮之，里老力爲請命，王稱德卿「鐵頭閩子」。又條陳減博興清軍數，御史大異之，爲疏請。尋以父老，致仕。監司宋公嘗與德卿同官，知其廉，贈之金百，謝曰：「吾寧前夷後跽？」年八十五，卒。

謝璫 字天儀。父勳，見閭巷。璫善詩賦，工古文詞。初授懷寧諭。補教上虞。陞石城令。適海寇猖獗，司道檄往率兵。抵境，賊望風遁。尋殲其渠魁。歲旱，雪祀齋宿，露禱三日，遠近沾足。秋穫瑞谷，一本九莖，繙紳作歌紀之，石城建生祠，鑄善政四十餘條，置縣治左。

葉廷溥 繇歲貢任太平訓導，陞教。新添衛學。孝友，輕功名，爲李肅愍所器。致仕歸。

楊組 字公佩。繇歲貢歷台州教授，擢潯州推官，尋致仕。性醇行樸，事繼母，畜異弟，以孝友聞。歷宦蕭然，好行其德。

陳楠 剛直戒持。繇歲貢歷任九江教授。所至訓士，先禮義。貧者，却其贄。未室者，用俸爲娶妻。子烈，守處州，貽以真文忠《心》、《政》二經，曰：「良二千石規也。」

烈 字思紹。起家紹興府推官。勢家人陷於辟，獄具，烈爲平友。時有以墨敗者，覈賂遺籍，獨亡烈名。直指薦第一，擢監察御史。疏奏中貴人，又抗論執政，尋出守處州。甃堤濬堰，均田平賦。擢廣東監軍副使，督諸軍擒斬惠、潮劇盜藍一清、朱良寶等，巢穴悉平。念親老，乞歸。

雷用龍 字君用。令漢陽，廉敏愷悌，有惠愛聲。擢南通知州，卒於官。

楊致 以歲貢除河源知縣。內事拊循，外嚴備禦。尊重鄉飲鄉約，以教民化俗。有藩大吏夜出，紙索饋遺，竟無所應。河源文物寥然，致物色二人，並登科第。

雷成烈 以歲貢任寶應訓導，宜黃教諭。孝友敦行，懷古人之志，外泯廉隅，而內嚴介守。

朱東光 字元曦。祖爇，父植，俱見韋布。東光初授平陽令，補任祁門，以卓異選授戶科給事中。出爲僉事，備兵潁州。用治河功，加陞二級，爲廣東副使。征海蠻有功，人奏給賞。行勘，爲有力者所忌，奉母家居十餘載。起補廣西參議，征猺獞有功，陞俸一級，歷廣東參政。復以倭功，陞俸一級。秩滿，請老歸。

謝大經 以歲貢任福州府學訓導。聞親喪，奔歸，殯葬以禮。服闋，杜門不出。

林大豐 字以大。隆慶間繇恩貢授長寧令，再補乳源，遷河南判。所在清勤著聲。

〔一〕「按以上三科」，當作「按以上二科」。

〔二〕「按建文年號」，各本原作「按建文元年號」，據文義改。

〔三〕〔四〕〔五〕「甯士旂」，本傳及《甯仕權傳》作「仕旂」，當是。

〔六〕「盡不忍絕也」，疑作「蓋不忍絕也」。

〔七〕「省八千」，疑有脫文。

〔八〕「尚書李慶」，各本原作「尚書卒慶」，據下文及《明史·七卿年表》改。

〔九〕「朱」字，各本原脫，據傳記目錄及本傳補。

